

# რ ე ვ ა ზ

## რჩეული თხზულებანი

ოცდახუთი ტომიცა

თანამედროვე ქართული ლიტერატურის კლასიკოსის, რუსთაველის პრემიის ლაურეატის, რევაზ მიშველაძის შემოქმედება კარგანია მსოფლიო ლიტერატურის ორგანულ ნაწილად იქცა.

„საქართველოს მაცნე“ გამოსცემს პროზის დიდოსტატის რევაზ მიშველაძის რჩეულ თხზულებათა ოცდახუთტომეულს.

მკითხველი ამ ტომების წაკითხვისას ადვილად დარწმუნდება, რომ მწერლის ჟანრულად უაღრესად მდიდარ ნაწერებში ჩანს არა მარტო საქართველოს პრობლემები, არამედ ქართული სარკმლიდან დანახული მსოფლიოც.

# მ ი შ ვ ე ლ ა ძ ე



## ჩ უ რ ჩ უ ლ ს ბ ა ლ ა რ ი ე უ ლ ი კ ა ს ე ი

რომანი

*ცოფი*

XIV



გამომცემლობა „საქართველოს მაცნე“

ISBN 978-9941-16-228-2 (ოცდახუთივე ტომი)  
ISBN 978-9941-16-314-2 (XIV ტომი)

რედაქტორი: **მერაბ ცაგარეიშვილი**

კომპიუტერული  
უზრუნველყოფა: **მავრა ბანცური**

© რევაზ მიშველაძე, **რჩეული თხზულებანი ოცდახუთი ტომად**  
© **გამომცემლობა „საქართველოს მაცნე“**, თბილისი, 2013

მისამართი: თბილისი, 0179, ალ. ჭავჭავაძის გამზ. №27

## პირველი თავი

### აპრილი

ქუჩაბანდს მოაჯირიანი აივნების ჩრდილი მაქმანივით ახატია.

ქვაფენილს ცალკერძ ჩამოყოლ-ჩამოჭურჭურებულ რუში იხვეები სხედან და ყვითელ ნისკარტებს აქმუტუნებენ.

შიგადაშიგ ულამაზეს თავებს შეთანხმებულებივით მაღლა ასწევენ, მწვანეჭიშკრიანი ეზოს სარდაფიდან დაძრულ წუილ-კაკუნს მიაყურადებენ და ისევ ქვებში მიკარგულ წყალს უბრუნდებიან.

ჩაყოფენ ნიჩაბა ნისკარტებს რუში, აჩინჩხლაამღვრევენ, მერე ყიპყიპით, ოდენ მათთვის გასაგებ იხვურ ენაზე გაეხმაურებიან ერთმანეთს, წყალს ფრთებზე გადაივლებენ და ქვაფენილზე დაეშვებიან.

უეცრად ქვემოდან ხმაური მოისმა.

ნამიცი და ქუჩა სახეგაფაციცებული მოქალაქეებით გაივსო.

მდუმარე ლაშქარი ზევით, ვერისხიდისკენ მიიჩქარის.

იხვეები ერთიმეორის მიყოლებით შეტყაპუნდნენ გზისპირას დაგდებულ ჟანგისგანშეჭმულ მილში.

მიტოვებულ მილში შეყუყული იხვეები ვერასოდეს გაიგებენ რომ ქვეყანას რევოლუციის ქარმა დაჰბერა.

იმპერიამ, რომლის მოქალაქეებადაც ვითვლებოდით, რყევა დაიწყო და საქართველოს ცაზე თავისუფლების ვარსკვლავის შორეულმა ციალმა ყველანი აგვიყოლია.

ასე რომ, რისთვისაც ადამიანები ქუჩებში გარბი-გამორბიან, ჭემმარიტად ღირს უწყინარი იხვების მყუდროების დარღვევად.

თბილისში მიტინგების და დემონსტრაციების ცეცხლი ანთია.

მე ვარ გელა კირთაძე, ლიტერატორი, ჟურნალ „ნუგეშის“ რედაქტორი.

არცერთი პოლიტიკური პარტიის წევრი არა ვარ, მაგრამ ჩემი მოვალეობა კარგად ვიცი: მომავალ თაობებს უნდა დაუტოვოვ გაღვიძებული საქართველოს ცოცხალი სურათები.

შეიძლება ითქვას, დღე-ღამეს ვასწორებ. მიტინგიდან გვიან ვბრუნდები და სტრიქონებს ჩავკირკიტებ. გავსებულია ჟურნალ-გაზეთები ჩემი ნოველებით, ჩანახატებით, რეპორტაჟებით...

„ჩემში აღმოჩნდა ამფეთქებელიო“, გალაკტიონი რომ წერს, მეც იმ დღეში ვარ. ასე მგონია, სკოლის მერხიდანვე დაიბადა ჩემში მე-

ამბოხე და შეურიგებელი ოპოზიციონერი საბჭოური წყობილებისა.  
გუშინ ძველ ხელნაწერებში ვიქექებოდი და სტუდენტობისდრო-  
ინდელ „დილოგს“ ნავანყდი:

„სოკრატე – აქ რა გინდა, ჰიპოკრატე?

ჰიპოკრატე – შენ დაგეძებდი, სოკრატე.

სოკრატე – რა იცოდნი, აქ რომ ვიქნებოდი, ჰიპოკრატე?

ჰიპოკრატე – ახლა გაზაფხულია, სოკრატე. მზეს ძალა მოემა-  
ტა. შენ დროული კაცი ხარ და მზეს მიეფიცხებოდი, ძვლების გა-  
სათბობად.

სოკრატე – ახალგაზრდა რომ ვიყო, ჰიპოკრატე?

ჰიპოკრატე – ახალგაზრდა რომ იყო, სოკრატე, მაშინ ამ მყუ-  
დრო ადგილას, მდინარის პირას, მინდორზე, კი არ დაგინყებდი  
ძებნას, არამედ ჭადრების ჩრდილში მობურთავეს, ან მიტინგის  
არენაზე კენჭებით პირში, ორატორობაში მოვარჯიშეს.

სოკრატე – შენ ორატორობას რას ეძახი, ჰიპოკრატე?

ჰიპოკრატე – როცა იმას ამბობ, სოკრატე, რაც ენაზე მოგადგე-  
ბა და, რასაც გონება გიკარნახებს.

სოკრატე – გონება ხომ იმას გიკარნახებს, ჰიპოკრატე, რაც ენ-  
აზე მოგადგება?

ჰიპოკრატე – რომ გიკარნახოს, უნდა გქონდეს, სოკრატე.

სოკრატე – რა, ჰიპოკრატე?

ჰიპოკრატე – გონება. მე ასე მესმის, სოკრატე

სოკრატე – რა სჯობია, ჰიპოკრატე, გონებამ მცდარი აზრები  
გიკარნახოს, თუ არაფერი გიკარნახოს საერთოდ?

ჰიპოკრატე – მცდარი აზრი, სოკრატე, მხოლოდ ვილაცისთვის  
არის მცდარი, ხოლო ვილაცვილაცისთვის იგი სწორი აზრია.

სოკრატე – სანამ სიმართლეს გაარკვევდნენ, მე ხომ ჩემი დამე-  
მართება, ჰიპოკრატე?

ჰიპოკრატე – გააჩნია, მსაჯული ვინ იქნება, შენ ხომ ბრძენი  
ხარ. შენ გგონია, შენი სიბრძნისა ყველას სჯერა, სოკრატე?

სოკრატე – სიბრძნე, რომლისაც ყველას სჯერა, სიბრძნე აღარ  
არის, ჰიპოკრატე.

ჰიპოკრატე – ეს როგორ გავიგო, სოკრატე?

სოკრატე – როგორ და სიბრძნე იმდენად მართალი უნდა იყოს,  
რომ განსჯას და ეჭვს ექვემდებარებოდეს, ჰიპოკრატე.

ჰიპოკრატე – მაშ, შენი აზრით, მდგრადი, მუდმივი ჭეშმარიტება  
არ არსებობს, სოკრატე?

სოკრატე – როგორ არა, უცვლელი სიბრძნე მხოლოდ ის არის,  
რომ ყველაფერი ცვალებადია, ჰიპოკრატე.

ჰიპოკრატე – თუ ყველაფერი ცვალებადია, რატომ არის, რომ ასი წლის წინათ ნათქვამს დღესაც ვიმეორებთ ხოლმე, სოკრატე?

სოკრატე – ისინი, ვინც ასი წლის წინათ ნათქვამს სადღეისო გაკვეთილის ფასს სდებენ, ღრმად, ცდებიან, ჰიპოკრატე. შეიძლება ენდო მხოლოდ ზოგად, უცილობელ ჭეშმარიტებებს. სხვა ყველაფერი განსჯის, ეჭვის ქურაში უნდა გაატარო, ჰიპოკრატე. ცხოვრება მდინარესავით ცვალებადია, ხოლო ერთ მდინარეში ორჯერ ვერ შეხვალ, ჩემო კარგო ჰიპოკრატე.

ჰიპოკრატე – სახელმწიფო როდის ინგრევა, სოკრატე?

სოკრატე – როცა ხალხი მიხვდება რომ ბაბილონის გოდოლს აშენებდა და მოსწყინდება მონურად ცხოვრება, ჰიპოკრატე.

ჰიპოკრატე – მონურად ცხოვრებაში რას გულისხმობ, სოკრატე?

სოკრატე – რას და ერთნი რომ იდეებს ისვრიან და მეორენი ანგარიშმიუცემლად მუშაობენ, ჰიპოკრატე.

ჰიპოკრატე – შენი აზრით, სახელმწიფოს დასანგრევად ეს საკმარისია, სოკრატე?

სოკრატე – სავსებით. თუმცა არსებობს დამჩქარებელი სამუალებანიც, ჰიპოკრატე.

ჰიპოკრატე – მაგალითად, სოკრატე?

სოკრატე – მაგალითად, როცა სახელმწიფოს თავი გაუთავებელ ლაყბობას მოჰყვება, ჰიპოკრატე. როცა ახალი ცხოვრების დაწყების სურვილი აქვს, მაგრამ ამ სურვილის ფრთებშესასხმელად მხოლოდ ენას ატარტალებს, საქმით კი ძველ ცხოვრებას ვერ შელევია, გესმის, ჰიპოკრატე?

ჰიპოკრატე – მესმის, სოკრატე, მაგრამ, რომ დაინახო შენი შეცდომა, ამისათვის ხომ არის საჭირო შეცდომა დაუშვა. უფრო გასაგებად რომ ვთქვა, საგანი შეცდომით გააკეთო?

სოკრატე – რა თქმა უნდა, ჰიპოკრატე!

ჰიპოკრატე – ხოლო საგანი რომ შეცდომით, მრუდედ, გააკეთო, ამისთვის ხომ დროა საჭირო, სოკრატე?

სოკრატე – სამწუხაროდ, ასეა, ჰიპოკრატე.

ჰიპოკრატე – ესე იგი, დრო რომ გავა, მერე გაირკვევა, რომ ესა თუ ის კაცი მცდარი გზით მიდიოდა. ასე არ არის. სოკრატე?

სოკრატე – ჭეშმარიტებაა, ჰიპოკრატე. სწორედ ამის გამოა, რომ შემდეგ მოსულმა თითქმის ყოველთვის იცის, რაში ცდებოდა ადრე გამვლელი.

ჰიპოკრატე – მაგრამ ეს ცოდნა მისი ჭკუის დამსახურება ხომ არ არის, სოკრატე?

სოკრატე – არა, ჰიპოკრატე, დროის დამსახურებაა.

ჰიპოკრატე – რაკი ასეა, საერთოდ, შთამომავალი წინაპარს ყოველთვის რალაცაში არ ეთანხმება, ხომ, სოკრატე?

სოკრატე – დიახ, ჰიპოკრატე, მაგრამ ჭკვიანმა შთამომავალმა ყოველთვის იცის, რომ მისმა წინაპარმა შეცდომა სწორედ იმიტომ დაუშვა, რომ მემკვიდრეს ის შეცდომა აღარ გაემეორებინა.

ჰიპოკრატე – ესე იგი შთამომავალი წინაპრის მაღლიერიც უნდა იყოს, თუნდაც სრულებით არ ეთანხმებოდეს მის მიერ განვლილ გზას, სოკრატე.

სოკრატე – გონიერი შთამომავალი წინაპრის კერიის ღველფზე არასოდეს დააფსამს, ჰიპოკრატე, თუნდაც იმის შიშით, რომ მემკვიდრენი მასაც ისევე არ მოექცნენ.

ჰიპოკრატე – შენ ბრძენი ხარ, სოკრატე, და გთხოვ მიპასუხო: რომელიმე კეისარი, ან რომელიმე დრო გამოდგება ჭეშმარიტების კამერტონად?

სოკრატე – არა, ჰიპოკრატე. კაცობრიობა იმიტომ იცვლება და ვითარდება და ცხოვრებაც იმიტომაა საინტერესო, რომ გონება სრულყოფილი სისტემის ძიებაშია და დღემდე ვერ უპოვია.

ჰიპოკრატე – თუ მოხდა სასწაული და იპოვა, სოკრატე?

სოკრატე – ვერ გეტყვი, მაშინ რა იქნება, ჰიპოკრატე. ან საყოველთაო ჰარმონია-განცხრომა დალუპავს კაცობრიობას, ან ქვეყნად საშინელი მოწყენილობა დაისადგურებს.

ჰიპოკრატე – შენ-ჩემობა სანამ გაგრძელდება, სოკრატე?

სოკრატე – სანამდისაც კაცობრიობა იარსებებს, ჰიპოკრატე.

ჰიპოკრატე – მაშ, შენ ამბობ, რომ შეუძლებელია საერთო საკუთრება, სოკრატე?

სოკრატე – საერთოში რას ჰგულისხმობ, ჰიპოკრატე?

ჰიპოკრატე – ყველასი, ხალხის საკუთრება, სოკრატე.

სოკრატე – ის რაც ყველასია, არავისი არ არის და ის, რაც არავისია, ყველასია, ჰიპოკრატე. საკუთრება იმას ჰქვია, რომ საგანს ვილაცამ უნდა უპატრონოს. რაც ყველასია, იმას არავინ ჰპატრონობს. შენ წარმოიდგინე, სხვის რწყილებს ჩემი რწყილები მირჩევნია, რაკილა ჩემს რწყილებს ჩემი სუნი ასდის, გამიგე, ჰიპოკრატე?

ჰიპოკრატე – მაშ, საყოველთაო თანასწორობა შეუძლებელია, სოკრატე?

სოკრატე – ასეთ რამეზე ფიქრიც კი სისულელეა, ჰიპოკრატე. რას ჰქვია თანასწორობა, მაშინ, როდესაც ამოდენა დედამინაზე ორი ზუსტად ერთნაირი ტყუპისცალიც კი არ არსებობს. როდესაც ზუსტად ფოთოლსაც კი არ იმეორებს ღმერთი.

ჰიპოკრატე – თუ თანასწორობა შეუძლებელია, ეს იმას ხომ არ ნიშნავს, სოკრატე, რომ სუსტნი სამუდამოდ განწირულნი არიან ძლიერთაგან დასაჩაგრავად?

სოკრატე – ჩემს ხელებს დახედე, ჰიპოკრატე. სხვადასხვა ზომის და ძალის თითები ერთმანეთს ხომ არ უშლიან. ასე უნდა იყოს დემოსშიც. სუსტსა და ძლიერს შორის კანონი უნდა ჩადგეს.

ჰიპოკრატე – იმპერიის მიერ დაპყრობილი პატარა ერები როდის გათავისუფლდებიან სოკრატე?

სოკრატე – როცა იმპერია დაინგრევა, ჰიპოკრატე.

ჰიპოკრატე – ქვეყანა როდის ინგრევაო, შემახსენე, სოკრატე?

სოკრატე – როცა კანონს ძალა არა აქვს, ჰიპოკრატე.

ჰიპოკრატე – როდის არა აქვს კანონს ძალა, სოკრატე?

სოკრატე – როცა კანონის დამრღვევენი რიცხოვნობად და უფლებრივადაც გაცილებით სჭარბობენ კანონის დამცველთ, ჰიპოკრატე.

ჰიპოკრატე – თუ ღმერთი გნამს, ჩრდილს შევეფაროთ, ამ სიცხეში ტვინი ამიდულდა, სოკრატე.

სოკრატე – სიამოვნებით, მაგრამ აქ მთაა, ხოლო მთაში ჩრდილს რომ შეეფარები, მართალია, მზისგან თავს დაიფარავ, მაგრამ ტანზე შეგცივდება, ჰიპოკრატე.

ჰიპოკრატე – ესე იგი, რაც ტანს უნდა, ის თავს ყოველთვის ხელს როდი აძლევს, სოკრატე?

სოკრატე – დიახ, ჰიპოკრატე.

ჰიპოკრატე – ბრძენო სოკრატე, გამოსავალი არ არის ამ საქმიდან?

სოკრატე – როგორ არა, ჰიპოკრატე.

ჰიპოკრატე – მასწავლე და მთელი სიცოცხლე შენი მადლიერი ვიქნები, სოკრატე.

სოკრატე – სულ ადვილია: მზეში თავზე უნდა დაიხურო, ჰიპოკრატე“.

ხელნაწერს 1962 წლის 15 სექტემბერი აწერია.

მაშინ მეოთხე კურსის სტუდენტი გახლდით.

„დიאלოგის“ გადაბეჭვდა და რომელიმე რედაქციაში მიტანა არც მიცდია.

ვიცოდი, არ დამიბეჭდავენ.

რამ დამაწერინა?

იმ თვეებში ძველი ბერძენი ფილოსოფოსების კითხვით ვიყავი გატაცებული და გენიალური მოაზროვნეების, ერთი შეხედვით, „უბრალო“ საუბარი ჩემს სანუხარზე ამიგია.



ორიოდე შტრიხით ჩემს პორტრეტს მოვხაზავ. ვინ იცის, იქნებ მერე და მერე დრო აღარ დამრჩეს.

მაშ ასე:

მაღალი შუბლი და ხორბლისფერი, მზედაკრული სახე მაქვს, მუქი შავი, ურჩი თმა, რომელსაც ოთხი თითის დადებაზე რომ გავუშვებ, დახვევას იწყებს, მაგრამ სწორედ ამიტომ სამ თითზეც არასოდეს გამიშვია. ცურვაზე რომ დავდიოდი, ქლორიანმა წყალმა თმის ცვენა დამიჩქარა. მერე, ოცდათხუთმეტი წლის ასაკში, თმის ცვენა შემიჩერდა და რაც დარჩა, ეს არის. ღარიბი კაცის ყანასავით მეჩხერი თმა გაქვსო, მეგობრები მეხუმრებიან. მე ვფიქრობ, უფრო ცალხაზიანი რვეულის სიხშირის თმა მაქვს-მეთქი და ამაზეც გულიანად იცინიან. სამუალოზე ოდნავ მაღალი ვარ, თაფლისფერი თვალებით. უფრო ფართო თვალები მექნებოდა, ბოლოში ქუთუთოები ლამის თვალების მეოთხედს რომ არ მიფარავდეს. ქერაფცუა, გამოხუნებული წარბები მაქვს, თანაც ისეთი, გუგებს რომ პირწმინდად მიყვება და, თუ ერთ მეტრზე არ მომიახლოვდა ასპროცენტიანი მხედველობის კაცი, საერთოდ უწარბო ვეგონები. სწორი, ზომიერად კეხიანი ქართული ცხვირის მარჯვნივ ბობოქარი სიყმანვილის დანატოვარი შრამი მაქვს. თხელი ტუჩები კარიესისკენ გაუთავებლად მიმსწრაფლ კბილებს პირში ბელურის შეფრენისგან საიმედოდ იცავენ. ჭამა-სმის მოყვარული ვარ და ჩემი გაუთავებელი სპორტულობა (ცურვა, კრივი, თხილამურებით სრიალი, ჩოგბურთი, ცხენოსნობა) მხოლოდ წონის დაგდებითაა მოტივირებული. ოდნავ ჩახლეჩილი, მაგრამ სასიამოვნო ხმა მაქვს და როგორც მეუბნებიან, ძილში არ ვხვრინავ.

რაც შეეხება ყურებს, განსხვავებით იმათგან ვისაც ლელვის ფოთოლივით გადაფენია და სპილოს ყურებს მიუგავს, მე პატარა, კეფაზე მიკრულ ყურებში იმაზე მეტი მესმის, რაც უნდა მესმოდეს.

\* \* \*

ზენარმოსხმულმა, ხელების ორთქვლითა და ბუტბუტით მიმომავალმა ბიჭმა ჩემს თხოვნაზე, მაღლა ამიყვანე-მეთქი, თვალი მილიციელებისკენ გააპარა, წელზე მოჭერილი თოკი შემოიხსნა და ჩამომანოდა. თოკს მოვეჭიდე და მარმარილოს მოაჯირს თავზე მოვექეცი თუ არა, წითელსამკლაურიანი, ქურქიანი კაცი აღიმართა ჩემ წინ.

– არ შეიძლება, ბატონო, ჩაბრძანდით ძირს.

ვუთხარი, ვინც ვიყავი და დაველრიჯე, ორიოდე წუთით მივალ, იქნებ ცოტა მაინც გავამხნევო-მეთქი მოშიმშილენი.

– სულერთია. არც თქვენ დაგიჯერებენ. ესენი შიმშილს არ მოიშლიან.

მე ჭკუას არავის ვარიგებ. ჩემი საქმე მაქვს-მეთქი, პასუხს აღარ დაველოდე, მარცხნივ გავუხვიე და სვეტთან მიწყობილ ქილებსა და ბოთლებს შორის გზა გავიკვლიე.

ერთმანეთს მიყრილ საბნებსა და დაბამბულ ჯუბაჩებს შორის შიმშილისაგან განამებულ, ფერგაცრეცილ ყმანვილთა ანგელოზური სახეები-ჩანდა. თავის ანევის ძალაც აღარ ჰქონდათ. ახლა, თვითგვემის მეშვიდე დღეს, სიცივეს და უჭმელობას თავისი გაეტანა. ისინი თითქმის ერთმანეთსაც აღარ ემუსაიფებოდნენ. ერის თავისუფლებას ზვარაკად შენირული ათასამდე უცოდველი ბატკანი ეგდო ბრძოლის ველზე და ირგვლივ შემოჯარული უამრავი კაცის თვალწინ კვდებოდა.

ზოგი მათგანის გამოხედვაში ძლივს შესამჩნევი, სუსტი ღიმილის ციაგი დავიჭირე. მძიმე ავადმყოფი ტუჩითა ოდნავი განევითა და თვალებითლა რომ გაგრძნობინებს, გიცანიო.

თავით-ფეხთამდე სიცივემ და ჟრუანტელმა დამიარა.

ასე უმწეოდ არასოდეს მიგრძენია თავი.

– გიჭირთ, ძვირფასებო?

რაც შემეძლო, ხმადაბლა ვიკითხე, მაგრამ მაინც პათეტიური, თეატრალური შეკითხვა გამომივიდა. ახლა კითხვა-პასუხის დრო არ არის. აქ უნდა ამოხვიდე და ტუჩებით მიწვედე საკოცნელად მოშიმშილეთა სუსტმაჯებიან, გაყინულ ხელებს, ან მარმარილოს სვეტს იდაყვებით მიეყრდნო, რათა გაფიცულთ ვერ შეგამჩნიონ, შუბლი ხელებში ჩამალო და აქვითინდე.

– ბატონო გელა, ჩვენ ასე ბედნიერები არასოდეს ვყოფილვართ.

სუსტი, გალეული ხმაა, მარჯვნიდან მომესმა, მოვიხედე, სიცხით გათანგული, ტუჩებდამსკდარი გოგონა ხელთათმანიან ხელს გულზე იდებს – მე ვთქვიო.

ამასობაში ზემოთ, ქანდაკების ფეხთან, ვილაცამ იყვირა: – ექიმი, ექიმი, ჩქარა!

სამი კაფანდარა, თეთრხალათიანი ბიჭი მალლაშემართული საკაცით იქეთ გაიქცა. მივყევი. მწოლიარეთა შორის პატარა ბილიკი ჩნდება, რომ გულნასულამდე მივალწიოთ.

კისერგადაგებულ, შუბლშეხვეული, ჯინსიანი ბიჭი ხელიხელად მოდის საკაცემდე. ექიმი მაჯას წვდა. მე ლოყაზე დავადე ხელი. ცივია, ტუტისფერი ადევს.

ექიმი მარჯვენას მკერდზე უბრუნებს, ავადმყოფს საბანს აფარებს და ფეხზე დგება. საკაცე სამხატვრო სალონის კარებში უჩინარდება.

იქ ლაზარეთია მოწყობილი.

მკლავებდაკაპინებული ექიმები სიკვდილს ებრძვიან.

ისევ საშიმშილო პოლიგონზე ვბრუნდები.

მსგავსი სურათი მე არც კინოში მინახავს და არც წიგნებში წამიკითხავს.

საშუალოდ ყოველ ათ-თხუთმეტ წუთში გაისმის სასონარკვეთილი ძახილი – ექიმი აქეთ! და შიმშილისგან ცნობამიხდილი კიდეც ერთი ნამებული გაჰყავთ.

არავითარი პანიკა, არავითარი შიშის ზარი, ან მოახლოებული კატასტროფის გამო კვნესა-ვაება.

საოცარი წესრიგი და შეძლებისგვარად სიჩუმეც კია.

თითქოსდა რაღაც ჩვეულებრივი, ეროვნულ-რელიგიური რიტუალის შესასრულებლად შეყრილა ეს მილეთის ხალხი.

დააბიჯებენ თეთრხალათიანი ბიჭები და ზენარში გახვეული ის მოშიშმილენი, ვისაც ფეხზე დგომა ჯერ კიდეც შეუძლია. დააბიჯებენ და წამდაუნუმ გაჰყვირიან:

– გვერდით მჯდომს, გვერდით მჯდომს მიხედეთ!

ვისაც გული წაუვა, მაშინვე უნდა გაიყვანონ, ნახევარი საათიც რომ აღმოჩნდეს შიმშილის სულხდის ქვეშ, მერე ყველაფერი გვიან იქნება.

ომში არ ვყოფილვარ, მაგრამ მე უკვე აღარაფერი გამაკვირვებს. წარმოიდგინეთ, ყინვისგან შეკრული ველი, სადაც ეს-ესაა ბრძოლა დამთავრდა და დაიწყო უფრო მტანჯველი საათები, კვეთების შემდეგ კბილთა ღრჭიალის, ხმლის ქნევის მერე სიმხურვალისგან გაცივებისა და ნელი კვდომისა.

მთვარეულივით დავბორიალებ: ნაცნობ-უცნობს შუბლ-ცხვირზე ვებები, აჩემებულ „ნუ გეშინია, შვილოს“ ვლულულულებ, საბნებს ვუკეცავ, ქუდებს ვუსწორებ, მიძინარეს ვაყურადებ, ხომ სუნთქავს-მეთქი.

ჯერ მხოლოდ საღამოს ექვსი საათია. სინათლე მიიპარება. მონამეთა სახეებს მწუხრისფერი ედება.

ღმერთო, გვიშველე.

ეს უკვე აღარც დემონსტრაციაა და აღარც პოლიტიკური ბრძოლის ჩვეულებრივი საათები.

შიმშილობა ხომ პროტესტის უკიდურესი ფორმაა და ეს შიმშილობა თავისი მასშტაბით, ალბათ, უმაგალითოა.

მეშვიდე დღეა ხუთასი ახალგაზრდა შიმშილობს მთავრობის სასახლის ცივ კიბეებზე. ორი ურჩხული ერთბაშად ესხმის მათს სიცოცხლეს – შიმშილი და სიცივე.

და განა მხოლოდ იმისთვის, რომ კონსტიტუციაში ერთი მუხლი სხვა მუხლით შეიცვალოს, აქ მსხდომთ მშვენივრად იციან, რომ მაშინ, როცა ძალა ბატონობს, კონსტიტუციურ თანასწორობაზე ლაპარაკი ზედმეტია.

ისინი, ალბათ, ვერც იმ ტელემოძღვართა რჩევას შეისმენენ, რომლებიც ჯერ წარსულის სისხლიან გაკვეთილებს მოაგონებენ

გაფიცულთ, ხოლო მერე ყოვლისმცოდნის პოზით ურჩევნ შენყვი-  
ტონ შიმშილობა, როგორც უაზრო აქტი და დაიშალონ.

არა, ბატონებო. არც ეგრეა საქმე. საუკუნის გაფიცულნი თქვენ  
მონაფე-პოლიტიკოსებად და ურა-პატრიოტ მოხალისეებად ნუ  
გეჩვენებათ.

მათ მშვენივრად იციან, რომ უზარმაზარი მისია არგუნათ ბედ-  
მა: მსოფლიოს უნდა მოახსენონ, რომ საქართველომ გაიღვიძა და  
თავისუფლებისათვის ბრძოლის მძიმე აბჯარს იზომებს ტანზე.

\* \* \*

მოსწავლეთა სასახლის ლობესთან ჩამომჯდარს ხელჩანთიანი,  
თხანვერა ახალგაზრდა მომიახლოვდა, ამერიკის ხმის კორესპო-  
დენტად გამეცნო, მიკროფონი გამომიშვირა და ინტერვიუ მთხოვა:

მადლობელი ვარ, სერ, თავაზიანი წინადადებისთვის, მაგრამ  
უარი უნდა გითხრათ. ძალიან აღელვებული ვარ, დალაგებულად ვერ  
ვილაპარაკებ, არც თქვენ დარჩებით კმაყოფილი და არც ჩემს ხალხს  
მოეწონება ნაუცბათევი ჩანანერი. მიბრძანდით, სხვა მოძებნეთ,  
უფრო მშვიდი ნერვების კაცი. მე ერთი უბრალო ლიტერატორი ვარ.

თქვენთვის, სხვა ერის შვილისთვის ვიცი, ჩვენი გაფიცვა-შიმ-  
შილობა გაუგებარია. ჭირვეული ხალხის ახირებად მოგეჩვენებათ.  
ყოველდღე ვისმენთ რადიო და ტელეგადაცემებს, ვკითხულობთ  
პრესას და გაოგნებული ვართ, თქვენგან ერთი ჟურნალისტიც არ  
აღმოჩნდა, ჩვენს სატკივარს რომ გულთან მიიტანდა. გვიყურებენ,  
როგორც საერთო ინდუსტრიაში ჩართულ პატარ-პატარა მანქა-  
ნებს და თავში არასოდეს მოსვლიათ, რომ ჩვენ, გარდა იმისა, რომ  
საბჭოეთის იმპერიის მოქალაქეთა პასპორტები გვიდევს ჯიბეში,  
ვართ ერი – ჩვენი უბედური ისტორიული წარსულით და როგორც  
გული მიგრძობს, კიდევ უფრო ძნელი მომავლით.

ჩემს სამშობლოს საქართველო ჰქვია. ჩვენ ქართველ ხალხს  
წარმოვადგენთ. ქართულად ვლაპარაკობთ და ვწერთ. ძირძველი  
ერი ვართ. მერე რა, რომ გარემოების გამო საბჭოეთის იმპერიის  
ფარგლებში ვცხოვრობთ და არა თუ სხვა ქვეყნებთან დამოუკიდე-  
ბელი ურთიერთობის გაბმა არ შეგვიძლია, ბევრ პოლიტიკურ  
რუკაზე აღნიშნულიც არა ვართ.

დიახ, სერ, ამ ბოლო დროს შემოიღეს პატარა და დიდი სამშობ-  
ლოს ცნება. თურმე ნუ იტყვით, საქართველო ჩემი პატარა სამ-  
შობლოა, ხოლო საბჭოეთი დიდი. არა, ბატონო, პატარა და დიდი  
სამშობლო არ არსებობს. საქართველო ჩემი სამშობლოა, ჩემი სუ-  
ლის კვილია, ჩემთვის ყველაფერია-დიდიცაა და დიადიც, ხოლო  
საბჭოთა კავშირი რაც არის, მოგეხსენებათ.

იცვი, რა გვითხრა გუშინნინ მიტინგზე ერთმა კაცმა? ვინ იყო და რას წარმოადგენდა, ვერ გავიგეთ, მაგრამ რუსულად ისე მშვენივრად ლაპარაკობდა, რომ ჩვენ თვითონ დავასკვნით, სად იყო გაზრდილი და ვის ჩანგს დაჰხაროდა. სხვის ენაზე რომ აჭიკჭიკდები, ცოტა აქცენტები მაინც უნდა გქონდეს. უშეცდომოდ თუ იცი სხვისი ენა, შენ გგონია დიდი ღირსებაა? ეს იმას ნიშნავს, რომ შენი მშობლიური ენა არ იცი კარგად. შენი დათმე, შენსას ზურგი შეაქციე. რა მოხდა, იოლას გადიხარ სხვისი ენით და, გგონია ქვეყანა არ დაქცეულა. აზვიადებენ პატრიოტულად ტვინმონყობილი მოქალაქეები, სულერთი არ არის, კაცმა რომ თქვას ბაზარში ტყემალს რა ენაზე ვიყიდი და გაზეთს რა ენაზე წავიკითხავო? ასე ფიქრობს ენაგამოცვლილი კაცი. არა და არა, მონყალეო ხელმწიფე. სწორედ რომ მეორედ მოსვლა და ცის ჩამოქცევა, შენი მშობლიური ენა რომ დაგავინყდება კაცს. ეს იმას ნიშნავს, რომ შენი ერი დასაღუპავ-დასაკარგავად გაიმეტე. გასწირე უღვთოდ და უსაბუთოდ. როცა შენი მშობლიური ენა გეპატარავება და სხვისას უერთგულებ, ეს იმას ნიშნავს, რომ შენსავე მამა-პაპას შეაქციე ზურგი. მეტსაც გეტყვი, დამნაშავე ხარ ყველა გმირის წინაშე, თავისი ერის თავისუფლებისთვის რომ უბრძოლია. დამნაშავე ხარ ყველა მწერლისა და ეროვნული მოღვაწის წინაშე შენს ერს რომ წარმოუშვია დასაბამიდან აქამომდე.

აბა რა გეგონა, ასე უბრალოდ როდია საქმე. ახლა წარმოიდგინე, ათეული წლების განმავლობაში ჩაგჩიჩინებდნენ; ნუ გაანყალე გული ამ შენი ქართული ზნე-კულტურით, ნუ შეგევანუხე ერთი მუჟა ერისთვისლა გასაგები ენა-სიმღერით, აღარ არის ეთნოგრაფიული ეპოქა, გაიგე ერთხელ და სამუდამოდ – მსოფლიო ლამის ერთიან მეცნიერულ-სამრეწველო წრებრუნვაში გაერთიანდეს და რა დროის ეროვნულ ტკივილებზე ჩივილიაო. არა და არა! მსოფლიო მშვიდობა და ჰარმონია მე იმისთვისაც მინდა, რომ ჩემი პატარა ქვეყანაც ფეთქავდეს და სულდგმულობდეს. დავთარარეულ მსოფლიოსთან რა მესაქმება. ვის რა დაუშავდება, ჩემი ქუდით რომ ვიარო ამ დუნიაზე და იმ ენაზე ვილაპარაკო, რომელზეც ჩემი წინაპარი ოთხი ათასი წლის წინათაც კი თავის დარდს და სიხარულს აკვესებდა.

გამეცვა სიტყვა. იმას გუუბნებოდი, მიტინგზე კაცმა დაგვმოძღვრა-მეთქი. რაო, რა სასაზღვრო შენ-ჩემობია აიტყხეთო. რა ზღვარმტკავლობანას და ბაგირის გადაქაჩვას ეთამაშებით ერთმანეთსაო. ვინ მოგცათ თქვენი მიწები და თქვენი ეზოლობენიო. კარგა ხანია, თქვენი ნაციონალური რუკები მუზეუმებს ჩაბარდა და ახლა თქვენივე ნებით ყველანი საბჭოთა კავშირში ცხოვრობთ. ვინ მოგცათ საბჭოეთის ტერიტორიის დაყოფა-დაქუცმაცების უფლებაო. ეს თქვა, ტრიბუნიდან ჩამოხტა და ხალხის რისხვას გაერიდა. მან-

ქანით წასწყდა იმ ადგილიდან. კიდევ კარგი, ვერ მოასწრეს ქეროში ხელის ჩავლება, თორემ ცუდ დღეს დააყრიდნენ.

ასე ლაპარაკი შეიძლება? მე კარგად ვიცი, რაც მჭირს, მაგრამ შენ ყვავივით უნდა დამჩხავლო სამოცდაათწლიანი ბანგისგან ძლივს გამოღვიძებულს და თვალგახელილს? შენ რა დაგიშავდება, მე რომ ჩემი ისტორიული საზღვრები მოვიძიო და შეილებს ცნობად მაინც დავუტოვო, ვინ და რანი ვიყავით.

იმპერიას სხვა რამის ეშინია, სერ. საქართველოს ტერიტორიული პრეტენზია რომ მოვანესრიგო, რა გარანტია მაქვს, რომ ხვალ სხვა მცირე ერებსაც იგივე სურვილი არ გაუჩნდებათ და არ დაეჩვენებიან ერთმანეთსო.

ხომ არ შეგვიძლია, მშვიდად ვუცქიროთ, როგორ ვიღვეით და ვთავდებით დღითიდღე? ხომ არ შეგვიძლია, ტაში დავუკრათ იმპერიის დიდი პროგრამის იმ პუნქტს, სადაც გასაგებად წერია, ხალხთა და ერთა თანდათანობით შერწყმა-შეერთება ჩვენი მთავარი ამოცანააო? ვის ხარჯზე მოხდება, თუ იცით, ეს შეერთება? პატარა ერების ხარჯზე, რომელ ენაზე ილაპარაკებს, იმ პროგრამის შემდგენელთა ვარაუდით, იმპერია ხვალ-ზეგ? – რუსულ ენაზე. აი, ესაა გულ-ფილტვს რომ მიღრღნის და არ მასვენებს.

ჩვენი საზღვრების შეცნობა-გამორკვევაზე ხომ ზრდილობიანი უარი გვითხრეს, ახლა ჯარის შენაერთები ჩაგვიყენეს ქუჩებში და გადი-გამოდიან პატრულები ტანკისლულადამიზნებულ სახლებში. ვის ეძებენ? გაფიცვის მოთავეებს და ინიციატორებს. არის დაპატიმრებანი და დაკითხვა-გადასახლებანი.

ამაოა სერ, ეს სიფრთხილე-ლონისძიებანი. ორი მილიონი კაცის ერთდროულად ქუჩაში გამოყვანა საიდუმლო „ორგანიზებით“ (როგორც უწოდეს) არა და არ მოხერხდება, თუ თვით ხალხი არ არის მზად. თუ სატკივარი თვით ხალხს არ ანუხებს და აფორიაქებს.

გინახავთ სადმე ამ მასშტაბის გაფიცვა? სამი თვეა ქუჩაში ვდგავართ და ჩვენს საყვირალს ვყვირით, ჩვენს სატკივარზე ვლაღადებთ.

ნუთუ ეს ფაქტი არაფერს გეუბნებათ?

ნუთუ ახლაც შემთხვევითობას და ნაციონალურ ამჩატებას უნდა დააბრალოთ ყოველივე?

რა უნდა ვუთხრა თქვენს რადიომსმენელებს. ის, რაც სიმართლეა, თქვენ არ გაინტერესებთ. კიდევ რომ დაგთანხმდეთ გამოსვლაზე და გითხრათ, რაც გითხარით, სულერთია, ამის გამშვები ეთერში თქვენ არა ხართ.

თქვენ სხვა პოლიტიკა გაინტერესებთ და სხვა სიმართლეს ემსახურებით. ამიტომ გთხოვთ, დამტოვეთ მარტო ჩემს ნუხილთან, წადით, თქვენი გზა ნახეთ.

\* \* \*

ჯერ ტელეფონმა დარეკა. გელამ მაშინვე აიღო. გისმენთ, გისმენთო, ჩასძახა, მაგრამ არავინ გაეპასუხა. ყურმილში უცნობის სუნთქვაც კი ისმოდა. ჩანდა, იგი ყურმილის დადებას არ აპირებდა. ოციოდე წუთში კარებზე კაკუნის გაისმა. მასპინძელი ელოდა იმ კაკუნს. საიდუმლო რეკვას კაკუნის ხშირად მოჰყვებოდა. ხან მილიციის ქვეგანყოფილების რწმუნებული შემოვივლიდა, ისე, დროის მოსაკლავად. ხან საგაფიცვო შტაბის დაბნეული წევრები აკითხავდნენ, ხან ფინანსები მოვიდოდა და ხანაც გელას „მოღვაწეობით“ დაინტერესებული მეზობელი შემოიხედავდა; გუშინ აქ, შემთხვევით, ქუდი ხომ არ დამრჩინიაო.

გაალო. პარმალზე პირმრგვალი, თავისფერმოსასხამიანი, გრძელქოჩორა, ნითური, შუახნის მამაკაცი იდგა.

– მაპატიეთ, უხერხულ დროს ხომ არ მოვედი? – უცნობს ორივე ხელი მოსასხამის ჯიბეში ეწყო.

– ჩემთან ბრძანდებით? – გელამ უკან დაიხია.

– დიახ, – ეს სიტყვა სტუმარმა უკვე ოთახში წარმოთქვა, – ცოტა სალაპარაკო მქონდა, თუ შეიძლება.

– შეიძლება გკითხოთ, ვისთან მაქვს საუბრის პატივი? – გელას ტონს ირონია აშკარად დაეტყო.

– ახლავე აგიხსნით ყველაფერს. არ შეგეშინდეთ, კეთილის მსურველი ვარ.

– რა ბრძანებაა. შიშს კარგა ხანია გადავეჩვიე. გისმენთ ყურადღებით.

უცნობმა მოსასხამი გაიხადა, სკამზე გადაჰკიდა, მაგიდას მიუჯდა, თითები ერთმანეთში გაუყარა და გელას შეხედა.

– მე ფსიქიატრი გახლავართ. ფსიქონერვულ კლინიკაში ვმუშაობ, პროშის შესახვევში.

– ძალიან სასიამოვნოა.

– სამსახურებრივ საქმეზე ვარ. პროფილაქტიკის მიზნით ყველამ უნდა გაიაროს ფსიქოშემოწმება, გასაუბრება მაინც. ეს ჩემი უბანია.

– კი ბატონო. ეს ახალი ამბავია?

– დიახ. ახლა შემოიღეს, მოგეხსენებათ ნერვიული საუკუნეა.

– ჩემთან, მე მგონი, პრობლემები არ გექნებათ. თქვენი ხაზით არა მიშავს რა.

– აგამენათ ღმერთმა. ისე ჩვენს შორის დარჩეს და თავიდან ყველა ასე ამბობს, – უცნობს გაეცინა.

– ბატონი ბრძანდებით.

უცნობმა უჯრედებიანი ქალაქი ამოიღო ჯიბიდან და წინ დაიდო.

- თუ შეიძლება, ბელგიური ტესტით გათვალისწინებულ რამდენიმე შეკითხვას მოგცემთ, ბატონო გელა.

- რატომ მაინცდამაინც ბელგიურით?

- მოკლე ტესტია. დასაწყის სტადიას ლამის შეუმცდარად ადგენს.

- აბა ჰე.

- ბატონო გელა, დილით სახლიდან რომ გადიხართ, ქუჩაში გასვლის შემდეგ თუ გახსენდებათ, რომ გაზი არ ჩაგიქვრიათ, ან კარები ღიად დაგჩნათ?

- დიას, რასაკვირველია.

- ხშირად გემართებათ ასე?

- ძალიან ხშირად.

- ბრუნდებით, და ირკვევა, რომ ყველაფერი რიგზეა; კარებიც დაკეტილია, გაზიც გამორთული და ონკანიც მოჭერილი.

- დიას.

უცნობმა რომელიღაც უჯრედს ჯვარი დაუსვა.

- ბატონო გელა, შუალამისას თუ გამოუღვიძებინხართ კაკუნს კარებზე.

- არა მარტო შუალამისას.

- იცით, მე რომელ კაკუნზე მოგახსენებთ? წამოდექით, მიიღბინეთ კართან, გააღეთ და იქ არავინ დგას, მოგეჩვენათ.

- იყო ასეთი შემთხვევაც.

- როდის მოგეჩვენათ უკანასკნელად?

- არ დამიმახსოვრებია. ალბათ, ორი თვის წინათ.

- კეთილი.

უცნობმა კიდევ ერთ უჯრედს დაადო ნიშანი.

- ბატონო გელა, ძილი როგორი გაქვთ?

- დალლას გააჩნია.

- რას?

- თუ ძალიან დავიღალე, ადვილად მეძინება.

- პირიქით, ძლიერი დალლისას ცუდად უნდა გეძინოთ.

- ხან როგორ და ხან როგორ.

- სიზმრებს ხედავთ?

- ძალიან ხშირად.

- სიზმრებში ზოგჯერ დიდი ხანძარი ხომ არ გაერევა, ან წყალდიდობა, ან ზვავი მოდის ზემოდან და ენერგიულად ცდილობთ გადაასწროთ, რომ თოვლში არ ჩაიჩუმქროთ.

- არც უმაგისობაა.

- ფერად სიზმრებს ხედავთ?

- არ დავკვირვებივარ.



– ხომ არ გყავთ რამდენიმე ისეთი ნაცნობი, რომლის ნახვის შემდეგ, მთელი დღე ცუდ გუნებაზე დგებით, აფორიაქებული ხართ, ადგილს ვერ პოულობთ. თუ ის ნაცნობი დარბაზში აღმოჩნდა, ჩქარა გინდათ გახვიდეთ იქედან.

– კი ბატონო, ორი-სამი ასეთი ნაცნობიც მყავს.

სტუმარმა ორ უჯრედსაც დაუსვა ჯვარი, ქალაღი დაკეცა, გულისჯიბეში ჩაიდო და გელას მიმართა:

– ბატონო გელა, ვერ გეტყვით, რომ მოულოდნელი იყო ტესტის შედეგი ჩემთვის. თქვენი ფსიქიური წყობის და ტემპერამენტის მქონე კაცისთვის ეს მოსალოდნელიცაა. ათიდან, ალბათ, სამს მაინც ექნება.

– რა ექნება? – გელამ გულხელი დაიკრიფა და ფსიქიატრს გაუღიმა.

– თქვენს ავადმყოფობას ჰქვია ნევრასთენიის პირველი სტადია. ავადმყოფობა ამ სტადიაზე საშიში არ არის, მაგრამ თუ დროზე არ მიხედვით, შეიძლება, საშიში რეციდივები მოჰყვეს.

– აჰა, – გელამ მრავალმნიშვნელოვნად ამოიოხრა. იგი თვალს თვალში უყრიდა სტუმარს, – ჩემგან რა არის საჭირო?

ექიმმა ჯიბიდან ქალაღი ამოიღო და წინ დაუდო:

– ეს განცხადების ბლანკია. უნდა შეავსოთ. თქვენ მწერალი გელა კირთაძე აცხადებთ, რომ საჭიროებთ მკურნალობას და სთხოვთ ჩვენს ფსიქონერვულ დისპანსერს, რომ აგიყვანოთ აღრიცხვაზე და, თუ საჭირო გახდა, სტაციონალურადაც გიმკურნალოთ.

გელამ ქალაღი განზე გასწია, წამოდგა, ოთახში გაიარ-გამოიარა, მერე ისევ დაჯდა და სტუმარს მონყენილად შეხედა.

– შემოსვლისთანავე ვიცოდი, რა საპატიო საქმეზე ბრძანდებოდით. თუ ძმა ხარ, წადი შენს გზაზე. არ გამოვა არაფერთიქო, გადაეცი, ვინც გამოგგზავნა.

უცნობმა სიგარეტი ამოიღო და გააბოლა.

– ეგ იოლი საქმეა. წავალ, მაგრამ ერთი რამ მინდა იცოდეთ.

– ჰო.

– ჩვენ, ალბათ, კიდევ ბევრჯერ შევხვდებით ერთმანეთს და, შეიძლება, ოდესმე დარწმუნდეთ, რომ მე აქ შენს გადასარჩენად მოვედი.

– დიდი მადლობა.

– ამ შემთხვევაში ჩვენთან მკურნალობა შენთვის ყველაზე კარგი გამოსავალია.

– რა მჭირს სამკურნალო?

– შენც ნუ იმკურნალე, იქნები ჩვენთან აღიციხვაზე.

– რატომ, ბატონო, რისთვის?

– ყური დამიდგე, გელა! საშიშ გზაზე რომ დგახარ, ჩემზე უკეთ იცი. მთავრობის წინააღმდეგ აშკარად გამოსვლას და ახალგაზრდების აბუნტებას რომ არ გაპატიებენ, მე მგონი, ამაშიც ეჭვი არ გეპარება. მე, ერთი უბრალო ექიმი ვარ, მაგრამ გული მიგრძნობს, თუ შენის ნებით მკურნალობაზე უარი თქვი, შეიძლება სხვა ზომებს მიმართონ.

– მაგალითად?

– რად გინდა ახლა, მე რომ გითხრა მინცლამაინც. ან დებოშში მოგახვედრებენ და ხულიგნობის მუხლს აგკიდებენ, ან ნარკოტიკს ჩაგიდებენ ჯიბეში და ნარკოტიკის გამავრცელებლის მუხლით გაგიშვებენ, ან, ღმერთმა დაგიფაროს, ავტოკატასტროფაში მოგახვედრებენ. თუ ძმა ხარ, მე რომ გითხარი, ეს არსად წამოგცდეს, თორემ დავნიღუბები. რად გინდა შენ ჩემი ცოლ-შვილის ცოდვაში ჩადგომა.

– რას ვაკეთებ ასეთს. ამიხსენით ერთი.

– ეგ მე არ მეხება. მე პატარა კაცი ვარ-მეთქი, გითხარი. როცა უნდათ, მაშინ მოძებნიან რამდენ მონმესაც გინდა, რომლებიც დაადასტურებენ, რომ შენ მათს შვილებს გონებას ურევ და სასაკულოზე აგზავნი.

– თუ შევავსებ ამ ბლანკს, როგორ ფიქრობ, თავს დამანებებენ?

– აუცილებლად.

– ავარიის და დებოშის აღარ უნდა მეშინოდეს?

– პატიოსან სიტყვას გაძლევ. უკვე ჩვენ ვაგებთ შენზე პასუხს. ჩვენ კიდე, სანამ ქვის სროლას არ დაიწყებ, ხმას აღარ გაგცემთ.

– მერე? ეს რომ ოდესმე ვინმეს მართალი ეგონოს?

– რას ჰქვია ოდესმე? შე კაი კაცო, ნაპოლეონზე, ვოლტერზე, ბაირონზე, მიქელანჯელოზე დიდი კაცი ხარ? ყველანი ესენი ნევრასთენიით იყვნენ შეპყრობილი, მაგრამ მათი სახელისთვის ამას ჩრდილი არ მიუყენებია.

– მე სხვა რამეს ვამბობ. ხომ შეიძლება ეს ქალაქი ხვალვე გამოიყენონ ჩემს წინააღმდეგ. დაბეჭდავენ გაზეთში ნევრასტენიკიაო.

– გარანტიას გაძლევ. ჩვენი სამსახური ავადმყოფობის საიდუმლოებას უზრუნველყოფს.

„...ექიმმა და „პაციენტმა“ იმ ღამით დიდხანს ისაუბრეს.

კიდეც ერთი დაავადებული მიემატა ფსიქონერვულ ავადმყოფთა გრძელ სიას.

\* \* \*

ჯეინ გრინსი სამოცსმიტანებული მანდილოსანი თბილისში 1989 წლის 6 აპრილს ლონდონის საკონდიტრო ფირმების ტურისტულ ჯგუფს ჩამოჰყვა.

ინტურისტის თანამშრომელმა აეროპორტშივე ბოდიში მოუხადა სტუმრებს: „საქართველოს დედაქალაქში ტრადიციულ ეროვნულ დღესასწაულთან დაკავშირებული დღეებია. ამ დღესასწაულის დროს ხანდახან მიკროფონს ხელში იგდებენ პოლიტიკური განგ-სტერები, თვითმპყრობელობის დამხობის შემდეგ აქა-იქ შემორჩე-ნილი უკმაყოფილო ელემენტები, ნაციონალისტები, რომლებსაც განსაკუთრებით არ მოსდით თვალში უცხოელი ტურისტები. ამი-ტომ თქვენი მიღება უჩვეულო პირობებში მოგვიხდება. მეტ დროს მოვანდომებთ ქალაქგარეთ ისტორიული ადგილების დათვალიე-რებას, ხოლო როცა სასტუმროში დავბრუნდებით, უმორჩილესად გთხოვთ, მაშინვე დაისვენეთ. ქალაქში ღამით ხეტიალს ნუ მოჰყვებ-ით. ქართველები, საერთოდ, სტუმართმოყვარე ხალხია, მაგრამ, შესაძლებელია, უცხოელ ტურისტებზე გამწყრალ ექსტრემისტს გადაეყაროთ და შეურაცხყოფა მოგაყენონო“.

– რას ამბობენ ის ელემენტები, რა დაგვიშავაო უცხოელმა ტუ-რისტებმა? – ჰკითხა ინტურისტის თანამშრომელს ჯეინმა.

თანამშრომელი არ დაბნეულა, პასუხი ასე ჩამოაგვირისტა:

– იცით რა, ქართველებს თავიანთ ისტორიულ არსებობასთან რალაც მაგიური, ძველებური, განსაკუთრებულტკივილიანი და-მოკიდებულება აქვთ. ეს დამოკიდებულება ბევრი აუხსნელი საი-დუმლოებით არის სავსე. რასაც ქართველები თაობიდან თაობას გადასცემენ და სხვა ერის წარმომადგენელს თითქმის არ უმხე-ლენ. ამიტომ არ უყვართ უცხოელი ტურისტი. ასე ჰგონიათ, იგი იდუმალი მზერით ქართველის სულში იხედება. განსაკუთრებით ფოტოაპარატიანი სტუმარი სძულთ, ფოტოაპარატს ვერ იტანენ.

– მაპატიეთ ცნობისმოყვარეობა, თქვენ ქართველი ბრძანდე-ბით?

– არა, – ცოტა არ იყოს, თავხედური სიამაყით განაცხადა ინ-ტურისტის წარმომადგენელმა და ჯეინს თავისი მიხვედრილობა გაეხარდა. ამ შეკითხვის მიცემისას უკვე ეჭვი ჰქონდა, რომ ეს ხაზ-გასმული აქცენტით მოლაპარაკე ქერათმიანი მოხელე შეიძლებოდა ნებისმიერი ეროვნებისად მიგეჩნიათ, ოღონდ ქართველად არა.

ორმა დღემ თვალისდახამხამებაში გაიარა.

ინგლისელ ტურისტებს პირველ დღესვე დაათვალიერებინეს სიონი, ლისის ტბის მიდამოები, მუზეუმი ღია ცის ქვეშ, ხოლო მიუხედავად სტუმართა თხოვნისა, ფუნიკულიორის დათვალიერე-ბაზე ზრდილობიანი უარი უთხრეს. ფუნიკულიორი რემონტზეა და ასვლა ვერ ხერხდებაო.

თბილისის ნახვა ამით ამოიწურა. მერე დაიწყო არანაკლებ საინტერესო ტურისტული გასვლები ქალაქგარეთ. უძველესი

ციხე-მონასტრები, სადეგუსტაციო დარბაზები, მარნები, საჩვენებელი მეურნეობები, – განსაცვიფრებელი ეროვნული კულინარია – ინგლისელთა აღტაცებას იწვევდა. დაღლილნი, გვიან ღამით სასტუმრო „ივერიაში“ რომ ბრუნდებოდნენ და ადამიანური მოთხოვნილებებით შეჩქარებულ-შენუხებულნი ცალ ფეხზე ხტუნავდნენ, მათს ლექსიკონში ხშირად ისმოდა „რაიტ“, „ბიუტიფულ“, „ლაიკ“, „ნაის“ „ვერი გუდ“ და სხვა სიტყვები, საიდანაც ინგლისურის სუსტად მცოდნე, მაგრამ მაინც ყურგაფაციცებული, ლიფტის მორიგეც კი ასკვნიდა, რომ ტურისტები კმაყოფილნი იყვნენ.

რვა აპრილს ტურისტები საგარეჯოდან გვიან ღამით დაბრუნდნენ. ნინოწმიდის ზღაპრულმა პალატებმა და მეღვინისფერმა ღვინომ, რასაც მასპინძელთა გრძელი, ღამაზი სადღეგრძელოებიც ამშვენებდა, სტუმრები სასიამოვნოდ დაღალა და შეაყოვნა.

ჯეინის დიდხანს არ დაეძინა. ინგლისელი ქალბატონი საერთოდ მოგზაურობის მოყვარული გახლდათ და ბევრი ქვეყანა ჰქონდა შემოვლილი, მაგრამ საქართველო არცერთ მათგანს არ ჰგავდა. აქ ყველაფერი გამორჩეული იყო: ძველთაძველი, თავვისფერი, ღამის ერთთარგზე გამოჭრილი, მაგრამ მაინც ერთმანეთისგან განსხვავებული ტაძრები, უხვი და ფანტაზიამიუზვდომი სამზარეულო და ნადიმის უნიკალური წესი; სუფრის წევრთა მონუხსული ყურადღება და პოეტური სადღეგრძელოები რომ ამშვენებდა.

სასტუმროში რომ შემოდიოდნენ, მაშინაც შეამჩნია ჯეინ გრინსმა ავტობუსებით გადახერგილი მოედანი და იქვე მორიალე მოქალაქენი, მაგრამ დაასკვნა: ალბათ სწორედ ის ეროვნული ალღუმი დამთავრდა, რაზეც ინტურისტის წარმომადგენელი გვესაუბრებოდაო, ამიტომაც კითხვით აღარაფერი უკითხავს. სხვა ტურისტები უკანცქერით შელაგდნენ „ივერიის“ უბრუნავ კარებში. ჩანდა, ისინი კვლავ იმ შავხელი ინფორმაციის ტყვეობაში იმყოფებოდნენ, რომლის ერთ აუხსნელ ჭეშმარიტებას ქართველების უცხოელ ტურისტებთან დამოკიდებულება წარმოადგენდა.

ინგლისელი სტუმარი ღამით აივნის კარს ყოველთვის აღებდა. ღია კარსარკმელში ძილი მისი ბავშვობის ჩვეულება იყო. სადაც ჩავიდოდა, პირველ რიგში სასტუმროს მენეჯერს ჰკითხავდა; ღამით ფანჯრების გაღება თუ შეიძლებაო. ამ შეკითხვას იმიტომ სვამდა, რომ აფრიკისა და სამხრეთ აზიის ზოგიერთ ქვეყანაში ყოფნის მწარე გამოცდილება ახსოვდა და ბუნებრივია, აღარ ჰქონდა სურვილი ფანჯრიდან შემოპარულ აბეზარ ხვლიკებთან ურთიერთობის რკვევისა.

შუალამეს რომ გადაცილდა და სასტუმროს ირგვლივ ტრანსპორტმა იკლო, ჰაერს ერთადერთი ყრუ გუგუნე შემორჩა. გუგუნე ხან შეწყდებოდა, ხან კი შორს დარხეული ტაშისა და ოვაციის

ხმაურად აწყდებოდა ყურის ბარაბანს. ეს ხმები უფრო და უფრო ძლიერდებოდა. ჰაერს სწორედ მაშინ შეარხვევდა ტაშის ექო, როცა ჯეინი წამით ჩათვლემდა. გუგუნის სტუმარს ძილბურანიდან ისევ სასტუმროს სიციხადეში დააბრუნებდა.

დაძინების იმედი საბოლოოდ რომ გადაეწურა, ჯეინი წამოდგა და ლამის კვართ-საწმერთულის ამარა აივანზე გამოვიდა. მთელი პროსპექტი სავსე იყო ხალხით. ქუჩა ლამის სუსტი ლამპიონებით გაენათებინათ, მაგრამ მაინც შეიძლებოდა გარჩევა, რომ მოედნის გადამხერგავ ავტობუსებს შორის დარჩენილი ღრიჭოებიდან გაცილებით მეტი ადამიანი გამოდიოდა, ვიდრე შედიოდა. შორს, რუსთაველის პროსპექტის ბოლოს, კოცონის მსგავსი რაღაც კიაფობდა. ის ხმაურიანი კოცონი ყვითლად შეჰგზნებოდა გაზაფხულის გრილ ცას და ახლომახლო სახურავებს. ადამიანები სწორედ იქეთ მიიჩქაროდნენ.

ჯეინმა საათს დახედა. სამს აღარაფერი აკლდა. ჩაიცვა და ლიფტისკენ რომ მიაბიჯებდა, გაიფიქრა, ვინმე ხომ არ წამეყვანაო. ერთი შეყოყმანება შეყოყმანდა, მაგრამ ევროპულმა დელიკატურობამ უფლება არ მისცა, ასე გვიან გაელვიძებინა კოლეგატურისტი. იცოდა, რომ სასტუმროს შინაგანანესს და უცხოელი ტურისტის მოვალეობათა სტატუსს – ორივეს ერთად არღვევდა, მაგრამ იმდენად დიდი იყო ქართველთა ღამეული „ეროვნული მეჯლისის“ ნახვის სურვილი, რომ წესრიგისკენ მომწოდებელ შინაგან ძახილს სძლია და ლიფტის ღილაკს თითი დააჭირა.

ვესტიბიულში უამრავი ხალხი ირეოდა, ამიტომაც ქალბატონ ჯეინის ქუჩაში გასვლა კარისკაცს არც კი შეუძინებია, თორემ დახურულ კარებთან მთვლემარე, ერთი შეხედვით უწყინარი შვეიცარი, რომელსაც კარის გაღება-დახურვის გარდა სამსახურებრივად სხვაც ბევრი რამ ევალებოდა, როგორც ასეთ შემთხვევაში იტყვიან ხოლმე, სათანადო ზომებს მიიღებდა.

შუალამის სუსხმა დაჰკრა და ჯეინმა მოსასხამის საყელო აინია. ჯინსიანმა ყმანვილმა რაღაც ჰკითხა. როცა დარწმუნდა, რომ ქალს ქართული არ ეყურებოდა, გულზე ხელის მიდებით ბოდში მოუხადა (ყოველ შემთხვევაში ჯეინს ასე მოეჩვენა) და გაეცალა.

სანახაობა მართლაც გრანდიოზული იყო. სვეტებიანი, ლამაზი სასახლის წინ ზღვა ხალხი ირეოდა. დაბალი ხარისხის ხრიალა მიკროფონთან ორატორები ერთმანეთს ცვლიდნენ. მერე ტაშის გრიალი მიწყნარდა, მოქადაგენიც დაცხრნენ და სიმღერა წამოიწყეს. ჯეინს მრავალათასიანი დემონსტრაციის ასე აწყობილი სიმღერა ჯერ არსად უნახავს. სიმღერა რომ ჩათავდა, ისევ ახრიალდა

მიკროფონი და ისევ გაისმა ტაშისცემა, რასაც ქუდების მაღლა სროლა მოჰყვა.

ჯეინს ერთი სული ჰქონდა, გაეგო, რას ამბობდნენ ორატორები, მაგრამ ვერავის ეკითხებოდა. ჯერ ერთი, დიდი იმედი არა ჰქონდა, რომ მაინცდამაინც ინგლისურის მცოდნეს დაადგამდა თვალს და, ჩვენს შორის დარჩეს, არც ის უნდოდა, რომ თავისი უცხოელობისთვის გაესვა ხაზი. გულის სიღრმეში მაინც შიშობდა, ვინ იცის, იქნებ ინტურისტის წარმომადგენელი მართალიც კი იყო და ე მანდ რომელიმე ტურისტთაგანს უფრო ახლოს არ გადავეყარო. მიხვედრით ინგლისელი მანდილოსანი უთარგმნელადაც მიხვდა, რომ მოქადაგენი ხალხისთვის მოსაწონ საგანს ეხებოდნენ, საერთოდ კი დემოკრატია და ლამაზი ლაპარაკი ჯეინს თავის ქვეყანაშიც მოწყენილი ჰქონდა.

ქადაგება კვლავ სიმღერამ შეცვალა. ტემპიანი, ორკესტრული სიმღერის ხმაზე აქა-იქ ცეკვა დაიწყეს. ეს იყო თვალთ შინაგანი ფეიერვერკი. ერთნი ცეკვავდნენ, მეორენი მღეროდნენ, ზოგს სანთელი ეჭირა და თვალაპყრობილი ლოცვას ჩურჩულებდა.

უეცრად, თითქოს ნიშანი მისცესო, მანიფესტაცია გაქვავდა. ავი სიჩუმე ჩამოწვა ირგვლივ და წამის შემდეგ სიჩუმეში ტანკების გრიალი გრიგალივით შემოიჭრა.

დემონსტრანტებმა გზა მისცეს. ტანკებმა ჩაიარეს და იქვე შეჩერდნენ. კვლავ წამით ჩამოწვა საზარელი სიჩუმე და ტანკების უკან ხუთმწკრივად მდგარ ჩაჩქან-მუზარადიან და ხელფარიან ჯარისკაცებს ვილაცამ გამყინავი ხმით უბრძანა: – ბეი!

სიბნელე ჯერ ქალის კვილიმა გაჰკვეთა. მერე ჯოჯოხეთურად აირია ერთმანეთში განწირულთა ხმები, ღრიალ-ჯგრიალი და ჩახაჩუხი. გაქცეულთა პირველმა ტალღამ ჯეინ კინალამ გადათელა. მსწრაფლ მოისაზრა, კედელს აეკრა და ინსტინქტურად ყურები დაიცო, რომ საზარელი ღრიალი არ გაეგონა.

გარბოდნენ თავზეხელაფარებულნი, ნაცემ-ნაგვემნი. ახლობელ-დაკარგულნი წამით შეჩერდებოდნენ და ველურ ღამეში ერთმანეთს უხმობდნენ.

ხალხის ტალღამ ჯეინ მაინც მოგლიჯა კედელს და პროსპექტზე გაიყოლა, მაგრამ ოციოდე ნაბიჯიც არ ჰქონდა გადადგმული, რომ კისერში რაღაც მძიმე მოხვდა და გონება დაჰკარგა.

\* \* \*

„მე, მცხოვრები ოზურგეთის რაიონის სოფელ შუაგანახლებაში, თბილისის სახელმწიფო უნივერსიტეტის ფილოლოგიის ფაკულტეტის მეოთხე კურსის სტუდენტი მანანა კეკელიძე მომკლეს 1989 წლის 9 აპრილს, განთიადისას.“

ვთხოვ საქართველოს მწერალთა კავშირს, თუ საშუალება გააჩნია, სამ ცალად გაამრავლოს ჩემი ჩვენება. ერთი გაუგზავნოს ამიერკავკასიის ნითელდროშოვანი ჯარების სარდალს, მეორე დემონსტრანტთა დარბევის გამომძიებელი კომისიის თავმჯდომარეს, ხოლო მესამე თავის არქივში დაიტოვოს. დიდი იმედი არა მაქვს იმისა, რომ პირველ ორ უწყებაში ჩემს ნაწერს გულისყურით მოეკიდებიან. როგორც ამბობენ და როგორც ტელევიზიის გადმოცემებიდან ჩანს, უნდათ იმ საზარელ ღამეს მომხდარი ფაქტები მიაფუჩეჩონ. თურმე რესპუბლიკის ხელმძღვანელს გაუფრთხილება ჯარის სარდალი; ურტყით დემონსტრანტებს, მაგრამ მოსაკლავად ნუ გაიმეტებთო. თურმე ჩვენ, უიარალო, მშვიდობიანი მომიმშლიენი დავესხით თავს მშობლიური ნითელი არმიის ნაწილებს და მუშტებით სამხედრო ტექნიკას (განსაკუთრებით ტანკებს) დიდი ზიანი მივაყენეთ. ჯარი რომ დავარბიეთ, თურმე, ერთმანეთს დავერიეთ და ჩვენს მიერვე ატეხილ ჭყლეტა-ჯგლერთაში შემოგვაკვდნენ უმწეო ადამიანები. თურმე ჩვენ გამოვიყენეთ მომნამლავი გაზები და ქიმიური იარაღები სახელოვანი ჯარის ნაწილების წინააღმდეგ. ასე სინდისიანად და მართლად სჯის ის სახელმწიფო მანქანა, რომელსაც სურს ერთხელ კიდევ წაშალოს მშვიდობიან მოქალაქეებზე თავისი სისხლიანი „გამარჯვების“ კვალი. ვთხოვ მწერალთა კავშირს, ეს ჩემი ნაწერი შეინახოს არქივში. ალბათ, ოდესმე დადგება დრო, როცა სიმართლის თქმა შესაძლებელი გახდება. მომავლის მწერალს იქნებ მოხვდეს ხელში ეს ქალაქი და ერთ მაგალითად მაინც გამოადგეს. რაც ვნახე და განვიცადე, იმას ვწერ. შელამაზების თავი სადა მაქვს. მესამე დღეა გონს ვერ მოვსულვარ. ახლაც, კალამი რომ ავიღე ხელში, მთელი სხეული მიკანკალებს.

მე რვაში დილით, დაახლოებით თერთმეტ საათზე, დავჯექი საშინშილოდ. თავიდან დაჯდომას არ ვაპირებდი. ჩემი ჯგუფელები – ნიქორიძე და გალდავა ისხდნენ და მათს სანახავად წავედი. მომეწონა ვითარება. ზიხარ, მხიარულად საუბრობ, ირგვლივ ხალხი ბუზივით ირევა. თანაც გოგოებმა მითხრეს; „მოდი, მანანა, დაჯექი, ცხოვრებაში სამუდამოდ დაგამახსოვრდებაო“. მართლაც, სამუდამოდ დამამახსოვრდა. ისე არ გამიგოთ, თითქოს იმდენად ქარაფშუტა გოგო ვიყო, რომ მხოლოდ დროის გატარების და უჩვეულო გარემოში გართობის მიზნით გადავწყვიტე შიმშილობა. რა გართობაა, ცივ ქვაზე ჯდომა და ღამით კანკალი, მაგრამ დამერწმუნეთ, არც ეს მომენტია გამოსარიცხავი. თანაც დარწმუნებული ვიყავი და ახლაც ვარ, რომ ჩემი აქ ყოფნა ქვეყანას ჭირდებოდა, რალაცაში ვეხმარებოდი საერთო საქმეს. გოგოებმა თბილი წინდები და

ვილაცის დიდი (ცოტა არ იყოს, ოფლის სუნი ასდიოდა) დაბამბული ქურქი „გამიხერხეს“, სამივემ ფეხებზე ცელოფანის საბანი შემოვიხვიეთ და ერთმანეთს მიხუტებულნი ვართ, ნახევრადნამონოლილები, შიმშილის კიბეებზე. გვერდზე გამოხდილი წყლის ბოთლები გვილაგია. დროგამომშვებით ვნრუპავთ და ვმასლაათობთ მხიარულად. იცით? რალაც სასიამოვნო შეგრძნება იყო ფიქრი იმაზე, რომ ყურადღების ცენტრში ხარ, ქვეყნისთვის მცირეოდენ მსხვერპლს იღებ, რალაცას თუ ვილაცას პროტესტს უცხადებ.

ისე გაიარა დღემ, არც გამიგია. მონყენის დრო სად იყო. მთელი ცხოვრების მანძილზე ცალ-ცალკე მყოფნი, ერთმანეთისგან სუბორდინაციული თუ ეთიკურ-ზნეობრივი ბარიერებით გათიშულნი, ახლა საოცრად ახლოს ვიყავით ერთმანეთთან. თითქოს ოცდაათი-ათას კაცს ერთმანეთის სუნთქვა ესმოდა, ჩვენი სხეულებითაც კი ვათბობდით ერთმანეთს. სიცრუეა, თითქოს ჩვენ არაფორმალურ გაერთიანებათა ლიდერებისგან ვიყავით შეგულისანებულნი. მიკროფონი განუწყვეტლივ ხმაურობდა, მაგრამ სიტყვები ნახევარი არ გვესმოდა. რას ილაპარაკებდნენ ბოლოსდაბოლოს? ლამაზად, ან შედარებით ნაკლები ორატორული ხელოვნებით ჩვენს დღევანდელ ვითარებას შეეხებოდნენ და ბოლოს დაამთავრებდნენ; „გაუმარჯოს დამოუკიდებელ საქართველოს“.

რამდენ ხანს შეიძლება ისმინო ერთი და იგივე და ჩვენც, გითხრათ სიმართლე, ორატორების მიმართ დროდადრო ინტერესს ვკარგავდით. მე, პირადად, არც ის ვიცოდი, კონკრეტულად, რას მოვითხოვდით ჩვენ, მოშიმშილენი, ან რამდენ დღეს უნდა გვეშიმშილა. არ გამცეთ და გულში ვამბობდი; გავჩერდები ერთ-ორ დღეს და, თუ ძალიან გამიჭირდა, დავბრუნდები სტუდენტალაქის ჩემს თბილ ოთახში-მეტეი.

მღეროდნენ, ცეკვავდნენ, ლექსებს ამბობდნენ. აქა-იქ ჯგუფებში გიტარაც გაჩნდა. სწორად მინდა წარმოიდგინოთ; მთელი ეს სერობა პატარ-პატარა ჯგუფებად იყო დანაწილებული. მეცინება ახლა, გაზეთებში რომ ვკითხულობ: „ვითარება თანდათან იძაბებოდა“, „პროცესი უმართავი ხდებოდა“, „მდგომარეობა თანდათან საშიშ იერს იღებდა“, „მტრული ელემენტები ბრბოს შეტევისაკენ მოუწოდებდნენო“. ერთად შეგროვილი ხალხის რომ ეშინია, ის მთავრობა მთავრობაა? არავითარი საშიშროება, არავითარი აგრესიული განწყობილება, ან საიერიშო მოწოდებანი იქ არ იგრძნობოდა და არ ისმოდა. ეტყობა, წლების მანძილზე გათიშულ საზოგადოებას დროდადრო სურვილი უჩნდება ერთად ყოფნის. ყველაფერი უფრო მშვიდობიან ეროვნულ კარნავალს ჰგავდა, ვიდრე პოლიტიკურ აქციას. სანთლები, ცად ალვლენილი



ათასი კაცის ერთდროული ლოცვა, ვაშა და ტაშის გრიალი, სამოცდაათწლოვანი შიშისგან განთავისუფლების აღტკინება, მასობრივად წელში გამართვის და თავისუფლად ლაპარაკის ილუზია, მოახლოებული, რაღაც უფრო დიდი სიხარულის მოლოდინი – ეს მართავდა აპრილის სახალხო მოძრაობას და არა რაღაც გამოგონილი ნაციონალისტური განწყობილება, ან ანტისახელმწიფოებრივი ლოზუნგები. ამგვარი ლოზუნგების არსებობას არ გამოვრიცხავ, მაგრამ დედას ვფიცავარ, არ ახდენდა ისინი ჩვენს სულზე იმ გავლენას, რისიც ასე ჰქმინებიათ ხელისუფლების წარმომადგენლებს. ძალიან ცოტა იყო იმ მიღეთ ხალხში ისეთი გულუბრყვილო, რომ იმედი ჰქონოდა, თუ ხმამაღლა ვიყვირებთ, ეს არის, გალმა გავედითო. ჭკვიანმა კაცმა მშვენივრად იცის, რომ თუნდაც ყველაზე გრძელი მიტინგით და თვითმგვემი შიმშილობით სანუკვარ მიზანს ვერ მიწვდები. მე თუ მკითხავ, შვიდდღიანი ქაქანიტ ხალხს მიტინგსაც შევაძლებთ. მიტინგი ოთხ საათზე მეტ ხანს არ უნდა გაგრძელდეს. სწრაფად უნდა შევიკრიბოთ, ვთქვათ ჩვენი სათქმელი და სწრაფადვე დავიშალოთ. არ უნდა მივცეთ თოფიან კაცს გონს მოსვლის და „ზომების მიღების“ (როგორც ეძახიან) საშუალება.

რაკი ამგვარი აღტაცებულ-საზეიმო განწყობილება სუფევდა, უწმინდესი და უნეტარესის გამოსვლაც არ მივიტანეთ გულთან. ღვთის მოციქულმა გაგვაფრთხილა, ტანკები მოდიანო, მაგრამ იმდენად ვენდობოდით ახალ, საგარდაქმნო მოძრაობას, იმდენად გვჯეროდა ვილაც-ვილაცების, რომ ვერ წარმოვიდგინეთ, თუ მშვიდობიან, უიარალო მოქალაქეებს თავს დაგვესხმოდა ჩვენივე არმია. ვინ იფიქრებდა, თუ დამსჯელ ექსპედიციას თითით უჩვენებდნენ ჩვენზე, „ჰკა მაგასაო“, სწორედ ისინი, ვისგანაც დაცვის და თანადგომის იმედი გვექონდა.

ტანკებმა ადამიანთა სახელდახელო დერეფანში გაიარეს და დადგნენ. ტაში რომ ჩაცხრა, ფარ-მუზარადში ჩამჯდარი ჯარისკაცები ჩვენსკენ შემობრუნდნენ. ვილაცამ დაიძახა: „ჩაჯექითო“. ჩვენ, მოშიშპილენი, ისედაც ვისხედით, ეს იმათ ეხებოდა, ვინც ტანკები გაატარა და ჯარისკაცებთან ახლოს იდგა. წამით ჩამოწვა სამარისებური სიჩუმე. მიკროფონი გამოირთო, პროუექტორები ჩააქვრეს. მარტო სანთლები ბუუტავდა აქა-იქ. წინა რიგებში ერთბაშად მუხლზე დაეშვენენ. ეგონათ, ალბათ, ჩამჯდრებს არ შეგვხებიანო. უეცრად ჰაერი სიმღერამ გაჰკვეთა. მარჯვნივ, ტრიბუნის ქვემოთ, ტაში დასცხეს და ცეკვა-თამაში გაიმართა. ჩემი გონებიდან არ ამოვა ის სიკვდილისწინა ცეკვა-სიმღერა. თითქოსდა განწირულთა როკვა იყო. ერთნი, ასფალტზე მჯდარნი, სან-

თლებით ხელში ჯარისკაცებისკენ შებრუნებულიყვნენ, მეორენი გამეტებით ცეკვავდნენ და მღეროდნენ; ვინ იცის, იქნებ სხვათა გასამხნეებლად, ან საკუთარი შიშის დასაძლევად. საშინელმა წინათგრძნობამ გული გამინვრილა. სუნთქვა შევაჩერე და თვალები წამით დავხუჭე. რომ გავახილე, პირველად ჯარისკაცებს ვესროლე მზერა. ფარები გადაეყარათ და ოდენ ხელკეტებითა და საველე ნიჩბებმომარჯვებულნი იდგნენ ჩვენს წინაშე. სულო ცოდვილო, მომეჩვენა, რომ ზოგი მათგანი კევსაც ლეჭავდა. პატარა, ურჩ ბიჭებს ჰგავდნენ, მოჭუტულ თვალებში მტაცებელი ფრინველის სიჯიუტე ედგათ. ომობანას თამაში წამდვილ ჩხუბში რომ გადაიზრდება და ყმანვილები ქორებივით რომ შეაჩერდებიან ერთმანეთს, სწორედ ისე იდგნენ.

„ღმერთო, ახლა რალაც საშინელება მოხდება-მეთქი“, ისევ წამართვა შიშმა თვალსინათლე. ნანყვეტ-ნანყვეტი, ტალღურად მოკლაკნილ-მოკანკალე სიმღერა ღრიალ-კივილმა შეცვალა. ჩემს უკან მოშიმშილე ბიჭი წამოდგა და ყელის გახლეჩამდე დაიბლაგლა – „არ ადგეთ!“

მოწოდებების და გონს მოსვლის დრო აღარ იყო. სიკვდილის ცელი ამოქმედდა. შიშისგან წელი ვერ ავნიე. პირთავქვე დავემხე და თავზე ხელები დავიფარე. ფეხებზე და ზურგზე საშინელ ტკივილს ვგრძნობდი. უკან მომწყდარნი მუხლებითა და ხელებით ჩემს ზურგზე გადადიოდნენ. ვილაცამ თმებში ჩამავლო ხელი და ზევით, ერთმანეთში გადახლართულ, დარწეულ ხალხში გადამაგდო. „მარჯვნივ გაიქეცი!“ „ზემოდანაც ჩამოდიან!“ „დაჭრილები არ დატოვოთ!“ – ისმოდა ყვირილი, მაგრამ ვინ გაარკვევდა, საით იყო „მარჯვნივ ან მარცხნივ“, ან დაჭრილებს ვინ გამოარჩევდა. ყველას თავისი თავი უჭირდა. რა გრძნობა იყო, იცით, რომ ყველანი ლაოკოონის გველებივით ვართ გადაბმულნი ერთმანეთზე და წარღვნამ თავზე გადაგვიარა. განწირული ადამიანები ერთმანეთს ხელს არ უშვებდნენ. ვისაც როგორ ჩაავლეს ხელი, ისე ებლაუჭებოდნენ. საშინელება ყოფილა სიკვდილის შიში. გინდა როგორმე სხვას ხელი არ უშვა, რომ მარტო არ დარჩე და სხვამ თავს არ უშველოს. ორიოდე წუთში ხალხის დიდი გორგალი მარჯვნივ მიანყდა და, თითქოს ქვესკნელიდან ამოძვრნენო, ჩვენს თვალწინ ხელნიჩბიანი მკვლელები აღიმართნენ. ერთმანეთში არეულ ადამიანთა გროვას აცხრებოდნენ და გამეტებით სცემდნენ. სცემდნენ, სადაც კი მოუხვდებოდათ. სცემდნენ გაქცეულს, ნაქცეულს, მოხუცს, ახალგაზრდას, ქალს, კაცს. ეს არ იყო წესრიგის დამყარებისკენ მიმართული ცემა. ეს იყო რბევის, ხოცვის, ანგარიშის გასწორების აქცია.

სასწაული მოხდა; ფხოჭნა-ხრიალში ვიგრძენი, რომ ფეხიც და თმაც გავითავისუფლე. თითქოსდა მარტო დავრჩი. კატის სიმარდით შევვარდი მალლა, გაზონებში და ის იყო ნარგავებს ჩაბლაუჭებულმა გრილ მინაში ჩავრგე თავი, რომ ზურგზე საშინელი დარტყმა ვიგრძენი. გონება არ დამიკარგავს, ვილაცამ ცალ ფეხში მტაცა ხელი და გრანიტის კიბეზე გამათრია. სამხედრო ჩექმას მოვკარი თვალი და ღონიერმა ხელმა პირალმა ამომატრიალა. ჩექმებს შორის ვარ მოქცეული და ჯარისკაცის უტიფარ სახეს ვხედავ. დგას და მეჩვენება, რომ ილიმება კიდეც. შემაგინა და ჯერ ნიხლი ამომარტყა ფერდებში, მერე სახეზე სურდა ფეხის დაბიჯება, მაგრამ გადაბრუნება მოვასწარი და პირველი ხუთი დარტყმა მახსოვს თავში, მერე ყურსა და ღანვებზე თბილი სითხე (სისხლი!) ჩამომელვარა და თვალებზე ბლანტი ბურუსი ჩამომანვა. თითქოსდა მეძინებოდა და ძილს მიშლიდნენ. თითქოსდა თავქვე მიმაქანებდა მდინარე და ჩემს თვალწინ საშინელი წარღვნისგან სწორედ ის ნაპირი ირღვეოდა, სადაც ფეხი უნდა შემედგა, სადაც ხელგამონვდილნი მელოდებოდნენ.

არ ვიცი, რამდენ ხანს ვეგდე კიბეზე. მახსოვს, თავი წამოვწიე და მკვდრებით სავსე მოედანს მოვავლე თუ არა მზერა, თითქოს მიდარაჯებდაო, კუს ბაკანივით მწვანე ყილეტიმორგებულ ჩექმოსანი ჯალათი მომვარდა და მტკავლისსიგრძე მენზურით ცხვირში ჯოჯოხეთის შხამი შემაფრქვია.

პირი გამიშრა, სუნთქვა შემიგუბდა.

ვგრძნობდი, როგორ მებერებოდა ფილტვები, ყელში ბურთივით მანვებოდა რალაც. სიცოცხლედ მიღირდა ერთი ნვეთი წყალი, ერთი ამოსუნთქვა.

მიშველეთ-მეთქი, ეს ალბათ უკანასკნელი ყვირილი იყო.

სიონის ზარების რეკვამ გამომალვიძა.

გარდაცვლილები იატაკზე ვესვენეთ და სულ ახლოს ანგელოზთა გალობა ისმოდა.

კარს მიღმა, ქუჩაში, ფარ-მუზარადიანი მკვლევლები იდგნენ.

შიშმა შემიპყრო. მომეჩვენა, რომ ამ ღვთის სახლშიც არ მოგვასვენებდნენ. სიონშიც შემოცვივდებოდა სიკვდილის ლეგიონი და ხელმეორედ დაგვბოცავდა.

პანაშვიდზე მოსულთა გულისცემაც კი მესმოდა. ყველაფერს ვგრძნობდი, მაგრამ ტყვიასავით დამძიმებული სხეული არ მემორჩილებოდა.

მინდოდა მეყვირა, მაგრამ ყელსა და ფილტვებში დუღავით გამაგრებულიყო რალაც და ხმის ამოღების საშუალებას არ მძლევდა.

როგორ მინდოდა კუბოში ლამაზი ვყოფილიყავ, მაგრამ საუკუნის სანამლავით სუნთქვაშეკრული და ფილტვდახშული ჩემს თავსაც ვერ ვცნობდი.

რუსთაველის პროსპექტზე რომ ჩამატარეს, კინალამ კუბოში ნამოვფექი ყვავილების ტბის სანახავად.

ზღაპრული იერი ჰქონდა ირგვლივ ყველაფერს.

ბოლმისგან სულშეძრულ ხალხს ჩვენი სისხლი ყვავილებით დაეფარა, რათა ვერასოდეს ვერავის მოერეცხა ცხრა აპრილის კვალი.

გვირგვინებიდან ჩემივე სურათი შემომცქეროდა.

დახრილი დროშებით იდგნენ შავი ნაჭრით თავნაკრული ჩემი ძმები და ქაშუეთის ზარი მათი ვერდაჩოქების სიმღერას კვნესოდა.

ახლაც ჩემს საფლავზე დადებული თითო მიხაკი სითბოდ მენვეთება გულზე.

ალალი იყოს შენთვის, ჩემო ქვეყანავ, თავისუფლებისთვის დაღვრილი ჩემი სისხლის ყოველი წვეთი“.

\* \* \*

საექსპერტო ჯგუფის უფროსი გიორგი მესაბლიშვილი იჯდა და კედელზე მ. გორბაჩოვის სურათს შეჰყურებდა. გენერალური მდივანი ამ სურათზე უფრო ახალგაზრდა და გამხდარი ჩანდა.

ერის დამშოშმინებელი კომისიის თავმჯდომარე კაბინეტში ზურგზეხელებდნყობილი მიმოდიოდა, ხანდახან შეჩერდებოდა, ნათქვამისთვის მეტი დამაჯერებლობის მისანიჭებლად გიორგისკენ თითს გამოიშვერდა, წინადადებას ერთხელ კიდევ გაიმეორებდა და კვლავ განაგრძობდა გზას ფარდაგზე, რომელსაც წითელი ყაყაჩოები ეხატა.

– ასეა საჭირო, დამიჯერე გიორგი. შენ მაინც მიცნობ, მე არც არავისი მეშინია და არც კომისიის თავმჯდომარეობა მიღირს დიდად. ხალხისთვისაა ასე საჭირო. რას მისცემს ხალხს იმის გაგება, რომ ჯარმა ქიმიური იარაღი გამოიყენა. დახოცილებს ხომ ვერ გავაცოცხლებთ. ხალხს კი დარდსა და ბოლმას მოვუმატებთ. რატომ გაგვწირეს, რა დავაშავეთ ასეთიო, იტყვიან. ქვეყანა მგლოვიარეა. ხალხის განწყობილება ჩემზე უკეთ იცი, არ არის სისტემის სასარგებლოდ მომართული. ამ დროს ჩვენ დარდს დარდი მივუმატოთ? ჩქარობენ შენი ექსპერტები. მანდ „ჩერიომუხას“ გარდა სხვა კვალი არ ჩანს. „ჩერიომუხა“ ცრემლმდენი, უსაფრთხო გაზია. ჩვენ რომ ზედმეტი კირკიტი დავინყოთ და ფანტაზიას გასაქანი მივცეთ, შორს წავალთ, ნერვული მოვლენები, რაც ზოგიერთ მონამლულს ეტყობა, იმდენად ინტოქსიკაციის ბრალი არ არის, რამდენადაც იმ ლამის შიშის ზაფრისა, სტრესული მოვლენები და

ორგანული არაფერი შეინიშნება. დავფიქრდეთ კარგად, რას მისცემს ხალხს ის, რისკენაც შენი ჯგუფის წევრებს მიჰყავთ საქმე? ჯარისკაცებს არავინ დასჯის, ხომ მართალია? ხალხს ტყუილად გავალიზიანებთ და ისევ ჩვენს ზურგზე გადატყდება ჯოხი.

– კი მაგრამ, მონამვლის საშუალებების დადგენა თუნდაც იმისთვისაა საჭირო, რომ მკურნალობის სწორ გზას დავადგეთ.

– მე მითხრეს, რომ ზუსტი ანტიბიოტიკი საჭირო იყო მონამვლის პირველ დღეს, ახლა იგი ეფექტური ვერ იქნება. ასე რომ, უნდა დამიჯერო. ცრემლსადენის გარდა სხვა რამით მონამვლა არ აღინიშნება. ასე სჯობია ხალხისთვის. შენ ჭკვიანი კაცი ხარ და გამიგებ. ჩვენი ერი ახლა დიდი განსაცდელის და დიდი სულიერი გამოცდის წინაშე დგას, ჩვენ ყველაფერი უნდა გავაკეთოთ ხალხის დამოშმინებისა და გადარჩენისთვის. აბა, შენ იცი. წინასწარ გიხდი მაღლობას.

გიორგის საპასუხოდ არაფერი უთქვამს. გულდამძიმებული ჩამოვიდა კიბეზე. მანქანა რომ გაალო და ჩაჯდა, მერე დაუნყო გასაღებს ჯიბეში ძებნა, ჩანთაში რომ ვერ აღმოაჩინა, სასონარკვეთას მიეცა. უეცრად მოისაზრა; უგასაღებოდ მანქანაში როგორ აღმოვჩნდიო. გადმოვიდა, კარს გასაღები გამოაძრო და თავს გაუჯავრდა, რამ დამაბნიაო.

თავდაღმართზე შხუილით დაუშვა მანქანა. ვაკეს რომ გამოცდა, მხოლოდ მაშინ მოეგო გონს და ქუჩას გახედა.

ორჯონიკიძის შერყვნილ ძეგლს მილიციის მუშაკები ბენზინიანი ჯაგრისებით გულმოდგინედ წმენდნენ.

იქვე, ახლომახლო, მშვიდობიანი მოქალაქენი იდგნენ და ამ სანახაობას, ღმერთო შეგცოდდე, კმაყოფილი სახეებით შესცქეროდნენ.

გიორგიმ ქავთარაძის ქუჩისკენ გაუხვია და საავადმყოფოსთან შეაჩერა მანქანა.

შესასვლელთან ხალხი ბუზივით ირეოდა. მილიციელები მსურველთ, როგორც მესაბლიშვილმა შეატყო, ასაკობრივი პრინციპით და სოლიდური, საქმიანი კაცის შესახედაობის მიხედვით ატარებდნენ. ეს გარემოება ახალგაზრდობის უკმაყოფილებას იწვევდა. ნესრიგის დამცველებთან ერთ ადგილას კამათიც კი გაემართათ. ნვეროსანი ბიჭი ყურებამდე განითლებულ უმცროს სერჟანტს ჰელსინკის საერთაშორისო ხელშეკრულებას მოაგონებდა და განუმარტავდა, ამ ზედმეტმა აკრძალვებმა და არშეშვებებმაც გამოიწვია ცხრა აპრილიო. არ შეიძლება, გენაცვალე, ავადმყოფებს აღიზიანებთ ამდენი მნახველი. ეს ღონისძიება ავადმყოფების სურვილით კეთდება, თორემ ჩვენ სულ არ გვეხალისება აქ დგომა და ენის ტარტალიო, მერამდენეჯერ იმეორებდა სერჟანტი, მაგრამ მისი „სიმართლის“ გაგება ირგვლივ შემოჯარულთაგან არავის სურდა.

კარს გრძელთმიანი, შუბლზე შავზონარნაკრული, მაღალი ბიჭი მიუახლოვდა და შესვლის მსურველთა ზურგებს მიემატა. იგი ვილაცამ შენიშნა და მილიციელებს უთხრა.

– გაატარეთ, მოშიმშილეთ.

ყველამ მაღალი ბიჭისკენ მიიხედა. დერეფანი სწრაფად გაკეთდა და მოშიმშილე მოწინებით გაატარეს. გიორგიმ იმ დერეფნითვე ისარგებლა და მილიციელებმა გზა რომ გადაუღობეს, ჩუმად ჩაილაპარაკა:

– საექსპერტო კომისია.

– საბუთი? – ჰკითხა სერჟანტიმა. აშკარად ჩანდა, რომ იგი სხვადასხვა კომისიების და არაფორმალური გაერთიანებების დასახელებას მიჩვეული იყო.

გიორგიმ საბუთი უჩვენა.

ჯერ მეშვიდე სართულზე ავიდა, მორიგე ექიმი მოძებნა და უთხრა – ესა და ეს კაცი ვარ, თუ შეიძლება რამდენიმე ტიპიურ ავადმყოფთან შემიძახითო.

მორიგე ექიმი ახალგაზრდა, ლამაზი გოგონა იყო. ნატო ერქვა. დაღლილი იერი და სუსტი, გაბზარული ხმა მას კიდევ უფრო ნაზსა და ქალურს ჰხდიდა.

პალატისკენ რომ მიაბიჯებდნენ, გიორგიმ ჰკითხა:

– რა მდგომარეობაა?

– ძველებური.

– უკეთესობა არ შეინიშნება?

– როგორ გითხრათ. ერთ საათს რომ კარგად არიან და თვითონაც გაიხარებენ, მეორე საათს გონების დაბინდვა ეწყებათ, მეხსიერების დაქვეითება, ზოგს სრული გამოთიშვაც კი.

– ყველას ემართება?

– თითქმის, მეტნაკლებად.

შვიდასმეცხრე პალატაში ორნი იწვნენ, ვაჟები. ერთი მათგანი სანოლზე წამომჯდარიყო, ხელში ქილა ეჭირა და დიდი კოვზით ტყემლის კომპოტს ჭამდა. სტუმრები რომ დაინახა, ერთი გახედა, მობრძანდითო თქვა, მაგრამ ჭამა არ შეუწყვეტია. მეორე, ქერათმიანი, გამხდარი ბიჭი პირაღმა იწვა, ჭერს შესცქეროდა და რალაცას ბუტბუტებდა.

– როგორა ხართ, ბიჭებო? – მცირე პაუზის შემდეგ იკითხა გიორგიმ.

– კარგად, პატივცემულო, ხომ ხედავთ კომპოტს ვჭამთ, – ბიჭმა კოვზი ქილაში ჩააგდო და კარადისკენ გააცურა, – ცოტა კოკი ვერ არის დღეს კარგად. – მეგობარს გახედა.

კოკი ჭერს შესცქეროდა და ბუტბუტებდა. აშკარად ჩანდა, რომ ექიმის და მისი თანმხლებების შემოსვლა არც გაუგია.

– კარგი ბიჭები არიან, – დეკლარაციულად უთხრა ნატომ სტუმარს, მერე ხმას დაუნია – გერას ძილი არა აქვს. ღამით სედუქსენით ვაძინებთ. ჭამის აჩემება აქვს. სიმადლრეს ვერ გეპულობს. გაუთავებლად ჭამს. კოკი უფრო ცუდად არის.

ამასობაში კოკიმ შუბლზე მუშტი მოისვა და საბანი ფეხებშორის შეიკეცა.

– როგორა ხარ, კოკი? – ჩაჰკითხა ნატომ.

კოკიმ უაზრო თვალებით ამოხედა.

– ვა, გათენდა? – იკითხა მან და სანოლზე წამოჯდა. – რომ არ მძინებია? – როგორ გათენდა – ნატოს მაჯაზე წაავლო ხელი. – თქვენთან რომელია?

– ოთხია, კოკი. როგორ გათენდებოდა, როცა ჯერ არც კი დაღამებულა.

– ჰო, სულ დამავინყდა, რომ გათენდეს, ხომ უნდა დაღამდეს. ხომ უნდა დაღამებულყო. აბა, ისე როგორ გათენდებოდა. რომ დაღამებულყო, სინათლეს ჩააქრობდნენ. არ მძინებია, ესე იგი არ დაღამებულა. ხომ უნდა მეძინებოდეს... გუშინ დამეძინა... დღეს აღარ მეძინება... იმიტომ რომ არ დაღამებულა...

კოკიმ ერთი ამოხედა უაზრო თვალებით სტუმრებს, კედლისკენ შეტრიალდა და განაგრძო ნაწყვეტ-ნაწყვეტი, ფიქრსშერჩენილი საუბარი თავის თავთან, თავის აზრდილთან.

მეექვსე სართულზე, ექვსასრვა პალატაში, ერთი ავადმყოფი იწვა – მანანა ნავერიანი. მიტკლის ფერი დასდებოდა. მარჯვენა მკლავზე წვეთოვანი ჰქონდა შეერთებული. თავი გადაეგდო და ღია თვალებით ჭერს შესცქეროდა.

– როგორ არის? – ჩურჩულით ჰკითხა გიორგიმ ავადმყოფის ფერხით, თეთრ სკამზე ჩამომჯდარ ხელებში თავჩარგულ ყმანვილს.

სანამ ყმანვილი წამოდგებოდა, ნატო ალაპარაკდა:

– ვერ არის კარგად. მეშვიდე დღეა წვეთოვანზე გვყავს. შხამისგან საყლაპავი მილი აქვს დაზიანებული. დეპრესიაშია, ნევრიულ სისტემას როგორმე მოვუნესრიგებთ. საყლაპავი მილის მდგომარეობა გვაფიქრებს. წვეთოვანზე დიდხანს ყოფნა არ შეიძლება. საქმლის მომნიელებელი ორგანოები ფუნქციას ჰკარგავენ და მწყობრიდან გამოდიან. – ეს სიტყვები ნატომ ჩურჩულით თქვა.

– თქვენ რა ხართ ავადმყოფის? – ნატოს მიჩერებულ ყმანვილს ჰკითხა გიორგიმ.

– ქმარი.

– თქვენ იქ არ ყოფილხართ იმ ღამით?

– წარმოიდგინეთ, რომ არა, პატარა ბავშვი გვყავს, ერთი წლის. მორიგობით დავდიოდით მიტინგზე. ცხრა აპრილს ღამის

ორ საათზე დავბრუნდი და მეუღლე გავგზავნე. ბავშვის ნაყვანაც გვინდოდა, მაგრამ ცოდოა, არ გააღვიძო. ნავალ, დავხედავ და დავბრუნდებიო, ამ უბედურმა. იმ სამინელ წუთებში პიონერთა სასახლის ლობესთან მდგარა.

\* \* \*

„1989 წლის ცხრა აპრილს მიტინგის დარბევისას სასანგრე ნიჩბების და ხელკეტების გარდა შეიარაღებული ძალების ქვეგანაყოფებმა მშვიდობიანი მოსახლეობის წინააღმდეგ გამოიყენეს ხუთი სახეობის ქიმიური იარაღი. მათგან ოთხი უკვე გაშიფრულია. მეხუთეს – ფსიქიკაზე ხანგრძლივი ზემოქმედების შესამის სახელწოდებას, გულმოდგინედ მალავენ არმიის წარმომადგენლები.

ოფიციალურად არა ომის მდგომარეობაში, ხალხის დასაცავად მონოდებულ ჯარისკაცთაგან საკუთარი ხალხის გონებრივ-ფიზიკური განადგურებისთვის მრისხანე ქიმიური იარაღის გამოყენება ლამის უპრეცედენტოა მსოფლიოში.

გამომდინარე ზემოთქმულიდან საექსპერტო კომისია ბრალს სდებს...“

გიორგი მესაბლიშვილი წერდა საექსპერტო კომისიის დასკვნას. წერდა ხელაკანკალებული, ტურქებმოკუშული, ცრემლგამშრალი.

\* \* \*

არ ვაპირებდი გამოსვლას ამ სამგლოვიარო მიტინგზე. ვფიქრობდი, სხვა დროსა და სხვაგან მეთქვა თქვენთვის ჩემი სათქმელი, მაგრამ გადავწყვიტე დღეს გამოვსულიყავი ორი მიზეზის გამო: ჯერ ერთი, გლოვას ძალიან ხომ არ გადავყევით, და მეორეც, ბრძოლის ნაცვლად სხვათათვის თავის შეცოდების პოლიტიკას ხომ არ ვადგევართ.

მაპატიეთ, ველავ და მთლად დალაგებულად ვერ ვილაპარაკებ, დალაგებულად, როცა არ ველავ, მაშინაც ვერ ვლაპარაკობ.

გითხრათ სიმართლე მწყინს რომ საითაც გავიხედე, ვერა და ვერ გამოვედით გლოვა-ზაფრის განწობილებიდან. განა იმას ვამბობ, რამე გადავივინწყით და გულიდან ამოვიღოთ-მეთქი. ეგ, კიდევ რომ მოვინდომოთ, არ გამოვა, მაგრამ მე გაუთავებელი ტირილი და თავში ცემა მომწყინდა და არა მარტო მომწყინდა, მაფიქრებს, უფრო ზუსტად რომ ვთქვა – მალონებს ჩვენი ხვალისდელი მოძრაობისთვის. რაღაც არ მაგონდება ჩვენი ისტორიიდან მოუშუშებელი გლოვის მაგალითები. როდის შევბლაოდით მსოფლიოს, ყიზილბაშებმა ამდენი ქართველი დაგვიხოცეს, ვაი ჩვენს დღეს უბედურსო? ჩვენმა



წინაპარმა კარგად იცოდა, რომ მისთვის თავს არვინ გამოიდებდა. მარტო რჩებოდა თავის ჭირთან, ტუჩებმოკუმული და მუშტმეკრული. სხვას არავის უჩვენებდა ცრემლს. გულში ზრდიდა სურვილს მტრისთვის სამაგიეროს გადახდისას. ასეთი იყო ქართველი.

სხვას რას ველოდით? მტერი იმის მტერია, რომ როგორც შეუძლიან, ზიანი უნდა მოგაყენოს. ჩვენ კი, თუ რამე შეგვიძლია, უნდა ვაზღვევინოთ, უნდა ვანანოთ მომხვდურს მიხტომა.

მტერს ის უნდა, საქართველო ერთ დიდ სამგლოვიარო სახლად რომ გადაიქცეს. ნუთუ ამ ორმა თვემ ვერ დაგვარწმუნა, რომ მსოფლიოს დიდ სახელმწიფოებს ჩვენი პანანკინტელა ქვეყანა იმად არ უღირთ, რომ რუსთხელმწიფესთან ურთიერთობა გაიფუჭონ. ყველამ ყველაფერი მშვენივრად გაიგო, სიტყვით ზოგმა გვითანაგრძნო კიდეც და მეტი არაფერი. სხვა იმედი არც უნდა გვექონოდა, ყველას თავისი თავი უჭირს დღეს.

არც გარდაცვლილებს გაეხარებათ იმ ქვეყნად, ჩვენი თავზე ნაცრის წაყრა და უთავბოლო ტირილი. ჩვენი მთავარი საქმე ახლა ის კი არ არის, დამნაშავე გარენრები გაასამართლოს მთავრობამ, ან მკვლელ ოფიცერს თითო ვარსკვლავი ჩამოაძროს სამხრეებიდან. ჩვენი მთავარი საქმეა, აპრილის ბრძოლა ბოლომდე მივიყვანოთ, იმ ოცნებას შევასხათ ხორცი, რისთვისაც ჩვენმა დებმა და შვილებმა სისხლი დაღვარეს.

დამიჯერეთ, მეგობრებო, რა კარგადაც უნდა გამოიძიონ საქმე, ან რა მკაცრადაც უნდა დასაჯონ მკვლელები, ეგ ჩვენთვის ნუგეში ვერ იქნება. იქნებ პირიქით, ცუდად იმოქმედოს ჩვენს მოძრაობაზე: ჩვენს რიგებში მყოფი მოჭოჭმანენი იტყვიან, ხომ ჭამა პური სამართალმა, რალა გვინდა მეტო, ხოლო სამხედრო ხელისუფალნი თითს დაგვიქნევენ; ხომ დაისაჯნენ დამნაშავენი, ახლა მანც დანყნარდით, თუ ზურგი არ გექავებათ და ცუდ ფეხზე თუ არა ხართ ამდგარნიო.

ჩვენ ცხრა აპრილის სისხლი უნდა მივიღოთ, როგორც ბუნებრივი შედეგი ჩვენი ბრძოლისა, ყველამ უნდა შევიგნოთ, რომ თავისუფლება უბრძოლველად არ მოდის. ახლა მომავალი ბრძოლის ფორმებზე უნდა ვიფიქროთ.

გაიხსენეთ თავისუფლებისთვის მებრძოლი ქვეყნების გაკვეთილები. რა საშუალებებით იბრძოდა ავღანეთი დამპყრობელთა წინააღმდეგ? ამოჩემებული ჰქონდა შიმშილობა და მეტი არაფერი? რვა წელიწადი დღე-დაღამ თვალმოუხუჭავად, დაუძინებლად ებრძოდა დამპყრობლებს და არც ერთხელ შიმშილობა არ გამოუცხადებია. კი, შიმშილობა პოლიტიკური ბრძოლის ერთი ფორმაა, მაგრამ ისე გავცვით ეს ფორმა, იმდენჯერ გავიმეორეთ, რომ ხელისუფალნი

მივაჩვიეთ უკვე ჩვენს შიმშილობებს და დარწმუნებული ვარ, ჩვენი ბრძოლა ჭირვეული ადამიანების გაუაზრებელ აქციად ერქვენებათ. მტერს ის უნდა, თუ ერთ ადგილზე შეკრებილს და შიმშილისგან ღონემიხდილს, არაქათგამოცლილს გიხილავს.

თავისუფლებისთვის ბრძოლის მდიდარი არსენალიდან ყველა საშუალება უნდა გამოვიყენოთ. მაშინ ვიქნებით ჭკვიანი და ნამდვილი მებრძოლები. შიმშილობამ თავისი საქმე გააკეთა, ახლა სხვა გზებით, სხვა მხრიდან, სხვანაირად შევუტოთ.

იმპერიის ტახტი რომ ირყევა, ამას დღეს მისი ერთგული დამქაშებიც მშვენივრად გრძნობენ. თავუსუფლების ნანატრი ცისკარი უკვე მოადგა საქართველოს მაღალ მთებს. ახლა ბოლომდე ბრძოლა, არდაცხრომა, გრძნობა-გონების ჰარმონიული შეთანწყობით მოქმედებაა საჭირო.

ტყუილად ელის ვინმე, რომ მისი ავბედითი ღონისძიებების შედეგად ხვალინდელ ბარიკადებზე შემკრთალ-დაბეჩავებულ ქართველს იხილავს.

შიშის გრძნობა უცხოა იმ ერისთვის, რომლის ილაჯგანწყვეტილი წარმომადგენელიც ჯოხით დააცხრა მარიონეტ მკვლელთა ჯავშნოსან მანქანებს. შიშის გრძნობა უცხოა იმ ერისთვის, რომელმაც მოახლოებული სიკვდილის ჟამს უსინათლო გოგონათა ყელიდან თმაბენვის ამბურძგლავი, გულისმომკვლელი სიმღერა-ყივილი მოისმინა:

„დაუკარით, რომ ძველ ხანჯალს ელდა ეცეს!“

\* \* \*

რა გრძელი და საზარელიც უნდა იყოს ღამე, გათენებით აუცილებლად გათენდება.

სიბნელე რომ გაიცრიცა და აღმოსავლეთს თეთრი ციაგი შეერია, გარკვევით გამოჩნდა მოედანზე მიმოყრილი საგნები – ნეილონის ლეიბები, ხელჩანთები, ცალ-ცალი ფეხსაცმელები, ბოთლები და ქანდაკებათა კვარცხლბეკებს მისხურებული სისხლიც.

თითქოსდა ჩვეულებრივზე ჩქარა თენდებოდა. თითქოსდა ბუნებას სურდა ადამიანთათვის დროზე დაემტკიცებინა, რომ, რაც ნუხელის მოხდა, საშინელი სიზმარი კი არა, გულისამრევი სიცხადე იყო.

ფაროსანი ჯარისკაცები, რომლებსაც მოედანი ოთხკუთხევი შეეკრათ, ერთმანეთს მხრებით მიყრდნობილნი იდგნენ, გულგრილად იმზირებოდნენ და შიგადაშიგ ამტქნარებდნენ კიდეც. გადაცმული ოპერმუშაკები და მეეზოვენი საბარგო მანქანაზე „ჰოპ-ჰოპის“ დაძახებით, ცხედრებივით ისროდნენ ლეიბებს. გელა კირთაძეს თვალები ეწვოდა და სუნთქვა უჭირდა, მაგრამ შინ წასვლაზე არც ფიქრობდა. სურდა, ყველაფრის გადაღება მოესწრო.

ქაშვეთთან ქვის მოაჯირზე შეხტა და ტანკზე პირალმა წამონწილილ ჯარისკაცს დაუმიზნა ვიდეოაპარატი.

„ტანკები რომ არ იყვნენ, როგორ ჰგავსო მოედანი კინოგადსაღებ არენას, სადაც ეს-ესაა დამთავრდა ჯვაროსნულ ლაშქრობაზე ფილმის მორიგი ეპიზოდის გადაღება“ – გაიფიქრა გელამ და ხელფარიანი ბიჭებისკენ შებრუნდა.

– ეი, ტი! – მოესმა ზურგსუკან.

დაბალი ტანის, შავტუხა, წვრილთვალება, ბრტყელსახა ოფიცერი უხმობდა.

გელა მოაჯირიდან ჩამოხტა და მისკენ წავიდა.

ოფიცერმა აპარატს წაუპოტინა ხელი.

– ია პისატელ, მაგუ პაკაზატ დოკუმენტი! – განზე გაინია გელამ, მაგრამ ოფიცერს არაფრის გაგონება არ სურდა. მან ხელიდან გამოგლიჯა ვიდეოკამერა, გრანიტის მოაჯირთან მიიბრინა, ორჯერ მაგრად დაჰკრა ქვას და მერე ასფალტზე ღონივრად მოისროლა.

გელას თვალთ დაუბნელდა. ჯერ დამსხვრეული კამერისკენ გაინია, შუა გზაზე შეშლილი სახით შემოტრიალდა და ღონივრით მდგარ, უტიფრად მომღიმარე სამხედრო პირისკენ გამოიქცა, მაგრამ იქამდე ვერ მიაღწია. თვალის დახამხამებაში უკნიდან წამოპარულმა ჯარისკაცებმა ხელები გადაუწირიანეს და, ქეჩოში ხელჩავლებული, უფროსს წარუდგინეს.

– აა ნუკა უბირაისა ატსუდა, პაკა გოლოვა ცელაია! – კბილებში გამოსცრა ოფიცერმა და ზურგი უჩვენა. ჯარისკაცებმა იგი მუხლებამდე თავდაქაჩული მიიყვანეს ეგნატე ნინოშვილის ძეგლამდე და თავდაღმართზე უბიძგეს.

გელა ხეს მიეყრდნო და, პირველი, რაც გააკეთა, ის იყო, რომ მუცელზე მოისვა ხელი. სიხარულმა სახე გაუნათა. კასეტა მთელი იყო. კომპარული ლამე მან უკვე ნაწილობრივ გადაიღო მერე, ვაითუ კამერა წამართვანო, გადაღებული კასეტა ქამარში ჩაიღო და, მიუხედავად იმისა, რომ ძველი ნახევრამდეც არ იყო დაცლილი, ახლით შეცვალა.

აუხდა შიში.

სიმწრისგან ტუჩზე იკბინა და სანაპიროზე დაეშვა...

ახლა მთავარი იყო, კასეტა გადაერჩინა.

თუ გამაჩრეეს, უსათუოდ გამჩრეკენ და ჩამომართმევენო, ფიქრობდა და ეზო-ეზო იარა, ვარაზისხევში ტანკებს რომ ჰკიდა თვალი, უკან დაბრუნდა, ზოოპარკის ლობეზე გადახტა და ვერეს ნაპირზე ჩავიდა. იქ ცოტახანს სული მოითქვა, მდინარის ნაპირს აუყვავა და ათონელთა ქუჩაზე ლამის პირისპირ შეეჩეხა სამ ჯარისკაცს. კიდევ კარგი, ისინი ზურგით იდგნენ და ვილაცის „ჟიგუ-

ლის“ საბარგულს ჩხრეკდნენ. მარცხენა ხელში ავტომატები ეჭირათ, მაღალქუსლიანი ბატინკები და დესანტის მწვანე ფოთლოვანი ფორმა ეცვათ.

უკან გაბრუნდა, ბავშვთა ქალაქის ბილიკებს დაადგა და იმ ადგილას ამოვიდა ჭავჭავაძის გამზირზე, სადაც ადრე ვენამბულატორიის ძველი ხის შენობა იდგა.

55-ე სკოლასთან ქურა დინჯი ნაბიჯით გადაჭრა. სამშვიდობოს რომ გავიდა, სადარბაზოში ერთბაშად საშინელი თავის ტკივილი და მოთენთილობა იგრძნო.

მაჯაზე შუბლმიყრდნობილი კარგა ხანს იდგა ცივ, მტვრიან კედელთან.

ლიფტის ღილაკზე თითის დაჭერის თავიც აღარ ჰქონდა.

ლიფტს მეუღლე ჩამოჰყვა. მას, ფანჯარაზე გადმომდგარს, დაენახა გელა და რაკილა ამოსვლა შეაგვიანდა, შესაგებებლად გამოსულიყო.

ცოლმა ყველაფერი იცოდა.

– კიდევ კარგი, რომ ცოცხალი გადარჩი. რომ გათენდა და არ ჩანდი, დასაბმელი გავხდი. კობამ ერთი ფეხით მოგასწრო.

– ძინავს?

– გაუხდელად წამონვა და მკვდარივით ჩაეძინა.

– ვერ წარმოვიდგენდი, თუ ამას გაბედავდნენ. – პაუზის შემდეგ, გაბზარული ხმით თქვა გელამ.

– რას ვერ წარმოვიდგენდი, ხომ გეუბნებოდი, ყველაფერი იქეთ მიდის-მეთქი. მშვიდობიანი გარეკვა რომ სდომოდათ, ხუთ დღეს გვაცლიდნენ? იმიტომ მიუშვეს შიმშილობა – მიტინგი, რომ ბოლოს სისხლის კალო მოეწყოთ. რამდენია მკვდარი?

– ბევრი, ალბათ პირველმა ჩეხვამ რომ გადაიარა, მოედანზე უამრავი მკვდარ-ცოცხალი ეყარა.

– მოასწარი გადაღება?

– მგონი. ხოცვის კადრები მაინც ვერ გადავიღე. შორს იყო და ბნელოდა. სანამ გავალწედი, „ოპერაცია“ დამთავრდა კიდევც.

– ცოტა დაისვენე და მერე საავადმყოფოებიც უნდა გადაილო. მორგშიც უნდა შეალწიო. ყველამ უნდა ნახოს ამათი სიდამპლე.

გელამ შუბლი მოისრისა. კასეტა მაგიდაზე დადო.

– გადაიღე. კი ეს კასეტა ძლივს გადავარჩინე. კამერა თავზე გადამამსხვრიეს.

ცოლს არაფერი უთქვამს. ფარდები ჩამოუშვეს და ტელევიზორს მიუხსდნენ. უცქეროდნენ მდუმარედ, უკომენტაროდ. გელას ისეთი გრძნობა დაეუფლა, თითქოსდა ეს კადრები სადღაც, დიდი ხნის წინათ უკვე ენახა.

– საშინელება – ჩაილაპარაკა ცოლმა, – ამ დოკუმენტს მაინც სადღა ნაუვლენ. კიდევ ილაპარაკებენ ჰუმანურ სახელმწიფოზე და ადამიანის უფლებების დაცვაზე, ეს... ეს... ეს ღორები?

– ის მაინც ვერ არის, რაც მინდოდა.

– ნეტა სხვამაც თუ გადაილო?

– მე არ შემომჩნევია, ალბათ, იქნებოდა.

– ახლა ეს ფირი სასწრაფოდ მთელმა ქვეყანამ უნდა ნახოს.

სწორედ ამ დროს მოუვიდა გელას აზრად წაელო ეს კასეტა და იმპერიის სიღრმეში, შორს, რომელიმე პროვინციულ ქალაქში ეჩვენებინა. ეჩვენებინა თავისი კომენტარებითურთ, ეჩვენებინა, როგორც ბრალდება, ზოგი გულუბრყვილო მოქალაქის გულში ჯერ კიდევ მბჟუტავი რწმენისა და ილუზიების გასაბათილებლად.

ეს გადანყვებილება ცოლს, ბილეთი რომ აიღო და ბარგის ჩალაგებას შეუდგა, მაშინ გაანდო. ცხრა აპრილიდან ერთი კვირის თავზე ოთხ საათზე უკვე თვითმფრინავში იჯდა და ქალაქ ტაპოროვოსკენ მიფრინავდა. ტაპოროვოში ადრე არასოდეს ყოფილა. ქალაქი თბილისიდან არც მეტი არც ნაკლები, ოთხსაათნახევრის საფრენზე იყო.

ტაქსის მძღოლმა მოედანს წრე დაარტყა, უნდოდა კიდევ ჩაესვა ვინმე, მაგრამ ტაქსის რიგში არავინ იდგა, ხოლო ავტობუსის რიგში მდგარნი ჯიუტად და მკაცრად განზე იყურებოდნენ.

არყისხეებამგზავრებულ გამზირს რომ დაადგენ, მძღოლმა ჰკითხა:

– ბაქოს ჩამოჰყევით?

– დიახ. – მიუგო გელამ.

– თათარი ხართ?

– კი ბატონო – თვითონაც ვერ აგისხნიდათ ახლა გელა, რატომ დადგა ხუმრობის გუნებაზე და რატომ დამალა თავისი ქართველობა.

– მიყვარს თათრები. – სარკე შეიტრიალა და თავის უნარბო სახეს შეავლო თვალი მძღოლმა. – გულლია, პირდაპირი ხალხია. ჯარში ბევრი თათარი მეგობარი მყავდა.

რაკილა გელამ არ გამოხატა აღფრთოვანება იმის გამო, რომ ჯარში ტაქსის მძღოლს ბევრი თათარი მეგობარი ჰყავდა, მძღოლმა „ფირფიტა გამოცვალა“.

– ქართველები რაღაც არ მომნონს: ვერ ვუგებ. ცოტა ამპარტავანი, თავნება ხალხია.

– რას ამბობთ, – ეშმაკური ღიმილი რომ დაემალა, განზე გაიხედა გელამ. – ქართველები? გამორჩეული ხალხია დედამიწაზე. მაგათი სტუმართმოყვარეობა, სიმღერა, ცეკვა, რუსთაველი?

– ცეკვა... ჰო – ქუდს შიგნით კეფა მოიფხანა მძღოლმა. – ცეკვაზე ხომ არაფერს ვამბობ. რაც კარგია, კარგია.

– აი, მე, თათარი კაცი ვარ. ჩემი ხალხი, რასაკვირველია, მიყვარს, მაგრამ ერთადერთი, რაზეც მთელი სიცოცხლით მწყდება გული, ეგ არის, რომ ქართველად არ დავიბადე.

მძლოლმა გაკვირვებით შეხედა.

– თქვენ, თათარი, ამბობთ ამას?

გელას ერთი სული ჰქონდა, არ გასცინებოდა.

– დიახ, მე ვამბობ. გინახავს, როგორ თამაშობენ ქართველი ქალები ჭადრაკს? დაფას არც კი უყურებენ. ზეპირად თამაშობენ. ამბობენ, ქართველები ფეხბურთში თავიანთი შესაძლებლობის მეხუთედსაც, არ ამჟღავნებენო.

– რატომ?

– რატომ და ყველაფერში რომ პირველი აღმოჩნდე, შეგიძლებენ. ეს კარგად იციან ქართველებმა. ყველაფერში რომ დაჯაბნი სამასმილიონიან უმრავლესობას შენ, სამილიონიანი უმცირესობა, ადგება ის უმრავლესობა და დაგსჯის, შეიძლება სულაც აგყაროს და გადაგასახლოს შენი მინიდან, ან, შეიძლება მტვერით მიგფანტ-მოგფანტოს ქვეყნის უზარმაზარ ტერიტორიაზე. ამბობენ, ქართველებს მხოლოდ მაშინ აქვთ გრძნეულება, როცა თავიანთ მინაზე, ერთად ცხოვრობენო.

– ეგ ბოლო, შეიძლება, მართალი იყოს. ჩვენთან, გარაჟში, ერთი ქართველი მუშაობს. სანდრო ჰქვია. ვაკვირდები ხუთი წელია. ქართველმა რალაც უცნაური, რამე ფანტასტიკური ხომ უნდა გააკეთოს, არაფერიც. ჩვეულებრივი კაცია. სხვაგან რომ ცხოვრობს, ალბათ, იმიტომ.

– ეგ, შეიძლება, ქართველი არც იყოს.

– როგორ, ქართველად სწერია. მთელი გარაჟი ქართველს ეძახის.

– მერე რა. ქართველობას დღეს ბევრი იჩემებს.

მძლოლი გაჩუმდა. იგი ძლიერ განიცდიდა, რომ მგზავრის მომადლიერების ნაცადი ხერხი ამჯერად არ გაუვიდა. ჩვეულებრივ იგი სომეხს, ქართველს და აზერბაიჯანელს თითქმის ერთსა და იმავეს ეუბნებოდა; ძალიან მიყვარს სომეხი (ქართველი, აზერბაიჯანელი – შესაბამისად, რა ეროვნების კაცი ეჯდა გვერდით, რ.მ.), ჯარში ბევრი სომეხი (ქართველი, აზერბაიჯანელი) მეგობარი მყავდაო.

გაოცება-გაოგნებისგან მძლოლი ხანდახან პირს აღებდა. იგი პირველად ხედავდა თათარს, რომელიც ცრემლმორევით ნატრობდა, ნეტავ ქართველად დავბადებულებიყავით.

– ისე ქართველებთან დაკავშირებით თქვენ მართალი ხართ. დიდი ნიჭიერი და მებრძოლი ხალხია. გუშინნინ თურმე ჯოხებით დაერივნენ ტანკებს. გაიგებდით ალბათ, თქვენთან საქართველო ახლოსაა.

– არ გამიგია? – სიცილი ცრემლად სდიოდა გელას, მაგრამ არ იმჩნევდა.

– ტელევიზიას გადმოუცია. მე თვითონ არ მომისმენია, ქართველებს საბჭოთა კავშირიდან გასვლა მოუწოდებიათ და ჩვენი ჯარი ხომ იქ დგას, ჯარისკაცებს მივარდნიან. ავტომატები თავზე გადაუმტვრევიათ, თოფნამლის სანყოფემა აუფეთქებიათ, ტანკებისთვის ფანჯრები ჩაულენავთ.

გელამ წარმოიდგინა „ფანჯრებჩაულენილი ტანკები“ და ერთხელ კიდევ სცადა ნამლექი სიცილის მოთოკვა.

– სად მიდიოდნენ, რატომ გავდივართო?

– არ გვინდა რუსეთთან ყოფნაო, – შუბლზე კეპი ჩამოინია მძლოლმა და ისევ ასწია. – ალბათ, თურქებს უნდა შეერთებოდნენ.

– თურქები არ მიიღებენ. – გადაუნურა წყალი ქართველთა „სურვილს“ გელამ.

– რატომ?

– თურქები სხვა ხალხია. ქართველებთან საერთო არა აქვთ. ეგეც ტელევიზორს უთქვამს?

– მე თვითონ არ მომისმენია. ვერ მოგატყუებთ. ამ დილით ბიჭები ამბობდნენ გარაჟში. ჭყლეტაში თექვსმეტი ქალი გაგუდულაო.

– ჩვენი?

– არა, იმათი, ქართველების.

– კი მაგრამ ჯარი რას აკეთებდა, ავტომატები რომ თავზე დააფშვენეს და ტანკები დაულენეს? – ამ საუბრიდან გამომდინარე არც თუ ულოგიკო იყო გელას შეკითხვა.

– ჯარს ხომ წინააღმდეგობის განწევა აკრძალული აქვს. ბრძანებაა ასეთი. საბჭოთა მოქალაქეების წინააღმდეგ ჩვენი ჯარი იარაღს ვერ გამოიყენებს.

– ვერც მაშინ, თუ ხალხი გასვლას აპირებს და ჯოხით ლენავს ტანკებს?

– ვერც მაშინ. ბრძანება ბრძანებაა. თქვენ რა, არ გიმსახურიათ?

– არა. არ წამიყვანეს. მე... ისა, არასამხედროვალდებული ვარ. მრცხვენია, მაგრამ კაცები ვართ და თუ გინდათ, გეტყვით მიზეზს.

გელამ თავი დაანევირა მძლოლს და ყურებში ისეთი რამ უთხრა, რომ მძლოლმა ჯერ გადაიხარხარა და მერე თავიდან ფეხებამდე ისე აათვალიერ-ჩაათვალიერა სტუმარი, როგორც შეიძლება თავიდან ფეხებამდე აათვალიერ-ჩაათვალიეროს გვერდით მჯდომი კაცი მძლოლმა.

– ახლაც?! – აღტაცებაგარეული პათეტიკით ჰკითხა მესაჭემ.

– ახლაც. – რამდენადაც მოუხერხდა იდუმალი სერიოზულობით დაუქნია თავი გელამ.

ამის შემდეგ მძლოლი გაჩუმდა. იგი თავის რთულ, ინტელექტუალურ სამყაროში გადაერთო და ხანდახან კითხვით სავსე თვალეზით გადახედავდა უცნაურ მგზავრს, რომელიც მანქანის სარკმელთან ჩასრიალებულ, დაუგველ ქალაქს ათვალეერებდა.

სასტუმრო „ტაპოროვოს“ დირექტორმა კარგა ხანს უსმინა გელას დასაბუთებულ მსჯელობას იმის შესახებ, რომ თბილისელი სტუმარი მწერალი გახლდათ, ქალაქში საგანგებო მისიით ჩამოსულს ლექციების ციკლი უნდა წაეკითხა ცხრა აპრილის შესახებ სათანადო ილუსტრაციული მასალის ჩვენებით და მისი ამალამ ღია ცის ქვეშ დარჩენა, მეტი რომ არა ვთქვათ, უღმერთობა იყო.

დირექტორი ისე პირწმინდად მელოტი გახლდათ, რომ თმა საფეთქლებთანაც გასცვენოდა. ერთი სათვალე თვალეებზე ეკეთა, მეორე კი ყელზე ეკიდა.

როცა დირექტორი საბოლოოდ დარწმუნდა, რომ მგზავრი თავისი პერსონის შესახებ მეტს არას იტყოდა, სათვალე შეიცვალა და მშვიდად ჰკითხა.

– მივლინების ბარათი გააქვთ?

– იცით, ვერ მოვასწარი აღება, ჩვენთან ისეთი ამბავია. ეგ კი არა, ბავშვსაც ვერ გამოვემშვიდობე. თერამეტი წლის ბიჭი მყავს, ხატავს – სხაპასხუპით მიაყარა გელამ.

– ეგ ცუდია, – დაამთქნარა დირექტორმა და სათვალე კვლავ გამოცვალა.

– კარგად ხატავს. – ნერწყვი გაუშრა გელას.

– მე ხატვაზე არ მოგახსენებთ, აი, მივლინების ბარათი რომ არ გაქვთ, ესაა ცუდი. მე კიდეც რომ მიგილოთ, მივლინების ბარათის გარეშე ლექციებს როგორ წაიკითხავთ.

– საზოგადოება „ცოდნის“ ლექტორი ვარ, აი, „ცოდნის“ წიგნაკი.

დირექტორმა წიგნაკი გამოართვა. კარგა ხანს ათვალეერა, მერე ტელეფონს დაწვდა, წიგნაკს მაგიდაზე აკაკუნებდა და ვილაცას თითქმის ჩურჩულით ელაპარაკებოდა:

– საველევიჩი... თბილისიდანაა. ლექციების წასაკითხად ჩამოვედიო. რაღაც ილუსტრაციაზე ლაპარაკობს... მივლინება არა აქვს, „ცოდნის“ წიგნაკი ხელთა მაქვს. – გაეცინა. – კი, კი მაგისია. მწერალი ვარო, მოიცათ, ვკითხავ. – ყურმილს ხელი დააფარა. – პირადობის მოწმობა გააქვთ?

გელამ პირადობის მოწმობა ამოიღო და გაუნოდა.

– აქვს, აქვს, ნომერი ასჩვიდმეტი, გაცემული ოთხმოცდაცხრა წლის იანვარში. კეთილი, კეთილი.



დირექტორმა ერთხელ კიდევ შეიცვალა სათვალე, სტუმარს საბუთები დაუბრუნა და სელექტორს თითი დააჭირა:

– გისმენთ! – გაისმა ქალის ნაზი ხმა.

– მიიღეთ თბილისიდან, გვარი?

– კირთაძე – შეაშველა გელამ.

– კირთაძე, სამი დღით არა?

– დიახ. თხუთმეტამდე.

– თხუთმეტამდე. – ჩასძახა დირექტორმა, სათვალე შეიცვალა, სელექტორი გამორთო და კარებისკენ მადლობით შებრუნებულ გელას დაადევნა.

– მსხვერპლი რამდენია?

– სავარაუდო რიცხვი ცხრამეტი გახლავთ.

– ცხრამეტი, საშინელებაა, ცხრამეტი ჯარისკაცი. მოქალაქეთაგან არავინ დაშავდა?

– ცხრამეტი მშვიდობიანი მოქალაქეა მოკლული... ჯარისკაცები, ღვთის შეწევნით, ყველანი გადარჩნენ. სერიოზული ტრამვაცი არცერთ მათგანს არ მიუღია.

– ეგ კარგია, – დაამთქნარა დირექტორმა.

– რა არის კარგი?! – მარჯვენა ლოყაზე სამწვერა ნერვი ავად აუთამაშდა გელას.

– ჯარისკაცები რომ არ დაიღუპნენ. ჯერ მარტო ავღანეთში რამდენი დავკარგეთ.

– აბა, აბა, შენ ეგა თქვი. – თუ სადმე სამართალია, გელას ხაზგასმულ ირონიას სასტუმროს თავი უნდა მიმხვდარიყო, მაგრამ ყველაფერზე შეეტყო, რომ ვერ მიხვდა.

მეორე დღეს, ესე იგი თორმეტ აპრილს გელა კირთაძე „ტაპორ-ოვოს“ ცოდნის საქალაქო განყოფილებაში გამოცხადდა. ხელში პორტფელი ეჭირა. პორტფელში უნიკალური კასეტა, ორი ახალი ბამბის წინდა და ერთი ბოთლი „ბორჯომი“ ედო. ტანთ გაცვეთისწინა მდგომარეობამდე მისული ნაცრისფერი შალის კოსტიუმი ეცვა, პიჯაკის ჯიბეში პირადობის მონწიბობა და სასტუმროს საშვი ედო. შარვლის ჯიბეში ორი ცხვირსახოცი და ხუთმანეთიანებისგან შემდგარი ასხუთი მანეთი. პასპორტი და უკან დასაბრუნებელი ბილეთი (ეს უკანასკნელი გელამ აეროპორტში გუშინვე აიღო) სასტუმროში დატოვა.

„ცოდნის“ საქალაქო განყოფილებაში მოუსმინეს და „ცოდნის“ რესპუბლიკური განყოფილებისკენ გაისტუმრეს. ცოდნის რესპუბლიკურ განყოფილებაშიც მოუსმინეს და პროპაგანდის საქალაქო განყოფილებისკენ მიუთითეს, პროპაგანდის საქალაქო განყოფილებაში უთხრეს, რაკი საგანგებო შემთხვევასთან გვაქვს საქმე,

თქვენი საკითხი პროპაგანდის რესპუბლიკურმა განყოფილებამ უნდა გადაწყვიტოსო.

ჩვენი მიმხვედრიანი მკითხველის იმედით, როგორც ხედავთ, მოკლედ, სულ რამდენიმე სტრიქონში მოვაქციე ის, რაც გელას „ტაპოროვოში“ დილიდან სალამომდე გადახდა. თანამედროვე მკითხველის მოუცლელობას და მის სრულიად ბუნებრივ ზიზღს გრძელსიტყვაობისადმი ვუნევ ანგარიშს თორემ, ხომ შემეძლო, ვრცლად აღმენერა გელას ვიზიტები თვითეულ ამ სიმპათიურ დაწესებულებაში. შევჩერდებოდი მდივანი ქალის თმის ფერიდან დაწყებული რეფერენტთა და პროპაგანდის განყოფილების გამგეთა ჰალსტუხებზე, მათ ნილაბურ გაყინულ ღიმილზე და ამოოხვრით ნათქვამ სიტყვებზე – „თუ შეიძლება გვანვენეთ ფირი და მოკლედ ისიც გვითხარით, რას იტყვით აუდიტორიის წინაშე“. დანვრილებით შევჩერდებოდი იმაზეც, რომ ნახევარსაათიანი ლაღადისის შემდეგ გელა მასპინძლის მთქმნარებაზე შეატყობდა, რომ ეს კაცი „საკითხის გადამწყვეტი“ არ იყო და უკეთეს შემთხვევაში სხვა კაბინეტისკენ გაგზავნიდა.

ვიმეორებ, ვრცელ, დეტალურ საუბარს გელას საპროპაგანდო ბასტილებზე აქ თავს ვარიდებ ისევ და ისევ ძვირფასი მკითხველის პატივისცემის გამო, გამომდინარე დროის ეკონომიის ინტერესიდან.

მესამე დღეს, ცამეტ აპრილს და მეოთხე დღეს – თოთხმეტ აპრილს გელას, როგორც იქნა, დაუნიშნეს ორი ლექცია. „ცოდნის“ საქალაქო განყოფილებაში. თბილისიდან ჩამოსული ლექტორისთვის საგანგებოდ შეარჩიეს ბამბეულის კომბინატის (13 აპრილი) და სოსის – ძეხვეულის ფაბრიკის (14 აპრილი) ჯანსაღი, ინტერნაციონალური კოლექტივები.

ლექციები ორივე ადგილას დაახლოებით კი არა, ზუსტად ასე ჩატარდა: სანარმოს ადგილკომის თავმჯდომარე, „ცოდნის“ რეფერენტი და გელა უსხდნენ საპრეზიდენტო მაგიდას. ასეთ ღონისძიებებს დირექტორები და პარტიული კომიტეტების მდივნები ჩვეულებრივ, მოუცლელობის გამო, არ ესწრებიან. ადგილკომის თავმჯდომარე დარბაზს ამცნობდა, მზიური საქართველოდან სტუმარი გვენჯია და ლექციის წაკითხვა სურსო. გელას არ უკვირდა, რომ მას ოვაციით არ ხვდებოდნენ. ამკარად იგრძნობოდა, რომ მოქალაქეებს საერთოდ მობეზრებული ჰქონდათ ლექცია, თუნდაც იგი მზიური საქართველოს წარმომადგენლის მიერ ყოფილიყო წაკითხული. მერე გელა ოცდათხუთმეტი წუთის განმავლობაში ისაუბრებდა ცხრა აპრილის ტრაგედიაზე და ამდენივე წუთიან ფირს უჩვენებდა მსმენელ-მაყურებელს. თუ ლექციის კითხვისას დარ-

ბაზი ყრუდ თანაუგრძობდა გელას (აქა-იქ აღშფოთების ამოხზვრანიც გაისმოდა) სამაგიეროდ, ფილმის ჩვენებისას გარინდულ დარბაზში ბუზის გაფრენას გაიგონებდი. ტელევიზორის ეკრანზე ფილმის დასასრულის ნიშნად ვერცხლის დუმილი რომ დაინყებოდა, აუდიტორია კარგა ხანს იყო სიჩუმეში ჩაძირული.

– მდაა. – იტყოდა ერთ-ერთი მაყურებელი წინმჯდომთაგან და გაიმართებოდა კამათი. ისეთი ჩვეულებრივი, უმართავი, უნესრიგო, უთავბოლო კამათი, როგორიც ხშირად იმართება ხოლმე მათს დემოკრატიულ აუდიტორიებში, იმის შემდეგ, რაც უძრაობის ეპოქა დაგმეს და გარდაქმნის ოქროს ხანას შეუდგენენ.

ბოლოს მოკამათენი ილღებოდნენ და ძალაუფლებას ხელში იგდებდა ორთოდოქსულად მოაზროვნეთა ჯიუტი ნება. ისინი მაგიდაზე მუშტის ბრაგუნით, პროვოკაციული ქარაგმებით, ისტერიული ყვირილით და შიგადაშიგ მუქართაც ახერხებდნენ სხვაგვარად მოაზროვნეთა გაჩუმებას და ბოლოს სიტყვებში ხშირად ისმოდა: „ასე დაემართება ქვეყნის დაშლის მოსურნეს“, „ეს გაკვეთილად უნდა იქცეს“, „საომარ ტექნიკას მაინც რაღას ერჩოდნენ“, „აბა რა ეგონათ“, „რუსეთი მომთმენია, მაგრამ...“ „თავიანთმა ქალებმა მაინც რა დაუშავეს“, „კანონის მთელი სისასტიკით უნდა დაისაჯონ“, „ნითელი არმია უფლებას ვერავის მისცემს“... ლექცია – დისპუტის დამთავრების შემდეგ მოქალაქენი ქუჩაში განაგრძობდნენ კამათს და გელა დარწმუნდა, რომ ერთ მუჭა „სალებს“ აქაც, ქუჩაშიც უმრავლესი ჯიუტნი სჯაბნიდნენ.

14 აპრილს გელას მთელი ღამე თვალი არ მოუხუჭავს. უამური ფიქრი არ ასვენებდა.

„რა უნდოდა, რისთვის ჩამოვიდა. ჯერ ერთი რატომ ეგონა, რომ მოქალაქენი ჭეშმარიტების გაგებისთვის სულს ლევდნენ და გაფაციცებით ელოდნენ თვითმხილველის ჩამოსვლას. მეორეც, რატომ ეგონა, რომ მისი ჭირი ყველასთვის ერთნაირად გულსაცემი უნდა ყოფილიყო. ქვეყანას თავისი თავი უჭირს, ვის ახსოვხარ, ვის დაეკარგე შენ. რაღაცაშია საქმე. თავი ხომ არ მოვაძულეთ იმპერიას ჩვენი ჭირვეულობით და თავისუფლებაზე გაუთავებელი ჩივილით? რა მნიშვნელობა აქვს, თურმე, ხელბარით დაგსჯიან თუ შპიცრუტენებით. ერთმა – ორმა ისიც თქვა, რაც შენს წისქვილზე ასხამს წყალს, მხოლოდ ის გადაგილიაო. ერთმა დედაბერმა ფაროსანჩაფხუტიანი ჯარისკაცები რომ დაინახა; „ვაიმე შვილებო, დაგხოცავენ ეს ავაზაკებიო“. ერიჰაა, მკვლელები უფრო შეეცოდა, ვიდრე მათი ხელით მოკლული ქალები და ბავშვები. საერთოდ, რა მომარბენინებდა. როდემდე უნდა ვიყო გულუბრყვილო და მიამიტი. ჭკუა ვერ უნდა ვისწავლო ამხელა კაცმა?“

გამთენიისას, როგორც იქნა, „მისცეს თბილისი“. ცოლს დაუყინა, გააღვიძე კობა, დამელაპარაკოს, თორემ ისე მომენატრა მაგისი ხმა, ლამის გავვიყუდეო.

კობას ნამძინარევი, ლოგინური ხმა ჰქონდა.

– მამიკო რა ჰქენი? როდის მოდიხარ, აქ კომენდანტის საათია. დილის რეისს ნამოჰყევი თორემ ღამე დახვედრა გამიჭირდება, საშვი არა მაქვს.

...გელამ ფანჯარაში გაიხედა. თვითმფრინავს დიდი წითელი მზე ელვის სისწრაფით უახლოვებოდა.

\* \* \*

ახლა ლაპარაკი ადვილია. ახლა მეც კარგად ვხედავ, რა შეცდომაც დავუშვი. თუ ძმა ხარ, ნამით მაინც გჯერა, რომ ვიცოდი წინასწარ, რაც მოხდებოდა? მე მომატყუეს, უნამუსოდ მომატყუეს. ნახევარი საათით ადრე ერთხელ კიდევ ველაპარაკე, ვისაც შესრულება ეხებოდა; ისე გაათავისუფლეთ მოედანი, ვინმე არ დაშავდეს-მეთქი. მე ცემა-ტყუების წინააღმდეგეც კი ვიყავი. რომ მცოდნოდა, ხალხს დამიხოცავდნენ, როგორ ფიქრობ შენ, გულს არ გავიგლეჯდი და არ ჩავვარდებოდი? არ დავდგებოდი ჩემი, ისედაც გაუბედურებული ერის გვერდით?

თავი რატომ არ მოიკალიო, რამდენჯერმე გამაგონეს, შეიძლება სწორიცაა, მაგრამ ვერ მოვიკალი, არ აღმომაჩნდა იმხელა ვაჟკაცობა და რა ვქნა ახლა. კი, მიუტევებელი შეცდომა დავუშვი, მაგრამ თავის მოკვლით ეშველება რამეს? იქნებ მეც მომიჩინონ ჩემი პატარა საქმე ამ ქვეყანაზე, იქნებ ჩემთვისაც გამოიძებნოს ადგილი და შრომით, კაცობით ნანილობრივ მაინც გამოვისყიდო დანაშაული. საფლავში ჩემი ჩანოლა ვის რას შეჰმატებს, თორემ, ჯანდაბა ჩემს თავს.

შენ მაინც ნუ ჩამთვლი ერის მტრად, ძმურად გთხოვ. შეიძლება დიდ მასშტაბებში რაიმე შემშლოდა. მაგრამ ქვეყნისთვის რომ სიკეთე მინდოდა, შენ ხომ მაინც იცი. რა შემეძლო? რაც შემეძლო, ვცდილობდი და ბევრი რომ არაფერი შემეძლო, ეს მხოლოდ იმან იცის, ვისაც იმ თანამდებობაზე უმუშავია.

არაფორმალეები მარიონეტს რომ მეძახდნენ, ეგ იყო ყველაზე სწორი მათ ნათქვამში. ახლა რომ ზოგიერთი მლანძღავს; ვერცერთი საქმე ბოლომდე ვერ მიიყვანაო, წარმოიდგინოს ჩემი მდგომარეობაც. წარმოდგენით მაინც წარმოიდგინოს ორცეცხლშუა ყოფნა.

აქედან მეუბნებოდნენ: თუ ხარ პატრიოტი, უცხო ერების სოკოსავით გამრავლებულ შვილებს უკანონოდ აშენებული სახლები დაუნგრიეო, იქედან მეუბნებოდნენ; შენს მინაზე დამკვიდრებულ

არაქართველ მოსახლეობას არ აწყენინო, თორემ ყურს აგახვეთო. აქედან მეუბნებოდნენ; თუ ახალგაზრდების მეგობარი ხარ, სიტყვის თავისუფლება მოგვეცი და მიტინგებს ნუ გვიშლიო. იქედან მეუბნებოდნენ; რა ხმაური ისმის მანდ, საქართველოდან, რა მიტინგები და მანიფესტაციები აგიტყდათ, დაუყოვნებლივ შეწყვიტე მიტინგომანია, ხოლო თუ უძღური ხარ, განაცხადე და გადადექიო.

ყველასა აქვს თავმოყვარეობის გრძნობა. გეთანხმები, განა არ გეთანხმები, იქ რომ დაჯდები, თავმოყვარეობის ოფოფები გალიაში უნდა შერეკო და ბიჭური ანგარიშსწორების, მამლაყინნობის ნერვები დაიოკო, მაგრამ ჩემი მთავარი ნაკლი სწორედ ის არის, რომ ამდენი წელი ვიმუშავე პარტიულ ორგანოებში და ვერ გაკეთდა მაინც ჩემგან თავდრეკილი ფუნქციონერი. ვერ შევძელი ერთის თქმა და მეორის კეთება. ვერ ვისწავლე, სტრატეგიული უკან დახევა და მომენტის დროს კლანჭების გამოჩენა.

გავა წლები და ოდესმე ვინმე მაინც გაარკვევს სიმართლეს. ჩემი კარიერის სამარცხვინო დასასრულს ისე არ განვიცდი, როგორც ფიქრს იმაზე, რომ ჯერ კიდევ ვერ გაგვირკვევია, რა ხდება ჩვენს თავს და ვის ხელში ვართ.

რატომ ჩადექი მაგ სამსახურშიო, რას მიძვრებოდი ხელმძღვანელობაშიო, უკანასკნელი წლების ვითარებათა შემყურე ხომ არ შეიძლებოდა შენ მართლაც იმგვარი „დარწმუნებული კომუნისტი“ ყოფილიყავ, როგორადაც თავს აჩვენებდი ქვეყანასო. ჯერ ერთი, მე ვიქნებოდი თუ სხვა, რა მნიშვნელობა აქვს, მე შენ გეტყვი, ვერ მოძებნიდნენ მორჩილ და დამჯერე კაცს. მე, რაც შემეძლო, გადავფარე ჩემს რესპუბლიკას. ყოველ შემთხვევაში, იმას მაინც ვერავინ იტყვის, რომ სისხლის, დასჯის მოყვარული ვიყავი და ციხეები გავავსე პატიმრებით. თუ გახსოვთ ჩემი გამოსვლები, ბოლომდე მიტევების და შერიგების პოზიციაზე ვიდექი. ჩემს „თანამოაზრეთაგან“ (ახლა რომ მამა აბრამის ბატკნებად მოაქვთ თავი) ერთმა და ორმა როდი მირჩია, დააპატიმრე დისიდენტები და დამშვიდდება ქვეყანაო.

მე ახლაც, გაგდებულ კაცს, ახლაც არა მაქვს ბევრი რამის თქმის უფლება, მაგრამ არც თქვენ უნდა იყოთ ისეთი მიამიტები, რომ ვერ მიხვდეთ; მე მხოლოდ და მხოლოდ განტეგების ვაცი ვარ და რა რისხვაც თავს დამატყხეს, მაგათ სინდისზე იყოს.

გადახედეთ ბოლოდროინდელ პრესას და ნახავთ, რა მეთოდურად მზადდებოდა საქართველოს დასჯის ოპერაცია. რა ზიზღი და მხამი დაანთხიეს „სტალინის და ბერიას სამშობლოს“ ტენდენციურ პუბლიკაციებში. იძულებითი დემოკრატია მმართველებს ხელიდან გაექცათ და სიმართლის მოლაღაღებმა „დაუკრეფავში გადასვლა იწყეს“. ეს კი კატასტროფას მოასწავებდა. სწრაფად იქნა მოფიქრებული

აემუშავებინათ ანარქიისკენ მიმსწრაფი დემოკრატიის სამუხრუჭო მექანიზმი და სადმე უნაპირო საჯაროობის მომხრეთა ყურის ანევის მწარე გაკვეთილი ჩაეტარებინათ. ასეთ ობიექტად უყუყმანოდ იქნა არჩეული საქართველო. მართლაც ჩაატარეს საქართველოსთვის ჭკუის სწავლების აქცია, რითაც სხვა რესპუბლიკებსაც დაანახეს, რომ დემოკრატია ურანზმერო სრულიადაც არ არის და რომ მთავრობას მასობრივი დასჯის საშუალებანი მუზეუმებისათვის როდი გადაუცია.

ერთადერთი, რაც ნუგეშს მაძლევს უდროოდ გაპენსიონერებულ კაცს, ის გახლავთ, რომ ანგარიშში მოტყუვდნენ, ქვეყანა ის აღარ არის, რაც ადრე იყო. ახლა ვერც ხელს დააფარებენ ნამდვილ მკვლელებს და ვერც სისხლს მორეცხავენ. იმ სისხლს ხალხმა ყვავილების დიდი საბანი გადააფარა და სამუდამოდ შეინახა თავის ხსოვნაში.

მთავარი შეცდომა, რასაც ვერასოდეს ვაპატიებ ჩემს თავს, ის გახლავთ, რომ გაბედულება არ მეყო, ბოლო წუთებში მაინც გამოვსულიყავ დემონსტრანტთა წინაშე, ჩამომეგლიჯა ჩემი საუფროსო მანტია და მეყვირა: „ხალხნო, თავს უშველეთ, მე უკვე აღარაფერი მეკითხება, თქვენს გასაფუჟად სპეციალური დანიშნულების ჯარი მოდის-მეთქი“. არ ვიცი, დამიჯერებდნენ თუ არა, მაგრამ მე ჩემი რომ უნდა მეთქვა, ეს საკამათო არ არის.

რატომ ავიღე ჩემს თავზე ყველაფერი? ალბათ იმიტომ, რომ დამნაშავეთა ძებნის გზაზე ჩვენებმა შორს არ გაიწიონ და „გაბედულებისათვის“ უარესად არ დაისაჯონ.

მე, გემუდარებით, მხოლოდ მე შემაჩვენეთ, მლანძღეთ და მაგინეთ. ერს ახალ სასაკლაოზე ნუ გაიყვანთ და ჯანდაბა ჩემს თავს.

ყველაზე დიდი ნყალობა ახლა ჩემთვის კულისებში, ჩრდილში გდებაა.

ნულარას მკითხავ დავიტანჯე.

პატიებას არ გთხოვ. შენდობის თხოვნის მორალური უფლებაც არ მაქვს.

არის დანაშაული, როცა ბრალდებულმა მიტევებაზე კრინტიც არ უნდა დაძრას.

ჩუმად მამყოფე სადმე კუთხეში და ღუმილის უფლებას ნუ წამართმევ.

სულერთია, შენი მოწყალე გულის ამბავი რომ ვიცი, ისეთ სასჯელს მაინც ვერ მოიფიქრებ, რა სასჯელითაც უკვე დავისაჯე.

ხალხი დახოცესო რომ მაცნობეს, იმის შემდეგ მე ის კაცი აღარ ვარ, ვისაც ორმოცდაათი წელი მიტარებია ჩემი სახელი და გვარი, ავად თუ კარგად.

ჩემი წამების დემონსტრაციაც მშვენივრად მოიფიქრეს; დამატარებენ თათბირებზე და სიტყვასაც მაძლევენ. იქნებ რამე წამომ-

ცდეს ისეთი, რომ გაბრაზებულმა ერმა ხელი ჩასჭიდოს, მრისხანე-  
ბას სიღბოდ შეუყენოს ჩემი თავის მართლება.

ეგეც ჩემი ერის სიკეთის დასტურია.

არ გინდათ ბოლომდე დაიჯეროთ, არ გინდათ ისტორიულ დამ-  
ნაშავეთა სიაში გყავდეთ. ის სია ისედაც გრძელია და საშინელი.

დიახ, შენ ისე ვით დამსჯი-მეთქი, როგორც მე დამთრგუნა ჩემ-  
მა სინდისმა. სანამ პირში სული მიდგას, თვალს ვერ გაგისწორებ.  
სანამ თავი ჩემი მახლავს, არ მომასვენებს ნამიტინგარზე ყაყაჩოდ  
ამოსული სისხლი.

დავდივარ, პირსაც ვიპარსავ; ტელეფონის ყურმილსაც ვიღებ,  
მაგრამ ამას ყველაფერს, დამიჯერეთ, იმ წინანდელი ჩემი არსების  
ინსტიქტებით ჩავდივარ მხოლოდ.

ტელეფონით საშინელ სიცხადეს რომ შემახსენებენ, ყელგამშრა-  
ლი ვლუდლუდებ: „მე ვარ, ბატონო. დიახ, დიახ. რა მოგახსენოთ...  
მეტის ღირსიც ვარ... გმადლობთ, ბატონო...“

წარმოიდგინე მასპინძელი – კარის გაღების რომ ეშინია. მეგო-  
ბართა ნახვაც არა ჰსურს. შეცოდების ყალბი სიტყვა და ნუგეში  
ჩემთვის ახლა ძაგებაზე უფრო ცუდი მოსასმენია.

და მაინც გუდა-ნაბადს ვერ ავიკრავ და ვერ გაგეცლები. ამ მი-  
ნაზე უნდა მოვკვდე ამ მიწის ნაწილი. შვილებიც ისე უნდა აღვზარ-  
დო, მამის დანაშაული მცირედ მაინც გამოისყიდონ.

შენთან, შენს კალთასთან მოვიტან თავს და შენს ფერხითთ პირ-  
ქვე დავეცემი, ჩემისთანა ძე შეცდომილთათვის შეგინდვია და გა-  
გინვდია სიცოცხლის ტოტი?

\* \* \*

**„ყველაფერი შესაძლებელია იქ, საცა  
დავთვრები დაკარგულია,  
საცა თავი და ბოლო ველარავის მიუგნია“.**

ილია

სამი თვე შესრულდა, რაც ბიკენტი დიხამინჯიას შვილი მოუკლეს.  
ოცდახუთი წლის ვაჟკაცს სასწრაფო დახმარების მანქანის  
მძღოლს, გამოძახებაზე მიმავალს ვილაცამ ესროლა.

ექიმების გარჯა მკერდში დაჭრილის სიცოცხლის გადასარჩენად  
ამაო აღმოჩნდა.

სასიკვდილო სარეცელზე მწოლიარე ბუდუ დიხამინჯიას  
უკანასკნელი სიტყვები იყო:

„ვინ მესროლა, რა დავუშავე?“

მილიციამ მკვლელს ჯერჯერობით ვერ მიაკვლია.

სანამ შვილს მინას მიაბარებდა, ბიკენტი დასაბმელს ჰგავდა. ბრდღვინავდა, კბილებს აღრჭიალებდა, ქუჩისკენ იწევდა: „მთელს მაგათ ჯილაგს მოვსპობ, დედა-ბუდიანად გავანადგურებო“.

დასაფლავების მეორე დღესვე ენით უთქმელი გარდატეხა მოხდა მის ფსიქიკაში. ერთბაშად მოეშვა. თითქოსდა სხვა, უფრო დიდი საზრუნავი გაუჩნდა, ვიდრე შურისძიება იყო. შურისძიება გულიდან წუთითაც არ ამოუღია, მაგრამ საფლავის მოვლა-გალამაზებამ გაიტაცა.

საფლავის შემორაგვა-შემოკეთებას რომ მორჩა, კვლავ აბორგ-და მის სულში შურისგების რისხვა.

ყოველ მეორე დღეს გამომძიებელს აკითხავდა და წყნარად, დაჯერებულად ეუბნებოდა: „არ უნდა გაგიჭირდეთ თქვენ ჩემი შვილის მკვლელის მოძებნა. არ არის ახლა ის დრო. წუ ამალებინებთ თავზე ხელს. წუ დამალვრევიანებთ უდანაშაულო ხალხის სისხლს! ხომ იცით. სანამ ჩემს ბუდუიას მის მკვლელს არ მოვუწვენ გვერდით, არ მოვისვენებ. ცოტა ხანს მოგიცდით კიდეც და, თუ არაფერი გამოვიდა, მე თვითონ გავიჩენ სამართალს. შევჯდები ხეზე და ათ კაცს მაინც გავგზავნი იმ ქვეყნად მაგათი ჯიშისას და ჯილაგისას. რავა უნდა სხვისი შვილის მოკვლა, მერე მიყურონ მაგათ!“

დღეს კი, 1990 წლის 19 სექტემბერს შვილის მკვლელი თვითონ გამოეცხადა ბიკენტის.

სხედან ახლა ისინი ერთმანეთის გვერდით. ჩექმიანი, წითური ბიჭი, ოცდაათისაც არ იქნება, ეს ესაა ლობიდან გადმოხტა, პირდაპირ ბიკენტისკენ წამოვიდა, ბიკენტი დიხამინჯია ხომ თქვენ ბრძანდებითო, ჰკითხა. ხელი არ ჩამოურთმევია, თუ შეიძლება სიტყვა მაქვს თქვენთანო. შვილის საფლავთან სახელდახელო ძელსკამზე ჩამომჯდარმა ბიკენტიმ განზე გაიჩოჩა და მოსულს ადგილი დაუთმო. სტუმარმა ჯერ იუარა. მერე დაჯდა. ხმა უკანკალეებს, აშკარად ეტყობა, რომ ღელავს.

ბიკენტის მისკენ ერთხელს მეტად არ გაუხედავს. წელში გამართული ზის და პირდაპირ ვილაცის საფლავზე შადრევანივით ამოფრქვეულ კიპარისს შესცქერის.

– მეტი აღარ შემიძლია ბატონო. ერთი კვირაა, რაც გადავწყვიტე ჩემი ფეხით მოვსულიყავი, მაგრამ დღემდე ვერ მოვედი, ვერ გავბედე. მოვდივარ აქ, გათვალეირებთ, გიყურებთ. მერე ცრემლი მომერევა, ვცდილობ მოვერიო ჩემს თავს, მაგრამ სუსტი ყოფილა კაცი. ახლა დავხუჭე თვალები და მაჯაზე ვიკბინე. მოვედი და თქვენი ნებაა, რასაც თქვენ გადამინყვეთ ახლა, ამ წუთში, ის იქნება ჩემი საბოლოო განაჩენი.

ჯიბიდან „გეკოს“ სისტემის რევოლვერი ამოიღო და ბიკენტის მარჯვენა მხარეს დაუდო.



– შვიდი ტყვიანა ამ ნაგანში. შვიდივე ყურისძირში რომ დამახლოთ, თვალს არ დავახამხამებ, ხელს არ გავანძრევ. სამი თვე გავიდა. დამალვით არ დავმალულვარ, მაგრამ ვატყობ, თქვენი მილიცია ჩემი დამჭერი არ არი. მე მგონია, არც უნდათ მკვლელების აღმოჩენა. შეიძლება დავალება აქვთ ასეთი. ვერ გეტყვით ვერაფერს.

რომ გითხრათ, ვიცოდი ვის ვკლავდი-მეთქი, ტყუილი იქნება. ერთი რამ კი მქონდა გულში ამოჭრილი – ქართველი უნდა მომეკლა, სულ ერთი იყო, ვინ იქნებოდა.

ვერაფრით ვერ ავხსნი ახლა, რა მჭირდა მაშინ. იმ დღეებში ნამდვილად სხვა კაცი ვიყავი. ხვადაგიო, რომ იტყვიან. ხვადაგზე უარესი ყოფილა კაცი. ჩემი გადარევა თუ ვინმეს შეეძლო, არ მეგონა. რა ბანგი გვასვეს, რა ჯადო-თილისმამ შეგვაქანა, ვერ გეტყვით. ამის გაგებას ვერც ვერავინ შეძლებს და ნურც ნურავინ ეცდება.

მე უფრო ის მინდა გითხრათ, რომ ჩემთვის მთელი ბრძოლა ჩემი თოფის გასროლის პირველივე წუთში დამთავრდა. ამსიგრძე კაცი რომ ჩამოიყვანეს კაბინიდან ექიმებმა და იქვე, გზისპირას ბალახზე რომ დაასვენეს, ისე გაფუჭდი, თავის მოკვლა გადავწყვიტე, მაგრამ ვერ შევძელი.

მერე გავიგე, რომ დიხამინჯია იყო ჩემი მსხვერპლი და ჩემი სიგლახე როგორ არ გითხრათ, დასაფლავებაზეც ვიყავი.

ორი შვილის მამა ვარ. დანახვა აღარ მინდა არც-ერთის. რა მამა ვარ-მეთქი, – ჩემს თავს ვეუბნები, – სხვისი შვილის მოკვლა რომ შემძლებია-მეთქი!

ასეა ჩემი საქმე. ყელი მიშრება ახლა მე და მეტი ლაპარაკი აღარ შემიძლია. ძალიან გთხოვ, ბატონო არ შემიცოდო! გინდა დამახალე ტყვია კისერში, გინდა ჩამაბი ბანარი და შენ თვითონ მიმიყვანე მილიციაში.

ამით უნდა დამთავრდეს ყველაფერი უნდა დავისვენო ან მკვდარმა, ან ცოცხალმა. ესაა ჩემი სიტყვა.

ბიკენტის ხელები გაუცივდა. ყელში ბურთივით რალაც მოაწვა, სიგარეტი თითების მოწვამდე მოსწია და თავი ჩაქინდრა.

კარგა ხანს იჯდა.

გვერდით მისი შვილის მკვლელის გახშირებული სუნთქვა ესმოდა.

ადგა და გააბიჯა ისე, რომ მკვლელისთვის არც შეუხედავს, რომ ხვალ არ შეხვედროდა და არ ეცნო.

არეული ნაბიჯით მიიწეოდა სასაფლაოს გასასვლელისკენ ბიკენტი დიხამინჯია.

\* \* \*

ხელისუფლებას ხალხი გადარევს, ბატონო, გელა მეტი ვერავინ. როგორ შეიძლება, ყოველ წუთას უძახო, არ გამოგდის არაფერი, ვერ ამიყვავე ცხოვრება, შევცდი, შენ რომ ხმა მოგეციო.

შეძახილით ხე გახმაო, ხომ გაგიგონია.

გადამდგარ გენერალს მეძახით მე, მაგრამ ისე გადამდგარიც არა ვარ, არ მანუხებდეს ჩვენი ჯარის ბედი და სანძრაობა.

დავმარცხდით, მართალია, 1993 წელს. ვისთან დავმარცხდით, ხომ უნდა ვიკითხოთ, ბიძია. ორასმილიონიანი სახელმწიფოს ჯართან.

რუსის ჯარის დამამარცხებელი ამერიკა ძლივსაა დღეს და ჩვენ რას გავხდებოდით.

სად გვყავდა ქართული არმია მაშინ.

ჯერ ახლა რაია ჩვენი ჯარი და მაშინ რა იქნებოდა. თავგანწირული „მხედრონელების“ და პირტიტველა მოხალისეების ლაშქარს საქართველოს შეიარაღებულ ძალებს ვეძახდით.

ისე შეიარაღდა შენი მტერი, ჩვენ რომ მაშინ ვიყავით შეიარაღებული.

არ გახსოვს, როგორ დავიწყეთ?

ტელევიზიაში მაინც გექნება ნანახი ჩვენი ჯარის პირველი პარადი „დინამოს“ სტადიონზე.

სამმწკრივად დანყობილი ასიოდე მეომარი მოფართხუნობს სტადიონზე.

ქართული ჯარის პარადია.

ყველას სიხარულის ჟრუანტელი გვივლის.

დგას გაღიმებული საქართველოს პრეზიდენტი ზვიად გამსახურდია.

მიაბაკუნებენ ნახევრადშეკრულ „ბატინკებს“ ჩვენი ჯარისკაცები.

ქართულ მარშს აგუგუნებს ორკესტრი.

ზვიადმა შუბლთან მიიტანა ხელი.

სამხედრო წესით საფეთქელთან უნდა მიეტანა.

რა მნიშვნელობა აქვს. დაიწყო! ესაა მთავარი.

ჯარისკაცებს ვანიშნე, რამდენჯერმე შემოუარეთ-მეთქი სტადიონს, მერე ზვიადმა მომიწონა ჩემი მიმხვედრიანობა.

ეს რომ არ მექნა, ორ წუთში დამთავრდებოდა სამხედრო აღლუმი.

ურტყამენ წრეს ბიჭები და ესალმება პრეზიდენტი ქართულ ჯარს.

მეორე დღეს ჩასაფრებულმა ოპოზიციამ და ზოგიერთმა აყვია ჟურნალისტმა სასაცილოდ აიგდო ჩვენი პარადი.

კომედიური ფილმის პასაჟს ჰგავდაო. ჩვენი „მუშკეტერები“ ჯარის კარიკატურას ჰგავდნენო. საკინძემუეუკვრელნი, მხედრულ სვლას ვერ დაუფლებულნი თოჯინების სპექტაკლის ყვინჩილებივით მოაბიჯებდნენო.

პრეზიდენტს შუბლთან ხელის მიტანის უფლება არა ჰქონდა, რაკილა სამხედრო პირი არ არისო.

რა იყო, შე კაი კაცო, იმის მაგივრად, რომ გიხაროდეს ქართველ კაცს ქართული ჯარის დაბადება, „ოლოლოს“ ეძახი და ნიშნს უგებ?

ჯერ ერთი, ჯარი რაფარიც იყო, მთავარსარდალიც იმნაირი ჰყავდა. ხომ იდგა, ხომ ჰქონდა კმაყოფილი სახე, ხომ ფრთებს ასხამდა ჯარისკაცებს თავისი ღიმილით.

რა დიდი მნიშვნელობა აქვს, კაცმა რომ თქვას, პრეზიდენტი მარშლური წესით მიესალმება თავის ბიჭებს, თუ ჰაეროვანი კოცნების გზავნით.

უთავბოლო ყრანტალ-პრეტენზიებით ხალისი უნდა დაუკარგო, თავი უნდა მოაბეზრო ადამიანს?

„დამარცხებული ხარ!“, „გამოქცეული ხარ!“, „ომი არ გცოდნია!“ – შეიძლება ამ სიტყვებს ეძახდე საკუთარ არმიას?

ერეკლევ არაერთხელ დამარცხებულა, მაგრამ თავის ლაშქარს „არნივებს“ ეძახდა და ამით ფრთებს ასხამდა.

ჟანგისაგან შეჭმული თორ-აბჯარი ესხათ ბიჭებს და ხანჯლის სიგრძე ხმლები ეჭირა ზოგიერთს, მაგრამ „მომყევით, არნივებო!“ ერეკლე რომ დასწყვივლებდა, თავი მართლა არნივები ეგონათ.

გალთან რომ მიიყვან ჯარისკაცს, გაუპატიურებული ქალებისთვის და თავგაჩეხილი ღამის მეხრეებისთვის რომ აყურებინებ, მერე „ბრძნულ გადანყვეტილებას“ მიიღებ და უკანდახვევის ბრძანებას გასცემ, უნდა იფიქრო, რომ ამით შენ მეომარი ჩაჰკალი ჯარისკაცში და ათწლეულები დასჭირდება იმ დაკარგული მხედრული სულის აღდგენას.

გამახსენდა და ჩვენი ჯარის შეიარაღებასთან დაკავშირებულ ერთ სასაცილო ამბავს მოგიყვები. სასაცილოდ ეს ამბავი ახლა ჩანს, აქედან, თორემ მაშინ ტრაგედიაზე მეტი იყო. სწორედ ამ უღიბლობას მოჰყვა რუსეთის აგენტების მიერ საქართველოს ეროვნული ხელისუფლების დამხობა მაშინ.

1992 წლის 27 დეკემბერია. ზვიად გამსახურდია თავისი პარლამენტით და უერთგულესი მინისტრებით ხუთი დღეა ბუნკერში იმყოფება. არის ბათქა-ბუთქი რუსთაველზე.

თბილისის ცენტრში, მთელი საქართველოს თვალწინ, თავს დაესხნენ კანონიერ მთავრობას და ცეცხლს უშენენ.

ქვეყანა კი დუმით შეცქერის, როგორ უკლავენ დამოუკიდებლობას.

თითქოსდა მთავრობის სასახლესთან ღია კონცერტია მოწყობილი ან ომობანას თამაშობენ. ამ დროს პრეზიდენტის ხელშეუხებლობა ჯარმა უნდა დაიცვას, მაგრამ სადაა ჯარი? ჯარიც რომ იყოს, სადაა იარაღი?

დილაუთენია, მინისტრი, სომხებისგან ნათხოვარი ვერტმფრენით, ყაბარდოში გაფრინდა. თუშური ყველი ნაიღო, იქნებ იარაღში გადავცვალო, ყაბარდოელები თავშენახული, იარაღის მოყვარული ხალხია და მეორე მსოფლიო ომისგან შემორჩენილი შაშხანები ექნებათო.

თერთმეტი საათია. ვზივარ მინისტრის გაყინულ კაბინეტში (მინისტრის მოადგილე გახლდით მაშინ, მოგესხენებათ). რუსთაველზე სროლა ძლიერდება. ორ-სამჯერ „გაუბიჯის“ დგაფ-დგუფიც გაისმა. განუწყვეტლად რეკავს ტელეფონი. პრეზიდენტის მეუღლე მელაპარაკება:

– სად არის მინისტრი, თქვენ ვინა ხართ?!

ისტერიული ხმა აქვს.

ვუპატაკე, ვინც გახლდით. ისიც მოვახსენე, მინისტრი სადაც იყო და რა საქმეზე.

– ცუდადაა საქმე! რას შვრებით, დაილენა ყველაფერი! მარჯვენა ფლიგელი იწვის. თუ ასე გაგრძელდა, ბუნკერში ამონავენ ყველას! სასწრაფოდ გამოიყვანეთ ტანკები! გესმით თუ არა ჩემი! ტანკები სასწრაფოდ, თორემ დახვრეტა არ ავცდებათ!

ვაი ამ ჭამას, რალა ჩემდა ჭირად დამტოვა მინისტრმა ამ ტელეფონებთან. რას ეტყვი ხუთი ღამის უძინარ დედოფალს, სადაცაა ნერვები შემოასკდება.

– ყოველგვარ ზომას მივიღებ-მეთქი, ახლავე, ქალბატონო!”

რაციით ვურეკავ ქალაქის სამხედრო კომენდანტს.

– დააზუსტე, რა მდგომარეობაშია სატანკო ბრიგადა, ხუთ წუთში საბრძოლო მზადყოფნაში მოიყვანე და მიპატაკე-მეთქი.

რად მინდა, ბატონო, ხუთი წუთი, ახლავე გეტყვითო. სადაა სატანკო ბრიგადა? ერთადერთი ტანკი გვაქვს, რუსთავის მხრიდან რომ შემოვდივართ, ტეკთან, მარჯვნივ, ტროლეიბუსის ბოქსში დგას, არ ვიცი, რა მდგომარეობაშიაო.

სწრაფად გაუშვი ბიჭები, დაქოქონ და რუსთაველზე შემოიყვანონ, უნივერსიტეტის მხრიდან-მეთქი, კატეგორიულად ვუბრძანე.

ნახევარ საათში მირეკავს კომენდანტი: ტანკი ადგილზეა, დაქოქვით ჯერ ვერ დავქოქეთ, მაგრამ კიდევ რომ დავქოქოთ, რუსთაველზე ვერ გამოვიყვანთ, ტანკისტი არ გვყავსო.

აბა, რა ჯანდაბა ვქნათ, ის ქალი ყოველ ხუთ წუთში მირეკავს-მეთქი.

ვიცი ერთი ტანკისტი, რუსია, სერგეევი, რუსთავის კოლონიაში იხდის სასჯელს, იქნებ მაქედან იმოქმედოთო.

ტანკთან მომიცადე-მეთქი. გამოვვარდი კაბინეტიდან, ჩავხტი „ვილისში“ და რუსთავის კოლონიის უფროსს მივადექი.

სერგეევი გყოლია ტანკისტი-მეთქი.

ტანკისტია თუ პარაშუტისტი, ვერ გეტყვით, ქურდი რომაა, ვიცი და ჩვენი თქმით ხელს რომ არ გაანძრევს, ამამიც დარწმუნებული ვარო.

შემახვედრე, ბოლოს და ბოლოს, კაცი ხომ იქნება, სახელმწიფო ილუპება, უნდა გვიშველოს, ტანკით უნდა გაიაროს რუსთაველზე-მეთქი.

ხუთ წუთში ცხვირპაჭუა, ბატისჭუკისფერთმანვეროსანი სერგეევი ჩემს წინ იდგა.

პრეზიდენტის სიცოცხლეს საფრთხე ემუქრება, ტანკზე უნდა დაჯდე-მეთქი, რომ ვუთხარი, არც უკითხავს, რომელი პრეზიდენტისასო, მაშინვე მიდასტურა.

კოლონიის უფროსს ჩემი პასუხისმგებლობით გამოვანერინე ციხიდან რეციდივისტი სერგეევი, ჩავისვი მანქანაში და მომყავს.

მართლა ტანკისტი ყოფილა. დაქოქა, გარაჟიდან გამოიყვანა, ადგილზე დაატრიალა და ძრავი გამორთო.

ვეცი, რას შვრები-მეთქი.

ჯერ ერთი, შლემი მჭირდება, ძველი ტანკია და კაიუტაში გამაყრუებლად გუგუნებს, კარგი, უშლემოდ იოლას გავალ, მაგრამ „ნავოდრიკი“ აუცილებელია. ისე ტანკს ოპერაციაზე ვერ გავიყვანო.

ვინ გეგულება ახლომახლო კარგი „ნავოდრიკი“-მეთქი.

ქსნის კოლონიაში ჩემი მეგობარი, ვასილ ვიხოდცევი იხდის სასჯელს. ბრწყინვალე „ნავოდრიკია“, ჩემი სახელი უხსენეთ და წამოგყვებათო.

რა ვქნა, სხვა რომ გავგზავნო, იქნებ არ გამოატანოს ციხის უფროსმა ვიხოდცევი.

კომენდანტს ვუთხარი. წადი და მინისტრის კაბინეტში დაჯექი. ამდენხანს არ შეიძლება პოსტის მიტოვება. თუ ქალბატონმა მანანამ დარეკოს, მოახსენე, რომ „ნავოდრიკზე“ წავედი და დაამშვიდე-მეთქი.

გავვარდი ქსანში. ვიხოდცევი ჩავისვი „ვილისში“ და ერთ საათში სანაპიროდან შემოვგრიალდით.

მეგობრები ერთმანეთს გადაეხვივნენ.

– „ნადა ვირუჩიტ რებიატ. პრეზიდენტ ვ აპასნოსტი“, – შეაგება სერგეევმა.

„ვირუჩიტ, ტაკ ვირუჩიტ“, – უპასუხა ვასიამ და ტანკზე შეხტა. ორიოდ წუთში ტანკი ასფალტზე გახრიალდა. პატრულს რუსთავის გზის დაკეტვა ვუბრძანე. თუმცა მოძრაობა ისედაც არ იყო.

მოგრუხუნებს ტანკი. მე ვილისით უკან მოვყვები.

პროკურატურის ახალ შენობასთან ცისფრად მბოლავი ჩვენი იმედი ერთბაშად დადგა.

ჯერ ვასია ამოხობდა, მერე სერგეევი.

ტანკს შემოურბინეს, მუხლუხობებს სინჯავენ, ილუმინატორის ფირფიტას სწევენ და სალონში იჭვრიტებიან.

გადმოვხტი. რატომ შევჩერდით-მეთქი.

ჯერ ერთი „სალიარკა“ გათავდა და მეორეც, შუა მესამე „პად-შიპნიკი“ გატეხილია. თუ „პადშიპნიკს“ ვერ იშოვით, მანქანა დაბალ სიჩქარეზე იმუშავებს და ნელა ივლის, სალიარკა კი აუცილებელიაო.

სად გინდა იშოვო „სალიარკა“.

თითქოს შემფოთებას მიმიხვდაო, ხუთი კანისტრა მაინც დასჭირდებაო, ვიხოდცევმა.

ერთ ადგილას მეგულება, არ შეიძლება „არსენალის მთაზე“ არ ჰქონდეთ ბიჭებს.

თხუთმეტ წუთში აქ გავჩნდები-მეთქი, დავუბარე ტანკისტებს და შოფერს ვუბრძანე, არსენალისკენ მოკლებზე გავსულიყავით.

„სალიარკის“ შოვნა გაჭირდა.

თითო-თითო კანისტრა ჩამოვიმათხოვრე და, როგორც იქნა, გამოვცდი ორთაჭალის ციხეს.

ტანკი შორიდან შევნიშნე, ახლა კი დავუფეთებთ ანგელოზებს კიტოვან-იოსელიანის შენაერთებს. ვასწავლით, როგორ უნდა კანონიერი პრეზიდენტის ხელყოფა.

ტანკს რომ მივუახლოვდი, ჩვენს „გმირებს“ ვერსად მოვკარი თვალი და გულმა რეჩხი მიყო.

მივირბინე. იქნებ კაიუტაში ჩაძვრნენ და სძინავთ, ლუკი ავხადე: „ვასია! ვასია! გდე ვი, რებიატა!“

შენც არ მომიკვდე.

არავინ ჩანს.

სანამ მოვიდოდი, ტანკისტებს უფიქრიათ, ჩვენგან – კანონიერი ქურდებისგან, საქართველოს შინაომში ჩაბმა უხერხულიაო და გაქცეულან.

მეორე დღეს, 1992 წლის 28 დეკემბერს, ნაშუადღევს 5 საათზე, რუსთაველის პროსპექტზე რვა ახალთახალი რუსული ტანკი რომ შემოგრუხუნდა, მივხვდი, ჩვენი საქმე წასული იყო.

## მეორე თავი

### ომი

– ბატონო გელა

გეოლოგი გახლავართ მე და, რა ჩემი ახსნა გინდათ, აღმა-  
დაღმა ნანწალი ჩემი ხელობაა. ამ ხეტიალში ათასი ჯურის ხალხს  
შევხვედრივარ, სად არ დამღამებია და ვის ჭერქვეშ არ გამითევია  
ლამე. ამიტომ, რასაც ახლა გეტყვი, წიგნში წაკითხული ან სხვის-  
გან გაგონილი არ გეგონოს, ჩემით მივედი ამ დასკვნამდე. ეს ჩემი  
„დასკვნა“ დიდი აღმოჩენა და ფილოსოფია არ არის, მაგრამ ჩემია  
და ყველას მინდა გავაგებინო. ვინ იცის, ვის სად გამოადგება.

მისმენ? დაიმახსოვრე: უბრალო ადამიანები არასოდეს იწყე-  
ბენ ომს. ომობენ მთავრობები. თუ რამე არ უნდა მშრომელ კაცს  
(ყაჩაღსა და თულზე არ გეუბნები), ესაა ჩხუბი და დავიდარაბა.  
ხანდახან მგონია, ხელისუფლება რომ არ არსებობდეს საერთოდ,  
ხალხი უფრო წყნარად და წესიერად იცხოვრებდა. სათავეში რომ  
არ იმღვრეოდეს წყალი, ერთმანეთს შორის საზღვარსაც უფრო გა-  
ვარკვევდით და გასაყოფი თუ რამე გვექნებოდა, თოფიან კაცს არ  
ჩავრევდით საქმეში. მშვიდობიანად, განსჯა-გაზომვით მოვაგვა-  
რებდით ყველაფერს.

კაცი თუ ხარ, ადამიანი თუ ხარ, ადამიანი უნდა გიყვარდეს.  
ღვთის გაჩენილია ყველა და ყველას თავისი ადგილი აქვს ამ ქვეყ-  
ანაზე. გაოცებას ვარ, კაცი, ვერაფრით ვერ ამიხსნია. ჯერ კიდევ  
როდის თქვა ჩვენმა სულკურთხეულმა წინაპარმა „იქნება ვეფხვის  
დედაი ჩემზე მწარედა სტირისაო“. ახლა კი, აგერ, ოცდამეერთე  
საუკუნეში დაჯდება ენაგატლეკილი კაცი და დაიწყებს: ეს ამნაირ-  
ია, ის ხალხი იმნაირია, ესენი ჩვენი ძმები არიან, ისინი კი ჩვენი  
მტრები გახლავან, იმათ ვუყვარვართ ჩვენ – ქართველები, იმათ –  
ვძულვართო.

სისულელეა, იცოდე შენ, ეს ლაპარაკი. არავის არ ვუყვარვართ  
და არავის არ ვძულვართ. არავინ არავისი მტერი არ არის. ერთა  
მტრობა და სისხლისღვრა პოლიტიკოსების მოგონილია. ადამიან-  
ები ერთმანეთს დაეძებენ და ერთმანეთს ენდობიან. მითუმეტეს  
ამ ჩვენს კავკასიაში, სადაც კლდე-ღრეს შეხიზნული კაცი წელი-  
ნადში ერთხელ თუ წააწყდება სხვას, ჩამოსულს, სტუმარს. მონა-  
ტრება იცის შენსავით თიხისაგან მოზელილმა არსებამ და, რაკი,  
მომთაბარე ცხოვრების გადამკიდე, შენც შეიძლებოდა ხვალ-ზეგ  
სტუმრის როლში აღმოჩენილიყავი, კავკასიაში განსაცვიფრებელი

სტუმარმასპინძლური ადათი დამკვიდრდა. რომელ შულღზე და სიძულვილზეა ლაპარაკი.

უნივერსიტეტი რომ დავამთავრე, დაღესტანში გამანანნილეს. იქ გეოლოგიურ პარტიაში ვმუშაობდი გეოლოგ-სამუშაოთა მწარმოებლად. უცოლო ბიჭი ვიყავი. ერთ ავარულ აულში პატარა ფიცრული შევჭედე. პატარა ეზო შემოვლობე და ვცხოვრობდი ჩემთვის. ორმოცდაათიანი წლების ბოლო იყო. ზუსტად გეტყვი: ორმოცდათვრამეტ-ორმოცდაცხრამეტი წლები. ეზოს შემოლობვაზე გამახსენდა. ლეკების აული, თუ გაქვს წარმოდგენილი, ჩვენი მთის სოფლებს ჰგავს. ეზოები, რა თქმა უნდა, არა აქვთ და, მითუმეტეს, შემოლობილი. მე იმერელი კაცი ვარ და ვერაფრით ვერ ვიგუე შემოულობავი ეზო. უნდა გენახათ, რა გაკვირვებით მიყურებდნენ ლეკები ეზოს შემოლობვა რომ დავინყე. ერთმანეთს შორის ჩურჩულებდნენ თურმე: რას აკეთებს, რა ჩაიფიქრა ნეტაო. ეს მერე გამიმხილეს. ათისთავი ვიყავი-მეთქი ქე გითხარით. სამძებრო სამუშაოებზე ძირითადად ლეკები მუშაობდნენ. მე რა პატივი უნდა მეცა მათთვის, რასაც აკეთებდნენ ზუსტად ვუნერდი უწყისში და ფულსაც გამომუშავების მიხედვით ლეზულობდნენ. ახლა რომ მკვდარი სულები და მიწერა-მაიმუნობებია, მაშინ არ იყო. და, მიუხედავად ჩემი „კანონის კაცობისა“, მთელს აულს თვალში რომ ჩავვარდნოდი, თითს არ ამოისვამდა. რა კეთილშობილი ხალხი ცხოვრობდა, რომ იცოდე, იმ აულში. ჯერ იყო და მთელ სოფელს თავის სტუმრად მივანდი და ხაჭო-რძე-ყველი არ მომკლებია. ცხვარს რომ დაკლავდნენ, კარგ ნაჭერს პირველს მე მომართმევდნენ. იქ მაინცდამაინც უცხო კაცის გადაპატიჟებ-გადმოპატიჟება არ უყვართ, მაგრამ რა ბედნიერი იყო, ვის მიწურშიც შევიხედავდი. ყველაზე ლამაზ მუთაქას დამიდებდნენ და ხალიჩაზე ყველაზე საპატიო ადგილზე დამსვამდნენ. ვფიცავარ სამ შვილს, თუ ტყუილი გითხრა, რამდენჯერ ყოფილა ბატკნის პეტელს გავუღვიძებიავრ დილით. გადავიხედავდი და დახტუნაობს ბატკანი ჩემს შემოლობილში. ვინ დატოვა, ვინ მიფეშქაშა, რისი გულისთვის? დღესაც გამოცანად რჩება. მთავარი ის არი, რომ ლეკმა შენ – სტუმარს, გადმოგიგდო ბატკანი ეზოში და გაიარა. არც შეგანუხა თავისი ვინაობის შეტყობინებით. ამ საქციელს ის კარგი მხარე ჰქონდა, რომ ყოველ ჩამვლელ-შემხვედრს ვუღიმოდი და ვცდილობდი სიკეთე ყველასთვის გადამეხადა.

ახლა ომისდროინდელ ამბავს გეტყვი. საპენსიო ასაკმა მომიწია, მაგრამ მოქმედ გეოლოგობას არ ვეშვები. ასე მგონია, როგორც კი მუშაობას თავს დავანებებ, მოვკვდები-მეთქი.



14 აგვისტოს დაიწყო ხომ აფხაზეთის ომი, ერთი კვირის ჩასული ვიყავი ადიღეში. მივლინებით გახლდით. ძველი ხელშეკრულების ნარჩენი პუნქტები უნდა შემესრულებინა. გეოლოგიურ-მინერალოგიური რუკა უნდა შემედგინა სურუმშის რაიონის. სოფელ აცაში ვცხოვრობდი ბესლან აძკრბას სახლში. ბესლანს ერთი ვაჟი ჰყავდა – თემური. თემსაბჭოში მოანგარიშედ მუშაობდა. ომი დაიწყო და წარმოიდგინე ჩემი მდგომარეობა – ადიღეში ვარ. საერთოდ, აფსუური ენა ადიღეურის დიალექტია, ისე განსხვავდება აფსუური ადიღეურისაგან, როგორც, ვთქვათ, იმერული დიალექტი კახურისაგან. მართალია აცაში აფსუები არ ცხოვრობენ, მაგრამ რა მნიშვნელობა აქვს. ფაქტიურად აფსუები და ადიღეველები ერთი ხალხია. და მე, როგორც პოლიტიკოსები იტყვიან – „საომარ მდგომარეობაში მყოფი ქვეყნის“ წარმომადგენელი სტუმრად ვარ „მტრების“ ბანაკში. თოთხმეტ-თხუთმეტ და თექვსმეტ აგვისტოს არაფერი უგრძობინებიათ ჩემთვის მასპინძლებს. ბესლანი დილდილაობით ისევ ჭიქა არაყზე მიხმობს და მხარზე მკოცნის, მის მეუღლეს ცხელი ხაჭაპური და კეცზე შემწვარი წინილი შემოაქვს და, რომ იტყვიან, ძვირფასი მასპინძლობით ყელამდე ვარ სავსე.

ჩვიდმეტში, ასე შვიდი საათი იქნებოდა, შემოვიდა თემური ჩემთან. ტახტზე წამომჯდარს, ნუ ნუხდებითო, ადგომა არ დამანება, მაგიდას მიუჯდა და კარგა ხანს თავჩაქინდრული იჯდა. რასაკვირველია, ვიცოდი რაშიც იყო საქმე, უძძიმდა ლაპარაკის დაწყება. მე ბარგი შეკრული მქონდა და წასვლას ვაპირებდი, მაგრამ სუხუმისკენ შევუღმფრენის რეისი შეწყვეტილი იყო, ხოლო ტყვარჩელისკენ მხოლოდ რაიონის ცენტრიდან მიფრინავდა და ისიც ათ დღეში ერთხელ. ეს იყო ჩემი შეყოვნების მიზეზი, თორემ წამოსვლას, რასაკვირველია, ომის დაწყების დღიდანვე ვაპირებდი. განა მეშინოდა, არ მინდოდა ჩემს გამო უსიამოვნება შეხვედროდათ მასპინძლებს.

– რატომ გააკეთეს ეს თქვენებმა? – კედელს შესცქერის და ისე მეკითხება თემური.

– რა გააკეთეს? – ყრუდ, სხვათაშორის, ვუბრუნებ კითხვას.

– რას გვერჩიან, რატომ დაგვეცნენ ტანკებით. რატომ გვართმევენ ჩვენს მინას?!

– რომელ თქვენს მინას, თემურ?

– სოხუმს, გაგრას, გუდაუთას, ოჩამჩირეს, თქვენ რა, არ იცით, რომელია ჩვენი მინა?

– საქმეც იმაშია, ჩემო თემურ, რომ მე ვიცი, მაგრამ თქვენ არ იცით. როდიდანაა თქვენი მინა, სოხუმი და ბიჭვინთა, ან გაგრა და გუდაუთა?

– ჩვენი კი არა – აფსუების, თქვენ აფხაზებს რომ ეძახით – თითქოს მოიბოდიშაო ბესლანის ვაჟმა.

– თემურ, იცი თუ არა შენ, რომ ადილე შენი სამშობლო, მეთორმეტე საუკუნეში მთლიანად საქართველოს ფარგლებში იყო მოქცეული. საბუთი გინდა? თქვენი სოფლის ბოლოში რომ თამარის ეკლესიაა, როგორ ფიქრობ, საიდან გაჩნდა ამ ადილეურ სოფელში თამარის ეკლესია? ახლა შენ მითხარი, თუ არის სადმე სოხუმში, გაგრაში, გუდაუთაში ან მთელი დღევანდელი აფხაზეთის ტერიტორიაზე წარსულში აფსუების ცხოვრების კვალი? ან ეკლესია, ან მეჩეთი, ან ძველი საცხოვრისი? სანთლით რომ ეძებო, ვერ იპოვი. ხომ ხედავ, მე – ქართველს უფრო მეტი საბუთი მაქვს იმისათვის, რომ ვამტკიცო ადილე ჩემი მიწა-მეთქი, მაგრამ არასოდეს თავში არ მომივა ამის ფიქრი. ადილე თქვენია და ღმერთმა კეთილად მოგახმაროთ. ასე რომ, ქართველები არა თუ აფსუებს, არავის არასოდეს არ ართმევდნენ და არც წაართმევდნენ თავის მიწას.

– ტანკებით და ზარბაზნებით ხომ თქვენ შემოხვედით, ჩვენ ხომ არ შემოვსულვართ?!

– სად „შემოვედით“ თემურ, ჩვენ არსად არ „შემოვსულვართ“ ჩვენ ჩვენს სახლში ვართ...

მკითხველს აღარ გადავლლი ჩვენი მოსაწყენი საუბრით. მოკლედ თემური ბრალს გვდებდა, მე ვუმტკიცებდი რომ არ იყო მართალი, მაგრამ თემურს ჩემი საბუთები არ აინტერესებდა. ხმას უწევდა, აქოჩრილი იყო, თვალს ვერ მისწორებდა. მოკლედ ჩხუბის ხასიათზე გახლდათ, ამ ლაპარაკში კარებში ბესლან აძკრბა გამოჩნდა.

– აძვიჯანბაჯჰკრხე? – წარბშეკვრით ჰკითხა თემურს.

– აძჰმცდხჯბჰჰკა! – განზე გაიხედა შვილმა.

და მოხდა სრულიად მოულოდნელი. ბესლანმა ხანჯალი დააძრო და შვილისკენ გაიწია. გამძვინვარებულ მასპინძელს ხელში რომ არ ვცემოდი და თემური კატის სისწრაფით განზე არ გადამხტარიყო, უბედურება დატრიალდებოდა.

– აპატიეთ სულელს, ბატონო, ახლანდელმა რეგვენებმა სტუმრის ფასი არ იცინან! – სიბრაზე-სირცხვილისაგან ტუჩები უკანკალებდა ბესლანს.

– რას ბრძანებთ ბესლან, ბატონო. ჩვენ მშვიდად ვსაუბრობდით, თემურ კარგი ვაჟკაცია.

– კარგი მოუვა მაგის ცხვირს!

\* \* \*

მეორე დღეს ბალახისბილიკიან „აეროპორტში“ სამნი მაცილებდნენ: ბესლან აძკრბა, მისი მეუღლე და თემურ.

ბესლან ნანყენი იყო რომ წასვლა არ დავიშალე. მისი მეუღლე ნამდაუნუმ ხელს მართმევდა და ხელისგულზე თავის შემტკნარ, მაგრამ საოცრად ნაზ ხელს მისვამდა.

წვიმდა, მაგრამ ჩემი მასპინძლები ფეხს არ იცვლიდნენ.

შვეულმფრენისკენ მიმავალს თემურ დამენია. კიდევ ერთხელ გადამეხვია და ისე, რომ სხვებს არ დაენახათ, პიჯაკის ჯიბეში გაზეთშემოხვეული რალაც ჩამიძლო.

ცაში გავხსენი ნაჩუქარი და ცრემლი მომერია:

ბესლან აძკრბას შვილმა ვერცხლით მოჭედილი ძველი, მამაპაპეული ხანჯალი მაჩუქა.

ა, ეს არის სიმართლე, ბატონო.

ახლა ხომ ხვდებით, რატომ გითხარი, ომს პოლიტიკოსები იწყებენ და უბრალო ხალხს სასაკლაოზეც ისინი ჰგზავნიან-მეთქი.

\* \* \*

უჟმური, თოვლჭყაპიანი, მტირალა ამინდი იდგა.

გზას ორივე მხარეს ეხატა ყვითელ მინასა და თოვლში აზელილი მუხლუხობის კვალი.

ტალახი ისე გაბატონებულიყო ეროვნული გვარდიის № (სამხედრო საიდუმლოებაა) ბატალიონის ყაზარმების ირგვლივ, რომ მენანებოდა ციდან, ლამის, თეთრფარდადდაშვებული. თოვლი, სახურავებზე და მაგნოლიების სველ ფოთლებზედა რომ იკიდებდა ფეხს.

სანამ მოგროვდებიან, ცოტახანს აქვე გავივლი-მეთქი, ვუთხარი ჩემს გამყოლ შაფენვერა მაიორს და აღარ დავაზუსტე, რომ „ბტრ“-ის თეთრმა კვამლმა ბებერი მანქანის სალონში რომ ტრიალებდა, თავბრუ დამახვია.

ნაპირს ხუთნი ამოჰყვნენ. ტურისტთა ყოფილ კლუბს რომ დაუახლოვდნენ, ავტომატები აქამდე რომ შეშის ნაჭრებივით ეჭირათ, მხარზე გადაიკიდეს, კოზიროკიანი, რუხმწვანე ქუდეები გაისწორეს და ვერცხლისფერ ცისტერნასთან შემდგარს მშვიდად მომაჩერდნენ.

– გამარჯობათ, ბიჭებო.

– სალამი.

– რა ამბავია იქეთ?

– ამ დროს არ ისვრიან... საერთოდ... შუალამისას ან ალიონზე.

ახლოს მივედი და სათითაოდ ხელი ჩამოვართვი.

– რამ შეგანუხათ?

– მწერალიაო, რალაცას გვეტყვის ალბათ.

– კაი ერთი თუ ძმა ხარ, საქმე არ ჰქონდა? რა დროს მწერალია ამ ყიამეთში.

– რატომ... რამე ახალი ეცოდინება. გამოვყრუვდით ამ ბათქა-ბუთქში.

ნახევარი საათიც და კლუბში ორმოციოდ მებრძოლი მოგროვდა. სხედან ისინი ჩემს წინ, ავტომატების ტარზე ნიკაპებდაყრდ-ნობილები. დაღლილი, განამებული სახეებით. თუ უხდება ვინმეს შავი წვერი ისე, როგორც სახემოღვრემილ ვაჟკაცს. ეწვეიან, ახვე-ლებენ. მშვიდად, მდუმარედ შემომცქერეიან. სველი მაზრების მქისე სუნი დგას ირგვლივ. რა ვთქვა ახლა. რითი დავიწყო. „ნება მო-მეცით ქართველი მწერლების სახელით მოგესალმობთ...“ გაცვეთი-ლი და პათეტურია.

„თქვენ ჭემმარიტი გმირები ხართ, თქვენში გაცოცხლდა გიორ-გი სააკაძის და სამასი არაგველის სული!“ – მყვირალა და თეატ-რალურია.

პირველი ფრაზის თქმა. ასე ჯერ არ გამჭირვებია.

კარგა ხანს მდუმარედ შევცქეროდით ერთმანეთს და ბოლოს თავდახრილმა, ყელგამშრალმა ამოვილაპარაკე:

– აბა, რა გითხრათ. ჩემი გვარი კირთაძეა. პატარ-პატარა ნოვ-ელებს ვწერ, თუ სადმე მოგიკრავთ თვალი... ლამაზად ლაპარაკის დრო არ არის ახლა. თქვენი საქმე თქვენ იცით. მე ერთადერთი სათხოვარი მაქვს: ეცადეთ, როგორმე არ მოკვდეთ, ბიჭებო!

ვილაცამ გაიცინა, და იმ წამსვე მოგუდა სიცხილი. ვილაცამ ამოიოხრა. ვილაცამ, მაგას ვერ დაგპირდებითო, ჩაილაპარაკა. და ერთბაშად დატბა დარბაზში. თითქოსდა, უეცრად ახლოს მივედით ერთმანეთთან. რომ იცოდეთ, რა უცხო ვიქნებოდი მათთვის თავი რომ ამელირა და: აბა თქვენ იცით, არ დათმობთ არცერთი გოჯი სამშობლოს მიწა-მეთქი რომ მეთქვა.

მერე ერთი-ორი ეპიზოდი გავიხსენე ჩემი აბურდული ცხოვრე-ბიდან. რალაც-რალაცეები მკითხეს, გაირკვა, რომ მე უფრო მეტი მაინტერესებდა მათ შესახებ და დავლაღე მასპინძლები შეკითხვე-ბით. ბოლოს ტელეფონები ჩამანერინეს: აქა და იქ დარეკე, მოკ-ითხვა გადაეციო. ცოტა გავიხუმრეთ, ცოტა ნავიკამათეთ და და-ვიშალეთ.

კართან გამწკრივდნენ. ჯერ თქვენ გაბრძანდითო. ვისაც მი-ვწვდი, ხელი ჩამოვართვი. დერეფანში გამხდარი, მიმინოსცხვირა, თვალებდექეული ბიჭი გამომყვა:

– მაღლობელი ვარ, პატივცემულო. არ მოკვდეთო არავის არ უთქვამს ჯერ ჩვენთვის. მე, მაგალითად, ცხრამეტი წლის ვარ.

ცოლი არ მყავს. არც საცოლე მყავს ჯერ. ჯგერენაია ვარ სენაკი-დან. ტყვედ ვიყავი გუდაუთაში და მეცინიან ხანდახან ბიჭები. ვინ იცის, რანაირად გექცეოდნენო, უშნო ხუმრობა იცის ზოგმა. ვერ ავიფეთქე თავი და რაკი არ მოვკვდი, არ ვარ არაფერი? ისე ნამდვილად გეტყვით, გლახად არ მოგვეცევიან არავინ. ვიყავით ტყვეები და ხომ არ მოგვეფერებოდნენ, მარა დამცირება არ დაუნყია იქ არავის. ახლა ერთი სათხოვარი მაქვს თქვენთან. ეგება ტელევიზორში გამოაცხადებინოთ: „ნანული სხულუხიას მებრძოლი ხვიჩა ჯგერენაია დაბადების დღეს ულოცავს-თქო“. აქ წერია ყველაფერი. ამ ორ-სამ დღეში თუ გამოაცხადებენ თვარა, მერე აღარა აქვს მნიშვნელობა.

– აკი საცოლე არა მყავსო? – თვალი ჩაუყუარო და წერილი უბეში შევინახე.

– არის ერთი. ჯერ თვითონ არაფერი არ იცის. ვერ მოვასწარი თქმა.

...მეორე დღეს დავბრუნდი თბილისში. აეროპორტიდან პირდაპირ ტელესტუდიაში გამოვიარე. ჩემს ყოფილ სტუდენტს, გულისხმიერ ყურნალისტს გია პაპუაშვილს (მორიგე იყო) შეველმერთე: ამაღამ როგორმე ეს უნდა გამოაცხადოთ-მეთქი და წერილი გადავეცი. გიამ პირობა მომცა და სიტყვა არ გატეხა.

გავიდა ათი დღე და „მარადიული ხსოვნის“ რუბრიკის ქვეშ ცხრამეტი წლის ბიჭის სურათი დაიხატა ეკრანზე. ეს ნაღვლიანი თვალები, ეს მიმინოს ცხვირი. ღმერთო, საიდან მეცნობა.

„ხვიჩა ჯგერენაია ვაჟკაცი იყო და ვაჟკაცურად წავიდა. მსუბუქი იყოს მისთვის მშობელი ქვეყნის მიწა!“

ღმერთო!

\* \* \*

თადარიგის გენერალ-მაიორი გახლავართ მე, ბატონო გელა. მუსხელიძეა ჩემი გვარი. ოცდაშვიდ სექტემბერს სოხუმი რომ დაეცა, ოცდარვაში განაცხადი მივიტანე თავდაცვის სამინისტროში და გადავდექი. სოხუმის შემდეგ მე, ქართველ გენერალს მორალური უფლება არა მაქვს მოქმედი სამხედრო მერქვას-მეთქი. მეორე წელია ვიმალები, ხან ერთ ნათესავთან, ხან მეორესთან. მაკითხავენ, მეძებენ, ჩემს ცოლს ულტიმატუმს უყენებენ. თუ ერთ კვირაში არ გამოცხადდა, შენ დაგაპატიმრებთო. ერთი კვირის მერე დაუყვავებენ – რალაც უნდა ვკითხოთ, უბრალო საკითხია, თქვენ გეცოდინებათ სად არის, ბუზსაც არ ავუფრენთ, უბრალოდ დაგვენახოს, ძალიან მოგვენატრაო. იცის ჩემმა ცოლმა რას ნიშნავს ეს მონატრება. ტირილით ეუბნება – რაც სოხუმი

დაეცა, თვალი არ მომიკრავს, არ ვიცი საერთოდ მკვდარია თუ ცოცხალი.

რატომ მოვედი თქვენთან! სათქმელი მაქვს. შეიძლება ხვალ მიპოვონ და გამბანონ, თქვენ მწერალი ხართ და მინდა სიმართლე იცოდეთ. ჩემი სიმართლე, რასაკვირველია, ჩემს გარდა ორმა-სამმა კაცმა იცის, მაგრამ მათი პირიდან, ალბათ, არასოდეს ამოვა სხვადასხვა გარემოებათა გამო.

სოხუმში შტაბის უფროსის მოადგილე გახლდით. ოცდაშვიდი ივლისის ხელშეკრულების მერე თავი რომ განვიარაღეთ, იქ ვიყავი. ავი წინათგონობა არ მასვენებდა. რას ჩავდივართ, ვკარგავთ სოხუმს და თავსაც ვიღუპავთ მეთქი, ვწუნუნებდი მაგრამ ვინ მომისმინა. რუსებმა ჩვენი ხელით დაგვატვირთინეს ტანკერები ჩვენი სიმწრით ნაშოვნ-ნაყიდი იარაღით ამ „პატივისცემაში“ კაპიკ-კაპიკ ნაგროვები ფულიც გადაგვახდევინეს და შიშველი ხელებით დაგვტოვეს სოხუმში. ქალაქში ანარქიაა. როცა ჯარს გაიყვან პოლიცია მაინც უნდა შეიყვანო წესრიგის დასამყარებლად, ჩვენ არც პოლიცია შეგვიყვანია. უიარალო ბიჭები, ჩვენი მოხალისე ჯარისკაცები უსაქმოდ დაყილობენ, ზოგი შინ ბრუნდება, ზოგი სექტემბრის მზეს ეფიცება პლიაჟზე. ერთი სიტყვით, ჯერ რა ჯარი გვყავდა და ისიც მოვშალეთ, ხერხემალში გადავტეხეთ. რადიოში და ტელევიზიაში პათეტიკური სიტყვები ისმის: სამუდამოდ დამკვიდრდა მშვიდობა აფხაზეთშიო. ქალაქი მშვიდობიან ცხოვრებას შეუდგაო. სოხუმში ან და მარადის თოფი აღარ გავარდებაო.

რვა სექტემბერია. ახალი შელამებუღია, ასე ცხრა-ათისნახევარი იქნება, მეტი არა. ტელეფონები გამორთული იყო. რაციის მორიგე შემოვიდა, კავშირზე გიხმობენო. მივედი, ყურთან მივიტანე აპარატი, ჟღრიალი მესმის, უცებ ჟღრიალი შეწყდა, გისმენთ, გისმენთ მეთქი. ვინ ბრძანდებითო, მკაფიო რუსულით მეკითხებიან. მე მგონია რუსული დივიზიიდან რეკავენ, შტაბის უფროსის მოადგილე გენერალი მუსხელიძე ვარ მეთქი. ყურადღებით მომისმინეთო, მე არძინბა ვარო. გადაეცით თქვენს ხელმძღვანელობას რომ ერთ კვირაში შეტევას ვინყებთ, წინააღმდეგობას აზრი არა აქვს. გაიყვანეთ მოსახლეობა და გადით თქვენც. ქალაქს ნუ დაგვანგრევენებთ. კიდევ ერთ დანაშაულს ნუ ჩაიდენთ საკუთარი ხალხის წინაშეო. ალო, ალო გესმოდათ თუ არა ჩემი ხმაო. დიახ მეთქი მეტის თქმა ვერ მოვასწარი, კავშირი შეწყდა.

თხუთმეტ წუთში მთავარბანაკში გახლდით. ყველანი აქ იყვნენ. ვიცით, ვიცით რაზეც მოხვედით, სიცილით მეუბნებიან, არძინბა დაგელაპარაკებოდათო. შენს გარდა სამ-ოთხ სხვასაც ელაპარაკა. სხვათაშორის დასახვრეტი ხართ, საიდან იცის არძინბამ თქვენ

სატელეფონო კავშირი. ეს ამბავი სახუმარო სრულიადაც არ არის მეთქი. სიფრთხილეს თავი არა სტკივა მეთქი. არძინბას ხმა რომ მომისმენია რადიოში, ზუსტად ის ხმა იყომეთქი. თბილისს დაუყოვნებლივ უნდა შეატყობინოთ ეს ფაქტი მეთქი. ნადი, მშვიდად დაიძინეო. რუსებთან რკინის ფიცით ვართ შეკრული, აფსუამ რომ პრავაკაცია გაბედოს, თვითონ რუსები გასცემენ პასუხსო. არ შეიძლება რუსის ნდობამეთქი. ნადი, ნადიო ფეხები სკამებზე შეუნყვიათ ჩვენს სარდლებს და აბოლებენ. რაც შეეხება თბილისს, ამ ამბავს აუცილებლად შევატყობინებთ, აბა როგორ იქნებაო.

თექვსმეტ სექტემბერს არძინბას დარეკვიდან ერთი კვირის თავზე მტერმა სოხუმის იერიში დაიწყო. სარდლობის პირველსავე სხდომაზე ვთქვი, ხომ ველოდით ამ შეტევას, ვისი ბრალია საბრძოლო მზადყოფნა რომ არა გვაქვს მეთქი. თეთრი ყვავივით შემომხედეს და კბილები გამიკრაჭუნეს, სოხუმი საიმედოდაა დაცული, აქ ჩიტიც ვერ შემოფრინდება და პანიკას ნუ ჰქმნისო. ყოველდღე ვკარგავთ პოზიციებს. ამკარაა, რუსები გვიტყვენ. ბრძოლის ველიდან მკვდრების გამოტანას ვერ ავუდივართ. ვაუკაცურად იბრძვიან და წყდებიან ჩვენი უიარალო ბიჭები. მთავარბანაკში დაბნეულობაა. ერთმანეთს ამხნევებენ უაზრო, უსაბუთო გამხნევებით. თითქმის ალყაში ვართ.

ოცდასამი სექტემბერია. დადუმებული რაცია ამუშავდა. ვინ უნდა იყოს.

გავედი სამორიგეოში.

ისევ ის ხმა. ნუთუ ისევ გარენარი არძინბა რეკავს.

– ვინ ბრძანდებით. თუმცა მნიშვნელობა არა აქვს. ნუ მეტყვით თქვენს ვინაობას. მე არძინბა ვარ. გადაეცით ყველას: ოცდაექვს სექტემბერს სოხუმი აღებული იქნება. რისი იმედი გაქვთ. რატომ იქცევით ასე უცნაურად. თქვენ რა სრულ ჭკუაზე არა ხართ? არ გეგონოთ, რომ თქვენ მეცოდებით უდანამაულო სოხუმელები მეცოდებიან და იმიტომ გაფრთხილებთ. გაიყვანეთ ხალხი და სასწრაფოდ გადით აფხაზეთიდან.

კავშირი განწყდა.

რასაკვირველია, დაუყოვნებლივ ვაცნობე ეს ამბავი, ვისაც საჭირო იყო.

ყურადღებით, დუმილით მომისმინეს. შეკითხვაც არ მოუციათ – უსიტყვოდ თავი დამიქნიეს.

შტაბში რომ დავბრუნდი, ტელეფონოგრამა გადმომცეს; გათავისუფლებული ვიყავი შტაბის უფროსის მოადგილის თანამდებობიდან და ორ საათში თბილისს უნდა გავფრენილიყავ სამოქალაქო თავდაცვის უფროსის მერებაშვილის განკარგულებაში.

ოცდამედი სექტემბერს სოხუმი დაეცა.

\* \* \*

„მამა!

მე ამ წერილს სოხუმიდან გწერ.

ჰოსპიტალში ვწევარ. დაჭრილი ვარ ბარძაყში და მუცელში – მარჯვენა მხარეს.

ერთი ოპერაცია გამიკეთეს, მაგრამ რალაცა დაჩირქდაო და მეორეც უნდა გამიკეთონ.

ჩემზე არ იდარდო. მე კარგად ვარ.

ფეხის თითებს ჯერჯერობით ვერ ვამოძრავებ, მაგრამ ექიმი ამბობს, მალე ყველაფერი კარგად იქნებაო.

აქ ყვარჯნებს დამპირდა ერთი. თუ მიშოვა და ფეხზე დგომა შევძელი, გადმოვფრინდები თბილისში და მანდ გავაგრძელებ მკურნალობას.

აქაც კარგი ექიმები არიან, მაგრამ თბილისში უკეთესი საშუალებებიაო.

რომ ჩამოვალ, გეხვეწები, ჩხუბი არ დამინყო.

შენ კაცურად უნდა გამიგო.

დედას ამ წერილს ნუ აჩვენებ.

არ დამავინწყდეს:

ამ წერილს მიშკას ვატან. ხომ გახსოვს მიშკა ჩემი კლასელი. ვიცოდი რომ აქეთ იყო, მაგრამ ჩამოსვლის დროს ვერ ვიპოვე. ტამიშთან კანტუზია მიუღია და სანიტარულ ბატალიონში გადაუყვანიათ. ჰოსპიტალში შევხვდით.

დაჭრილი რომ მნახა, თავიდან ცოტა შეეხარბა, მერე ცოტა შეეშინდა და სასთუმალთან არ მომცილებია.

პატივი ეცით. მაგასაც ჩემსავით ლიმონათი და ბლინები უყვარს.

ორ დღეს იქნება თბილისში და მერე ჩამოვა. იცოდეთ, შენ არ ჩამოყვე, თორემ ხმას აღარ გაგცემ ჩემს სიცოცხლეში.

აქ მშობლების გამოჩენა არ შეიძლება.

ერთ დაჭრილს დედამ ჩამოაკითხა და მთელი ჰოსპიტალი დასცინოდა.

მიშკა რომ წამოვა, გამოატანეთ ძველი სათამაშო ხელის კომპიუტერი. ახალი არ გამოატანოთ, თორემ აქ მომპარავს ვილაცა და, კიდევ, გამოატანე შენი სქელი, სანადირო ორენიანი ქამარი.

ხომ იცი, მაგ ქამარს რამდენი ხანია გეხვეწები. შენ რალად გინდა. აწი შენ სანადიროდ მაინც აღარ დადისარ.

მიშკას პატივი ეცით.

ახლა ჩემი დაჭრის ამბავი:

ჯერ იყო და თბილისიდან ძლივს გამოვფრინდი. ამ რეისით მოხალისეები არ მიგყვავსო, უკან დამბრუნებელი მე არ ვიყავი და სიბრაზისაგან გული კინალამ გამისკდა.



არ გენყინოს, რომ გამოვიპარე. სულერთია, შენ მაინც არ გამომიშვებდი.

ემშაკობა აქაც გამომადგა.

გვარდიის მაიორს ფუთა გამოვართვი; მე აგატანინებ მეთქი და ლაპარაკ-ლაპარაკით ავეყვით ტრაპს.

თვითმფრინავი გულრიფში დაფრინდა.

იქ კაციშვილს აღარ შევეუბონებოვართ. სადაც გაგეხარდებოდა, იმ ოცეულს შეუერთდებოდი.

ავტობუსით მიგვიყვანეს ეშერის ხაზამდე.

იქ თითო კონსერვი და შავი პური დაგვირიგეს და კარვებში დაგვანაწილეს.

კარავში ჩემს გარდა „თეთრი გიორგის“ რვა ბიჭი იყო.

ავტომატს როდის მომცემენ მეთქი, რომ ვკითხე, სიცილი დაიწყეს. აქ ავტომატს ვინ მოგცემს, თბილისიდან უნდა წამოგელლო.

სიბრაზისაგან კინალამ ტუჩი მოვიჭამე.

მივედი ოცმეთაურთან, შენი ნასტუდენტარი აღმოჩნდა – სინაურიძე.

აქ როგორ მოხვდიო.

როგორ და კარგად, მოხალისე ვარ მეთქი.

სროლა იციო?

ვიცი მეთქი. ავტომატის სროლას რა ცოდნა უნდა. თითი დააჭირე და თვითონ გარეკავს.

რა გიყო ახლა. წინა ხაზზე შენი გაშვების უფლება არა გვაქვსო.

ჩვენი ბიჭები არ იჩივლებენ და აფსუა-ჩეჩნები, მე მგონია, ჩემს მეტრიკაში არ ჩაიხედავენ მეთქი.

ჯერ აქ იყავი, გამოჩნდება რაღაცა. იარაღი უნდა შემოიტანონ, გვეპირდებიან, ერთი სიტყვით, უიარალოდ არ დაგტოვებთო.

პირგამშრალი დავბრუნდი კარავში.

შუალამემდე არაყი ვსვით. ღამის თორმეტ საათზე მორიგეობა უწევდათ. გასვლის დროს მაქედან წამოღებული შენი ბებუთი (არ გენყინოს და დავკარგე სადღაც. შეიძლება, რომ დავიჭერი, მაშინ ამაცალეს) ჩამოვიკიდე და მივყვები!

შენ დარჩი, უიარალო ხარო, სერჟანტმა.

მთვრალი იყო.

მაინც წამოვალ ვიმორიგეებ, აქ რა ვაკეთო მეთქი.

დაიძინეო.

არ მეძინება მეთქი.

მართლა არ მეძინებოდა.

თეთრგიორგელმა ხელაძემ თავისი ავტომატი დამითმო; ჩემს მაგივრად იმორიგევეს. მე თავი მტკივა და დავრჩები. ერთხელ მაინც გამოვიძინებო.

რვა-რვა ნაბიჯზე, მანდარინის ბაღში ჩავჯექით და ეს იყო სულ ჩვენი მორიგეობა.

ერთმანეთს გადავძახ-გადმოვძახებდით. ვხუმრობდით.

რაც იმ ღამეს მანდარინი ვჭამეთ.

გამთენიისას ცოტა ჩამთვლიმა და ავტომატის ჯერმა გამომალვია.

ჩემგან მეოთხე მანდარინის ბუჩქიდან ვილაცამ ჰაერში ისროლა.

იქეთა მხრიდან ავტომატით გვიპასუხეს.

ასე არ უნდაო და ბათქა-ბუთქი ავტეხეთ.

ვესროდით ეშერისკენ – ხეს, ბალახს, მინდორს. კაცს ვერ ვხე-დავდით, ვერ მოგატყუებ.

სინაურიძე (შენი ნასტუდენტარი) მოვარდა და სულ დედის გინე-ბით ჩაგვაჩუმა. სადა გვაქვს ტყუილად დასაწვავი ტყვიანამალიო.

დილით ჩვენმა ცვლამ ერთი საათით დაიგვიანა.

რომ არ დაგევიანა, არ დავიჭრებოდი.

სანგრიდან სამნი გამოვედით და სიგარეტს ვენწოდით. თურმე მტერი გვხედავდა.

მერე მითხრეს, ჩვენგან მეტრნახევარში დავარდნილა ყუმბარა.

ერთი ბიჭი, ვინც ჩვენთან იდგა, მაშინვე მომკვდარა საწყალი – გელანტია თბილისიდან, მითხრეს ტელევიზორშიც გამოაცხადესო.

მე და მეორე ბიჭი გადავრჩით.

ის ჩემთან შედარებით მსუბუქადაა. ქუთაისში წევს. წერილი მინდა მივწერო, მაგრამ სახელი არ ვიცი. გვარად ხურციძეა.

მე გრძნობა დამიკარგავს და მეორე დღეს მოვსულვარ აზრზე.

სისხლს და კიდევ რალაც-რალაცეებს მისხამენ ვენაში. ხანდახან წამალი ალერგიას მაძლევს და ნემსს მიკეთებენ.

როგორც კი ნემსს გამიკეთებენ, ტანზე ფორეჯები და სახეზე სინითლე მიქრება.

ეს არის სულ ჩემი ამბავი.

მიშკას პატივი ეცით.

ეს წერილი დედაჩემს არ აჩვენო.

ნათიამ თუ დარეკოს, უთხარით უნივერსიტეტიდან ახალციხეში პრაქტიკაზე ნაიყვანეს-თქო.

მისამართი და ტელეფონი ჯერ არ ვიცი-თქო.

შენ არ შეგეშინდეს.

ახლა კარგად ვარ.

ჩემს თავს გაფიცებ, არ ჩამოხვიდე.

მიშკას წერილი გამოატანე“.

## სიზმარი

შენ, შენი სამშობლოსავით უიღბლოს,  
გიძღვნი ამ სტრიქონებს, შვილო...

მატარებელი ცისფრად განათებულ სადგურში გაჩერდა.

სამსართულიანი, უფანჯრო თეთრი შენობის უკან და მალლა მუქლურჯი, ვარსკვლავებით მორახტულ-მოჭედილი ცა ჩანდა, სწორედ ისეთი „თანამგზავრის“ ილუმინატორიდან რომ ჩანს ხოლმე.

ბაქანზე ქანდაკებასავით მდგარი თეთრმოსასახამიანი ადამიანები ერთბაშად ამოძრავდნენ და ვაგონებისკენ წამოვიდნენ.

იმ წუთში ვიცანი. აჩაბაჩად, მაგრამ აჩქარებით ჩემსკენ გულდაგულ, დაჯერებით წამოსული.

– ბაჩა!

გამიღიმა და ხელი დამიქნია. როგორც იცოდა, სხარტად, ერთი ნახტომით ამოვაგონდა, დიდი, ცისფერი თვალები შემომანათა. გადავეხვიე, დავუკოცნე შუბლი, თვალები, თმები. დამეტოლა, თავზე გადამისვა ხელი და ცხვირთან მიიტანა.

– გაგასწარი, თუ არა!

– გაზრდილხარ, – ვუთხარი და ვიგრძენი, ყელთან როგორ გამენასკვა ცრემლი.

– აბა, რა გეგონა.

მარჯვენაზე შუათითი, როგორც აკლდა, ისევ ისე აქვს.

ჩემს ჩანთას ხელი დაავლო და ჩამიძღვა.

შადრევანთან ჩამომჯდარ ორ თეთრმოსასახამიან ბიჭს გასძახა:

– წადით თქვენ, მამაჩემი ჩამოვიდა.

თბილი სიო ჰქრის საიდანღაც, „მეტროს“ კარებში რომ უბერავს ისეთი.

– რა იცოდი, რომ ჩამოვდიოდი?!

– დილით გამოაცხადეს.

ზღვისბალახისფერ მოლზე მივაბიჯებთ.

– დედიკო როგორ არის?

– როგორ იქნება, შენი შემყურე.

– კარგი ახლა, წუ დამინწყებ. იცი, მე თვითონ როგორ განვიცადე ეს ყველაფერი? ყველაზე მეტად დედაჩემი მეცოდება. შენ მაინც კაცი ხარ და, გამიგებდი.

– სად ცხოვრობ?

– აქვე ახლოს. შეხედე, მაგნოლიის მარცხნივ თეთრი კოტეჯი რომ დგას – ჩემია. რა კარგია, მე და შენ ერთად ვიქნებით.

– არ მოგწყინდა უჩვენოდ?

- როგორ ფიქრობ, არ მომწყინდებოდა?
- საჭმელს ვინ გიკეთებს?
- მე თვითონ. ხომ არ დაიღალე. ფერი არ მომწონს შენი.
- უცებ თავბრუ დამეხვა. ეტყობა, ჰაერმა დამცადა, - მართლაც, ძლივს ვსუნთქავ. ხელი შემაშველა.
- ჩამოვჯდეთ, აგერ.

ზეთისხილის ქვეშ ბალახზე ვზივართ. სული მოვითქევი. შიშით გავყურებ. ვიცი რომ ანი ველარავინ წამართმევს მის თავს, მაგრამ მაინც შინაგანი განგაშის გრძნობა მაქვს. ასე მგონია, ისევ უნდა დავშორდეთ ერთმანეთს. ასე მეშინოდა სულ, ოცი წლის განმავლობაში.

- მაინც რა გვიქენი, ბიჭო, ღმერთმა ნუ გამოგაცდევინოს, შვილო, რაც მე და დედაშენს დაგვმართე. რაც შენ ნახვედი, თვალეზე ცრემლი არ შეგვეშრობია. შენმა დღიურებმა, შენმა ტანსაცმელმა გაგვსრისა, აღარ ვართ მეტი. ვიდეოზე შავლეგოს გადაღებული შენი ორიოდ კადრია. ვატრიალებთ და ვღრიალებთ. არც გამიგია, როგორ გავიდა ეს დრო. ერთი ფიქრი მქონდა მხოლოდ - ჩქარა გათავებულიყო ყველაფერი და შენთან წამოვსულიყავი.

- ახლა? დედაჩემი მარტო რომ დარჩა?

- რა? გეცოდება? საერთოდ, გაქვს შებრალების გრძნობა? იქ, ზევით რომ არ გქონდა? ნუ გეშინია, დედაშენი ცოტას მიაღაგ-მოაღაგებს იქაურობას და წამოვა.

- კარგი რა. ისე მელაპარაკები, თითქოს მე მინდოდა სიკვდილი. ვერც კი გავიგე, ნაღმის ნამსხვრევი საიდან მომხვდა.

- გეტკინა?

- ტკივილით არა. თითქოსდა მეხი დამეცა. რაღაც დამეტაკა ბეჭში და წამაქცია.

- მერე?

- სიკვდილის არ შემშინებია. პირველი, რამაც გამიელვა, ეგ იყო, რა გადაურჩება მამაჩემის ჯაჯლანს-მეთქი.

- სულ სიფრთხილეს ჩაგჩინებდი.

- იქ არაფერი ისეთი არ იყო. საერთოდ, ფრთხილად ვიბრძოდი. არ გითხრეს ბიჭებმა?

- ფრთხილად, აბა! სიცოცხლეშივე იყავი წარდგენილი ვახტანგ გორგასლის პირველი ხარისხის ორდენზე. ეგ არი სიფრთხილე?

- თავის გამოჩენა მინდოდა. შენი შვილი ვარ, რა გიკვირს?! - იღიმება, თითქოსდა რაღაცას მიმალავს. თვალეებში დაღლილობა და სევდა უდგას.

- სხვანაირად გამოგეჩინა თავი. ხომ გეუბნებოდი, შვილო, ნუ ნახვალ, ნუ დაგვლუპავ-მეთქი.

– ვინმე ხომ უნდა წასულიყო. მე რა ოქროს კოჭი ვიყავი. ვერ დავიმალეობდი, მამაჩემო. თუ სიმართლე გინდა, შენი გულისათვის წავედი. რადიო-ტელევიზორში რომ გაჰყვიროდი – სამშობლო დავიცვათო, ხალხს იმას ვათქმევინებდი, თავისი შვილი გადამალაო?

– იმასაც ხომ გეუბნებოდი: ეს უთანასწორო ომია. იმპერია გვებრძვის და ქართველები განწირული ვართ-მეთქი.

– მერე რა, განწირულ ქართველებს არ უნდა ეომათ? ერთგანაც გითქვამს, აქ ამბავი ჩამოიტანეს – მოტყუებული ჩვენი შვილები დაიხოცნენო. ჩვენ მოტყუებული არ ვყოფილვართ, მამაჩემო. ჩვენ კარგად ვიცოდით, რაზეც მივდიოდით.

– მაგრამ, როცა ბრძოლაში ებმები, გამარჯვების ცოტა შანსი მაინც ხომ უნდა გქონდეს. ხომ ხედავდი, მთელი წელი ბომბავდნენ სოხუმს და ჩვენ თვითმფრინავიც არ აგვაფრენინეს. სოჩაში კაპიტულაციასზე ძალით მოგვანერინეს ხელი. განგვაიარაღეს და მერე მაინც დაგვესხნენ თავს იარაღ-სასონართმეულებს. მუხანათობა ამაზე შორს ვერ წავა.

– ეგ ყველაფერი პოლიტიკაა. მე მეომარი ვიყავი.

– მაგრამ შენი სიკვდილით მარტო შენ რომ არ კვდებოდი, ხომ უნდა გცოდნოდა; მთელი დარჩენილი სიცოცხლე ნელ ცეცხლზე სანვავად რომ გაგვიმეტე მე და დედაშენი.

– მე შენ უფრო მაგარი მეგონე, მამა. ჩვენ ხომ ძმაკაცები ვიყავით. რა მოხდა, შე კაი კაცო, ომი მარტო ჩვენთვის ხომ არ იყო. ომში წასული კაცი ან დაბრუნდება, ან ვერა.

– შენთვის ადვილი სათქმელია. მორგში რომ დაგინახე გულშენგრეული, ამსიგრძე ბიჭი გაშოტილი, ჩემი ნაფერები ბაჩულია, რაღაც მოკვდა ჩემში იმ წუთიდან; სხვა კაცად ვიქეცი, უფრო სწორად, კაცად კი არა, ცოცხალ ლეშად. აღარაფერი აღარ მესმოდა.

– ისევ შენს თავზე ლაპარაკობ. ადამიანი მაინც ეგოისტია, როგორც ჩანს. შენი მწუხარება განუხებს. მეც შენი და დედაჩემის წუხილის გამო ვწუხდი სიკვდილის წინ, თორემ სიცოცხლის დაკარგვა არც მიდარდია. რაც არ უნდა იყოს, ლამაზად მოვკვდი, თოფით ხელში, სამშობლოსათვის.

– მერე? ვერაფერი რომ ვერ მოასწარი? შენი სურათები და ორი ჩათვლის ნიგნაკილა რომ დაგვრჩა მაგიდაზე თავში საცემად, მე და დედაშენს და მეტი არაფერი? ესაა საქმე?

– ჩემი სიცოცხლე ხომ მე მეკუთვნოდა, მამაჩემო. როგორც მინდოდა, ისე გავხარჯე. რად უნდა ამას ამდენი მოთქმა და ზარი.

– შენ გეკუთვნოდა, მაგრამ შენი სიკვდილის მერე დანაშაულის გრძნობა მტანჯავდა, ვერ დავიფარე, რალაცაში მოვტყუვდი. არ უნდა გამეშვა-მეთქი.

გაიცინა თავისი ლამაზი ხითხითა სიცილით:

– ხომ ვერ დამაბამდით ოცი წლის კაცს.

– და მაინც იქა ვარ, რომ განწირული იყავით შვილო, შენც და სხვებიც. რა ვაჟკაცურადაც უნდა გებრძოლათ, აფხაზეთის და-კარგვა მაინც ზევით, ურდოში იყო გადანყვებილი. ეს მიღწევის გულს.

– ვიცოდით-მეთქი, დამიჯერე, რა ურჩხულსაც ვებრძოდით, მაგრამ მაინც გავედით ბრძოლის ველზე. ასე აკეთებდა ქართველი ყოველთვის, როდის ებრძოდა ქართველი რაინდ მტრებს – ასი ასზე თვლით, მითხარი ერთი. ჩვენ ყოველთვის უთანასწორო ბრძოლაში არ ვებმებოდით?

– რა? უეჭველ სიკვდილზე ნახვედით? სიკვდილი გასურდათ?!

ჩაფიქრდა წამით. მერცხლის ბოლოსავით გაყოფილ წარბზე ხელი გაისვა.

– სიკვდილი არ გვინდოდა... არა... ამას ვერ ვიტყვი... გვეგონა, მტერიც და მსოფლიოც დაინახავდა, რად გვიღირდა ჩვენი მიწის ყოველი მტკაველი... გვეგონა გაგვიგებდნენ, რომ მშობელი ქვეყნის დასაცავად დაფუდექით ტანკებს წინ შიშველი ხელებით... და, ბოლოსდაბოლოს, შევეცოდებოდით... თავს გაგვანებებდნენ... ვერ გაგვიგეს... არ შეგვიცოდეს...

საათს დავხედე. ჩემი მიწიერი საათი გაჩერებულიყო.

შორიდან და სულ ახლოს, ხმადაბლა და მკვიდრად, ჟამუცველელი, ანგელოზთა სამუდამო გალობა ისმოდა.

ჩვენ ლურჯ ბალახზე ვიჯექით და ვარსკვლავების მოზაიკის-მსგავს ცას შევცქეროდით, „ყინწვისის ანგელოსის“ ფონზე უფრო მუქლურჯ ცას.

\* \* \*

29 იანვარი, 1996 წელი.

ნუთუ ეს დღეც ჩვეულებრივი, მშვიდი, უქმი დღე იქნება. „უქმი დღე“, რასაკვირველია ჩემთვის მეოთხე დღეა ვზივარ ზუგდიდის გამგებლობაში და ვაბოლებ.

ახალი არაფერი ხდება. რაზე დავწერო. რუსმა საზღვარი ფსოუდან ზუგდიდამდე რომ მოიტანა და ლტოლვილებს რომ უჭირთ, ქვეყანამ იცის. სხვა? ყელში ამოუვიდა მკითხველს, გაცვდა: „თავისუფლებანართმეული ქართველები მონყენილი სახეებით მიმოდიან რუხის ციხესთან“...

ამ ფიქრებში ვარ და სამორიგეოში დარეკვს. მორიგემ „კარგი, კარგი... ახლა თათბირი აქვს... ვეტყვი, ვეტყვი-ს“ მეტი არაფერი

და ყურმილი რომ დადო, ჩვენს შეკითხვას არ დაელოდა, ვითომ თავისთვის ჩაილაპარაკა: „რად უნდათ ახლა ეს. ძლივს კეთილი თვალთ შეგვხედა ელცინმა. გავალიზიანებთ ახლა ამით და ზუგ-დიდსაც ნაიღებს იქეთ. გზის გადაკეტვას აპირებენ კიდეც. რად უნდათ ახლა ეს...“ ზურგჩანთას ხელი ვსტაცე და ქუჩაში გამოვვარდი. ჯიხურთან, მწვანე ვილისში პატრულები სხედან. უკანა კარი გამოვალე და ჩავჯექი. – თუ ძმა ხარ, ხიდამდე უნდა მიმიყვანოთ, კორესპოდენტი ვარ, სასწრაფო საქმეა!

მძლოლმა გვერდით მჯდომ, ჟღალქურთუკიან ლეიტენანტს შეხედა და პასუხს არ დაელოდა, მანქანა დაძრა.

– აშენდა თქვენი ოჯახი.

ზამთრისთვის უჩვეულო, თბილი მზიანი დღეა.

ენგურის ხიდთან ორმოცდაათიოდე კაცი ირევა.

ჯგუფ-ჯგუფად დგანან და ერთმანეთს ცხარედ ეკამათებიან.

ხან ერთ ჯგუფთან მივალ, ხან მეორესთან... ისე არიან გართულნი ერთმანეთით რომ, ზედაც არავინ მიყურებს, სალაპარაკოდ ვერავინ მოვიხელო.

იტყვის მგზნებარედ ერთი თავის სათქმელს, გამოვა წრიდან, გადადგამს ხუთიოდე ნაბიჯს და თითქოს ახლა გაახსენდა მთავარიო, ისევ შებრუნდება და ხელების ქნევით კვლავ მოჰყვება ქადაგებას.

როგორც იქნა, ერთი ტყაპუჭიანი, ჭალარანვეროსანი უქუდო, შუახანსგადაცილებული – „ამან დაგვლუპა ჩვენ მეტმა არაფერ-მამო!“ გადანყვეტილად იტყვის, მოყაყანეთ გამოეცლება და ხიდისყურესთან, ჯირკზე ჯდება.

საჩემოა. არ უნდა ლაპარაკი.

– ბოდიშს ვიხდი. მწერალი კირთაძე ვარ, თბილისიდან თუ შეიძლება, ორიოდე სიტყვა.

ამომხედა, დამაკვირდა და არაფერი უთქვამს, განზე გაიხედა.

– ამან დაგვლუპაო, ბრძანებდით, რამ დაგვლუპა?

– რამ და ამან, რაც აქ ხდება. ერთი პირის უქონლობამ და გადაუნყვეტლობამ.

– მაპატიეთ, ვინ ბრძანდებით?

– რა მნიშვნელობა აქვს. ვთქვათ, ძიკი ვარ, ჯგერენაია. ერთ დროს მასწავლებელი ვიყავი გეოგრაფიის და ახლა არაფერი არა ვარ... მათხოვარი ვარ.

– მეგრული ცუდად ვიცი. რაზეა კამათი, ხომ ვერ მეტყობდით?

– რაზე და სისულელეა ახლა გზის გადაკეტვაო, ის კაცი გეუბნება. ყველაფერი გადანყვეტილია და ნუ მოვაყვანიებთ ახლა გულსო. დაველოდოთ, რა ჰქვია იმას, მოვლენებსო. ისე აშენდა მაგნების პატრონი. ლოდინი გვაკლია ჩვენ?

– ესე იგი უკმაყოფილო ბრძანდებით 19 იანვრის გადანყვეტილებით? – თვითონვე ვიგრძენი, რომ, ცოტა არ იყოს ყალბი, პათეტიკური შეკითხვა გამომივიდა.

– ხოხ, სულ იმაზე მუშაობს რუსი, რამენაირად მე არ ვიყო უკმაყოფილო. ეგ სიტყვა სულ არაა მოსატანი აქ. კიდევ ერთხელ მოატყუეს ჩვენი დელეგაცია, უნამუსოდ მოატყუეს და გამოუშვეს უკან.

– მოატყუეს კი?

– თქვენ მართალი ხართ. არ არიან ეგენი ისე გულუბრყვილო ბიჭები, ვერ მიმხვდარიყვნენ აფიორას, მარა თავს ზევით ძალა არაა. მოიტყუეს თავი და ახლა იხტიბარს არ იტყვენ. რა ჰქნან მაგნებმაც. მაგნებისაც მესმის მე. მე რომ ვყოფილიყავი იქ, რას გავაკეთებდი. ავტეხევადი ხელის ბრაგუნს სტოლზე და გამომსვამდენ გარეთ, უბოდიშოდ, შეაყოლე კუტუნია აქედანო. ნადი და უჩივლე მერე რუსს დამწვარ სულში.

– რუსს ხომ ყველაფრის უფლება აქვს მსოფლიოში. მოეხასიათება და, თქვენ საიდან ხართ?

– თბილისიდან.

– მოეხასიათება და მცხეთასთან გადაგიკეტვს გზას. საზღვარიო გეტყვის და უყარე კაკალი. ფულს გამოგართმევს საკუთარ სახლში შესვლისათვის. ასე არაა აქაც? რა უნდა რუხის ციხესთან რუსის ჯარისკაცს.

– მე ეს არ მიკვირს. მოგერია ის კაცი და როგორც უნდა, ისე გატრიალებს, მაგრამ ნანყენი სახის მიღების თუ გეშინიათ, მთლად გახარებული მაინც ნუ გამომეცხადებით, თქვე კაი ხალხო. არნახულ გამარჯვებას მივალნიეთ მოსკოვშიო, ვიცი შენც არ გჯერა ეს და მე მაინც ნუ მატყუებ ჩემდანილად. სულ შეწყვიტე ლაპარაკი იმაზე, როდის ვბრუნდები მე, ლტოლვილი ჩემს სახლში და ესაა გამარჯვება? საქართველოს ტერიტორიული მთლიანობა აღიარესო, ავშენებულვართ ანი და ეგაა. როდის არ აღიარეს, სად არ აღიარეს ამ ოთხ წელიწადში ჩვენი ტერიტორიული მთლიანობა მარა გვეშველა რამე? ვის ვატყუებთ, ვის?

სანქციები დაანესესო. ხელშეკრულებას აღარ დადებს ესენგეს არცერთი სახელმწიფო ანი აფხაზეთთანო. დიდი შეღავათი ჩემთვის. ხელშეკრულებას არც აქამდე დებდნენ, მაგრამ ყველა მშვენივრად ეხმარებოდა „სანყალ აფსუებს“. ყველაფერს რომ თავი გავანებოთ, თურქეთის გემები შედიან ყოველდღე თავისძმა აფსუებთან „ჰუმანიტარული ტვირთით“. რა სანქციები, ვინ გააკონტროლებს ამ „სანქციებს?“ ვის აყრიან თვალში ნაცარს? იქნებ ქართული მხარე? ცხვირს არ გაყოფიებს რუსი სოხუმში კი არა,



გალშიც კი და შენ აქედან ნაცარქექიასავით ყვირი – ჩემთან შეუ-  
თანხმებლად არავინ არაფერი შეიტანოს აფხაზეთშიო. კვდება ალ-  
ბათ გარენარი არძინბა სიცილით.

ვთქვათ, მართლა გატარდა ეს დადგენილება და მე არ მჯერა, მა-  
გრამ მართლა მოაქციეს ეკონომიურ ბლოკადაში აფხაზეთი, მერე?  
ჩვენთვის რა შედეგი მოჰყვება ამას? მოშივდება არძინბას და და-  
იძახებს – შევცდი, მაპატიეთ, ახლა, მოშივბულს გამახსენდა, რომ  
აფხაზეთი საქართველოს განუყოფელი ნაწილიაო? ჯერ ერთი, არ-  
ძინბას ყველაზე ბოლოს მოშივდება და კიდევ რომ მოშივდეს, იმის  
ჩიტია არძინბა რომ „სანქციების“ შეეშინდეს და უკან დაიხიოს?  
ვის ვატყუებთ, ვის? თუ ასეთი კარგი იყო ეკონომიკური ბლოკადა,  
როგორ ფიქრობ, რუსეთი ჩეჩნეთში არ გამოიყენებდა? ქვემეხებით  
რომ დაადულა მთელი ჩეჩნეთი და რუსი ჯარისკაციც რომ ბევრი  
დანვა ჩეჩნეთის მინაზე, რატომ იქ არ მიმართა რუსმა „სანქციებს?“

ვერ გავიგე, რატომ ვიბითურებთ თავს, ნუთუ ვერ ვხედავთ,  
ამკარად რომ გვატყუებს რუსეთი.

დრო გაჰყავს და მეტი არაფერი. ჩვენთვის აფხაზეთის დაბრუნე-  
ბა რო ნდომოდა, ცხრამეტ იანვარს დაადგენდა: „ოცდაოთხი საათის  
განმავლობაში განლაგდეს აფხაზეთის მთელს ტერიტორიაზე სნგ-ს  
სამშვიდობო ჯარი ქართულ არმიასთან ერთად. აღსდგეს საქართ-  
ველოს იურისდიქცია და სამი დღის განმავლობაში დაბრუნებულ  
იქნას ყველა ლტოლვილი!“ ეს იქნებოდა საქმის გადანყვება. თუ, მე  
შენ გეტყვი, დაუშლიდა ამას ვინმე რუსეთს, ან მსოფლიოს საზოგა-  
დოებრივი აზრი არ არის შემზადებული ამისთვის?

სასაცილოა აბა რა არის, ერთი თვის ვადაში შემუშავეთ სამშ-  
ვიდობო ჯარის სტატუსიო. ვინ კითხავს საქართველოს რუსის ჯა-  
რის სტატუსის შემუშავებას, თუ სტატუსის შემოშავება შეგვიანდა,  
რაო, „გამითავდა, გენაცვალე, ვადა მეო“ და გავა რუსეთის „სამშ-  
ვიდობო ჯარი“ საქართველოდან? არ შეგჭამოს ტარაკანამ.

გადავკეცოთ გზა-მეთქი, სხვათაშორის ამ აზრისაა აქ უმეტე-  
სობა, მარა ხომ იცი, პრავაკატორი მოკამათე ყველგანაა – ენყ-  
ინება რუსსაო. მე არ მწყინს ამდენი რომ დამიხოცა და მესამედი  
ტერიტორია წამართვა? მთლად ჩვრად და დედლად უნდა ვეჩვენო  
მთელს კავკასიაში, მარტო მე, რუსს, მაინცდამაინც?

ჩემი მოკლე ჭკუით, აფხაზეთის დაბრუნების სამი გზა არსებობს.  
პირველი: ისევ გაეროს უნდა ჩავებლაუჭოთ. კი არ უნდა დავემ-  
დუროთ გაეროს, როგორც ჩვენ ვქენით ამ ბოლო დროს. დასავ-  
ლეთმა უნდა იმოქმედოს რუსეთზე. ხომ ხედავთ, ისევ გაერომ და  
ევროპარლამენტმა, ნატოსთან ერთად, მოაბა თავი იუგოსლავიის  
საქმეს. რუსეთი, თავის ნებით, არ დაგიბრუნებს წართმეულს, ამ-

დენი უნდა იცოდეს. რატომ ვერ გავიცანით ჩვენი დამპყრობელი ამ ორას წელიწადში, მიკვირს ძალიან. მეორე: გაუთავებელი უნდა იყოს ჩვენი აქციები. მუდმივად უნდა ვიჯდეთ აქაც და იქაც, სადმე, თბილისში ლტოლვილები, ხელში ტრანსპარანტები უნდა გვეჭიროს და უნდა ვყვიროდეთ: „დაგვაბრუნებთ ჩვენს სახლშიო!“ თორემ არძინბა ამბობს, ქართველები აქ იყვნენ ლტოლვილები. იქ თავის სახლში არიანო. უნდა დაინახოს მოფლიომ, რომ ასე არაა საქმე. ჩვენ მართლა გვინდა დაბრუნება და ბოლოს; დღედაღამ პარტიზანული ომი უნდა გვქონდეს აფსუა ყაჩაღებთან. არ უნდა მოვასვენოთ, არ უნდა გავახაროთ, არ უნდა მოვაშენოთ გადამთიელი ჩვენს მიწაზე. ისინი ყოველდღე გვიხოცავენ სანაიებს თუ ხურცილავენ და ჩვენ რას ვაკეთებთ? შეიარაღება არა გვაქვსო, დაუყინია ზოგს. გადაირბინე და ქვა ესროლე, ფილთა თოფი ესროლე, რაც გაქვს, ის ესროლე. სახლი დაუნვი, როგორც შენ გინვავეს სახლს. შეიძლება მტერი შენი შვილების თავებით ფეხბურთს თამაშობდეს და შენ იძახდე, ჰუმანისტი ვარ მე, ვერ გავწირავ, აფსუა ჩემი ძმა არისო? ხომ ხედავ შენი უნიათობისთვის როგორ დაგცინის, როგორ გაბიაბრუებს რუსეთი...

კიდევ რალაც სურდა ეთქვა გეოგრაფიის მასწავლებელს, მაგრამ, ამასობაში, ხიდს რუხის ციხის მხრიდან რუსულდროშიანი, გიგანტ-საბურავებიანი „ამფიბია“ მოადგა და ორივენი იქეთ გავეშურეთ.

„ამფიბიამ“ კარვის წინ ერთმანეთთან ზურგმიყრდნობით მიმჯდარი ლტოლვილების ცხვირწინ დაამუხრუჭა. მანქანიდან მხარზე ავტომატგადაკიდებული ორი რუსის ჯარისკაცი გადმოხტა.

– ანუ კა, ვსტანტე! ასვაბადიტე დაროგუ! – თავზე წაადგა ერთი მათგანი ფიცარზე მსხდომთ და მათ თავებს, ლამის, მუხლით შეეხო. მეორე შორიახლოს გაჩერდა.

– მი დაროგუ პერეკრივაემ, აკციუ პრავოდიმ, – მშვიდად აუხსნა ერთმა მჯდომთაგანმა.

– ა ნუ კა, ვსტანტე, კამუ გავარიატ, დაიტე პრახოდ! ნე ზასარიატე დაროჰუ! მოყეტე პერეკრივატ, გდე ნიბუდ, ვ დრუგომ მესტე! ნე სლიშიტე?! ნამ ნეკოგდა სვამი რაზგოვარივატ! – ამ სიტყვებთან ერთად ორივემ ფიცარს დასტაცეს ხელი და ასწიეს. აყირავებული მეაქციენი წამოხტნენ და უკმაყოფილო ბუზღუნით მიმოიფანტნენ.

– ვი ნე იმეეტე პრავო! – ჩანს, არც თუ ხმამაღლა და კატეგორიულად მითქვამს, რაკი ჯარისკაცებს ჩემთვის ყურადღება არ მოუქცევიათ. ფიცარი განზე მოისროლეს და ხიდისკენ ნელა წასულ მანქანას დაედევნენ.

ლურჯად მბოლავ „ამფიბიას“ გავხედე და ტუჩზე ვიკბინე.

\* \* \*

გულახდილად გეტყვი, პატივცემულო, რომ მცოდნოდა ამდენხანს მოგვინევდა ლტოლვილობაა, თუ რას ეძახიან ამ ჩვენს უბედურ მდგომარეობას, არავითარ შემთხვევაში არ გამოვიქცეოდი. ვიქნებოდი იქ და, რაც მომივიდოდა – მომივიდოდა. დაგვხოცავდნენ და დაგვხოცავდნენ – მეტი ხომ არაფერი. იქვე ჩემს ეზოში სადმე მივიმალებოდი და ერთ ქვას მაინც ვდრუშავდი ზურგში მომხტარ უნამუსო გადამთიელს.

მე რა ვიცოდი, რა ნელ ცეცხლზე ხარჩვა ყოფილა გამოქცეულის და ხიზნის მდგომარეობა. რანაირადაც არ უნდა ეცოდებოდე, ასე კი არ გიყურებს ის კაცი. შენც გეტყოდნენ ალბათ, ჯერ თუ ვერ გაგიბედეს, ან გეტყვიან; ჩვენ ბევრჯერ გაგვაგონეს და იმიტომ ვამბობ მე კი არ მომიგონია, ეს ჩემი ორი ობოლი მომიკვდეს მაშინ. რამდენ ხანს შეიძლებაო სასტუმროში მაგნების ყოფნაო. დააოხრეს ეს ძვირფასი სასტუმრო, ადამიანს აღარ შემოესვლება, რა არის ბოლოსდაბოლოსო.

ვისაც ამ სასტუმროს ფოიეში თვალგამოლამებულს და ხელგანვდილს უხაროდეს ჯდომა, შინ მიბრუნება არ აღირსოს გამჩენმა, მარა ვინ იცოდა, ვის უნდოდა ეს.

ჩემი ქმარი და მამამთილი ეზოში ნარდს თამაშობდნენ, სროლა რომ ატყდა. შეიყვანე ბავშვები სახლში და ჩაკეტე შიგნიდან კარები. არ შეგეშინდესო, ამის დაძახება მოასწრო მამამთილა და იქით გაიქცნენ ორივენი, ა ზევით, რუსთაველის ქუჩაზე. მერე მე ისინი თვალთ აღარ მინახავს. დახოცილები იქნებიან და ჩაყრილი სადმე რად უნდა ამას ლაპარაკი. მიჩერებული ვარ დღემდე ტელევიზორს, ეგება, სადმე მოვკრამეთქი თვალი ან ერთს, ან მეორეს (დედამთილი არ მყავს. ჩემს მოყვანამდე გარდაიცვალა ცხონებული). მეტი არაა ჩემი მტერი, მე ისინი ველარ ვნახო. ერთი უნდა გითხრათ კიდევ, რა გაუჭირდა ჩვენს მთავრობას, სამი წელია ნიუჟეილი, ერთი სურათი ვერ გადაულო გაგრას, ტელევიზორში ერთი წამით მაინც რომ ერვენებინა. აქ თვალთ მნახველი არავინაა, ვატყობ სახეზე; ზოგი ამბობს – ყველა ქართველის სახლი დანვესო, ზოგი – ყველა არაა დამწვარიო. ვკითხულობთ, სიტყვაზე მაგალითად – შეიძლება სამი თვე ვერ გაიგო ადამიანმა სახლი დამწვარი გაქვს თუ არა?

ამდენი ხნით კი არა, მე მეგონა სამი-ოთხი საათით გავრბივართ, დამთავრდება ეს ჩხუბი და მოვბრუნდებით უკან, ჩვენ ვინ რას გვერჩისმეთქი.

იმას ვყვებოდი: ჩაკვეტე ბავშვები სახლში. ვარ ყურმიდებული კარებზე. ისმის სროლა და გრუხუნი შორს. შორს მეგონა მე და აგერ ყოფილა ყურისძირში.

დამიბრახუნა მეზობლის ქალმა; მარგუშა, გამოდით სასწრაფოდ, გამოიყვანე ბავშვები. მოვიდნენ უკვე, გავრბივართ ყველანიო.

არიქა! არიქა! საით გავიქცეთ, რა წავილოთ, საიდან მოდიან?! ვსტაცე ხელი ვითომ, რაც მომხვდა ხელში. დავრბივარ გადარეულივით. დამსდევენ ბავშვები. ბიჭი შვიდისაა, გოგო – ხუთის. ყველი და პური ჩავიგდე ტომსიკაში. ბავშვებმა იციან მოშვივება და სანამ მოვბრუნდებოდეთ, ვაჭმევმეთქი.

გავაღე ჭიშკარი. გარბის ხალხი ტკაპატკუპით. ჩანთები, ჩემოდნები, ხურჯინები მიაქვს ზოგს. შემოვტრიალდი, საქათმე გავაღე და გამოვუშვი ქათმები. ისე, ა, დაბნეული რომ იქნები, თორემ რამ გამახსენა ქათმები.

ჩქარა ჩქარაო, ყვირიან მეზობლები და უკან იყურებიან, იქით, ქუჩის ბოლოში, ორ-სამ ადგილას ცეცხლი ავარდა.

რას წამოიღებ. შევირბენ სახლში შევფუთავ ტანსაცმელს, მივირბენ ჭიშკრამდე. რად მინდა ეს ტანსაცმელი მეთქი. მივირბენ უკან. გადავყრი ტანსაცმელს, ჩავყრი ფუთაში ხახვს, ყველს, ნიორს... ვის უნდა ნიორი, სადაც მივალთ, იქ ექნებათ მეთქი, მოვტრიალდები, ისევ მოვხვეტავ რალაცას. ყველა ოჯახშია ცოტა რამე. პუდრი მედო სარკესთან და ის წამომიღია, მე სულელს, ერთი-ორი ბეჭედი მქონდა და ორი კაპიკი ფული – დამიტოვებია და პუდრი წამომიღია. ასე იცის შიშმა და სიჩქარემ.

მოვრბივართ მგლის დაფეთებული ნახირივით. კვნესის ეს გოგო. თან პლაშის ქვეშ რალაცას მალავს. რა არის მეთქი, გოგო, ეს? ლეკვი გვყავდა, ბროლია, სამი თვის არც იყო ჯერ, ამოუიღლიავებია და მოათრევს. გადააგდე ახლავე, შე არდასაცალებო ლეკვის თავი გვაქვს ახლა ჩვენმეთქი? დაფუცაცხანე და ქიჩავ-ქიჩავით გადავაგდებინე, რავარც იქნა. ამის სახე რომ გენახათ, მაშინ სასურათე იყო პირდაპირ. ისეთი იღრიალა, მოუკვდეს დედა, რომ შემემინდა, პირი არ გაეხეს მეთქი.

დღემდე ვერ მოუნელებია. დღემდე იმ ლეკვს მისტირის. ლამაზი კი იყო სანყალი.

ქუჩის პირას გაზონში დავსვით, მარა იქ ხომ არ გაჩერდებოდა, ვერც სახლში მობრუნდებოდა, პატარა იყო.

ნახავდა ვინმე და წაიყვანდა ან, შეიძლება, ფეხიც კი დააბიჯეს და გასრისეს სირბილში და რია-რიაში.

\* \* \*

სოხუმი რომ დაეცა, ხმა გავრცელდა, აქეთ აღარ წამოვლენ, ოჩამჩირეს და გალს ხელს არ ახლებენო.

მეორე დღესვე მოკვდა ეს იმედი. „მოდინან, მოდინანო“, ატყდა ნივილ-კივილი. ოცდაშვიდი სექტემბერია. ასე სალამოს ცხრა საათი იქნება. „არიქა, არიქა თავს უშველეთ რუსები და აფსუები ფეხდაფეხ მოგვსდევნო“. ჩამოირბინა საგამგებლოს მდივანმა ხუხუამ.

შევვარდი სახლში. სად მიდიხარ, რას ნაიღებ, სამი ბავშვი მყავს, სამი ბიჭი – ხვიჩა, ავთანდილი და გოჩა. უფროსი ხუთი წლისაა, უმცროსი – ორის.

ოღონდ ეს ბავშვები გადავარჩინო და დავექებ რამეს?

ნასატეხი ჭადიცი არ წამოგვიღია. ჯანდაბის გზა ჰქონია ყველაფერს, ოღონდ ეს ბავშვები არ დამიხოცონ.

ჯერ ტყისკენ გავიქეციით მაგრამ, გზას მოგვიჭრიანო ვილაცამ და ზღვისკენ ვქენით პირი. გავრბივართ, რაც შეგვიძლია. ბავშვები ტირიან. მთელი სოფელი გზაზეა. ზოგიერთს ძროხა გამოუდენია, იქნებ სამეგრელოში გადასვლა მოვასწრო, დამჭირდებაო.

ღამდება. სროლის ხმა უფროდაუფრო ახლოს ისმის. გავიხედეთ, ახალდაბა ცეცხლშია გახვეული. „დივჭვით, დივჭვით, ღორონთი ვარექო?!“ ისმის ტირილგოდება.

კინდლში ჩავაღწიეთ, როგორც იქნა.

ბავშვთა დასასვენებელ სახლთან ორი ტანკი დგას და ჯარისკაცები ირევიან. ჯარისკაცის დანახვა არ გვინდა. ჯერ ერთი, არ ვიცით ჩვენები არიან, თუ აფსუები და მეორეც, შენიანიც რო იყოს, რას გიშველის, იმას თავისი თავი უჭირს.

მივვარდით. შემოვეხვიეთ.

– რავა იქნება, ბიჭებო ჩვენი საქმე?! – ვეკითხებით.

– ხომ ხედავთ როგორც არის! – სახეს ვერ გვისწორებს ავტომატიანი ბიჭი და ტანკზე ხტება.

– რას შერებთ, მიდიხართ?

– მივდივართ, აბა რას ვუცადოთ აქ. რუსი მოდის ვერ უყურებ?! – ჩვენ!!

– გაიქეციით, ვისაც შეგიძლიათ. გასაქცევად მოგვიქციეს საქმე და, რა ვქნათ აბა!

– კი მარა, თქვენ ვინ ხართ?

– ქობალიას ჯარი ვართ ჩვენ.

– მერე არ იბრძოლეთ სოხუმისათვის, ბიჭებო? მოგვჭერით თავი? ავტომატიანი, ცისფერთვალა, შავფრენჩიანი ბიჭი ჩვენსკენ გადმოიხარა.

– აბა, რას ვაკეთებდით, შენი ქკუით, გუშინ და გუშინწინ. მოდი აქ! – ორნი მივუახლოვდით – ჯარისკაცმა რკინის მრგვალი „ლუპი“ ასწია – ჩაიხედეთ შით.

ჩავიხედეთ. ელდანაკრავივით უკან დავინიე. ჩექმებს რომ მოვკარი თვალი.

– სამი ხომ აქ არის. იმ ტანკში ოთხი დაღუპული წევს. ტამიშთან დესანტი გადმოსხეს. ქვა-ქვაზე დაადულეს. ორასი კაციდან ნახევარი დაგვიხოცეს. სოხუმი ალყაში მოაქციეს. გაიქცა ჯარის სარდლობა თავის მინისტრიან-მარშლებიანად და ჩვენ რისთვის გვეცადა იქ. კარგად ვიცოდით ჩვენ რისთვისაც იყო მოგონილი ეს ომი, მაგრამ თუ მთლად ასე გაგვწირავდენ, არ გვეგონა.

– ლოთი სად არის?

– ნავიდა ამ დილით. გზა უნდა გავსუფთავო ლტოლვილებისთვისო. უბრალო ხალხი დაიღუპება, ენგურის ხიდამდე თუ მოგვასწრო მტერმა. ევაკუაციაა გამოცხადებული. კარგად იყავით, აბა უშველეთ თავს, როგორც შეგიძლიათ!

– მოიცათ, მოიცათ! – ტანკი აგრუხუნდა, – ერთი წუთით. აქ ქალები და ბავშვებია, საით წავიყვანოთ ესენი! რომ ვერ გადაასწრონ ხიდზე!?

– უნდა იჩქაროთ, თორემ დახოცავენ ყველას!

– ესაა თქვენი სიტყვა?!

– რა ვქნათ ჩვენ? ხო მართლა, ბარჟა უნდა მოვიდეს ამაღამ კინდღში. ასეა დაპირებული, თუ არ მოგვატყუა! ფოთში მიმავალი ბარჟაა ის! დაჭრილებისთვის გამოვიძახეთ, მარა აღარ გვეყავს დაჭრილები. ჩვენი დაჭრილები არცერთი აღარაა ცოცხალი. ხომ ნახეთ თქვენი თვალით. თუ მოვიდა, ის წაიყვანს ქალებს და ბებრებს. თქვენ საიდან ხართ?

– ახალდაბიდან.

– ახალდაბა გადანვეს მთლიანად, თვითონ აფსუებმა გადანვეს, თქვენმა მეზობლებმა. ჯარი არ შესულა ჯერ შიგ. რანაირად შეაძულეთ ასე თავი, თქვენი კარის მეზობლებს?

– სასწაულია პირდაპირ, – ჩაილაპარაკა მოხუცმა ქალმა, – რალაც დაემართა მაგ ხალხს, თორემ ჩვენ ერთი პატარა შელაპარაკებაც არ მოგვსვლია ერთმანეთთან. ამ ხნის ქალი ვარ და არ მახსოვს, უერთმანეთოდ ქორწილი და ქელები გამართულიყოს ახალდაბაში.

– ა, ხომ ხედავთ, რაც გვიყვეს.

– ხომ გითხარი, სასწაულია მეთქი.

– არაფერი არაა სასწაული. ჩვენ საწყალი გულის ხალხი ვართ. თქვენ ხომ არ გააკეთებდით, რაც მაგნებმა გააკეთეს?!

– არა, ბატონო არა. ღმერთმა დაგვიფაროს.

– ჰოდა კიდევ ამიტომ ხართ მაგ დღეში. კარგად აბა. მოუცადეთ ბარჟას იქ „პრიჩალთან!“

ტანკები ერთმანეთის მიყოლებით გაგრუხუნდნენ.

იქნებოდა ღამის თერთმეტი საათი ბარჟა რომ მოადგა ნაპირს.

უკუნეთი სიბნელეა.

ბარჟას სინათლეები გამორთული აქვს.

სროლა უკვე ყურისძირთან გაისმის.

– ჩქარა, ჩქარა, სადაცაა აქ გაჩნდებიან! – ყვორის ბარჟის ქიმზე შემდგარი მეზღვაური და რელსს მსხვილი ბანრის ქამანდს ესვრის. ბრბო წყალში შედგაფუნდა.

რა ყოფილა შიში და თავის შველის ინსტინქტი, თუ რა ჯანდაბა ჰქვია.

რისი მოხუცი, რისი ქალი, რისი ბავშვი...

ერთმანეთის უკან დაწევა, მუჯღუგუნი, ხელისკვრა, წივილ-კივილი...

„არიქა, არიქა! ქემმახვარით!“

კბილთა-ღრჭილი, კიბიდან გადაგდება, დედის გინება...

– დაუჩქარეთ! დაუჩქარეთ, მოვლენ და ჩაგვძირავენ, იცოდეთ ეს!

ბავშვებიანად კინალამ გადაგვთელეს.

შევტოპე მკერდამდე წყალში.

ორი ბავშვი აქეთ-იქეთ ხელში მიჭირავს. მესამე – უმცროსი კისერზე მაზის.

– არ იტიროთ ბაბაია, ახლა მე თქვენ ამ კიბეზე შეგსვამთ აფორთხდით და იქვე დაჯექით. მე და დედიკო ამ წუთას მოვალთ. ორნი რის ვაივავლახით აფორთხდნენ.

გოჩას ტირილჭყვივილი იქაურობას იკლებს.

ვილაცამ ზემოდან ხელები გამომიწოდა.

სიბნელეში ვერ ვხედავ სახეზე.

– იმ ორ ბავშვს მიუსვი გვერდით, თუ კაცი ხარ, მე იქიდან მოვუვლი და ამოვხტები!

– მომეცი, მომეცი ნუ გეშინია!

– იმათ მიუსვი და არ იტირებს. ნუცა! ნუცა! – სიბნელეში ჩემს ცოლს დავეძებ.

– ბავშვები ავიყვანე! ნუ გეშინია, ახლა მე და შენ ავფორთხდით როგორმე. ნამოდი, აქეთ, ფრთხილად! ფრთხილად!

ჩემმა ცოლმა ფეხი გადმოდგა, მაგრამ სანამ ქვიშაზე ჩამოხტებოდა, კაბის ბოლო რკინას გამოსდო და კიბეს განზე გადაეკიდა. ცალი ფეხი ამობრუნებული აქვს და კაბით რელსზე ჰკიდია.

– ქვაზი, ქვაზი! მიშველე!

მივვარდი, ჩამოვნიე კაბა წელამდე ჩაიხა, მაგრამ როგორც იქნა ჩამოვხსენი.

- რა გინდოდა იქეთ, მე აქეთ გეძახდი!
- ვაიმე დედა ფეხი!
- ძალიან გტკივა?!
- კი, მაგრამ მოტეხილი არ უნდა მქონდეს.
- აბა, ჩქარა დამეყრდენი, მარცხნიდან უნდა მოვუაროთ!

იქ კიბეა და ავხობდებით როგორმე!

ძრავი აფუგუნდა.

ვჩქარობთ, წყალს მივტოპავთ.

კიბეს თუ ჩავეჭიდეთ, მერე აღარა გვიშავს.

ცოტაც, ცოტაც და სწორედ მაშინ ერთი მკლავის გაშლაზე რომ დავუახლოვდით კიბეს, ბარჟა ნელნელა გაჩოჩდა და ნაპირს მოშორდა.

- გააჩერე! გააჩერე!

- დავრჩით!

ჩვენს გარდა ორასამდე განწირული ადამიანი მაინც ჰყვირის ამ სიტყვებს.

- გვიშველეთ! გააჩერეთ ბარჟაზე ბავშვები დავგრჩა!

- ბავშვები! ბავშვები!

ჩემს ცოლს გული შეუნუხდა.

ჩემს სულისწამლებ კვილზე ახლომახლო მდგომნი წამით გაირინდნენ და უცებ შემომიერთდნენ.

- გააჩერეთ, კაცს ბავშვები დარჩა!

ბარჟა ჯერ უკანსვლით მოშორდა ნაპირს, მერე წყალი აატალახაბურღავა და წავიდა.

- ვაგაშქურინას! ვაგაშქურინას! ბალანას მუ უჭირს! - მამშვიდებს ვიღაც.

გონსმოსული ჩემი ცოლი ცივი ხმით კვიის.

- წამოდი აქეთ, ქალო. ტირილი არ უშველის ახლა ამ საქმეს.

ხიდზე გადავასწროთ როგორმე და ხვალ ფოთში ვიქნებით. სამ ბავშვს ზღვაში არავინ გადაყრის, ნუ გეშინია!

- მოგიკვდათ დედა! შვილებო!

დავადექით გზას ენგურის ხიდისკენ.

მთელი ღამე მივბრავუნობთ დოლის ცხენებივით.

ჩვენი ქარავანი ყოველ ნუთში იზრდებოდა.

გამორბიან შუკებიდან, ცეცხლმოდებული სახლებიდან...

გამორბიან ქვაბებით, ვედროებით, ჩემოდნებით, ძროხებით, თხებით, ბუშლატმოგდებულნი, ჩაცალსახელოებული პლაშებით, თასმაშეუკრავ ტუფლებში ფეხნაყოფილნი, ხურჯინშიჩასმული თოთო ბავშვებით, ატატებული თიკნებით, ურიკაზე დასმული სიდედრებით...



ცოდვის გაკითხვა თუ გაგიგონიათ, ეს არის!

მეორედ მოსვლის დროს, მეექვსეა, ასეთი ამბავი დატრიალდეს. მთელი სამურზაყანო, მთელი ქვეყანა ზუგდიდისკენ მობრიგინებს და უკან შეუბრალბელი, კაციჭამია ლამქარი მოგვდევს რუსთა, ჩეჩენთა და აფსუათა.

ვინ ამბობს, ლოთიმ ენგურის ხიდი გადაკეტა და ლტოლვილებს ზუგდიდში არ უშვებდაო.

ნეტავ არავინ გადაიღო ხიდთან მოგროვილი გალ-ოჩამჩირის ქართველობა და ზუგდიდსმიმდგარი უგზო ქარავანი?

რას ჰქვია, სამეგრელომ გვილალატაო, რას ჰქვია, ლტოლვილები არ მიიღესო, არ რცხვენია ასეთ ტყულებს ვინც ჩმახავს?

ამ მოუზომავმა ყრანტალმა გვიქნა, რაც გვჭირს.

რა პირით გვიყურებს თვალებში ახლა ის ქარაქუცა პოეტკაცუნა ტელევიზიით რომ გაჰყვიროდა – სამეგრელოს ჭკუა უნდა ესწავლოსო.

გამთენიისას ზუგდიდში ვართ.

მოედანზე მილეთის ხალხი ირევა.

– ვაიმე შვილებო. ვაიმე შვილებო! – პირს არ აჩერებს ჩემი ცოლი.

ვილაცამ პურის ნაჭერი მომანოდა.

შუაზე გავტეხე.

– პირი გაისველე, ნუ გეშინია, მოკვდები შიმშილით.

პურზე ხელი ამიკრა და ძუ ვეფხვივით შემომღმუილა:

– პურს შეეჭამ ახლა მე! ჩქარა ფოთში წამიყვანე! ფეხით წავალ, იცოდე! სირბილით დავადგები ახლავე გზას!

– სად მირბინარ, შე გადარეულო, თენდება, წავა რამე და გავყვებით!

– შენ! შენ! ფეხებზე გეკიდა ბავშვები ყოველთვის! შენ... ხომ იცი, ერთ წამს რომ თავს არ ვიცოცხლებ!

– მე ვიცოცხლებ, შენ გგონია?!

– აბა, წავიდეთ ახლავე. რა მინდა ააქ!?

– ნუ ღრიალებ, სირცხვილია!

**\* \* \***

ფქვილის ჩამოსატანად წასულმა ფურგონიანმა ბეტეერმა ფოთში დილის რვა საათზე ჩავიყვანა.

წავსადგურს მივარღვევთ.

ბარჟა არსად ჩანს.

– აქ ნუხელის... კინდლიდან ბარჟა უნდა ჩამოსულიყო... ლტოლვილები მოჰყავდა... სამი პატარა ბავშვი გამოვატანეთ.

– არ ვიცი არაფერი, პორტის უფროსთან მიბრძანდით.

– საითაა?

– კიბეები, მარცხნივ... მესამე სართული!

სულმოუთქმელად ავრბივართ.

ნავსადგურის უფროსის კაბინეტში აგურისფერ ფარდაგზე სხედან და ბულრაობენ, ბურთს ერთმანეთს უგორებენ და იცინიან ჩვენი ბიჭები, სამი ფუნთულა, ცხვირპაჭუა კოლხი, დამპყრობელი რუსის სამი ხვალინდელი რისხვა – ხვიჩა, ავთანდილი და გოჩა.

\* \* \*

მიიპარებოდა მზე მამადავითის თხემზე. მაღალ შენობებს შორის შიგა და შიგ ჩაჰკრავდა თვალს რუსთაველის პროსპექტს და, თითქოს არ უნდა უფრო მეტად გაანათოს აქაურობაო, მაღლა აწევას არ აპირებდა. მზეც კი, ყველასათვის კეთილმონყალე მზეც, ჩვეულებრივ არ ედღეხალისებოდა ამ გაუბედურებულ ქვეყანას.

აპრილის ბოლო კვირა იდგა.

შორს, მახათას მთაზე, უშეშო ზამთარსგადარჩენილი, თეთრად აფეთქებული ხეები ჩანდნენ. აპრილს თავისი გაეტანა.

ათი სრულდებოდა აფხაზეთიდან დევნილი კოკი გერსამია პარლამენტის შენობას რომ მოადგა და „საშვთა ბიუროს“ წინ აზრიალებულ ხალხს შეერია.

კოკი აქ ყოველდღე მოდიოდა. სასტუმროსთან დგომა არ უყვარდა. კარებში შესვლისას ტელეეკრანიდან ნაცნობ სახეებს რომ მოჰკრავდა თვალს. ზოგს ამოჩემებული შეკითხვის ქამანდს ესროდა – თუ დაგვადგება საშველი, პატივცემულო, ჩვენ, აფხაზეთიდან გამოყრილ ხალხსო, ზოგს დალის ხეობის ბრძოლებზე ცოცხალ ამბავს დასტყუებდა. შორიახლოს მდგომი, ჰალსტუხიანი, სამსახურის წარმომადგენლის გასაგონად ერთ-ორ გულისმოსაფხან, არც თუ სიყვარულით აღსავსე სიტყვას აღავლენდა ხელისუფლების მისამართით. ერთი სიტყვით, სასტუმროსთან ქორების ოკეანეში ფართხალს და კბენია მზისათვის კეფის მიშვერას აქ დგომა ერჩია. ეგონა, მთავარ საქმესთან აქ უფრო ახლოს იყო.

რაც შეეხება საიდუმლო სამსახურის აგენტებს, ელეგანტური ჩაცმულობით და სერიოზული სახეებით სხვათაგან ადვილად რომ გამოარჩევდით, ისინი, წინა ხუთწლეულების მათი კოლეგებისაგან განსხვავებით, მთავრობის გმობაზე და პოლიტიკურ ანეკდოტებზე არ რეაგირებდნენ. მათი მთავარი საქმე, როგორც კოკიმ დაასკვნა, მასივებიდან მოვარდნილი, უწყლობა-უსინათლობით გამწარებული მოქალაქეების და მუშტტურჩმოკუმული, პოლიტიკური მონინააღმდეგეების გაუვნებელყოფა გახლდათ.

გაზონებს გარდიგარდმო გაჭრილ-გატყაპნილი ბილიკები აჩნდა. ქუჩაზე ლურჯად მბოლავი, ხმამსობმომოშლილი („ხმამსობი – „გლუმიტიელი“, მიგნება ჩემია რ.მ.), აღრიალებული მანქანების გასწვრივ ნაბიჯდამძიმებული მეძავები, ლოყებჩავარდნილი ჩინოვნიკები, გაბრაზებული ყურნალისტები და მოქალაქეთა კავშირის წევრები მიირწეოდნენ. ეს უკანასკნელნი პარლამენტის შენობის წინ ჩავლისას წელში შესაძლებლობისამებრ სწორდებოდნენ, თითქოს რაღაც გაახსენდათო, კარებში მდგომ თავაზიან, ავტომატიან ბიჭებს მიეახლებოდნენ და ჰკითხავდნენ: ხომ სინყნარეა, ხომ არაფერში ვართ საჭირო? კარისმცველთაგან დამამშვიდებელ პასუხს რომ მიიღებდნენ, უკანსვლით მოშორდებოდნენ პარმალს და შთაგონებული სახეებით მიიჩქაროდნენ, მათი ფიქრით, ქვეყნისათვის სასიცოცხლო საქმეებზე.

ფოსტა-ტელეგრაფის წინ, კიბეზე მხატვრებს თავიანთი ნამუშევრები გამოეფინათ და მუშტარს ელოდნენ. კოკი ვერ იტყოდა რომ ფერწერას მყიდველი ბუზივით ეხვია. რაც აქ იდგა, მხოლოდ ორიოდ ნახატის გაყიდვას შეეხსნო, მაგრამ აფხაზეთიდან დევნილს დიდი მონივნება ჰქონდა ლოდინით გათანგული, წვერმოშვებული ბიჭებისადმი. უხაროდა რომ ამ მატყუარა, ჭრელ ქალაქში სასწაულეზრივად კიდევ შემორჩენილიყო რამდენიმე კაცი დილით ადრე რომ დგებოდა, ჩარჩოზე ტილოს გადაჭიმავდა, ფუნჯს მოიმარჯვებდა და ისეთ ნაკლებსარფიან საქმეს შეუდგებოდა, როგორც მხატვრობაა.

ხმამალალი სიცილი მოესმა და ისე უცხო ხილი იყო ამ მჭმუნვარე ადგილას სიცილი, რომ კოკიმ უნებურად მიიხედა. ლომისთავიან მოაჯირთან ირიბთვალეზა, წითელტუჩა ლამაზი ქალი გრძელცხვირა, მოხარხარე, მაგრამ ჰალსტუხიან მამაკაცს მწყრალად ასცქეროდა.

– რა გაცინებს? მე არ გეხუმრები.

– რა გინდა ოპოზიციაში. შენ ხომ არ გაგიჟდი. – სიცილი მოგულა ყვავისცხვირამ.

– გადავალ ოპოზიციაში და დავისვენებ ცოტას.

– კი აბა, დაგასვენებენ.

– ჯერ ერთი, ჩვენსავით ყოველდღე თათბირი მაინც არ ექნებათ. მეორეც, ამდენი სანერვიულო არ მექნება. დენი გამოირთვება და პური არ გამოცხვება, ჩვენ ვართ დამნაშავე. მომკლა ნერვიულობამ, ჩამოვხმი ქალი (კოკიმ თვალი შეავლო. გადაღლილს და, ოდნავ სევდიანს იქნება ჰო, მაგრამ ჩამომხმარს ნამდვილად არ ჰგავდა). რომ დავუკვირდი, ოპოზიციონერობაზე ადვილი არაფერი. „არ მომწონს“ მორჩა და გათავდა. ოპოზიცია პასუხს არაფერზე აგებს. გადავალ და დავისვენებ ცოტას.

– ნუ სულელობ, ხომ იცი, მერე უკან ველარ გადმოხვალ.  
 – ვიქნები, რა, უმცირესობაში ხალხი არ არის?  
 – არავინ იცის, ხვალ რა მოხდება. თუ მეტი არ შეგეძლო, რად გინდოდა დეპუტატობა, ვერ დაეტიე სახლში?  
 – მინდოდა? შენ ამტყებ და ახლა ნიშნს მიგებ? არ გეხვეწებოდი, დამანებე თავი, რა ქალის საქმეა პარლამენტი მეთქი?!

– ნუ ყვირი. ხომ ხედავ იმ კაცს, ლოკატორებივითა აქვს ყური მოშვერილი!  
 კოკიმ, ალბათ ჩემზე უთხრაო, და იქაურობას გაეცალა.  
 ფოსტის წინ ხალხი შეჩორქოლდა. კოკიც, რასაკვირველია, იქეთ წავიდა. შუახანსგადაცილებული, თავისფერშლაპიანი, თეთრულ-ვაშა მამაკაცი ფეხსაცმლის სანმენდ დაზგას მართავდა. ზურგჩანთიდან ბოლოს დასაკეცი სკამი და მუყაოს ქალღმერთზე გოგებაშვილის ასოებით გამოყვანილი წარწერა ამოიღო: „კუპონს არ ვიღებ“. ცნობისმოყვარენი მდუმარედ შესცქეროდნენ ფეხსაცმლის მწმენდავის ყოველ მოძრაობას.

მალე რადიოჟურნალისტი, მოკლეკაბიანი, ცისფერთვალა, შავ-ბერეტიანი გოგონა გამოჩნდა.

– ბატონო ბაგრატი.  
 – ბატონო.  
 – თვალი ხომ არ მატყუებს?  
 – არა, ბატონო, არა.  
 – ხომ ბატონი ბაგრატი ბრძანდებით?

– კი, ბატონო კი.  
 – რას მივანეროთ თქვენი, ცნობილი ფილოლოგის, პროფესორ ბაგრატი ქვემოკლიძის ახალ ამპლუაში გამოჩენა?

– შიმშილს, ჩემო კარგო, შიმშილს.  
 – ფეხსაცმლის წმენდვა სარფიანი საქმეა?  
 – ყოველშემთხვევაში, ალბათ, კათედრის გამგეობაზე უფრო სარფიანი.

– იცით, ფეხსაცმლის წმენდვა?  
 – რა ცოდნა უნდა.  
 – ბატონო ბაგრატი. გაქვთ სათანადო პატენტი?  
 – რა პატენტი?  
 – თუ, რა ჰქვია იმას... ერთი სიტყვით საბუთი, რომ მოქალაქეებს მოემსახუროთ.  
 – არა.

– თუ არ გენყინებათ, სხვა კუთხით დაგისვამთ შეკითხვას; რაღა ამ ადგილზე, პარლამენტის წინ გადანყვიტეთ მუშაობა.  
 – აქ, შედარებით ბევრი ხალხი ირევა.

– მხოლოდ ეგ არის მიზეზი? ხომ არ იგულისხმებოდა თქვენს ამ ნაბიჯში ცოტა ავანტურის ნამცეცი?

– კერძოდ?

– რომ უსათუოდ მოვიდოდა ყურნალისტი და ქვეყანა გაიგებდა, რომ ბატონი ბაგრატი პროფესორ-ფილოლოგობიდან ფეხსაცმლის მწმენდავობაზე გადაკვალიფიცირდა.

პროფესორს ხმა აუთრთოლდა და ხელი აუკანკალდა.

– რას გეტყვი, შვილო, იცი?... ყველაფერში პროტესტის ფორმას ნუ ეძებთ. მე დავიღალე... ჩხუბის ხასიათზე რომ ვიყო, ქვას ავიღებდი და ვრეკავდი იმ ფართო ფანჯრებს. მე აღარაფრის თავი აღარა მაქვს. მე უკვე საბოლოოდ დამაჩოქეს. მშია ბატონო მშია. ხომ შეიძლება რომ მშიოდეს. რაო, შიმშილის უფლებაც აღარა მაქვს?!

ეს ბოლო სიტყვები ბაგრატი იხე ხმამაღლა და აგზნებულად წარმოსთქვა, რომ რადიოყურნალისტი დაფრთხა, მიკროფონი თავხეხელისდაჭერით თავის ბუდეში შეაცურა, მაგნიტოფონი გამორთო და ისე გაეცალა მეფეხსაცმელეს, მაღლობაც არ უთქვამს.

სამხრობისკენ მთხოვნელთა რიგი შეთხელდა. ვინც შესაშვები იყო, შეუშვეს, ვისაც შესვლა არ ეკუთვნოდა, რასაკვირველია, უარით გამოისტუმრეს. ნაუარევი ერთხანს ბოლთას სცემდნენ საპარადო შესასვლელთან, მერე, იმედი რომ საბოლოოდ გადაენურათ, ნავიდ-წამოვიდნენ და თავიანთ რთულ საქმეებს დაუბრუნდნენ.

– რაგაა კოკი საქმე?

სოხუმელ ექიმს ვაჟა ჯანაშიას აფსუებმა სიდედრი დაუხვრიტეს. ჯერ თვითონ არ იცის ეს ამბავი. სხვათაშორის, სიდედრი აფსუა ჰყავდა ვაჟას. მე ხელს არ მახლებენ, სახლ-კარს მაინც მივხედავო, უფიქრია სანყალს და დარჩენილა. არძინბას რაინდები სოხუმში რომ შემოვიდნენ, ქართველის სიდედრი რატომ ხარო, უკითხავათ. კითხვით კი უკითხავთ, მაგრამ პასუხი არ დაუცლიათ (ან რა უნდა ეპასუხნა) მოხუცი ქალისთვის, ეზოში გამოუყვანიათ და ცარიელ საქათმესთან დაუხვრეტიათ.

– ღმერთის მეტმა არავინ იცის – მიუგო კოკიმ და მხარილლივ გაიხედა, იყავი გუშინ?

– კი.

– რაო?

– არაფერი. რას იტყოდნენ. იმაზე ჰქონდათ კამათი, ჩვენ ლტოლვილი დაგვარქვან, თუ დევნილი.

– მე მგონია, ვინც ადრე გაიგო ეს ამბავი და ნელა წამოვიდა – ლტოლვილია, ვინც გამორბოდა და მოსდევდნენ – დევნილი.

ვაჟას გაეცინა.

– შენ წარმოიდგინე, ჰქონია მაგასაც მნიშვნელობა, ჩვენი დაბრუნებისათვის.

– მნიშვნელობა კი არა, ეგაა მთავარი, – მიაყარა კოკიმ – ეგ. თუ დადგინდა, გვეშველება მაშინვე. არ უნდა ლაპარაკი. კიდევ რა თქვეს?

– რასაც ყოველდღე ამბობენ. ფული შეაგროვეთო.

– საიდან მოიტანეთ ფულიო, არ უთქვამთ? ჯერ რაც შეგროვდა, სად წაიღეს. რაში დახარჯეს.

– გვეტყვიან, ალბათ.

– კი. კაპიკ-კაპიკ გიანგარიშებენ.

კიბეზე ასკინკილით ამორბოდა ახალდამტკიცებული, სათვალ-იანი თავგადასხოტრილი მინისტრი. მინისტრს კენგურუს ნახტომე-ბით მოსდევდა გალიფეშარვლიანი იმერულქუდა, ულვაშცოცხა ყოჩალი მოხუცი.

– გესმის შენე? ჩაართვევიე დღესვე დენი, არ მომატყუო იმდღე-ვანდელივით. ჩაართვიე დენი და გამოაშვებიე გაზი!

– მინაგო ბიძია, – ილიმებოდა და სათვალის შიგნით ოფლიან ქუთუთოებს იმშრალებდა მინისტრი, – ლტოლვილი იმას ჰქვია, რომ უნდა გაუძლოს, უნდა მეითმინოს პატარა.

– მიდი, მიდი, ნამეტანი ბევრი ვითმინეთ ჩვენ. მთელი ზამთარი ბადიში არ ჩამიბანია და ცხელი ჩაი არ დამიღვია. დავებჩავდი კაცი.

– მინაგო ბიძია. ე თავისუფლება და დამოუკიდებლობა რომ გინდათ, მეტს ვერ უნდა გაუძლოთ?! – იხტიბარს არ იტეხდა მინისტრი.

– შედი, კაცო შედი. არაფერი დამოუკიდებლობის მომტანი თქვენ არ ხართ. დენი ჩაართვევიე და გაზი გამოაშვებინე. ნუ ატყუებთ ხალხს, თვარა თავის გატეხვა არ აგცდებათ. ასე მითქვამს მე და ა, აღდგომა და ხვალეო.

– ვალი გვაქვს, ბატონო ვალი.

– ვისი?

– რუსეთის და აღარ გვაძლევს დენს. ე. დამოუკიდებლობა რო გინდათ, ვერ უნდა მოითმინოთ?

– რისი ვალი, იმანო, მე შენ სულელი ხომ არ გგონივარ! ვინ გვიანგარიშა. ვინ დაგვადო ვალი, რავა ყველაფერზე უწერო ხელს, თქვე უბედურებო. წაღმართიანი მოანგარიშე იქეთ დაადებდა ვალს. რავა ე ჩვენი ღვინო-ჩაი-მარგანეცი არაფერი არ ღირდა? შედი და გამოაშვებიე რაც გითხარი. ნამეტანს ნუ იზამთ, მამაჩემსა აქვს ცხონება.

– რა ვქნა მე... მე პატარა კაცი ვარ... მე გადავკეცი? ე და-მოუკიდებლობა და თავისუფლება რო გინდათ... – ბუზღუნებდა

მინისტრი და კართან ქადრაკის ფიგურებივით განყობილ მთხოვ-  
ნელებში გზას მიიკვლევდა.

ვაჟა ჰუმანიტარული დახმარების მისაღებად წავიდა. დახმარე-  
ბა ბევრი არაფერი იყო, მაგრამ იმედის ნაპერწკალს აღვივებდა  
ლტოლვილთა გულში. ჰუმანიტარული დახმარება იმას ნიშნავდა,  
რომ დედამინაზე ვილაცას ჯერ კიდევ ახსოვდა თავის ბუდიდან  
უდანაშაულოდ აყრილნი.

შაოსანმა ქალმა მისი გამოჩენისთანავე გაჩენილი ცოცხალი  
დერეფანი გამოიარა და საშვთა ბიუროს მიადგა.

კოკი შორიხლო გაჩერდა. აინტერსებდა, რა საქმეზე იყო მო-  
სული მგლოვიარე დიაცი.

კარგა ხანს, ხან ერთ სარკმელს შესჩურჩულებდა შაოსანი და  
ხან მეორეს. ბოლოს მის უბედურებაში სრულიად უდანაშაულო  
მცველებს მიადგა და დაიქუხა მოთმინებადაკარგული, ილაჯგანყ-  
ვეტილი მდედრის ქუხილით.

– რას ჰქვია მოვითმინო?! შვილი დავკარგე, ქათამი კი არ და-  
მიკარგავს! სამი წელი სრულდება ზეგ! არ უნდა მომცენ რამე პა-  
სუხი?! სად წაიყვანეს, რატომ წაიყვანეს, რა დაემართა, არ უნდა  
მითხრან? იმ ომის დროს ცნობას მაინც უგზავნიდნენ, თურმე, დე-  
დებს – დაილუპა ან უგზოუკვლოდ დაიკარგაო! სიმწრით გაზრ-  
დილი შვილი ჩაგაბარეთ და იმის ღირსიც არ ვარ, ამბავი მაინც  
გამაგებინოთ?!

დევენისს მეტის გაძლება აღარ შეეძლო.

ჩქარი ნაბიჯით მოშორდა იმ ადგილს და სასტუმროსკენ წამო-  
ვიდა.

ყურში ზარივით რეკავდა უბედური დედის ხმა.

– რომელი? – ჰკითხა ლიფტში დამგზავრებულმა უწვერო ბიჭმა.

– ბოლო!

ანგარიშმიუცემლად მიუგო.

კიბის მოაჯირზე გადახობდა და სახურავზე აღმოჩნდა.

იდგა და ჭიანჭველებივით მორიალე ქალაქს დაჰყურებდა.

შუბლი უხურდა. ორი ნაბიჯილა რჩებოდა, რომ ყველაფერი  
დამთავრებულიყო. ბოლო მოღებოდა იმას, რასაც გამნარებული  
სიცხადე ერქვა და გაურკვევლობის ბურუსს შერთვოდა.

ორი ნაბიჯიც გადადგა. გულმა ბრაგაბრუგი ასტეხა.

თითქოსდა სხეულის ყველა ნაწილმა ახლა შეახსენა თავი.  
ყველაფერი დაიძაგრა და ფეთქვა-შუილი დაიწყო.

თვალი დახუჭა.

„არა... ასე არ ხდება... ჯერ კიდევ არ ვიცი ბოლო ჩემი უთავბო-  
ლო ორომტრიალის... დღეიდან ხომ მაინც მეცოდინება, რომ

სიკვდილი ძალიან ადვილი ყოფილა. სიკვდილი ხომ უკვე უბეში მყავს – დამარცხებული და მოთვინიერებული. აქ ამოსვლას ყოველთვის მოვასწრებ...”

\* \* \*

ესიზმრა კოკის.

შორს, სადღაც, მტრის ხელში ჩარჩენილ აფხაზეთში მისი დამწვარი ოდის ბუხარზე მამალი ჰყიოდა.

დიდი, ოქროსფერი, მენამულდეზებიანი მამალი იყო.

მორიგეობით, ოთხივ-კუთხისკენ შეტრიალებით, ყელის გაგლეჯმდე ჰყიოდა მამალი. თითქოსდა მთელ დედამიწას ამ შებიღულ კერასთან და გამჭვარტლულ ბუხართან უხმობდა.

\* \* \*

წუხელის გარდაიცვალა; ამ დღით, უფრო სწორად.

ერთი ამოიხვნეშა და დალია სული.

მითხრა ექიმმა გუმინ, ტყვილად ვანვალებთო.

მეოთხე დღეა პირში არაფერი ჩასვლია.

გუმინ საღამომდე გრძნობაზე იყო.

ასე, შვიდი საათის მერე წნევა ორმოცდაათზე დაეცა.

ჩქარა სუნთქავდა. თვალები მილულა და ჩემს ჩაძახილზე ხელის მოჭერითაც აღარ მპასუხოვდა.

სიკვდილის წინ მარტო ვეჯექი სასთუმალთან.

ექთანი გვერდით პალატაში ნაოპერაციევს წვეთოვანს უდგამდა, მორიგე ექიმი ნახევარი საათით გავიდა თვალის მოსატყუებლად.

აქაც რომ ყოფილიყვნენ ორივენი, მაინც ვერას უშველიდნენ.

სააქაო პირი აღარ ჰქონდა.

ხომ ყოველწუთს ველოდი სიკვდილს, ამ ბოლო დღეებში ხომ უკვე გამოტირებული მყავდა, მაგრამ სუნთქვა რომ შეწყვიტა, თავზარი დამეცა.

თითქოსდა ცა ჩამომემხო.

სულ მარტო დავრჩი დუნიაზე.

ჩემს ბიჭებს ჯერ ჭკუა არა აქვთ.

ჯერ არც იციან, რა მამა დაჰკარგეს.

რა უბრალოდ კვდება თურმე ადამიანი.

ხომ გითხარი, ერთი ამოიხვნეშა ისე, ბუნებრივად, შუა ძილში რომ ამოიხვნეშებს ადამიანი და ნავიდა.

რა უნდა მექნა.

რა უმწეოა ამ დროს ჭირისუფალი.



მირიან! მირიან! მირიანმეთქი! ჩავდახე. მეტი ვერაფერი მოვახერხე. ვითომ ხელოვნური სუნთქვაც ვცადე, არაფერი გამოვიდა. გავვარდი. ექიმი გავალვიძე. წამოხტა და მაშინვე გამომყვა.

მაჯა გაუსინჯა. ჟანგბადის საპირეც დააფარა ისე, ყოველშემთხვევისათვის.

მერე უიმედოდ გადააქნია თავი.

პროზექტურაში არ გაიყვანოთ, სანამ ნათესავები მოვიდოდნენ, თავის ლოგინში იყოსმეთქი.

როგორც გნებავთ, ქალბატონო, თანაგრძნობის ნიშნად ხელზე ხელი მომიჭირა და გავიდა.

ბალიში გამოვაცალე.

საბანი გაუუსწორე და გვერდით დაუჯექი.

მე ვთქვი, ამ ოთხ საათზე ვის დაფურეკო, ვინ შევანუხო, გათენდება და ჩამოვრეკავმეთქი.

თქვენც თქვენი უბედურება გჭირთ.

აფორიქდებოდით, ვერც მანქანას იშოვიდით, განვალდებოდით, ამას მაინც ვერაფერს უშველიდით.

ყველაზე ცუდი ის იყო, რომ ერთი შეკვივლებაც ვერ მოვახერხე („შენამებას“ ვედახით ჩვენ – მეგრელები) შეკვივლება კი არა, ხმამალალი ტირილისაც შემრცხვა. გვერდით პალატაში მძიმე ავადმყოფი ჰყავთ. გული არ გაუსკდესმეთქი.

იცო, რა საშინელი გრძნობაა, ქალს რომ ტირილი გინდა და ტირილის საშუალებაც არა გაქვს?

ვიჯექი მარტო. ხანდახან შუბლზე დაუუსვამდი ხელს.

რაც უფრო ცივდებოდა, მით უფრო უცხო ხდებოდა ჩემთვის. თითქოსდა სხვა იწვა ამ სანოლში, ვილაც ძალიან ახლობელი, მაგრამ მირიანი – არა.

შიშით, ზოგიერთმა რომ იცის; მკვდრის მეშინიაო, არ შემშინებია.

შენ წარმოიდგინე, ჩემი თავი დავიჭირე იმაში, რომ თითქოს შვებაც ვიგრძენი. შვება როგორ? რომ არ კვნესოდა, რომ აღარ ნვალობდა...

არავინ არ იცნობს ადამიანს, ისეთს როგორც არის თურმე იგი სინამდვილეში.

რომ შემცივდა, შენ წარმოიდგინე. წამოვდექი და შარფი მოვიხურე. არ გავცივდე მეთქი. წინ პანაშვიდების ხუთი დღე მაქვს და ჩემი ცხინკვების თავი ვის ექნებამეთქი.

ამას ისე მშვიდად ვაკეთებდი, მევე მიკვირდა.

თავშიც, თითქოს, ყველაფერი დალაგდა, გუშინდელმა და გუშინდინდელმა სასონარკვეთის კანკალმა გამიარა.

გამოვიანგარიშე დაკრძალვის დღეც. სამგლოვიარე განცხადებაც დავალაგე თავში. ისიც ვიაზრე; ზუგდიდში, ხობში, სენაკში ვის უნდა შევატყობინოთ.

აფსუებსაც ვიხსენებ, იმათაც ძალიან ეწყინებოდათ. სოხუმში ვინ გააგებინებს, სოხუმში კი არა ზუგდიდში არ ჩადის დეპეშა. ავტობუსის მძღოლს უნდა გავატანოთ შეტყობინების წერილები, მეტი გზა არაა.

ვზივარ ამ ფიქრებში გართული. სასწაულს გეტყვი, გელა, შენს მეტს როგორ ვეტყვი ამ ამბავს; არაფერი არ ყოფილა ადამიანი, სულ არაფერი. ორი ღამის უძილარს თვლელა მომერია. ძილს ვერ წავართვი ვერაფრით თავი. ყურები და თვალები დავისრისე, თავ-კისერი ვატრიალე, შენც არ მომიკვდე.

დავკეტე კარი, ვინმემ არ შემომისწროს მეთქი, წამოვწეი აგერ, მეორე ლოგინზე და ერთი საათი მკვდარივით მეძინა.

ექიმს როგორ გავამტყუნებ, მე დამეძინა, მე, ქმრის დამკარგავს, გაუბედურებულ ქალს.

გარბი-გამორბიან ახლა ექიმები, ავადმყოფობის ისტორიას ავსებენ. ყველაფერი დამაჯერებელი უნდა იყოს. რა დიაგნოზი ჰქონდა, როგორ „განვითარდა ავადმყოფობა“, რა იყო უშუალოდ სიკვდილის მიზეზი.

რად მინდა ქალაღდი, მე ყველაზე უკეთ ვიცი, რამ მოკლა ჩემი ქმარი.

ვიცი, რამ წამიქცია, ასე უცებ ხარივით ჯანმრთელი კაცი.

მირიანს რკინის გული ჰქონდა. ყოფილა შემთხვევა, სამი ღამე თვალი არ მოუხუჭავს. მძიმე ავადმყოფს არ მოშორებია.

დალლა არ იცოდა, რა იყო.

ომის დროს საავადმყოფოში ათენ-ალამებდა.

სახლში ორჯერ თუ სამჯერ შემოირბინა.

გულრიფშში რომ გადავიდა საავადმყოფო, მაშინ მოვიდა ერთი საათით და მახსოვს, ასეთი რამ მიამბო: დაჭრილი აფსუა მოიყვანესო. ლაბრასათან ტყვედ ჩავარდნილა. გულთან სანტიმეტრის სიახლოვეს ყოფილა ტყვია გავლილი. ოპერაცია გავუკეთეთ და მესამე დღეს მოიხედაო. თბილისელი ბიჭის სანახავად მოსულ მებრძოლებს უცვნიათ თურმე, ამას აქ რა უნდაო და ავტომატი გადმოუღიათ. ბლავილი აუტეხია მირიანს, მე მესროლეთ და ამას არ ესროლოთო. ძლივს გადავარჩინე კაცი, თვითონ ეყოფა, რაც ჭირს, მთელი ცხოვრება ხეიბარი იქნება ისედაც, არ მომიკლათ, არ ჩადგეთ მაგის ცოდვაშიო! გადაფარებია დაჭრილს. ეს გვლუპავს, ეს დედლობა და გულჩვილობა გვლუპავს ჩვენ, ქართველებსო, უთქვამს ერთ მათგანს. რა ვქნა, მე ექიმი ვარ ჩემს ადგილას,

სახეზე გატყობ, შენც ისე მოიქცეოდიო. სულ მხარზე ხელის სმით ჩაუცილებია კიბეზე მირიანს ავტომატშემართული ჯარისკაცი.

ასეთი გული ჰქონდა.

ამ სამი წლის განმავლობაში უნამუსო, უტიფარმა ტყუებამ მოკლა ჩემი ქმარი, მეტმა არაფერმა.

კოდორ-ჭუბურის ტანჯვის გზა ისე გამოვიარეთ, ერთი არ დაუჩივლია, ერთი არ დაუკვნესია, ერთი ძვირი არ წამოცდენია იმათ მიმართ, ვინც ეს სასაკლაო მოაწყო.

ყველაფერი სჯეროდა, რასაც აფხაზეთის დაბრუნებაზე ჩვენი მთავრობა აცხადებდა.

ხომ გახსოვს, ტყუილების კასკადი – , ახლა გადანყდება ყენევაში, ა, ახლა გადანყდება ნიუ-იორკში, ა, ახლა დაგვაბრუნებს მოსკოვი...

მერე გაუთავებელი – „თორმეტ მაისს ვბრუნდებით“, „რვა ივნისს ვბრუნდებოდით“, „ოცი სექტემბერი“, „ცხრა ნოემბერი“, „ჩვიდმეტი თებერვალი“...

ალარ გათავდა, ალარ გათავდა... ჩვენს აბუჩად აგდებას ალარ მოელო ბოლო.

გვატყუებენ, დრო გაჰყავთ. ხუთ წელიწადში ნახევარი ცოცხალი არ ვიქნებით და ცოცხალიც რომ დავრჩეთ, დამბრუნებელს ვერ იშოვიანმეთქი, ვეუბნებოდი.

შენ რა იცი, მეჩხუბებოდა, ხელისუფლება ასეთ ტყუილს როგორ იკადრებსო. რა ხელს აძლევთ ასეთი ტყუილიო. ხომ იციან, ერთ მშვენიერ დღეს ამ ტყუილებისათვის პასუხს რომ აგებინებენო.

ცხრამეტ იანვარს მორიგი სპექტაკლი რომ ჩაატარეს მოსკოვში და ახალი ტყუილებით დააპურეს ჩვენი გულუბრყვილო ხელისუფლება – გახარებული დაბრუნდა შინ.

აღსრულდაო. ხომ გეუბნებოდი, დავბრუნდებითო. ნახე, რა უყვეს არძინბასო.

რა უყვეს მეთქი.

რა და ბლოკადა გამოუცხადესო.

არ დაიჯერო ეგ ამბავიმეთქი.

მეორე დღეს არძინბა რომ მოსკოვში ტრიუმფით მიიღეს და საქმე ასოთხმოცი გრადუსით რომ შემოტრიალდა, ცოტა არ იყოს, შეცბა, მაგრამ იხტიბარი არ გაიტეხა.

ახლახანს კი ჩვენმა ბრძენმა პოლიტიკოსებმა ფოთში გემების შემოსწმებასაც რომ ვერ მიაღწიეს, ყველაფრის იმედი ერთბაშად დაკარგა.

ჩემს თვალწინ ჩამოიღვენთა სანთელივით, თვალებში იმედის სხივი ჩაუქრა.

სიცრუეა ყველაფერიო. როგორც ვხედავ, გაგვნირეს სამასი ათასი ქართველი. ჩვენი დამბრუნებელი ეს ხელისუფლება არ არისო.

იმ დღიდან საოცრად გულჩახვეული გახდა.

გაზეთების კითხვა შეწყვიტა.

ტელევიზორსაც აღარ უყურებდა. არც ლტოლვილთა აქციებზე დადიოდა.

ლტოლვილთა ყრილობაზე წავიდა და მეორე დღეს კიდევ უფრო სასონარკვეთილი დაბრუნდა.

ლამაზად ლაპარაკში ეჯიბრებოდნენ ერთმანეთსო.

აფხაზეთში დაბრუნებაზე ლაპარაკიც არ ყოფილა, უფრო ჰუმანიტარული ტვირთის განაწილებაზე და დევნილთა საყოფაცხოვრებო პირობების გაუმჯობესებაზე წუწუნებდნენო.

რას ვიზამთ, სული მწარეა. ახლა იქ დამბრუნებელი აღარავინ არის. „ბატონ არძინბას“ ეძახიან კაცს და „ბატონი არძინბას“ აფხაზეთში ხომ არც შენ იცხოვრებმეთქი.

გული იმაზე მისკდება, ეს სამი წელი როგორ ვენდე ამათ და როგორ დაუფჯერეო. როგორ გაგვაცურეს და შეგვიყოლიეს უნამუსოდო.

ეთქვათ თავიდან, რომ არ ჰქონდათ თავი აფხაზეთის დაბრუნების და რალაცას ვისაშველებდით. სხვა გზას ვენეოდიოთ.

გულჩათხრობილი გახდა.

ყველაფერი აღიზიანებდა, ჩემთან ლაპარაკიც აღარ სურდა, ბიჭებსაც უმიზეზოდ უწყრებოდა. მთელი ღამე ჭერს შესცქეროდა და სიგარეტს ეწეოდა.

მეშინოდა, არ შეიშალოს მეთქი.

ამ საავადმყოფოში რომ მოვიყვანეთ, ყველაფერი იცოდა, რასაკვირველია. ექიმი იყო, შენ მოატყუებდი?

სხვისი რენტგენის სურათი და ცრუანალიზები მოვუტანეთ, ისე, გულისგასაკეთებლად.

დახედა და უკან გადმოგვიყარა.

რას მაიმუნობთ, ეს ჩემი არ არისო. ამ ანალიზების პატრონი ლოგინზე კი არ უნდა ეგდოს, ფეხბურთს უნდა თამაშობდესო.

ბოლოს თანდათან სუსტდებოდა, ამ კვირაში ფეხზე აღარ ამდგარა.

ერთხელ წამოვაჯინე, ცოტა ბორჯოში მოსვა და მაშინვე ცივმა ოფლმა დაასხა.

არაფერი არ მინდა ახლა, ოღონდ ერთი წუთით სოხუმში, ჩემს ეზოში კუნძულ დამაჯინა. იყოს სახლ-კარი გადამწვარი, იყოს კერია მოშლილი. უბრალოდ ჩამახედა და მანახა, რა ხდება, ვინ ცხოვ-

რობს ჩვენს მეზობლად, გამაგონა, რას ლაპარაკობენ ჩვენზე, რა სინდისით დადიან ჩვენს კიბეებზეო.

მოესწრები, მოესწრებიმეთქი, ახლა მე დავუნყე პირიქით გულის გაკეთება.

მეტი არ იქნა ჩემი მტერიო, ხელი ჩაიქნია და ბალიშზე მიდო თავი. მერე აღარ ამდგარა.

\* \* \*

სოხუმი კარგად გეცოდინებათ, ბატონო გელა, ბარათაშვილის ბაქანთან ახლოს ვცხოვრობდი, იქვე, ქვევით, შრომის ქუჩაზე. საკუთარი სახლი მქონდა.

საერთოდ, სოხუმში უმეტესობას საკუთარი სახლი უდგას.

ერთადერთი გოგო მყავდა. საექიმო დაამთავრა თბილისში. სოხუმის პირველ საავადმყოფოში მუშაობდა, თერაპევტი იყო. იმ წელს უნდა გამეთხოვებინა. საქმრო ჰყავდა. მშვენიერი ბიჭი, ცაავა, ბაბუშერადან...

ექიმი იყო ისიც.

გადარჩა ცოცხალი. ერთი-ორჯერ იყო ჩვენთან გვინახულა. სენაკში ვარო, პოლიკნიკაში ნახევარი შტატი მომცესო.

ეს ოთხი წელია აღარ გამოჩენილა.

ცოლი ითხოვა, ალბათ.

ითხოვდა, აბა რას იზამდა.

ამ ჩემი გოგოს ამბავი ასე იყო:

საავადმყოფო რომ აიღეს აფსუებმა, ვისაც სად მიასწრეს, დახვრიტეს, მოგეხსენება. მთავარი ექიმიც მაშინ მოკლეს, მარლანია, სანყალი. იმ დღეს, ოცდახუთი სექტემბერი იყო დასაქცევი, ჩემს გოგოს და ერთ ქირურგს – კობა შერვაშიძეს, სხვათა შორის, თბილისელი ბიჭი იყო, ბედდამწვარი მისი მშობლები სოლოლაკში ცხოვრობენ, უმარჯვიათ და სამი დაჭრილი ჯარისკაცი ღვინის მარნის სარდაფში გადაუყვანიათ.

იქ უვლიდნენ მთელი ორი დღე.

ოცდახუთში მთელი სოხუმი გაიქცა, მარა ჩვენ სად წავიდოდით, გოგო არ იყო სახლში და მე და ჩემ ცოლს უმისოდ რად გვინდოდა ეს გასახმობი თავები. მეორე დღეს არაფერი და ოცდაშვიდში ჩვენ, სახლში შეყუჟულებს, მეზობელმა აფხაზმა ამბავი მოგვიტანა: „ვინზავოდში“ ჩაუხოციათ ვილაცეები და მგონი, თქვენი ქალიშვილიც უნდა იყოს იქო.

რანაირად, სად, ჩემს გოგოს ღვინის ქარხანაში რა უნდოდა, შევიცხადეთ.

მერე გავიგეთ ყველაფერი.

დარაჯმა გვიამბო თვითონ, ვინც შეესწრო ამ ამბავს.

რომ შევიდნენ თურმე ღვინის ქარხნის ეზოში, დიდი ჩხრეკა არ დაუწყიათ, პირდაპირ სარდაფს მიაშურეს. რვა კაცი ყოფილა. რუსის მაიორი ახლდათ თურმე და ის უფროსობდა. სამ-სამი „ბანკა“ ღვინო დაუღვიათ და დარაჯისათვის დაუბარებიათ, საწყობი დალუქე, აქ ჩვენს გარდა არავინ შეუშვა, თორემ დახვრეტა არ აგცდებო. წასვლისას ერთი ავტომატიანი აფხაზი გამოხვანცალდა, თურმე მარნიდან, მოსაფსმელად ჩამორჩა თურმე სხვებს, ის ღმერთგამწყრალი.

ტამ გრუზინო! დაანია თურმე ჭიშკრისკენ მიმავალთ.

კაკ გრუზინო, ანუ იხ ვსეხო, დაუძახნია მაიორს, კ სტენკუ ზახვატიკოვ, კ ჩორტოვოი მატერიო.

გამოუყვანიათ ხუთივე.

გადაფარებია ჩემი გოგო დაჭრილებს.

არა გაქვთ ამათი დახვრეტის უფლება საერთაშორისო ომის კანონით, მოვარჩენთ და მერე გაასამართლეთო.

დაჭრილები ფეხზე ძლივს დგანან თურმე.

მოშორდით მაგ ძალებსო, ყვირის რუსის მაიორი.

მოშორდით, თორემ არ დაგინდობთ ექიმებსაცო.

მეო, აფხაზი ვარო, ეუბნება თურმე შერვაშიძე.

საერთოდ, ექიმები ავადმყოფებს არ ვირჩევთ; ჩვენ ყველას ემკურნალობთო.

სამჯერ დავითვლი, თუ არ მოშორდებით, მიგახვრეტთ თქვენცო. ცოფს ყრის თურმე მაიორი.

ხუთივეს ხელი ჩაუჭიდა ერთმანეთისთვის.

ხუთივე ერთმანეთს ჩაფსკვნია სიკვდილის წინ.

ჩემს გოგოს და შერვაშიძეს უფიქრიათ, გვაშინებენ, ალბათ, თორემ ექიმებს და მით უმეტეს, შერვაშიძეს, არ გვესვრიანო. ხუთივე ერთად მიუხვრეტია იმ გარენარ რუსს.

რას დაეძება. მისთვის რალა ქართველი და რალა აფხაზი. ფეხებზე ჰკიდა.

ორივე ერთნაირად სძულს.

ოცდაშვიდში შუალამეზე დავასაფლავეთ ჩემი გოგო მამაჩემის გვერდით.

სული მწარე ყოფილა.

ვერ მოვიკალით თავი.

თავის მოკვლა კი არა და დიდი ამბით გამოვიქეციით ოცდარვაში ალიონზე სოხუმიდან.

ჭუბერზე წამოვედით. მეტი გზა სად იყო აბა.

„პოტიკი“ ყოფილა ყველაფერი.

ჩემი თავი მეზიზღება ახლა, რომ გამახსენდება, რა მონდომებით ვარჩევდით მე და ჩემი ცოლი ხაბაკ-ხუბაკს, რას ვთბილ-წინდაობდით და წელმხარზე რა გულმოდგინედ ვიკრავდით შალის დარაიებს, რანაირად ვეხმარებოდით ერთმანეთს ჭყანტალმართში, რა სერიოზული სახეებით ვინაწილებდით სხვებისგან დამაღლულად თითო ლუკმა ყველ-ჭადს, შიმშილს რომ არ მივესავათებინეთ.

მგელი ყოფილა, მგელი, ადამიანი.

შვილი აგერ, ა, ორი საათის წინ დამარხე და სად მიიზუზები, შე გამჩენდალლო.

ასე ძვირად გიღირს შენი ბეხრეკი თავი?

ამ წვალება-დამცირებას არ ჯობდა, დაგველია ორივეს იქვე, სასაფლაოზე, ქერძაფი და მივწოლოდით ჩვენს გოგოს გვერდით? არ მონაკვდომა, არა, თავის დრომდე ადამიანიშვილი.

გაფუძელით ყველაფერს, ძარღვ-რბილი გაგვიძელქვდა, ვიხანხალეთ და ჩამოვლტოლვილ-ჩამოვმათხოვრდით თბილისში.

თუ არ გეჩქარება, ერთს გეტყვი კიდევ.

მოგეხსენება, ჩვენ, ლტოლვილები, მიმკვდარი ვართ ტელევიზორს; იქნება რამეს მოვკრათ თვალი. რანაირია სოხუმი ახლა. რა შეიცვალა, რაც ჩვენ გამოგვყარა რუსმა და მომთაბარე უცხო ტომი-აფსუა გააპატრონა. იქნებ სადმე თვალის წარბენაზე მაინც გამოჩნდეს ჩვენი ქუჩა, ჩვენი სახლი...

გაგიგონია? არაფერი მსგავსი.

გვიჩვენებენ არძინბას კაბინეტს და აფხაზეთის თვალწვრილა ყაჩაღ ლიდერთან კნუტებივით მიმჯდარ ჩვენი დელეგაციის წევრებს. ესაა სულ.

მეტი დაცინვა შეიძლება?

ექვსი წელი გავიდა, შე კაი კაცო, რა იქნება, გადაიღე და ტელევიზორში მაინც მაჩვენე ჩემი სახლი. ამას მაინც რა უდგას წინ.

დავიჯერო ახლა, ექვს წელიწადში ვერ მოახერხე ამხელა ტელევიზიამ გაგრის, სოხუმის, ოჩამჩირის გადაღება?

რალაცაშია საქმე.

ამ გაზაფხულზე, სანამ გალის ამბები დაიწყებოდა, ზუსტად გეტყვი, ოცდაექვსი აპრილი იყო, გალიდან ზუგდიდში ჩამოსულ ჩემს ბიძაშვილს პასპორტი ვენათხოვრე, ჩემი სურათი ჩავანკეპე შიგ, ვიყიდე ერთი ყუთი სიგარეტი „პრიმა“, გავიდე მხარზე და ვითომ ჩემს სახლში მიმაქვს, ოტობაიაში.

რუსის ჯარისკაცს, კანონიერად გადადიხარ თუ უკანონოდ, სულერთია, ფული უნდა მისცე. ჩავუკუჭე ხუთდოლარიანი ხელში და პასპორტისთვის არც დაუხედავს. გალში, სოხუმის ავტობუსში მოვყურდი.

„ტი კუდა?!“ მეკითხება აფსუა პოლიციელი.

სოხუმში მივდივარ, ოტობაიელი ვარ, ეს „პრიმა“ მიმაქვს გასაყიდად-მეთქი.

არაო, აქ გაყიდე, გალში. სოხუმში ჩასვლის ნება არ გაქვსო, ნაკრა ფეხი სიგარეტს.

ლაპარაკი რომ გამება, უარესი იყო. ამ ხალხთან, მოგეხსენება, თხოვნა-ლრეჯა არ ჭრის. მივეცი ათი „პრიმა“ და გამანება თავი.

რომ არ დაგლავო, თორმეტ საათზე სოხუმის ბაზართან მიჭრაჭუნდა ჩვენი ავტობუსი.

გულს ბრავა-ბრუგი გააქვს, ყურმა შუილი დამიწყო. ჩემი სოხუმში. როგორი საქმეა შენს მინაზე. შენს ქალაქში, სხვისი პასპორტით, ქურდით ხარ შემოპარული.

მოსაჩვენებლად დავადექი ყუთს იქვე, ბაზრის შესასვლელთან, ვინმე არ მითვალთვალებდეს-მეთქი. ქუდი მაქვს თვალებზე ჩამოფხატული და უღვაში ჩამოპარსული, მაგრამ მაინც ხომ შეიძლება გიცნოს ვინმემ ბაზარში.

ნახევარი საათის მერე შევატოვე ჩემი „პრიმა“ მინვოდელ თათარს, რომელიც იქვე, ჩემს გვერდით გარჩეულ კაკალს ჰყიდდა. კუჭმა შემანუხა, შევჭამ რამეს და ნახევარ საათში მოვბრუნდები-მეთქი, დავუბარე.

დავკარი ფეხი და მივძუნძულე ჩემი ქუჩისკენ.

სადაა ის ცოცხალი და ჭრელი სოხუმი.

ჩამკვდარია აქაურობა. გამვლელი იშვითად თუ შეგვხვდება. არსად ქართული წარწერა. ასე მგონია, სადღაც ზღვისპირას, უცხო, რუსულ ქალაქში ვარ.

ვიცი, რომ ჩემი სახლი დამწვარი არ არის. შარშან სამურზაყანოელმა ბერაიამ ჩამოგვიტანა ამბავი.

მეტი არაფერი ვიცი.

აჰა, აგერ ჩემი დარგული მაგნოლია, ლელვი, ჩემი კიბე. ომის წინა წელს ჩემი ხელით მიშენებული სამზარეულო.

კარი ორმოციოდე წლის ქერა, თაფლისფერთვალემა, გამხდარმა ქალმა გამილო.

– ვამ კავო? – მკითხა.

ოჯახის უფროსი თუ არის-მეთქი სახლში.

თავი მიაბრუნა და სასტუმრო ოთახს გასძახა.

– აფთათუ აბლრძ, აგრძუნდა!

– აღქ, აღბზკჩენა?! – მოისმა ოთახიდან ბოხი, გაფერილ-გაუბზარავი ხმა და პარმალზე ფლანელისპიყამოიანი, თავგადაპარსული კაცი გამოჩნდა.

თვალებით ვზომავთ ერთმანეთს.



თითქოს რალაცას მიხვდაო, კიბის მოაჯირს გადაეყრდნო, გაიხედ-გამოიხედა, ჭიშკარსაც გახედა, თითქოსდა სურდა, დარწმუნებულიყო, მახლდა ვინმე თუ არა. მერე ერთხელ კიდევ შემომხედა და შეთქმულივით მკითხა: კაკ ვი სუდა პაპალი?!

პასუხს არ დაელოდა. ხელი მომკიდა და სასტუმრო ოთახში შემეყვანა.

ღმერთო, ახლა ნუ გამიხეთქავ გულს და აქედან რომ გავალ, თუ გინდა, იმ წამსვე მომკალი.

თქვენ რა იცით, ვინა ვარ-მეთქი.

ჯერ ერთი, მანამდეც გიცნობდიო. მე ტყვარჩელიდან ვარო. შენ არ გახსოვარ, თორემ სარეისო ავტობუსზე რომ მუშაობდი, ხშირად მინახავხარ ტყვარჩელშიო. მეც მძლოლი ვარ, ტაქსისტი. ახლა სადღაა ტაქსიო. ესეც არ იყოს, ყოველდღე გიყურებთ მეც და ჩემი ოჯახიცო... მაშინ ავნიე თავი და თვალი კედლისკენ გავაპარე. სურათი! ჩემმა გოგომ იმ წელს სკოლა დაამთავრა. სამივე ერთად ვდგავართ თეატრის წინ, შადრევანთან. სასწაულივითაა ეს ყველაფერი. რატომ არ ჩამოხსნა ამ კაცმა ჩვენი სურათები.

პირველმა ელდამ გამიარა.

ისე მოვშინაურდი, ოთახებში გავიარ-გამოვიარე. აგერ ჩემი გოგოს როიალი, სანოლ ოთახში ჩვენი ავეჯი დგას. თითქოს ექვსი წლის წინ კი არა, გუშინ გავედით აქედან.

ცოლმა არაყი და ლელვის ჩირი შემოიტანა.

– აჩჩ ააზიკვა აბღვა! – უთხრა მეუღლეს.

– აზნაუ, ზნაუ, ია სრაზუ უზნალა! – რატომღაც მოურუსულა დიასახლისმა.

რა უნდა ვუთხრათ ერთმანეთს, რაზე უნდა ვილაპარაკოთ.

ოცდარვა სექტემბერს თქვენ ნახვედით და ოცდაცხრაში საღამოს მე ჩამასახლეს ამ ბინაშიო. აქეთ, შვიდ ნომერში რომ აფხაზი ჯონუები ცხოვრობენ, იმათ მითხრეს შენი ამბავიო.

ჯონუების გოგო და ჩემი გოგო სამედიცინო სასწავლებელში ერთად სწავლობდნენ. მერე რალაცაზე წაიჩხუბნენ და ბოლოს აღარ ელაპარაკებოდნენ ერთმანეთს.

არც ჩვენ, მშობლებს გვქონდა დიდი მეზობლობა და მისვლამოსვლა.

ნაწყვეტ-ნაწყვეტად, ხვნეშით, მაგრამ რალაცნაირი ღირსებით და სიამაყითაც ლაპარაკობდა ჩემი მასპინძელი:

მე შენთვის არაფერი წამირთმევიაო, ჩვენ რომ გავტყუულიყავით, თქვენ რომ მოგეგოთ ომი, ალბათ, თქვენც ასე მოიქცეოდითო... ჩვენი შერიგება და ძმობა აღარ მოხდება, თქვენც კარგად იცით ესო. მე შენი სახლი დაწვას გადავარჩინე... ისე, რომ დაენვათ

შეიძლება უკეთესი ყოფილიყო, გული აღარ გამოგინევდა აქეთ და მეც ამ ჩემს სოხუმში სხვა ჭერს მოვძებნიდიო. თხუთმეტი საუკუნე ჩვენს მინაზე ცხოვრობდით და მადლობელიც არა ხართო... არც მე ვარ ჩემს „ტარელკაზე“ ამ სახლშიო... ჯერ იყო და ცოცხალი არ გვეგონეთ, მერე, როცა გავიგეთ, რომ ცოცხლები ხართ, რაღაცნაირად მაინც ვნერვიულობდით მე და ჩემი ცოლი, თითქოსდა გელოდით კიდევო. ერთხელ და სამუდამოდ უნდა გაიგოთ ქართველებმა, რომ თქვენი აქ ჩამოსახლება აღარ იქნება. თუ მთავრობები რამეზე შეთანხმდნენ, შეიძლება სახლის და ნივთების ღირებულება ერთი-ორი კაპიკით სახელმწიფომ გადაგიხადოთო. ან ის რაში გეკუთვნით, რაც თქვენ დაგვანგრიეთ და ზარალი მოგვაყენეთო... ვუსმენდი.

ჩემს სათქმელს აქეთ მეუბნებოდა აფსუა ტაქსისტი. კამათს აზრი აღარ ჰქონდა.

მერე ბოდიში მოიხადა, ტელეფონი აიღო და სადღაც დარეკა.

– ბაშლაც, აბლაძერა... აბვაქ... აააქქვაა! – ჩასძახოდა ყურმილს.

ტელეფონი თითქმის დააგდო და, ცოტა არ იყოს, ამრეზილად მიეკითხება:

როგორ ჩამოხვედი სოხუმში, მაჩვენე ერთი შენი პასპორტიო.

ცუდადაა საქმე.

ამოვიღე პასპორტი და სანამ ჩახედავდა, სხაპასხუპით დავაყარე.

ეს ჩემი ბიძაშვილის პასპორტია. მისი სურათი ამოვიღე და ჩემი ჩავანებე. ამ ჩემი სახლისთვის თვალი რომ არ შემეველო, შეიძლება გული გამსკდომოდა. იქ ჩვენ, თბილისში, თითქმის ვერაფერს ვიგებთ სოხუმზე, ოთხ საათზე უკან უნდა გავყვე ავტობუსს-მეთქი.

ადგა და ისევ მივიდა ტელეფონთან.

კარგა ხანს ისმოდა:

– აბლვერჯა... ასკჰლვექქეშიაა, ჰრძულკვაბსბლკმქფსუაა...

მერე ცოლს მიუბრუნდა:

– ჰჯქსია... ავექჩქრუა?!

– სრქცხშმძფცაა! – გაბრზებით მიუგო ცოლმა და კარი გაიხურა.

ცივად, უგულოდ დამემშვიდობნენ.

დავეშვი ჩემი სახლის კიბეზე და ფეხდოლაბიანივით მოვაბიჯებ ბაზრისკენ.

რა ჯანდაბამ წამომიყვანა.

ცხენში ჯდომა და აფსუა გამომძიებლის დაკითხვები შემიძლია ამ ხნის კაცს ანი მეე?

ოთხს აღარაფერი აკლია.

ჩემს ავტობუსს მივაკითხე.

რაც მომივა, მომივა. აქ რომ არ მოვსულიყავი, სულერთია, მაინც დამიჭერდნენ.

დაიძრა ავტობუსი.

რამდენ საგუშაგოსაც გაივლის და რამდენი აფსუა ავტონისპექტორი მოგვიახლოვდება, ჩემი შემართება.

მგონია, ახლა ჩამომსვამენ და გამაქანებენ.

შიშით გატრუნული ვზივარ.

ენგურის ხიდამდე მოგვიყვანა ავტობუსმა.

ხიდთან უკვე რუსმა სამშვიდობოებმა გაგვისინჯეს პასპორტები. ფულს ვინ ჩივის, რალაცა ასი ნაბიჯი დამრჩა და სამშვიდობოს ვიქნები.

ხიდი რომ გადავიარე და რუხის ციხეს შევუყევი, მაშინლა ამოვისუნთქე.

ტყუილად შეგშინებიაო, ჩემი ბიძაშვილი დამცინოდა, კედელზე შენი სურათი ეკიდა, ამით იმ კაცმა ყველაფერი გითხრაო...

რა ვიცი.

აბა, რას ელაპარაკებოდა გაუთავებლად ტელეფონში ვილაცას, ან ცოლი რატომ ერჩუბებოდა?

არ არის ეს ჩემი ამბავი დასანერი, ბატონო გელა?

## მეტორი

ჩემს პირველ ქალს ცაცა ერქვა. ბრმა იყო. მეხუთე კლასში გახლდით, პირველად რომ დავინახე. გრძელნაწევებიანი მაღალი ქალი თავის ჭიშკართან სასხლავიან მოხუცს – ჭიჭიას ესაუბრებოდა და მარჯვენა ხელით გულზე ჩამოშვებულ ნაწნავს აწვალებდა. ჯარისკაცისფარაჯიანი ჭიჭია ტრიფოლიატის ლობეს სხლავდა და თან ცაცას ელაპარაკებოდა დაგუდული ღიმილით, რალაცნაირი ძალადმორცხვობით, თვალგაშტერებით, ეშმაკურად. ცაცა ხმამაღლა იცინოდა და სიცილსა და სიცილს შუა, სანამ მეზობელი ახალ ამბავს წამოუწყებდა, პირს ისე ალებდა, რომ მის ჩანიკნიკებულ, მარგალიტივით მბზინვარე კბილებს დაითვლიდი.

მეც მოვალე პირი და მანამ მივჩერებოდი, სანამ მსხვლედი არ მომიბრუნდა: რას უყურებ, ბიძია, ნაი შენს გზაზეო. ჩანთა ზურგზე გადავიქნიე და ჩემს გზას ვენიე, მაგრამ სიბრაზისგან თმის ძირები ამენვა, ცაცას კისკისი რომ გავიგონე. რა უთხრა ასეთი ჭიჭიამ – სასხლავიანმა წითელმა ტურამ, ან რაზე ხითხითებდნენ ასე გულიანად, არ გამიგონია. ეტყოდა, ალბათ, ხშირად ნუ გამოხვალ ქუჩაში, თორემ მაგ ბავშვს სწავლაში ჩამოარჩენო. ისე, მონუსხულივით გიყურებდა, ამ სასხლავით ყური რომ მომიეჭრა, ვერ გაიგებდაო.

ცაცას ამბავი ყველამ იცოდა და აბა, ჩვენ, ბავშვებს, რა გამოგვეპარებოდა. სალამოობით შევიკრიბებოდით ჩვენი სამეზობლოს ლირფი ბიჭები. ვენახბოლოდან შევიპარებოდით ბაგრატია დაბეხილის ეზოში, ჩავძვრებოდით მითაჟამისდროინდელ, ცხრა ადგილას გამოჭმულ სანაახელში და იობის მოთმინებით ვუთვალთვალვადით ცაცას ფანჯრებს. მკითხველს რალა დავუმალო; ისიც ვიცოდით, რა ხდებოდა იმ ფანჯრებს მიღმა. გუმანით ვიცოდით, თორემ დანახვით მარტო იმას ვხედავდით, რომ მოვიდოდა დარბაისელი მოქალაქე (ზოგს ვიცნობდით სახეზე, ზოგს – არა), ჯერ ცაცას ფანჯარას შეავლებდა თვალს, მერე ჭიშკარს შეაღებდა და მზრუნველი კაცივით შიგნიდან ჩაკეტავდა. სამსაფეხურიან კიბეს რომ აივლიდა და განზე გადაქანჯული, რიკულებიანი პატარა ოდის კარს შეაღებდა, ჩვენ თვლას ვინყებდით. ასე ასათიდან-ასოცამდე დათვლაში ჩაქრებოდა სინათლე. კარგა ხნის მერე, სინათლე რომ კვლავ გაავსებდა ცაცას იდუმალ ფანჯრებს, ოცდახუთ დათვლაში გამოდიოდა სტუმარი. ჭიშკარს გარედან გულდაგულ დაკეტავდა და გზას ყოველთვის ბაზრის მხარეს, აღმა გაუყვებოდა. ვინ არ

გინახავს ცაცას სახლიდან გამოსული, მაგრამ აქეთ, ჩვენსკენ, ბაგრატიას სახლისკენ არავინ წამოსულა. ეს იმას ნიშნავდა, რომ ცაცას სტუმრები ყველანი ქალაქიდან, ცენტრიდან მოდიოდნენ და ბაკისუბნელი კაცი ბრმა ქალს არასოდეს ანუხებდა.

სამმა წელმა ისე გაირბინა, რომ დღე არ ყოფილა, ცაცაზე და მის ფანჯრებზე არ მეფიქრა. მეგონა, დრო მხოლოდ იმიტომ გადიოდა და ფეხსაცმელებიც იმიტომ მიმოკლდებოდა ასე ჩქარ-ჩქარა, ერთ მშვენიერ დღეს ცაცას ოდის კიბე ამევლო, კართან კაცურად ჩამეხველებინა და გაოცებული მასპინძლისთვის მეხარებინა – „მე ვარ!“

ეს დღეც დადგა. მერვე კლასს ვამთავრებდი, ტყემლობის დრო იყო. საკონსერვოს კინოში მივდივარ-მეთქი, დედაჩემს დავუბარე, მარდალეიშვილის ქუჩას შემოვურბინე, ბაგრატიას საწინახელს გვერდი ავუარე და ცაცას ჭიშკარს მივანეჭი. ახალშებინდული იყო, მაგრამ ბრმა ქალი ჩვენს ქუჩაზე ყველაზე ადრე ანთებდა შუქს. ჭიშკარს მავთულის რგოლი თავზე დავახურე და ისე ერთგულად ჩავკეციე შიგნიდან, კაცს ეგონებოდა, გარეთ გამოსვლას აღარ აპირებსო. ოცნებით რამდენჯერ მოვსულვარ აქ, მაგრამ საქმე-საქმეზე რომ მიდგა, სანამ კიბეს ავივლიდი და კარზე დავაკაკუნებდი, ჩემი დამემართა. ვაითუ წამიბილიკოს ერთი თავში და გამომადგოს-მეთქი. ბოლოს თავი იმით ვინუგეშე, რომ არავინ მხედავდა. ყოველშემთხვევაში, ბაგრატიას საწინახელში წელან არავინ იჯდა.

მეორეჯერ უფრო გაბედულად და უფრო ჯიუტად დავაკაკუნე.

– რომელი ხარ? – რატომღაც მომეჩვენა, რომ ცაცა პირდაპირ სანოლიდან გამეპასუხა.

– მე ვარ, – რამდენადაც შევძელი დაჯერებულად ვთქვი და, ალბათ, ამიტომ იყო, რომ მასპინძელს ჩემი ვინაობის რკვევა აღარ გაუგრძელებია.

– შემოდი.

კარი შევადე და ზღურბლზევე შეჩერდი.

ნითელფარდაგიან სანოლზე იჯდა. ერთი ფეხი შეეკეცა, ხოლო მეორე ყვითელფორჩებიან ქოშში სანახევროდ წაეყო, ეტყობოდა, წამოდგომას აპირებდა და გადაიფიქრა. შავი, სქელი თმა ყელს, მხრებს, გულმკრედს უფარავდა. ლამაზ ცხენს რომ ფაფარი აყრია, ისე ეყარა თმა. მარცხენა ხელით შიშველ მუხლისთავს იხელდა. შევკრთი. ძალიან დიდი მეჩვენა. კართან ატუზულმა ცხადად ვიგრძენი, რომ, ამხელა ქალთან შედარებით, ძალიან პატარა და უმწიკო ვიყავი. ხალიჩაზე დახატულ დევის ლამაზ ქალს ჰგავდა ცაცა

და უკან გაბრუნებაც კი გავივლე გუნებაში, მაგრამ თავს ძალა დავატანე.

– აღარ იტყვი, რომელი ხარ? – ისე თბილად და ალერსიანად მკითხა ქალმა, თითქოს მისი უახლოესი ადამიანი გახლდით, რომელიც უკნიდან მიეპარა და ხუმრობით ააფარა თვალებზე ხელი, თუმცა ეჭვი არ ეპარება, რომ იცნობენ, რადგანაც მის მეტს ამ ოთახში არავის ელიან.

– გიგლა ვარ, – ვიცრუე.

– სად ცხოვრობ?

– ბალახვანში.

– მერე? ჩემთან რაზე მოხვედი, გიგლა? – ცაცამ თავი ჩემსკენ მოაბრუნა.

– ვითომ არ იცი, – ფეხსაცმლის ნვერით იატაკს დავუწყე ბურღვა, ყურები გამინითლდა, მაგრამ იხტიბარი არ გავიტყხე, – რა შეკითხვაა ახლა მაგი.

– რა შეკითხვაა და ნამეტანი ბოვშის ხმა გაქვს, გიგლა. რამდენი წლის ხარ?

– ოცის.

– არ იქნები შენ ოცი წლის. მატყუებ რაცხას.

– დედა მომიკვდეს.

– დედას დოურჩი შენ. კი მარა, ვინ მოგასწავლა, რანაირად, ასე... დაკაკუნება გამიგონია?

– მე... ერთხელ... ნამყოფი ვარ შენთან, – დამარცვლით და ისე ყალბად ვთქვი, მართალიც რომ ყოფილიყო, არავინ დამიჯერებდა.

– გიგლა, ტყვილებს დაანებე თავი, თვარა გავბრაზდები და ხმას აღარ გაგცემ. მე ბრმაი ვარ, სულელი კი არა, შე კაი კაცო. რას ჰქვია ნამყოფი ხარ. ხმაზე, ჩემს სახლში ნამყოფს კი არა, ავტობუსში რომ ვინცხა-ვინცხას დაელაპარაკება, იმას ვცნობ. არ გინდა ჩემთან მაგნაირი ლაპარაკი.

– კაი, ბოდიშს ვიხდი, – ოლონდ ახლა აქედან არ გამაგდოს და ბოდიშს მოვუხდი კი არა, ფეხის თითებზე არ ვაკოცებ?

ცაცამ გაიღიმა, მუშტმეკრული ხელები მხრებთან მიიტანა, გაიზმორა და თეთრი, ფუნჩულა ოთხი თითი პირზე რამდენჯერმე რბილად მიირტყა.

პირველმა ელდამ თითქოს გამიარა, ოთახი უფრო განათდა. ცოტა არ იყოს, გავშინაურდი და კარის გასწვრივ გავიარ-გამოვიარე. ცაცას მხარეს გავლას ჯერ, რასაკვირველია, ვერ ვბედავ. თეთრი მაგიდის შუაგულში ჭილოფის ხახალზე წითელი ვაშლები აწყვია. მაგიდის მარჯვენა კუთხეში, ხვიპია თეფშზე ერთადერთი

ლურჯი ხუთმანეთიანი მოჩანს. ფულზე ვილაცხას, სამკაპიკიანი დაუდვია, ალბათ, იმიტომ, რომ არ აფრიალდეს.

– დღეს დილიდან მეძინება, ეს ოხერი. რომელი საათია ახლა?

– ნელან იყვირა. ცხრა იქნება.

– ცხრაზე მეტი არაა? რა ნელა გადის ეს დრო, ეს ოხერი.

– მოიმატა დღემ, – დაბეჯითებით ვთქვი.

– მოიმატა, კი. მამაშენი რა მოხელეა, გიგლა?

– მამა არ მყავს, – კვლავ ვიცრუე.

– ბავშვი ხარ, ბიჭო, ნამეტანი, წადი ახლა სახლში. ჯერ ადრეა შენთვის. ჯერ მეცხრე კლასში არ იქნები. ხომ მართალს ვამბობ, დედას გაფიცებ?

– მეცხრეში გადავდივარ.

– ჰოდა, ადრეა-მეთქი, სწორს გეუბნები.

– არაფერი ადრე არაა.

– ბიჭო, მე რამდენი წლის ვარ, იცი შენ? – მცირე პაუზის შემდეგ მკითხა ცაცამ. იცით როგორ მკითხა? ღიმილით, იქნებ ცოტა ირონიითაც, ოსტატი რომ შეგირდს შეეკითხება.

– მაგას რა მნიშვნელობა აქვს.

– როგორ არა აქვს გიგლა. ოცდათხუთმეტი წლის ქალი ვარ მე და, შენ პირველი წვერი არ გაგიპარსია ჯერ. მოდი ჩემთან ერთ-ნუთს.

შუბლზე ცივმა ოფლმა დამასხა, მაგრამ მაინც მივედი. ცაცა არ ამდგარა, მარჯვენა ხელი გამოიწოდა ჩემსკენ, პერანგის ღილებს მალლა აჰყვა და სახეზე მომისვა.

– ხომ გითხარი, ბავშვი ხარ, – კვლავ გაიღიმა, – წადი სახლში.

– არაფერი ბავშვი არა ვარ მე, – ისე მტკიცე გადანწყვეტილებით ვთქვი, რომ ცაცა გაჩუმდა.

იქვე სკამზე ჩამოვჯექი და შევეყურებდი. ახლოდან უფრო დიდი მეჩვენა. ჩემს თავს ვტუქსავდი. ვინ დამაძალა აქ მოსვლა, რა ხათაბალა ავუტეხე ჩემს თავს, ქალი, საერთოდ, ამხელა თუ იყო, რატომ არ ვიცოდი-მეთქი.

– გიგლა, – კარგა ხნის შემდეგ მიხმო.

– ბატონო.

– ზიხარ თუ ფეხზე დგახარ, გიგლა?

– აგერ ვზივარ, მაგიდასთან.

– მანდ ვაშლი დევს, ჭამე.

– არ მიყვარს ვაშლი.

– ერთი ცალი შეჭამე, დედას გაფიცებ.

– კაი, შენი ხათრით შევჭამ, – ავიღე და გაუბედავად ჩავკბიჩე.

– ჭამე გემრიელად, ახრაშუნე, ბიჭო. მიყვარს კაცი რომ ვაშლს ჭამს და ახრაშუნებს. საერთოდ, ვაშლს ხრაშუნი უხდება.

„რა დროის ვაშლია, ხომ არ დამცინის-მეთქი“, – შიშმა გამკრა გულში, მაგრამ ცაცას ანგელოზივით მშვიდ სახეს და დახატულ ცხვირს რომ შეეავლე თვალი, მაშინვე ვირნმუნე, რომ ამ შესახედაობის პატრონი საერთოდ არავის გაამასხარავებდა და მით უმეტეს, ჩემისთანა გასაცოდავებულ ყმანვილს.

– თვალები რა ფერის გაქვს, გიგლა? – ისევ ისე, კედლის გასწვრივ, მალლა და შორს იმზირება.

– სულ ვერ ხედავ? – კითხვა შევუბრუნე.

– ვერა.

– აბა, რა ჭკუა აქვს, რა ფერის თვალები მექნება, – ცოტა არ იყოს, უხეშად წამომცდა და მაშინვე ვინანე.

– ისე გეკითხები. მე ხომ ფერიც არ ვიცი რა არის. ცისფერიო, რომ იძახიან, ერთი მარტო ცისფერი დამანახვა-მეთქი, რამდენჯერ მინატრია.

– შენ რომ ფერს ხედავ, ის შავი ფერია. ერთი ფერი ხომ ჯიბეში გაქვს. შავი.

– შავი კი. შავი ფერით ყელამდე ვარ.

ახლა რამე გამამხნევებელი თუ არ ვუთხარი, ნამეტანი ნავიფილოსოფოსე, და მასპინძელს გული არ ვატკინო-მეთქი და აი, რა მოვიფიქრე:

– ისე, შენთვის სჯობია, რომ ვერ ხედავ. ნეტავ არც მე გხედავდე ახლა, ამ წუთს.

– რატომ, გიგლა, ასე უშნო ვარ?

– სწორედ ლამაზი რომ ხარ, იმიტომ... რა ვიცი... რაცხა სინათლე... სინათლემ სირცხვილი იცის... სიბნელეს რა სჯობია, – სიტყვებს თავი ვერ მოვუყარე, რას ვლულულულებ, მე თვითონ არ მესმის.

– ლამაზი ვარ მართლა, გიგლა?

– გადასარევი.

– რა მაქვს ლამაზი. შენ როდის მნახე?

– ყოველდღე არ გხედავ? – თითქოს დიდად საამაყო რამ ვთქვი და ამ ჩემს წამონარომზე კინალამ ფეხი ნავიტეხე.

– ყოველდღე? როდის, ბიჭო, მე გარეთ რომ იშვიათად გამოვდივარ?

– რა უნდა შენს ნახვას, დილდილობით ჭიჭიას ხომ ელოდები ჭიშკართან, პური და ბაზრიდან რაცხა-რაცხეები რომ უნდა მოგიტანოს.



– უი, ჭიჭიაც იცი? შენ მთლად მეზობელი ხარ, ასე ჩანს. კი. ნადი ახლა, გიგლა, თუ გიყვარდე. დედაშენმა რომ გაიგოს შენი აქ ყოფნა, თმით დამითრევს, ცოდვა არა ვარ?

– დედაჩემი რას მოგაგნებს, ბალახვანში ვცხოვრობ-თქვა, ხომ გითხარი.

– აბა, აქეთ რაზე დადიხარ?

– მეთხუთმეტეში ვსწავლობ.

– ბალახვანში სკოლა არაა?

– გეომეტრია გადამეკიდა და აქეთ გადმოვედი.

– აბა, დედა დაიფიცე.

ქამრის ბალთას ხელი დავადე და დედა დავიფიცე. ვიცოდი, თუ რკინას ხელს დაადებდი, ყოველგვარი ფიცი თავის სასწაულებრივ ძალას ჰკარგავდა.

არც მახსოვს, რამდენ ხანს ვიყავით ჩუმად. ბოლოს, ცაცამ, ნამოინია და მეორე, შეკეცილი ფეხიც ძირს ჩამოუშვა. ლაზლის წინდები ეცვა. ცალ ქოშში ტერფი რომ ნაჰყო; მეორეს დიდხანს ეძებდა თავის ლამაზი ფეხით. როგორც იქნა, მივხვდი, ქოში მოვუძებნე და ოთხზე დამდგარმა ჩავაცვი. მადლობა გადამიხადა, ყბებზე ორივე ხელი ამომდო და გულზე მიმიკრა. სული კინალამ შემიგუბდა. „რა მშვენივრად ვიჯექით ცალ-ცალკე, ნეტავ ისე გაგრძელებულიყო-მეთქი“. დაიჯერებთ? გულზე მიმიკრა, მაგრამ ქალი არ მიგრძენია, ჯიუტად გავინიე განზე. სიამოვნებით წავიდოდი ახლა შინ და არც არასოდეს მოვიხედავდი ცაცასკენ, მაგრამ რაღაც ძალა მაკავებდა, ინტერესი იმისა, რომ რაღაც სხვა, რაღაც იდუმალი უნდა დანყებულიყო ჩემს ცხოვრებაში. ან იქნებ სულაც ჩემი თავის გამოცდა მსურდა. ისევ სკამს დავუბრუნდი. ხელის თითები გამიცვივდა. გული ბაგაბუგით მიცემდა. ლურსმანივით ჩამერჭო თავში ფიქრი: „როგორც ჩანს, ჯერ პატარა ვარ, შევრცხვები“.

ცაცა სანოლის უკან ჩუქურთმებიანი კარადის თავზე დადგმულ ძველთაძველ რადიომიმღებს მიუახლოვდა. კარგა ხანს ატრიალა, მაგრამ შიქასტის მეტი ვერაფერი დაიჭირა. ტიროდა თუ მღეროდა, ვილაც მუსულმანური აღმოსავლეთის რომელიღაც ქვეყნიდან, ვერ გარკვევდი.

– იყოს? – მკითხა მასპინძელმა.

დუმილით რომ ვუპასუხე, ცაცამ რადიო გამორთო. და კარგადაც მოიქცა. სტამბულის რადიოს გრძელი მოთქმა-გალობანი ბავშვობიდანვე ნერვებს მიშლიდა.

...მთვარით სავსე იყო ოთახი, და ყველაფერს მშვენივრად ვხე-  
დავდი. კაცმა რომ თქვას, სინათლე არც კი იყო საჭირო, მაგრამ  
მახსოვდა, რომ ყველანი ასე იქცეოდნენ და მეც ავანთე.

მოკლედ, იმ საღამოს ცაცამ დამავაჟუკაცა.

ტანზე რომ ჩავიცვი, კიდეც ერთხელ მივუბრუნდი ცაცას. სა-  
ნოლზე ჩამოვუჯექი და გულში ჩავიხუტე.

– კაი, ნუ დამახრჩვე, შე გადარეულო. დამისივდება ტუჩები,  
კბილებით კოცნა გამიგონია?

ხბოს რომ ძალათი მოწყვეტენ ძუძუს, ისე მომიშორა, როგორც  
იქნა, ცაცამ.

– ნადი ახლა, გეყოფა, ვინმემ არ მოგისწროს.

თითქოს ზარს შემოჰკრესო. გამოვფხიზლდი. ხელი გავუშვი და  
წამოვდექი. ელდამ თავიდან-ფეხებამდე გამიარა.

„ვინმემ არ მოგისწროს!“

ფულის ტკაცუნზე ცაცა სანოლზე წამოჯდა.

– ფული არ დატოვო, დედას გაფიცებ. გიგლა, თუ ჩემი ხათრი  
გაქვს. არ დატოვო, თორემ მეორეჯერ არ გაგიღებ, იცოდე, კარს.

ხუთმანეთიანი დავდევი თეფშზე და გამოვედი.

მოვრბოდი ქუჩაზე და ყურებში მინიოდა: „ნადი ახლა, ვინმემ არ  
მოგისწროს!“

მეჩვენებოდა, რომ მთელ ქვეყანას მერჩივნა ცაცა და რანაირად  
შეიძლებოდა მომხდარიყო, რომ ერთი საათის შემდეგ ზუსტად ჩემ-  
სავით შეელო ვილაცას კარი და ჩემნაირად მოფერებოდა.

ლობეს გადავახტი, ეზო ოთხი ნახტომით გავივრბინე, ჩვენი პოინ-  
ტერი ბროლია გულში ჩავიხუტე და ლაშები დავუკოცნე. სახლში  
არ შევსულვარ. გამოვბრუნდი და ბაგრატიას ქვევრში ჩავჯექი.

„ნეტავ დღეს მაინც აღარ მოვიდოდეს ვინმე“.

მაინც მოვიდა. გრძელკეპიანმა კაცმა ჭიშკარი ფრთხილად გაა-  
ლო. შიგნიდან ჩაკეტა და კიბეზე ააღაჯა.

სინათლის ჩაქრობისთვის აღარ დამიცვლია.

ის დღე და ის დღე, ცაცასთან აღარ მივსულვარ.

\* \* \*

ბატონო გელა, ერთი ქალი მიყვარს მაგრამ ვიცი უარს მეტყვის  
და ამიტომ ვერაფერს ვუბედავო, თავს ვერ შევივრცხვენო, ერთმა.

რა თქვი, როგორაო? თავს ვერ შევივრცხვენო? რა სირცხვილი  
და თავის მოჭრა ეგ არის, თუ ძმა ხარ. შენ იმის კაცი ხარ, რომ

შენი უთხრა, ქალი იმისია, რომ თუ არ დაუფჯდა ჭკუაში, უარი გითხრას. რა მოხდა მერე. დაიქცა ქვეყანა? თუ მართლა ასე ძალიან მოგწონს და არ იტყუები, უნდა მიხვიდე და უნდა უთხრა. სამი იმპერატორის პრინციესაც რომ იყოს, არ უნდა მოერიდო. ბოლოსდაბოლოს, ცუდს რას ეუბნები, მომწონხარ, მიყვარხარო, მეტს ხომ არაფერს? რა არის ამაში ცუდი? არ არსებობს ქალი, ჩემო იმანო, გულში მაინც რომ არ გაეხარდეს კაცის ყურადღება და სიყვარულის გამოცხადება. შეიძლება გარეგნულად არ შეიფეროს, პირიქით, ზოგი ისე შეიცხადებს, ეს რა მკადრეს, ეს რა გამიბედესო, გეგონება, ჭერი დააქციეს თავზეო. მაგრამ მე რომ ვუფიქრდები, ამასაც განგებ აკეთებს. აქაოდა სხვებმაც გაიგონ, რა ქალი ვარ, ამ კაცს შევუყვარდიო. გულის სიღრმეში კი მის სიხარულს საზღვარი არა აქვს. ასეა ეს. გულში არ ჩაიკლა-მეთქი სიყვარული, ამას გეუბნები, მეტს არაფერს, გამეცინა, შენ რომ თქვი, ისეთი ლამაზია, ჩემგან სიყვარულის ახსნას ითაკილებს და სასაცილოდ ამიგდებსო. როგორ გეკადრება მაგის თქმა. რა მოხდა, ქალია, ბოლოსდაბოლოს, მეტი ხომ არაფერი. თუ ცოტა მაინცა აქვს ჭკუა, კრიახს არ დაინწყებს და მითუმეტეს, სასაცილოდ არ აგიგდებს. შენ ვაჟკაცი ხარ და ჭადზე დასაყოლებელ შაჭამანდს კი არ თხოვ, სიყვარულს უცხადებ. რა არის აქ სასაცილო? ჯერ ერთი, ჭკვიანი ქალი კაცის შესახედაობას დიდ ყურადღებას არ აქცევს და ასეც რომ იყოს, რა გაქვს დასანუნნი. მშვენიერი ბიჭი ხარ. ეგ არის, ყურები გაქვს ცოტა ფართე, მაგრამ პატარა, მოხუჭულ ყურებს, ზოგიერთს რომ აქვს, კიდევ ეგ სჯობია, დამიჯერე.

შემხედე, აპოლონ ბელვედერს რომ არ ვგავარ, დამეთანხმები, ალბათ, არც სიმაღლე მოხვდება თვალში ჩემი ქალს და არც თლილი თითები. ვერც შავარდნის გამოხედვით დავატყვევებ და არც იმნაირი ენაწყობა მაქვს, გველს ხვრელით გამოიყვანსო, რუსთაველი რომ ბრძანებს. ერთ ამბავს მოგიყვები და თვითონ განსაჯე. სხვისმა მაგალითმა სხვას შეიძლება კისერი წაატეხინოს, მაგრამ, არა მგონია, ამ ჩემს ამბავში რალაცა ჭკუის მოსაკიდებელი არ დაიჭირო. დანარჩენი შენს შნო-მარიფათზეა დამოკიდებული, იმისი არ იყოს.

ახლა რომ ჩხობაძეები ცხოვრობენ შენს ზემოთ, მესამე სართულზე, სამასოცდაშვიდში, შარშანწინ ეგ ოთახი ერთ ახალგაზრდა, ორშვილიან მომხიბვლელ ქალს ეკავა. მამამთილმა ჩამოიყვანა ძველი „ვოლგით“, დააბინავა რძალი, ჩემო ბატონო და იმ სალამოსვე უკან გაბრუნდა. ჩვენ არც დაგვლაპარაკებია. უცნობი იყო. დარჩა მოკლეთ ეს ქალი თავისი ორი პატარა ბავშვით. ბიჭი

ასე ექვსი წლის იქნებოდა, გოგო სამის. კალმით ნახატით რომ იტყვიან, ისეთი იყო. ხორბლისფერი სახე. აბრეშუმის კანი. პატარა, ლამაზი ტუჩები, მხრებზე გადმოყრილი შავი, ვნებისმომგვრელი თმები. კოხტა, მათრახივით მოქნილი ტანი. ჩაცმითაც მშვენივრად ეცვა. ეტყობოდა, ხელმომართული ოჯახისშვილი იყო. ასე ვიჯექით მაშინაც დამსვენებლები და ნარდს ვამღერებდით, მაგრამ ამ ქალს ჩვენსკენ ერთხელაც არ გამოუხედავს. არ აინტერესებდა ჩვენი საზოგადოება, მორჩა და გათავდა. დედა, თავისი ორი ნუკრით, ისე ამშვენებდა აქაურობას, ვერ აგინერ. სულ ბავშვებთან იყო, ბავშვებს ეძახდა, ხან წყაროსთან შეგვხვდებოდა ეს ულამაზესი ფურჩირემი, კუნტრუშა ხბორებში ჩამდგარი, ხან სულ ახლოს ჩაგვივლიდა კალმახისფერი გრძელი ხალათის შარიშურით და ფრანგული სუნამოს ისეთ ნიავს ააქროლებდა, სუნთქვა შეეკვრებოდა კაცს. მაგრამ რად გინდა, ყურადღება ნოლი! არცერთმა არ ვიცოდით, რა ფერის თვალები ჰქონდა. გვერდით ჩავლისას ფეხს ისე აუჩქარებდა, უნდა მიმხვდარიყავი, რომ ამ ქალს არ სურდა თუნდაც ისეთი უწყინარი შეკითხვისთვისაც ეპასუხნა, როგორიც გახლავთ, „რომელი საათია“, ან „ეგ თერმოსი სად შეიძინეთ, ქალბატონო?“

რალა გავაგრძელო, ჩამივარდა გულში ეგ ქალი. ღამე ძილი არა მაქვს და დღე მოსვენება. არა და ცოლ-შვილით ვარ მეც. მარტო რომ ვიყო, სხვა ამბავია. ცოლი მყავს იმნაირი, ნახატს რომ შევაჩერდე, იმაზე ეჭვიანობს. რა გინდა, რომ ქნა. საითაც გაიხედავ, ყველგან იმ ქალზეა ლაპარაკი. ყველა მისკენ ატრიალებს ლოკატორივით თავს. ლამაზი ქალი თან ეშმაკიც ყავს გამჩენს. იცის, რომ ყურადღების ცენტრშია, მაგრამ დადის მარტო, ფარშევანგივით. სასადილოშიც ცალკე მაგიდასთან ზის. ეტყობა, მამამთილი ჰყავს უბედურნახევარი. ცალკე დასვა რძალი, ისე, ყოველშემთხვევისათვის. ერთი მულამი ვიცოდი, ამ დროს ბავშვს უნდა დაუნყოფერება. ვსტაცე ერთხელ მის პატარა ბიჭს ხელი, დავისვი მუხლებზე. ჰაი იქით, ჰაი აქეთ, მარა შენც არ მომიკვდე, მიმიხვდა ქალი, რატომაც ვეთამაშებოდი ბავშვს. შემატოვა ხელში და გაეცალა იქაურობას. ამით მაგრძნობნა, გიცნობ, ვაჟბატონო, რაც გაქვს გუნებაში, არ გაგივა ეგ ნომერიო.

ერთ საღამოს, ჩემი ცოლი რომ ბავშვს აძინებდა, ვითომ თუთუნის მოსაწევად გამოვედი, ავირბინე მესამე სართულზე და დავაკაკუნე ფრთხილად, სამასოცდაშვიდის კარებზე. ჯერ არავინ გამეპასუხა. ვიცი, შინ არიან. ისიც ვიცი, რომ პატარა ბავშვები ჰყავს და ამ დროს, თერთმეტს აღარაფერი აკლია, ბავშვებს უკვე სძინავთ.

- ვინ არის? - ძლივსგასაგონად დაიჩურჩულა.
- მეზობელი ვარ, ქალბატონო, მეორე სართულიდან.
- რა გნებავთ?
- გამიღეთ, ერთი წუთით, სათქმელი მაქვს.
- რა გნებავთ, ბრძანეთ - მკაცრი, კატეგორიული ხმა აქვს.
- გააღეთ ერთი წამით, არ შემოვალ, ერთ სიტყვას გეტყვით და წავალ. გელა მქვია, კირთაძე ვარ გვარად. თქვენს ქვევით ორასოცდახუთში ვცხოვრობ. ცოლ-შვილით გახლავართ.

- მაპატიეთ, ბატონო გელა, ახლა გვიან არის, მე თქვენ კარს არ გაგიღებთ და საერთოდ, ძალიან გთხოვთ, წურასოდეს დააკაკუნებთ ამ კარებზე.

ცოტა ხანს ვიდექი მის კარზე, ბოლოს, იმედი რომ გადამენურა, ჩამოვფშლატუნდი ძირს და მივწევი ჩემს ლოგინზე მეორე დღეს ერთი-ორჯერ ისე მწყრაღად შემომხედა, გამიკვირდა, საიდან იცის, რომ მე ვუკაკუნებდი-მეთქი. ღამით, ისევ იმ დროს, თერთმეტ საათზე მივუკაკუნე. ისევ ის ლაპარაკი, შენ ხარ ჩემი ბატონი. რა დაგიშვდებათ, ერთი წამით გააღეთ, დამენახვეთ, როგორი ხართ, სხვა არაფერი მინდა-მეთქი. მეხვეწება, მემუდარება, წადით, დაიძინეთ, ბატონო გელა, ვერ გაგიღებთ კარს, ბავშვებს ნუ მიღვიძებთ, ძლივს ჩავაძინეო. რომ არ მოვეშვი, მუქარაზე გადავიდა, ხვალ სასტუმროს დირექტორს შევატყობინებ ამ ამბავს, ბოლოსდაბოლოს, ვინ გგონივართ მე და სად გგონიათ თავიო. სადირექტოროს არაფერს ვაშავებ, ქალბატონო, მიმართეთ ვისაც გინდათ, ნუთუ იმდენ პატივს არ სცემთ ადამიანს, იქნებ ერთი ჭიქა წყალი მინდა წამლისთვის, იქნებ ვკვდები კაცი, არ უნდა გააღოთ კარი-მეთქი? ბოლოსდაბოლოს არც ჩვენ ვართ მთლად დაკარგულები, ჩემი წრე და ნათესაობა რომ ჩამოგითვალო, გაგიკვირდება-მეთქი. არაო, პრინციპის გულისთვის არ გაგიღებო. არც მესამე დღეს გამიღო კარი. მეოთხე დღეს ჩვეულებრივზე უფრო დიდხანს ველაპარაკე. ვკვდები, შე ქალო, რა გახდა შენი დანახვა-მეთქი. ნუ გეშინია, არ გავხარ მომაკვდავსო. დღისით ხომ მხედავ, არ გყოფნისო? ღამით სხვა არის-მეთქი. ხულიგანი მიწოდა, მოშორდი ახლა კარებს, თორემ ვიკივლებო. ხმაზე ვატყობდი, არ იკივლებდა. მიეჩვია უკვე ჩემს მოსვლას. ბავშვებს ადრე აძინებდა და მელოდებოდა, როდის დავაკაკუნებდი, შემომიშვი, კუთხეში მივდგები, შენსკენ ფეხს არ გადმოვდგამ, აქ ხალხი მიდი-მოდის, რატომ უნდა იჭორავოს ენააქავებულმა დამსვენებელმა-მეთქი. ამ სიტყვებმა იმოქმედეს, თუ საერთოდ გატყდა მისი მოთმინება, ეგ კი იყო, მოიცა ხალათს მოვიცვამ და გავაღებო. ისე გავთამამდი, კინალამ წამომცდა; იყავი

მასე, ღამის პერანგში, შინაურულად-მეთქი. გამილო კარი. იმ ღამეს, მართლაც, კუთხეში მივდექი და ფანჯარასთან მდგარს ვეჩურჩულეობდი დაახლოვებით ერთ საათს. რაღაც სისულელეებს ვუყვებოდი, სალაპარაკოს რა გამოლევს. ოთახში ორი სანოლი იდგა, იქეთ, კედლისკენ, ბიჭს ეძინა, აქეთ-გოგოს. შეყვარებული კაცის გაბედულებას ხომ საზღვარი არა აქვს: გადაანვინე ეს პატარა ჩიტი თავის ძამიკოსთან, მე და შენ აგერ ჩამოვჯდეთ ლოგინზე და ვიჭუკჭუკოთ-მეთქი. ისეთი დამიბღვირა, მიწაში ჩაძვრომა ვინატრე. იმ ღამეს სულ ეს იყო. დასჯილ მონაფესავით კუთხეში ვიდექი. მეორე ღამეს კარი დაკაკუნებისთანავე, უკითხავად გამილო. გაგიკვირდება და თადარიგი დაეჭირა, გოგონას კედლის მხარეს, ძამიკოსთან ფეხშექცევით ეძინა, აქეთა სანოლი თავისუფალი იყო. მერედამერე კარსაც აღარ კეტავდა. დაუკაკუნებლად შევდიოდი, რომ ბავშვებს არ გაღვიძებოდათ. ხალათსაც აღარ იცვამდა, ღამის პერანგით მხვდებოდა. ხანდახან იტყოდა. ჩემი თავი მძულს, ასეთ საქმეს რომ ჩავდივარ, მაგრამ რა დამემართა, ანგარიში ვერ მიმიციაო. მართლაც რომ არ იყო გაეშმაკებული და მომენტით მოსარგებლე ქალი. თბილისში რომ გავიკითხ-გამოვიკითხე, უერთგულესი მეუღლის და შვილებზე გადამკვდარი დედის სახელი აქვს, რომ მიდიოდა, წინა ღამით ცრემლებით დამისველა ყელ-მკერდი, მეც გული ამიჩუყდა, ორივემ ვიტირეთ. მაპატიე, ჩემო სიცოცხლე, რომ ასე შეგანუხე, მაგრამ სხვანაირად არ შემეძლო-მეთქი. მართლა არ შემეძლო. ახლა ერთს გთხოვ და შვილს გაფიცებ, თუ არ შემისრულოო, შენი გულისთვის ღომს შევუყოფ თავს ხახაში-მეთქი, მართლაც შევუყოფდი, რაც ჩვენს შორის მოხდა, ამის დავინყებას არა გთხოვ, ვიცი, შეუძლებელია, მაგრამ თბილისში ნურასოდეს დამირეკავო. ჩავთვალეთ ეს ყველაფერი ღამაზ სიზმრად და საგულდაგულოდ შევინახოთო. პირობა მივეცი, მაგრამ თბილისში რომ დავბრუნდი, ვერ მოვითმინე და დავურეკე. უცნობივით, ცივად მელაპარაკა. თუ ოდნავ მაინც პატივს მცემ, არ დამირეკო, თორემ თავს მოვიკლავო, მითხრა. უკვე მეორე წელი იწურება თვალთ არ მინახავს და არც დამირეკავს.

ასე იყო ეს ამბავი. უნდა მიმიხვდე, რატომ მოგიყევი. არ გეგონოს, ჩემი ვაჟკაცობა ჩანდეს აქ. უფრო პირიქითაა, მაგრამ იცოდე, ქალთან, ძმაო, სიჯიუტე ხანდახან კარგი იარაღია. უნდა დაარწმუნო, რომ უიმისოდ არ შეგიძლია. თანაც, თუ ეს ნამდვილად ასე არ არის, ვერაფრით ვერ დაარწმუნებ. ქალები სიყალბეს რაღაც გასაოცარი, ქალური ინტუიციით გრძნობენ. რა შეიძლება დავარქვათ ამ ამბავს, სიყვარული? ჩემი მხრივ იქნებ ჰო, მაგრამ ქალის

მხრივ არავითარ შემთხვევაში. როცა ჩემმა გრძნობამ ქალის გონებაში გაიარა, უკვე გვიან იყო. მაგრამ მან იპოვა თავის თავში ძალა, დროზე გამოფხიზლდა და მომშორდა. რატომ მიპასუხა? რატომ აპყვა ჩემს სიჯიუტეს? იგი ნორმალური ქალი გახლავთ და მის არსებაში სწორედ იმ მთვლემარე სულმა გაიღვიძა, კაცობრიობას რომ ამრავლებდა იმ ათასეული წლების წინათ, სანამ ასეთი ჭკვიანები და აზრიანები გავხდებოდით. ამიტომაც ჩემს წარმოდგენაში ხომ წმინდან ქალად დარჩა ის ქალი, არც სხვას ვურჩევ მისი საქციელის ხელალებით განსჯას, რადგანაც მთელს ამ ისტორიაში ბრალი თუ ვისმე მიუძღვის, ისევ და ისევ მე. ქალი კი მაინც ქალია, ძმობილო.

შენ კი დაგიჯინია, უარი რომ მითხრას, ხომ შევრცხვი, ხომ მომეჭრა თავიო. არ დაიჯერო, ეგ ამბავი. უარის შემთხვევაშიც დიდ საქმეს აკეთებ, იცოდე. შენს კაცობას ამტკიცებ და ქალსაც აგრძნობინებ რომ ქალია, იმ შუქს მიჰყენ სიყვარულისას, რომლის გარეშეც ქალი არ ქალობს. ოღონდ კიდევ, ერთხელ გაფრთხილებ – გულწრფელი უნდა იყო. თუ ამ საქმეზე წახვალ, მართლა უნდა გიყვარდეს.

რაც შეეხება შესახედაობას, ეგ ეჭვი ამოიღე გულიდან. შენ მამაკაცი ხარ, მორჩა და გათავდა. ჭკვიანი ქალი მუშტრის თვალით არ გაზომავს შენს მიხვრა-მოხვრას. დიდი ამბავი – ყურები გაქვს დიდი, დაიქცა ქვეყანა?

\* \* \*

ცოლის ქება რომ აუგია, ჩემზე უკეთ თქვენ იცით, ბატონო გელა, მაგრამ სიტყვას მოჰყვა და, ჩემს მეუღლეზეც უნდა გაიამბოთ. თქვენ რომ არ წამოგენყოთ ეს საუბარი და არ შეგეთამამებინეთ, ალბათ, არც მე გამახსენდებოდა, კაი ხანია არავისთვის მიამბნია ფარსაგი არაფერი გეგონოთ, ჩვეულებრივი ამბავია.

მეც მედღეხვალე კაცი ვიყავი ზოგიერთივით და დაოჯახება დამიგვიანდა. ცხონებულმა ბიძაჩემმა, მარტოხელა გახლდათ, ერთოთახიანი ბინა დამიბოძო და იმ ბინამ კინალამ დამიღუპა, უმვილძიროდ კინალამ გადამაგო. უნივერსიტეტი რომ დავამთავრე, ჩამოვედი გოჭოურაში, „ტყავფეხსაცმელში“ დავინყე მუშაობა უმცროს ეკონომისტად და ვიყავი არხენად. არხენად იმიტომ, რომ ერთოთახიანში ვცხოვრობდი, ბიძაჩემის ანდერძის წყალობით, თავზე არ მანვიმდა, თორემ შემოსავლით დიდად გალალბული გახლდით-მეთქი, რომ გითხრათ, ტყუილი იქნება, ხელფასზე ვიჯექი. ზოგს ასე ეგონა მაშინ, „ტყავფეხსაცმელში“ თუ მუშაობ, თავი ქუდში გაქვსო, მაგრამ არც იმ დროს იყო მთლად ასე. სად

იყო ფული, ფულს უმცროს ეკონომისტამდე ვინ მიუშვებდა. ბედს მაინც არ ვუწიოდი, რაც მეტს იშოვი კაცი, ხომ იცი, მადაც გემატება. საბანს ისე ვიხურავდი, როგორც მწვდებოდა და მივყვებოდი დღეებს აღმა-დაღმა. ერთოთახიანი ბინის პატრონი უცოლო კაცები დამერწმუნეთ, თითქმის ყველანი ერთნაირად ცხოვრობენ. ოჯახს არ ეკიდებიან, ფართობი არ გვეყოფათ, ხოლო იმ საეშმაკო და სამამაძაღლო საქმიანობისთვის, უმეტესი მათგანი რომ ენევა, ერთოთახიანი ბინა ფრიად მოხერხებული რამ არის. ასე რომ, ჩემი ფიქრით, ერთოთახიან მარტოხელა კაცებს. თუ მათთვის კარგი გვინდა, ან მეორე ოთახი უნდა დაუმატო და მკაცრად დაავლო ცოლის შერთვა, ან ის ერთიც უნდა წაართვა და ქუჩაში დატოვო. ჩემს აზრს მოგახსენებთ, რასაკვირველია. და კანონის ძალას ნუ მისცემთ ამ ჩემ ნათქვამს, მე თვითონვე გთხოვთ.

გადიოდა დრო, გარბოდნენ წლები. ჯერ ისე არ გამჭირვებია, რომ ცოლი შევიერთო-მეთქი, ვიმეორებდი უცოლშვილოთა აჩემებულ ნათქვამს, ხოლო უპრეტენზიო და მშვენიერი ქალები, ღვთის წყალობით, მაშინაც საკმარისად იყვნენ.

თავი რომ არ მოგანყინოთ, ნელ-ნელა ჩავდექი ჯიუტ უცოლოთა მწყობრში, ჩემი წრე მაქვს, ჩემს პატატვრან სიყვარულებს ვაგროვებ, ჩემს სეზონურ ტროფობა-ცრემლობანას და წერილობანას ვთამაშობ. ორმოცს რომ მივუკაკუნე, ჩემ თავს მე თვითონვე ვუთხარი: – ერიჰა, ნამეტანი გაუტიე, ბუჭა ხომერიკო. ასე არ ივარგებს, ყურები გამოიფხიკე, და, მამაჩემსა აქვს ცხონება, პირველივე ქალი, რომელიც თვალში მოგივა, რასაკვირველია, თუ შენს ცოლობას ღვთის რისხვად არ მიიღებს, შეირთე და ოჯახს მოეკიდე-მეთქი.

ვთქვი და გავათავე კიდეც. იმ წელს მოანგარიშეთა კურსებზე საბუღალტრო აღრიცხვის საათები მომცეს. მოვძებნე სტუდენტობისდროინდელი, დაჩრჩილული რვეული და შევუდექი ლექტორის ძნელი პურის ჭამას, ერთ კვირაში, კარგად რომ მივიხედ-მოვიხედე, სამტრედიელ მოანგარიშე გოგოს დავადგი თვალი. ბევრი გაკითხვა-გამოკითხვა არ დამინყია, ამ საქმეს რაც მეტს გააჯანჯლებ და ხალხის ჩარევას დაინყებ, მით უფრო ცუდად დამთავრდება. შესვენებაზე სამასწავლებლოში დავიბარე გუგული და მიკიბვ-მოკიბვის გარეშე ვაჯახე ცოლად გამოყოლის წინადადება. ხვენწის და დევნა-ლოდინის თავი არა მაქვს, ა, ეს ვარ, რაცა ვარ და, თუ ქალი ხარ, ხვალ მითხარი პასუხი-მეთქი. რალა ხვალ, ახლავე გეტყვიო, გაეცინა, რა გაქვს ჩემი დასანუნო. თურმე იმასაც ჩავვარდნოდი გულში. მე მორწმუნე არ გახლავართ, მაგრამ რალაც შინაგანი ძახილი აპოვინინებს ხოლმე ადამიანებს ერთმანეთს. კარგა ხნის მერე



მიტხრა ჩემმა ცოლმა: შემოხვედი თუ არა ჩვენთან ლექციის ნა-საკითხად, იმ წუთიდანვე ვიცოდი, რომ შენი ცოლი გავხვდებოდი, სამასწავლებლოში რომ დამიბარე, უკვე მესმოდა, რასაც მეტყვოდი და ისიც კარგად ვიცოდი, რაც უნდა მეპასუხნაო.

ასე, გაუჭირვებლად ჩაიფარცხა ჩვენი საქმე. ერთი კვირის შემდეგ განცხადება შევიტანე და პატარა პურ-მარილი გავმართე. შვიდ-რვა ძმაკაცს დავუძახე, მეტის თავი არც მქონდა, მშობლებსაც არ შევატყობინეთ. ჩემებს იმ შუა ზამთარში ჭრებალოდან ჩამოსვლა გაუჭირდებოდათ, გუგულის ავადმყოფი დედალა ჰყავდა. ამ, და სხვა მიზეზების გამოც, გაზაფხულზე დავთქვით ქორწილი.

განცხადება შევიტანეთ-მეთქი, უკვე მოგახსენეთ და სუფრა რომ ჩამთავრდა, მივაცილე გუგული თავის საერთო საცხოვრებელში. კაკიტელაშვილის ქუჩაზე იყო მაშინ, ახლა მგონი იმ შენობაში ფარმაცევტული სასწავლებელია. ცოლი ხარ ჩემი დღეიდან, ქალბატონო გუგული, შეკარი შენი ბარგი და წამოდი ჩემთან-მეთქი. ამ წუთში ჩამოვალ, დამიცადე, არ ნახვიდეთ, თქვა, და გაფრთხილდა. წისქვილის ბორბალი შვიდ შემობრუნებას ვერ მოასწრებდა, ისე ჩქარა გაჩნდა ჩემს წინ პატარა, ნაცრისფერი ჩემოდნით ხელში. იმ ჩემოდანს აქამდე ვინახავდით, მაგრამ ბავშვებისაგან ვერ ვიპატიეთ, ჯერ სათამაშოებს ყრიდნენ შიგ, მერე აფრა გაუკეთეს და ნავად აჯალჯლალებდნენ აბაზანაში.

პირველ ღამეს ვათევ ჩემ ცოლთან და ბედნიერებასთან ერთად, ცოტა არ იყოს, შიშიც გამიჯდა გვერდებში. რისი შიში? ვინმემ არ მომიკაკუნოს შუალამეზე. არ მომეჭრას თავი. რა დაგიმალოთ და, უსტუმრობას არ ვუჩიოდი მაინცდამაინც. ხან ქმარსგაშორებული ნაზიკო შემოირბენდა, ბავშვს და დედამთილს რომ დაძინებულს დაიგულებდა, ხან, ეს უფრო მიწყალებდა გულს, ძმაკაცთაგანი დამელრიჯებოდა: გოგო მყავს მოყვანილი და ჩამოგვაჯინე ხუთ წუთს შენ ლოგინზეო. რამდენჯერ „მისეირნია“ შუალამისას აკანკალებულს ეზოში და შორიდან მითვალთვლებია ჩემი ოთახის ჩამქრალი ფანჯრები. არა და, ისე ჯიუტია ზოგიერთი, შენც რომ სტუმრად ქალი გყავდეს, არ შეგეპუება, გააცილე ჩქარა და შემომიშვი, კაცი არა ხარო? არ შემოუშვებ და ცუდი კაცი ხარ, შემოუშვებ და ერთსაათიანი იძულებული ბოლთის ცემით გამწარებული, სწყევლი მარტოხელა კაცის გაჩენას.

ისე აგიხდეთ ყოველივე კარგი, როგორც მე ეს შიში გამიცხადდა. შუალამისას ფრთხილი კაკუნი გაისმა. ჯერ ნაუყურე, იქნებ გუგულიმ ვერ გაიგონოს-მეთქი. ქალს კატის სმენა აქვს, შენ გამოაპარებ რამეს? საათს შევხედე, პირველს აღარაფერი აკლია. მივფშლატუნდი

კართან ტრუსის ამარა. გავალე და ელდა მეცა. ყელმოღერებული, თეთრხუჭუჭთმიანი, ანგელოზით რუსის გოგო დგას კართან ჩემოდნით ხელში. დავაკვირდი – ლუსია, ლუსია კურჩატოვა. ამ ზაფხულს გავიცანი ზღვაზე, სვეერნოდონსკიდან ვარო, მისამართიც მიწერია ბლოკნოტში სადღაც. რა ქვას ვეცე ახლა, ამ შუალამისას, რამ გაახსენა ჩემი თავი ამ ოჯახაშენებულს. თუმცა რაღა რამ. რაც მე ამას სიყვარული ვუმტკიცე. კურორტის ლამაზ ფერიებთან ლაპარაკი ყველა მამაკაცს მშვენივრად გვაქვს დამუშავებული: მე-მეთეი ჩემი ბუნებით გულჩახვეული, უენო კაცი ვარ და პირველი ერთადერთი გოგო, რომელსაც გავესაუბრე, თქვენ ბრძანდებით-მეთეი. ადამიანი რომ შეგხედავთ, ისეთი სათნო თვალები გაქვთ და ისე სუფთა გამოხედვა, რომ არ შეიძლება სიმპათიით არ განენწყოს თქვენს მიმართ-მეთეი. აჰა, ჩემი გული და ჩემი მისამართი, სიკვდილამდე ერთგულ მეგობრობას გთავაზობთ-მეთეი. საქართველო ღვთის სიკეთით პირთამდე სავსე ქვეყანაა, იქნებ დაგჭირდეთ ხილველ-ციტრუსეული, ღვინო, სუფთა ჩაი, ხურმის ჩირი და ამისთანობა, პირველივე თქვენს ზარზე ერთ ვაგონს გამოგიგზავნით-მეთეი. საერთოდ, როგორც კი დროს იშოვით, ჩამობრძანდით, გოჭოურა დინოზავრების ქალაქია, რიონის პირას თხმელებში ახლახანს „არგოს“ ნარჩენები იპოვნეს-მეთეი. ნამეტანი დაპირება ვიცით, მაგრამ იმ წუთებში ისე უხდება საქმეს. ჰოდა, მოკიდა თავის ჩემოდანს ხელი ლუსიამ და ჩამოვიდა ამ სიშორეზე. რას ეტყვი, მე რა ვიცოდი, ცოლს თუ შევირთავდი ასე მალე. კაცმა რომ თქვას, არც თვითონაა მთლად მართალი. დაერეკა (თუმცა სად დამირეკავდა, სადაა ტელეფონი) ან დეპეშა მაინც გამოგზავნა მაგ მამაგანათლებულს.

გამოვიხურე კარი და გადავეხვიე ლუსიას. საიდან, როგორ, რატომ არ შემატყობინე, ამ შუალამეზე რამ მოგიყვანა-მეთეი. მიხვდა, რომ შეეცბი, მთლად ისე რომ ვერაა ჩემი საქმე, როგორც ელოდა. მოსკოვ-წყალტუბოს ჩამოვეყვიო. „გოჭოურა-მეორე“ სადგური თქვენგან საკმაოდ შორს ყოფილა, ავტობუსს საათნახევარი ველოდე და მერე ტაქსს გამოვეყვიო. შინ რატომ არ მეპატიჟები, სტუმარი ხომ არ გყავსო. – ჩემო ლუსია, საყვარელო, ცრემლი ყელში მანვება, ცოლი შევირთე-მეთეი. „ტიჩტო-ვო“, გაიკვირვა, მერე უეცრად სევდამ გადაურბინა გადატყეცილ, ლამაზ სახეზე, რა ვქნა აბა ახლა, სადღა წავიდე ამ შუალამეზეო.

ამასობაში გუგული ამდგარა, ხალათი ჩაუცვამს და გამომდგომია. „ვის ელაპარაკები, ბუჭა, შემოიყვანე სახლშიო“, მეძახის. კარი გავალე და ერთმანეთს წარვეუდგინე. გაცნობის ცერემონიალი მშვიდად ჩამთავრდა. მოსალოდნელზე გაცილებით უფრო ტკბი-

ლად შეხვდნენ ერთმანეთს. ჩემი დაღწეული რუსულიდან სწრაფად ჩამოვქართულდი, რალა ახსნა უნდოდა, მაგრამ მაინც: გუგული-მეთქი, ეს გოგო ამ ზაფხულს ზღვაზე გავიცანი და სტუმრად ჩამოვიდა. რა ცეცხლში ჩავვარდე, არ ვიცი-მეთქი. ვენაცვალე, იმის შემდეგ ორჯერ მეტად შემიყვარდა ჩემი ცოლი, რა სასწაული ეს არის, მაგრამ ყველა გაიგებს? ქორწინების პირველ ღამეს გაფაშფაშებული რუსის გოგო მოგადგა ჩემოდნით ხელში, პატარა საქმეა? „ზახადიტე პაჟალუსტაო“, გუგულიმ, შემოიყვანა, მოეფერა, სუფთა პირსახოცი მხარზე გადააფინა და აბაზანაში შეუძღვა, ჩაი გაანყო, დააღვინა, აბრეშუმის კულულებზე ხელს უსვამს, ალბათ, გზაში ნამეტანი განვალდითო, ეჭიკჭიკება ჩიქორთულად.

ეს ყველაფერი კარგი, მაგრამ ანი რალას შვრები, ბუჭა ხომერიკო. სად აწვენი ამ გოგოს. ერთადერთი არაბული ტახტი გვაქვს. შეზღონგი მქონდა მიყუდებული კამოდს უკან, მაგრამ მეზობელს სტუმარი ჩამოუვიდა და, ჩემდა იღბლად, გუშინნინ ვათხოვე, რა ვქნა ახლა?

სად დავანვინოთ ეს გოგო-მეთქი, გადავუკარი გუგულის. წარბიც არ შეუხრია. ჩემს გვერდით დავანვენ, აბა, ეს რომ სასტუმროში მივიყვანოთ, გადარევენ, თუ ვინმე სალახანაა გოჭოურაში, ამის კართან დადგებო. არ იცი, რა დაფეთება იციან, ამნაირი თმის პატრონ გოგოებზეო?

ასე იყო თუ ისე, მოვასვენე, ჩემი ცოლის გვერდით არაბულ ტახტზე ლუსია კურჩატოვა, მე კი – სიძე-კაცი ნათლიაჩემს მივადექი შუალამეგადასულზე. რომ მოვუყვი, ასე და ასე მომივიდა-მეთქი, ფარანი ხელიდან გაუვარდა ნათლიაჩემს და ისეთი სიცილ-ხითხითი ატეხა, ოჯახის წევრებს ვინ დაეძებს, მეზობლებიც დააღვიძა.

ხვამლს კარგად აშორებული იყო მზე, ნირნამხდარი და ფეხათრეული შინ რომ დავბრუნდი. სხედან ჩემი ცოლი და სტუმარი, ჩაის შეექცევინ და ისე ტკბილად მასლაათობენ, თითქოს ერთი დედის მუცლიდან იყვნენ ნაშობნი და მთელი ცხოვრება ერთად გაეტარებინოთ. „რა მშვენიერი გოგოა, რა საყვარლად ფშვინავდა, რომ იცოდე, მთელი ღამეო. დაძინებულზე ამის ყურებას არაფერი სჯობდაო. რა სუფთა გოგოა, რომ იცოდე, დანკრიალებული აცვია ყველაფერიო. ნამეტანი ალალი გულის პატრონია, მიაბო ყველაფერი. მომკლა ამის საცოდაობამ, ლოთი შეხვედრია თურმე ქმარი და ხუთ თვეში გამოქცევიაო. ქსოვილკომბინატში ვმუშაობ და საერთო საცხოვრებელში ვცხოვრობო. ისე, რომ უჭირს, ეტყობა სანყალს. უბრალო აცვია ყველფერი, მაგრამ კობტად მორგებული. სად ექნებოდა ამას ამხელა გზისფული. ხელფასზე მორჩენილი კაპიკებიტაა, ალბათ, ჩამოსულიო“.

გუგული ამას რომ მეუბნებოდა, ოქროსთმიანი სტუმარი ხან მე შემოხედავდა და ხან ჩემ ცოლს შეავლებდა ალერსიან მზერას. გადამდები, მომწუსხავი სიტბო და თვინიერება დასადგურებულები-ყო მის დიდრონ ცისფერ თვალებში.

ერთ კვირას დარჩა ლუსია გოჭოურაში, ის ერთი კვირა გვერდიდან არ მოვშორებივართ მე და გუგული. მთელი დღე ხელჩაკიდებული დავატარებდით. რაც შეგვეძლო, ვაგეგუთ-ვაგელათებდით, ხოლო ღამით სტუმარი ჩემი ცოლის გვერდით იწვა და მე, სამზარეულოში, შეზღონგზე მეძინა.

გაცილებისას რიონის სადგურში ისე ხმამაღლა აქვითინდნენ და ჩაეფსკვენენ ერთმანეთს – ძლივს მოვაშორე.

ახლაც დიდი მიმონერა აქვს ჩემ ცოლთან ლუსიას. ჩამოსვლით კი მეტი აღარ ჩამოსულა. გათხოვდა მალე და, ალბათ ქმარმა აღარ გამოუშვა.

\* \* \*

ილუმინატორს თეთრი წყვილია ებურა. თითქოსდა თვითმფრინავი რძეში მიცურავდა. დროდადრო, წყვილია რომ ოდნავ შეთხელდებოდა, ფრთებზე ელვასავით გაკრთებოდა წითელი ნათურა. შასები რომ გრუხუნით ჩამოიშალნენ, იმის შემდეგაც კარგა ხანი გავიდა. გელას ეგონა, ესესაა ერთხელ კიდევ ჩაეჭანდებით და გაცრეცილი ღრუბლებიდან მუქლურჯი მინა გამოჩნდებო, მაგრამ ძრავებმა ღონივრად ამოიწვილეს და თვითმფრინავი კვლავ თეთრ ბურუსში გაეხვია. ათიოდე წუთში კი სტიუარდესას მშვიდი ხმა გაისმა: „ყურადღება, თვითმფრინავი ორმოცი წუთის შემდეგ დაეშვება ბაობაოს აეროპორტზე. ჰაერის ტემპერატურა თხუთმეტი გრადუსია“. ესეც ასე. გელა თვენახევარია შინ არ ყოფილა და ახლა, როცა სახლთან ასე ახლოს იყო, სწორედ ახლა დაწყდა ყველაზე მეტად გული, საჰაერო ტრანსპორტმა რომ დაალაღატა. „რალა ახლა დაიკეთა თბილისის აეროპორტი. ცოლ-შვილი მაინც არ გამეფრთხილებინა, აეროპორტის რკინის მოაჯირთან დგანან ახლა და ტყვიისფერ ცას აჰყურებენ. ამ ბოლო ხანს სანტიმენტალური გავხდი. სხვა დროს მოულოდნელად მივადგებოდი ჩემი სახლის პარმალს. მაინცდამაინც დღეს საოცრად მომინდა, დამხვედროდნენ. თვითმფრინავის ტრაპიდანვე დამენახა ორივენი. ესეც შენ გელა კირთაძე. ბაობაოს აეროპორტის მოსაცდელის ნაბიჯ-ნაბიჯ გაზომვა მოგიწევს“, ამ ფიქრებით გართულს ზურგსუკან ბავშვის ტირილი მოესმა. მიიხედა. ახალგაზრდა შავთვალწარბა დედიკოს ჩვილი გულზე აეხუტებინა და მთელი ტანით ირწეოდა, მაგრამ ბავშვს მოსწყენოდა თვითმფრინავი

და პროტესტს ისე გულმოსკვნით გამოთქვამდა, რომ გელას გული შეეკუმშა. ჯიბე მოიქეცა, გასაღებების შეკვრა ამოიღო და ცხვირთან გაუჩხრიალა. პატარა მოქალაქემ ტირილი შეწყვიტა, გასაღებს ფუნჩულა თითებით მისწვდა, მაგრამ მსწრაფლ მოისროლა და უფრო ენერგიულად ატირდა.

თვითმფრინავი ნელა, ღულუნით ეშვებოდა. ბოლოს, როგორც იქნა, გამოჩნდა ნისლდაფენილი მიწა, რომელიც თანდათან ამოინია, გაცხადდა. ჯერ ქარხნების აბოლებული მიწები გამოიკვეთა, მერე ქუჩები და მეჩეთები. დაჯდომისას თითქოს თვითმფრინავმა სიჩქარეს მოუმატაო, ელვისისსწრაფით შემოტრიალდა უზარმაზარი მწვანე მიწდორი, თვითმფრინავისკენ შუაზე ჩაშავებული, მტკვრის-სიფართე ბეტონის გზატკეცილი გამოქანდა. მანქანა წითელ ნათურებშუა მოექცა, შხუილით გაიქროლა და ზღართანით შეეხო ასფალტს. მეორე მუხრუჭმა თვითმფრინავი საბოლოოდ დაიმორჩილა, მესამემ კი ასაფრენ-დასაფრენი ბილიკიდან გადაახვევინა და მარჯვნივ, აეროპორტის შენობისკენ „ჩინდრიკით“ წაიყვანა.

სტიუარდესამ მგზავრებს აეროპორტის მოსაცდელში დასვენება შესთავაზა და გააფრთხილა, ყურადღებით ყოფილიყვნენ, რადგანც თვითმფრინავის გაფრენის ზუსტ დროზე დამატებით იქნებოდნენ ინფორმირებულნი.

გელამ იცოდა, რას ნიშნავდა „აეროპორტის მოსაცდელში დასვენება“ და ისიც მშვენივრად უწყოდა, რომ მგზავრთათვის გაურკვეველი მიზეზის გამო მორიგე აეროპორტზე დაშვებული თვითმფრინავი, სულ მცირე, ოთხ საათს მაინც არ დაიძვროდა ადგილიდან, ამიტომაც ხელჩანთან ამოიღლიავა და ჩქარი ნაბიჯით აეროპორტის სასტუმროსკენ გასწავა.

ბაობაოში ქარიანი, მშრალი ამინდი იდგა. თვითმფრინავების გრგვინვა-სისინისაგან ყურთასმენა არ იყო. ყურადღება მიაქცია: შენობის გასწვრივ, ქუჩის პირას სავარძლები პირწმინდად დაკავებული იყო, ეს იმას ნიშნავდა, რომ ახლომახლო აეროპორტთაგან მხოლოდ ბაობაო იღებდა თვითმფრინავებს და მოსაცდელში ახლანემსის ჩასავარდნი ადგილიც არ მოიძვევებოდა.

საათზე დაიხედა, ათს ალარაფერი აკლდა.

სასტუმროს ვესტიბიულში ერთმანეთზე მიწყობილი მგზავრები თვლემდნენ. კიბეზეც კი არ იყო ტევა. ჩალმიანი ადმინისტრატორი თეთრი კბილებით უღვაშს ინინკნიდა და ხვადი კატის ბღვერით შესცქეროდა ტელევიზორს. იქვე, მუყაოს შავ ფირფიტაზე დიდი, ბატიფეხური ასოებით რუსულად ეწერა: „სასტუმროში და ბარგის შესანახ საკანში თავისუფალი ადგილები არ არის“. ამ უიმედო

განცხადების ავტორს მოეხერხებინა და ნაწერში ოთხიოდე გრამატიკულ-ორთოგრაფიული შეცდომა დაეშვა.

გელა ადმინისტრატორის მაგიდასთან, ყოველშემთხვევისათვის, მაინც მივიდა. ტელევიზორსაც კი შეავლო თვალი. ეკრანზე ქალაქში მოსეირნე ჩანთოსანი კენგურუ მოჩანდა. ტელევიზორს ხმა ჩავარდნოდა და ვერ გაარკვია, რომელ კონტინენტზე და რატომ დასეირნობდა კენგურუ ასე თავისუფლად. ჩვენს გმირს თავისი დარდი ჰქონდა და ცნობისმოყვარეობა დაიოკა. „ამ შმორის სუნს გავშორდები, ჰაერზე მაინც გავივლიო“, გაიფიქრა. ქუჩაში გამოსულს სასტუმროდან ვილაცამ გამოსდია.

– ბოდიში, თქვენ ადგილი გნებავთ, ალბათ, – ინტელიგენტური გარეგნობის, რუხმოსასხამიანი, მაღალი კაცი ედგა წინ.

– მინდოდა კი.

– იცით რა. ამ წუთში განთავისუფლდა ერთი ნომერი. ადმინისტრატორმა ჯერ არც კი იცის. გამომყევით. მე მოგიხერხებთ ამ საქმეს.

გელა გაჰყვა. მესამე სართულზე ავიდნენ. წელზე შალშემოხვეული, ტანსრული, გადაბმულწარბებიანი მორიგე ქალი ჩაის სვამდა. გელას პასპორტი და ოცი მანეთი დაატოვებინა და თავაზიანად სთხოვა. ცოტა გაიარეთ, თხუთმეტ-ოც წუთში მობრძანდით, დავალაგებთ. სამასოცდარვა იქნება თქვენი ნომერიო.

რუხმოსასხამიან ქველმოქმედს მაღლობა გადაუხადა და კიბეზე დაეშვა. ახლა გაახსენდა, რომ შიოდა. წელან აეროპორტის სკვერში მანდარინს ჰყიდდნენ, თუ მივუსწარი, პირს მაინც გავისველებო.

რიგში ათიოდე მყიდველი იდგა. მემანდარინე, თეთრხალათიანი, ცვირკაუჭა კაცი წამდაუნუმ გაიძახოდა: „ვისაც ჭურჭელი არა გაქვთ, ნუ დადგებით, პარკები გამითავდაო“.

– თქვენ იქნებით ცოტა ხანს? – მიუბრუნდა გელას წინ მდგომი ვაჟურად, მოკლედ თმაშეკრეჭილი გოგონა, რომელსაც სწორი, ლამაზი ცხვირი და რბილი, ალერსიანი ხმა ჰქონდა. ასეთი ხმა მხოლოდ ახლადგალვიძებულ ქალიშვილებს აქვთ.

გელამ თავი დაუქნია.

– თუ შეიძლება, ახლავე მოვალ. იქნებ პარკი ან გაზეთი ვიშოვო სადმე, – ქალიშვილი შეწუხებული, დაღლილი, მაგრამ საოცრად ლამაზი, დიდრონი ცისფერი თვალებით შესცქეროდა.

– მოითმინეთ, – გელამ ხელჩანთა გახსნა, – მქონდა რალაც. აი, აქ არის, – „სოლანის“ ფირმის თხელი, ნეილონის პარკი გაუნოდა, – თუ გამოგადგებათ.

- კი, მაგრამ თქვენ? – გამოართვა გოგონამ და პარკზე დახატულ ტორშემართულ ლომს დააჩერდა.
- მე ნახევარ კილოს ვყიდულობ, მეტი არ მინდა, ჯიბეში ჩავიყრი.
- დიდი მადლობა.
- არ ღირს მადლობად, საით მიფრინავთ?
- თბილისმა არ მიგვიღო და აქ დაგვსვეს. თქვენ?
- ერთ ბედქვეშ ვყოფილვართ. – გელას გაეცინა.
- თქვენც ცხრაას ოცდაშვიდი რეისით მგზავრობთ? რატომ ვერ შეგნიშნეთ თვითმიფრინავში?
- უფრო დიდი უბედურება ის არის, რომ მე ვერ შეგნიშნეთ. პირველ სალონში იჯექით?
- არა, მეორეში, მესამე რიგზე.
- თქვენ წინ ყოფილხართ. მე მეცამეტეზე.
- რამდენი წელია დავფრინავ და პირველად მოვხვდი საჰაერო შეფერხებაში, – ამოიოხრა გოგონამ.
- თქვენი შესახედაობის მიხედვით თუ ვიმსჯელებთ, ფრენის დიდი სტაჟი არ უნდა გქონდეთ.
- გმადლობთ კომპლიმენტისთვის, მაგრამ ამ ბოლო დროს ხშირად მიწვეს. მარტო ამ თვეში, მეორედ მოვფრინავ.
- თბილისელი არ უნდა იყოთ.
- რატომღაც ყველას ასე ჰგონია. ძირძველი თბილისელი ვარ. პაპაჩემიც იქ დაიბადა. მაკუტიაში კურსებზე ვსწავლობ.
- რის კურსებზე, თუ საიდუმლოება არ არის?
- ბავშვთა ფესხაცმელების ქარხანაში ვმუშაობ. ახალი დანადგარები მივიღეთ, გერმანული რეზინის ჩექმების მოდელისთვის. იმ მანქანების გამართვა-პატრონობას გვასწავლიან, აგერ, მესამე თვეა.
- მარტო ხართ?
- ორნი ვართ, მაგრამ ჩემი ამხანაგი მაკუტიაში დარჩა. საერთოდ, მორიგეობით მოვდივართ. რო რამე იყოს, ერთი მაინც ადგილზე იქნება.
- თქვენი ქარხანა მანსვეტაშვილის ქუჩაზე არ არის?
- დიახ.
- სახელი თქვენი?
- ლია.
- მე გელა მქვია. ოჯახური მდგომარეობა, ლია?
- გაუთხოვარი, ამას დიდი მნიშვნელობა აქვს?
- უფრო ზუსტად, გასათხოვარი. მნიშვნელობა თქვენზე უიმედოდ შეყვარებული ბიჭებისთვის აქვს, ალბათ, უპირველეს ყოვლისა. ასეთები ბევრნი არიან?

ლიას ჩაელიმა.

– არც მაინცდამაინც.

– თუ ყოფილა თქვენს რთულ ცხოვრებაში მოტაცების მცდელობის ან ღამით სანოლიდან მოპარვის შემთხვევები.

– ჯერ არა.

– ამაშია საქმე. ამიტომ მიკვირს შენი ტოლი ბიჭების. მათი ვერაფერი გამიგია. შეიძლება შენისთანა ლამაზი გოგო არ მოიტაცონ?

– აბა, აბა, – აჰყვა ხუმრობაში ლია ახალგაცნობილ მამაკაცს, – თქვენ რამდენი წლის ბრძანდებით?

– ოცდაჩვიდმეტის. ძალიან დიდი ვარ?

– არც ისე. მე რამდენის ვიქნები?

– ოცის.

– უფრო ზუსტად?

– ოცდაერთის.

– ოცდახუთი თებერვალში შემისრულდა.

– ვერ დავიჯერებ?! – შეიცხდა გელამ.

– არც სხვებს სჯერათ.

– ჰოდა, ჩვენს დროს რომ ყოფილიყავი, აუცილებლად მოგიტაცებდნენ. შენისთანა საყვარელ გოგოს ვინ გაუშვებდა. მე მოტაცებით შევირთე ცოლი. ჩემმა ძმამაც. მამაჩემსაც მონატაცები ჰყავს დედაჩემი.

– რა საშინელებაა.

– რა? მოტაცება? სულაც არა. პირველი ხუთი საათი ჭირს, თორემ მერე ყველაფერი უზურში დგება. ახლა ნამეტანი სასიამოვნო პროცედურაა-მეთქი რომ გითხრა, განსაკუთრებით იმისთვის, ვისაც იტაცებენ-მეთქი, არ ვიქნები მართალი. განსაკუთრებით პირში ჩერის ჩაჩრაზე გამოთქვამენ პროტესტს.

– ხომ შევიშლები!

– გააჩნია, ვინ მოგიტაცებს. თუ ცხრათავიანმა დევმა მოგიტაცა, შეიძლება ნერვული სტრესები დაგენყოს, მეტი არაფერი. შეშლას ვერ მოასწრებ. ახალი ცხოვრება თავის ცოტა არ იყოს უხემ, მაგრამ საბოლოო ჯამში მაინც სასიამოვნო კანონებს მოგახვევს თავზე და შენც შეეგუები. მეტსაც გეტყვი; მონატაცებ ქალებს რალაცნაირი სიამაყის, თუ უპირატესობის განცდაც დაჰყვებათ მთელი ცხოვრების მანძილზე.

– „ისე კარგი ვიყავი, რომ მომიტაცეს“, პატარა ამბავია?

ამას გელა ირონიულ-სერიოზული ღიმილით ამბობდა. მარჯვენა ხელის ცერა და შუათითს დროდადრო ერთმანეთს გაუტკაცუნებ-



და, ხოლო მარცხენათი მოსასხამიდან ჩამოცურებულ გრძელსამკლავურიან, ოვალურ ჩანთას ისწორებდა. ღია იცინოდა, მორიდებული მოგუდული სიცილით, რადგანაც არ უნდოდა რიგში მდგომთა ყურადღება მიექცია, ხოლო ის, რასაც გელა ამბობდა, იმდენად სასაცილოდ ეჩვენებოდა, რომ პირზე ოთხივე თითს აიფარებდა და სუნთქვაშეკრული, შავნამწამემოსალტული, სხივჩამდგარი თვალებითლა იცინოდა.

ერთი კილოგრამი მანდარინი იყიდეს, სკვერში გავიდნენ და უწყლო აუზის პირას ამოტრიალებულ, მოჭიქულ დელფინზე ჩამოსხდნენ.

– ღმერთო, რა მოსაწყენია უაზრო ლოდინი, – თქვა გოგომ და ცვას ახედა.

– უაზრო, ალბათ, მოსაწყენია, მაგრამ როცა საქმე გაქვს. არც ისე აუტანელი უნდა იყოს, – წაიფილოსოფოსა გელამ.

– საქმეს გააჩნია, რა საქმე გაქვთ თქვენ ახლა ამ წუთში?

– ძალიან დიდი. თქვენ უნდა გაგართოთ.

– ოჰო, ძნელი მისია გიკისრიათ.

– მე არ მიკისრია, ღმერთმა იცოდეს, გარემოებამ მიკარნახა.

– ხომ არ გაგანთავისუფლოთ ამ ტვირთისაგან?

– ამაზე დიდ მტრობას ახლა ჩემს მიმართ ვერფერს ჩაიდენდით.

– წინათგრძნობა როგორი გაქვთ?

– რაზე მეკითხებით?

– გული რას გეუბნებათ, როდის გავფრინდებით?

– ხვალ დღის მეორე ნახევარში თუ გავფრინდით, დიდი შეღავათი იქნება.

– გაგიჟდით? ხვალ თორმეტ საათზე ჩემი მეგობარი ხელს აწერს, უსიკვდილოდ უნდა ჩავუხსნო.

– ხელისმომკიდე ხართ?

– არა, მაგრამ, სპეციალურად ამისთვის წამოვედი.

– ჩატარებულა უთქვენოდ ქორწილი და ეგაა.

– კარგი რა. ნუ გამიხეთქავთ გულს.

ამის შემდეგ სამ საათს ისაუბრებენ ღია და გელა დაახლოვებით ამგვარ თემაზე: ქალი – „მაღლებზე სიარულს გადავეჩვიე, ისევ მოდაში რომ შემოვიდეს, „რა მემველება“... ვაჟი – „ნებისყოფა არ მივარგა. ხუთი წელია, წვერის მოშვება მინდა და ვერაფრით ვერ მოვახერხე“.

ორს გადაშორებული იყო, როცა დიქტორმა გამოაცხადა: „ცხრაასოცდაშვიდი მარშურტის თვითმფრინავის გაფრენა ექვს საათს დაიგვიანებს. აეროფლოტი ბოდიშს გიხდით მეტეოროლო-

გიური მიზეზით გამონვეულ შეფერხებაზე. თქვენს განკარგულე-  
ბაშია აეროპორტის ფეშენებლური სასტუმრო და მოისვენეთო“.

– ხომ ვამბობდი, – ჩაილაპარაკა გელამ, იმგვარი კილოთი, თვი-  
თონვე რომ ეჭვი ეპარება კაცს წინასწარმეტყველებაში და შემთხ-  
ვევით რომ გაუმართლებს.

– რა მეშველება? – ფეხზე წამოდგა ლია.

– დილის ცხრა საათზე თუ მაინც გავფრინდით, ჩაუსწრებთ.  
თბილისამდე ერთი საათის საფრენია.

– სხვა ტრანსპორტით რომ წავსულიყავი?

– აქამდე უნდა გვეზრუნა. მატარებელი, ალბათ, უკვე გავიდა.

– იქნებ გაგვეგო?

ცნობათა ბიუროს რკინიგზის სადგურის ტელეფონი რომ  
ჰკითხეს, გოგონამ, თითქოს ცნობისწადილს მიუხვდაო, შეაგება,  
– თბილისისკენ ბოლო მატარებელი პირველის ნახევარზე გავი-  
და. საღამოს შვიდ საათამდე აღარაფერი გადის. ავტობუსი დილის  
ცხრა საათზე უნდა წავიდეს. ათ საათს მაინც მოუნდება ჩასვ-  
ლასო“.

– სასტუმროში ადგილს მაინც თუ იშოვის კაცი? – სასო-  
წარკვეთილის ხმით იკითხა ლიამ.

– ვერ გეტყვით. სასტუმრო აქვეა და მიბრძანდით, – გაულიმა  
ცნობათა ბიუროს თავაზიანმა თანამშრომელმა.

სანამ სასტუმრომდე მივიდოდნენ, გელამ მოასწრო ეთქვა  
გოგონასთვის, რომ სასტუმროზე უკვე იზრუნა, იღბლად, ვილაც  
ღვთიანმადლიანმა მოუგვარა ეს საქმე არც თუ უანგაროდ და,  
თუ გაჭირდა, ცისფერთვალეა პრინციპსა თავის ნომერს დაუთ-  
მობს.

– მერე თქვენ? – თავმოუბრუნებლად ჰკითხა ლიამ.

– მე გარეთ კიბეზე ჩამოვჯდები, ან ცხენით ფეხზე გავათევ  
ღამეს ვალმოხდილი რაინდის სასიამოვნო ფიქრით გასმჭვალული.

– არ ვიზამ ამას.

– რატომ? არ გინდათ რაინდობაში ხელი შემინყოთ?

– ძალიან დიდი მსხვერპლი იქნება. კაცებს უფრო გინდათ მოს-  
ვენება.

– რატომ?

– ქალები ხომ გაცილებით უფრო ამტანნი ვართ.

– ეგ ჰიპოტეზა ჯერჯერობით ბოლომდე დამტკიცებული არ  
არის.

სასტუმროს ადმინისტრატორი დახლსმოჯარულ მგზავრებს წამ-  
დაუნუმ უცხადებდა: „ტყუილად დგახართ, არცერთი ადგილი არა

მაქვს და დილამდე არც განთავისუფლდებოა“. კარებშივე გამოტრიალდნენ და კიბესთან რომ მივიდნენ, ღია ალაპარაკდა.

– ძილი ნებისა, ბატონო გელა. ხვალ თვითმფრინავში შეხვედრამდე – ხელი დაუქნია და ნასვლა დააპირა, მაგრამ გელა წინ გადაუდგა.

– მოითმინეთ, ჩვენ ხომ მოვილაპარაკეთ.

– ჩვენ ვერ მოვილაპარაკებდით. სასიამოვნო იყო თქვენი გაცნობა, ახლა კი მე მოსაცდელში შევალ, თქვენ თქვენს კუთვნილ ნომერში.

– ასე არ გამოვა. ნუთუ?

– ძალიან გთხოვთ, ნუ შეშფოთდებით. ნომერში ჩვენი ერთად ყოფნა რომ გამორიცხულია, მე მგონი ეჭვი არ გეპარებათ, ხოლო თქვენი ოთახის ჩემთვის დათმობის ჯენტილმენურ წინადადებას ვერავითარ შემთხვევაში ვერ მივიღებ.

– რატომ?

– ჯერ ერთი, მეცოდებით და მეორეც, მე არაფერი არა ვარ თქვენი. ბოლოსდაბოლოს სიტყვაზე ხომ არ დაგიჭერთ უცხო კაცს.

– ავიდეთ, იქნებ უფრო უმტკივნეულოდ მოგვარდეს საქმე.

– მაინც?

– იქნებ კიდევ აღმოჩნდეს ნომერი. მოველაპარაკები. ავიდნენ. შავნარბეზა მორიგე კვლავ ჩაის შეექცეოდა. მან გაბუტულივით გახედა მოსულებს და გელას უსაყვედურა; სადა ხართ აქამდე, თქვენი ოთახი კინალამ გავეციო. ქალიშვილს ახედ-დახედა და წარბები შეიკრა; ჩვენ ასე არ მოგვილაპარაკნია. სტუმრისთვის დამატებით ოცი მანეთი უნდა გადაიხადოთო.

ღია ფანჯრის გვერდით გაკრულ ქალაქის გეგმას მიუახლოვდა და განგებ დააჩერდა. გულისყური აქეთ ჰქონდა. გელამ კი ენის ბორძიკით აუხსნა მორიგეს, რომ ეს ქალიშვილი, მისი ახლო ნაცნობი, შემთხვევით შეხვდა, თუ ადგილს მოუძებნის მორიგე, ძალიან მაღლობელი დარჩება და უპატივცემლოდ არ დატოვებს, თუ არა და, თავისი ნომერი უნდა დაუთმოს. სასტუმროს თანამშრომელმა დაამთქნარა, პირზე სამჯერ რბილად მიირტყა ხელი და როდის, როდის ამოღერდა. – ადგილზე ლაპარაკი ზედმეტია. ერთად ვერ დაეტყვევით?

– ვერა, – მიუგო გელამ.

– თქვენი საქმისა თქვენ იცით, – მორიგემ სცადა, მკლავი-მკლავში ჩაეხვია, მაგრამ, როგორც ჩანს, სუნთქვა შეეკრა და კვლავ მაგიდაზე დააწყო თავისი ქვირითით გატენილი ორაგულებით სრული და მძიმე მკლავები.

თანამგზავრების კამათმა ქალაქის გეგმასთან გადაინაცვლა. როცა შეიტყო, რომ გელა უადგილოდ რჩებოდა, ლიამ კვლავ წასვლა დააპირა. გელამ დაიფიცა, რომ თუ ლია თავისას არ დაიშლიდა, ნომერში ამაღამ ფეხს არ შედგამდა.

– რატომ? რატომ? – ეკითხებოდა გოგონა.

– ასე ძნელი მისახვედრია? თქვენ ქუჩაში დაგტოვებთ და მე მშვიდად დავიძინებ სასტუმროში? ასეთ უზრდელს ვგავარ?

– კი, მაგრამ ჩემი მხრივ რა გამოვა? გამოგელაპარაკეთ, გაგიცან-გამოგიცინეთ და დალლილ, ცოლშვილიან კაცს თავშესაფარი წაგართვით?

– ასე რთულად არ არის საქმე. ამ შემთხვევაში მე უბრალოდ ჩემს მამაკაცურ მოვალეობას ვასრულებ.

– სხვასაც ასე დაუთმობდით ნომერს? – ლიას ხმაში სიღბო გაერია.

– უყოყმანოდ.

– კეთილი. ოღონდ დილით კიბეზე ჯდომით განანამები და უძინარი თქვენს თავს სარკეში რომ შეათვალიერებთ, არ ინანოთ და არ გამკიცხოთ, კარგი?

– პირიქით. ჩემი უძილობა მოსატანიც არ იქნება იმ სიამაყესთან, რომელიც დამეუფლება, როცა გავიფიქრებ, რომ ჩემთვის განკუთვნილ საწოლში უმშვენიერეს თბილისელ ასულს ეძინა.

– აბა, ღამე ნებისა. თქვენ მაინც სად იქნებით?

– ჩემზე ნუ იდარდებთ. თუ მორიგესთან საუბარი მომწყინდა, ან, რაც უფრო საფიქრებელია, თვითონვე დამითხოვა თავისი რთული, ინტელექტუალური საქმეების გადამკიდემ, სულაც ფანჯრის რაფაზე შემოვჯდები და კაცობრიობის ნათელ მომავალზე ფიქრით გავათევ ღამეს.

ლიამ გასაღები გამოართვა, სამასოცდარვა ნომერს რომ მოარგო, ერთხელ კიდევ გამოხედა მამაკაცს და გაუღიმა.

დაფანჯრულწარბება მორიგე ზანტად, უხალისოდ შესცქეროდა უცნაურ სტუმრებს. როცა გელამ სკამი კედლისკენ გააჩოჩა, ფეხები გაშალა და ჭერს ააცქერდა, მორიგემ ირწმუნა, რომ აქ ერთმანეთთან პასპორტით დაუკავშირებელ ქალისა და მამაკაცის წინასწარმოფიქრებული, სასტუმროს ადმინისტრაციის წარმომადგენლის თვალის ასახვევად გამიზნული სცენა კი არ გათამაშდა, უბრალოდ ამ ორ მგზავრს ჯერჯერობით მხოლოდდამხოლოდ დაგვიანებული თვითმფრინავი აკავშირებდა.

მორიგე უფრო ენაწყლიანი აღმოჩნდა, ვიდრე ერთი შეხედვით ჩანდა. გელას ჩაით გაუმასპინძლდა და რევოლუციამდელი ქალის უუფლებო მდგომარეობაზე საკმაოდ ვრცელი (თუმცა შიგა და შიგ მოსაწყენი) ლექციაც წაუკითხა. მერე, როცა შენიშნა, რომ

სტუმარს თვალები ელულეობდა; ჩაიდანი გამორთო და მშვიდად, დაბეჯითებით უთხრა.

– ფულის დამატება მაინც მოგიწევთ.

– რატომ? – ჰკითხა გელამ.

– თქვენი ნაცნობი გოგონა დაახლოებით თხუთმეტი წუთში დაგეცხებთ და ნომერში შეგიპატიჟებთ.

– რა იცით? – გელას ხმაში შემფოთებაც გაკრთა.

– რა ცოდნა უნდა. მეც ხომ ქალი ვარ. გუმანით ვხვდები.

მორიგეს სიტყვა არ დაემთავრებინა, რომ სამასოცდარვა ნომრის კარი გაიღო და ღია გამოვიდა. ბანანის სისტემის თხელ შარვალზე გრძელი, ბეჭებზე თექადატნეული სვიტრი ეცვა. მოდიოდა ლამაზად, ტანის რხევით, წელში გამართული და ტანკენარი.

– იცით, რა, როგორც მახსოვს, ჩანთა გქონდათ. სად უნდა ატაროთ ამ ღამეში. მომეცით, შევინახავ.

გელამ ჩანთა გაუნოდა.

– ღამე ნებისა, – თქვა გოგომ, ჩანთა მხარზე გადაიკიდა და გატრიალდა, შეჩერდა, მოიხედა. რალაც უნდოდა ეთქვა, მაგრამ გადაიფიქრა.

როცა ღია თვალს მიეფარა, სართულის მორიგემ გელას რომელიღაც შინაური ცხოველის ფართო და წყლიანი თვალები მიანათა და ეშმაკურად ჩაიღიმა:

– ხომ გითხარით.

– ეს ჯერ არაფერს ნიშნავს, – გელას აშკარად არ სურდა სართულის მორიგესთან ფამილარულ-საიდუმლო სჯა-ბაასში ჩაბმულიყო და, ღმერთო შეგცოდე, მგონი არც ის უნდოდა, რომ ბაობაოელი მანდილოსნის გუმანი გამართლებულიყო. ქუდი თვალებზე ჩამოიფხატა და სცადა, დამძიმებული ქუთუთოები დაესვენებინა.

მორიგემ წიგნი ამოიღო და შუაზე გადაშალა. სიჩუმეს მხოლოდ მისი ხვნეშიანი სუნთქვა და წიგნის გადაფურცვლა არღვევდა.

– გელა! – თითქოსდა ძილბურანში ჩაესმა.

თავი ასწია.

– მანდ ძალიან განვალდებით. ნომერში დივანი დგას, იქნებ დივანზე მოისვენოთ?!

– დიდი მადლობა. არა მიშავს.

– იქნებ მორიგეს ერთი თბილი ზენარიც გამოართვათ.

კარი რომ მიიკეტა, გელა წამოდგა და ჯიბეში ხელჩანწყობილმა მორიგეს შეხედა. ქალმა კარადა გამოალო, მრგვალად დახვეული ზენარი გაუნოდა გელას.

– მე ცხრა საათზე გამოვიცვლები. ანგარიშის გასწორება არ დაგავინწყდეს.

\* \* \*

სისულელებების ჯამი იყო ჩემი სიყმანვილე და ასე სისულელ-სისულელებით გავედი ბოლომდე. შენ არ მომიკვდე, მე დაჭკვიანება და დაბრძენება არ მეგრძნოს.

შეცდომების ჯაჭვი ყოფილა ადამიანი, მეტი არაფერი.

ახალგაზრდობა იმიტომაა ყველაზე ლამაზი ასაკი, რომ ანგარიშებით არ გაქვს თავი დამძიმებული... ამკრძალავ ნიშნებს მაინცდამაინც დიდ პატივს არა სცემ. გაბედული ხარ... ჯიქურ ასკდები ცხოვრების ბარიერს. სიფრთხილისა და წინდახედულების ბორკილი ვერაფერს გაკლებს.

ახლა? ჩემს ასაკში? დამანებე თავი, თუ კაცი ხარ. „ეს არ შეიძლება“, „ეს არ მეკადრება“, „ეს დაგვიანებულიამ“ ლამის შემჭამოს და სული ამომართვას.

დეკემბერი იწურებოდა.

უსიამოვნო, ქარყინვიანი ამინდი იდგა.

ტროლეიბუსიდან ჩამოვედი, ტალახიან გვირაბში გავძვერი და ჩვენი რედაქციისკენ მივაბიჯებ. თავჩაქინდრული, რომ იტყვიან, მხრებანწრული.

ვფიქრობ, რა გაძლებს მეთქი ამ სიცივეში ჩემს კაბინეტში რვა საათს. რაც მოსკოვმა გაზი და ელექტრონი შეგვიწყვიტა, მოგეხსენება, არსად არაა წესიერი გათბობა და ჩვენთან იქნება? ძველთაძველი შენობაა, ომამდე დამონტაჟებული მილგაყვანილობა და რადიატორები უდგას.

კიბე რომ ამოვიარე, მაშინვე შევნიშნე ქერათმიანი, დიდტუჩება ლამაზი გოგო. ბუკლეს ქრელი პალტო ეცვა და ქუდი, რასაკვირველია არ ეხურა.

პურის მოგრძო ნაჭერი ჩაებლუჯა და ისე მადიანად ჭამდა, თვალს ვერ მონყვეტდი. ჭამდა თავის სილამაზეში, თავის თვალმოუნყვეტლობაში დარწმუნებული. თითქოსდა ახარებდა ქვეყანას თავის ოც-ოცდაორ წელს. ჭამდა თამამად და უფრო თამამად აყოლებდა თვალს გამვლელ-გამომვლელთ. ადრე არასოდეს შემინიშნავს. არც სიცივე აწუხებდა, არც, ჩემი შეტყობით, დიდი რამე დარდ-საზრუნავი.

იდგა ახალი ადამიანი, საზოგადოებას შემატებული ლამაზი გოგო, თითქოსდა იმ თავანუელი თამამი დგომით და სუფთა თვალელებით მთელ ქალაქს აფრთხილებდა, მოვედი მე და ანგარიში გამიწიეთო... ჩემი წილი, რაც მეკუთვნის ამ ცხოვრებიდან, კეთილი ინებეთ და გამომიყავითო, თავის ადგილს ითხოვდა, მეტს არაფერს.

თქვენ ვერ წარმოიდგენთ რა სილამაზეა... ერთი და იგივე ხალხით გაბეცებულ, გახუნებულ ქუჩაზე უეცრად რომ გამოჩნდება ახალი სახე, ახალი პიროვნება. გუშინ იგი ბავშვი იყო და ვერ ვამჩნევდით. შეიძლება აქაც ბევრჯერ შეგვხვდებოდა მონაფის ჩანთით და წითელი წკაპუნებით. ახლა ერთბაშად წამოიშრება ჩვენს წინაშე და ბიჭი ხარ, არ შეხედო, თვალი არ გააყოლო. თუ მოინდომა ტვინს გადაგიბრუნებს და ფეხს აგარევენებს.

შევხედე და ჩავუარე. მეტი რა. მე შუახნის კაცი ვარ. სხვა არაფერი მეხება.

ჩემი წილი სისულელები ჩადენილი მაქვს.

თვალს ხომ არ გავუსწორებ ოცი წლის ანგელოზს და სასაცილო მდგომარეობაში ხომ არ ჩავიგდებ თავს.

იგი სხვა გაზაფხულებს მოჰყვა. სხვა თაობას ეკუთვნის. თავის ჩანჩქერებს ათამაშებს.

ვტუცავ ახლა ჩემს კარებში თავს და ვაჩხაკუნებ საღამომდე ჩემი მონყენის ჩოთქს.

ეს ყოფილა ჩემი ბედი.

კარებამდე ათიოდე ნაბიჯი არ მექნებოდა გადადგმული, რომ მკლავზე ვილაც შემეხო.

– თქვენ, თქვენ... – მოვიხედე, ის არის. ცალ ხელში პურის დარჩენილი ნაჭერი უჭირავს, მეორეთი ჩემს ძველთაძველ, გაცრეცილ ხელთათმანს მანოდებს.

– მე მგონი, თქვენ დაგივარდათ.

– დიდი მადლობა, საყვარელო, – რა ჯანდაბამ ამოაგდო, ჯიბეში მედო, გამოვართვი...

არ მიდის. პურს ჭამს, ისევ ისე, მაღიანად და გემრიელად.

– ნახეთ, მეორეც ხომ არ დაკარგეთ.

ჯიბე მოვიჩხრიკე.

– მეორეც ამომვარდნია, ეს ოხერი. იქვე იქნება, ეს სად იპოვეთ? გვერდით მომყვება, ჭადრებთან არ ჩანს ჩემი ხელთათმანი. იქნებ გვირაბში დამივარდა.

მოვიხედე, მომყვება.

– არა უშავს. თქვენ ნაბრძანდით, ვიპოვი როგორმე. თუ არა და თქვენი ჭირი წაუღია, ტროლეიბუსში ისეთი ქიჩაობაა, სული არ შეგარჩება კაცს. შეიძლება ტროლეიბუსშიც ამომივარდა.

ავიარეთ გვირაბი. გაჩერებამდე მივედი. და უკან გამოვტრიალდით.

შენუხებული სახე აქვს.

– რას უზამთ ახლა ამ ცალ ხელთათმანს?

დავაკვირდი, ხომ არ დამცინის.

– რა უნდა ვუყო, გადავაგდე.

– ჯერ ნუ. იქნებ აღმოჩნდეს – გაიცინა – სხვათაშორის, ერთხელ, დედაჩემმა ცალი საყურე დაკარგა. უბრალო ბიჭუტერია იყო, მაგრამ ძალიან ლამაზი. ისე მიყვარდა ის საყურე. ეძება, ეძება და რომ ვეღარ იპოვა, ადგა და მეორეც გადააგდო. ერთი კვირის შემდეგ ბეზიაჩემის ოთახს რომ ალაგებდა, არ იპოვა ის პირველი დაკარგული? რალას იზამდა, იქნებ ვინმემ... ან იქნებ სახლში დაგრჩათ.

– გამორიცხულია, – ამოვიხვნეშე.

– ძალიან გცივათ ხელებზე?

ეს უკვე მეტისმეტია. ნამდვილად დამცინის.

– არც ისე.

– ცალ ხელზე რომ გეკეთოთ და ცალი ჯიბეში ჩაიდოთ? – იღიმება.

– რაღაცას მოვიფიქრებთ. ცალი ხელთათმანი შარშან დავკარგე და, თუ ძალიან გამიჭირდა, ცალ-ცალს გავიკეთებ.

– გენიალურია! – აღტაცებული თვალები შემომანათა, – თქვენ იუმორის გრძნობა გაქვთ. რა ფერისაა ის ძველი, ცალი ხელთათმანი?

– მწვანე!

– გენიოსი ხართ! დედა! ასეთი ტონკი მამაკაცი არ შემხვედრია, – გულიანად იცინის – მაშ მწვანეა? არაუშავს, სხვათაშორის, ორიგინალური იქნება შავი და მწვანე ხელთათმანი! ერთი სული მაქვს, სანამ ამ ამბავს დალის ვუამბობ...

– დალი ვინ არის?

– ჩემი დაქალია. სამნი ვართ ჩვენ, სამი დაქალი, მე – თამთა, დალი და ქეთი. ქეთი ყველაზე ჭკვიანია ჩვენს შორის.

– რაზე ატყობთ ხოლმე გოგოები, რომელი უფრო ჭკვიანია თქვენს შორის?

– რა ვიცი... ვატყობთ... ქეთი მაგალითად, ყოველთვის უფრო ჭკვიანურად ლაპარაკობს და კიდევ მომენტებში ჩვენსავით არ იბნევა. სულ იცის, რას რა მოჰყვება.

– აა... ჰოოო... ნავედი ახლა მე, თამთა, დიდი მადლობა ყველაფრისათვის.

ხელი გავუნოდე.

– აქ მუშაობთ?

მოინყინა.

– ჰო.

– რაზე?

– რედაქტორი ვარ.



გაიცინა.

– სატინის სამკაულები გიკეთიათ ხოლმე?

– შიგადაშიგ.

– ასე მგონია, ძალიან მოსაწყენი პროფესიაა მეთქი.

– საერთოდ კი. დღეს, ალბათ, მონყენილი არ ვიქნები.

– რატომ?

– გამახსენდება, რომ ქვეყანაზე არსებობს ერთი ლამაზი გოგო, რომელიც ძალიან შეაწუხა ჩემი ხელთათმანის სავალალო ისტორიამ.

რა მერომანტიკულებოდა, მაგრამ, ხანდახან, მეც ვიცი ხოლმე მაღალფარდოვანი ლაპარაკი. იმ წუთში ცამდე მართალი ვიყავ. გულიდან მოდიოდა ეს ფიქრი, მაგრამ ახლა რომ ვუკვირდები, არ უნდა მეთქვა. და საერთოდ, რატომ არ უნდა თქვა კაცმა, ის, რასაც ფიქრობ?

ბევრი რომ არ ვიფილოსოფოსო, ეს ფრაზა საკმარისი აღმოჩნდა, რომ თავი მორცხვად ჩაექინდრა და ფეხის წვერი ნაზად გაესვა ასფალტისათვის. გაესვა რალაცნაირად, ტანის ლამაზი რხევით, როგორც ამ ასაკის გოგოებმა იციან.

ჩანთა გახსნა და ლურჯი უბის ნიგნაკი ამოიღო.

– თუ შეიძლება, თქვენს ტელეფონს ჩავინერ.

– რად გინდათ?

– დაგირეკავთ.

– და რას მეტყვით?

ემშაკურად მოწკურა თვალი და განზე გაიხედა.

– გკითხავთ, ხელთათმანი ხომ არ იპოვეთ მეთქი.

– მეტს არაფერს?

– როგორ ბრძანდებით მეთქი.

– ო, ეს უკვე საქმეა. ჩაინერე: „ოცდაცხრა ნოლ რვა ოცდათექვსმეტი“.

ჩაინერა, ბლოკნოტი ჩანთაში ჩაიღო.

– აბა ნახვამდის, თამთა, მოინერე ხოლმე.

მომწვანო-მოთაფლისფერო თვალები გაოცებით შემომანათა...

– რა მოვინერო?

– არაფერი. ეს სიტყვები აჩემებული მაქვს. ოსტაპ ბენდერი ხომ გახსოვს, – „მოინერეთ ხოლმეო“ და მისამართს არავის უტოვებდა.’

თვალებში შევატყვე, რომ ოსტაპ ბენდერმა დიდად არ დააინტერესა.

უბრალოდ ვერ გაიგო. ნახვამდისო თავი დამიქნია და წავიდა. მე საათზე დავიხედე და მაშინვე კარებში ვტუცე თავი, ამიტომაც, ცოდვას ვერ დავიღებ; არ დამინახავს, როგორ მიაბიჯებდა.

არ მიყვარს გოგოებისათვის თვალის გადევნება.

მიდიოდა ალბათ ჩანთის ქნევით, ლამაზად, ოღონდ ცოტა უფრო დაფიქრებული, ვიდრე ამ ოცი წუთის წინ. როცა პურის ნაჭერს მადიანად ჭამდა და თავისი ფართო, ქართული თვალებით მთელ ქვეყანას ზედ აყოლებდა.

მეორე დღეს არაფერი და მესამე დღეს დამირეკა.

თამთა ვარო.

რომელი თამთა მეთქი.

გითხრა სიმართლე აღარც ის გოგო მახსოვდა და, მითუმეტეს, აღარც ხელთათმანი.

როგორ რომელი. ასე ბევრი „თამთები“ გყავთო?

ცოტა არ იყოს გულმოსულად, პრეტენზიულად მითხრა; აქაოდა, ეს როგორ მოგივიდა, ასე ჩქარა როგორ დაგავინყდიო.

ჭადრებს ქვევით, ტელეფონის ჯიხურთან ვდგავარ, ძალიან მონყენილი ვარ, თუ შეგიძლიათ, გამოდით, გელოდებითო.

ხელში პურის ყუა თუ გიჭირავთ მეთქი.

არაო, გაიცინა.

ერიჰა! მონყენილია „ქალბატონი“ და გამართობი მოუნდა.

საათს დავხედე, სამს აღარაფერი აკლია.

ახლა მე გაგანია მუშაობაში ვარ, მეთქი.

რომელზე ამთავრებთო?

საერთოდ, ხუთზე მეთქი.

კარგი ხუთამდე დაგელოდებითო.

ყურმილი დამიკიდა ისე, რომ ჩემს პასუხს არც დაელოდა.

ოთხზე თოვა დაიწყო. ჯერ წვიმაში ურევდა, მერე ისე ხვავრიულად წამოუშინა, რომ ჩემს ფანჯრებთან ნაძვის ტოტებს თეთრად წაეფარა პირველი წვრილი, ხოშკაკალასებრი თოვლი.

დამინახა თუ არა ჩემსკენ გამოიქცა, ჯერ ხელებზე შემავლო თვალი, – მერე – როგორ ბრძანდებით, დღეს ბევრი იმუშავეთო? ისე, ზრდილობის გულისთვის მკითხა.

ფეხი ავითრიე.

აქეთ პანსიონატის ეზოში, ან ვარაზისხევში ჩავისეირნოთ, ხალვათობაა მეთქი...

გაგიგონია?

არაო. მე სწორედ აქეთ, რუსთაველისკენ მიინდა გავლა. ბოლოსდაბოლოს ხომ დავიმსახურე, ორი საათია ამ სიცივეში გელოდებითო.

კი ბატონო, მაგრამ თქვენთვის ვამბობ, დაგინახავენ და ჭორს მეტი რა უნდა მეთქი.

სინამდვილეში ჩემი გასაჭირი მაქვს, რუსთაველზე ხელკავით ან-გელოზივით გოგოს მიჰყვებოდაო, ამის გაგება უნდა ჩემს ცოლს?

დანარჩენს შენ თვითონ მიხვდები და აღარ გაგაცდენ.

იყო, ყველაფერი იყო.

კინოებში ჯდომა და თავის მხრებზე ჩამოდება, ჩემი უცოლო კოლეგებისათვის ორი საათით ოთახის გასაღების ჩამომათხოვრება, რეკვები და ცრემლის ღვრა. გადარეული მონატრება, ეჭვიანობა და ყველაფერი, რაც მოპარულ სიყვარულს მოჰყვება ხოლმე.

ახლა იმას გეტყვი, რა სისულელეზე ვამბობდი წელან და რომელ შეცდომათა წყებაზე მოგახსენებდი.

ჩემი თავი მეზიზღება, რომ გამახსენდება, რა სერიოზულად ვარიგებდი: ძალიან ბავშვური ხმა გაქვს და სამსახურში ხშირად ნუ მირეკავ, ეჭვს აიღებენ, შინ კი მითუმეტეს აღარ დარეკო – ჩემს ცოლს ვერაფერს გამოაპარებ მეთქი.

რაც მე თამთას „ჩემო ვაჟა“ და „ჩემო სოსო“ ვუძახე ტელეფონში, რაც მე სხდომები და თათბირები ვიმზიზღე, რაც მე საქვეყნო საქმეები დავიბრალე: ხვალ არ მცალია, ზეგ ქალაქში არ ვიქნები, მაზეგ გნახავთ მეთქი.

მერედა რისთვის, რატომ?

ღმერთო, რა სახე მქონდა მაშინ, კატეგორიული ტონით რომ ვსაყვედურობდი: გოგოებს, საერთოდ, ცოტა ჭკუა გაქვთ და უნდა დამიჯერო, თორემ მეტს აღარ გნახავ. სულ შენს გვერდით ხომ არ ვიქნები, საერთოდ, რა წესია სამსახურში მოკითხვა, საიდანა გაქვს ეს ავანტიურული ჩვევები მეთქი.

მძულს ჩემი თავი, როცა მახსენდება, ცალი ხელით რომ ვეფერებოდი და მეორე ხელს საწოლს მიღმა, სკამისაკენ ვაპარებდი: რომელი საათია, „მოამბეს“ ხომ მივუსწრებ მეთქი.

როგორ შეიცხადებდა; ავდგეთ, ჩავიცვათ, დამაგვიანდა მეთქი, როცა ვიტყვოდი.

ენას რატომ არ მიხმობდა ღმერთი და ხელს რატომ არ მიქვავენდა, მე თვითონვე რომ ვპასუხობდი ტელეფონზე, სხვაგან მოხვდით-მეთქი.

კვირაში ორჯერ ვხვდებოდით ერთმანეთს. ალჟირში წასული ჩემი სიძის ბინაში.

\* \* \*

თამთა კარშივე ალაპარაკდა.

– შლაპიანი მოხუცი ქალი. ოციანი წლების ყოფილ ბალერინას ჰგავს, პენსნე უკეთია და თვალეებზე აბრეშუმის შავი ბადე აქვს დაშვებული.

კაცმა მხრები აიჩეჩა:

– ალბათ სტუმარია.

– თქვენ რომელზე-მეთქი, ქალბატონო, არ მიპასუხა. მე რომ მეხუთეს დავაჭირე, პენსნეთი დააკვირდა ღილაკს. დამდურებულ-ლივით მიცქეროდა.

– მაღლა ავიდა?

– კი, რომელზე, ვერ გეტყვი.

თამთამ ასე იცოდა. სალამს კი არ იტყოდა, პირდაპირ საუბარზე გადადიოდა. გელა უკვე შეჩვეული იყო, შემოვიდოდა თამთა და, ან იმით იწყებდა, თუ როგორ აეკიდა ტროლეიბუსში ვილაც „იდიოტი“, ან იმით, რომ დღეს უსაშველოდ გრძელი დღე იყო და ლექციების დამთავრებას საშველი არ დაადგა, ან იმით, რომ პალტოში ძალიან ცხელა და ხალხის რომ არ რცხვენოდეს, სიამოვნებით ივლიდა მოსასხამით ამ შუა ზამთარში. მერე პალტოს ან ჩექმებს მიყრი-მოყრიდა. გელას ხალათს და შლოპანცებს ჩაიცვამდა, დივანზე მოკალათდებოდა, ტელეფონს მუხლებზე დაიდებდა და სამ-ოთხ მეგობარს მაინც დაურეკავდა, რომ გელასთან არის და თუ დედაჩემმა დარეკოს, უთხარი, ჩემთან იყო და ამ წუთში წამოვიდა-თქო. „მერე მაშინვე დამირეკე, გესმის? ნავედი“, დააყოლებდა, ჭერს ახედავდა, ესეც ეგრეო, იტყოდა, დივანზე თავდაღმა, ლამაზად განოლილი ჩანთას გადაუნვდიდა ხელს, შოკოლადს ამოიღებდა მოკვნეტდა და ჩანთაში ჩააბრუნებდა.

მაგრამ იმ დღეს გოგონამ მასპინძელს უგუნებობა შეატყო და ლიფტში დამგზავრებულ მოხუც ქალზე საუბარი უცებ შეწყვიტა, პალტო გაიხადა, ჩანთა დივანზე მოისროლა. სკამი გამოსნია, მუშტებს ლამაზი ნიკაპი დააყრდნო და გელას თვალებში შეხედა.

– რა მოხდა?

– მამაშენი იყო ჩემთან.

– როდის? სად?

– სამსახურში დღეს, ასე თორმეტისკენ იქნებოდა.

– მარტო იყო?

– მარტო.

– რაო?

გელამ თითები მაგიდაზე აათამაშა, თამთას თვალი შეავლო და განზე გაიხედა.

– რას მეტყოდა.

ქალიშვილმა სიგარეტს მოუკიდა და საფერფლის კიდეც ჩამოადო.

– დაწვრილებით მომიყევი.

– შენ არ გითქვამს, რომ მამაშენმა ყველაფერი იცოდა.

– იცის. დაურეკეს.  
– ვინ დაურეკავდა?  
– რა მნიშვნელობა აქვს. ჩვენი ამბავი მთელმა ქალაქმა იცის. მერე?

– მოვიდა ის კაცი, ოთახიდან გამომიხმო. ქვევით ბალში ჩავედით. მე ხომ ნანახი არ მყავდა, მაგრამ მაშინვე მივხვდი, რომ მამაშენი იყო.  
– ?

– გგავს რაღაცით. წარბებით მგონი.  
– მერე?

– მეო, ყველაფერი ვიციო. ვატყობდი, ლაპარაკი უჭირდა. დაღლილი, ნანამები სახე ჰქონდა. რა მინდა ახლა აქ რომ მოვედიო, თუ ძმა ხარ, ქვეშ გამომსვლელ კაცად არ ჩამთვალო. მე ჩემს წრეში ვაუჯაცად მიცნობენ და ერთ სიკვდილს ვათავებ, ახლა რომ გელაპარაკებო. შენ რას გემართლები, კაცმა რომ თქვას, მე ჩემსას უნდა მოვუარო, მაგრამ რა ვქნა, შვილს ვერ მოიკვეთ თურმე, ძნელი ყოფილაო. არადა, მთელი ოჯახი გადაყვევით, მაგრამ არაფერი გაგვივიდაო. ისიც ვიცი; რომ ცოლშვილიანი ხარ და ისიც ვიცი, რომ შენს შვილზე, მზე და მთვარე ამოგდისო. მე საპრეტენზიო არაფერი მაქვს, ა, ორი კაცი ვართ აგერ, იქნებ როგორმე მოვუაროთ ამ საქმესო. ეს სიტყვები ისე მიაყარა ერთმანეთს, რომ სიტყვის ჩადგმა არ მაცალა. ვერც ვიკადრებდი და მაიმუნობაც იქნებოდა, რომ დამეწყო: როგორ გეკადრებათ, ეგ სიცრუეა, თქვენ ქალიშვილს ხეირიანადაც არც კი ვიცნობ, მონაჭორია ყველაფერი-მეთქი. ხომ მართალი ვარ?

– მერე?

თამთას ფართო, თაფლისფერი, გრძელნამწამებიანი თვალები გამალებით მოძრაობდნენ. მზერა გელას ხელებიდან მხრებზე, ტუჩებზე, თვალებზე გადადიოდა, მოჩვენებით სიმშვიდეს, თამთას რომ ფარდად ეხმო, სწორედ რომ შემფოთებული თვალები ამხელდნენ.

– რა მერე. ვიჯექი და ვუსმენდი. იგი ჩემთან დასატუქსავად ან ჭკუის სასწავლებლად კი არ მოსულა. ასე რომ ყოფილიყო, გავლიზიანდებოდი და მეც რაღაც პოზიციას დავადგებოდი. შვილი მეღუპებაო, მითხრა. აბა შენ წარმოიდგინე, ჩემს მდგომარეობაში შენი თავიო. მე ჩემი გითხარი და აწი, როგორც სინდისმა გაგიჭრასო, ადგა და წავიდა.

– შენ არაფერი გითქვამს?

– კი. რაღაც გაურკვეველი... აღარ მახსოვს... ყოველ შემთხვევაში მომეჩვენა, თითქოს, ჩემს სიტყვას მისთვის მნიშვნელობა არ ჰქონდა. რა ვქნათ?

თამთა ყველაფერს ელოდა ამ შეკითხვის გარდა. ნუთუ დღემდე გარკვეული არ იყო, რაც უნდა ექნათ. იგი წამოდგა, ფანჯარასთან მივიდა და შემოუტრიალებლად თქვა.

– ვიცოდი, რომ მოვიდოდა. სამ თვეზე მეტი იქნება, რაც მე იმ სცენებს ვუძლებ. რამაც შენ პირველივე დღეს ასე შეგაშფოთა. ყოველ დღე ნატაციებს მიკითხავენ. დედაჩემმა გუშინნინ შენი საყვარელი „ბანანები“ დამიჭრა და კარებში გასულს ტუფლი მესროლა, მაგრამ მე შენთვის ერთი სიტყვაც არ მითქვამს.

– ამას რატომ მეუბნები? მეც არ უნდა მეთქვა?

– რა ვიცი, – თამთა მობრუნდა და ნერვიული ნაბიჯით წამოვიდა გელასკენ, მხრებზე ხელი დაადო, დაიხარა და თვალეში ჩახედა. მათი ტუჩები ლამის ეხებოდნენ ერთმანეთს – სალაპარაკოდ არ ღირს ყველაფერი ჩვენს სიყვარულთან შედარებით. მე ყველაფრისთვის მზად ვარ, გელა. დედა იმისია, რომ შეიცხადოს და „ბანანები“ დამიჭრას, დამამწყვდიოს და სახლიდან არ გამომიშვას, მამა იმისია, რომ ჩემს „გადასარჩენად“ რამე იღონოს. გარეგნულად ხომ საზიზღრად ჩანს: მე, ოცდაერთი წლის გოგო, შენი, ცოლშვილიანი კაცის, საყვარელი ვარ. ასე რომ, მე ძალიან კარგად მესმის ჩემი მშობლების.

– და ჩვენ ვალდებული ვართ ანგარიში გავუწიოთ.

– რაში გავუწიოთ ანგარიში, გელა. სიყვარულში? ეს მხაზველობითი გეომეტრიის ფრიადზე ჩაბარება, ან სარეცხის განურვამი მოხმარება კი არ არის. მთელი ცხოვრების აზრია. შენ არ მითხარი? ან რა შენი თქმა მინდოდა, მე თვითონ ვერ ვგრძნობ? მელაპარაკებიან სახლში გაუთავებლად, დააბიჯებს წინ და უკან მამაჩემი და მაგალითები მოჰყავს, როგორ დაღუპა მავანი და მავანი, როგორც თვითონ ეძახის, ბავშვურმა გრძნობამ. აკანკანებს კბილებს დედაჩემი; ქვად მქცეოდი მუცელში და შენ არ გამეჩინეო. ხანდახან, თითქოსდა, მეც ვირწმუნებ, რას ვერჩი ამ ხალხს-მეთქი. ვზივარ და ყველაფერი მჯერა. პირობასაც ვაძლევდი ადრე, რომ ხვალიდან არ გნახავდი. მერე? დამთავრდება ლექციები და არც კი ვიცი, როგორ აღმოვჩნდები ხოლმე შენს კარებთან. ერთი რამ ვიცი, მთელი ქვეყანა რომ წინ გადამიდგეს, მაშინ, როცა ტროლეიბუსში ვჯდები და შენსკენ მოვდივარ, ვერ დამაკავებს. ამ ბოლო დროს მიხვდნენ, რომ არაფერი გამოვა და თავი გამანებეს. აკი მამაჩემსაც უთქვამს. ახლა იერიში შენზე მოიტანეს. ბოლოს ყველაფერში დარწმუნდებიან და შენც მოგეშვებიან.

გელამ კისერი გაითავისუფლა, ხელისგულები დაუკოცნა, სკამზე დასვა და თავის ადგილს დაუბრუნდა.

თამთამ მუშტებს დააყრდნო ნიკაპი.

- შენ მე გიყვარვარ, გელა?
- ძალიან.
- ჰოდა, მორჩა და გათავდა. სიყვარული განსჯას და ბჭობას ვერ იტანს.
- სიცოცხლეს რომ მირჩევინხარ, სწორედ იმიტომ მინდა ყოველთვის კარგად იყო.
- რას მთავაზობ ჩემი კარგად ყოფნისთვის, ბატონო გელა?

ბოლო ორი სიტყვა თამთამ გაღიზიანებული ხაზგასმით წარმოსთქვა.

- ნუ ბრაზობ. თუ გჯერა ჩემი, მომისმინე.
- გისმენ, ნაფიცი მონაფესავით.
- შენ იმდენად საყვარელი გოგო ხარ, რომ ჩემსავით კისერგასივებულის, თმაგაცვენილის, უნარბო კაცისთვის არც კი მემეტები. მე შენ იმდენად მიყვარხარ, რომ შენ რომ რამე გაგიჭირდეს, თავს მოვიკლავ.
- სენტიმენტების გარეშე მითხარი.
- მე არაფერი წინადადება არა მაქვს. შენს თავს ვფიცავარ, მეც ისე ვარ მთვრალი შენით, რომ განსჯის თავი არა მაქვს, მაგრამ რალაც უნდა მოვიფიქროთ. ეს შენთვისაა საჭირო, თორემ ჩემი თავი ჯანდაბას. მე არც მომავალი მაქვს და არც ხვალინდელ დღეზე ვფიქრობ.
- მამაჩემი სანამ გნახავდა, არ ფიქრობდი ჩემს მომავალზე?
- ვფიქრობდი, რატომ მელაპარაკები ასე გამომწვევად?
- ვიჩხუბოთ, გელა? - თამთას ტუჩები უთრთოდა.
- არა. ვილაპარაკოთ. ბოლოსდაბოლოს შენ უნდა გათხოვდე და შენს გზას ეწიო.

თამთა წამოდგა. ხელები თოჯინასავით გააქან-გამოაქანა, გაიკინა და სარკესთან დადგა.

- დიდი მადლობა ზრუნვისათვის, გელა. საქმროს შერჩევაშიც ხომ არ დამეხმარებოდი?
- აი, ხომ ხედავ, შენთან ლაპარაკი არ შეიძლება. ვიტყვი, რაც სათქმელი მაქვს და მერე, როგორც შენ გსურს, საერთოდ, ისე მოვიქცეთ. მე შენ მიყვარხარ, გესმის?
- ეგ სიყვარულის ხმა არ არის, გელა.
- სწორედ რომ სიყვარულისაა.
- შენ შარშან, გუშინ ამ დროს, ასე არ ლაპარაკობდი.
- დღეს მამაშენი იყო-მეთქი ჩემთან. ჩვენ ორივენი მამაკაცები ვართ.

– კეთილი, მამაჩემი ყველაფერში მართალია. მამაჩემს სურს, შენ ჩამოგშორდე, ცოტა ხნის შემდეგ, როცა, როგორც თვითონ ამბობს, ყველაფერი გამივლის, მოვძებნო ვინმე ჩემი შესაფერისი და გავთხოვდე, მაგრამ შენ? შენ შეგიძლია მშვიდად იყო იმ დროს, როცა მე ქორწილის ცერემონიალს გავითამაშებ, როცა გრძელი, თეთრი კაბით და თაიგულით სხვის გვერდით საქორწინო სახლის კიბეზე ავალ?

– ჩემთვის ეს ძალიან მძიმე იქნება, მაგრამ უნდა გავუძლო.

– შენ ხომ არ გაგიჟდი, გელა. ამას შენ ამბობ? რას უნდა გავუძლო, მე რომ სხვის საძინებელ ოთახში ჩემი ფეხით შევალ? ეს შენ არ მეკითხები ყოველდღე, ამ და ამ საათიდან და ამ წუთიდან სად იყავი? შენ არ გინიშნავდა ყურები, მე რომ ქუჩაში ვაჟს მივესალმები და ყელში მონოლილი ბოლმით არ მეკითხები, საიდან იცნობო?!

– დამშვიდდი, ნუ ყვირი. ეგ ყველაფერი ეგრეა, მაგრამ ბოლოს-დაბოლოს...

– რა ბოლოსდაბოლოს?

– შენ ჩემი თაობის გოგო არა ხარ. მე, ხვალ თუ ზეგ, დავბერდები.

– ეგ შენი სიტყვები არ არის, გელა, შენ ხვალ დავბერდები თუ ზეგ, ამას მნიშვნელობა არა აქვს. მე ახლა, ამ წუთში ბედნიერი ვარ შენთან და სხვაზე არაფერზე ვფიქრობ.

– მაგრამ შენ ხომ მთელი ცხოვრება წინა გაქვს.

– მიჩუქნია შენს მიღმა დარჩენილი მთელი ცხოვრება იმისთვის, ვისაც ძალიან უნდა,

– უფრო კონკრეტულად ვილაპარაკოთ. ჩემთან შენი ურთიერთობა, თავიდანვე გითხარი, უპერსპექტივოა.

– რა პერსპექტივაზე ლაპარაკობ. მე შენ მაღაზიაში არ მიყიდხარ და არც მოლაპარაკებების დრო გვქონია. მე შენთან ყოფნა მინდა და ვარ.

– მაგრამ ხვალ? როცა წლები გაირბენს და რაღაც-რაღაცეები შენთვის გვიან იქნება?

– ნუ მაშინებ, გელა. გეხვენები. როდის გახდი შენ ასე საზიზღრად ჭკვიანი და პრაქტიკული.

გელას თვალზე ცრემლი მოადგა, მან მშვენივრად იცოდა, რომ სისულელეს ამბობდა, მაგრამ უკანდახევა არ შეეძლო.

– შენთვის, ჩემო ძვირფასო.

თამთა წამოხტა, უკნიდან შემოუარა და თვალებზე ხელი ააფარა.

– ძალიან გთხოვ, მითხარი, რომ ხუმრობ!

– მე არ ვხუმრობ, თამთა.

ქალიშვილი დივანზე დაემხო და აქვითინდა.



– მე ვიცი, ახლა გძულვარ, მაგრამ ოცი წლის შემდეგ ამ დღის მადლობელი იქნები. ეს მე მივდივარ სასიკვდილო მსხვერპლზე შენი გულისთვის.

– არა! არა! არა!

თამთამ მუთაქას ხელები დაუშინა.

– დანყნარდი. ესა ხარ სუულ? აკი ყველაზე ჭკვიანი გოგო ვარო, – გელა დივანზე ჩამოჯდა და აცახცახებულ მხრებზე ხელით ჩამოჭყვა, – რა გითხარი ასეთი, მე შენს გვერდით ვარ, და არსად წასვლას არ ვაპირებ.

– შენ... როგორ შეგეძლო... თურმე ჩემს გათხოვებასაც შეეგუები.

– შევეგუები თუ არა, ეგ სხვა საქმეა. შენი მომავლისათვის კი ეს აუცილებელია.

– ვის? ვის? მე შენს იქით ვერავის ვერ ვხედავ. ყველა მამაკაცი ნერვებს მიშლის. მზადა ვარ, ქუჩაში უტიფრად მოჩერებულს მივუბრუნდე და თვალები ამოვკორტნო!

– ეგ ახლა გეჩვენება.

თამთა წამოჯდა და თვალები თითებით შეიმშრალა.

– მე არც ისე პატარა გოგო ვარ, რომ რალაცეები მეჩვენებოდეს. ჩემი ტოლი ბიჭები ნერვებს მიშლიან. დეგენერატებად მეჩვენებიან და მათთან, შენთვისაც ბევრჯერ მითქვამს. მკაცრი მასწავლებლის დამოკიდებულება მაქვს. მინდა ხანდახან ყური ავუწიო.

– ესეც დროის ამბავია. გაივლის.

– გელა, – თამთა ჭერს შესცქეროდა და კარგა ხნის შემდეგ მიაბრუნა თავი გელასკენ, – სხვებიც ასე ამთავრებენ? ასე ცუდად?

– ჩვენ არაფერს არ ვამთავრებთ. უბრალოდ ვსაუბრობთ, ხომ გითხარი. საერთოდ, შემთხვევათა მსხვერპლია ადამიანი.

– ეს როგორ?

– ჩვეულებრივად. ჩემი და და სიძე რომ ალჟირში არ წასულიყვნენ, ამ ოთახსაც არავინ დამიტოვებდა. თუ ეს ოთახი არ მექნებოდა, მე მგონი, შენც არ მეყოლებოდი.

– არ გამაგიჟო, ახლა რალაც დიდი საშინელება წამოიწყე.

– როცა თავისუფალი ბინის გასაღები ხელთ მქონდა. მე შენ გამოგიგონე.

– ბატონო?

– სწორედ იმ თვალთ შეგხედე ტროლეიბუსის გაჩერებასთან, რის საშუალებასაც თავისუფალი ბინა და გასაღები მაძლევდა.

– უარი რომ მეთქვა და აქ არ წამოგყოლოდი?

– მაშინ, ალბათ, სხვას ვეცოდით.

– გელა!

გელამ გაიცინა. გადმოატრიალა, თვალები დაუკოცნა.

– ჩემი სულელი გოგო. აი, რა ადვილად შეიძლება შენი გაგიჟება. ხომ იცი, როგორ მიყვარხარ. არაფერი არ დაიჯერო. მე შენთვის არაფერი მითქვამს.

თამთა მოშვებული იწვა. განძრევის თავიც აღარ ჰქონდა. ალერსს მარტო იმით პასუხობდა, რომ გელას ტუჩებს თავის ამობურცულ, კახაბალივით ნითელ ტუჩებს შეაგებებდა ხოლმე.

გელა წამოდგა, ხალათი და შლოპანცები გამოიტანა და დივანთან დაუწყო.

– შედი აბაზანაში. შენთან ყოფნა მინდა.

არაბულ ტახტზე იწვნენ. თამთა გელას მარცხენა გვერდს ჩაჰკვროდა, მორგებულ-მინებებულს სწორედ იმ ადგილას ედო თავი, სადაც კაცის გულისცემა ყველაზე მკაფიოდ ისმის ხოლმე. ქალიშვილს ყურში უბრაგუნებდა ვაჟკაცის მშფოთვარე, დაღლილი გული. გელას მარჯვენა თავქვეშ ამოედო...

კაცმა მარჯვენა გაინთავისუფლა, სკამის საზურგეზე დაკიდებულ ელექტროსაათს მისწვდა და დახედა.

– გეჩქარება, რასაკვირველია, – ძილბურანიდან თქვა თამთამ.

– შვიდზე შინ უნდა ვიყო.

– ფეხბურთია, რა თქმა უნდა.

– არა, ფეხბურთი არ არის. უნგრელი მწერლები უნდა მენვიონ.

– უნგრელები თუ არა, ჩეხები მაინც იქნებიან.

– მართლა. შენ თავს ვფიცავარ.

– ცოტა ხანს ვიყოთ, გეხვენები, ოც წუთში ნავიდეთ. რალაც თავი მტკივა. დამანყვიტე ნერვები.

– სულელი ხარ, შენთან ადამიანურად ლაპარაკი არ შეიძლება.

– რას ეძახი ადამიანურად ლაპარაკს?

– რატომ არ გესმის. რატომ გინდა ჩემი სიკვდილი. შენ რომ ცუდად იყო, ხომ იცი, თავს არ ვიცოცხლებ.

– კარგად რომ ვიყო, ამისათვის რა, დავუჯერო მამაჩემს და დედაჩემს?

– მე შენ კუბოს კარამდე მეყვარები, მაგრამ...

– რა მაგრამ, გელა – თამთა წამოჯდა და პრიალა, სწორი თმა უკან გადაიგდო.

– არ შეიძლება რალაც-რალაცებს ანგარიში არ გავუწიოთ.

– ისევ დაინყე?

– თამთა შენ ახლა ბავშვი ხარ. ხომ გეუბნები, დრო გაივლის და მერე, როცა ყველაფერი განელდება და ტკბილ მოგონებაში გადავა, პირველი შენ დამდებ ბრალს; რატომ შემეიყოლიეო.

– რა განელდება, გელა. – თამთა გამშრალი ხმით ეკითხებოდა.

– ახლა შენ ამაზე ფიქრიც არ გინდა, მაგრამ, სამწუხაროდ, ყველაფერი ძველდება და ქრება. ერთი მშვენიერ დღეს შენ თვითონვე აღმოაჩინ, რომ თურმე უკვე მოგწყინდი.

– შენ? მე?

– ჰო, შენ რომ ნიგნები ნაგიკითხავს და კინოები გინახავს, უდროოდ შეწყვეტილი სიყვარულებია. სიმძაფრე, ცრემლი და დრამატიზმი სწორედ იმას ახლავს. აბა დაეხატა შექსპირს რომეოსა და ჯულიეტას სასიყვარულო ურთიერთობა მათი ქორწინების მეოცე წელს, ყველაფერი რომ ნორმალურად განვითარებულიყო? ეს იქნებოდა მთქნრებისმომგვრელი, მოსაწყენი ამბავი.

– რატომ გავიწყდება, რომ მე ახლა ოცდაერთი წლისა ვარ და ჩემს გონებას ფიქრიც არ შეუძლია იმ სასიყვარულო სიბრძნეზე, რითაც შენ ასე გულმოდგინედ მაშინებ.

– ვიცი, მესმის, მაგრამ ცოტათი ხომ უნდა დამიჯერო.

– და რა გავაკეთო?

– უნდა შეუშვა თავში იმის ფიქრი, რომ ყველაფერსა აქვს დასაწყისი და დასასრული.

– ვთქვამთ დავიჯერე. ამით რა შეიცვლება?

– არაფერი... საერთოდ... გეცოდინება...

– მე რომ დავიჯერებ, სიყვარული თანდათან ნელდება და ქრება-მეთქი, ხომ იცი, იმ წუთიდან ცოტათი უფრო ნაკლებად მეყვარები. შენ ეს გინდა?

– არა, აი, მე მჯერა, მაგრამ ამის გამო „ცოტათი“ უფრო ნაკლებად“ არ მიყვარხარ.

– გახსოვს? შენ ერთხელ მითხარი; სიყვარული თანდაყოლილი თვისებააო, სიყვარულის ნიჭი ყველას არ დაყვებაო. ადამიანთა საკმოდ დიდი ნაწილი თავიდანვე განწირულია უსიყვარულობისთვისო. მართლა ასეა?

– კი.

– მერე მე ხომ ბედნიერ უმცირესობათა შორის ვარ. მიყვარხარ და რატომ გინდათ შენ, მამაჩემს, დედაჩემს – ყველას, ვინც ჩემს ირგვლივ ტრიალებთ, დამიპატარავოთ, გამიქარწყლოთ, პრაქტიკული სისულეებითა დამინაგვიანოთ ეს წარმოუდგენელი ბედნიერება – სიყვარული?

– ამის გაქარწყლებას ვერავინ შეძლებს. ჩვენ უბრალოდ გვინდა გაგახსენოთ, რომ სიყვარულის გარდა არსებობს, იქნებ არც ასე მთავარი, მაგრამ ძალიან მნიშვნელოვანი რამ – ცხოვრება.

– განა სიყვარული ცხოვრება არ არის?

– სიყვარული რაღაც უფრო მეტია. უფრო სწორად, ცხოვრება სიყვარულის გარდა ისეთ წვრილმანებსაც მოიცავს, როგორიცაა „სასურსათო პროგრამა“ და ლატარიის ბილეთი.

– მაგით რა გინდოდა გეთქვა?

– რაც მინდოდა, უკვე ვთქვი.

თამთამ დაამთქვნარა და კედლისკენ შეტრიალდა. გელა ზურგზე მიეკრო. ქალიშვილის ტანი სასიამოვნოდ გრილი იყო.

– ნუ მიბრაზდები, თუ ჩემი სიცოცხლე ხარ. შენთან ყოველი შეხვედრის დროს ის ფიქრი მიღრღნიდა ტვინს, რომ არ მქონდა შენს ცხოვრებაში ასე ღრმად ჩარევის უფლება.

– სიყვარული და უფლება ერთმანეთს, ხომ იცი, ვერ ეწყობიან.

– ეგ მართალია, მაგრამ შენ ისეთი ანგელოზი ხარ, ასე მგონია, მარტო შენს წინაშე კი არა, მთელი ქვეყნის წინაშე ვარ-მეთქი დამნაშავე.

თამთა გადმობრუნდა, ორივე ყურში ჩააფრინდა გელას და სახეში ჩასძახა:

– გეხვეწები, შეწყვიტე ეგ ლაპარაკი!

გელამ გაიცინა:

– ასე მგონია, გელა კი არა, უცხო ვილაც ხარ, გაზეთის მონიწავედან გადმოსული და მამაჩემის დარიგებული.

– ცოტა ასეც არის, მამაშენთან საუბრის შემდეგ, რაღაც ჩანყდა ჩემს გულში, რომ იცოდე.

– შეგიძლია, გელა ერთი რამ შემისრულო?

– ჰო.

– ახლა მე ჩავიცვამ და ძალიან გთხოვ, სანამ წავიდოდე, არც ერთი სიტყვა არ მითხრა. არცერთი სიტყვა, გადაბრუნდი და ჩემსკენ არ გამოიხედო. ახლა შენი ხმა რომ კიდევ გავიგონო, ყელის ძარღვს გადავიჭრი. ერთი დღისთვის ძალიან ბევრია. წავალ ახლა მე და ვიფიქრებ. არ შეგეშინდეს, სისულელეს არ ჩავიდენ. ხვალ თორმეტ საათზე, დაგირეკავ და ყველაფერს გეტყვი.

აუტანლად დიდხანს იცვამდა. გელას მისკენ არ გაუხედავს როცა კარმა გაიჭრიალა, წამოხტა.

კარში გადაეხვივნენ ერთმანეთს.

ლიფტი რომ მოვიდა, თამთამ ხელი დაუქნია და ლიფტში გაუჩინა. გელამ ფანჯარა გამოალო და ქუჩას დააჩერდა. ორ წუთში

თამთა სადარბაზოდან გამოვიდა ხელი დაუქნია ჰაეროვანი კოცნა გაუგზავნა და ტროლეიბუსის გაჩერებისკენ წავიდა.

გელა შემობრუნდა, ხალათზე ქამარი შემოიჭირა და სარკეში ჩაიხედა.

თვალეები ცრემლით ჰქონდა სავსე.

ახლა უკვე, საბოლოოდ დარწმუნებული იყო რომ არ არსებობდა ძალა თამთას და გელას რომ დააშორებდა.

\* \* \*

გამომცემლობა „ნიჩაბის“ დირექტორმა უცერემონიოდ გამო-  
მიცხადა; შენი წიგნი მომავალი წლის გეგმაში გადავიტანეთო. ვხ-  
ვდებოდი, მაგრამ მთლად ასე თუ იყო საქმე, არ მეგონა-მეთქი,  
გავუცინე და ხელი ჩამოვართვი. ისე კეთილად თანაგრძნობით  
მიცქეროდა დირექტორი, რომ ჩხუბი და ლანძღვა-გინება არ დამი-  
წყია, ისედაც ბევრს მოვაბეზრე თავი. გამომაცილა და დერეფანში  
შემოფეთებული ქალიშვილი ხელით გააჩერა – გაიცანი, ეს ცნობილი  
მწერალი გელა კირთაძეა, ეს კი ჩვენი ახალი თანამშრომელი მომა-  
ვალი ჟურნალისტი – ნელი გახლავთო, წარგვადგინა ერთმანეთს.

იცით ნელიმ როგორ ჩამომართვა ხელი? დუბლით დაღლილი კინ-  
ომსახიობი რომ იქნება. დარწმუნებული, ფილმში პირველივე კადრი  
რომ მოხვდება და ახლა რეჟისორის ჭირვეულობასლა რომ აკმაყო-  
ფილებს. თითქოს ათასჯერ შევხვედროდით ერთმანეთს. არც გაოცე-  
ბა, არც ხელოვნური – „ნუთუ მართლა? სასიამოვნოა, სასიამოვნო“. მკერდზე აფარებული მუყაოს საქალაღდე მარცხენა ხელში გადაი-  
ტანა და მარჯვენა რომ გამომიწოდა, საოცარი რამ ვიგრძენი: მე რომ  
არ გამეშვა, თვითონ ხელის წაღებას არ ჩქარობდა, თითქოსდა სამუ-  
დამოდ მიტოვებდა თავის თბილ, ჩიტივით მსუბუქ ხელს ნევროზისა-  
გან გალიგვებულ ჩემს უხემ თითებში. ოციოდე წლისა იქნებოდა. ახ-  
ალმოშინაურებული ირმის მიმოხვრა ჰქონდა. თვალი რომ გამისწორა,  
გარემოების გამო, იძულებით შებოჭილი ველური ცხოველის მზერა  
დავიჭირე. თითქოს თვითონაც იგრძნო, თვალებმა რომ გასცეს და  
განზე გაიხედა. მაღალი იყო, ამორძალივით გაშლილი ხუჭუჭა თმა  
ჰქონდა, ოდნავ მაღალი და თხელი, ანეული ცხვირი და ამობურცული  
ვარდივით ამოსული ტუჩები (ასეთი ტუჩები მხოლოდ ამ ასაკის გო-  
გონებს აქვთ). საქალაღდე ისევ მარჯვნივ გადაიტანა – თუ შეიძლება  
წავალ, მეო, დირექტორს შეანათა მეტყველი, მომწუსხავი თვალე-  
ბი, კარგად ბრძანდებოდეთო, თქვა და დერეფანს გაუყვა საჩიხები  
შეტყუებული ირმის მსუბუქი, მაგრამ შფოთიანი ბაკიბუკით.

მთელი დღე ჩემს გასაცოდავებულ საქმეებს გადავყევი და, სი-მართლე გითხრათ, ნელი არც გამხსენებია. მწერალთა კავშირში შევ-იარე, ცოტა გულს გადავაყოლებ-მეთქი. ვერ წარმოიდგენთ, როგორ მსიამოვნებს იქ ყოფნა. ერთაადერთი ადგილია, სადაც შემიძლია დილიდან საღამომდე უსაქმოდ ვიდგე და კაციშვილი არ მკითხავს, ვინ ხარ, აქ რა გინდაო. კოლეგას დაელაპარაკები; პატარა იმედს შეიყუჩებ გულში და ნახვალ შენს გზაზე. სხვა დანესებულებებში მე მარტო „საქმეებზე“ დავეხეტები. თუ როგორ მიდის ჩემი „საქ-მეები“, ეს მხოლოდ მე და ჩემმა ცოლშვილმა ვიცით, მაგრამ მაინც ვფართხალებ რიყზე ამოგდებული თევზივით. აზრები მანუხებს, ხელშეკრულებებს ვანერ ხელს, სტრიქონებს ჩაკვირვებ, დავდი-ვარ ამ ჩემ ჩანაფიქრებით ერთი კაბინეტიდან მეორეში. ყურადღე-ბით მისმენენ, ღიმილით მეთანხმებიან, ხელს მართმევენ კი არა, ხშირად თავაზიანადაც გამომაცილებენ. ამით ყველაფერი მთავრდე-ბა. მიამიტი კაცი არ გეგონოთ. მე კარგად ვიცი, რომ იმ წრეში არ ვტრილებ, იმ მაგიდას არ ვუზივარ, მაგრამ მე ჩემი ცხოვრების წესი მაქვს და ბებერი კავალერისტივით სასაცილოდ გავიჭიმები ხოლმე, როცა ორკესტრი გუგუნებს. თუმცა კარგად მესმის და ვხედავ, რომ ის ორკესტრი ჩემთვის როდი უკრავს. განზე დარჩენილი კაცისაგან არც არავინ ითხოვს იმის ნახევარსაც კი, რასაც ვაკეთებ, მაგრამ, ჩანს, სხვანაირად არ შემიძლია და სიმართლე გითხრათ, ხელმოცა-რულობის განცდა არასოდეს მეუფლება და არც უბედურ კაცად მო-მაქვს თავი. ჩემი ოჯახის სარჩენი ფული რომელიღაც ინსტანციაში უღალატოდ იჩითება. ასე რომ არ იყოს, ძალიან გამიჭირდებოდა. რომ მივდგებ-მოვდგები და თითქოს არსაიდან საშველი არ ჩანს, სწორედ მაშინ დამიძახებენ სახელდახელო (მწერლები „ხალტურას“ ვეძახით) საქმეს დამავალებენ და თითქოს ჩემს გულში ისხდნენო, ჰონორარსაც წინასწარ იძლევიან. ამიტომაც ნერვებს არ ვინწნავ და ხვალინდელი დღის შიშიც როდი მღრღნის. ღრმად ვარ დარწ-მუნებული, რომ ჩემი პურის ფული უკვე დევს რომელიღაც მაგიურ კარადაში და ხვალ ან ზეგ თეფშით მომართმევენ.

მწერალთა კავშირის თავმჯდომარის მოადგილე თავისი კაბი-ნეტიდან გამოვიდა და თავმჯდომარის კაბინეტისკენ გულმოსუ-ლი რომ გარბოდა, დამინახა და თავი დამიქნია. კართან, თითქოს რაღაც გაახსენდაო, შემოტრიალდა და უღვაში მოიქექა – გელა რომ გავგზავნოთ? კირთაძე ნახვალ აჩინჩარაში?

კედელს არ მოვშორებივარ, არ მიყვარს ზედმეტად ცეცხ-ლოვანი, ცქვიტი ადამიანები. – რატომ, რა საქმეზე-მეთქი – მშვი-დად ვკითხე.

თავმჯდომარის კაბინეტის კარი გამოაღო და შესძახა – გელა კირთაძეს გავგზავნი! სხვას მაინც ველარავის ვიპოვი! აქ არის, კი! – კარი მიხურა და მომიბრუნდა – აჩინჩარაში ხვალვე უნდა წახვიდე. კვინინიას იუბილეს უნდა დაესწრო. შევთანხმდით მანანა, გამოუწერე მივლინება!

ჩემს პასუხს არც კი დაელოდა, ღია კარში ტყუცა თავი. მდივან გოგონას მამის სახელი შევახსენე, დანარჩენი თვითონ იცოდა, მივლინების ფული ავიღე, დღის ბოლომდე გამომცემლობაში ვიყურყუტე და როგორც იქნა, მოიღეს მონყალება, მაღირსეს შარშან რომ ჭკუასელის ნოველებს ვურედაქტორე იმის ორიოდ გროში. ანი წიგნს სარედაქტოროდ აღარ ავიღებ, ჯერ ერთი, კაპიკებს იძლევიან და მეორეც, ცხრაჯერ მაინც უნდა მიხვიდე და ღარიბი ნათესავივით ეღრიჯო თავგაბებრებულ ბულალტერ-მოლარეებს.

ავტობუსის გაჩერებასთან იდგა, კოსტავას ქუჩაზე, ფილარმონიის წინ. ხალხს გამოყოფოდა. განზე გამდგარიყო გაბუტულივით. ყავისფერი საქალაღდე ისევ ისე ეჭირა. მანქანებს ხელს არ უქნევდა, თავს ასწევდა მხოლოდ და ტაქსს მაღალი ყელის მოხდენილი მოძრაობით ანიშნებდა, თუ თავისუფალი ხარ, გააჩერეო. ფეხებთან დავუშუბრუჭე და წინა კარი გამოვადე. ჩემს „ჟიგულს“ ამრეზილად შეავლო თვალი და განზე გაიხედა.

– ქალიშვილო!

ბურგი შემაქცია. ამაოდ ველი, რომ გამოიხედავს და მიცნობს.

– ამხელა კაცმა თავმოყვარეობა სად დაკარგე. ვერ გაეტევი შენს გზაზე? – დამგესლა ხელჩანთიანმა, მძიმე წონის მანდილოსანმა.

– ნელი! – სიბრაზისაგან გამშრალი ხმით დავუძახე.

– ბატონო გელა! მაპატიეთ, – თითქოს ხმაზე მიცნოვო, ერთბაშად შემობრუნდა, საქალაღდე გამომინოდა და ევროპულად ჩაეშვა მანქანაში. ევროპულად-მეთქი რომ ვამბობ, არ გაგიკვირდეთ. მოსკოვში, შარშან, ერთმა ტაქსის შოფერმა ამიხსნა: ჩაჯდომის მანერაზე ვცნობ, ვინ ევროპელია, ვინ მოსკოველი (რატომ გამოყო, არ ვიცი) და ვინ პროვინციელიო. პროვინციელები ჯერ თავს შემყოფენ მანქანაში და მერე ხუთნაირად იგრიხებიან, სანამ სავარძელზე მოკალათდებოდნენო. მოსკოველები, რატომღაც, ჯერ ფეხს შემოდგამენ და მერე სხდებიანო. ეს გაცილებით უფრო მოსახერხებელია, ვიდრე თავის შემოყოფა ტაქსშიო. ევროპელები კი ელვისისწრაფით ჯდებიან. კარს გამოაღებენ თუ არა, უკვე სხედან სავარძელში. სასიამოვნო საყურებელია მათი დაჯდომაო. ნელი, როგორც მოგახსენეთ, ევროპულად დაჯდა. საქალაღდე გამომართვა, უკან გადადო და თეთრი, ჩაწიკნიკებული კბილები შემომანათა.

- შეგანუხეთ, ვინ იცის, გერქარებოდათ.
- ასე რომ ყოფილიყო, არ გაგიჩერებდით, - რა უხეიროდ გამო-  
მივიდა, მაგრამ ენიდან გასულ სიტყვას ველარ დაიბრუნებ.
- თქვენ გინდოდათ გეთქვათ, გამიჩერებდით და ბოდიშს მომიხ-  
დიდით, რომ გერქარებათ. ხომ?
- დაახლოვებით. საით წავიდეთ?
- პავლოვის ბოლოში, ძალიან შორს ხომ არ არის? - შეშფოთე-  
ბით მკითხა.
- არა. მეც იქით ვცხოვრობ.
- თქვენ ხომ ვაკის პარკთან ცხოვრობთ?
- საიდან იცით? - რა მემართება, რა ცივად და უხეშად  
ველაპარაკები ამ ანგელოზივით გოგოს.
- ერთხელ დაგინახეთ. ვაკე-საბურთალოს გზაზე, მაღალფეხე-  
ბიანი, თეთრი სახლიდან გამოხვედით.
- გმირთა მოედნის წრეში კარგა ხანს ვერ შევედით, ვარაზისხევი-  
დან მანქანების ნიაღვარი მოგვანყდა.
- მთელი ტანით შემობრუნდა და თითქოს სილა გამანწაო:
- ბატონო გელა რატომ ხართ ცუდ ხასიათზე?
- მოვხედე და შეშფოთებულ ირმის თვალებს რომ წავანყდი,  
გამეცინა:
- მაპატიეთ, ეგ თქვენ არ გეხებათ... საერთოდ ამ ბოლო დროს  
მე უფრო ხშირად ცუდ ხასიათზე ვარ.
- ნინ გაიხედა და ფიქრიანად ჩაილაპარაკა.
- ვიცი.
- საიდან იცის. ვერ ვიტან პატარა გოგოცუნების ყალბ, რომან-  
ტიკულ, ამოხვრებით სავსე ლაპარკს. ესეც ალბათ ისეთივეა,  
როგორც მისი ასაკის ლამაზმანთა უმეტესობა - ყურადღებით  
განებივრებული, ქარაფშუტა, ცხოვრებაუნახავი, ნოტებზე მო-  
ლაპარაკე.
- როგორი კაცია თქვენი დირექტორი?
- მცირე პაუზის მერე მიპასუხა.
- მე მგონი კარგი პიროვნებაა. იცით, მე შეიძლება ვცდებოდე,  
მე მხოლოდ ერთი თვეა მანდ ვმუშაობ. ჩემთვის კარგია. სამსახ-  
ურში მიმიღო. ინსტიტუტში პროფილის ცნობა რომ არ მიმეტანა,  
გამრიცხავდნენ.
- ჟურნალისტიკაზე სწავლობთ?
- დიახ, დაუსწრებლად, მეორე კურსზე.
- მამა რა მოხელეა?
- მამა არ მყავს, ბატონო გელა.
- ?



– ერთი წლის გახლდით, მამამ თავი რომ მოიკლა. დედამ და დეიდამ გამზარდეს.

– რატომ მოიკლა თავი?

– ვერ გეტყვით.

– არც დედამ იცის?

– დედამ, ალბათ, იცის, მაგრამ როცა ვკითხავდი, რალაც სისულელეებს თხზავდა. შევატყვე, რომ არ უნდოდა, სიმართლე ეთქვა ჩემთვის და კარგა ხანია მეც აღარ ვეკითხები.

– რა გვარი ხართ?

– ნიკურაძე.

ხელნაწერთა ინსტიტუტთან გამაჩერეს.

– რა უნდათ? – ეს არ იყო გულგრილი მგზავრის მიერ მოვალეობის მოხდის მიზნით დასმული შეკითხვა. აშკარად ჩანდა, ნელის არ უნდოდა, ჩემს უგუნებობას კიდევ ერთი მიზეზი დამატებოდა.

მანქანაში რომ დავბრუნდი, პირველ რიგში მისი ცნობისმოყვარეობა დავაკმაყოფილე.

– რეიდა. საბუთებს ამონმებენ. ტექდათვალიერება არ გამივლია და კინალამ დამაჯარიმეს. ხვალ ვაპირებდი, მაგრამ ხვალაც ვერ მოვასწრებ, აჩინჩარაში მგზავნიან.

– რაზე?

– მივლინებით.

– რა კარგია. – ჩემსკენ არ იხედება. პროფილი ისე ლამაზი არა აქვს, როგორც ანფასი.

– რად გინდოდათ ჟურნალისტიკა? – რალაც ხომ უნდა ვკითხო.

– ამ შეკითხვას მხოლოდ ჟურნალისტები მაძლევენ. ვიცი, ახლა თქვენ მეტყვით, ნერვების გლეჯის მეტს არაფერს მოგიტანს ჟურნალისტიკა. შენ ლამაზი გოგო ხარ. შესულიყავი უცხო ენებზე, ან მსუბუქი მრენველობის ფაკულტეტზეო. ეს ყველაფერი, ათასჯერ მომისმენია და მაინც ჟურნალისტიკაზე ვსწავლობ. დიდ ნიჭს ვატყობ-მეთქი თავს, ვერ გეტყვით, მაგრამ მიზიდავს ეს სპეციალობა. ძალიან მიყვარს.

– აგაშენა ღმერთმა, – ვთქვი და გულში დავაყოლე: ღმერთო, რა კარგია რომ ასეთი „ჯიუტი“ ახალგაზრდები მოდიან ჟურნალისტიკაში. ამ სიჯიუტეს, თუ ჭკუაც ახლავს ისინი უთუოდ გაიტანენ ლელოს. ასეა, ბოლოს ნებისყოფა იმარჯვებს.

ტროლეიბუსის პარკთან, პავლოვზე, რომ ჩამოვუხვებით, კუთხის სახლთან გამაჩერებინა მანქანა. ამ სახლში ვცხოვრობ, მეხუთე სართულზეო. ის პატარა აივანი, წითელი პილპილის აცმა რომ ჰკიდა, ჩემიაო. აივნის კარი ღიაა, დედაჩემი მოსულია სამსახურიდანო. მაპატიეთ, ვერ გეპატიჟებით, არა ვართ ისე მოწყობილი, თქვენ

რომ გეკადრებათო. დიდ მადლობას მოგახსენებთ ყურადღები-სათვისო. კარი გამოალო და ჩქარი ნაბიჯით წავიდა. საქალაქადე დაგრჩათ-მეთქი, მივაძახე. მოირბინა. ასეთი დაბნეული არასოდეს ვყოფილვარ, რა მემართება, არ ვიციო. მორცხვად გამიღიმა, კიდევ ერთხელ მომიბოდიშა და წავიდა.

მოვდიოდი შინისაკენ და ვწანობდი, რომ ასე მალე დამშორდა. ბოლოსდაბოლოს კაცი ვარ, გასეირნება მაინც შემეთავაზებინა-მეთქი, ჩემს თავს ვტუქსავდი. ვინ იცის, კიდევ როდის შემხვდება შემთხვევით. ბოლოს დავასკვენი, რომ კარგად მოვიქეცი. ნელი ფლირტის ქალაქის მიწოდების სიტუაციას არ ქმნიდა. ისე ალაღად და გულწრფელად ლაპარაკობდა, რომ ჩემგან – „კუს ტბა-ზე ხომ არ ავსულიყავით სუფთა ჰაერის ჩასაყლაპავად“ – სრულიად უადგილო იქნებოდა. თავს გავიბითურებდი და მეტი არაფერი. იქნებ მომეჩვენა, იქნებ იგი უბრალოდ კარგად გაზრდილი გოგონა იყო, ან ისე ეშმაკი და ჭკვიანი, რომ ახერხებდა თავი მიაშიტ გოგონად მოეჩვენებინა-მეთქი. ერთი გაფიქრება ესეც კი გავიფიქრე. ბოლოს „ჟიგული“ ჯაჭვით რომ დავაბი, ფეხზე ვივანშმე და ჩემი ბიჭისთვის, ჩემდა ჭირად შეძენილ, ასანყობ „ხომალდს“ ჩავუჯექი, ნელი ჯერ ოდნავ გაფერმკრთალდა და თანდათანობთ მიიცრიცა მეხსიერების ფსკერზე.

აჩინჩარა პატარა ქალაქია შავი ზღვის სანაპიროზე. იმდენად კობტა ქალაქია, რომ ორმოცამდე ეროვნება ცხოვრობს. მსოფლიოს ხალხთა პატარა მუზეუმი პირდაპირ. იქნებ ამის გამოცაა, რომ ქალაქს ერთიანი არქიტექტურული იერი არა აქვს. ყველას თავის გემოზე უშენებია, ყველას თავისი სტილის დამკვიდრება უცდია, მაგრამ თუ რაიმე არ უხდება აჩინჩარას, ეს გახლავთ ამ ათიოდე წლის წინათ აშენებული სამი მაღალი სახლი, რა მტრული მოსაზრებით ჩამოაფარეს ეს სახლები იაშთხვას მწვანე ფერდობებს, კაც-მა არ იცის.

კვინინას იუბილეს დავესწარი, სიტყვაც ვთქვი და მეორე დღესვე უკან გამობრუნებას ვაპირებდი, მაგრამ გადავიფიქრე. სასტუმრო „აქაბია“, სადაც ჩემმა თავაზიანმა მასპინძლებმა დამიდეს ბინა, ზღვას გადაჰყურებს. ამინდები მშვენიერია. ერთ კვირას დავრჩები. ცოტას გავივლ-გამოვივლი, ზღვაში ჩავიჭყუმპალავებ, რა ხშირად კი მე ვისვენებ-მეთქი. სიამოვნებით დამთანხმდნენ. რამდენ ხანსაც გაგიხარდებათ, ბრძანდებოდეთო. ღმერთო, ნუ მოშლი საქართველოში სტუმარ-მასპინძლობის გასაოცარ ადათს. რა მოწინებით მეპყრობიან, თვალში შემციცინებენ, რესტორნიდან რესტორანში დამატარებენ, ამათთვის მე ლიტერატურული ავტორიტეტი ვარ. თუ შენს თავზე რწმენა შეგერყა. შენს ძალებში თუ

დაეჭვდი, მკითხველო, აიკარი გუდა-ნაბადი და ერთი კვირით ენვიე რომელიმე პროვინციულ ქალაქს. ძალა დაგიბრუნდება, გამხნეველები, სულ სხვა კაცად დაბრუნდება.

აჩინჩარაში ჩასვლის მეორე დღესვე ნელის სახე დამიდგა თვალნინ და მოსვენება დაეკარგე. რა ხდება ჩემს თავს? სენტიმენტების და რომანტიკის კაცი არასოდეს ვყოფილვარ და ახლა მით უმეტეს. აღარც ასაკი მაქვს აცუნდრუკების და არც გარემოება მაძლევს დიდ გასაქანს. უეცრად ჩამოფრინდება ნელის სახე გონების თვალში და ვერც ვიცილებ. ზღვას გავყურებ, ესესაა ლურჯი ტალღებიდან ამოყო ხუჭუჭა თავი და ჩემსკენ მოცურავს, პირაღმა დავწვები, ღრუბლებში გაკრთება და გაბუტული სახით ცის კაბადონზე დგას და მიცქერის რესტორანში ვზივარ, სადაცაა შემოვა ტანის ლამაზი რხევით, მასპინძლებს ბოდიშს მოუხდის და ჩემს გვერდით დაჯდება. მალი-მალ კარებს გავყურებ. ხომ გამოგიცდიათ ასეთი გრძნობა, – ვილაც გაკლია, ვილაც შენს გვერდით უნდა ყოფილიყო და აუხსნელი მიზეზის გამო არ ჩანს. იგვიანებს ღმერთო ჩემო, რას ველი, ვის ველი. ყველას შეიძლებოდა ახლა ჩემს გვერდით ყოფილიყო, გარდა ნელისა. რა ვარ მე მისთვის? ხეირიანად არც კი მიცნობს გოგო. სასაცილოდ არ ეყოფა, ალბათ, თბილისში რომ ჩავალ და ვეტყვი, ტკივილამდე მენატრებოდით, სულ თქვენი ხატება მედგა-მეთქი თვალნინ. ვტუქსავ ჩემს თავს, ვცდილობ სხვა რამეზე გადავიტანო ფიქრი, მაგრამ არა და არ გამოდის.

მთელი ღამის უძილო დილით, სალაპარაკო პუნქტს მივადექი. გამომცემლობაში დავრეკე და მდივან გოგონას ვთხოვე, თუ შეიძლება, ნელი ნიკურაძეს დამაკავშირეთ-მეთქი. ახლავე ვნახავ თუ არისო. ღმერთო, როგორ გაგრძელდა ეს ერთი წუთი. გული ბაგაბუგით მიცემს. მოვა ახლა, „გისმენთ, გისმენთ?“, რა ვუთხრა, ვინ ვარ, რაზე ვრეკავ? რამ ამამჩატა ამხნის კაცი, რა ეშმაკი შემიჯდა. „ალო, ალო“, – ნელის ხმა არ არის, – „ბატონო, არ არის, არ მოსულა ჯერ, იქნებ კიდევ დარეკოთ? ვინ ბრძანდებით, რა გადავცე?“ „არაფერი გმადლობთ, თქვენის ნებართვით კიდევ დავრეკავ“ ჯიხურიდან გამოვედი და ღრმად ამოვისუნთქე. „კიდევ კარგი, არ დამხვდა, ახლა ზღვაზე წავალ, გავერთობი და მეტს აღარ დავრეკავ“.

აღარც კი მახსოვს, სად ვიარე დაახლოებით ორი საათის განმავლობაში და როგორ აღმოვჩნდი ისევ სალაპარაკო ჯიხურთან. „იცით რა, არ მოსულა, მგონი ნელის ლექციები დაენყო და შეიძლება ამ დღეებში არ მოვიდეს“. ყურმილი დავკიდე და გამშრალი გამოველ გარეთ. „დეპეშას გავგზავნი“, გამიელვა. ბევრი აღარ მიფიქრია, ფოსტაში ჩავიბრინე და ასეთი ელვა დეპეშა ვაფრინე

თბილისს: „თბილისი, გამომცემლობა „ნიჩაბი“, ნელი ნიკურაძეს, დაგხვდები ხვალ, პარასკევს, აჩინჩარას მატარებელზე, მოკითხვა დედას, ჩამოდი აუცილებლად, მერი, სასტუმრო „აქაბია“, ეს რა კარგად მოვიფიქრე. ალბათ, დღეს, ან ხვალ უეჭველად შეივლის სამსახურში. ეჭვსაც ვერავინ აიღებს, „მერი“ ზღვაზე ეპატიყება. მორჩა და გათავდა. მაგრამ თვითონ? მიხვდება, რომ ამ დეპეშას მერი კი არა, მე ვუგზავნი, მხოლოდ ორი დღის ნაცნობი, გელა კირთაძე, რომ ზღვარი არა აქვს ჩემს სითამამეს და გაბედულობას?

რალა გავაგრძელო, პარასკევს გავვარდი მატარებლის დასახვედრად. ბაქანზე რომ ავრობდი, უჩვეულო სიმსუბუქე ვიგრძენი.

ასე გაბავშვებულად და გალალბულად თავი დიდი ხანია არ მიგვრძნია. ეჭვიც არ მეპარება, რომ ჩამოვა. საქმიანი იერით დავაბიჯებ სადგურის ფილაქანზე. მატარებელმა ორი საათი დაიგვიანა, მაგრამ მოწყენა წუთითაც არ მიგრძენია. ეს მოლოდინი ყელამდე მავსებდა. გულის სიღრმეში მიხაროდა კიდეც, რომ მატარებელმა დაიგვიანა. დავაბიჯებდი ბაქანზე და თვალწინ მეათასედ იშლებოდა ძვირფასი კადრი. იგი ვაგონის კიბეზე დგას. ხელს შევავსებ, ხელჩანთას გამოვართმევ, მხარზე ხელს გადავდებ და ასე, ტკბილი მუსაიფით მივდივართ ტაქსის გაჩერებისკენ. გზადაგზა ხუჭუჭა ქოჩორს ვუვარცხნი. მეჭიკჭიკება რალაცას, მაგრამ არაფერი მესმის. უსაზღვროდ ბედნიერი ვარ.

ჩემს თვალწინ ჩაილალნენ ვაგონები, მაგრამ ნელი არ ჩანდა. მატარებელი რომ გაჩერდა, ბაქანის გასასვლელისაკენ გავიქეცი. თუ ჩამოვა, უსათუოდ აქ გამოვივლის, აქ ნამდვილად არ ავცდებით ერთმანეთს. სანამ უკანასკნელმა მგზავრმა და მისმა დამხვედურმა არ ჩაათავეს კიბე, ფეხი არ მომიცვლია, არ ჩამოვიდა. გულდამძიმებული დავბრუნდი „აქაბიაში“ და მთელი დღე ტანსაცმლიანად პირალმა ვეგდე ტახტზე, ჭერს მიშტერებული. გაცუდდა ჩემი ოცნებები? არა. ასე არ ხდება. ასე არ უნდა მომხდარიყო. მე ხომ ასე საოცრად მინდა, რომ იგი ახლა ჩემს გვერდით იყოს. რალაც ლოგიკა მაინც ხომ აქვს ცხოვრებას? ხანდახან მეჩვენება, რომ მთელმა ქვეყანამ იცის ეს ამბავი. თითქოსდა ყველამ ერთად შეკრა პირი ჩემს მოსატყუებლად. თითქოსდა, ისიც წინასწარ იყო დაგეგმილი, რომ დერეფანში გაეცნოთ, მერე გაჩერებაზე დაეხვედრებინათ, აჩინჩარაში მივლინებით გავგზავნეთ, რათა ანგელოზის სახიანი გოგოთი გაგიჟებულს სულელური დეპეშა გამეგზავნა თბილისში. უჭირავთ ახლა ჩემი დეპეშა და ხარხარებენ. ნელი? ნელის სუფთა, შვლის თვალები რომ გამახსენდებოდა, ავი ფიქრები საპნის ბუშტივით ქრებოდნენ. არა, არა მის სიტყვებში თვალთმაქ-

ცობის ნატამალი არ ჩანდა. უბრალოდ დეპეშა დაუგვიანეს, ხვალ უსათუოდ ჩამოვა.

მთელ ღამეს არ მეძინა. დილით წამთვლიმა და თვალი რომ გავახილე, ცხრა საათი იყო. შეშლილივით წამოვვარდი. წყალი შევისხი, პირის გაპარსვას ვინ დაექებს, ღილებს გზაში ვიკრავ. დამაგვიანდა. მატარებელი (თუ დღესაც არ დააგვიანა) ზუსტად ცხრაზე ჩამოდის. კარგა ხანს ფეთიანივით ვაწყდებოდი აქეთ-იქით ქუჩაზე, მაგრამ ტაქსი არა და არ გამოჩნდა. ბოლოს ძალით ჩავუხტი ვილაცას მანქანაში და დავეღრიჯე, თუ ძმა ხარ, სადგურში მიმიყვანე, ბავშვი მოყვება მატარებელს, გზა-კვალი არ იცის, თუ არ მივუსწარი, დავიღუპე-მეთქი.

სამი ნახტომით ბაქანზე გავჩნდი მატარებელი ჩამოსულა და ჩამოცლილა კიდეც. არავინ ჩანს, საათის ქვეშ გაჩერებული ერთი ნითელქუდიანი რკინიგზელის გარდა, გულჩამწყდარი ჩამოვბრუნდი ავტობუსის გაჩერებაზე. ბოძს მივეყრდენი და ის იყო ჩემს უიღბლობა-უნიათობაზე მწარე ფიქრებმა გამიტყუეს, რომ ზედ ყურის ძირში მომესმა:

– ბატონო გელა!

– ნელი! – ვიყვირე. ალბათ ასე ყვირიან ზღვით განამებული მეზღვაურები „მინას“, ხმელეთს რომ დაინახავენ.

\* \* \*

– გამიშვი, ძალიან გთხოვთ გამიშვი, თორემ ვიყვირებ, – ნელიმ სასონარკვეთილი სახით მომიცილა და ჩემს პირდაპირ, ნარზე გადააჯდა.

– რა მოხდა?

– ჯერ ერთი, მატარებელი მცხეთაში შედის და მეორეც, მანდ იჯექი, უნდა გელაპარაკოთ.

– რა უნდა „მელაპარაკოთ“? – „თ“-ს დავანექი.

მიყურა, მიყურა, გაიღიმა და ჩუმად თქვა.

– მაპატიეთ, ვერ მივეჩვიე თქვენთან შენობით ლაპარაკს.

– რა ხდება, ნელი?

– მომისმინეთ ყურადღებით. იცით რა, მე თქვენ არ მიყვარხართ და, – თითქოს ეშინია ვაი თუ ვერ მოვასწროო, სხაპასხუპით მიაყარა ერთმანეთს, – ძალიან გთხოვთ, თბილისში ნუ ვნახავთ ერთმანეთს. რაც იყო, იყო.

– ნელი! გაჩუმდი.

– ჰო, ჰო, დედას გეფიცებით, მართალს ვამბობ. მე თქვენ არ მიყვარხართ.

– გძულვარ?

– არ მძულხართ, მაგრამ სულერთი ხართ ჩემთვის. რალა თქვენ და რალა ის კაცი, ხედავთ? ჯიხურს რომ მიყრდნობია. ეს გრძნობა სიძულვილზე უარესია, რომ იცოდეთ.

– როდის მიხვედი ამ დასკვნამდე?

– დიდხანს ვფიქრობდი, მაგრამ ახლა, ამ წუთში საბოლოოდ დავრწმუნდი. ახლა რომ გადმოიხაროთ და მაკოცოთ, შეიძლება გავვიყუდე.

გადავიხარე, გულზე მივიკარი და ვაკოცე.

– გამიშვით, ხომ ხედავთ, არ გპასუხობთ. არ მიყვარხართ, არა, არა, არა. მანდ იჯექით და ვილაპარაკოთ, – საათს დახედა და ამოიხვნეშა, – ღმერთო, რა ნელა გადის დრო. არაუშავს, თხუთმეტ წუთში დამთავრდება ეს ყველაფერი.

– შენ ასე ფიქრობ?

– დარწმუნებული ვარ: ჩვენს შორის ყველაფერი გათავდა. რაც იყო, იყო. კარუსელს უკულმა ველარ დავატრიალებთ.

– ეს ხუთი დღე?

– ხომ გეუბნებათ, რაც იყო, იყო-მეთქი.

– ნელი, შენ ჭკუაზე ხარ?! ეს ხუთი დღე ხომ ყველაზე უბედნიერესი იყო ჩემს ცხოვრებაში. და თუ ასეა, რატომ მეჩვენებოდა, რომ შენც ბედნიერი იყავი ჩემს გვერდით.

ნელში გაიმართა, ვაგონის კედელს მიაყრდნო ლამაზი, ხუჭუჭა თავი.

– დავუშვათ. ეს არაფერს აღარ ნიშნავს. გახსენებაც არ მინდა. დავიღალე. ახლა მე თქვენ სრულებითაც არ მიყვარხართ.

– ნუთუ ამ ხუთმა დღემ სხვაში ვერაფერში დავარწმუნა?

– რაში უნდა დავერწმუნებინე. ეს ყველაფერი, რაც ჩვენს შორის მოხდა, დაბნეული გოგოს ხუთდღიანი არშეიყი იყო. მინდოდა და გავაკეთე. ახლა აღარ მინდა. თქვენი დანახვაც აღარ მინდა. ხვალ შეიძლება სხვა მომენონოს და ასეთივე წარმატებით...

– ნელი! – გავარტყი.

სახეზე ხელი მიიფარა. გაოცებით შემომხედა.

– რატომ გამარტყით ასე ღონივრად, ბატონო გელა, ხომ შეიძლება დამაჩნდეს ლოყაზე. მე ხომ ხუთდღიანი მივლინებით წამოვედი სამსახურიდან. ასე იცის დედაჩემმაც, – ლოყიდან ხელი მოიცილა და ჯიქურ შემომხედა, – აი, იმდენად სულერთი ხარ, ჩემთვის, რომ შენი სილა არც კი მწყენია.

– რატომ ჩამოხვედი?

– მე თქვენ დიდი ხანია გიცნობთ. ბავშვობიდანვე თქვენაირი კაცები მომწონდა. ნიჭიერი „ნეუდაჩნიკები“. თქვენს მიმართ რალაც-

ნაირი გრძნობა მქონდა. არა, ამას სიბრალული კი არ ერქვა. რალაც მშობლიური, რალაც სხვანაირი. სიყვარულსა და სიბრალულს შუა.

– გმადლობთ თანაგრძნობისათვის. ყველა ხელმოცარული მამაკაცის სახელით. მერე?

– თქვენი დეპეშა, როგორც ჩამოსვლის დღეს გითხარით, გვიან მივიღე. ოთხშაბათს სამსახურში საერთოდ არ ვყოფილვარ. ვიცოდი, მიდეპეშებდით, ან დარეკავდით აქ გასაოცარი არაფერია. თქვენ ნორმალური კაცი ხართ და უსათუოდ უნდა გადმოგეგდოთ ანკესი, მით უმეტეს ჩემთვის, რაკი, როგორც ამბობენ, ლამაზი ვარ.

გაჩუმიდა. სარკმლის ფარდა გადასწია.

– ვიცოდი, რომ თქვენი დეპეშა იყო, მაგრამ მაინც გავბრაზდი. თქვენმა უტიფრობამ გამაბრაზა. ეს ყველაფერი ისე ტლანქი იყო, ისე მამაკაცური. თქვენ მარტო იყავით სასტუმროში. ნომრის გასაღები ჯიბეში გედოთ და მე, დიაცს საალერსოდ მიწვევდით. დეპეშის დახვევა მინდოდა, მაგრამ მერე უცნაურმა ჟინმა შემიპყრო, ჩამოვსულიყავი და გამეოცებინეთ. ეტყობა, პატარა ავანტიურისტიც ზის ჩემში. თქვენ ხომ არ მელოდით. ჩვენი ნაცნობობის დროით და ჩემი ცხოვრების წესით თუ ვიმსჯელებთ, მე არ უნდა ჩამოვსულიყავი. შეიძლება უბრალოდ იმიტომაც გამოგზავნეთ დეპეშა, რომ სამომავლო ალიბი გქონოდათ: „პატარა გოგო, იცი, რამდენს ვფიქრობდი შენზე მივლინებაში?“ მივლინებაში... დიდი ამბავი.

– ცდები. ვიცოდი, რომ ჩამოხვიდოდი.

– ეტყობა, თავიდანვე ვერ დავტოვე თქვენზე კარგი შთაბეჭდილება. ან ვინმემ ინფორმაცია მოგანოდათ – ჩქარი გოგოა. თუმცა, დედას ვფიცავ, ამის საბაზი არასოდეს, არავისთვის არ მიმიცია. თუმცა ამას ახლა არავითარი მნიშვნელობა არა აქვს. ან, იქნებ, ჩემს გამოუცდელობაზე ითამაშეთ. მე ხომ ოცი წლისა ვარ. მისმენთ?

– განაგრძე. როგორც ახლა ირკვევა, შენ ოცი წლის გულუბრყვილო გოგო კი არა, ჩემზე უფროსი ქალი ხარ.

– კარგი, გელა, – გაიღიმა, – ნუ დამცინი, – წარბები ისევ შეჰყარა და მკაცრი იერი მიიღო, – და აი, ჩამოვედი. მე არ ვნანობ. კარგად ვიყავი თქვენთან ეს ხუთი დღე. მომხიზვლელი მამაკაცი ხართ. ალერსიანი. სიმართლე გითხრათ, მაინტერესებდა კიდეც, როგორი იყავით საერთოდ. მეტი არაფერი. დილით საწოლიდან რომ ავდგებოდით და სასაუზმოდ ჩავდიოდით, აღარ მიყვარდით და მინდოდა ჩქარა დაღამებულიყო. თქვენს გვერდით უცხოდ ვგრძნობდი თავს. მარტო ლოგინში მიყვარდით, მორჩა და გათავდა. მაპატიეთ, ასე უხეშად რომ გელაპარაკებთ.

– მერე?

– არ ვიცი, რისი ბრალია, ყოველივე ეს. შეიძლება ჩემი ასაკის. მე ჯერ კიდევ ძიების, ადამიანებთან ურთიერთობის გარკვევის პროცესში ვარ. ან იქნებ, თქვენ არა ხართ ის მამაკაცი, ვისაც სიყვარული შეუძლია საერთოდ. ან იქნებ, მე არ დამაყოლა ბუნებამ სიყვარულის ნიჭი. ან და შეიძლება ერთი მიზეზი ესეც იყოს – სიტუაცია არ გვიწყობს ხელს. ჯერ ერთი, თქვენ ჩემზე ბევრად უფროსი ხართ. ეს ცოტა როდია. თუმცა მე ჩემს ასაკის ბიჭები არასოდეს არ მომწონდა. ასეთი ხასიათი მაქვს. იცით რა, დავი-ლაღე. ჩამოსვლისთანავე სირცხვილი მიწვავდა ზურგს. თქვენ რომ ამოდ უმტკიცებდით ადმინისტრატორს, ჩემი ცოლია, მაგრამ პა-სპორტი თბილისში დარჩაო. მერე ყოველდამე საცოდავი ღიმილით რომ უნდა დაგედოთ „ბამბანერკა“ სართულის მორიგისათვის და ნომერში აგეპარებინეთ. ახლაც მზარავს იმის გახსენება, რომ შეი-ძლება, ბაქანზე ცოლი დაგხვდეთ. გითხრათ, როგორ მოიქცევით? ერთს უმწეოდ, დაბნეულად გამიღიმებთ, შემთხვევით დამგზავრე-ბულ გოგოსავით დამემშვიდობებით, ცოლს ხელკავს გამოსდებთ და წახვალთ. რა საშინელებაა.

– ნელი, მე შენ გაგიყვებით მიყვარხარ.

– მე არ მიყვარხართ. და საერთოდ ძალიან გთხოვთ ნუ ლაპარაკობთ ამ სიტყვებს. მე თქვენ გინდოდით, როგორც ქალი. და მე ვიყავი თქვენთან, ჩემი სურვილით. უფრო მარტივად უნდა შეხედოთ ამ ამბავს. ეს სიყვარული არ იყო. ბუზს სპილოდ ნუ აქცევთ. არ გჭირდებათ ეგ რომანტიკა. კიდევ კარგი, რომ დროზე ვშორდებით ერთმანეთს. ეს რომ ნამდვილი სიყვარული იყოს, საშინელება იქნებოდა. გატანჯული სიყვარული. ლოდინი. კონ-სპირაცია, ცოლ-შვილისთვის ნართმეული დრო და ფული. საზიზ-ღრობაა პირდაპირ.

– ესე იგი შენ თვალთმაქცობდი ეს ხუთი დღე.

– სრულიადაც არა. ხომ გითხარით, მე მსიამოვნებდა თქვენთან ყოფნა და არ გეკამათებოდით. კარგად გაზრდილი გოგო ვარ და თქვენ რომ სიყვარულზე მეჩურჩულებოდით, საწოლში კამათს ხომ არ დაგინწყებდით.

– ახლა?

– ახლა სხვა სიტუაციაა. ჩვენი ხუთდღიანი ეპოპეა დამთავრდა და სიმართლე, ბოლოსდაბოლოს, ხომ უნდა მეთქვა.

– ნელი, – ყელი გამიშრა, თავბრუ მესხმის, ნუთუ ეს ყველაფერი მართალია, ნუთუ ყველაფერი გათავდა. როგორ დავიჯერო, რომ მას შეეძლო, ხუთი დღის განმავლობაში დაუჯერებლად გულწრფელ ქალად მოეჩვენებინა ჩემთვის თავი, – ჩვენ ხომ ამაზე ერთხელ უკვე ვილაპარაკეთ.



– დავინწყეთ, მაგრამ ბოლომდე ვერ ვთქვი, ძალა არ მეყო. ნვეულებაზე შენ სასურველი კაცი ხარ. კარგი თამადა, ენანყლიანი. იუმორის ნიჭით დაჯილდოვებული. მაგრამ სწორედ მაშინ იყავი ჩემთვის ყველაზე უცხო. თავს ინონებდი, ყველას უღიმოდი. მალაღფარდოვნებდი. თითქოსდა ყველას ეკუთვნოდი. ჩემითაც თავი მოგწონდა. შემომხედეთ, რა ძლიერი ვარ. ოცი წლის ასე ლამაზი გოგოს სიყვარულის მოპოვება ხუმრობა ხომ არ არისო, მეტყველებდნენ შენი თვალები. და როცა მე დამინყე „გალამაზება“ სხვების თვალში – ფრიადოსანი სტუდენტია, ჟურნალისტიკაზე სწავლობს. მამიდასთან სტუმრად ჩამოსულა. შემთხვევით შემხვდა ქუჩაში და თქვენთან მოსვლაზე დავიყოლიეო, ეს კი ველარ გაპატიე და სამადლობელში ვთქვი, მე მამიდაჩემთან არ ჩამოსულვარ, და საერთოდ კარგად ვიცი ჩემი ადგილი და ჩემი ფუნქცია-მეთქი. შენ შეცბი. არ მოელოდი. მერე მთელი საღამო მეკითხებოდი – „ფუნქციაში“ რას გულისხმობდიო, მაგრამ მაშინ მიკიბულ-მოკიბულად აგისხენი. ძალა არ მეყო. ჯერ ერთი, ყველამ იცოდა, რომ შენს ნომერში ვათევდი ღამეს და მეორეც, მე ის გოგო არა ვარ, ვისაც ყველაფერზე მეტად სახელის გატეხვისა ეშინია.

– ხომ შეგეძლო, არც ახლა გეთქვა, – მაჯა ამოხტომას ლამობს. მეშინია გული არ შემიღონდეს.

– რა?

– შენი „სიმართლე“.

– ამით რა შეიცვლებოდა. მე ხომ თქვენ დღეიდან აღარ გნახავთ.

– შევინახავდი ამ სიყვარულს. მე ეს მჭირდებოდა. მე ეს მაცხოვრებდა ბოლომდე. მე ხომ ოცი წლის არა ვარ და საერთოდ ანი აღარავის შეყვარებას აღარ ვაპირებ. შენ იცი, რა ჩაიღინე? თუმცა... შენ მაინც ველარ გაიგებ.

– არა, ბატონო გელა მე ყველაფერს გავიგებ, მაგრამ დამერწმუნეთ, ასე სჯობდა. თქვენ დროზე უნდა გცოდნოდით. თქვენ ისე სუფთა კაცი ხართ, რომ მე ვერ მოგატყუებდით. მე არ მინდა იდარდოთ. განვალდეთ. უკეთესია ფიქრობდეთ, რომ მე ერთი ტუტუცი გოგო ვარ და ღირსი არა ვარ თქვენი სიყვარულისა.

– ეს რომ არ არის სწორი?

– სწორია! გეხვენები ნუ მტანჯავ! არ მიყვარხარ! არ მიყვარხარ! არ მიყვარხარ!

ისტერიული ცახცახით თქვა. სახეზე ხელები აიფარა და აქვითინდა. ერთბაშად გამოერკვა. გულში ჩამეხუტა და გაშმაგებით დამინყო კოცნა.

მატარებელი თბილისის სადგურში შედის.

\* \* \*

ტელეფონი კარგა ხანს რეკავდა.

გელამ იცოდა, რომ მისი ცოლი და ცხრამეტი წლის შვილი ასეთი უბრალო საქმისთვის ტელევიზორს არ მოშორდებოდნენ. საბანო გვერდზე მოისროლა, წამოჯდა და ფოსტლებს დაუნყო ფეხებით ძებნა. ცალს ვერ მიაგნო. წამოხტა, გაბრაზებული მიფლატუნდა ტელეფონთან.

– ალო, ალო, მაპატიეთ, რომ ასე გვიან განუხებთ! – ქალის შემოთვებული ხმა იყო, – ძალიან გთხოვთ, ჩაინერეთ ჩემი ტელეფონი.

– მოიცათ, ახლავე. – გელამ ფანქარი მოიმარჯვა, – ვინ ბრძანდებით?

– მე თქვენ არ მიცნობთ. ძალიან ცუდად ვარ. შეიძლება დილაამდე ვერ გავატანო. თუ არ შენუხდებით დამირეკეთ ხვალ დილით, სამოცდაერთი, მისმენთ?

– კი ბატონო.

– სამოცდაერთი, თერთმეტი. ოცდახუთი. თუ ხვალ დილით არ გიპასუხებთ, ესე იგი მკვდარი ვიქნები და იმ შემთხვევაში სასწრაფოს დაურეკეთ. ვაშლოვანის თხუთმეტია ჩემი მისამართი. კვიციანი ნელი. მაპატიეთ, განუხებთ.

– ქალბატონო, თქვენ მე მიცნობთ?

– არა, სრულიად შემთხვევით მოვხვდი თქვენთან.

– იქნებ სასწრაფოსთვის მიგემართათ?

– სასწრაფო ვერაფერს მიშველის. არ მინდა.

– რომ წამოვიდე ახლავე?

– არავითარ შემთხვევაში. მე თქვენ კარს ვერ გაგიღებთ. თუ შეგიძლიათ, შემისრულეთ ეს თხოვნა, თუ არა და, კარგად ბრძანდებოდეთ.

უცნობმა ყურმილი დაჰკიდა.

გელამ კედლის საათს შეხედა, თორმეტს აღარაფერი აკლდა.

– ვინ იყო? – ჰკითხა სავარძელში მიკეცილმა მეუღლემ.

– არ ვიცი. სხვაგან მოხვდა.

– რა სხვაგან მოხვდა, ათი წუთია ელაპარაკები, – ბიჭი ტელევიზორს მიჭიჭინებოდა.

– შენი საქმე არ არის და წესიერად დაჯექი. აღარ იძინებთ? რამდენჯერ უნდა ნახოთ „ვატერლოოს ხიდი“. რა ტელევიზორის ავადმყოფობა გჭირთ ორივეს.

– დანექი, დაიძინე შენ, გიშლით რამეს? – გაეპასუხა ცოლი.

– ტელეფონი რომ დარეკავს, მე მივიდე მაინცდამაინც? რა გეზარებათ ორ ნაბიჯზე მისვლა. ჩემი ცალი ფოსტლი სადაა?

ცოლმა ცერად გამოხედა ფეხბურთელის ფორმაში მდგარ, ცალ-ფეხსაცმლიან გელას.

– ლოგინქვემ გექნება. გადი, ნუ გვიშლი ხელს.

– მე კი გავალ, მაგრამ ხომ ხედავ, რას უშვრება ამ ბავშვს სიგარეტი, – ცოლს მიუბრუნდა გელა, – არ გესმის, რა ხმა აქვს?

– არაფერიც. აღარ ვენევი. ახლა გაცივებული ვარ ცოტა. გადი და დაიძინე, დედიკო, უთხარი.

ბიჭმა ისევ გამართა თავისი ლამაზი ფეხები და სათამაშო ლომს თავზე დაანყო.

გავიდა გელა სანოლ ოთახში, წამოწვა. ხუთიოდე ნუთი ჭერს შესცქეროდა. მერე ისევ წამოდგა, ხალათი მოიხურა, კარადის ქვეშ ცალი ფოსტლი მოძებნა, ტელეფონთან მივიდა. ქალალდი, რომელზეც ნელი კვიციანის მისამართი ეწერა, ჯიბეში ჩაიდო და სანოლს დაუბრუნდა.

დიდხანს არ დაეძინა.

„ავდგები და წავალ. ვინ იცის, როგორ უჭირს იმ ქალს. ძალიან შეწუხებული ხმა ჰქონდა. მაგრამ ჩემს სახლში ამის გამგებია ვინმე? აუხსენი ახლა ლილის, ამ შუალამეზე იმიტომ ვდგები სანოლიდან, ვიცვამ და გავდივარ ამ ქარში გარეთ, რომ ვიღაც უცნობმა ქალმა დამირეკა; ძალიან ცუდად ვარ, ამა და ამ ადგილას ვცხოვრობ და, თუ კაცი ხარ, მომეშველეო. ჯერ ერთი, სასაცილოდ არ ეყოფათ, მეორეც, ეჭვი შეეპარებათ ჩემს სიმართლეში. მესამეც, რაღაც ეს ამბავი დეტექტივის დასაწყისს ჰგავს. დავიჯერო ახლა, მთლად შემთხვევით მოხვდა ჩემთან? ვინმე მოცლილი არ ხუმრობდეს. მაგრამ გულწრფელი და შეწუხებული ხმა რომ ჰქონდა?“

ადამიანები უმეტესწილად თავს ინუგეშებენ და საოცარი ის არის, რომ თავიანთი საქციელის გასამართლებლად საბუთებს ყოველთვის პოულობენ ხოლმე. „თუ სასიკვდილოა, ამაღამ მაინც ვერაფერს ვუშველი, თუ საამქვეყნოა, ხვალამდე გაატანს, ხვალ შევეხმიანები და ან ექიმს მივუყვან, ან რამეს ვუსაშველებ“.

ამ ფიქრებში ჩაეძინა კიდეც.

ერთი სული ჰქონდა, სანამ დილით ცოლი და შვილი ის-აუზმებდნენ და სახლიდან გავიდოდნენ. გელამ ვერაფრით ვერ დაადგინა, რომელ საათზე ეწყებოდა მის შვილს ლექციები. ხან დედასთან ერთად ცხრის ნახევარზე გავიდოდა სახლიდან, ხან თორმეტ საათამდე ლოგინში ნებივრობდა. ბევრი ეჯაჯგურა გელამ, ბევრი იყვირა და ნერვები იშალა, რა ხერხს არ მიმართა, მაგრამ ბიჭი მის ჭკუაზე ვერ გაზარდა. ანი, მითუმეტეს, დაგვიანებული იყო. უცხო ენების ინსტიტუტის მესამე კურსის სტუდენტს თავისი ცხოვრება ჰქონდა. გელა ამჩნევდა, რომ ნელ-ნელა

უცხო ხდებოდა საკუთარ ოჯახში. წარსულს ბარდებოდა ერთად ყოფნის, ერთად განსჯის, ერთ აზრამდე მისვლის იდილიები, ოჯახს რომ კრავს საერთოდ. შვილი კი არა, თუ აუცილებელი არ იყო, ცოლიც კი აღარ ელაპარაკებოდა. გელა მარტო იყო თავის ფიქრებთან და საქმეებთან – საღამოობით გელა წიგნს კითხულობდა თავის ოთახში და ადრე იძინებდა. ტელევიზორი სძულდა. მისი ოჯახის მთლიანობის დარღვევას უმეტესწილად ტელევიზორს აბრალებდა.

მარტო რომ დარჩა, ტელეფონი თავის ოთახში გაიტანა, ფანჯარასთან დადგა, და როგორც იქნა აკრიფა სამოცდაერთი – თერთმეტი – ოცდახუთი.

– ალო.

– გისმენთ?

გულზე მოეშვა, ნელის ხმა იცნო.

– როგორ ბრძანდებით, ქალბატონო ნელი?

– გმადლობთ?

– გელა ვარ, – გაახსენდა, რომ ნელის მისი სახელი არ უნდა სცოდნოდა და მაშინვე დაამატა, – ნუხელის რომ დამირეკეთ. შეშინებული ხმა გქონდათ.

– მაპატიეთ, ბატონო, სულგრძელად შემინდეთ. ქმარი მივლინებაში წავიდა. ჩემმა შვილმა ნუხელის ძალიან დაიგვიანა. დიდი ბიჭია, მაგრამ მაინც ვნერვიულობ. იმათ დაბადების დღეებს და მიზეზებს რა დაუღევს. მე კიდევ, ავადმყოფ ქალს, როგორც ჩანს, გული დამისუსტდა. თქვენ ღმერთმა არ გამოგაცდევინოთ, სიკვდილი დავინყე. ჯერ ხელები და ფეხები გამიცვივდა. ცივმა ოფლმა დამასხა. ტელეფონისთვის არც დამიხედავს, პირველად რა ციფრებიც მომივიდა თავში, ავკრიფე. თქვენთან მოვხვდი. მე ვთქვი, გული რომ წამივიდეს, ან წერილი წავიღო იმქვეყნად, ერთმა ვინმემ მაინც იცოდეს-მეთქი.

– მიხარია თქვენი ხმის გაგონება, ახლა ხომ ყოჩაღად ხართ?

– შედარებით... პირველ საათზე მობრძანდა ჩემი ვაჟბატონი და ცოტა დავმშვიდდი.

– რა განუხებთ, ქალბატონო. თუ საიდუმლო არ არის.

– თქვენს მტერს, ბატონო, გელა, არა, თქვენი სახელი?

– დიახ.

– თქვენს მტერს, ბატონო გელა, მე რომ მჭირს. სამი წელია ლოგინად ვარ ჩავარდნილი.

– ?!

– კიდურებს ვერ ვამოძრავებ. მარილების დაგროვებააო, უწინ კუნტობას ეძახდნენ.

– მერე მარილებმა შეგაშინათ, ქალბატონო? უკაცრავად ერთი წუთით, – გელამ ფანჯარა გამოაღო და ჩასძახა, – აბა, მოშორდი მაგ ტერიტორიას! სწრაფად, სწრაფად, არ ჩამომიყვანოთ, იცოდეთ! – ტელეფონის ყურმილი ხელში ეჭირა, – უკაცრავად, ქალბატონო ნელი. ბავშვებს დაუწყაცხანე. ხელისგულისოდენა ადგილი გვაქვს სახლის უკან. შარმანნინ პატარა ბაღია გავაშენეთ მეზობლებმა. ბავშვებისგან ვერ ვიპატივეთ. იასამანს ვინ დაექებს, აყვავებულ ალუბლებს ტოტებს ამტვრევენ.

ავტორს სიჩქარეში დაავიწყდა ეთქვა შენტვის, ძვირფასო მკითხველო, რომ გაზაფხული იყო.

– სად ცხოვრობთ, ბატონო გელა?

– გურამიშვილის ქუჩაზე. ვაკის ბოლო სახლი თუ იცით ვაკე-საბურთალოს გზის დასაწყისთან.

– მშვენიერი ადგილია.

– ადგილს არა უშავს, მაგრამ ძალიან ხმაურიანია, ქალბატონო ნელი.

– ჰო, ხმაური ახლა ყველგანაა.

– მარილებზე გკითხეთ, ქალბატონო ნელი, – გელამ ავადმყოფობის ხაზით საუბრის გაგრძელება უფრო საინტერესოდ მიიჩნია.

– ნუ მეტყვით, ბატონო. ეს მარილები კი არა, შავ ჭირზე უარესი ყოფილა. სამი წელია ლოგინად ვარ ჩავარდნილი. ჯერ ფეხები წამერთვა, სამსახურს თავი დავანებე. მასწავლებლად ვმუშაობდი, ფიზიკოსი ვარ სპეციალობით. ეს ერთი წელია ხელები გამიჩერდა. იდაყვი და მაჯები ხომ გამიქვავა, ახლა თითებსაც ძლივს ვამოძრავებ.

– ტკივილით გტკივათ?

– საშინლად. მთელი დღეები გამაყურებელ საშუალებებზე ვარ. როდემდე უნდა ვიყო ასე.

– გაივლის, ქალბატონო ნელი. რა ვიცი, ეს ოხერი, მარილების დაგროვებას ამ დროს ეფექტურად მკურნალობენ. ერთ ჩემს მეგობარს... – უნდოდა ეცრუა გელას, მაგრამ დროზე შეანყვეტინეს.

– ნუ მეტყვით, ბატონო გელა. ნუ მეტყვით. ძალიან გთხოვთ. არ არსებობს საშუალება, რაც ჩვენ არ ვცადათ. დავალე ჩემიანები ამ ჩემი ავადმყოფობით და მეც დავივალე. ჩემი ამბავი გადანყვეტილია. სიკვდილი მჭირს. ბოლო დღეები მაქვს. თქვენს შესახებ მითხარით რამე.

– მე ...არაფერი საინტერესო, ქალბატონო ნელი... ავტოინჟინერი ვარ. ცხრამეტი წლის ბიჭი მყავს, უცხო ენებზე სწავლობს.

– ღმერთმა გიბედნიეროთ. ჩემმა დაამთავრა სკოლა წელს და ჯერჯერობით უსაქმოდ მყავს, მოუკვდა დედა.

– არ აბარებდა?

– აბარებდა, ქულები არ ეყო. ახლა პროფილზე დარბის მამამისი.  
– მეუღლე, ქალბატონო ნელი?  
– შრომის დაცვის საკვლევ ინსტიტუტში მუშაობს.  
– ააა... ჰოოო... – გელამ არც კი იცოდა, ასეთი ინსტიტუტი თუ არსებობდა. – ცოტა უკეთესობა ხომ მაინც.

– არავითარი, ჩემი დღეები დათვლილია. ყველაფერი მომწყინდა, ლაპარაკიც აღარ მინდა ჩემს თავზე. ბედნიერებაა ახლა ჩემთვის სიკვდილი. მაღალფარდოვნად გეჩვენებათ ჩემი ლაპარაკი ხომ? მძულს ჩემი თავი.

– როგორ გეკადრებათ. როგორ შეიძლება, ახალგაზრდა ქალმა ასე დაჰყაროთ ფარ-ხმალი.

გელას მოეჩვენა, რომ ნელი ტიროდა.

– მაპატიეთ, ბატონო გელა. ეჭვიანიც კი გავხდი ამ ბოლო დროს. მეჩვენება, რომ ქმარსაც და შვილსაც მოვწყინდი. აბა, სიცოცხლეა ჩემი სიცოცხლე? მარტო რომ ვრჩები, ტელეფონსაც არ ვიღებ. მეგობრების და ნათესავების ხმის გაგონებაც არ მინდა. მომკლა გაუთავებელმა: „როგორა ხარ? დღეს ხომ უკეთესად ხარ? ხმაც უფრო ხალისიანი გაქვს, მალე კარგად იქნები, ნუ გეშინია“. ისინი თავის მხრივ მართლები არიან, მაგრამ მე დავიღალე. მარტო მე ვიცი, რომ აღარასოდეს ვიქნები კარგად. ამიტომ აღარ მინდა გულის გაკეთება. ეტყობა, სიკვდილი მაშინ მოდის, როცა იმედს დაკარგავ. მე კი იმედი კი არა, სიცოცხლის რწმენაც დავკარგე. აღარც კი მახსოვს, ოდესმე კარგად თუ ვიყავი. კარგად ყოფნის სურვილიც აღარ მაქვს. ჩემმა ქმარმა ბორბლებიანი სკამი მომიტანა. ადრე ფანჯარასთან მივაგორებდი და მთელი დღე ქუჩის ცქერით ვერთობოდი. ახლა ფანჯრიდან გადახედვაც აღარ მინდა. მადლობა ღმერთს, ახლა მალე დამიყოფს მინა პირს და ყველაფერი გათავდება, მოვისვენებ.

– ნუ ლაპარაკობთ ასე, ძალიან გთხოვთ. ნახავთ, თქვენ კარგად იქნებით. ადამიანებს რა არ გადაუტანიათ... თქვენ...

გელა სიტყვებს ვერ პოულობდა, ისე შეძრა ამ ამბავმა, რომ ყელში ბურთივით მოანვა რალაც.

– მე ეს ყველაფერი მოსმენილი მაქვს. დიდი მადლობა ყურადღებისათვის. კარგად ბრძანდებოდეთ, ბატონო გელა.

– შეგიძლიათ, ერთი სათხოვარი შემისრულოთ?

– ბრძანეთ ბატონო.

– ტელეფონს ნუ გადადებთ ხოლმე, მე თქვენ კიდევ დაგირეკავთ.

– ნუ შენუხდებით.

– უმორჩილესად გთხოვთ.

– არ არის საჭირო. დახიეთ ჩემი ტელეფონის ნომერი და დაივიწყეთ.

– მაშინ ახლავე ავდგები და მოვალ თქვენთან!

მტკიცე გადანწყვეტილებით უთხრა გელამ.

– არავითარ შემთხვევაში. თქვენ ხომ არ ფიქრობთ, რომ ადამიანს ვგავარ. თქვენ კი არა, ნეტავ ჩემი ქმარ-შვილი არ მხედავდეს ასეთ დღეში. არ გაბედოთ და არ მოხვიდეთ.

– აბა, არ გადადოთ ყურმილი, დაგირეკავთ, მარტო ერთხელ დაგირეკავთ.

– ვნახოთ... ვეცდები... კარგად ბრძანდებოდეთ.

აფორიაქებული იყო მთელი დღე სამსახურში. ადგილს ვერ პოულობდა, სულ იმ უბედური ქალის ხმა ედგა ყურებში. ნომრის მასალებს ხელს აწერდა, ვილაცას განკარგულებას აძლევდა, მაგრამ გრძნობდა, რომ ყველაფერს რობოტივით აკეთებდა. ვერაფრით ვერ ამოიგდო თავიდან ის ფაქტი, რომ არის ამქვეყნად უსაშველოდ იმედგადაწურული ქალი და უხმოდ, მელ-ნელა კვდება. რა შეეძლო გელას? ნუთუ ასე ადრე უნდა დამდგარიყო ნელი კვიციანის ცხოვრებაში ისეთი დღეები, როცა არავის არაფრის გაკეთება აღარ შეუძლია მის გადასარჩენად?

შესვენებაზე დაურეკა.

– მე ვარ.

– ვიცი, ბატონო გელა.

ერთხანს დუმდნენ ორივენი. ორივეს ყურმილი ეჭირა და გელს მოეჩვენა, რომ ავადმყოფი ქალის გულისძგერა ისმოდა ტელეფონში.

არ იცოდა, რით დაეწყო. გაცვეთილი „როგორ ბრძანდებით“ აღარ მოუხდებოდა მათ ურთიერთობას. აკი თვითონვე უთხრა ნელიმ, არ მიყვარს, როცა ჯანმრთელობას მეკითხებიანო.

– იცით რა, იმდენი კაცი ირეოდა დღეს ჩემს ოთახში, რომ ტელეფონისათვის კი არა, თავის მოსაფხანადაც ვერ მოვიცალე, – თვითონვე გაუკვირდა, რატომ ბოდიშობდა ქალთან, რომელიც არასოდეს ენახა.

– ცხელა გარეთ, ბატონო გელა?

– ვერ გეტყვით. დილით გრილოდა. მერე თავი არ გამიყვია. დრო აღარ არის, დათბეს? აპრილი თავდება.

– ძველით რამდენია დღეს?

– მგონი ცამეტი.

– მე ძველისა უფრო მჯერა... ბატონო გელა, – ნელის ხმა აუკანკალდა.

– გისმენთ, ყურადღებით.

– ძალიან გთხოვთ, არ გამიგოთ სხვანაირად. გასაგებია ჩემთვის ეს გრძნობა. მე თქვენთან ნუხელის შემთხვევით დავრეკე, მიჭირდა, თორემ არ შეგანუხებდით. ის ორი საათი, სანამ ჩემი

შვილი დაბრუნდებოდა, მე თქვენი იმედი მქონდა, მაღლობელი ვარ წუხანდელი ღამისთვის და თქვენი თბილი ყურადღებისთვის. თქვენ რომ მითხარით, ახლავე ნამოვალო, იცით, რა სიტბო ჩამელვარა სულში? არის-მეთქი ამ გაცივებულ ქალაქში კიდევ კაცი, რომელსაც სხვისი შველის სურვილი და უნარი შერჩენია-მეთქი. იქნებ, თქვენმა კაიკაცობამ მე წუხელის სიკვდილს გადამარჩინა. ახლა კი სხვა სიტუაციაა. მე ვგრძნობ, თქვენ კეთილშობილი კაცი ხართ და გინდათ თქვენი ყურადღებით პატივი მცეთ. შემეხმინათ, იმედი მომცეთ. ეს სიბრალულის ყურადღებაა, დამიჯერეთ, აღარ მჭირდება მე ეს ყურადღება, შარშან ჭკუიდან ვიშლებოდი, ტელეფონის ზარი რომ დაიგვიანდება. ქმარ-შვილს ვაძულებდი, სადაც უნდა ყოფილიყვნენ, ყოველ საათში შემხმინებოდნენ. ახლა კი ესეც მალიზიანებს. არა ვარ მე ის ქალი, თქვენი ხშირი რეკვა რომ მოაბრუნებს ამ ქვეყნისაკენ. მე სიცოცხლესთან ანგარიში უკვე გასწორებული მაქვს. ადამიანებთან ურთიერთობების რკვევა კარგა ხანია დავამთავრე. განთავისუფლებით ჩემთან შეხმინების თქვენი ჯენტლმენური მოვალეობისაგან.

– ჩვენ ხომ შევთანხმდით? – სხვისი ხმით ჰკითხა გელამ.

– ჩვენ არაფერზე არ შევთანხმებულვართ. გაიგეთ, მე შეთანხმებანი დავამთავრე, კარგად ბრძანდებოდეთ.

– არ დადოთ, ძალიან გთხოვთ, ქალბატონო ნელი. მე თქვენ მაინც დაგირეკავთ.

– სხვა არა იყოს რა, უხერხულია, მე ქმრიანი ქალი ვარ. თუმცა ამასაც აღარავითარი მნიშვნელობა აქვს. მაპატიეთ, ჩემი ექიმი მოვიდა. უნდა მოვემზადო.

„მართლა და მართლა, იქნებ არ უნდა ჩემი ხმის გაგონება და თავს ხომ არ ვაბეზრებ ამ ქალსო“, ერთი გაფიქრება გაიფიქრა გელამ, მაგრამ რამდენიმე საათის შემდეგ იგრძნო, რომ არ შეეძლო, არ დაერეკა. დააპირა გონების თვალთ შეეხედა თავისი საქციელისთვის, მაგრამ ახსნა ვერ მოუძებნა. ერთი რამ აშკარა იყო, თვითონ უფრო სჭირდებოდა ეს დარეკვა ავადმყოფი ქალის მიმართ სიბრალულის გრძნობას დიდად სჭარბობდა სხვა უფრო ძლიერი, რისთვისაც გელას ანგარიში ვერ მიეცა.

მეორე დღესაც დაურეკა. მოეჩვენა, რომ ნელი ისე კატეგორიულად აღარ ესაუბრებოდა, კატეგორიულად კი არადა, თითქოს ელოდებოდა კიდევ გელას ტელეფონის ზარს. ერთი კვირის განმავლობაში დღეში სამჯერ ურეკავდა. მათი საუბრები მოკლე იყო და ყოველთვის ახალი. „მე ვარ,“ – ეტყოდა გელა, და სხაპასხუბით მიაყოლებდა; რა გადახდა თავს ამ ხუთი საათის განმავლობაში. რა ხდება ქალაქში. როგორი ამინდია გარეთ. აღარც კი ახსოვდა,



როდის გადავიდნენ „შენობით“ ლაპარაკზე. ამ ერთი კვირის განმავლობაში, თავის დღეებს გელა მხოლოდ იმ თვალთ აკვირდებოდა, რა შეიძლება, ეთქვა ნელისთვის და რა არა. ურეკავდა სამსახურიდან, ტელეფონის ჯიხურიდან, ბინიდან, როცა მეუღლე სამზრეულოში ფუსფუსებდა, ხოლო ბიჭი ტელევიზორს უყურებდა. ბოლო დღეებში ნელის უკვე აღარ სჭირდებოდა აჩემებული „მე ვარ“. „ჰო“, ეტყოდა გელა და ქალიც ჩუმად, სევდიანად, გაბმით უპასუხებდა „ჰო“. ისე შეუმჩნევლად მოვიდა ორი ადამიანის არსებაში სიახლოვე, რომელსაც ზოგჯერ მთელი ცხოვრების განმავლობაში ვერ ვაღწევთ ხოლმე. ერთმანეთზე ზრუნავდნენ და ამ საზრუნავს მთლიანად მოეცვა მათი არსება.

„ახლა ათ წუთში წამალი გაქვს დასალევი“, „ჰო, ვიცი“. „არ დაგავინყდეს, ზურა ჩაგზავნე „საირმეზე“ ოთხ საათზე. ზუსტად ოთხზე მოვიტან და ყუთით დავდებ, შემოსასვლელში ლიფტთან, როგორც იმ დღეს“, „გმადლობთ“ „ამოვალ, ერთი წამით შემოვიხედავ, კარიდან, გეხვეწები, რა მნიშვნელობა აქვს, როგორი ხარ“. „არავითარ შემთხვევაში. ეგ რომ გააკეთო. იცოდე, თავს მოვიკლავ. როცა იქნება, ავდგები და მე თვითონ გნახავ“. „კარგი“. „შენა“. „ჰო“. „თბილად ჩაიცვი, დღეს წვიმა გამოცხადდა“. „არის“. „გარეთ გაზაფხულია?“ „ისე რა, ნავედი“. „აბა, ჰე“.

შაბათ დილით დარეკა, ნელის ქმარმა აიღო ყურმილი. გელამ იცოდა, როცა ქმარი გაეპასუხებოდა, ხმა არ უნდა ამოელო. კვირასაც მთელი დღე ქმარი იჯდა ტელეფონთან. ორშაბათს ნელის ტელეფონი საერთოდ გამოირთო. ყურმილს არავინ იღებდა;

ორშაბათ საღამოს „თბილისში“ წაიკითხა. ისიც შემთხვევით გვარს მოჰკრა თვალი, თორემ სამგლოვიარო განცხადებებს საერთოდ არ კითხულობდა.

სასაფლაოდან ყველა რომ გაიკრიფა, მესაფლავეებმა წითელი მიხაკები რომ ააცალეს საფლავის ბორცვს და ახალი საფლავი პირველად დარჩა თვალეზრებულ ცასთან, თითქოს კიპარისის ტანიდან გამოძვრაო, მქრქალი წყვდიადიდან კაცი გამოვიდა.

ალუბლის ტოტები დაანყო საფლავს.

ერთხანს მდუმარედ იდგა და მიკიოტმა რომ სულ ახლოს გაიმრიალა, შეტრიალდა და ნელი ნაბიჯით ისევ იმ ბილიკს ჩაუყვა.

ჩემგან რა გესწავლება, საიდუმლოებებით არის სავსე ადამიანთა ურთიერთობა, ძვირფასო მკითხველო.

\* \* \*

ბატონო გელა, ყურადღებით მომისმინე.

კაცობრიობა სიყვარულისგან დაილალო, კლასიკოსების მიერ ადამიანის ასამაღლებლად გამოგონილმა სიყვარულმა მხოლოდ მეოცე საუკუნემდე შეძლო ადამიანის მოტყუებაო? დღეს რომეოს და ჯულიეტას მსგავსი გრძნობა მხოლოდ პროვინციელებს შეიძლება გაუჩნდეთ და ისიც ყმანვილობის ასაკშიო? რაღა დროს ერთხელ მოსულ სიყვარულზეა ლაპარაკიო. ის, რასაც ჩვენ სიყვარულს ვეძახით, დროებითი გატაცებაა გამრავლების ინსტინქტით გამონწვეული და სხვა არაფერია? ფროიდი წერს თურმე სადღაც. ნასწავლმა ხალხმა, თქვენი ულტრამაგალითებით ისე შორს იცით ჩემისთანა ბრიყვის გატყუება, რომ შეიძლება უკან გზა ველარ გამოვიგნო. მაგ „თეორიის“ პასუხად ერთ ამბავს მოგიყვები. სამ შეილს ვფიცავ, ერთ სიტყვას არ ვიტყვი ზედმეტს, არაფერს არ გამოვიგონებ (გამოგონება უფრო საინტერესო რამისაც შეიძლებაო). გაიმბობ და შენ თვითონ განსაჯე. თუ კაცის გული გაქვს, ყველაფერს მიხვდები, თუ არა და ესეც სისულელედ მოგეჩვენება. არ ვიცი, ძმაო, მე კი ამ სიყვარულმა ნელში გამწყვიტა და ლამის სიცოცხლე გამინახევროს.

ჩემს კლასში ერთი გოგო სწავლობდა; შორენა ერქვა. გვარი რაში გაინტერესებს. ასე მგონია, მისი სახელი რომ ვახსენე, ამითაც დიდ ცოდვას ვჩადივარ-მეთქი. სიყვარულში ზოგთა დაეჭვებამ მაიძულა, თორემ შორენას ამბავი აქამდე არავისთვის მითქვამს. ხომ უნდა გქონდეს კაცს შენი საიდუმლო – რაღაცა, გულში სამუდამოდ ღრმად დამარხული, სხვის ყურს რომ არ მიაკარებ და საჯიჯგნსაკამათოდ არასოდეს აქცევ. კნაჭა გოგო იყო, სათვალნი. სათვალის გამო მისი თვალების ფერსაც არ დავკვირვებოვარ. ახლაც ვერ გეტყვით, რა ფერის თვალები აქვს. ხომ არიან გოგონები, სხვანაირი თვალით რომ არ შეხედავ.

მეშვიდე კლასიდან ერთად ვსწავლობდით. თუ გახსოვს, ქალ-ვაჟთა ერთად სწავლება რომ შემოიღეს, შორენა „ქალთა მეორედან“ გადმოვიდა ჩვენს სკოლაში. მამა არ ჰყავდა. დედამისი ინჟინერი გახლდათ, მაუდკამვოლში მუშაობდა, სახელიანი, წარმოსადეგი ქალი. შორენას ერთადერთი ძმა ჩვენზე ორი კლასით წინ იყო. ექიმია ახლა. ძმა ნაბიჯზე არ შორდებოდა. მეექვსე გაკვეთილი თუ გვექონდა, კიბეზე ჩამომჯდარი ელოდებოდა. დასცინოდნენ ბიჭები; რა ხარ ამნაირიო, ვინ გიტაცებს, ძმა რომ თოფოთ გდარაჯობსო. ტირილამდე მიჰყავდათ ხანდახან გოგო. სულელები ვიყავით, აბა რა, თორემ დაძმა რომ ერთად მიდის ქუჩაშე, იმაზე კარგი არის რამე?

ახლა, აქედან რომ ვაკვირდები, ვხედავ, თორემ მაშინ ვერც ვამჩნევდი, შორენა სხვაზე მეტ ყურადღებას მაქცევდა. ექსკურსიაზე რომ მივდიოდით, გვერდით მომისკუპდებოდა, არდადეგების

დანყებისას პირველი დარეკავდა, საით მიდიხარ და როდის დაბრუნდებიო. ბიჭები რომ წავკინკლავდებოდით, ვარიასავით აიქოჩრებოდა, ჩხუბშიც კი ჩაერეოდა და ყოველთვის ჩემი მხარე ეჭირა, დილით დავალებას პირველ რიგში მე გადამიწერდა; საკონტროლო წერის დროს, მასწავლებელი რომ თემას გამოაცხადებდა, „შპარგალკას“ (მჭირდებოდა თუ არა) მაშინვე გამომიგზავნიდა, თუ გავაცდენდი, მასწავლებელს ეხვეწებოდა თურმე, ავად არის და „არას“ ნუ დაუწერო. სხვა, განსაკუთრებული არაფერი შემინიშნავს. ხანდახან მაღიზიანებდა კიდევ მისი გადაჭარბებული ყურადღება. მეცხრე კლასიდან მამლაცინებდა რომ ვიქეცით ერთბაშად და სხვა კლასელ (აუცილებლად სხვა კლასელ) გოგონებს თვალიერება დაუწყეთ, ერთხელ დამიყინა: გინდა თუ არა, მითხარი, ვინ გიყვარსო, თუ გეშინია, გამატანე წერილი და მე მივუტანო (მაშინ სიყვარულის წერილობით ახსნა მოდაში იყო). გავბრაზდი, მახსოვს: ფოსტალიონი არა მჭირდება, ჩემს თავს თვითონვე მოვუვლი-მეთქი. არავინაც არ მიყვარდა. პირიქით, გულის სიღრმეში, სადღაც, მეჯავრებოდა კიდევ გოგონები. მათ წრეში თავს შებოჭილად და უხერხულად ვგრძნობდი.

ასე გავიდა სამი წელი. დავამთავრეთ. გამოშვების საღამოზე ახალი, გრძელი, ცისფერი კაბით მოვიდა. ყველა გოგოს გრძელი კაბა ეცვა და მეჩვენებოდა, რომ ჩვენ, ბიჭები, ისევ ბავშვებს ვგავდით, გოგონები კი ერთბაშად დაზრდილიყვნენ. ძველი კინოფილმებიდან გადმოსულ „ბარიშნებს“ ჰგავდნენ. ღამე გავათენეთ, მაგრამ სუფრამ უხალისოდ ჩაიარა. მასწავლებლები ჩვენ თითქმის არ გვაქცევდნენ ყურადღებას, თვითონ, თავისთვის ქეიფობდნენ. თამადა შეთვრა და სასწავლო ნაწილის გამგეს (კოჭლი შალვა სარჯველაძე, ისტორიკოსი, შარშან გარდაიცვალა სანყალი) „ინტრიგანი“ უწოდა, კინალამ აირია სუფრა. დილის ექვსი საათი იქნებოდა, შორენამ (ჩემს გვერდით იჯდა, რასაკვირველია) ხელი მომკიდა; გეხვეწები, წავიდეთ აქედანო. პირველად მაშინ გამიკვირდა: რა უნდა ამ გოგოს-მეთქი, გულში ვთქვი, მაგრამ გაყოლით – გავყევი.

ხელკავით მომყვებოდა და გაუთავებლად ჭიკჭიკებდა. ასე ხალისიანი არასოდეს მინახავს. ნინოშვილის ქუჩა ცარიელი იყო და ჩვენი ფეხის ხმა და საუბარი ზარის რეკვასავით ისმოდა. ხანდახან შევჩერდებოდით და ჩვენსავე ექოს დავაყურადებდით. თეთრ ხიდთან წვიმა წამოგვეწია. თავიდან ფეხებამდე გალუმპულები ვიდექით ხიდზე და უქიმერიონს შევყურებდით. ქვევით რიონი ყურისწამლებად ღრიალებდა. „გოგი“, – შორენას შეცვლილი ხმა ჰქონდა, რაღაც დაიწყო და გადაიფიქრა, მოაჯირზე შესკუპდა და სერიოზული სახით მკითხა, – „ხომ მიხდება გრძელი კაბა?“ თავი

დავუქნიე. „ხომ მიხდება, დედას გაფიცებ. ოღონდ არ მომატყუო. ხომ კარგი გოგო ვარ?“ – სხაპასხუპით თქვა და ტირილი აუვარდა. ხელი შევაშველე, არ გადავარდეს-მეთქი. თმა ჩამოეშალა. კაბა პაპიროსის ქალღღვივით დაჰკვროდა პატარა მხრებსა და ნატიფ მკლავებზე. ანგელოზს ჰგავდა. ტირილი სწრაფადვე შეწყვიტა, ჩამოხტა, შემომხედა, „შე შტერო, შენ“, სინანულით მითხრა და გაიღიმა. რომ დავბრუნდით, სუფრა უკვე აშლილი დაგვხვდა. ეზოში ცეკვა-თამაში გაემართათ. მასწავლებლებიც კი (აუჩქარებლად და მოზომილად) ძუნძულებდნენ წრეში. ჩვენი გაპარვის ამბავი ყველამ იცოდა. ჭორიკანა ქალაქია ქუთაისი.

მერე ჩვენი გზები გაიყარა. მე, როგორც იცი, უნივერსიტეტში ჩავაბარე. შორენას დედამისი ვერ შეელია სათბილისოდ და პოლიტექნიკური ინსტიტუტის ფილიალში მოენყო საფეიქროზე. ქუთაისში იშვიათად ჩავდიოდი, ჟურნალისტიკის ფაკულტეტი მოგეხსენება, ხან პრაქტიკა გვექონდა ზაფხულობით, ხან ყამირი და ათასი რამ. ქუთაისში ჩამოვიდოდი თუ არა, პირველად შორენას ვურეკავდი, გამოგივლი-მეთქი, მაგრამ სტუდენტის ამბავი არ იცი? გადავყვებოდი ხელს და ვერ ვნახულობდი. ტელეფონში სევდიანად, პაუზებით მიპასუხობდა. ხასიათზე რატომ არა ხარ-მეთქი, რომ ვკითხავდი, არაფერი, ისეო, მიპასუხებდა, თურმე ლაპაღუპით სდიოდა ცრემლი ჩემი ხმის გაგონებისას, მე კი, მე სულელი, ვერაფერს ვხვდებოდი... დამანებე თავი, თუ კაცი ხარ არ გვესმის, არა, ადამიანებს ერთმანეთის.

ერთხელ, მეხუთე კურსზე ვიყავი მაშინ, ზამთრის არდადეგებზე ჩამოსულს, შორენას დედა მირეკავს, შვილო, გოგი, იქნება ჩვენსა გადმოირბინო, შორენა ვერ მყავს კარგადო. ნავედი. დიდ-თოვლობა იყო მახსოვს და გზადაგზა გუნდებს ვესროდი აივნებზე მოტკარცალე გოგოებს. შორენა კედლისკენ შებრუნებული იწვა. სასთუმალთან დედამისი ჩამოუჯდა „დედიკო, გოგი მოვიდაო“, უჩურჩულა. გაიგონა თუ არა ეს სიტყვები ავადმყოფმა, საბანი წაიფარა თავზე და კედელთან მიიკუნჭა. ახალთავდაბანილი ლექციებზე გამექცა, გამიცვივდა და ოცი დღეა სიცხე ვერ ჩავუქრეთო, ისე დასუსტდა, ლანდი გადის ცხვირში და რცხვენია შენისო, ამიტომ მაღავს სახესო, მომიბოდიშა დედამისმა. დიდხანს ეხვეწა, უხერხულია, სტუმარი მოვიდა, გამოიხედეო, მაგრამ შენც არ მომიკვდე, წასვლისას გამომშვიდობების ნიშნად ხელი გამოჰყო საბნიდან და მაგრად მომიჭირა, ახლაც ვგრძნობ მის გამხდარ ცხელ ხელს თითებზე. მალე გამოჯანმრთელება ვუსურვე და წამოვედი.

ეს იყო და ეს. ოცი წელი გავიდა მას შემდეგ. შორენა არ მინახავს. ცხოვრებამ სხვადასხვა კალაპოტში გადაგვავლო და ისე

ღრმად ჩაგვითრია, რომ თანაკლასელებმა ერთმანეთი თითქმის დავეკარგეთ. შარშან სკოლის დამთავრების ოცი წლისთავი გინდოდა გადაგვებნა, მაგრამ თავი ვერ მოვაბით. ოციდან ორმოც წლამდე ძალიან სწრაფად გარბის დრო. ცოლ-შვილს ეკიდები, შენს ბუდეს იწყობ, რალაცას ჩალიჩობ, რალაცას ნერვიულობ, შენი პრობლემები გიჩნდება და თავის ასანევად, მისახედ-მოსახედად დროც აღარ გრჩება.

გასულ ოთხშაბათს ჩვენი თანაკლასელი ნანი ბექენაძე შემხვდა; ვაკის პარკში ნაყინის ჯიხურიდან ძალისძალით გამოათრია ორი ბავშვი. ყელი ტკივა ორივეს და მაინც ასეთ სცენას მიწყობენ ნაყინზეო. ამიტომ მეზარება ამათი გამოყვანა სახლიდანო. არც კი შეცვლილა ნანი, ისევ ისეთია – მოხდენილი, თვალბრიალა და ხმაურიანი. მოკითხვა არც კი მაცალა, რა კარგია, რომ შემხვდი, გოგი, სანთლით დაგეძებდიო. შევხედე ბავშვებს – ჯერ არ არიან საინსტიტუტო, რაშია ნეტავ საქმე, რაზე მეძებდა ნანი? შორენა თუ გახსოვსო. როგორ არ მახსოვს-მეთქი. იცი თუ არა თბილისში რომ ცხოვრობსო. არა-მეთქი. მართლა არ ვიცოდი. მე მეგონა, შორენა ქუთაისშივე დარჩა და არის ახლა ქმარშვილდასეული და გასუქებული, როგორც ყველა ჩვენი თანაკლასელი ქალი-მეთქი, შენ რა გითხრა მეო. შენგანა ის გოგო გაუბედურებული და შენ ასე ლაპარაკობო. არც ერთი არ ღირხართ კაცები იმად, რაც შორენამ შენთვის ჩაიდინაო. რა? როდის? რას ლაპარაკობ? შენ ხომ არ გაგიჟდი-მეთქი, მაგრამ მეტი ვერაფერი წამოვაცდენინე. ამა და ამ ქუჩაზე ცხოვრობს, მარტომ-მარტოა, თუ კაცი ხარ, მიდი და აუცილებლად ინახულეო, დამიგდო ნანამ და სანაყინეში შეცვენილ შვილებს გამოუდგა.

მეორე დღეს მაინცდამაინც საღამოს მქონდა ლექცია. ვერც გავუცვალე ვერავის. ასე, ათის ნახევარი იყო, შორენას კარს რომ დავუკაკუნე. მაშინვე გააღო, არც ტრადიციული „ვინ არის?“, არც ჭუჭრუტანაში გამოხედვა, თითქოს კართან იდგა. ნაბიჯების ხმაც კი არ გამიგია. იმწამსვე გააღო კარი. შემომხედა, მკლავები ჩამოჰყარა, თავი უკან გადასწია და კედელს მიეყრდნო. ხმა არ ამოუღია. სახეზე ერთი ნერვიც არ შეტოკებია. თითქოსდა სრულიად ჩვეულებრივი ამბავი ხდება. თითქოს ერთი საათის წინ გავედი ამ ოთახიდან მეზობელთან ჭადრაკის სათამაშოდ და ახლა დავბრუნდი.

– შემოდი, გოგი.

ახლა კი, რაც შეიძლება, ჩქარა უნდა გიამბო, რაც იქ ვნახე და განვიცადე. ჯერ ერთი მრცხვენია, ჩემი ყველაზე ლირიკული ნუთების მონაწილედ რომ გხდი. სიტყვამ, მოიტანა, თორემ არ უნდა ვკადრო ამ ამბავს სინათლე, სარკმლის უბოდიშოდ მოღია-ვება. შორენა ისე ციური და მალალი ქალია, სწორედ რომ ღირსია

იმისა, მისი ცხოვრების ლამაზი იდილია მასვე ეკუთვნოდეს სამარადისოდ. შიშით კი, იცი, რისა მეშინია? შენი წელანდელი ლაპარაკი რომ გამახსენდება, დიდი იმედი მაქვს, რომ ყველაფერს მიხვდები. არსებობენ საგნები, გულუბრყვილო განსჯისა და კამათის წიაღ მაშინვე რომ ჰკარგავენ სუნსა და ფერს, სინმინდესა და მომხიბვლელობას. მიკვირს, როგორ ახერხებთ მწერლები, თავიანთი სულის ყველაზე იდუმალი ნიუანსიც კი ასე უცერემონიოდ და ხელალებით გამოფინონ მზეზე.

ნელა, ნაწყვეტ-ნაწყვეტ, გამშრალი ხმით ლაპარაკობდა შორენა. ხანდახან შეჩერდებოდა, თავს ჩარგავდა ხელებში და მაშინვე შევაშველებდი ერთადერთ ფრაზას, რომელიც იმ ორი საათის განმავლობაში პირზე მეკერა – „ილაპარაკე, ძალიან გთხოვ“. თავს ასწევდა, ცრემლჩამდგარი, გაფართოებული თვალებით შემომხედავდა, მხრებს ხელისგულებით დაიფარავდა და ჰყვებოდა. აღარ მახსოვს, რას ჰყვებოდა, ვერც იმას გეტყვით, მესმოდა თუ არა მისი სიტყვები. ახლა მხოლოდ იმის თქმა შემიძლია, რომ ამ ქალს ჩემი ცხოვრებით ეცხოვრა ოცი გრძელი წელი. მან იცოდა ყველაფერი, რაც თავს გადამხდა, რაც მიფიქრია და მიჯახირია. იცოდა, როგორი ქმარი და მამა ვარ, ვინ არიან ჩემი მეგობრები. ვის ვთვლი მტრად და ვის მოყვარედ. როდის ვიყავი ავად, რა მანუხებს და რა მიხარია. ლაპარაკობდა შორენა, მაგრამ მის სიტყვებში არ ჩანდა არც სინანული, არც თავმონონება იმის გამო, რასაც სიყვარულისთვის ბრმა მსხვერპლად მიტანილი საკუთარი სიცოცხლე ჰქვია. მარიგებდა, ჭკუას მასწავლიდა, მეუბნებოდა, რომ ბავშვი აღარა ვარ და ცხოვრების წესი უნდა შევიცვალო, სიფიცხე დავიოკო, ღამეებს ნულარ გავტეხ, აპენდიციტის ოპერაციაც გავბედო ერთხელ და სამუდამოდ. მეუბნებოდა, რომ აწი უფრო საჭირო ვარ ჩემი ცოლშვილისთვის და თავს უნდა გავუფრთხილდე. თვითონ? საკუთარ თავზე ერთი სიტყვაც არ დაცდენია, თითქოს რაც აქ ხდებოდა, სრულიად ჩვეულებრივი ამბავი იყო. კედელზე მხოლოდ ჩემი სურათები ეკიდა, ალბომი ჩემი ფოტოებით იყო სავსე. უხერხულობა და ცოტა სიბრაზეც მიპყრობდა ხანდახან იმის გამო, რომ მე, მუცელგაბერილ და თმაგაცვენულ მოქალაქეს, ამ სახლში ასე ნაზად და ფაქიზად მეპყრობოდნენ მთელი ოცი წლის განმავლობაში.

სკამზე დაჭედლივით ვიყავ კარგა ხანს, მაგრამ ბოლოსდაბოლოს ხომ უნდა წამოვსულიყავი. შორენამ ჩემზე უკეთ ესეც იგრძნო და წამოდგა. რა საცოდავი ვიყავ იმ წუთებში, ვერ წარმოიდგენთ. სულ არ შეცვლილხარ-მეთქი, სამსახური როგორი გაქვს-მეთქი, თუ რამე გაგიჭირდეს, დამირეკე-მეთქი, მომვალზეც იფიქრე, ასე მარტო ხომ არ უნდა დაბერდე-მეთქი, მსგავსი სისულელები

ვუთხარი, მაგრამ ვგრძნობდი, სასაცილოდაც არ ეყო. ისევ ისე იდგა კარში, როგორც დამხვდა, თავანუელი, გამშრალი, ხელებჩამოყრილი, ლოდინით გათანგული.

იმ ღამით შინ არ მივსულვარ.

არ შემეძლო. ვერ მოვისვენებდი.

სოლოლაკში, დავითაშვილის ქუჩის დასაწყისში ქმარგაყრილი გოგო ცხოვრობს. ერთი გაკვირვება გაუკვირდა, შუალამისას რომ მივადექი და ამაღამ შენთან უნდა დავრჩე-მეთქი, განვუცხადე.

ჩემგან ამხელა სითამამეს არ ელოდა.

გაიხარა. ჯარასავით დატრიალდა, ვახშამი გაანყო, იჭიკჭიკა და მაჭიკჭიკა მეც.

ცოტა ხნით მაინც მომეხსნა გულზე სევდის დოლაბი, დილამდე მაინც ამოვისუნთქე თავისუფლად.

ამ სახლში დამნაშავედ არ ვგრძნობდი თავს. აქედან ყველაფერი მარტივი ჩანდა.

\* \* \*

ლიფტი რომ გაჩერდა, კაცმა თავი გამოყო და მიიხედ-მოიხედა.

– გამოდი.

მაღალფეხება, ქერათმინი ქალი კატის ნაბიჯებით მოშორდა ლიფტს და კაცს მიაჩერდა.

კაცმა გაუღიმა.

– არ გაგიკვირდეს, ცნობისმოყვარე მეზობლები მყავს.

კარს გასაღები მოარგო და ქალი წინ გაატარა.

– შედი.

ქალი პირდაპირ სასტუმრო ოთახში შევიდა და „მეცხრე ტალღას“ მიაჩერდა.

კაცმა კარადას მიაშურა. გაიხადა. ბეჭებზე ხალათი მოიგდო, ქალს შეუმჩნეველად მიუახლოვდა და მხარზე ჩამოადო თავი.

– მოგნონს?

ქალმა არ უპასუხა.

კაცი საწოლ ოთახში გავიდა, ცოლის ქრელი სარაფანი გამოიტანა და სკამზე გადაჰკიდა.

– გაიხადე, ეს ჩაიცვი, ცხელა.

ქალმა კაბა გაშალა, ერთხანს უყურა ტანის რწევით, მერე ერთბაშად გადააქნია თავი.

– არ მომერგება, დიდია.

კაცმა გაიცინა.

– მე თუ რამე მესმის, შენ და ჩემი ცოლი ერთი ზომისა უნდა იყოთ.

ქალი სავარძელში ჩაეშვა.

– არც ფეხზე გაიხდი? შენს მაგივრად მე მიწებს გული ამ ლურსმნის ქუსლებზე რომ დგახარ.

ქალმა განზე გაიხედა.

– ფეხზე გავიხდიდი. ოღონდ შენი რამე მომიტანე, ძალიან გთხოვ.

– ჩემი?

კაცი მოსაცდელში გაფათურდა და ჩანთიდან „შლოპანცები“ ამოყარა.

ქალმა „შლოპანცები“ ჯერ ერთმანეთს გაუტყაპუნა და მერე ცხვირთან მიიტანა.

– შმორის სუნი ასდის.

– აუზის ჩანთაში მიდევს, დიდი ხანია აღარ ამომიღია.

– აღარ ცურავ?

– ვერ ვახერხებ ამ ბოლო დროს.

– ??

– ბავშვი, სამსახური, შენ?

– მე, რა თქმა უნდა... თვეში მეორედ მხედავ...

– დაინყე?

– არა... დღეს არ ვიჩხუბებთ. ხომ დაგპირდი.

ქალი შუშაბანდში გავიდა, ფანჯარა გამოაღო და მოაჯირს გადაეყრდნო. კაცმა მეორე ფანჯარა გამოაღო და გვერდით ამოუდგა.

– აქედან შენი სახლი არ ჩანს.

– რა იცი? – ყრუ ხმით ჰკითხა ქალმა.

– რა ცოდნა უნდა. აქ რომ გადმოვედით, პირველად შენს სახლს დავუნყე ძებნა.

– ახლაც, სამსახურიდან რომ დაბრუნდები, ტელევიზორის ცქერით დალლილს ტელეფონთან მისვლაც რომ გეზარება, გადმოდგები ფანჯარაზე და ჩემს სახლს ეძებ არა?

– ისევ...

– კიდევ კარგი, აქედან რომ არ ჩანს „ჩემი სახლი“. არ გეშინია?

– რისი?

– ხომ შეიძლება შენს ცოლს უთხრან, ხვალ დილით რომ ჩამოვა, გუშინ საღამოს, ფანჯარასთან უცხო ქალი იდგაო.

– უცხო ქალი...

– ჰო, იმათთვის მე უცხო ვარ.

– ხომ შეიძლება კაცს სტუმრები ჰყავდეს?

– და ერთ-ერთი მათგანი ჰაერის გადაყლაპვის მიზნით ფანჯარას მოადგეს, არა?

– ჰო.



– აი, ამდენი აღარ მიფიქრია. იცი, რა შეშინებული თვალები გქონდა, ლიფტიდან რომ გამოიხედე?

კაცმა წელზე გადასდო ხელი.

– გინდა? გაკოცებ ამ მეზობლების თვალწინ.

– არ მინდა. ამდენი ხნის შემდეგ ამხელა მსხვერპლს ნუ გაიღებ.

– თამთა!

– კარგი, კარგი... იცი რა, რატომ მომიყვანე აქ?

– მინდოდა, გენახა, სად მძინავს, როგორ ვცხოვრობ.

– მართალი ხარ. საოცრად მაინტერესებდა. სულ სხვანაირად მქონდა წარმოდგენილი შენი ბინა. საწოლი ოთახი მიჩვენე რა?

კაცი გაუძღვა.

ჩუმად იდგნენ და აბრეშუმის მწვანე ზენარგადაფარებულ საწოლებს დაჰყურებდნენ.

კაცი გამოერკვა. სკამზე ჩამოჯდა და წინდების გახდა დაიწყო.

– არა. არა, ძალიან გთხოვ...

ქალი მკლავებზე ისვამდა ხელს და სასონარკვეთილი სახე ჰქონდა.

– რა დაგემართა? – კაცმა ხალათის ქამარი შეიკრა.

– სად არ ვყოფილვართ მე და შენ. ვის ოთახს არ მიმაცენე. მგონი, შენც აღარ გახსოვს, მაგრამ ასე უცხოდ არსად მიგრძენია თავი.

– არ მიყვარს, ხომ იცი, შენი სენტიმენტალობა.

– არა, გელა, დედას გეფიცები, არ შემიძლია. ასე მგონია, საშინელ დანაშაულს ჩავდივარ, ასე მგონია, კედლებიდან ათასი თვალი მიცქერის. ეს კედელი ასე იყო თავიდან კარადისთვის შენეული?

– ძალიან გაინტერესებს? – კაცმა ოთახში გაიარ-გამოიარა, – ჩვენ გამოვანგრიეთ.

– ვინ თქვენ?

– მე. ყველამ ასე გააკეთა. ამოდენა ადგილი ცდებოდა. კარადაც ზუსტად ჩაეჭია.

ქალმა კარადა გამოაღო და ყურადღებით ჩააცქერდა. მერე ერთბაშად შემოტრიალდა, კარი ღია დატოვა და საწოლი ოთახიდან სწრაფად გავიდა.

კაცმა კარადის კარი ფრთხილად მიხურა და გაჰყვა.

ქალი კაბინეტთან უცდიდა.

– შეიძლება?

– რა თქმა უნდა.

– გენიალური მაგიდა გაქვს.

„ბაროკოს“ სტილის ძველთაძველ ფრანგულ მაგიდაზე უწესრიგოდ ეყარა წიგნები, ქალაქები, მელნის შუშა, საშრობი და ქინძისთავებით სავსე მუყაოს ყუთი.

– ამ ათი წლის წინათ ვიციდე საკომისიოში კაპიკებად, ახლა თავისი წონა ფული ღირს.

ქალმა მინას ხელი გადაუსვა.

– რატომ მატყუებ?

– არ გატყუებ.

– ეს მაგიდა შენმა სიმამრმა გაჩუქა საკანდიდატო დისერტაციის დაცვასთან დაკავშირებით. უფრო სწორად, შენი ცოლის მზითევია, – ქალს ხმაში წყენა გაერია.

– ვთქვათ, ეგრეა, მერე?

– არაფერი, ბავშვს სად სძინავს?

– წინა ოთახში.

– მარტო?

– არა, დედამისთან ერთად, ამას გადამწყვეტი მნიშვნელობა აქვს?

– გელა, რატომ მეჩხუბები? – ქალს გაელიმა.

– არ გეჩხუბები. ბავშვის ოთახს ხომ არ დაათვალიერებდი?

– არა, აქ ვიყოთ. ეს კაბინეტი შენია. შენს ტერიტორიაზე უფრო მშვიდად ვარ.

კაცმა თმაში შეუყო ხელი და მკერდზე მიიკრა.

– რა სულელი ხარ, თამთა.

– მაპატიე.

ქალმა ხელები მოიცილა, მაგიდას შემოუარა და არწივისცხვირებიან სკამზე მოკალათდა.

– ახალს სწერ რამეს?

– ჰო, ვითომ... ჩემთვის ვგიჟობ.

– მაინც. შეიძლება? – ქალი ნაწერს დანვდა.

– არ წაიკითხო, ძალიან გთხოვ, მერე ველარ დავუბრუნდები.

– რატომ?

– რა ვიცი... არ არის საინტერესო ეგ ამბავი, რაღაცას ვჯღაბნი, სისულელეს ვჩმახავ.

– დაგინყო ახლა კამათი, – „რას ამბობ, როგორ გეკადრებას“ მოტივზე?

– არა. შენ რაც უნდა მითხრა, მე ხომ ვიცი: მეზღაპრე ვარ, ჭორიკანა, ტყუილებს ვიგონებ. მოვეშვათ რა, არ მიყვარს ამ თემაზე ლაპარაკი.

– სულ მინდოდა მეკითხა: წერისას წვალობ? ბევრჯერ გიხდება გადანერა?

– არა. არც ერთი ჩემი მოთხრობა მეორედ არ გადამიწერია. შენ მეტყვი ახლა – ეტყობა კიდევცაო, – კაცს გაეცინა.

– არაფერსაც არ გეტყვი. ეგ მუშაობის სტილია. შენ, ალბათ, სანამ დაწერდე, ათასწიარად სწონი.

კაცმა არ უპასუხა, დაიხარა და კისრის სიახლოვეს, მხარზე აკოცა.

– ტოლსტოიმ „ანა კარენინა“ შვიდჯერ გადანერაო.

– ვიცი, – კაცი ყურში ჩასჩურჩულებდა, – ყოველი მეორე კრიტიკოსი ამ მაგალითით იწყებს ჩვენთან საუბარს, მაგრამ, იცოდე, ეგ მტკნარი სიცრუეა.

– ტოლსტოი, მგონი, თვითონ ამბობს.

– მერე რა, შენ გგონია ტოლსტოი არასოდეს ცრუობდა? „ანა კარენინას“ შვიდჯერ გადანერა ერთი კაცის ძალ-ღონეს აღემატება. „ანა კარენინას“ ორჯერ გადანერაც არ შეიძლება.

– რას ჰქვია, არ შეიძლება.

– ნერვები არ გეყოფა და საჭიროც არ არის, არ წერდა ტოლსტოი ისე, რომ ერთი რომანის შვიდჯერ გადანერა დასჭირვებოდა. ქალმა მაგიდას პირდაპირ ჭიკარტით გაკრულ ფანქრით დახატულ პორტრეტს დაადგა თვალი.

– ეს შენა ხარ?

– ჰო.

– არა გგავს. ვინ დაგხატა?

– პარიზში, მონმარტრზე, ქუჩის მხატვარმა ერთ ბოთლ კონიაკად.

– რა საინტერესოა. დიდხანს გხატავდა?

– ლოთი იყო, ხელები უკანკანებდა.

– თვალებით გგავს, იცი? მარტო თვალებით.

– მაშინ უფრო მგავდა. ეგ ოცი წლის წინათაა დახატული, რაც დრო გადის, უფრო ვმორდება.

– ჩემს თვალში შენ სულ არ შეცვლილხარ.

– შენს თვალში... ახლა ორმოცდაათი წლისა ვარ.

– დედაა?! – გაიოცა ქალმა, – ორმოცდაათი... ბავშვობაში რა ბევრი მეგონა.

– ბევრია.

– არაფერიც. შენ ორმოცდაათი წლისა ჯერ არა ხარ. პირველ იანვარს შესრულდები. სამი თვის შემდეგ.

– დიდი შეღავათი.

– ალბომი არა გაქვთ? – ქალმა მაგიდიდან სათვალე აიღო, გაიკეთა და სწრაფადვე მოიხსნა.

– რა ალბომი?

– საოჯახო, ფოტოალბომი.

– მგონი კი იყო, სადღაც.

– გეხვენები. მოძებნე.

– თუ კობას გადაურჩა.

- ცელქია?
- გადარეული. ჭალზე ავა, რომ მიუშვა.  
კაცი მაგიდის უჯრებს ერთიმეორის მიყოლებით ალებდა.
- არა უშავს, დაჭკვიანდება, - ამოოხვრით, გრძელი პაუზებით  
თქვა ქალმა და ალბომი მუხლებზე დაიღო.
- ეს ვინ არის?
- კაცი სკამის ზურგს დაეყრდნო.
- ბაბუაჩემია.
- კირთაძე?
- არა, დედაჩემის მამა.
- ესე იგი გველესიანი.
- ესე იგი. აბა, აქ თუ მიცნობ.
- ვერა, ბიჭო. აი, ესა ხარ.
- ყოჩაღ. - კაცმა ქალის სწორი, საყვარელი თმა თითებში მოიქცია.
- სკოლაში მაინცდამაინც არაფერი.
- მაინცდამაინც კი არა ჭინკას ვგავდი. ყველა მასწავლებელს  
ვძულდი დასანახავად.
- მამაშენს რა თმა ჰქონია.
- მაშინ ოცდაექვსი წლის იყო. სკოლის დირექტორი გახლდათ  
დრანდაში.
- სად?
- დრანდაში. სოხუმთან ახლოს, სოფელია. იქ გაანაწილეს.
- შენ რომ ბაბუშერაში ხარ დაბადებული?
- ბაბუშერა დრანდის უბანია.
- ოჰო... ესენი?
- არ იცნობ შენ. ჩემი სიდედრის მეგობრებია.
- შენი სიდედრი მაჩვენე, რა?
- კაცს გაეცინა.
- რად გინდა?
- გეხვეწები, რომელია?
- აი, ეს, ლომს რომ ჰგავს.
- სულაც არა. სიმპათიური ქალია. შენს ცოლს ახლაც სჯობია.
- გმადლობთ.
- აქლემი! რამხელა დრუნჩი აქვს. როგორ ახვედი?
- არაბი, აგერ რომ დგას, ერთ სიტყვას ეტყვის და ეს ამხელა  
ცხოველი ოთხად მოიკეცება. მუცელზე წანვება და სანამ კარგად  
არ მოკალათდები, ყურსაც არ გაიბერტყავს.
- რა ღირს ეს სიამოვნება?
- რა?

- აქლემით გასეირნება.
  - ერთ დოლარამდე. მგონი. ზუსტად აღარ მახსოვს.
  - ქორწინების სურათები არა გაქვთ?
  - გვქონდა. ჩემს ცოლსა აქვს სადღაც შენახული.
  - როგორ მინდოდა მენახა, - ქალმა ერთბაშად მოიწყინა.
  - რატომ? რა სანახავია?
  - მაინტერესებს, როგორი სახე გქონდა.
  - ალბათ, როგორც ყველას. გულუბრყვილო, სულელური.
- ქალი წამოდგა და კარისკენ წავიდა. სამიოდე ნაბიჯი რომ გადადგა, თითქოს შებარბაცდა, შუბლზე ხელი მიიღო.
- წავალ ახლა.
  - თამთა!
  - წავალ, ძალიან გთხოვ, არ გეწყინოს. ვერა ვარ კარგად.
  - წამოწეკი, ვალერიანის კაპუს დაგაღევიანებ.
- კაცი ახლოს მივიდა. ასე შეწუხებული იგი მხოლოდ ერთხელ ნახა. მაშინაც ასე ჰქონდა საულვაშე და ცხვირი დაცვარული.
- რა ხდება, გამაგებინე.
  - არაფერი. წავალ. აქ ერთ ნუთსაც რომ დავრჩე, მოვკვდები, - კარი გამოაღო, შემოტრიალდა, კაცს გულში ჩაეკრა, - ძალიან მიყვარხარ, - კარი ღია დატოვა და ლიფტის ლილაკს თითი დააჭირა.
  - გაგაცილებ, მოიცა, ჩავიცვამ.
  - არ მინდა. ტაქსით უფრო ჩქარა მივალ.
- კაცი ღია კარში იდგა: „ცნობისმოყვრე მეზობლების“ უკვე აღარ ეშინოდა.
- ნახევარი საათიც არ იყო გასული, ტელეფონი აწკრიალდა.
- შენა ხარ?
  - ჰო, როგორა ხარ?
  - ახლა არა მიშავს. არ ვიცი, რა დამემართა. გული მიჩერდებოდა და ჰაერი არ მყოფნიდა.
  - სულელი ხარ.
  - რას აკეთებდი?
  - ვქარგავდი.
  - ვისი სიცოცხლე ხარ?
  - შენი.
  - გელა, მომისმინე. სულ მეგონა, რომ მანდ სტუმრად იყავი. შენ ხომ იცი, არასოდეს არ მიფიქრია სერიოზულად იმაზე, რომ შენ სხვას ჩემზე მეტად სჭირდები. შენი ბუდე და შენი სამტრედე გაქვს. მაპატიე, არეულად ვლაპარაკობ. ვერ ავიტანე, იცი? არ უნდა მიგეყვანე მანდ. შემეშინდა, რომ ვნახე შენი ცოლის დაუთავებული თეთრეული, ჩანიკნიკებული კარადაში, შენს მიერ გამონგრეული

კედელი და სამუდამოდ გაკეთებული ნიგნების თარო. ალბომში დიდი გულმოდგინებით, ქრონოლოგიის დაცვით ჩანებებული სურათები. შენი მშვიდი კუთხე. შემეშინდა, იცი, როგორ შემეშინდა? კინალამ გავვიყუდი.

- ხომ გითხარი, ჩერჩეტი გოგო ხარ.
- წარმოუდგენლად მიყვარხარ.
- კარგი, ხვალ დაგირეკავ.
- დილით დამირეკე რა?
- დილით არ მეცლებო. ნახვამდის.
- მოიცა. აბა, როდის დარეკავ?
- თორმეტის მერე.
- ნავედი.
- არ დადო, ყურმილი, ცოტა ხანს მელაპარაკე.
- ნავედი, ჰოკეია.
- კარგი.

მატარებელმა ოცი წუთი დაიგვიანა.

ცოლი მეექვსე ვაგონის კიბეზე იდგა. კაცს იგი დაღლილი და გამხდარიც ერგენა.

- მუშას დავუძახო?
- რად გვინდა, მარტო ეს ჩემოდანი მაქვს, გამომართვი, მანქანამდე უხმოდ მივიდნენ.
- რა გეჩქარებოდა?
- ვერ მოვისვენე, გელა ბავშვი აღარ ვარ ანი მე. არ შემიძლია სოფლის ჩეჩმაში სიარული. სად მიხვალ?
- აქედან დაკეტეს. სადგურს ანგრევენ, ხომ ხედავ.
- უი, კი აღარ დავკვირვებოვარ. როგორ მიყვარდა ეს შენობა. მშვენიერი იყო, რას ერჩოდნენ. ამაზე კარგს ააშენებენ ვითომ?
- ვნახოთ, ჭამდა?
- შიგადაშიგ. იწინებოდა ბატივით. როგორც იცის. არ ვიცი, რა ვუყო.

- არ ჭამს.  
- თუ არ მიეძალე, ლუკმას არ ჩაიდებს პირში. ფერიც არ მომნონს რალაცა.

- ნუ გეშინია.
- ჯაფარიძეებთან წყალი ხომ არ ჩაგიშვია?
- არა, - კაცმა გაიცინა, - არ გიკვირს?
- ყველაზე მეტად მაგის მეშინოდა.
- სად სადილობდი?
- რესტორანში.
- კუჭის მოქმედება როგორი გაქვს?

– ინგლისურ მარილს ვსვამდი ხანდახან.  
 – გშველის?  
 – ძალიან.  
 – არ შეიძლებაო ექიმმა. ხომ გითხრა, ნუ მიაჩვევ ორგანიზმსო. კაცი გაჩუმდა და სარკე შეატრიალა, რომ უკან მომავალი მანქანები უკეთ დაენახა.  
 – ნითელია! არ გახვიდე! – იყვირა ქალმა.  
 გვიან იყო. პირდაპირ მიმავალმა ტაქსმა სიგნალით იქაურობა გააყრუა.  
 ძველ კინოსტუდიას რომ გაცდნენ, კაცმა სიჩქარე გამოცვალა.  
 – რა კარგად დაგყავდა უნინ. სულ გაგივიდა თავს, – უსაყვედურა ქალმა.  
 – ჩემი გზა იყო, – კაცმა თავზე გადაუსვა ხელი, – შეგეშინდა?  
 – ერთხელაც იქნება...  
 – ნუ გეშინია.  
 ელბაქიდის დაღმართზე მზე წვებოდა, თბილისური მწველი, მაგრამ მტვრიანი და ბენზინის სუნისანი მზე.

\* \* \*

უჯრას რომ ალაგებდა გელამ ქალაქის ნაგლეჯი იპოვა: „ფერი-დე 61-07-89“.  
 ფერიდე მაშინ ჩამკრახული ბალივით მკვრივი და ფეროვანი გოგო იყო, სკოლა ახალი დამთავრებული ჰქონდა და გაზაპარატის ქარხანაში მუშაობდა სტაჟისთვის. საახალწლო ბალ-მასკარადზე შეხვდნენ ერთმანეთს. არც კი ახსოვს, ვინ მიიწვია. ჩიტვივით თავისუფალი, უცოლო კაცი იყო გელა და, რა დასამალია, ასეთ საღამო-შეკრებაზე დასწრების საშუალებას ხელიდან არ გაუშვებდა. მეორეჯერ რომ გაიწვია „მასკარადის თვალი“ საცეკვაოდ, ფერიდემ ამოიხვნეშა და მამაკაცთა ყურადღებით გულგანწყალბული ლამაზი გოგოს ინტონაციით ჰკითხა, – რამდენი წლისა ბრძანდები. ოცდაათის ვხდებიო, გელამ დაუფიქრებლად რომ შეაგება, გოგოს მწვანე თვალები ათასი სხივით გაუბრწყინდა, სახე-მხრებზე გადაავლო ეშმაკური მზერა და ლამის დაიყვირა – რა საინტერესოა!? გელა ვერ მიხვდა მაშინ, რომ ცხრამეტი წლის ფერიდეს ოცდაათი წელი უსაშველოდ სოლიდურ ასაკად მოეჩვენა, მაგრამ იმას კი მიხვდა, რომ ეს გაზაფხულისმსგავსი გოგო გულგრილი არ დარჩებოდა ოცდაათი წლის ბედისმადიებელი ლიტერატორისადმი.  
 მამაკაცებს შეიძლება ბევრი რამ დაავინყდეთ, მაგრამ, ნუ მოტყუვდებიან უყურადღებობისგან გაგულისებული ქალები, მიამ-

იტი ადამის შთამომავალთ ქალთან დაკავშირებით არაფერი ავიწყდებათ. მეხსიერების მრუმე ეკრანს თანდათან დაუბრუნდა შუქი და სიცხადე. გამოჩნდა ფერიდე – თამამი და მიმდობი გოგო. გელა კირთაძეზე, არც მეტი არც ნაკლები, სწორედ იმგვარად შეყვარებული, როგორი სიყვარულიც ცხრამეტი წლის გოგონებს შეუძლიათ საერთოდ. რა გასახსენებელი იყო, მაგრამ გელამ ის პატარა უსიამოვნო ეპიზოდიც კი გაიხსენა; ვაკის პარკში, ზაფხულის ერთ ცხელ ღამეს გაჯიუტებულ მილიციელს შეყვარებულები დიდი ფიცი-მტკიცებით რომ არწმუნებდნენ, ცოლ-ქმარი ვართ, დრო გამოგვეპარა, არ ვიცოდით, თუ ასე გვიანობამდე და ასეთ მოჩუმათებულ ადგილას ჯდომა არ შეიძლებოდაო. ამ ერთხელ გვაპატიეთ, მეტს აღარ ვიზამთო. განყოფილებაში წავიდეთ, იქ გავარკვევთ ყველაფერსო, გაფუჭებული გრამაფონივით მანამ იმეორებდა წესრიგის დამცველი, სანამ საქმეში ხუთმანეთიანი არ ჩაერია. ისიც კარგად ახსოვს გელას, რომ ეჭვიანობის ნიადაგზე გაიყარა მათი გზები, ვაკის პარკში მომხდარი ამბიდან სულ რაღაც შვიდი დღის შემდეგ. მწერლები ამგვარ დიალოგს რატომღაც გვერდს უვლიან, მაგრამ იშვიათზე იშვიათია შემთხვევა, რომ შეყვარებულს შეყვარებულისთვის ერთხელ მაინც არ ეკითხოს, მითხარი, თუ გიყვარდე, ჩემამდე შენთვის ხომ არავის უკოცნიაო. კირთაძემაც ჰკითხა. ფერიდემ თავი გადასწია, თავისი უძირო, ლამაზი თვალები ღამეში ფოსფორის ზღაპრულ ნათებას რომ გამოსცემდნენ, მთვარეს გაუსწორა და დაიწყო, იმდენად მიყვარხარ, ვერ მოგატყუებო. შენამდე ერთი ბიჭით ვიყავი გატაცებული და ვხვდებოდიო; ნანდაურის დაბნეულ მზერას რომ წააწყდა, მაშინვე დაამატა – მაგრამ მალე ვიგრძენი, რომ ეს სიყვარული არ იყო და ჩემს გზას ვენიე. სიყვარულით მხოლოდ შენ მიყვარხარო. ახლა ვინ აღარ იცის, რომ ამგვარი „გულწრფელობა“ საქმეს ვნებს. განა რა ასეთი ცოდვა ჰქონდა ჩადენილი ფერიდეს, აღიარებას რომ მოჰყვა? ენისთვის რომ კბილი დაეჭირა, ყველაფერი კარგად დამთავრდებოდა. ოცდაათი წლის გელა კირთაძემ ვერ აპატია სიყმანვილის პანანკინტელა შეცოდებანი შეყვარებულ გოგოს და ისინი ერთმანეთს დაშორდნენ. დაშორდნენ ტირილით, ცრემლის ღვრით, როგორც შეყვარებულები შორდებიან, მაგრამ მაინც დაშორდნენ. განშორების შემდეგ ვაჟმა ტელეფონით ორჯერ მოიკითხა და რომ დარწმუნდა, ფერიდე თვითმკვლელობით ცხოვრების დამთავრებას არ აპირებსო, ცოტა ხანს ეულად იარა და მერე ცოლი შეირთო.

...კედლის საათს შეხედა, თერთმეტი სრულდებოდა. სამზარეულოში შევიდა და რადიოს ხმა აუწია. ცოლი აბაზანაში საქმიანობდა.



ტელეფონის აპარატი შემოსასვლელიდან თავის კაბინეტში გაიტანა, კარი მიხურა და აკრიფა – 61-07-89.

– ბატონო, – ყურმილში ქალის ოდნავ გაბზარული ხმა გაისმა.

– თუ შეიძლება, ფერიდე მინდოდა, – გელას ყელში რაღაც გაეჩხირა, დანაშაულზე ნასწრებული ბავშვივით დაიმორცხვა.

– მე ვარ... ალო... ალო...

გელამ მცირე პაუზის შემდეგ ამოიღო ხმა.

– ალო!

– მე ვარ, გისმენთ... გისმენთ...

– ფერიდე მინდოდა.

– მე ვარ, გისმენთ... გისმენთ...

– რა თქმა უნდა, ხმაზე ვერ გამიხსენებთ, გელა კირთაძე ვარ მე.

– ოჰო... ეს უკვე საინტერესოა. მართლა გელა ხართ?

– ნამდვილად.

– რამ გაგახსენა ჩემი თავი, ძვირფასო გელა? – კირთაძემ ქალის ხმაში ზედმეტი სითამამე შენიშნა და უსიამოვნოდ გააჟრჟოლა.

– მე თქვენ ყოველთვის მახსოვდით.

– დავიჯერო?

– უბრალოდ... ხომ იცი, ცხოვრება... ხან იქეთ, ხან აქეთ, რას შერები როგორა ხარ, ფერიდე?

გელამ არც კი იცოდა, „შენობით“ ელაპარაკნა თვრამეტი წლის უნახავ ქალთან, თუ „თქვენობით“.

– ვარ რა, უკეთესად შეიძლება, მაგრამ უარესადაც ბევრნი არიან. შენ?

– ოჯახი, ქმარ-შვილი? – კითხვას გვერდი აუარა გელამ.

– გათხოვებაც მოვასწარი და გამოთხოვებაც... შვილი არა მყავს, – წყნარად, სევდიანად თქვა ფერიდემ, – შენსკენ რა ამბებია?

– ერთი ბიჭის მამა ვარ.

– ღმერთმა გაგიზარდოს. სხვა? ჯანმრთელობა, სამსახური?

– თითქოს არა მიშავს... ისევ ჟურნალში ვარ. ფერიდე...

– ბატონო.

– შენი ნახვა მინდა, ფერიდე.

– ოჰო? ძველი სიყვარულის ნოსტალგია? სინანულის თითზე კბენანი?

გელას მაღალფარდოვნება ჭირივით სძულდა და, მგონი, ინანა კიდევ ფერიდესთვის ნახვის ნატვრის გაცხადება.

– ისევ გაზაპარატში ხარ?

– რაღა დროისია. იმის შემდეგ ოთხი სამსახური გამოვიცვალე. ახლა საბავშვო ბაღში ვმუშაობ.

– უნდა შევხვდეთ, ფერიდე.

- რალა დროს ჩვენი შეხვედრაა, დავბერდი ქალი.
- მე რალა ვთქვა მაშინ. შენზე ათი წლით უფროსი რომ ვარ, დაგავიწყდა?
- ხომ იცი, ქალები უფრო ადრე ვბერდებით.
- ჯერ ერთი, ეგ მართალი არ არის და მეორეც, შენ ისეთი ახტაჯანა გოგო იყავი... შენ... არ დაბერდებოდი, ასე ჩქარა, - სიტყვებს თავს ვერ მოაბა გელამ.
- ახლა მთლად გადასაგდები ვარ-მეთქი, რომ გითხრა, არ იქნება მართალი.
- ჰოდა, ნუ მეტყვი, უარს, გთხოვ. ძალიან მაინტერესებს.
- რა გაინტერესებს?
- როგორი ხარ...
- მეტი არაფერი?
- და საერთოდ, სალაპარაკო მაქვს შენთან. რალაც უნდა გიამბო. - იქნებ დაინტერესდესო, თორემ რა ჰქონდა „საამბობი“.
- დღეს უნდა შევხდეთ მაინცდამაინც?
- დღეს კვირაა. აბა, ხვალ ვმუშაობთ მეც და შენც.
- მართალი ხარ. ხვალ მეც არა მცალია.
- ხუთ საათზე. - დაბეჯითებით უთხრა გელამ.
- სად?
- ხუთ საათზე. რუსთაველზე, აეროპორტის სალაროებთან.
- მეტროს გამოსასვლელთან დამელოდე. მეტროთი მოვალ. თუმცა... შენ მანქანით ხარ?
- არა... მანქანა გავყიდე, - გელამ იცრუა. თავისი, ძმასავით შეზრდილი ჟიგული კაპიტალურ რემონტზე დააყენა ორი კვირის წინ.
- კარგი... ესე იგი ხუთ საათზე, მეტროს გამოსასვლელთან.
- შევთანხმდით.
- ხომ მიცნობ, გელა?
- არ გრცხვენია? შენ?
- შევეცდები. ყოველშემთხვევაში რა გეცმევა?
- მწვანე პლაში. სამხრებიანი.
- კეთილი, ბატონო, ნავედი.
- ნახვამდის.

გელამ ყურმილი დადო და ტელეფონის აპარატი შემოსასვლელში გაიტანა.

მერე ისევ მაგიდას დაუბრუნდა, მაგრამ უჯრის დალაგებას გული ვერ დაუდო. მინას ხავერდის ნაჭერი გადაუსვა, გუშინ-წინ პროფკავშირულ კონფერენციაზე დღის წესრიგთან ერთად მოცემული „გულახდილი დიალოგები“ დაიდო წინ და კითხვას შეუდგა. ვერც „გულახდილმა დიალოგებმა“ მიიზიდა მისი გონ-

ება. ავი ფიქრები ნელნელა ქინქლასავით დაეხვივნენ და გაიტაცეს.

„ეს ყოფილა ცხოვრება? ამისთვის იკლავს ხალხი თავს? რა გავაკეთე, რას მივალწიე? წიგნების მტვერმა დამალრჩო. რას ვწვალობთ, რას ვჯახხირობთ, რას ვსაცოდობთ. ვინ დაგვსაჯა ასე, ვინ გაგვწირა, ვინ დასწყევლა ადამიანთა მოდგმა – სიკვდილამდე მოუცლელს გველოსო? ახლა რალა რჩება? – რამდენი მშვენიერი დღე და საათი მაქვს ჩემი თავისთვის წართმეული და ათასი სისულელისთვის დახარჯული. ეს ბოლო წლებია: „როგორ შეიძლება, არ გეკადრებას“ ჩაქუჩს ვურახუნებ ყოველ დღე ჩემს სურვილებს. ესაა ცხოვრება? ზოგმა ყველაფერი მოასწრო ამ ქვეყანაზე, ისიც და ისიც და ისიც და ისიც. ადრე კიდევ ჰო, მაგრამ ამ ბოლო დროს ფერიდე კი არა, საერთოდ სიყვარული დამავინყდა ამ ქვეყანაზე. სამსახურში ქალზე ლაპარაკს რომ დაინწყებდნენ, განზე გავიხედავდი. სასიყვარულო თავგადასავლები მოცლილი, ლაზღანდარა, არასერიოზული ხალხის საქმე მეგონა. რას ვთვლიდი მეორეხარისხოვან და ფუქსავატურ საქმედ – იმას, რომ კაცი ამ ლატარიულ ორომტრიალში წამით შეჩერდები, შენს წინ სანთელივით მოციმციმე სასწაულს – ქალს ხედავ და გახსენდება რომ კაცი ხარ, შენს თავს ეკუთვნი? ჯაყჯაყს და ფერხულს წამით გარიდებული შენს თავსაც და სხვასაც ხომ პატივისცემით, მონინებით სხვანაირად უცქერი, სწორედ მაშინ, როცა შეყვარებული ხარ. – აბა, მე ვარ ჭკვიანი მარტო, ობობასავით რომ შევიყუყუე ჩემი საქმეების აბლაბუდაში და ეს ამდენი მწერალი, ფილოსოფოსი და რიტორი გიყები იყვნენ, სიყვარულზე ლალადისში ლამის ყბა რომ მოექცათ? მე აღარ მოვალ მეორედ ამ ქვეყანაზე თორემ ყველას თავისი წილი სიამ-ტკბილობა ელის, ყველას თავისი ცისარტყელა დათამაშებს, ყველა თავის ფაცერს მიათრევს თავის საკალმახეზე“.

მოეჩვენა, რომ ცხოვრებას უღმერთოდ ჩამორჩა და მის ჩამორჩენაში ბრალი ედო ყველას და ყველაფერს. იმასაც, აბაზანაში რომ საქმიანობდა და ვერც კი წარმოიდგენდა; თუ რას ფიქრობდა ამჟამად მისი მორჩილი თანამეცხედრე, წარმოიდგინეთ, ტელევიზორსაც, მაგიდაზე გვერდულად დადებულ უთოსაც, სენაკის ფაბრიკაში მოქსოვილ ხალიჩასაც და ვოროშილოვის გახუნებულ სურათსაც, კედელს გარდაცვლილი მამის ჯიუტ მემკვიდრეობად რომ შემორჩენოდა.

მეუღლემ კარში მდგარი, გამონყობილი გელა რომ დაინახა, კითხვით არაფერი უკითხავს, მაგრამ გაცეებით შეხედა.

– გავივლი, იქნებ ხორცს ნავანყდე სადმე, – მშვიდად თქვა კირთაძემ და სახელოებდასველებულ ქალს ეჭვი რომ არ შეჰპარვოდა, პლაშის ჯიბეში ჩატენილი ცელოფანის პარკი ამოიღო.

ტროლეიბუსიდან ჩამოვიდა, მიწისქვეშა გადასასვლელს მიაშურა; ჯერ ადრეა, ცოტას გავივლიო. ჯიხურში მანეთდაოცკაპიკიან მიხაკებს ჰყიდდნენ. ხუთ მიხაკს ვიყიდი და ფერიდეს გავახარებო. კარგა ხანს ამაოდ არჩია, მოკლელერიანი და მომჭკნარი მიხაკებიანო, აუნყა ბოლოს მძიმე ტანის, სქელტუჩება გამყიდველ ქალს, – სწორედ იმიტომ ღირს მანეთი და ოცი კაპიკიო, აუხსნა გამყიდველმა, – ნამდვილად სასაფლაოდან მოპარული მიხაკებია და ხელმეორედ ჰყიდითო, კინკლაობის გუნებაზე მოსული მუშტარნი ამჯერად უპასუხოდ დატოვეს. გელა ცოტა ხანს იდგა ირონიული ღიმილით დახლთან და მოქალაქეებს განუმარტავდა, – არ იყიდოთ, ხომ ხედავთ, ძველი, დამჭკნარი მიხაკებიანო, მაგრამ მყიდველები მას ყურადღებას არ აქცევდნენ, ყიდულობდნენ და წითლად აბრდღვიალებული ნავაჭრით შორდებოდნენ ჯიხურს, ვინ იცის, იქნებ მათ სწორედ ასეთი, ოდნავ შელანძღული მიხაკის შეძენა აძლევდათ ხელს. რუსთაველზე რომ ამოვიდა, გელამ გაიფიქრა, – კარგი ვქენი ის გაოხრებული მიხაკები რომ არ ვიყიდე, რაღა დროს ჩემი მიხაკით ხელში მეტროს წინ დგომააო.

რკინის მოაჯირს მარჯვენა ფეხით ჩამოეყრდნო და მანქანებით აღრიალებულ ქუჩას გახედა. ქუჩაში საინტერესო ვერაფერი აღმოაჩინა და მეტროს შესასვლელს გაუმეცადინდა, ფერიდეს ამოსვლა არ გამოემეპაროსო.

მეტროს მოედანზე დიდი ფუსფუსი და რიარია იყო. გელას ეჩვენებოდა, რომ ყველამ იცოდა მისი იქ დგომის მიზეზი. ზოგი თვალს განგებ არიდებდა, აქაოდა, რა მოხდა ერთხელ იცუღლუტოს კირთაქმაცო, ზოგი შეხედავდა და მრავალმნიშვნელოვნად თავს გადააქნევდა. გელას შეცბუნებული, დარცხვენილი სახე ჰქონდა და რაც დრო გადიოდა, უფროდაუფრო ემატებოდა სურვილი, დაეკრა ფეხი და ზოოპარკამდე უკანმოუხედავად გაქცეულიყო. ეგონა ეს მიღეთის ხალხი იმისთვის ამოჰყვება ესკალატორს, მე დამინახოს და წისქვილის ვირთხასავით ისევ ხვრელში დურთოს თავიო.

„ნამეტანი გასუქებული არ იქნებოდეს და არ დავეძებ არაფერს. მათრახივით გოგო იყო. ორმოცს მიტანებული ქალებს მკლავები უსუქდებათ და რაღაცნაირ ოთხკუთხედ ფორმას ღებულობენ.

ქმარს გავშორდიო. ყოფილი ქმარი ჩემი ნაცნობი მაინც არ აღმოჩნდებოდეს. რაზე გამოვრდნენ ნეტავ? ხომ არ ვკითხავ, უტაქტობაა.

რა ჩემდა ჭირად ვიპოვე ეს ქალაღი. რაღა დროს მიძინებულ სიყვარულის გახსენებაა. იმ წყალმა ჩაიარა, ის ფერიდე დროს გაჰყვა.

ამაზე ფიქრი უკვე გვიანია. ახლა მთავარია, სად წავიყვანო, რანაირად გავართო, ფერიდე.

რესტორანში შევედით, ვთქვათ. მოგიტანენ გაყინულ ხორცს და ორი თვის ფხალს, აჭრილ ღვინოს და შეუფერადებელ, შაქრიან წყალს. ერთი ჭიქა მაინც ხომ უნდა დავლიო, ეს უნდა ჩემს ღვიძლს? ამ კვირაში შეტევა არ მქონია ჩემდა იღბლად. დავლევ და წყალში უნდა გადაყარო ეს ამდენი მკურნალობა. მერე? ისე უნამუსოდ გიანგარიშებს ოფიციანტი რომ, ფულს კი არ დაეძებ კაცი, შეურაცხყოფის გრძნობა გაგხეთქავს გულზე.

ვთქვათ მცხეთაში წაიყვანე და ათვალთქვინე სვეტიცხოვლის ჩამოფხეკილი კედლები. აქეთ წამოსასვლელ ტაქსს ვერ იშოვი და უნდა იკანკალო ამ სიცივეში.

ხომ არ სჯობია, კაფე-ბარში მივჯდეთ სადმე კუთხეში და ვიმუსაიფოთ ტკბილად? კი მაგრამ, სად, რომელ კაფე-ბარში? მე შენ გეტყვი, გაცლიან წყნარად, მშვიდად ყოფნას. დინამიკები საფეთქელში გიბრაგუნებენ და ევროპაში კაიხნის ჩამოფასებული რომელიღაც შანსონე ყურში ჩაგჩხავის. ყელგანვდილმა რომ ეხვეწო ბარმენს, ცოტა დაუნიე ხმაო, სასაცილოდ არ ეყოფა. თუ არ მოგწონს, სხვაგან მიბრძანდითო. არა, არა კაფე-ბარში შესვლა ნერვების მოშლას, სხვა არაფერი.

სოსოს რომ მივაკითხო? მარტოხელა კაცია. გაისეირნებს ცოტა ხანს და დაგვითმობს თავის ერთოთახიან აპარტამენტს. კია, ცოტა არ იყოს, ჯანჯალი კაცი, მაგრამ არა მგონია, უარი მითხრას, ასე აჯობებს, კი. მაგრამ სოსო რომ შინ არ აღმოჩნდეს? ან შინ რომ იყოს და სტუმარი ჰყავდეს? პირად სტუმარს რომ თავი დავანებოთ, ცოტა ჰყავს სოსოს ასე, ჩემნაირი შემწუხებელი? გამიჭირეს საქმე ამ საყვარლიანმა ძმაკაცებმა, ბალიშზე მშვიდად ვერ მიმიდვია თავიო, ამასწინათ მითხრა. შეხვალ, თორემ დიდ კომფორტს ეზიარები. თვეა ამ რაიონში ცხელი წყალი არ მოდის და დღეს შეიძლება ცივიც არ მოდიოდეს.

და ყველაფერი რომ კარგად მოგვარდეს, სოსოს სადარბაზოში ქალთან ერთად შესვლა არ გინდა? ფანჯრებს არ შორდებიან მისი მეზობლები და ლოკატორებივით აქვთ ყურები ყველას.

ახლაც შეიძლება, ამ წუთში, ვინმე მითვალთვალებდეს. აბა, სად მიდის, ვის ელოდება, რას საქმიანობს ამ კვირა საღამოს ეს ჩვენი გელა კირთაძეო.

იფიქრა, იფიქრა ყოფილმა რომეომ და ლამის იმ დასკვნამდე მივიდა, რომ ფერიდეს პაემანზე გამოცხადებას ამ უკანასკნელის მოუსვლელიობა სჯობდა.

საათს შეხედა. ექვსის ათი წუთი იყო. ხუთ წუთს დაველოდები და თუ არ გამოჩნდა, ხვალ დავურეკავ, მსუბუქ საყვედურს ვეტყვი და ამით დამთავრდება ყველაფერიო.

ფერიდე არ ჩანდა.

...ექვსის ნახევარზე ამბროლაურის ქუჩით შინ ბრუნდებოდა მწვანეპლაშიანი ორმოცდაათიოდე წლის მამაკაცი. მოაბიჯებდა მსუბუქად, გამართულად, თითქოსდა ვალმოხდილი და კმაყოფილი.

თავის სადარბაზოს რომ გაუსწორდა, მეზობლის ქურთმა გოგონამ ველოსიპედი კინალამ დააჯახა. უკუდგა და თვალი გააყოლა. ტანაყრილი გოგო ორბორბლიან საბავშვო ველოსიპედზე ძლივს ეტეოდა.

უეცრად იგრძნო, რომ კისრის მალა ტკაპუნობდა. ხვალ პოლიკლინიკაში მივალ, ფარსაგი რამ არ მჭირდესო, გაიფიქრა და ლიფტის ლილაკს თითი დააჭირა.

\* \* \*

ბორჯომ-ხაშურის გზასაყართან ავტონისპექციის ჯიხურის წინ დავამუხრუჭე.

თოვდა.

საათს დავხედე, პირველს აღარაფერი აკლდა.

მორიგემ ზარმაცი კაცის თვალებით შემომხედა და თავით კარებისკენ მანიშნა.

შევედი.

არც ახლა წამომდგარა. ფეხებზეა გავარვარებულსპირალიანი, კუსტარული ელექტროლუმელი მოექცია და ხელისგულები მიეშვირა.

– კაი გამარჯობა!

– იცოცხლე.

– დიდი ხანია თოვს აქეთ?

– შელამებულზე დაინყო. ახლა მოუმატა. საიდან მოდიხარ?

– ქუთაისიდან.

– იქეთ?

– სიმშრალეა. გუშინ ქარმა წამოუბერა, მეტი არაფერი. მაინც რა უბედურებაა. ორი-სამი მანქანა თუ შემხვდა ამხელა გზაზე. ცარიელია ტრასა.

– ზამთარია, ბიძაჩემო. უბენზინობა, სიცივე.

ოცდასამი-ოცდახუთი წლის ჯეელია. წამდაუნუმ შუბლს ისრესს. მარჯვნივ, მაგიდაზე, ქუდი და მაკაროვის სისტემის რევოლვერი უდევს.

– ჭირივით მეზარება ღამე სიარული. არ ეწყობოდა საქმეს გაჩერება, თვარა ფეხს არ გამოვადგამდი.

– თუ გეჩქარება, ჭკუით მოქცეულხარ. რა იცი, ხვალამდე რას იზამს.

- დადებს?
- უეჭველად. მშრალად თოვს.
- აბა, ხვალ იქნება ჯახახუხი.
- არ უნდა ლაპარაკი. „სალიარკაც“ აღარ არის. ტრაქტორებიც ვერ იმუშავებენ.
- გორის გადასასვლელზე ხომ არ ვიბუქსავებ, თუ იცი?
- ჯერ არა მგონია. მუხრუჭს „რეზკათ“ არ დაანვე. ძილის საქმე როგორ გაქვს;
- მაგის არ მეშინია.
- აბა, მენახე მშვიდობით!
- კარგად, კარგად. მე ბოდიში. ბენზინი ხომ არ გექნება ერთი-ორი ლიტრი?
- ნახევარზე ნაკლებს უჩვენებს. თუ გადმოასხამ, სამი ლიტრი შენი ფეშქაში იყოს. მე მგონი, თბილისამდე მეყოფა.
- არა, არა. დიდი მადლობა. „კანისტრაში“ თუ გაქვს-მეთქი, თორემ „ნოლ დევიტიდან“ გადმოსხმა ქვის კოდვაზე უარესია. იმ დღეს საათნახევარი ვინვალეთ.
- თუ კანისტრაში მქონდეს და უარი გითხრა, ბავშვს გეფიცები.
- ღმერთმა გაგიზარდოს. როგორ გეკადრება ბავშვის დაფიცება.
- არაფერია... არ მიყვარს კაცის განზილება. ისე, აქეთ რეკეტიორების საქმე რავა?
- მიაწვნიე ძალიან ამ ბოლო დროს. კარგა ხანია, აღარ ყოფილა შემთხვევა.
- დანყნარდნენ, აწი, დროა. ცოტა იშოვებს? რაც მაგათ ხალხი გაამწარეს. აბა, კარგად!
- კარგად, კარგად.
- წრესთან, ცოტა არ იყოს, მანქანამ ბოლო მოიქნია, ერიჰაა! ფრთხილად უნდა ვიყო. მშრალ ასფალტს ახალი თოვლი ჯერ არ დაჰკრობია და ცურავს. ცოტას რომ მოყინავს, მოდება ხრეშით ექნება და მერე სამიში აღარ არის.
- ბაზართან, მარჯვნივ კოცონს ორნი შემოსხდომიან. ასეთი ალიკვამლი მხოლოდ საბურავს ასდის.
- მივუსიგნალე. ხელი ამინიეს.
- შორმნათი ჩავრთე და მესამეთი მივანექი აღმართს.
- დაშვების დროსაც მესამეთი დავეშვი. არ გამჭირვებია.
- იკარუსმა მომაკივლა. გზა მივეცი. დალოცვილი მანქანაა, არც მოსრილების ეშინია, არც გადაბრუნების.
- უკანა სავარძელთან, პარპრიზსმოფარებულ თუნუქის ნაჭერს „ოზურგეთი – თბილისი“ აწერია.

ასახვევთან „ვოლგა“ წამომენია. ანთება-ჩაქრობით გამაფრთხილა. სვლა შევანელე და მარჯვნივ გადავინიე. გამეტებული სიჩქარით ჩამიქროლა.

ისევ ჩამონვა სიჩუმე და უკუნეთი გზაზე.

წვრილად, ხვავიანად, დახვეულად თოვს.

სანამ გადასახვევთან მივიდოდი, ხიდსგამომცდარმა, ხრამისკენ გაქცეული ბორბლების კვალი შევნიშნე. რა მიხვედრა უნდოდა: „იკარუსის“ საბურავებისა არ არის, გადასასვლელთან რომ გამასწრო, სწორე ის „ვოლგა“ გადავარდნილა. მუხრუჭი ნელ-ნელა შევაპარე, უკანასვლელთ მოვადექი ხრამს. ნამქერში ჩაკიდებული, ცალგვერდზე აყირავებული მანქანა ძლივს მოჩანს. წინა და უკანა ფარების წითელ-ყვითელი შუქილა ჰკვეთს ნამქერის სუდარას. წუთის დაკარგვა არ შეიძლება. ტრასაზე უკუნეთი ჩამონოლილა. იქნებ ცოცხალია.

– გესმის?! – ჩავბლავლე.

ხმა არავინ გამცა.

ბუჩქს მოვეჭიდე, მაგრამ ტოტი შეწყდა და ხელში შემრჩა. ჩავჯექი და თოვლზე ჩავსრიალდი.

მარჯვნიდან მოვუარე და მთელი ძალით მივანექი მანქანას, მაგრამ ამაოდ. მძლოლის მხარეს რომ არ იყოს გადაბრუნებული, უფრო ადვილია. დაღმართიდან თოვლ-ლორღი რომ გამოაცალო, ვაითუ დაგორდეს და მეც ქვეშ მომიყოლოს.

– პარპრიზიდან!

ქალის ხმაა.

– ცოცხალი ხართ!

– ჯერჯერობით კი. ვაი დედა!

მე თვითონ როგორ ვერ მივხვდი, რომ წინა პარპრიზი ჩამტვრეული აქვს და აქედან უფრო ადვილია ამოყვანა.

ზემოდან გადავჩოჩდი და წინა სავარძელთან ჩავეკიდე.

– ნუ გეშინია, გადარჩენილი ხარ! თავს ძალა დაატანე და ხელები გამომიწოდე!

– მარცხენა ძალიან მტკივა. რულსა და სავარძელს შუა მაქვს თეძო ჩაჭედული. ვაი დედა!

– ნუ გეშინია... ნუ გეშინია... თავს ძალა დაატანე ცოტა კიდეც, ამოინიე, ჰო ეგრე... დამეყრდენი.

– ვაი დედიკო! მარჯვენა მუხლი მენვის! ცოტა ნელა, გეხვეწები. გამიშვით, გამიშვით, მე თვითონ... იქნებ ეს რული თქვენსკენ გაქაჩოთ. ახლა ამნიეთ!

– ოო... ყოჩალი გოგო ხარ. აწი ნულარ გეშინია, სისხლი ხომ არ მოგდის სადმე?!

– მე მგონი არა.



- გულ-მუცელში ხომ არ გრძნობ ტკივილს?
- რა ვიცი... ცოტას.
- გრძნობა ხომ არ დაგიკარგავს?
- არა. ყველაფერი მესმოდა. მაგრამ შიშისაგან ხმას ვერ ვი-  
ლებდი. მტკივა, მტკივა, გამიშვით! ვაი დედა. მარცხენა ხელი მო-  
ტეხილი მაქვს. არ უნდა ლაპარაკი!

ფეხები ბურქს მივაბჯინე და მხარილლივ, ნელი ქაჩვა-რხევით გულზე გადმოვინვინე.

ახლა მთავარია, როგორმე გზაზე ავიყვანო.

ჩქარი სუნთქვა-კვნესით მეხმიანება, მისი თბილი სუნთქვა მარ-  
ჯვენა ყურ-კისერზე მელამუნება.

ცალი ხელი პალტოს საყელოში ჩავავლე, მეორეთი ბურქს ჩავე-  
ჭიდე და თოვლზე გავახოხე, მაგრამ ფეხი ვერაფერზე მოიკიდა და  
შევუშვი თუ არა ხელი, ისევ მანქანამდე ჩასრიალდა.

- თოკივით რამე ხომ არა გაქვს საბარგულში?

- ნახეთ, შეიძლება ბურქსირის ბანარი იყოს. ვაი დედა!

საბარგულამდე მივჩოჩდი, მაგრამ ვერ გავადე. დაკეტილია. მან-  
ქანას წინიდან შემოვუარე, გასაღები გამოვადრე და, როგორც იქნა,  
მოვარგე საბარგულს.

- ვაი დედა, ხელის თითები ჩემი აღარ არის.

- ნუ გეშინია, ცოტაც მოითმინე, თითები დაიორთქლე.

- ადვილი სათქმელია, მარცხენა ხელი პირთან ვერ მიმაქვს.

თოკი გულმკერდსზემოთ, მხრებში ჩავაბი. ზემოთ, ხეს გამოვდე  
და დავქაჩე.

- ვაი, დედა!

- გამოედო რამეს?!

- არა, არა. ცოტა ნელა, გეხვეწები.

- თუ გამოედო, მაშინვე დამიძახე.

ასე სვენებ-სვენებით ავატორიე ზემოთ. ბევრი ვინვალე, მაგრამ  
მანქანის სავარძელზე ვერ დავსვი. მუხლს ოდნავ დაატანა ძალა  
და კივილი მორთო. ხელში ავიყვანე და მანქანის საბარგულში  
ჩავანვინე. ქურთუკი გავიხადე და თავზე გადავაფარე.

- გადარჩენილი ხარ. აქვე, საავადმყოფოში მიგიყვან და  
ყველაფერი რიგზე იქნება.

- თუ შეიძლება იმ დასაწვავ მანქანაში პატარა ჩემოდანი მიდევს,  
იქნებ როგორმე ამომიტანოთ.

საავარიო თოკს ჩავყევი და ჩემოდანიც ამოვატორიე.

გავითოშე, სუნთქვა მეკვრის.

საჭეს მივუჯექი და მანქანა მოვატრიალე.

გადასახვევთან ავტონისპექციის ჯიხურში სინათლე ენთო, მაგრამ ახლომახლო კაციშვილი არ ჭაჭანებდა.

ორჯერ მივუსიგნალე და რომ არავინ გადმომხედა, თავქვე დავეშვი.

საავადმყოფოს დარაჯი „ტელეგრეიკიანი“ მოხუცი ძლივს გავაღვიძე.

– დაყრუვდით?!

– ჩამძინებოდა, ეს ოხერი.

– ნაავარიევი გოგო მოვიყვანე. ექიმი ჩქარა!

გაფათურდა და ორიოდ ნუთში თეთრხალათიან ქალთან ერთად დაეშვა.

– საკაცე არა გაქვთ?

– ჩაკეტილი აქვს მნეს, ვერ გავაღეთ, ვერაფრით.

– საკაცეს რა ჩაკეტვა უნდოდა, ვინ მოიპარავს.

– ახლა ყველაფერს იპარავენ.

გოგო ხელში ავიყვანე და კარებისაკენ წავედი.

– რა ჩაბნელებულია აქაურობა.

– მესამე დღეა, სინათლე არა გვქავს.

– საითაა საოპერაციო?

– მეორეზეა, მარა, აქეთ შეიყვანეთ, მეოთხე პალატაში. შედარებით სითბოა. საოპერაციოში გაიყინება ეგ უბედური.

– აქეთ, აქეთ, კედელთან დაანვინეთ, ეს ადიალა გადააფარეთ. ახლავე ლამპას შემოვიტან.

– რა სამინელებაა, პაპუასებივით ვცხოვრობთ. ძალიან გტკივა?

– გაჩერებულზე იმდენად არა. ოდნავ გავანძრევ თუ არა, გულზე მომდის.

– ნუ გეშინია, ახლა სამშვიდობოს ვართ.

ქალმა ლამპა შემოიტანა და პირველად ვნახე სინათლეზე ჩემი „პაციენტი“. მოკლებეთმაშეჭრილი, თვრამეტი-ცხრამეტი წლის გოგოა, ლამაზცხვირა და ფართოტუჩება. სუნთქვის დროს ცხვირის ნესტოები ისე ეკეცება, როგორც რიყეზე ამოგდებულ თევზს ლაყურები.

თეთრხალათიანმა ლამპა სკამზე დადო და ავადმყოფს ფერხითით ჩამოუჯდა.

– მოტეხილი აქვს, თუ იცით რამე? სად გტკივა, შვილო?

– თქვენ ექიმი ბრძანდებით, ქალბატონო? – კითხვა შევუბრუნე.

– არა, ექთანს ვარ.

– ექიმი არ არის?

– არ არის. დილით გამოირა, მერე აღარც მოსულა.

– თქვენს ამარაა, აბა, საავადმყოფო?

– ცარიელია, ბატონო. ვინ გაჩერდება ამ ყინვაში საავადმყოფოში. ვერ მოვასწარი თქმა – თბილისში წაიყვანეთ მეთქი.

– რომელი საათია?

– ოთხია დაწყებული.

– არც რენტგენი გაქვთ?

– რენტგენი არის, მაგრამ ვინაა გადამღები. უნდა მოვითმინოთ ამალამ და დილით მოვლენ.

– როგორ გეკადრებათ, ქალბატონო, იქნებ დილამდე, რა ხდება.

– რა ვიცი... როგორც გადაწყვეტთ... ისე მაინცდამაინც არ კვნესის და, საშიში რომ იყოს რამე, ძალიან ეტკინებოდა. გული ხომ არ მიგდის, შვილო?

– არა, დეიდა. მუხლთან მტეხავს ძალიან და მარცხენა ხელს ვერ ვწვევ, იდაყვთან.

– მე რაც შემიძლია, ეს არის. ტკეჩს დავადებ ნატკენ ადგილზე და შევკრავ მაგრად. მეტს ამალამ ექიმიც ვერაფერს მოგიხერხებდათ, ისე... რა ვიცი... გადანყვიტეთ მერე... თქვენ თვითონ შეატყობთ.

– კეთილი ქალბატონო. ტკეჩი მოიტანეთ, ბინტი ხომ გაქვთ?

– კი უნდა იყოს.

ექთანი რომ გავიდა, მისი ადგილი დავიკავე საწოლთან.

– რა გქვია?

– ლია, ვაი დედა!

– საიდან მოდიოდი, ლია?

– ზესტაფონიდან.

– როგორ მოვიქცეთ. მოითმენ დილამდე, თუ წავიდეთ თბილისში.

– არა, არა. ახლა ისევ მანქანაში ყანყალის თავი აღარ მაქვს. მოვითმენ, რა ვქნა, დილამდე, თქვენ, თუ გეჩქარებათ, ნაბრძანდით.

– რა სათქმელია, როგორ მიგატოვებთ.

– როგორი მადლობელი ვარ თქვენი.

შემომხედა და თქმოსთან საბანი შეიკეცა.

– თუ გადავრჩი, საჭეს აღარ მივეკარები.

– სად გეჩქარებოდა, როგორ შეიძლება ასე სიარული, გორის ასახვევთან რომ გამასწარი, ჩაგისიგნალე. ვიცოდი რაღაც მოგივიდოდა, მართვის მონმობა გაქვს?

– არა.

– ვისია მანქანა?

– მამაჩემისაა. თვითონ როსტოვშია. რაღაცა ჭირად კოოპერატივი აიტეხა და, ვითომ, კვერცხის შესაძენად წავიდა. ორი კვირაა გზაზე სადღაც გაიჭედა და ვერც იქეთ მიდის, ვერც აქეთ. ჩემი დაქალი მოუტაცნიათ. დედამისმა დამირეკა. დავჯექი უცებ და გამოვვარდი.

– მერე, შე ქალო, რა წამაუცილებელი იყო შენი ასე ნაუცბათ-  
ვვად გამოქცევა.

– დედამისმა, ვაი დედა, სასწრაფოდ ჩამოდიო. მე ვიცნობ იმ  
ბიჭს. არაა, სხვათაშორის, გლახა ბიჭი.

– ჰოდა, დაქალის გაბედნიერებაზე შენ რომ ილუპავდი თავს,  
საქმეა ეეს? მაინც სული ყელში გაქვთ ახლანდელ ახალგაზრდებს.

– რა ვიცი, ვაი დედა, ალბათ, ბედი უნდა ყველაფერს.

ექთანმა ორორმტკაველიანი პლასტმასის ფირფიტები შემოი-  
ტანა. გარეთ გასვლა დავაპირე, მაგრამ გადავიფიქრე, ბოლოსდაბ-  
ოლოს-მეთქი, ჩემს თავს ვუთხარი, ექთნისთვის ხომ არ მითქვამს,  
რა არის ეს გოგო ჩემი.

თავისფერი, წითელკოპლებიანი სვიტრი აცვია. თავი ბალიშის  
გვერდით, პირდაპირ ლეიბზე უდევს და ჭერს ასცქერის, თითქოს-  
და მას არც კი ეხებოდეს, რას ვსაქმიანობთ მის სხეულზე ქვევით,  
ჩვენ, აქ, „ექიმები“.

იქნებ ამოვარდნილი აქვს მარცხენა იდაყვიო, ჯერ ხელით მოსინ-  
ჯა, მერე გამართულად ფრთხილად ასწია, ქვეშ ბალიში ამოუდო  
და ხელის მტევანი ნელ-ნელა გაუქაჩეო, მომიბრუნდა.

მოვეჭიდე მის ლამაზ, თბილნაზ თითებს და ოდნავ რომ  
გამოვნიე, ლიამ იმხელა იყვირა, მე, ჩემდა თავად, გული კინალამ  
ამომიხტა ბუდიდან.

ამოვარდნილობა ხელით არ ისინჯება, ვეჭვობ ან მოტეხილი  
აქვს, ან მაგრად აქვს სახსარი შეშინებული.

„ტკეჩები“ ორგვლივ მჭიდროდ შემოულაგა და ბინტით სქლად,  
ლონივრად შეუკრა. სანოლის თავის პარალელურად გაუსწორა  
მარცხენა ხელი და გააფრთხილა, ასე გედოს შვილო, დილამდე, თუ  
ძალიან შეგანუხოს, თითები და მაჯა ამოძრავე იდაყვის სახსარი  
არ გაანძრიოო.

მერე ლარივით სწორი, ყავისფერჩექმებიანი ფეხები გაუსწორა.  
ჯერ ორივე მუხლი შეადარა ერთმანეთს. მარჯვენა ოდნავ შეს-  
ივებულაო. კვირისთავი ხელით მოსინჯა, როცა გაარკვია, რომ  
კვირისთავი დამსხვრეული არ ჰქონდა, მიულოცა – კვირისთავი  
მთელი გაქვს შვილო, კოჭლობისგან დაზღვეული ხარ, ნუ გეშინია,  
ან მენისკი იქნება განყვეტილი, ან ძვალი გატეხილი ან, რაც უფრო  
ხშირად ხდება ასეთ დროს, კუნთია დაზიანებულიო,

შემომხედა.

რა არის ეს კაცი შენო, ლიას ჰკითხა.

ლიამ წამით ამავლო თვალი და – ბიძაო ისე მშვიდად და ან-  
გარიშმიუცემლად მიუგო, რომ ერთხელ კიდე ვირწმუნე: ქალები  
კაცის ნეკნისაგან შექმნილი კი არა, სრულიად სხვა, ზეციური არ-  
სებებია. ჩვენზე უფრო ჭკვიანები და სხარტი გონებისანი. ჩემთ-

ვის რომ ეკითხა, რას ვუპასუხებდი? ჯერ დავიბნეოდი, რალაცას ნავილულულულებდი. მერე ვეტყოდი, სიმართლეს, აბა რას ვიზამდი; არაფერიც არ არის, მე მგზავრი ვარ, შემთხვევით გადავანყდი გზაზე, პირველად ვნახე მეთქი. ასი წელიც რომ ვიცოცხლო, ვერასოდეს ვერ მივხვდები, რატომ უთხრა დამტვრეულმა გოგომ საავადმყოფოს ექთანს ჩემზე, უცნობ მამაკაცზე, ბიძააო. უპატრონო რომ არ ჰგონებოდათ და მეტი ყურადღებით მოქცეოდნენ? თუ რალაც სხვა მოსაზრებით, რას გაუგებ ქალს.

მუხლს ზემოთ, რბილ კუნთს რომ დააღო ხელი – მტკივა, სწორედ მანდ მტკივაო, დაიკვნესა ლიამ.

კუნთის ამბავია, შეიძლება გაგლევჯილიც კი იყოსო. ექთანმა, ჩექმები გავაძროთო.

მარცხენა ფეხზე იოლად გავაძრე. მარჯვენაზე გამიჭირდა. ტკიოდა ოდნავ რომ დავქაჩავდი. ჩექმის წვერ-ქუსლის ნელი, მორიგეობით რხევარხევით, როგორც იქნა, გავხადე. ჩექმის ყელიდან თბილი ორთქლი და რალაცნაირი, მხოლოდქალური ოფლის სუნი დაიფრქვა ოთახში.

რეიტუზი უნდა გავხადო, შვილო, ჯერ ერთი, მაინტერესებს დალურჯებულ-შესიებული რა ადგილას გაქვს და მეორეც, ტკეჩი რეიტუზისგარედან ფეხს მჭიდროდ არ მიეკვრება, იმოდრავებს, საერთოდ ტკეჩიც და თაბაშირიც შიშველ კიდურზე კეთდებაო, ექთანმა.

ლიას პასუხი არ მიუცია, ჭერს ასცქეროდა.

ექთანმა შალითის ქვემოდან, წელის არეში შეუყო ორივე ხელი, ცოტა ხანს აფათურა, ბოლოს როგორც იქნა, იპოვა ხვანჯარი, და დაქაჩა. ლამპის მქრქალ შუქზე ულამაზესმა, ჭკუიდანშემშლელმა ბარძაყებმა რომ გამოანათეს, წამოვდექი და ფანჯარასთან მივედი.

მედიცინის დამ ერთხანს აცერ-ამტკაველა ლიას მუხლ-ბაყვები. ხან ააკვნესა, ხან გააყურა ავადმყოფი, ბოლოს მიხმო – ტკეჩები დამიჭირეო. ორივე ხელი შემოსალტული მაქვს თვრამეტი წლის გოგოს ბარძაყებზე და სანამ ექთანი ბინტს დაახვევდეს, ჩემი მემართება. ვნებიანი სითბო და სპილოსძვლისფერი ფეხების ნევრთატოკვა ტკეჩში ატანს და სხეულზე ალად მეკიდება.

ექთანი თავის საქმეს რომ მორჩა, ლიას ანალგინი დააღვეინა. ქვევით, მორიგის ოთახში ვიქნები, თუ დაგჭირდეთ, დამიძახეთ, გათენებამდე ბევრი აღარ დარჩა, დილით დარაჯს გავაგზავნით ექიმთან, ეცადოს დაიძინოს, ეს ბოლო სიტყვები რატომღაც მე მითხრა, კარგად იყავითო და გავიდა. კარებთან მოტრიალდა, თუ შეიძლება, ლამპას ნავილებო. მადლობა მოვასსენე, დერეფანში დავენიე, ჯიბეში ფული ჩავუკუჭე (ვერ გეტყვი რამდენი, ასე ასი-ასორმოცდაათი მანეთი იქნებოდა, თუმნიანებად მენყო შარვლის

ჯიბეში), ძალიან ყურადღებიანი ქალი ბრძანდებით, თქვენი ვალი-  
დან ვერ ამოვალთ-მეთქი.

მარტონი დავრჩით.

ცოტა ხანს წელის გასამართავად წამოვწევი, მაგრამ უფრო შემ-  
ცივდა.

სანოლზე ვზივარ. ლიას, რასაკვირველია, არ სძინავს.

– როგორ ხარ. იქნებ დაგეძინოს... გტკივა?

– ანალგინმა ცოტა გამაბრუა... თქვენ რომ არ შემხვედროდით,  
რა მეშველებოდა.

– უსაშველო ღმერთმა ნუ დაგმართოს, ერთი საშიშროება ის  
იყო, რომ თოვლზე მანქანის გადავარდნის კვალი წაიშლებოდა და  
დილამდე ვერავინ გიპოვიდათ.

– დილამდე ალბათ გავიყინებოდი.

– ცუდ რამეზე ნულარ ვილაპარაკებთ, რაც მთავარია, გადარჩი.

– მანქანა ძალიან იყო?

– ძალიან არა. მოსრიანების დროს ხეს დაეცა გვერდულად. იმ  
ხემაც გადაგარჩინა, თვარა, შეიძლება ქვეშ მოყოლოდი.

პაუზა.

– რა გქვიათ, ბიძია? ამ დაბნეულობაში, მე ბოდში, სახელიც  
არ მიკითხავს.

– გელა. მომეჩვენა, რომ „ბიძია“, თითქოსდა ხაზგასმით, გაჭი-  
ანურებით, თუ ერთგვარი ირონიითაც წარმოთქვა.

ისევ პაუზა.

– ხომ არ გცივა?

– ცოტა, ფეხის თითებზე.

სანოლთან ჩამოვუფეცი. მარჯვენა (ჯანმრთელი) ფეხი მუხლზე  
დავიდე. მარცხენა (ტკეჩიანი) სანოლის ნაპირისაკენ გამოვაჩოჩე.  
ხელისგულებში მოვიმწყვდიე მისი უსაყვარლესი და უახლესი, ჩი-  
ტის ბარტყივით თბილი და მოძრავი ფეხის თითები.

კარგა ხანს მეჭირა. ხან თითებით ვვლვლემდი, ხან ხელისგუ-  
ლებს იქეთ-აქეთ ვუსვამდი, როგორც იასამნის ღეროს ვატრიალებთ  
ხოლმე მისი ღვთაებრივი სიმრგვალის ხილვა რომ მოგვესურვება.  
მერე წვივებს მუხლებისკენ აყევი და ტუჩით დავეკონე მუხლისზე-  
მით იქ, სადაც ცივი და უცხო ტკეჩის თავი მთავრდებოდა.

– რას შვრებით, ექთანი შემოვა.

წამოვხტი. კარი შიგნიდან არ იკეტება.

ბუდეში გასაღები არ არის. პატარა რკინის ურდულიდან მილაკი  
გამომძვრალია.

დერეფანში ვიფათურე, როგორც იქნა მსხვილი ლურსმანი ვი-  
პოვე და გაუწყარე კარებს.

...თუ დაკვირებისხართ ზამთარში მამლები, თითქოსდა, სხვა ხმაზე, უფრო მოგუდულად და ზარმაცად ჰყვივან, ვიდრე გაზაფხულზე.

თავი მიდევს ლიას თბილ მუცელზე, ცოტა ჭიპისქვემოთ. ხელს ნაზად ვუსვამ უკვე ტკეჩაყრილ მუხლისთავზე და ბარძაყებზე.

ფანჯარაში მქრქალად იხედება ლურჯ-თეთრი ციაგი, ულამაზესი ზამთრის დილა.

\* \* \*

კონვერტზე ხაზს ქვემოთ ეწერა: „ცურტავი, №1 პროფილაქტიკურ-სამკურნალო კოლონია. ი. ნეიძე“.

– ი. ნეიძე, ი. ნეიძე, ი. ნეიძე, ვინ უნდა იყოს? – გაიფიქრა გელამ. სანამ კონვერტს გახსნიდა, გამომგზავნის ვინაობა უნდოდა სცოდნოდა, მაგრამ არაფერი გამოუვიდა აშკარა იყო, წერილს ქალი სწერდა. ქალებს, უმეტეს შემთხვევაში მონაფური, გაუნაფავი ლამაზი ხელი აქვთ. სკოლაში ასოების გადაბმას რომ ასწავლიან, იმგვარ ასოებს სწერენ.

„ბატონო გელა, ჩემი წერილი გაგიკვირდებათ და, იქნებ, ვერც გამიხსენოთ, მაგრამ გამოუვალი მდგომარეობა მაბედვინებს თქვენს შენუხებას. ამ ორი წლის წინათ, მე ვიყავი თქვენთან, ვინაიდან ძალიან მჭირდებოდა ფული და გავბედე უცნობ ადამიანთან მოვსულიყავი. თქვენ მაშინ სიკეთე გამოიჩინეთ. ახლა მე №1 პროფილაქტიკურში ვიმყოფები. ვერ გეტყვით, რომ აქ ტყვილად მომათავსეს, ღირსი ვიყავი და იმიტომ მოვხვდი, მაგრამ ვგრძნობ, რომ ჩემი ადგილი აქ არ არის. აქ მე უარესად გავფუჭდები. ერთხელ დაფუჭვი ჩემს ცხოვრებაში შეცდომა და ანი აღარ გავიმეორებ. რომ დავფიქრდი, ვინ ვინ-მეთქი და მარტო თქვენ შეგიძლიათ ჩემი შველა. მე აქ ან მოვკვდები, ან ადამიანად არ ვივარგებ. ძალიან გთხოვთ, მიშუამდგომლოთ, რამე გამიხერხოთ, რომ აქედან გამომიშვან. პირობას გაძლევთ, არ შეგარცხვენთ, კოლონიის უფროსი კალანდაძეა, თქვენი იმედი მაქვს. ნახვამდის, ია ნეიძე“. წერილი ოქტომბრის რევოლუციის სამოცდამეათე წლისათვის აღსანიშნავად გამოშვებულ კონვერტში იდო და საფოსტო ბეჭდის მიხედვით თუ ვიმსჯელებთ, წინა სამშაბათს იყო გამოგზავნილი.

გელამ გაიხსენა: მაშინაც ოქტომბერი იწურებოდა. ცოლი და ბავშვი სკოლაში ის ის იყო წავიდნენ, გელას მეუღლე ბიოლოგიას ასწავლიდა და დილით სახლიდან დედა-შვილნი ერთად გადიოდნენ), ზარმაც დარეკა. კარი რომ გაიღო, პარმაღზე შავთმიანი, ფართოთვალება, ოდნავ გამხდარი, მაღალყელიანი მოხდენილი გოგონა იდგა. ასე ოცდაორი-ოცდასამი წლისა თუ იქნებოდა.

– მობრძანდით, – უთხრა გელამ და სტუმარს თავის კაბინეტში შეუძღვა.

ქალიშვილი დაბნეული ჩანდა. თვალებს მორცხვად აპარებდა განზე და სიტყვის დანყება უჭირდა. იჯდა და თითებს ითვლიდა.

– გისმენთ, – გელამ ხმაში. ალერსი გაურია, რომ სტუმარი შეეთამამებინა.

– მაპატიეთ, მრცხვენია თქმა, – გოგონამ თითების სახსრებს ტკაცატკუცი აუყენა.

– მითხარით, მითხარით, არა უშავს.

– ფული მჭირდებოდა ცოტა.

– სესხად? – მცირე პაუზის მერე ჰკითხა გელამ. გოგონას პიროვნების გასაგებად. ამ კითხვაზე პასუხს მისთვის მნიშვნელობა ჰქონდა.

– თუნდაც... სესხად.

– რამდენი მაინც?

ქალიშვილი გამოცოცხლდა შეეტყო, რომ მორცხვობის ზღვარი გადალახა.

– რამდენიც შეგიძლიათ. აუ, ძალიან მჭირდება.

გელა წამოდგა. ოთახში გაიარ-გამოიარა.

– თუ საიდუმლო არ არის...

– ისა, საქმრო მყავს პატიმარი და გროზნოში უნდა ჩავაკითხო.

მაშინ ვერ შეამჩნია ყალბი ხმა გოგონას ნათქვამში გელამ. მართლა რომანტიკული ამბავი წარმოიდგინა. შეყვარებული გოგო საქმროს სანახავად მიემგზავრება. საქმრო უბრალო შემთხვევის გამო (იქნებ იჩხუბა) ციხეში ზის.

– თქვენი სახელი?

– ია, იამზე.

– ია, თბილისელი ხართ?

– დიახ, ჩახრუხაძეზე ვცხოვრობ.

– მშობლები?

– დედა მყავს მარტო. მეც არ ვმუშაობ და, აუ, ძალიან გამიჭირდა, თორემ არ შეგანუხებდით. ფულს არ შეგიჭამთ, ნამდვილად დაგიბრუნებთ.

– ჩვენ ვიცნობთ ერთმანეთს?

– არა,

– სწავლობთ?

– შარშან უნივერსიტეტი დავამთავრე, ფრანგული.

გელა ფანჯარასთან მივიდა და ფარდა გადასწია.

– ჩემთან ვინ მოგასწავლა?

– იცით? ერთმა ამხანაგმა მითხრა აუ, რომ არ დაგიმალოთ, თქვენი მისამართი მომცა. მიდი, მწერალიაო, კეთილი კაციაო.



– ოჰო, ცნობილი ვყოფილვარ.  
– გაჭირვებულის დახმარება უყვარსო.  
– მადლობა გადაეცი შენს ამხანაგს. მართალი უთქვამს. გაჭირვებულის დახმარება ჩემი მეორე სპეციალობაა. ოღონდ ეგ არის, გაჭირვებულები ცოტანი დარჩნენ. ლამის სასონარკვეთილებაში ჩავვარდე. სადღა შეხვდები კარგ გაჭირვებულს. როგორ მიხარია, რომ მოხვედი. მეოთხე დღეა გაჭირვებული არ შემხვედრია. განსაკუთრებით ფულის გაცემა მიყვარს.

ია მიუხვდა მასპინძელს ირონიას და წამოდგა.

– მაპატიეთ, თუ არ გაქვთ საშუალება... ცუდად გამომივიდა. უცნობთან არ უნდა მოვსულიყავი.

– რა არის, იცი? შენ, ეტყობა, მართლაც არ მიცნობ, ია, ჩემთან ყველაფერზე მოდიან, ფულის გარდა. ცუდად არ გამიგოთ, მე სწორედ რომ უფულობით ვარ ცნობილი.

– კარგად ბრძანდებოდეთ, – ქალიშვილმა კოპები შეჰყარა, მხარზე გადაკიდებული ჩანთა ხელით გაისწორა და კარისკენ გააბიჯა.

– ერთი წუთით, – გელა მეორე ოთახში გავიდა, კარადის უჯრიდან ორი ოცდახუთმანეთიანი ამოიღო და კართან მისულს გაუწონა.

– თქვენს საქმროს მოკითხვა გადაეცით.

იამ ფული გამოართვა, მოკეცა, ჩანთაში ჩაიდო, მაღლიერებით სავსე თვალებით შეხედა მამაკაცს და თავდახრით, ძლივსგასაგონად ამოილაპარაკა.

– აუ, გმადლობთ, უსათუოდ დაგიბრუნებთ.

– მაინცდამაინც ნუ იჩქარებთ დაბრუნებას, – გელამ კიბეზე პაკიპუკით ჩამავალს ჩასძახა.

ეს შემთხვევა გაიხსენა და თავის გულუბრყვილობაზე გაეცინა. თითქოსდა ეშმაკი კაცი ვარ, როგორ მოხდა, რომ იმ გოგოს ნარკომანობა ვერ შევატყვე. ახლა ხომ აშკარაა, იმ დღეს ჩემნაირ „კეთილს“ რამდენიმეს შეაცოდა თავი პატიმარი საქმროთი და ფული დაციცლაო.

წერილი მეორეჯერ ჩაიკითხა, პიჯაკის ჯიბეში ჩაიდო და კიბეს ჩაუყვა. მანქანაში რომ ჯდებოდა (ძველი, ფურგონული სისტემის „ჟიგული“ ჰქონდა), პიჯაკის ჯიბეში წერილი იგრძნო და მაშინ გაახსენდა, რომ ცურტავის კოლონიაში ელოდებოდნენ, ჯერ, რა თქმა უნდა, წერილის უპასუხოდ დატოვება გადაწყვიტა, მერე გაიფიქრა, სალანძღავ წერილს მივწერ: რომელი შენი ბიძა-გამზრდელი ვარ, ასე რომ შემეთამამეო. არც ეს აზრი მოეწონა. თავისი უბედურება ჰყოფნის საწყალ გოგოს, საშველად მიხმობს და გული რაღაზე ვატკინოო. ბოლოს ამ აზრს დაადგა, წავალ, ვნახავ,

შეშვებით, ვინ შემიშვებს, მაგრამ, იქნებ, ხმა მაინც მივანწვდინო, რომ მის წერილს გამოვცხამაურე და მოვედიო. ცურტავის გზას რომ დაადგა, ყოყმანი შეეპარა. სად მივდივარ, ვისთან მივდივარ, რამე შარში არ გავება. ვინმემ ეჭვის თვალით არ შემხედოსო. ძალა, რომელიც ქალიშვილისკენ ეწეოდა, უფრო ძლიერი აღმოჩნდა, ოღონდ ეგ იყო, ვერ გაერკვია, რა გრძნობა იყო ეს, სიბრალულის? ქველმოქმედების, ინტერესის თუ სამივე ერთად? მართლაც რომ რაღაც შეუცნობი ძალები განაგებენ ზოგჯერ კაცის საქციელს, ძვირფასო მკითხველო.

კოლონიის მთავარი ექიმი კალანდაძე, როხროხახმიანი, მაღალი, თეთრხალათჩაჩიანი კაცი, ჩამოვლახე იყო და თუმცა მოსაცდელში ხელისგულზე ყბაჩამოდებული გელა მშვენივრად დაინახა, მდივან გოგონას მაინც ჰკითხა:

– ჩემთან არის ვინმე?

– დიახ, – გოგონამ ნიკაპით სტუმრისკენ ანიშნა.

– მობრძანდით, – კალანდაძე უცნობს კაბინეტში შეუძღვა, ჩაჩი მოიხადა, მაგიდის კუთხეზე ჩამოდო, შუბლზე ორ ნაკადად ჩამოსული თმა გაისწორა, ხელები ერთმანეთზე დაანყო და სმენად იქცა.

გელას, თითქოსდა, ყველაფერი მოფიქრებული ჰქონდა: ვიტყვი, რომ ია ნეიძე შორეული ნათესავია და სანახავად მოვედი, მთელი ნათესაობა შეწუხებული ვართ გოგოს მდგომარეობითო, მაგრამ, სანამ პირს გააღებდა, კალანდაძის კატეგორიულმა კილომ ჩანაფიქრი შეაცვლევინა, ბოლოს და ბოლოს, ვეტყვი, როგორც იყო, კაცია. თუ გამიგო, ხომ კარგი, თუ არა, ავდგები და ნამოვალ უკანო.

ჯერ თავისი ვინაობა და მუშაობის ადგილი ჩამოკაკლა, მერე ორი წლის წინანდელი შემთხვევა გაიხსენა, ბოლოს დღევანდელი წერილის შინაარსი უამბო და დამაჯერებლობისთვის კალანდაძეს წერილიც გაუწოდა.

მთავარმა ექიმმა წერილი არ გამოართვა.

მჯერა, ჩვეულებრივი ამბავია. ყველა ჩემი ავადმყოფი ასეთ წერილს დღეში შვიდი მისამართით მაინც აგზავნის. ნაცნობ-უცნობს საშველად უხმობენო, მერე თითქოს შეხვედრის მთავარ მიზანს მი-აგნოვო, გელას ჰკითხა:

– რომელი ჟურნალის რედაქტორი ვარო, ბრძანეთ?

– „ნუგეშის“.

– გვანცელაძე თქვენთანაა?

– სავლე? სავლე მწერალთა კავშირის აპარატში მუშაობს.

მთავარ ექიმს გაეცინა, საფანქრედან ლურჯი ფანქარი ამოიღო, წვერი გაუსინჯა და ისევ ჩადო.

– ქვისლია ჩემი, მაგრამ რად გინდა.

- რა ბრძანეთ?
- თვრება ოთხ ქიქაზე.

ნაცნობობისთვის მეტი დამაჯერებლობა რომ მიეცა, გელამ გვანცელაძესთან დაკავშირებული ორიოდე ეპიზოდი გაიხსენა, კაცური კაციაო, დასძინა და ეს სრულიად საკმარისი აღმოჩნდა, რომ კოლონიის თავკაცს განკარგულება გაეცა და დაახლოვებით თხუთმეტი წუთის შემდეგ გელა შეხვედრის ოთახში უფარდაგო მაგიდას დაყრდნობილი, იატაკზე მიღურსმნულ სკამზე იჯდა. მარჯვენა მხარეს, კინოსაპროექციო ჭუჭრუტანისხელა ოთხკუთხედ სვრელში მორიგე ზედამხედველის გადაპარსული თავი მოჩანდა.

იას არავინ შემოჰყოლია. შემოსვლისთანავე გაღიმება სცადა, გელას ხელი ჩამოართვა, დაჯდა, მკლავები ერთმანეთში ჩაიხვია და იატაკს დააჩერდა. ამ ორ წელიწადში საოცრად გამოცვლილიყო. ქუჩაში რომ შემხვედროდა, ვერ ვიცნობდიო, - გაიფიქრა დამხვდურმა. იას ორი თითის სიმაღლე თმაზე ზემოთ ლურჯი ზონარი დაემაგრებინა. ზონარი ყურების გასწვრივ კეფასთან შეეკრა და თავის ლამაზი მოხაზულობით ზანგ მოცეკვავეს წააგავდა. რომ იტყვიან, ისე გამხდარიყო, რომ თვალებადლა ქცეულიყო. თვალებს ისე იშვიათად და ზარმაცად ამოძრავებდა, გეგონებოდათ, სიგამხდრისაგან წამწამ-ქუთუთოს აწევა უმძიმსო. შეხედავდა გელას და ისევე იატაკს ჩაუბრუნდებოდა. ლოყები ჩავარდნოდა, ყვრიმალები უფრო გამოკვეთოდა. ტუჩებზე ლილისფერი გადაჰკრავდა და მხოლოდ ლამაზ ნესტოებზე შერჩენოდა სინაზე, ქალურობა.

- როგორა ხართ, ია? - სიჩუმე, გელამ დაარღვია და თვითონვე გაუკვირდა: ისეთი კილოთი ჰკითხა, თითქოს გუშინაც ენახა და, საერთოდ, ახლობელი ადამიანი იყო.

- რა ვიცი, შეგანუხეთ ხომ? - იას თავი არ აუწევია, - არ მეგონა, თუ მოხვიდოდი.

გელას სრულიადაც არ ეხამუშა ქალის „შენობაზე“ გადასვლა.

- წერილი სხვასაც მიწერე?

გოგონამ დიდრონი, წყლიანი თვალებით ამოხედა.

- მე აღარავინ მყავს, ვისთვის უნდა მიმწერა. დედაჩემი შარშან, გაზაფხულზე გარდაიცვალა.

- რა მოუვიდა?

- კიბო.

- რამდენი ხანია აქა ხარ?

- მარტში მომიყვანეს. მეოთხე თვეა, ხომ? სამი თვე გათავდა. შარშან ზუსტად ორმოცი დღე ვიყავი.

გელამ არც იცოდა, რა ეთქვა. ახლა უფრო იგრძნო, რა ყალბად ჟღერდა გაზეთურ ნარკვევებსა და ტელერეპორტაჟებში ნარკომ-

ანებისთვის სილასავით განწული ფრაზები: „ხომ ხედავ, სანამდე მიხვედი“, „რატომ არ იფიქრე, როცა ამ გზას ადგებოდი“, „ახლა რაღას აპირებ?“, „ადამიანი გქვია ახლა შენ?“ სულ არ ჭირდება ახლა ამ ქალს ნიშნის მოგება და ჭკუის დარიგება. ჩემს წინ ღრმა ნარკომანი ზის, მორჩა და გათავდა. ეს ყველაფერი კარგი, მაგრამ მე რატომ ვარ ახლა აქ, ჩემი დარდი მყოფნის და რა მრჯის ამ წყალნაღებული გოგოს ჭირისუფლობასო, გაიფიქრა.

– აქედან გასვლა გინდა, ია?

– ძალიან, – ისე ალაღად, შიშით შეხედა გოგომ, თითქოს ორი წლის წინანდელი ირონიის ნაკვალევს ეძებდა გელას მზერაში.

– წერილში მწერ – „შეცდომა დაფუშვი და აღარ გავიმეორებო“.

– იმიტომ, რომ აქედან გაგზავნილ წერილს კითხულობენ. საჭიროა ასეთი სიტყვები. თუ დანერე, რასაც ფიქრობ, წერილს არ გაგზავნიან.

– რას ფიქრობ, მაინც?

– რა ვიცი.

– მორჩენა არ გინდა?

– რისგან? აუ, შენც ასე ფიქრობ? მე ავადმყოფი არა ვარ.

– აბა, რა ხარ?

– რა ვიცი. უბრალოდ, რაც მსიამოვნებს, იმას ვაკეთებ.

– შეგიძლია არ მიიღო?

– რა?

– წამალს რომ ეძახით.

იამ გაიცინა.

– შენ შეგიძლია წყალი არ დალიო სამ დღეს, ხუთ დღეს?

– რა შუაშია.

– როგორ არ არის შუაში. გამაგებინეთ, ვის რას ვუშავებთ, ჩვენ.

– ვინ თქვენ?

– აი, ნარკომანებს რომ გვეძახით და ციხეში გვსვამთ.

– თუ ქალი ხარ, შენ გამომძიებელივით ნუ მელაპარაკები, თორემ ავდგები და წავალ. ძნელი გასაგები არ უნდა იყოს შენთვის, რომ მინდა დაგეხმარო.

– მაპატიე, ჰოდა თუ დახმარება გინდა, დამეხმარე აქედან გამოსვლაში. მეტი არაფერი მინდა. არც არასოდეს შეგანუხებ.

– როდის გაიკეთე პირველად?

– რა?

– მორფი.

– არასოდეს გამიკეთებია და არც გავიკეთებ. ნემსებს ვერ ვიტან. აქ, ერთ ადგილზე რაღაც ნემსებს მიკეთებენ და უნდა ნახო, როგორ ვხტუნავ.

- აბა?
- მე ვენწვი. ადრე ვყლაპავდი, ახლა აღარ.
- რას?
- რა ვიცი, აბებს. რასაც ვშოულობდი. ახლა კოდეინიანი ნა-  
მალი ჭირს, მაგრამ ტკივილგამაყუჩებელი, რაც უნდა დამელია,  
ექვსი-შვიდი ტაბლეტი, ყველაფერი მშველოდა.
- რისგან გშველოდა?
- ტკივილისგან, დარდისგან.
- რა ტკივილი გქონდა.
- გითხრა ყველაფერი? თვეში ერთხელ საშინლად ამტკივდე-  
ბოდა მუცელი რისგან, თქვენ მიხვედრა არ გაგიჭირდებათ. ჰოდა,  
მე მგონი, უფრო მაშინ მივეჩვიე. როგორ არ მინდოდა, ჩვენც ამაზე  
გველაპრაკა.
- მერე?
- მერე სუბოტექსი მომწყინდა. თირკმელებზე მოქმედებსო,  
მითხრეს, და მოწვევა დავინყე. ადრე ძვირი ღირდა, ახლა ისე ძვირი  
აღარ ღირს, თანდათან უფრო გაიფდება.
- რატომ უნდა გაიფდეს?
- ჩვენ, მწვევლები ბევრი ვართ. მალე ფართო მოხმარების საგნად  
გადაიქცევა, შეიძლება მაღაზიაშიც გაიყიდოს, როგორც თამბაქო.
- შენ რას ეწვი ძირითადად, ოპიუმს, ჰაშიშს, მარიხუანას?
- იას ისევ გაეცინა და ქარვისფერი, მაგრამ ლამაზად ჩანკნიკე-  
ბული კბილები გამოუჩნდა.
- სახელები გისწავლია. მე, რასაც ვშოულობ, იმას ვენწვი, მა-  
გრამ თქვენ რომ ტანში გაყრუოლებთ, ისე საშინლად არაა საქმე.  
რა შუაშია ეგ მყვირალა სახელები. ჩვენ რომ კაიფს ვიჭერთ, ის  
ნამალი თითქმის ყველა ბალახს დაჰყვება.
- მაინც?
- სოიოს, მუხუდოს რომ ვეძახით, ფესვებზე პარკები აქვს.  
დაფშენი, გააშრობ და მოსწევ. კანაფში, ყაყაჩოს ყვავილშიც არის.  
გაგანათლო კიდევ?
- არ არის საჭირო.
- რა მაინტერესებს, იცი? თამბაქოც ხომ ნარკოტიკია თქვენი  
გაგებით?
- თითქმის.
- ნეტავ თამბაქოს წევა რომ დაიწყეს ადამიანებმა, თუ კრძა-  
ლავდა მაშინ კანონი და თუ დასდევდნენ დასაჭერად, როგორც  
ჩვენ.
- შენ როგორ ფიქრობ, ნარკომანობა მოდაა?
- შეიძლება მოდაც არის.

– არ დაიჯერო. ოთხი ათასი წლის წინათ ენეოდნენ ეგვიპტეში და აზიის უძველეს სამარხებში მიცვალებულს საფლავში ატანდნენ ოპიუმთან ქილებს.

– რა ვიცი, მე მოდისთვის არ დამინცია.

– აბა, რატომ დაინცე?

– ხომ გითხარით. საკვერცხეები მტკიოდა.

– ახლა, კმაყოფილი ხარ შენი მდგომარეობით?

– ნარკომანს რომ არ მეძახდნენ და აქ არ მომათრევდნენ სამკურნალოდ, მართლა კმაყოფილი ვიქნებოდი. მე არავის ვერჩი, თუ ცუდს ვაკეთებ, ჩემი თავისთვის ვაკეთებ.

– ხვალ?

– ხვალე მე კარგა ხანია გადამიკეტეს. მეოთხე წელია დავამთავრე და სამსახური ვერ მიშოვია. შვიდმეტრიან ოთახში გავიზარდე. დედაჩემის კუბო თოკით ჩაფუშვით მესამე სართულიდან. კიბე ისეთი ვიწრო გვაქვს, თავვი კუდს ვერ მოიქნევს. რომელ ხვალეზე მელაპარაკებით. ვინ იზრუნა ჩვენზე.

– ამიტომ თქვენც აიღეთ ხელი თქვენს თავზე?

– ან ავიღეთ, ან არა. აჟ, როგორ მომბეზრდა ასეთი ლაპარაკი. ახლა ჩემი მდგომარეობა მიხარია კიდევ, თქვენი, საზოგადოების ყურადღება, როგორც იქნა, მივიპყარი.

– როდის მერე იგრძენი, რომ ჩვენ და თქვენ სხვადასხვა ნაპირზე ვართ.

– პირველი კურსიდანვე. მოსანევის შოვნამ ჩვენ უფრო შეგვაკავშირა ერთმანეთს. ცხოვრება საინტერესო გახდა. თითქოს აზარტულ თამაშს გეთამაშებით, გემალებით, კონსპირაციულად გადაცემთ ერთმანეთს წამალს. თითქოს რალაც საიდუმლო ორგანიზაციაში ვართ გაერთიანებული. მერე, სიმართლე რომ გითხრათ, ყველას ნარკომანს (როგორც თქვენ დაგვარქვით) ერთმანეთი გვიყვარს, ერთმანეთს ვენდობით და ვაფასებთ. რას უნდა დავერაზმეთ ასე კარგად.

– ოჰო. რას და კარგად ყოფნას.

– კარგად ყოფნას რას ეძახით?

– ჯანმრთელად ყოფნას.

– ჩვენ ჯანმრთელობას არ ვუჩივით.

– რა ვიცი. ხუთი წლის განმავლობაში თანმიმდევრულ ნარკომანს თირკმელები, გული, ღვიძლი უავადდებაო. ნერვული სისტემა მოეშლებაო. სექსუალურ პოტენციაზე მოქმედებს, ხოლო მემკვიდრე თუ გაუჩნდა, უსათუოდ პათოლოგიური ბავშვი ებადებაო.

– ეგ, მე მგონი, სიცრუეა. ისე, რა ვიცი, გადაჭარბებული არაფერი ვარგა. ყოველდღე ჩაქაფული რომ ჭამო, ექვს თვეში ქოლესტერინი მოგკლავს.

– პირველად რომ მოსწიე, რა იგრძენი?

– პირველად? ალარც მახსოვს, ჰო... როგორ არა, აბები ისე არ მაკაიფებდა, მადუნებდა, უბრალოდ. თითქოს ბურანში ხარ, ძილი გინდა, არაფერი გტკივა, პრობლემები არ განუხებს, თავში მშვიდი, ლამაზი ფიქრები მოგდის. ეს არის სულ, პირველად რომ მომანვეინეს, ჩვენ პლანს ვეძახდით, იცი რა, დამემართა? უეცრად ენერგიის მოზღვავება ვიგრძენი. მომშივდა, მომშივდა წარმოუდგენლად. სხვებს სხვადასხვანაირად უსწორდებათ. მე შიმშილით დავიჭირე. ვჭამ, ვჭამ, ლამის მუცელი გამისკდეს. არ დავტოვე მაცივარში, თუ რამე ჰქონდა ჩემს მეგობარს. მერე ვიმღერე და დამეძინა. რომ გამეღვიძა, თავი მტკიოდა ცოტა. აი, თქვენ რომ პანმელიას ეძახით, ის გრძნობა მქონდა. მეორე და მესამე მონევაზე ისე აღარ მშვიდდებოდა, მაგრამ ისეთ ძალას ვგრძნობდი, მეგონა, დევს დავეჭიდები-მეთქი. გამოგიცდია ისეთი წუთები, როცა ირგვლივ ყველაფერი, თვალწარმტაცია? ქვეყანა სამოთხესავითაა. გინდა ყველას მოეხვიო, მოეფერო. არაფერი განუხებს. ყველა გიყვარს. გგონია მეხუთე სართულიდან რომ გადახტე, არაფერი მოგივა და საერთოდ, შენი ტანი ჩიტვივით მსუბუქი გეჩვენება. გავინყდება ჩხუბი, ინტრიგა, უგულობა, უსამსახურობა. გგონია ეს ქვეყანა, ეს ხალხი იმისთვის გაჩნდა, რომ შენ გასიამოვნონ, სხვა არაფერი ესაქმებათ.

– ახლა?

– ახლა, რა თქმა უნდა, ისე აღარ მოქმედებს. ახლა, მაშინ რომ ხუთი-ექვსი ნაფაზით ვვარდებოდი ნირვანაში, ახლა ისე ვერაა. ხანდახან სამი შეხვევა ძლივს მყოფნის. ისე მძაფრდაც ვერ ვიჭერ. უბრალოდ, კარგად ვარ, ხალისიანად ვარ, მეტი არაფერი.

– ოჯახზე, შთამომავლობაზე თუ ფიქრობ.

– სანამ მონევას დავინყებდი, არც მანამდე დაუხვევიათ მთხოვნელებს კალთები. საერთოდ ფრეგიდული ქალი ვარ. სექსს ვერაფერი ვერ გაუფე. არც მქონია შემთხვევები, კაცმა რომ თქვას. ჩემი პირველი და მეორე ერთადერთი მამაკაცი ჩემი მეგობრის საქმრო იყო. სამჯერ თუ ოთხჯერ შევხვდი. მერე მეგობრისა შემრცხვა და დავშორიდი. სინდისმა შემანუხა. ჩემნაირი გოგო ოჯახს ვერ შექმნის. რატომღაც ასე მგონია. ლოგინში ძალიან მორცხვი ვარ. სექსის საკითხში ძლიერი პიროვნება უნდა იყო და უხერხულობის გრძნობა არ გინვაგდეს ბეჭებს. სექსში ჯუნგლის კანონი მოქმედებს. მე სხვა ცხოვრებისთვის ვარ გაჩენილი. საერთოდ, ახლანდელი ბიჭების ამბავი ხომ იცი: ოჯახის შექმნის თოფივით ეშინიათ. ჩვენს ჯგუფში ყველას ჰყავდა „საქმრო“, გათხოვებით კი დღემდე მხოლოდ ორი გათხოვდა.

– შვილის გაჩენისთვის აუცილებელი როდია გათხოვდე.

– ვიცი, მესმის. მე მარტოხელა დედის ტვირთის ტარება არ შემიძლია. ჩემს თავს ძლივს ვინახავ.

– ოდესმე რომ სხვანაირად დაინყო ფიქრი? ავადმყოფი ბავშვი რომ დაგებადოს?

– თუ ვინმეს შევუყვარდი, ხომ ხედავ, აღარ ვამბობ, თუ ვინმე შემიყვარდა-მეთქი, იმდენ ძალასაც ვიპოვი ჩემს თავში, მონევას შევეშვა და სალი ბავშვი გავაჩინო. თუმცა, შეიძლება, ანი ამაზე ფიქრიც არ ღირდეს, გუშინნინ ლექცია წაგვიკითხეს „შიდსი“, დამოკლეს მახვილივით დაკიდეს ჩვენს თავზე ახალი ავადმყოფობა.

– შიდსი? ჰო, რაო?

– მთელ მსოფლიოს შავი ჭირივით ედებო. ჩვენშიც შემოაღ-  
ნიაო, ამ საუკუნის ბოლომდე მსოფლიოს მოსახლეობის ნახევარი შიდსით დაიღუპებო.

– მოგემართვია ხელი.

– შეგეშინდა? რა თქმა უნდა. თქვენ, მამაკაცები, კურდღლები-  
ვით მშიშრები ხართ. აფიორაა. ხალხის დასაშინებლად და ცოლ-  
ქმრული ერთგულების შესანარჩუნებლად მოგონილი საექიმო-ჟუ-  
რნალისტური ხრიკია. ბუნებაში არავითარი შიდსი არ არსებობს.

– ოჰო?!

– მართლა, მართლა. დიდი დაკვირვება არ უნდა, რომ შიდსის  
თეორეტიკოსები ტყუილში დაიჭირო. აუ, მე თითქმის ყველა სტა-  
ტია წავიკითხე შიდსზე, რაც ჩვენში დაიბეჭდა, და ასეთ დასკვ-  
ნამდე მივედი. გაინტერესებს?

– ძალიან.

– პირველი: შიდსს თავისი ფორმულა და მაჩვენებლები არა  
აქვს. ზოგი სულელი მეცნიერი ამ ბოლო დროს ცდილობს დაამტ-  
კიცოს, რომ შიდსი კიბოს და კუჭის ნეკროზსაც კი იწვევს. რაც  
შეეხება ჯირკვლების გადიდებას, სიცხიანობას თუ ოფლიანობას,  
იგი ყველა ინტოქსიკაციური დაავადების თანამგზავრია.

მეორე: შიდსის ვირუსის საინკუბაციო პერიოდი 5-იდან 10  
წლამდე გრძელდება. ესეც სიცრუეა, გრძელ ვადაზე გაანგარშე-  
ბული. ათ წელიწადში ან ვირი ან ვირის პატრონიო, პაპაჩემი იტყო-  
და, როგორ შეიძლება, ათ წელიწადში ორგანიზმში გქონდეს ავად-  
მყოფობა. ათწლიანი ავადმყოფობა ავადმყოფობად არ ჩაითვლება.  
ათ წელიწადში ისედაც კვდება კაცი. თუ ასეა, ჩვენ დაბადებიდანვე  
დაგვყვება ჩვენი სიკვდილი – ჩვენი შიდსი. როგორ შეიძლება ასე  
შიშის ქვეშ იყოლოო კაცობრიობა. შიდსის სპეციალისტები, მე მგო-  
ნი, თვითონ ან იმპოტენტები არიან, ან ასაკსღრმადგადაცილებ-  
ულები. მე არა ვარ სექსუალურად გატაცებული, მაგრამ სამი მეო-  
თხედი მსოფლიო ხომ არის? შეიძლება? აუკრძალო ადამიანს ის,



რაც მისი ადამიანობის ერთი ძირითადი ნიშანია? რალა დარჩა ამ ისედაც რადიაციულ საუკუნეში? ვინ დაამტკიცებს, რომ შიდსის შიშით ამ ათ წელიწადში თავშეკავებას სექსუალური სიამოვნებისაგან, სამოცდაათი წლის მერე რომ „ტკბილი სიბერის“ წლები შეგემატება ის აგინაზღაურებს?

მესამე: შიდსი იმუნოსინდრომია ხომ? როგორც ამტკიცებენ. ესე იგი იმუნიტეტის დაკარგვა. იმუნოსისტემის ნოლზე დასვლა. თუ ასეა, ყველა ადამიანი ბოლოს შიდსით კვდება. ყველა სასიკვდილო ავადმყოფობა შიდსია. ბოლოს, სიკვდილის ბოლო კვირაში, ყოველგვარი მომაკვდინებელი სენი – კიბო, განგრენა, ინფარქტი, ჭლეტი იმუნიტეტის გაქრობას იწვევს. ორგანიზმი ვეღარ ებრძვის სენს და ადამიანი იღუპება.

– შიდსზე გულდასმით გიმუშავია.

– არ მიმუშავია, უბრალოდ, ვიფიქრე. სასაცილოდ არ მეყო, როცა მითხრეს, ძირითადად ნარკომანებს ემართებათო. როგორ შეიძლება ავადმყოფობა არჩევდეს ნარკომანებს და იდეურად მდგრად ამხანაგებს ერთმანეთისაგან.

– აქ საქმე ლენინიზმის საკითხების ცოდნაში კი არ არის, უბრალოდ, ნარკომანებს ორგანიზმი დასუსტებული აქვთ და ავადმყოფობა უფრო ადვილად იკიდებს ფეხს.

– თუ ასეა, ჩვენი ორგანიზმი სხვა დაავადებების მასპინძლადც მშვენივრად გამოდგება. რატომ არ გვემართება, ვთქვათ, კიბო ან ინფარქტი? თქვენ იცით, რომ ნარკომანები და ალკოჰოლიკები ინფარქტით ყველაზე ნაკლებ ავადდებიან?

– არ ვიცი?

– ესეც ექიმებისგან გამიგონია.

– როგორ გგონია, და, რაში დაჭირდა მედიცინას შიდსის ისტერია? როგორც შენ ფიქრობ?

– ძნელი მისახვედრი არ არის, ამერიკელი ექიმების ერთმა ჯგუფმა მორიგი სენსაცია წამოიწყო. ჯერ გაუშვებდნენ ინფორმაციის წყაროებში ქსივს, მერე თითქოსდა, ვაქცინას აღმოაჩენდნენ და მილიონებს ჩაიჯიბავდნენ. მერე ისე ბევრი წამოეგო მსოფლიოში ამ სენსაციას, რომ თვით ამერიკელ მეცნიერებსვე შეეშინდათ და იზრდება ახლა მსოფლიოში შიდსით გარდაცვლილთა უმიზეზო სია, გიმეორებთ, სიკვდილის წინ ყველას შეგიძლიათ დაუსვათ ანალიზი – შიდსი.

– რატომ მიგაჩნია ასე გულუბრყვილოდ მსოფლიოს სამედიცინო აზრი. მართლაც ასე რომ იყოს, მსოფლიო სახელის მქონე აკადემიკოსები მხარს აუბამდნენ? მილიონები იხარჯება შიდსის განკურნების გზების ძიებაზე.

– საერთოდ, აღმოჩენის სათავეში ყოველთვის ერთი ან ორი კაცი დგას. ასეა შიდსის შემთხვევაშიც. დანარჩენები უბრალოდ ფულს ხარჯავენ. რა არის ამაში ცუდი? ფულის შოვნის ახალი წყარო გამოჩნდა. ეს ერთ მხარესაც აწყობს და მეორესაც. ექიმს – ფული რომ იშოვოს, მთავრობას – ქველმოქმედის სახელი რომ დაიგდოს.

– ნეტა მართალი აღმოჩნდებოდა, ია. ვინ დაიჯერებს შენს თეორიას, როცა შიდსს თავისი ბაცილა აქვს და თავისი ფორმულა. შენ რომ ამბობ, მაჩვენებლები არა აქვსო. მეტი ჩვენება რა გინდა. სისხლში შიდსის ბაცილა ძნელი აღმოსაჩენი როდია.

– სწორედ ეგ არის ჭორმეცნიერული. აუ, როგორ გაგაგებინო. ადამიანის ორგანიზმში მილიონზე მეტი ბაცილაა მაშინაც კი, როცა კაცი იდეალურად ჯანმრთელია. მაგრამ როცა ორგანიზმი დასუსტდება, რომელიმე ბაცილა იმარჯვებს, ანუ ექიმების ენაზე რომ ვთქვათ, ორგანიზმში სუსტ ადგილს იპოვის და აყვავდება. ესეც შენი სიკვდილი. ვინ დაადგენს იმ მილიონი ბაცილიდან რომელმა მოკლა? შიდსი რატომ თავისი ხაზით არ კლავს და სხვა ავადმყოფობას იშველიებს? ესეიგი თვით ადამიანის საერთო სისუსტის, იმუნიტეტის დაქცეუთების ავადმყოფობაა. ხოლო იმუნოსინდრომს თითქმის ყველა ავადმყოფობა იწვევს. რა შუაშია შიდსი.

– რატომ მეოცე საუკუნის ოთხმოციან წლებში იმძლავრა მაინც-დამაინც იმუნოსინდრომმა? რამ დაასუსტა ორგანიზმი?

– ეგ სხვა საკითხია. ეძიე მიზეზი ადამიანისვე მოწყობილ ხიროსიმასა და ჩერნობილში. გაჭუჭყიანებულ ატმოსფეროში, თანამგზავრების მიერ დახეულ ცაში, „მავ ხვრელში“, შხამქიმიკატებიან საჭმელში, სტრესებიან დროში, მონამლულ მდინარეებში. დააბრალებ ყველაფერს ერთად, ან რომელსაც გინდა ცალცალკე.

– ესეიგი შიდსი ურბანიზმის, ტექნოცივილიზაციის დაავადებაა?

– მე მგონი.

– ზოგი მეცნიერი რომ ასკვნის, აფრიკის ველურ ტომებში გვხვდებოდაო?

– შეიძლება. ახლა უკეთესი პირობები დაუდგა და გამოვიდა კულისებიდან. ოღონდ იმ სახით არა, როგორც ჯუნგლებში თვლემდა საუკუნეების განმავლობაში.

– აი, ხომ ხედავ, მაინც აღიარე, რომ შიდსი არსებობს.

იამ ნალვლიანად გაიღიმა თავისი ფართო, მეტყველი თვალებით.

– იმიტომ, რომ შენ გსურდა ასე. მე მაინც ღრმად ვარ დარწმუნებული, რომ შიდსი ან ავანტიურისტთა მონაჭორია და ანგარებიანი სენსაციია, ან ჯერ მხოლოდ ბაცილაა აღმოჩენილი და წარმოდგენა არა აქვთ, იგი ვენერიული სენია თუ უბრალოდ ინტოქსიკაცია-

ური ბაცილა, ან ვირუსული დაავადება. ყოველ შემთხვევაში, მე ჩემს შვილს (რომელიც, ალბათ, არ მეყოლება) შიშის შიშით არ გავზრდიდი. ასეთ შემთხვევაში მისთვის ცხოვრება აუტანელი იქნებოდა.

გელას რალაც უნდოდა ეთქვა, მაგრამ თავგადაპარსულმა მორიგემ რაფაზე დააკაკუნა და სლოკინით გამოაცხადა! „შეხვედრის დრო ამოიწურა, ნეიძე, პალატაში!“

ორივენი ერთდროულად წამოდგნენ. იამ შუბლს ზემოთ ლურჯი ზონარი შეიხსნა, ისევე შეიკრა, ახლა უკვე მოშვილდულ წარბებთან ახლოს და გელას ხელი გაუწოდა.

– კარგად, აბა... სხვა რალაცაზე მინდოდა მელაპარაკა შენთან და გამექცა სიტყვა, აუ, ძალიან შეგანუხე ხომ ჩემი რატრატით? ან, ალბათ აღარ მოხვალ.

– მოვალ.

– მართლა რა... დაელაპარკე კალანდაძეს. გამიშვას. ნუ მანვალეხს. მე მკურნალობას არ ვექვემდებარები. ვერც გადავეჩვევი და აღარც მინდა გადავეჩვიო.

– ამაზე ჩვენ კიდევ ვილაპარაკებთ. ნახვამდის.

გელამ თავზე ხელი გადაუსვა, გულზე მიიკრა და შუბლზე აკოცა. ია კარისკენ წავიდა. შემოტრიალდა, ხელი ლამაზად გაიქნია და გავიდა.

გელა დანამდვილებით ვერ გეტყოდათ, მართლა უკიაფებდა ქალს თვალში ერთადერთი ცრემლი თუ მოეჩვენა.

გამოსვლისას მთავარ ექიმთან შეიარა. კალანდაძეს ლეღვით სავსე თასი ედო წინ და სამოთხის ხილს გაუფცქვენელად ჭამდა, გელა რომ შევიდა, თასი მისკენ გასწია.

– მიირთვი. შემეშველე, თუ ძმა ხარ, თორემ მეორე თასს ვათავებ, გავსკდი კაცი.

– გმადლობთ, – გელამ ხათრისთვის ერთი ლეღვი აიღო და დახეთქილ-დაცრეცილ კანზე დახედა, – გიყვართ ლეღვი?

– ძალიან. ნახეთ, ელაპარაკეთ თქვენს ნეიძეს?

– დიას.

– ხომ გითხარით, მაგისგან არაფერი გამოვა. სხვები თავს მაინც გვაცოდებენ: მოვრჩებით, გამოვსწორდებითო ყასიდად მაინც გვპირდებიან. ეგ გოგო გადაჭრით გვეუბნება, თავს არ დავანებებო. შენც ხომ ასე გითხრა?

– ჰო. არ მოვიშლიო. რა არის იცით, მთელ მაგის საუბარში ყველაზე მეტად ეგ მომეწონა. თავზე არაფერს იბრალებს, არ გვატყუებს, ეგეც ხომ საქმეა.

– ეგ, ბატონო ჩემო, თქვენი სახელი დამავინცდა.

– გელა.

– ბატონო გელა, ეგ ნათქვამი ჩვენი იგნორირების, ჩვენი დასჯის ფორმა უფროა, ვიდრე მისი ხასიათის თვისებიდან გამომდინარე. შენ რომ ამბობ, არ იტყუებო, არ დაიჯერო. ყოველ ნაბიჯზე ცრუობს.

– რა ვიცი, მე ვერ შევატყე.

– საკმაოდ დიდი არამზადაა იმისთვის, რომ ნიანგის ცრემლებით თავი შეგაბრალოს და ჩემთვის ორდღინი გასვლის უფლება გათხოვინოს. გასული არ იქნება აქედან, რომ ყოველგვარ პირობას ფეხებზე დაიკიდებს და თავის ძველ ბუდეს მიაკითხავს, სადაც ხელ-პირსაც არ დაიბანს, გაბრუებმდე დრო რომ არ დაკარგოს.

– რასაკვირველია, მართალი არ არის, რასაც ამბობს, მაგრამ ისე დაჯერებულად ამბობს და ცოტა არ იყოს, ლოგიკურადაც.

– საქმეც მაგაშია. რამდენიმე გვყავს ისეთი, როგორც ნეიძეა. არც განათლება აკლიათ, არც მსჯელობის უნარი. მაგ ნეიძემ გუშინწინ დოცენტი ჩაფიჩაძე კედელთან მიაყენა. ლექციას კითხულობდა „შიდსზე“ „ცოდნიდან“. რა უქნა, იცი? ჯერ შეკითხვები დააყარა და ისე კობტად გამოიჭირა მისსავე პასუხებში, რომ სანყალ კაცს კინალამ ხელები აანევიანა. ისე, ჩვენს შორის დარჩეს და ბევრი სიბნელეა მაგ შიდსის საკითხშიც.

– ჰო, ჯერ ბოლომდე შესწავლილ-გამოკვლეული არა აქვთ, მაგრამ ხომ ფაქტია, რომ არსებობს ასეთი საშინელება.

– ფაქტი და მერე როგორი. როცა შიდსს ირწმუნებ, შეიძლება შენს გონებაში ყველაფერი თავდაყირა დადგეს. ადამიანის და ამ შემთხვევაში ქალის მიმართ ის სიფაქიზე და ნდობა დაკარგო, რაც ახლა გაქვს ნორმალურ მამაკაცს. სიყვარულიც გადასხვაფერდება. მერე იქნება სიყვარულზე დაწერილი ლექსები აღარც ნაიკითხო.

– ამიტომ ებრძვის შინაგანად ჩვენი გონება შიდსს. ამიტომ არ უნდა დაიჯეროს იმ გოგონამ, რომ სწორედ მისი თაობა იქნება შიდსიანი თაობა. ამიტომ ადგა და ხელალებით უარყოფს.

კალანდაძემ გაიცინა. მერე სერიოზული სახით დაწვდა ლედვს. ზედ ყუნწთან შეაკვნიტა ნაყოფი, ყუნწი თეფშს დაუბრუნა და ღმურძვლით თქვა:

– შენ და ნეიძე დაიჯერებთ თუ არა, შიდსს სულ არ ენალვლება. მიყვა და ათასეულებს ანადგურებს აფრიკაში და ამერიკაში.

– ჩვენთანაც ასე ლალად ივლის?

– რა შეუშლის ხელს? ჩვენი ფარლალალა ამბულატორიები, თუ სამაგალითოდ დაყენებული პირადი ჰიგიენა? შიდსს ლოზუნგებით ვერ დაამარცხებ.

– არ ყოფილა საშველი.

– უსაშველო შენს მტერს. ასეთი პანიკა იყო ევროპაშიც, პირველად სიფილისის ჩხირები რომ აღმოაჩინეს, ახლა სიფილისი მედიცინისთვის პრობლემა ხომ აღარ არის? ასე მოუვა შიდსსაც. სხვა-

თაშორის, ბუნება ახალ საგანს და მის გამანადგურებელ ძალასაც ერთად შობს.

ცოტა ხანს სდუმდნენ. გელამ „კოსმოსის“ კოლოფი დააძრო.

– ალბათ, აქ არ შეიძლება.

– მოსწიე, რამდენიც გაგეხარდეს, – მასპინძელმა ნება დართო, – მე თვითონ არ ვენწევი.

გელამ მოუკიდა. ერთი ნაფაზი დაარტყა და სიგარეტი საფერფლეს ჩამოადო.

– არაფერი ეშველება, აბა, იმ გოგოს?

– ნეიძეს? თითქმის არაფერი. ამ თითქმისსაც იმიტომ გეუბნები, რომ ექიმი ვარ. შარშანაც გვყავდა. გავიდა თუ არა, იმ დღესვე მოსწია. ახლაც არაფერი ფსიქოლოგიური ძვრა არ ეტყობა. რაც მთავარია, თვითონ არ უნდა.

– ესეიგი ძლიერი ნებისყოფა აქვს.

– გააჩნია რა კუთხიდან შეხედავ. მე მაგას სწორედ რომ უნებისყოფობას ვეძახი.

– როგორ, ასე უერთგულო, ნარკოტიკს, მთელმა ქვეყანამ ვერ გადაგაჩვიოს. მაინც ხომ არის რალაც...

– ნეიძის მდგომარეობაში, ხომ გითხარით, ხასიათის სიმტკიცეზე ლაპარაკი ზედმეტია. რომელ ნებისყოფაზე შეიძლება ლაპარაკი. იგი საერთოდ უნებისყოფოა: ავადმყოფობამ დიდი ხანია ჩაკლა მისი ნებისყოფა.

– არ შეიძლება მისი სიჯიუტის ძალა სხვა რამეში გამოიყენოს კაცმა? წყალი არ უნდა გადავუნწუროთ ადამიანს.

– ნეიძემ თვითონ გადაუნწურა წყალი თავის ცხოვრებას.

– როგორ დამთავრდება ეს ყველაფერი?

– ჩვეულებრივად, როგორც სხვების მთავრდება.

– თუ ნებას დამრთავთ, ხანდხან მოვალ მის სანახავად.

– მობრძნდით, თვეში ერთხელ შემიძლია შეგახვედროთ. ოღონდ, რამეების მოტანისგან, თუ ძმა ხარ, თავი შეიკავე, ეგ მისთვის დიდი ფუფუნება იქნება.

– მაინც რა არ მოვუტანო?

– ფული და კიდევ, ხვდებით, მე მგონი, რასაც ვგულისხმობ.

– ღმერთმა დამიფაროს.

– ეგ გოგო ისეთი არამზადაა, შეიძლება თავიც კი შეგაყვაროს და ნარკოტიკის მოტანა შეგანეროს. გვექონდა ასეთი შემთხვევებიც.

– ნეიძესთან?

– არა, სხვებთან. მოდიან აქ „მამიდაშვილები“ და „საქმროები“ პურში ჩაკვებებული ამპულებით.

– ცოდვას ვერ დავიღებ, ჩემთვის მინიშნებითაც კი არ უთქვამს იას.

– ჯერჯერობით ვერ გაგიბედა.

\* \* \*

...გელას ყელი გაუშრა. სკამზე მონყვევით დაეცა. ჰალსტუხი მიღრიჯა და მკერდი გაიღელა.

– როდის, რანაირად?

– გუშინ, ვახშმის მერე, დერეფანში გამოსულა, თავის პალატასთან, იქვე გადაუჭრია ქილის ნატეხით ვენები და სანამ სისხლისგან დაიცლებოდა, ფეხზე მდგარა, რომ არავის დაენახა და არ მიშველებოდნენ.

– არავინ იყო ახლომახლო?

– როცა ნაიქცა, მიცვივდნენ, მაგრამ უკვე მკვდარი იყო. გუშინ რაო, რა გითხრა, ეტყობოდა რამე?

– არაფერი. რომ ვუთხარი, ხვალ მინისტრთან მივდივარ-მეთქი, მაინცდამაინც არ გახარებია. ეგ იყო და ეგ. სხვა არაფერი შემიტყვია.

– რაო მინისტრმა?

გელამ პიჯაკის ჯიბიდან კონვერტში ჩადებული ქალაღდი ამოიღო.

– ჩემი შუამდგომლობით და პასუხისმგებლობით ერთი კვირით უნდა წამეყვანა.

კალანდაძეს კონვერტი არ გაუხსნია. მაგიდასთან მივიდა, ქალაღდი აიღო და გელას გაუნოდა.

– ხალათის ჯიბეში ვუპოვეთ. ეგ ასლია. დედანი გამომძიებელმა წაიღო.

სანამ მთავარი ექიმი ამას იტყოდა, გელა კირთაძე უკვე კითხულობდა ია ნეიდის უკანასკნელ სტრიქონებს:

„გელა (როგორ გაგიტამამდი)

თავის მოკვლაზე სხვა დროს არასოდეს მიფიქრია. ახლა, ამ წუთში მგონია, რომ ყველაზე ჭკვიანური, რასაც ჩემს სიცოცხლეში გავაკეთებდი, თავის მოკვლაა.

რომ გადამარჩინონ. გავგიჟდები.

რალაცნაირად ლამაზია: შენ მოხვალ ჩემი გაშვების ქალაღდით და მე ცოცხალი აღარ დაგხვდები.

წუხელის მთელი ღამე თეთრად გავათენე.

ასე უკეთესი იყო; შენ მოხვიდოდი სანახავად, მე დაგხვდებოდი. ვიფიქრებ, შევყურებდით ერთმანეთს.

იცოცხალი შემიშინდა? იმ ერთკვირიანი თავისუფლებით მე შენ სამუდამოდ დაგკარგავდი. მე ძალიან სუსტი ვარ. ვერ შევძლებდი თავის მორევას. არ მინდოდა დაცემული გენახე, ახლა სულ ჩემთან იქნები.

ცოტათი მაინც გავილამაზე, მგონი, ცხოვრება.

გეხვენები, მაპატიე ყველაფერი.  
მე შენ მიყვარხარ“.

\* \* \*

– ბატონო გელა, რა ილბალზე შემხვდით. ამასწინათ რედაქციაში მოგაკითხეთ და ვერ დაგიჭირეთ. ამბავი უნდა მოგიყვით. იქნებ თქვენ მაინც ამიხსნათ რა მოხდა. საქმე ქალს, ჩემს ყოფილ ცოლს ეხება.

ქალი? ურთულესი არსებია. მე კი არა, ღმერთმა ვერაფერი გაუფო. ორ ნაბიჯზე მოატყუა ღმერთი და ადამიანის გაჩენისთვის კინალამ თავ-ბედი აწყველინა. ე, შეხედე, ხომ ანგელოზივით ზის, გეგონება ხეს ფოთოლს არ შეურხევსო, შეიძლება მართლა ანგელოზია, ხომ არ ვიცნობთ მე და შენ, მაგრამ უფრო საფიქრებელია, ისეთი მავნის ერთი იყოს, ისეთი სიემშაკე მოიმოქმედოს, აგერ, ერთ წუთში რომ ცა და ხმელი აალაპარაკოს.

თქვენ რომელ გაჩერებაზე ჩადიხართ. საიხვეზე? მეც იქეთ მოვდივარ. დრო გვაქვს და მოგიყვები ჩემს ამბავს. ქალთანაა დაკავშირებული და სიტყვას მოჰყვა, თორემ რა მოსაყოლი ეს არის. ასეთი ამბავი ყოველ ნაბიჯზე ხდება.

ცოლი გამექცა შარშან. კურორტზე მყავდა „ზელიონაია პალიანაზე“, დასასვენებელ სახლში კარგად, მშვენივრად. ხუთი წლის ცოლ-ქმარი გახლდით და ვერც იმას გეტყვი, ვერ ვენყობოდით ერთმანეთს-მეთქი. ყველაფერი რიგიანად მიდიოდა. ვმუშაობდით ორივენი. კოოპერატიული ოროთახიანიც ავიშენეთ. მე არ ვსვამდი, ცოლს სეირნობა არ უყვარდა, მეტი რა უნდა ოჯახს. არ უნდა ვიყო გლახა ქმარი, ჩემი ჭკუით. არ ვსვამ-მეთქი, გითხარი, ძუნწი და კაცებში გამოწყვეტილი არა ვარ. თუ საშუალება მქონია, არც ჩასაცემელ-საყიდელზე მითქვამს მისთვის უარი. თვითონაც, ცოდვას ვერ ვიტყვი, დიდი მომთხოვნი და პრეტენზიული ქალი არ იყო. უყიდდი, მადლობას გეტყოდა, არ უყიდდი – არ დაგემდურებოდა.

არც ისეთი გულუბრყვილო და მიამიტი მამაკაცი ვარ, ცოლს რომ ბრმად ენდობა და მერე თავში საცემად გაუხდება საქმე. ვიცოდი, ქალი მაინც ქალია და ვცდილობდი ისეთი სიტუაცია არ შემექმნა მისთვის, რომ არჩევანის წინაშე დამდგარიყო. დასასვენებლად მარტო არ ვუშვებდი, სამსახურიც ისეთი შევურჩიე, მივლინებებში არ უნევდა წასვლა. დილით ხომ ერთად გავდიოდით, საღამოსხანს თითქმის ერთდროულად ვბრუნდებოდით. არ უყვარდა დაგვიანება. არც კრებობია-აქტივისტობის მოყვარული იყო. მასიურ ღონისძიებებში თითქმის არ მონაწილეობდა. ათასში ერთხელ თუ დაბადების დღეზე დაპატიჟებდნენ, მეც თან წამიყვანდა.

მანც ეჭვი მქონდა. ხომ იცი, ცოლს ეჭვიანი მზერა არ უნდა მოაშორო. იქნებ არც ისეა საქმე, როგორც მე მეჩვენება, რამეში არ ვტყუვდებოდე-მეთქი და ერთი-ორჯერ შევამონმე. ვითომ დილიდან კარტოფილის ასაღებად წაგვიყვანეს, ან ვითომ, ოთხდღიან სასწრაფო მივლინებაში მიკრეს თავი. ქალაქიდან გასულს რომ დაგიგულეხს, ქალი, თუ საჯაყი საქმის მაქნისია, მაშინ იხელთებს დროს. ან შინ მოიყვანს კუროს, ან თვითონ წავა. ბარე ორი ქალი დალაპარაკებია ლოგინიდან თავის ქმარს მივლინებაში, როგორ ხარ, როგორ იმგზავრე, თბილი საცვალი ჩაიცვი, არ გაცივდე, თავს მოუარეო, ისე რომ საყვარელი გვერდით ეწვა და ჭიპზე უსვამდა ხელს. დარბის მივლინებაში მყოფი პინგვინი მეორე დღეს ცოლის წუხანდელი ზარით ფრთამესხმული მალაზიიდან მალაზიაში, აბა, რით გავახარო ჩემი ერთგული ცოლი, სად ვიშოვო ისეთი პენუარი და ბუზჭალტერი, ჩემს თანამეცხედრეს რომ მოეწონებაო. მე, გითხარი მისი არ იყოს, ასეთი ყრუალა და ბრმად დამჯერე ქმარი არ ვიყავი. შევამონმე-მეთქი, ხომ გითხარი, მოვბრუნდი შუადღეგადასულზე, თუ რაიმეს ჩამდენია, ახლა გამოჩნდება-მეთქი. გაგიგონია? ზის ჩემი ცოლი მარტო ღუმელთან და პერანგს კემსავს, არ დაიჯერებ ასეთი ცოლისას?

აი, ამნაირმა ცოლმა მიყო, რაც მიყო. შარშან კურორტიდან გამექცა. სამი დღე გვექონდა დარჩენილი საგზურის ბოლომდე. ბილეთები, რასაკვირველია, აღებული გვექონდა. დაჰკრა ფეხი და გამექცა. რა ღმერთი გაუწყრა. ვერ გავიგე. დამსვენებელს გაჰყვა, ერთ უღირს და უგვანო ვინმეს, ყაზანელ სალახანას. მივწერე ორჯერ წერილი. დეპეშაც ვაფრინე, პასუხი თვენახევრის მერე მომივიდა. „დამივიწყე, ხომ აგიხსენი ყველაფერი, მე ბედნიერი ვარ. განქორწინებაზე, რა პირობითაც გინდა, თანახმა ვარ. განცხადება დროზე შეიტანე, ჩვენი შერიგება, ათასი წელიც რომ ვიცოცხლო, არ მოხდებაო“.

რა ამიხსნა? არაფერიც არ აუხსნია. ნასადილევს დომინოს სათამაშოდ ჩავედი ბიჭებთან და გვიან რომ დავბრუნდი, წერილი დამხვდა მაგიდაზე: „წავედი, არ გენყინოს, თუ შეგიძლია, მაპატიე, კიაზოს მივყვები ცოლად. ასეა საჭირო. ფული ოცდაექვსი მანეთი მიმაქვს. ბილეთი დააბრუნე, მშვიდობით“. ა, ეს იყო მისი ახსნა. რასაკვირველია, მეორე დღესვე ადმინისტრატორს გამოვართვი კიაზოს მისამართი, მაგრამ ჩასვლით არ ჩავსულვარ. რაზე უნდა ჩავსულიყავი. მეც მაქვს ჩემი თავმოყვარეობა. მინდოდა სამსახურში მიმეწერა, ასე და ასე ჩაიღინა თქვენმა თანამშრომელმა, დღისით, მზისით, ყაჩაღურად ცოლი წამართვა-მეთქი. მაგრამ ჩვენთან, ადგილკომში მითხრეს, არ ღირს დავიდარაბის ატეხვა; ჯერ ერთი ის



კაცი რა შუაშია, ცოლი შეირთო, ხომ არ მოუტყუებია და მიუტოვე-  
ბია, ესეც არ იყოს, არც შენი ცოლი იყო არასრულწლოვანი, ფო-  
ჩიანი კამფეტებით რომ შეეტყუებია ოთახში, ორივემ ის გააკეთა,  
რაც უნდოდათ, შენ შენს გზას ენიე, ეს აჯობებს ყველაფერსო.  
გავჩერდი მეც, რა უნდა მექნა.

ექვსი თვის თავზე გაგვაქორწინეს. ექვს თვეს თურმე უფლება  
ეძლევა მოლაღატე ცოლს კარგად აწონ-დანონოს ყველაფერი. ხომ  
შეიძლება გადაიფიქროს. ჩემმა, როგორც ჩანს, არ გადაიფიქრა.  
განქორწინების სასამართლოზე ორივენი ჩამოვიდნენ. მე, გითხრა  
სიმართლე, არც ერთს არ დავლაპარაკებოვარ. თავმოყვარეობის  
ამბავია, რა უნდა მეთქვა. ჩვენს შორის დარჩეს და ერთად შეძე-  
ნილი ქონების ნაწილი გამიყო, მაგრამ ბინაზე პრეტენზია არ გა-  
ნუცხადებია. ბინა მთლიანად დამიტოვა. მაინც ნამუსიანად მომიქ-  
ცა, ესეც არაა პატარა საქმე.

ახლა უშუალოდ ფაქტზე მოგახსენებ: ერთ „ზაფხუდში“ ვიყა-  
ვით ჩვენც და ის ყაზანელიც. მერე გავიგე, კიაზო რომ ერქვა.  
შავუღვაშა, მებორნესავით გრძელხელება, კაფანდარა კაცია, ასე,  
ჩემი ხნის, ჰა, ჰა, ორი წლით უმცროსი იქნება. სულ კაცებში იდგა,  
რალაცას ჰყვებოდა, თავისებურ სისულელეს ალბათ, სადაც კი გა-  
მოჩნდებოდა, ირგვლივ ხითხითს აყენებდა, თავიდანვე არ მომე-  
წონა. ხომ არიან ხმაურიანი, ცოტა უტიფარი კაცები.

ჩასვლის ასე, მესამე თუ მეოთხე დღეა, კინოს რიგში ვდგავარ,  
ჩვენს წინ ოციოდე დამსვენებელია, ეს ყაზანელი, ეს ჩემი ცოლის  
მომავალი ქმარი, სალაროსთან დგას, გამოგვხედა, უცნობია, რა-  
საკვირველია, ჩემმა ცოლმაც შეხედა ისე, ჩვეულებრივად, მაგრამ  
მაინც არ მომეწონა ეს თვალის გაშტერება.

სანამ კინო დაიწყებოდა, ავამუშავე ჩემი ფანტაზია და ცოლს  
ვუჩურჩულე: ის ცხენის ბიძაშვილი, მეჩხერკბილება აყლაყუდა,  
რიგში რომ გამოგხედა, გუშინ ბილიარდს მეთამაშებოდა, წარ-  
მოუდგენელი ფრაერია, ოთხი შარი მივეცი და მოვუგე-მეთქი. რა-  
საკვირველია, ვიცრუე, მაგრამ მინდა, როგორმე დაუსწრებლად  
შევაძულო ჩემს ცოლს. მაშინ როგორც შევატყვე, ჩემი სიტყვები  
თანამეცხედრეს აინუნშიც არ ჩაუგდია, ჩემი მობილიარდე პარტ-  
ნიორით არ დაინტერესებულა.

მეორე დღეს ნასადილევს, ხეივანში რომ ვსეირნობდით, ვილაც  
ქალს მოაპორწიალებდა, ჩაგვიარა და ისევ გამოხედა ჩემს ცოლს.  
არც ახლა გავუშვი შანსი ხელიდან: „მთელს დასასვენებელს სახლს  
თავი შეაძულა, ამბობენ, დიდი ქარაფშუტა და დონ-ჟუანი ვინ-  
მეა. ქალს, ვინც არ უნდა იყოს იგი, დალაპარაკებისთანავე თურმე  
ოთახში ეპატიჟება-მეთქი“.

„ყველას? ნუთუ ამხელა კაცს წმინდა არაფერი უნდა გააჩნდეს. როგორ შეუძლია, ღმერთო“. – შეიცხადა ჩემმა ცოლმა და ვიგრძენი, რომ მიზანს მოვასხვედრე. ჩემი მომავალი მეტოქის (არ ვიცი იმ ორი გამოხედვით რატომ მივიჩნიე მეტოქედ) შეძულების პირველი ქულები აღებულები იყო.

თითქოსდა სპეციალურად, ნერვებისმომშლელად ხშირად გვხვდებოდა. ან სასაბილოს შესასვლელთან (გულზე ხელს მიიდებდა, განზე გადგებოდა და გზას დაგვითმობდა), ან კიპაროსების ხეივანში, ან ლიფტის რიგში. რატომღაც ნაცნობებად გვთვლიდა, თუმცა ოფიციალურად არავის წარვუდგენივართ ერთმანეთისთვის. გაუბედავად გაგვიღიმებდა, მთლად მოსალმებასაც ვერ გვიბედავდა და არც აღარაფერი აკლდა. ამასობაში მე, რაც შემეძლო, ვმუშაობდი. ჩემს ცოლს მგონი ისიც კი შეეუთხზე, რომ სექსუალური მანიაკი უნდა იყოს-მეთქი. გუშინინ ვიღაც ქალი შეუტყუებია ოთახში და ძლივს გამოუწინაწინათ-მეთქი ხელიდან. თავზეხელაღებული, ხეპრე ვინმეა-მეთქი. მასეთებს საიდუმლოს შენახვა არც კი შეუძლიათ. თავის სალოგინო თავგადასავლებს მეორე დღესვე ქვეყანას მოსდებენ-მეთქი. თუ ქალი დაიმარტოხელა, მაშინვე, ყოველგვარი შესავლის გარეშე, ხვენწა-კოცნა-ფერებაზე გადადის-მეთქი“.

ასე ვატრიალებ ჩემი ფანტაზიის კარუსელს. ერთხელ სეირნობისას, ჩემი ცოლი, რომელიც ამ თემაზე ყოველთვის ყურადღებით მისმენდა, უეცრად შეჩერდა და ამოოხვრით თქვა:

– ღმერთო ჩემო, რა საშინელებაა!

გამარჯვებას ვზეიმობდი. მეგონა, მიზანს მივაღწიე. მეგონა, ჩემი ცოლი იმ უტიფარ ყაზანელს სხვა თვალით აღარ შეხედავდა.

და როგორ ფიქრობ, სწორედ მას გაჰყვა. როდის, სად დაელაპარაკა. თითქოსდა გვერდიდან არ მომცილებია. სად შეხვდა. როდის შეთანხმდნენ ცოლ-ქმრობაზე. ან ამ ჩემს პროფილაქტიკურ ღონისძიებას რატომ არ გაუწია ანგარიში ჩემმა ყოფილმა ცოლმა? რა მოხდა საერთოდ, ამდენი ხანია ვფიქრობ და ვერ გამირკვევია. მოდი და გაუგე ქალს რამე.

\* \* \*

– როგორ ხარ?

თამთამ გაუღიმა და ლამის დაუმარცვლა.

– არა მიშავს. შენ როგორა ხარ?

– ქმარ-შვილი ხომ კარგად?

– გმადლობთ. კარგად არიან.

– შენ, იცი თუ არა, რომ ათი წელი გავიდა.

– ათი წელი და თორმეტი დღე.

- საოცარი.
- გელამ სიჩქარე გამოცვალა და სიჩქარის სახელურმოჭიდებულ თითებში იგრძნო, რომ ხელი უკანკალებდა.
- რა არის საოცარი?
- ისე ჩაჯექი ამ მანქანაში, თითქოს ესესაა გადმოხვედი და პურის საყიდლად შეხვედი მაღაზიაში.
- ასეც იყო.
- ერთხანს ორივენი ყურად იყვნენ.
- ყველაფერი ტყუილი ყოფილა? – განზე გაიხედა კაცმა.
- არაფერიც არ ყოფილა ტყუილი.
- ტყუილი ყოფილა, აბა რა. გესმის? ათი წელია არ მილაპარაკნია შენთან.
- სამაგიეროდ. მე შენთან ყოველთვის ვლაპარაკობ.
- აღარაფრის აღარ მჯერა. სად წავიდა ის ცრემლი, ის ლოდინი, ის გაგიჟება ერთ დღეს რომ არ გნახავდი...
- ეგ შენს თავს ჰკითხე.
- შენ გეკითხები.
- მე არაფრის შეცვლა არ შემეძლო.
- გეხვეწები, მითხარი, დამეთანხმე, რომ ყველაფერი სისულელე ყოფილა.
- არ დაგეთანხმები, რომ მოკვდე არ დაგეთანხმები.
- მაგრამ გულის სიღრმეში შენც ასე ფიქრობ.
- არ ვფიქრობ.
- აბა როგორ გასძელი უჩემოდ?
- მე არ ნავსულვარ შენგან, შენ ნახვედი.
- როგორ გასძელი მეთქი. ეს შენ არ მიცდიდი საათობით მანქანასთან?
- გიცდიდი. ახლაც გიცდი.
- სულელები ხართ ქალები. არ გინდათ საკუთარ თავს გაუტყდეთ, რომ თურმე ყველაფერი ქრება.
- არაფერიც არ ქრება. მე უბრალოდ ცხოვრების სტილი შევიცვალე. შენც ხომ ხედავ, შენს ცოლ-შვილში ხელს აღარ გიშლი.
- მე ისევ მე ვარ. ეს შენა ხარ მოუცლელი და ქმარ-შვილით დაზუზღული ქალი. ეს შენ მითხარი ათი წლის წინათ, მე მგონი ნოემბერი იყო მაშინაც, ძალიან გთხოვთ, აქ მეტი აღარ დარეკოთო.
- გითხარი.
- რატომ?
- მე არასოდეს არ მოვატყუებ იმ კაცს, ვინც ჩემი შვილების მამაა. იგი ამას არ იმსახურებს.

- გიყვარს?
- ამაზე ნუ ვილაპარაკებთ. შენ ძალიან კარგად იცი, ვინც მიყვარს.
- მერე სად ნავიდა შენი სიყვარული?
- არსადაც არ წასულა. იგი ჩემთან დარჩა. ყოველდღე ყოველ საათს ჩემთანაა და თავს მახსენებს.
- როგორ მინდა მჯეროდეს.
- აღარავითარი მნიშვნელობა აღარა აქვს შენ დაიჯერებ თუ არა. მთავარია რომ მე მჯერა ჩემი სიყვარულის.
- რომ გაგიჩერე, ჩემთვის არც შეგიხედავს, ნომრებს შეავლე თვალი და უყოყმანოდ დაჯექი.
- ჰო.
- რა იცოდი ნომერი. შენ ხომ ამ მანქანაში არასოდეს მჯდარხარ.
- რა სულელი ხარ. სწორედ იმ წუთში ვფიქრობდი. ახლა, სადაცაა გამოჩნდება და მანქანას გამიჩერებს მეთქი.
- ამ ათი წლის განმავლობაში სამჯერ მოგკარი თვალი გაჩერებაზე. ეს იყო და ეს.
- და თუ გახსოვს, მე ყოველთვის შევბრუნდებოდი ხოლმე, რომ არ მოგექცია ყურადღება.
- დღეს?
- არაფერი. უბრალოდ თავს ვერ მოვერიე.
- სამსახური რატომ დატოვე?
- დრო აღარ მეყო. ბავშვები, ქმარი. სხვა მიზეზიც იყო.
- რა მიზეზი.
- არ მინდოდა. მბორკავდა. გულზე მანვა შენი ნაშოვნი სამსახური. ასე მეგონა დილით სახლიდან რომ გავიდოდი, დანაშაულს ჩავდივარ მეთქი.
- კაცმა გაიცინა.
- ხომ გითხარი, სულელები ხართ.
- რა ხდება, რა ამბავია შენს თავს?
- რა ახალი რამე? შენ მაინც იცი, ყოველ ხუთ წელიწადში ერთხელ მაფია თავდასხმას მომინებო. მერე უკან დაიხვეს და ახალი თავდასხმისთვის მოემზადება.
- არ მოსწყინდათ?
- არც მოსწყინდებათ.
- რა საშინელებაა.
- ახლა ვერ გავახარე. არ ავყევი, ძალადაც არ ჩავაგდე.
- როგორ მინდოდა იმ დღეებში შენს გვერდით ვყოფილიყავი და გამემხნევებინე. გიჟს ვგავდი.
- გამხნევებები არ მაკლდა.

- ჩემსავით მაინც ვერავინ გაგამხნევებდა. კარგად მოიქეცი, რომ იმათ დონეზე არ დაეშვი და არ უპასუხე.
- გეხვენები, იმ სიბინძურეზე შენთან მაინც ნუ ვილაპარაკებთ.
- მართალი ხარ.
- შენ ეს მითხარი, გახსოვს ბაკურიანში ფეხი რომ მოვიტეხე?
- ოღონდ მოგონებები არ დაინყო!
- არ გიყვარს მოგონებები?
- რისი მოგონებები! მე არავითარი მოგონებები არა მაქვს. მე მოსაგონარი არაფერი მაქვს. ეს ყველაფერი გუშინ იყო, დღეს არის. მე იმ დღეებით ვცხოვრობ. ჩემთვის სხვა დღეები არ არსებობს. დამინყე ახლა: „გახსოვს? გახსოვს?“, რას ჰქვია მახსოვს. რა მჭირს გასახსენებელი.
- მაპატიე.
- მანქანამ ელბაქიდის დაღმართზე ჩაუხვია.
- ცოტა შესუქებულხარ, - თქვა კაცმა.
- შესუქება შენი იკითხე. ტელევიზორში რომ გიყურებ, კისერი ყასაბს გიგავს.
- აღარ მოგწონვარ?
- მაგ შეკითხვის უმწეობა არასოდეს მიგრძენია ისე, როგორც ახლა. რას ჰქვია მომწონხარ? ეგ უცხოხ უნდა ჰკითხო. მე შენ სხვა თვალთ, გარედან ვერასოდეს ვერ გხედავ.
- რა ლამაზი ლაპარაკი იცი.
- კი, აბა. ლამაზად თქვენ ცდილობთ ილაპარაკოთ. თქვენი პროფესიის ხალხი. და სწორედ ყველაზე ყალბი მაშინა ხართ. რომელი საათია!
- ორი სრულდება.
- ჩიტის სკვერთან გამიყვანე.
- ?
- სკოლასთან. ბავშვი უნდა გამოვიყვანო.
- ნახვალ ახლა და ათი წლით დაიკარგები, ხომ?
- აუცილებლად... რა კარგია, ათი წლით ისევ დავიკარგები. რა ბედნიერებაა... ღმერთო ჩემო... ნეტა მალე მოვიდოდეს სიბერე... მალე გათავდებოდეს ეს ყველაფერი... სიზმრებში ვცხოვრობ, გელა, მე სიზმრებში ვცხოვრობ. აქაურობას უკვე კარგა ხანია აღარ ვეკუთვნი... გამიჩერე... წადი ახლა და თავს მოუარე... მოიწი ერთხელ გაკოცებ... არა, შენ არ მაკოცო... მე გაკოცებ... წავედი... აქედან ბაზარში უნდა გავიარო.
- გამოვიდეს ბავშვი. ბაზარში მე გაგიყვანთ.
- არა, არა. წადი. ტაქსით წავალთ. არ მინდა შენს მანქანაში ჩავსვა. მერე კითხვებით ამიკლებს. ნახვამდის.

თამთა ჩავიდა. „პლაშის“ საყელო აინია, და ნიკაპი ჩამალა. ისევ ჩაძვრა თავის სულში, ფიქრებში. სკოლის კარებთან გამოსულ ქალს რალაც ჰკითხა; ალბათ, „ზარი ხომ არ ყოფილაო“. მანქანისკენ მოიხედა, ხელი დაუქნია და სკოლის კარებში გაუჩინარდა.

ნელა, მძიმედ დაძრა მანქანა. მის ცხოვრებაში პირველად არ იცოდა კაცმა, საით წასულიყო.

\* \* \*

სარფში ჩვენს საბაჟოს თურქეთის მხრიდან მინიაგტობუსი მოადგა. პოლიციელებმა გუშაგს ქალაღდი გაუწოდეს. ორმა მეზაჟემ რაფში შეიხედა. პოლიციელებს თავი დაუქნია და მანქანამ საზღვარი გადმოკვეთა.

რაფი ჩვენს ახლოს გაჩერდა, მაგრამ ახლოსაც რომ არ გაჩერებუღიყო, მე მაინც მივირბენდი თურქეთის მხრიდან ჩამოტანიღი ძვირფასი „ტვირთის“ სანახავად.

შოფერმა წინა და უკანა კარები გამოაღო თუ არა, ერთბაშად დაჩნდა მინაზე ათიოდე თავგადახოტრიღი ქალიშვიღი. გაბრუნებულ რაფს სტვენა-ჟივჟივი და ცხვირთან მიტანიღი ათი თიღის „სალამური“ მიაცოღეს.

– ნახე, ნახე – მეუბნება ჩვენი მძღოღი, – თურქებმა ჩვენი ბოღები გამოყარეს.

ონკანთან შეჯგუფებულ, ერთმანეთით გართულ მეძავების ირგვღივ ცნობიმოყვარენი რიაღებენ.

ღმერთო ჩემო, სულ ბავშვები თხუთმეტ-თექვსმეტი წღისანი. ლამის გული გამიჩერღეს.

ისინი კი მხიარულად კისკისებენ. წელში იკეცებიან, ბიღწსიტყვაობენ, უტიფრად, წრეგადასული სითამამით შესცქერიან მძღოღლებს და ბათუმში წაცვანაზე იყაბუღებენ.

ერთმა ტუჩმეღებიღმა, გადახოტრიღ თავზე წარბებამღე ჩაჩჩამოფხატუღმა გოგომ, რომელიც იაფფასიანი მაღაზიის მანეკენს წააგავს, სიგარეტი მთხოვა.

გავუწოღე. თავი მიუსრისა პირში ჩაიღო და ჩემსკენ დაიხარა, მომიკიღე კიღეცო.

სანთებღლა გავაჩხაკუნე. პატარა, ფაფუკი, ბავშვური თიღები აქვს. გამხდარ სახეზე, ყვრიმაღებთან ცისფერი ძარღვები უჩანს.

– საიღან მოღიხართ? – ვკითხე.

გააბოღლა და ამხედ-ღამხეღა.

– ესენი სტამბულიღან ჩამოაფრინეს, მე ტრაპიზუმში ვიჯექი.

– იჯექი?

– დიდხანს არა. სულ თვენახევარი. მიშპიონა ვილაცა ჩათლახმა. ჩვენთანმა, ქართველმა, ვინც მიცნობდა.

– გაგასამართლეს?

– კი.

– საბუთი რამე გქონდა?

– აჰა, უსაბუთოთ ვინ გამიშობდა თურქეთში.

– ჩამოგართვეს?

– ჩამოგვართვეს და ახლა დაგვიბრუნეს, მარა სურათები გადაგვიღეს და ხუთი წლით თურქეთის ტერიტორიაზე შესვლა აგვიკრძალეს.

– ორი თვის შემდეგ რომ დაბრუნდე? ვინ გაიგებს.

გაიცინა.

– მასთე არაა, თვარა კი. ჩვენი სურათები ყველა საბაჟოში დევს. სურათებიც და გვარებიც.

– კიდევ კარგად გადარჩენილხართ. სადაური ხარ?

– ოზურგეთელი. გადავრჩი იმიტომ რომ გამსინჯეს და არაფელი არ მჭირდა, თვარა ვისაც ავადმყოფობა აღმოაჩნდა, სამ-სამი წელიწადი ჩამოურიგეს.

– თან მკურნალობენ იქ, ციხეში?

– მკურნალობენ, ალბათ, ისე რავა იქნება, რომ არ მოარჩინონ, ხომ დალპა ქალი სამ წელიწადში.

– რატომ ნახვედი თურქეთში? – ნამცდა მიამიტური შეკითხვა.

– მეზობლის ქალმა წამიყვანა. ცოტა ფული მინდოდა გემეკეთებია. კომერციულ ინსტიტუტში ვაპირებ შესვლას.

– ის ქალიც დაიჭირეს?

– არა ის ქეა ტრაპიზონში. მეც ვერ დამიჭერდნენ, აბდლურად მევიქეცი. კლიენტთან ვიჯექი რესტორანში, რომ შამევდნენ. მივხთი, პოლიციელები რომ იყვნენ. პირდაპირ ჩემთან არ მოსულან. დაჯდნენ ახლომახლო. პივა დალიეს. შემეძლო ავმდგარიყავი და გამოვქცეულიყავი. არ ვქენი. რაცხა სისულელემ ფეხი შემიბორკა.

– რას იზამ ახლა?

– წავალ სახლში.

– ვინ გყავს ოზურგეთში?

– შიგ ოზურგეთში არ ვცხოვრობ. ახლოს ვარ სოფელში. დედა მყავს და ორი პატარა ძმა.

– მამა?

– მამინაცვალი.

– იცოდა, რა საქმეზეც ნახვედი თურქეთში?

– რო ცოდნოდა, სიკვდილი გამოწერილი მქონდა. ახლაც რომ

გეიგოს, ცოცხალს არ გამიშვებს. სანამ თმაი არ წამემეზრდება, ვერ მივალ სახლში. ბათუმში უნდა ვიყვე დაქალთან. იცოდაო? თურქეთში რომ წვედი, რავა არ იცოდა. წამევიდეს ჩემთან სავაჭროთ. ორ კაპიკს გავაკეთებინებო, ასე უთხრა, ვინც მე წამიყვანა.

– შენ იცოდი, რა საქმეზე მიყავდი?

– კი. თვითონ წელიწადი ათი თვე თურქეთშია ის ქალი. ყველას იცნობს.

– სხვებიც ჰყავს, ალბათ, ასე შენსავით.

– ჩაყავს გოგოები და სხვას უტიებს. ჩვენ ხუთი გოგო ვიდეთით თურქის ბინაში. ის თურქი გვაქირავებდა, ქუჩაში კი არ დაედოდი.

– მერე? ის თურქი არ დაიჭირეს?

– არა. მე არ ვთქვი. თვარა დაიჭერდნენ. იმის თქმა რაფერ შეიძლება. პირობას გვადებიებენ, რავარც ბაბაიეს („ბაბაის“ ვეძახით) სახელს გაამხელ, მოგვკლავენ.

– იშოვე ქე მაინც რამე?

– ცოტა.

– წაგართვეს ალბათ.

– რაც ჩამოგვართვეს, სასამართლოს ჯარიმამ წეილო – ჯიბეში რაც მქონდა. სახლში მქონდა იმ თურქთან დატიებული ცოტა და იმას დევიბრუნებ.

– როგორ დაიბრუნებ?

– დავაბარებ ვინცხას. დადიენ ჩვენი გოგონები. თუ შეიძლება, ერთ სიგარეტსაც ევიღებ.

კოლოფს ჩემი ტელეფონის ნომერი წავანერე და გავუნოდე.

– აილე მთლიანად, რა გქვია?

– მზია.

– მზია, მანდ ჩემი ტელეფონის ნომერი წერია. თბილისში რომ ჩამოხვალ, დამირეკე.

– კი. აუცილებლდ. თბილისში მალე ჩამოვალ. ეს სახლისაა?

– ბინის ტელეფონია.

– მერე?

– არაუშავს, დამირეკე.

– კაი აბა. წვედი.

– კარგად.

„დაქალეებს“ შეუერთდა. მეც გამოვბრუნდი. ხანდახან გავხედავ ხოლმე. აშკარაა, ჩემზე ელაპარაკება. თამამად შემცქერიან. ასე „უპარდონოდ“ თვალის გასწორება მხოლოდ დამწყებ მეძავეებს შეუძლიათ.

მალე მზია ჩემსკენ წამოვიდა.



– სხვანაირად არ მიიღოთ და, თუ გაქვთ ცოტა ფული. უკაპიკოდ დავრჩი. სხვანაირად არ მიიღოთ.

ოცლარიანი გავუწოდე.

– მადლობთ – მოკეცა და ჯიბეში ჩაიღო – ჩამუალ მალე თბილისში და ჩემზე იყოს.

გაიღიმა და ლამაზად, ფიქრიანად გააბიჯა.

ნინ ხუთიოდე მანქანაა.

ალარ დაადგა საშველი ჩვენს რიგს.

ვზივარ და „ლიტერატურულ მეძავებს“ ვიხსენებ.

ჭოლა ლომთათიძის მეძავი ამოტივტივდა გონებაში. შუალამისას ნოველის ლირიკულ გმირს ქუჩაში ქალი აედევნა. ჭოლამ ქუჩის ქალს მაშინვე „ჩამოაცვა“ სოციალური მოსასხამი: „გცივა დაია? გშია დაია და მიტომ ხარ ქუჩაში გამოსული?“.

გორკის მოთხრობის მეძავი პოლიციაში შედის, მეძავის „დოკუმენტის“ მისაღებად. პოლიციელის კითხვაზე, – რამ გაიძულა ბოზობაო, ქალი პასუხობს – მცირენლოვანი შვილები მყავს, ქმარი გალოთდა. დღისით მრეცხავად ვმუშაობ, მაგრამ პურის ფულადაც არ მყოფნის, იქნებ მეძავობით ნაშოვნო ცოტა ფული მაინც ნა-ვამატო, ბავშვები რომ შიმშილით არ დამეხოცოსო.

და ბოლოს მოპასანის მიერ და დახატული ფრანგი მეძავი ქალი გამახსენდა. გერმანელმა კლიენტმა მისი სამშობლო – საფრანგეთი რომ აუგად მოიხსენია, მეძავში პატრიოტულმა გრძნობამ იფეთქა და სექსუალურ პარტნიორს შუბლი გაუხვრიტა.

\* \* \*

...და მაინც სიყვარულს უნდა ჩავებლაუჭოთ ძვირფასო მკითხველო. სიყვარულია ის საოცრება ამ აბურდულ დროში რომ გაგვაძლებინებს. თანაც როდის და სად გენწევა ნამდვილი სიყვარული არავინ იცის. იქნებ სწორედ სიყვარულზეა ეს ნოველაც ოცდახუთი წლის ყმანვილმა რომ დავენერე და კომუნისტურმა ცენზურამ „ცისკრიდან“ ამომიგდო როგორც „უიდეო ნაწარმოები“:

ახალგაზრდა გინეკოლოგი ბახვა კანთელაძე სამსახურში მიდიოდა. ცვლა ოთხზე ეწყებოდა. ამ ერთ საათში, იქნებ ბენზინის ჩასხმა მოვასწროო, ელბაქიძის დაღმართზე ჩაუხვია. „ივერიასთან“ გოგონამ გამოიჩინა გზაზე და ხელი დაუქნია. ექიმს ნაცნობი ეგონა, ჯერ სარკიდან გახედა, მერე უკანსვლით დაძრა მანქანა და გოგონას ცხვირწინ დაამუხრუჭა. დიდად არ გახარებია ნაცნობის გამოჩენა, ბენზინის ჩასხმას ველარ მოვასწრებ, ვინ იცის, სად ცხოვრობსო. ქალიშვილმა უკანა კარი რომ გამოაღო და და-

ჯდა, ბახვა დარწმუნდა, რომ პირველად ხედავდა, ინანა, რატომ გავაჩერეო.

– გამარჯობათ.

– გაგიმარჯოთ?! – კითხვა გაურია სალამში ბახვამ.

ქალიშვილი სავარძელში არხეინად მოკალათდა და ბახვას მოეჩვენა რომ დაუპატიჟებელმა მგზავრმა სარკეში ენაც გამოუყო. ლამაზი იყო. მრგვალი მუხლისთავეები, ცისფერი თვალები და ცისფრადვე ამოღებილი, მაღალი ქუთუთოები, სწორი ცხვირი, პომადანასმული ვნებიანი ტუჩები და გრძელი, სწორი, ყვრიმალეებზე დაშვებული ფერფლისფერი თმა ჰქონდა, იაფფასიანი ქრელი პალტო და ალუბლისფერი ჩექმები ეცვა.

– მაპატიეთ, ნაცნობი სახე გაქვთ და კი ვერ მოგიგონეთ. – როგორც ჩვეულებრივად იწყებენ ხოლმე საუბარს უცნობ ქალიშვილთან, ბახვამაც ისე დაიწყო.

– არაფერიც, მე თქვენ პირველად გნახეთ. – ქალიშვილმა, ცოტა არ იყოს, ყალბი კეკლუცობით უპასუხა და გაუცინა.

– რაკი ასეა, ვიცნობდეთ ერთმანეთს, ბახვა. – ბახვამ მარჯვენა ხელი უკან გადასწია და გოგონას მუხლებზე დაადო.

– ლუიზა, – ბახვამ თავის ხელში ქალის გრილი, რბილი თითები იგრძნო და მოუჭირა.

„არაგვთან“ მალლა ამოუხვია და გმირთა მოედანს წრე დაარტყა.

– საით წავიდეთ, ლუიზა?

– გცალიათ? – ლუიზა წინ გადმოიხარა.

– ახლა რომელია?

– მე არ მაქვს საათი.

ბახვამ ჯიბიდან საათი ამოიღო და გაუნოდა.

– ნახე. მოსამართს თითი დააჭირე და გაიღება.

– ოთხის თხუთმეტი ნუთია.

– ოთხზე სამსახურში უნდა ვიყო, ლუიზა, თორემ რა სჯობია შენთან გასეირნებას.

ლუიზამ მოიწყინა.

– თუ დათვლილი ნუთები გქონდა, რა ძალა გადგა, რას მიჩერებდი მანქანას, შე კაცო.

– ნაცნობი მეგონეთ.

– ნაცნობებზე მეტი ვიქნებოდით, დრო რომ გქონდეს.

ბახვას ჯერ გული აურია ლუიზას კდემაგაცლილმა პირდაპირობამ. მერე, კაცმა რომ თქვას, მოეწონა კიდეც ქალის შეუღამაზებელი სიტამამე. „არ მალავს, რაც არის: მორჩა და გათავდა. მაინცდამაინც მთვარეზე უნდა დაგინყოს ჯერ ლაპარაკი, ნერვები მოგიშალოს და მერე შეცდენილი ქალის ნიანგის ცრემლები ღვაროს?“ – გაიფიქრა მან.

- სხვა დროს, სად შეიძლება შენი ნახვა, ლუიზა?
- სხვა დრო რად გინდა, ჩემს შეყვარებას ხომ არ აპირებ?
- არა. ისე... ტელეფონი თუ გაქვთ-მეთქი.
- ტელეფონი კი არა, ბიჭო, ღამის გასათევი არა მაქვს. ხან ერთ დაქალთან ვათევ და ხან მეორესთან.

ხომ ასე ჰაიპარად, უდარდელად პასუხობდა ლუიზა, მაგრამ ბახვამ მაინც შეამჩნია მის გამოხედვასა და საუბრის იერში შეფარული, ღრმა სევდა.

- „ივერიასთან“ მიმიყვანე ისევ, თუ არ შენუხდები, და ნავალ ჩემს გზაზე. – ბოლო სიტყვები გოგომ თითქმის ტირილით თქვა. ბახვას შეეცოდა იგი და გაიფიქრა, მოდი, სოსო კვახაძეს მივეყვანო.

- ჩემს ძმაკაცთან რომ მიგიყვანო, ლუიზა?
- სიმპათიურია? – ლუიზამ სხვისი ხმით იკითხა.
- შენთვის რა მნიშვნელობა აქვს, კაი ბიჭია, პატივის გცემს.
- პატივისცემაში ხომ არაა საქმე, ადამიანი ცოტა ხომ უნდა მოგეწონოს. მე ისე არ შემიძლია.

- მოგეწონება, მოგეწონება.

ჩელუსკინელების ხიდს გასცდნენ და წერეთლის პროსპექტზე, მარჯვნივ, ვორონინის შესახვევეში, ქუჩის პირას მდებარე ერთსართულიან სახლთან გაჩერდნენ. ბახვამ ფანჯარაზე დააკაკუნა.

თითქოს დაკაკუნებას ელოდაო, იმ წამსვე გადმოყო თავი წითური სახის, თმაჭალარა, გრძელცხვირა, ოცდაათიოდე წლის ბიჭმა. სოსო უცოლო იყო და ნაქირავებში ცხოვრობდა.

- რა იყო? – უცერემონიოდ ჰკითხა სოსომ.
- გოგო მიზის მანქანაში, რომ გაგეხარდება, ისეთია შესახედავად.
- რა გიყო ახლა, მონაფეები რომ მყავს. ორი მონაფე ძლივს ვიშოვე. იმ კვირაში გამიცდინეს, ერთი საათის მერე მოდით და გავალ. – შენუხდა სოსო.

- ჩემთვის კი არ მინდა, შენ მოგიყვანე, სამსახურში გავრბივარ. სოსოს გაეცინა და ცალი თვალი მოჭყტა.

- როდის იყო, ჩემზე ზრუნავდი, შენ მატყუებ რაღაცას.

- მართლა, ბავშვს გეფიცები.

სოსო დასერიოზულდა.

- ერთი საათის მერე რომ მომიყვანო?
- კი, ბებიაშენისამ, ერთ საათს გაგირთობ სადმე და მერე სინით მოგაწვდი ფანჯარაში, არ გინდა? დასვი მანდ სადმე, სანამ მონაფეებს გაისტუმრებდე.

- გაგიყვდი, ბიჭო? იმ წუთას მიხვდებიან ყველაფერს. თავი გინდა მომჭრა?

– ნავედი აბა, არ მცალია ამდენი.

– ერთი საათის მერე! – ყველის ვაჭაროვით დაეღრიჯა სოსო მეგობარს.

– გადაშენდი იქით! – ბახვამ მანქანა სიჩქარიდან ამოუღებლად დაქოქა და წითელი პარტიზანების ქუჩაზე გავიდა. გაახსენდა, გივი ბაჩაძეს ცოლ-შვილი ფსანაურში ჰყავდა გაგზავნილი და თუ შინ დამხვდა, გავახარებო, გაიფიქრა.

კიბე ირბინა და აქლომინებულმა დარეკა ზარი.

გივის გრძელი ხალათი ეცვა. მოტვლეპილ თავზე ჩაჩი ეხურა.

– ვაჰ, ბახვა? შემოდი.

– შემოსასვლელად არ მცალია. სახლში ხარ დღევს?

– აბა, სად უნდა ვიყო, შაბათია.

– ბედნიერი ხალხი ხართ. ჩვენთვის შაბათი კი არა, კვირაც არ არსებობს, კვირასაც გვამუშავებენ. გივი, გოგო მოგიყვანე ა, ასეთი, – ბახვამ ცერი მალლა აიშვირა.

– სსს, ნუ ყვირი, – გივიმ უკან გაიხედა, – რა გოგო?

– გოგო, ჩვეულებრივი.

– მაგას რა სჯობია, მაგრამ, – გივიმ ხელები ერთმანეთს გაუსვ-გამოუსვა – სიდედრი რომ მყავს სახლში? რაღაცას მოვუგონებ და სადმე გავგზავნი. ერთი საათის მერე ვერ მოიყვან? ჰქენი სიკეთე.

– ერთ საათს რომ მეცალოს, შენ მოგიყვანდი? ოღრაშობა კი არ დამინყია. ოთხზე საავადმყოფოში უნდა ვიყო. ჩაიცვი ახლა, გაატარ-გამოატარე ქუჩაში და მიხედე საქმეს.

– კარგი, – გივი ოთახში შებრუნდა და დაფაცურდა. მალე გამო-ბრუნდა, კვლავ ხალათი და ჩაჩი ეხურა.

– არ გამოდის არაფერი. არ ნავა არსად, ვიცი მაგის ხასიათი მე.

– კარგი, აბა, ნავედი! – ბახვამ კიბე ჩაირბინა.

– ბახვა! – გივი მოაჯირს გადმოეკიდა.

– ჰა.

– ისე... ჩემთვის... აწი კი აღარ შეიძლება, მაგნაირი რამეები, – თვალების სრესით გაუტყდა გივი.

– ნუ მასხარაობ რაღაცას. – დატუქსა ბახვამ ძმაკაცი.

ერთი თვეა, რაც გივი რაისაბჭოს აღმასკომში ინსტრუქტორად გადაიყვანეს და მორალს რომ დაანებოდა, როგორ ვერ ვიფიქრეო, თავის თავზე ბრაზობდა ბახვა.

– რაო? – მოწყენილად იკითხა ლუიზამ.

– სიდედრი ჰყავს სახლში, ამ უპატრონოს.

– „ივერიასთან“ გამიჩერე და ჩამოვალ. შეგანუხე დღეს.

– კიდევ ერთ ძმაკაცთან მივალ, ნახე, აბა, რომელია? – საათი გაუნოდა.

– ოთხს თხუთმეტი აკლია.

– არა უშავს, ცოტას დავაგვიანებ.

კამოს ქუჩაზე კახა მეძველია ცხოვრობს, გამოუსწორებელი უცოლო. ორმოც წელს კარგა ხანია გადაშორდა. რომ ჰკითხავენ, უშვილძიროდ რატომ ბერდებო, პასუხი მზადა აქვს: – ვინც მომეწონა, ყველა გათხოვილი აღმოჩნდა და ჩემნაირი უბედური რად მინდა ავიკიდოო. ჩემი ხნის ქალი გაუთხოვარი რომ დარჩება, ის ივარგებს რამედო?

„პლაზმებში“ მუშაობს. საკანდიდატო შარშან, ოქტომბერში დაცვა.

ჯერ ფანჯარასთან უძახა, კახა პირველ სართულზე ცხოვრობს, რომ ვერ გააგონა, სადარბაზოში შევიდა და კარს აუტყვა ბრახუნი.

– ამ წუთას! ვინ არის? – იკითხა კახამ.

– მე ვარ, ბახვა ვარ. გძინავს?

კახა ნიფხავურანგისამარა იდგა კარში.

– გძინავს ამ შუადღეზე? იმიტომაა შენი საქმე წინ.

– შენს ხმას მივამსგავსე. ვინეტი ისე, ფანჯარაში გამოვიხედე, არა ხარ, ვერც მანქანას მოვკარი თვალი.

– ბევრი ლაპარაკის დრო არა მაქვს, – ბახვა ადგილზე ხტოდა, – გოგო მოვიყვანე.

– ახლა რა დროსია. ასე გაბურძღული ხომ არ ვნახავ. ჩავიცვამ, გავიპარსავ და გამოვალ, სადაც გინდა.

– გადასასინჯად კი არ მომიყვანია.

– აბა?

– იმნაირი გოგოა. ახლა გამოვიჭირე ქუჩაში. ისე არ უნდა იყოს გლახა გოგო. ლამაზი თვალები აქვს და კაი ლაპარაკი იცის.

– ოჰ, შენ რა გითხრა. მე სხვა რაღაც მეგონა, თორემ ერთი მაგნაირი ქე მინევს ეგერ ლოგინში. არც მაგამი ყრია არაფერი. მომწყინდა. ანი ცოლი უნდა ვითხოვო.

– ფილოსოფიას მოეშვი ახლა. შენ ეგრე ამბობ ყოველთვის. არაფერი ცოლის მთხოვნელი შენ არ ხარ. რა ვუყო ამ გოგოს?

კახამ კეფა მოიფხანა.

– რა ვქნა, ბიჭო. ესეც ახლა მოვიდა. რომ გავაგდო, წავა და სულ დაიკარგება. ხანდახან წამლად რომ გჭირდებოდეს, განყდებიან, ეს ოხრები. ხანდახან დაიყრებიან. ერთი საათის მერე რომ მოვიდეს?

– წავედი, დამაგვიანდა სამსახურში! – ბახვა კარისკენ გაიქცა.

– ბოდიში, ბახვა, არ გენყინოს, – დაადევნა კახამ და გასაღები ორჯერ გადაატრიალა, კიდევ ვინმემ არ შემანუხოსო.

„იღბალი მაქვს ახლა მეო? – ფიქრობდა ბახვა, – რაღა ახლა დაჭკვიანდნენ ეს ჩემი ძმაკაცები ყველაო. ოქროს წვიმა რომ მოდი-

ოდეს, მე რკინა დამეცემა თავში, ხომ ვიცი მეო. ხომ იფიქრებს ეს გოგო; რას მაგლახავენს ამდენ ხანს ან გაჩერებით რაზე გამიჩერა, ან რას დამაპორნიალეს კარდაკარო“.

სანამ „ივერიასთან“ გავიდოდნენ, ბახვას მურმან ნაცვალაძე გაახსენდა. კოჭლი ბიჭია, მერეტუშედ მუშაობს სადღაც, რედაქციაში. სოსომ გააცნო ერთხელ სახინკლემი. ბავშვისთვის შარშან კედლის გაზეთი გააფორმებინა. აქ უნდა ცხოვრობდეს, ნაღვარევის შესახვევში.

ჭიშკართან უზომოდ გასუქებული ქალი ხალიჩას ფერთხავდა.

– ქალბატონო, მურმანი ცხოვრობს აქ სადღაც.

– მურმანი? – ქალმა ჯოხი დაუშვა და მაღლა აიხედა, თითქოს ჰაერს ყნოსავსო.

– ჰო, კოჭლობს ცოტას.

– მასე გეტყვა, შე კაცო. მურმანი ჰქვია მაგას? ასე გადით, ეზოს ბოლოში, პირდაპირ კარებია.

– სახლშია თუ იცით?

– ვერ გეტყვით, ისე დღეს გამოსული არ მინახავს.

– გმადლობთ, – ბახვამ პარმალს გადააბიჯა და ქვაფენილით მოკირწყულ ეზოში გაიქცა.

მურმან ნაცვალაძე შინ იყო. სახეზე შეეტყყო, რომ ბახვას მოსვლა გაეხარდა. სტუმარმა ამოსუნთქვა არ აცალა; „კიდევ კარგი, რომ სახლში ხარ, მანქანაში გოგო მიზის და შემოვიყვან ახლავე, მე გავრბივარ, დამაგვიანდა, მომხსნიან სამსახურიდანო“, პასუხს არ დაელოდა, გატრიალდა.

– მოიცა, გამაგებინე, ვინ გოგოა, რა გოგო?! – უკან მისდევდა მურმანი და კითხვებს აყრიდა.

– გოგოა რა. მე კი არ ვიცნობ წესიერად. „ივერიასთან ჩამიჯდა“.

– გასაგებია. მარა მე დამელაპარაკება იმ საკითხზე? მოინდომებს ჩემთან? როგორ ფიქრობ? – მურმანი ცდილობდა დასწეოდა.

– შენ ფიქრი ნუ გაქვს. არ ჩანს წუნია გოგო.

– ნუ შემარცხვენ, თუ ძმა ხარ. არ ვარ მაგის კაცი მე. სხვას მიუყვანე ვინმეს.

– კაცო, მე გეუბნები – ნაღდი ამბავია. ნათქვამი მაქვს წინასწარ; ასეთი და ასეთი ბიჭია თქვა, – იცრუა ბახვამ.

– მერე?

– კიო. თანახმაა. გაბრუნდი შენ, ოთახში დაგველოდე.

მურმანმა ასკინკილით გამოირბინა ეზო.

შემოვიდნენ. გოგონა კართან გაჩერდა თითებგადაჯვარედინებული. ბახვა ალაპარაკდა.

– გაიცანი, ჩემო მურმან, ლუიზა. ჩვენ რომ გვიყვარს, ისეთი გოგოა, – ლუიზას მიუბრუნდა, – მურმანზე უკვე საკმაოდ გელაპარაკე. დიდი მხატვარია!

– რეტუშიორი, – გაუსწორა მურმანმა.

– რაი? – იკითხა გოგომ.

– სურათებს რეტუშს ვუკეთებ. თქვენ არ გეცოდინებათ. ერთი სიტყვით თუ მკრთალი ხაზია ვამუქებ. გაზეთში დასაბეჭდად რომ გამოდგეს.

– მოკლედ, კარგად იყავით. არ აწყენინოთ ერთმანეთს! – ეს ბოლო სიტყვები ბახვამ ღია კარებში თქვა და უკანმოუხედავად გაიქცა.

– პალტო გაიხადე.

მურმანმა ქალს პალტო ჩამოართვა და იქვე, ლურსმანზე დაჰკიდა.

– დაჯექი, – სკამზე მიუთითა, – ახლოს მოინი ღუმელთან.

– გმადლობთ, არ მცირა, – გოგოს ხელები კალთაში ეწყო და იატაკს დასცქეროდა.

– ეს... ახლა არ გცივა, გარედან შემოსული რომ ხარ. პატარა ხანში გაიყინები, – თუნუქის ღუმელს ხელი დაადო – ესეც გაცივებულა, ეს ოხერი.

გავიდა. შეშა შემოიტანა. ღუმელთან ჩაცუცქდა და შეუკეთა.

– რამდენი გრადუსი იქნება ახლა გარეთ?

– ნოლზე მეტი არ იქნება.

– მერე ასე უნდა ციოდეს? ძვლები გამეყინა.

– აქ ნესტიანი ჰავაა და იმიტომ, – აუხსნა გოგომ, – ჩვენთან, აბა, ათ გრადუსს ყინვაშიც არ ცივა ასე.

– სად თქვენთან?

– ხაშურს ზემოთ სოფელია, ბრემი.

მურმანმა იგრძნო, რომ საუბარი სულ სხვა მიმართულებას იძენდა და არც გაკვირვებია. „სხვებს რა იოლად გამოსდით ყველაფერი. ნეტავ ისინი როგორ იწყებენ! არ შემოძლია გოგოსთან ლაპარაკი. რას მივედებ-მოვედებო“, – გაიფიქრა.

– აქ, თბილისში სწავლობ, ლუიზა?

– ვსწავლობ? – ლუიზას გაეცინა, – სულ ჩემთვისაა ღია უმაღლესები. ოღონდ მივბრძანდე და ვისწავლო.

– რატომ? საშუალო ხომ გაქვს დამთავრებული? – მურმანმა ტუჩზე იკბინა, ვინ მკითხავს მეო.

– რად გინდა მერე. ვაშლიჯვარში ვმუშაობდი მეურნეობაში და დილოში პატარა ოთახი მქონდა დაქირავებული. მამაჩემს სოფელში ფილტვების ანთება გაურთულდა და დამაგვიანდა ჩამოსვლა. სამუშაოდანაც ბრძანებით მოვუხსნივართ და ჩემს მასპინძელს ამ

ერთ თვეში იმდენი უმარჯვია, ბინიდანაც ამოვუნერივარ. ჩამოვედი და ჩემი ბარგი კიბის ქვეშ დამხვდა.

– ახლა სადა გაქვს?

– დაქალთან მივიტანე გუშინნინ. ჩვენებური გოგოა. ხილიანზე, ისიც ნაქირავებში ცხოვრობს.

ცეცხლი აგუგუნდა. ლუიზას ლანვები შეუნითლდა. ხელები, როგორც იქნა, დაამორა ერთმანეთს და ლუმელს მიუშვირა, იჯდა ლუმელთან ღვთიშობელივით ლამაზი და უმნეო. მურმანს მუხლზე შემოედო ხელი და ქალს დაჟინებით შესცქეროდა. ლუიზა გრძნობდა მზერას და ხან ჭერისკენ ააპარებდა, ხან კი მურმანს გაუსწორებდა თვალს ერთი წამით, რათა ისევე ჩაეჩინდრა თავი და იატაკს ჩამტერებოდა.

– ლუმელს მაინც სხვა ძალა აქვს. რადიატორთან ასე ვარ გათბები, – ყრუდ ამოილაპარაკა ქალმა.

– სწორი ხარ, მაგრამ ამ ოთახში სითბო არ ჩერდება. სულ ბამბა და დანა მიკავია ხელში. ვითომ დავგმანე ყველგან ყველაფერი. ჩაქრება თუ არა ლუმელი, განსაკუთრებით როცა მძინავს, ფეხები მეყინება.

– ეს კედლები კაპიტალური არაა ხომ?

– არა, კაცო. ცალფა აგურის კედელია. თავიდან საკუჭნაოდ ჰქონიათ ჩაფიქრებული და მერე გააქირავეს.

– ჰოდა, კიდეც იმიტომა ცივა. ფარლალა კედელი სითბოს ვერ ინახავს.

„ახლა მე უნდა ვთქვა, – „ოღონდაც, ოღონდაც, ჩემო ლუიზა, ფარლალა კედელი სითბოს ვერ ინახავს“ და ერთი ფილოსოფიურად ამოვიხვნეშო. რა მშვენიერი თემაა გოგოსთან სალაპარაკოდ? არ უნდა გაჩნდეს, არა, ჩემისთანა უნდილი და უგერგილო ამ ქვეყანაზე. ადგება ახლა ეს გოგო, პალტოს ჩაიცვამს, დიდი მადლობა, ლუმელთან რომ გამათბეო, მეტყვის და წავა. კი, ასე იზამს“.

მაგრამ ლუიზა წასვლას არ აპირებდა. თავის თითებს დასცქეროდა და მურმანს მოეჩვენა, რომ ქალიშვილი თვლემდა კიდეც.

– სხვა. და-ძმები, ლუიზა?

– მყავს. მაგ მხრივ მდიდარი ვარ. სამი ძმა და ოთხი და.

– სულ შვიდნი ხართ?

– რვა.

„დასწყევლოს ღმერთმა, რვამდე თვლაც დამავიწყდა“.

– შენ?

– ნაბოლარა ვარ.

– დები დიდები იქნებიან.

– გათხოვილია ოთხივე.



„ახლა არ ჰკითხო, ისინი ხომ კარგ ბედ-იღბალში არიან ჩავარდნილიო, თორემ წამოვიდა ნაკვერჩხალი ენაზე“.

კარგა ხანს ჩუმად იყვნენ.

– ლუიზა, – მურმანი წამოდგა, – სულ ველარ მოვიფიქრე. მოშიებულები იქნები. ჩავალ, ძეხვს და პურს მაინც ამოვიტან.

ქალს არაფერი უთქვამს.

ალარ ახსოვს, როგორ ჩაირბინა გასტრონომამდე. თითქოს ფეხებში ქარი ჩაუდგაო, აღმართიც ხელად ამოათავა.

ლუიზას ტაფა გაენმინდა და ღუმელზე დაედგა.

– ხორცი სადაა. უშველებელი რიგი უკვე დგას. მოიტანენ – არ მოიტანენ, ღმერთმა უწყის. მანდ კარადაში კვერცხი უნდა იყოს. შენ მაცალე. ამ წუთში შევწვავ. კვერცხი და ძეხვი შემწვარი კარგი გამოდის. გიყვარს, თუ არ გიყვარს – ეს უნდა ვჭამოთ, ღარიბი კაცის სადილი ეს არის. – კვერცხები თეფშზე დაანყო და ლუიზა რომ წამოდგა, შემკრთალმა გახედა, წასვლას ხომ არ აპირებსო.

– ხელს სად იბან ხოლმე?

კაცმა განჯინიდან სუფთა პირსახოცი ამოიღო და მხარზე გადააფინა.

– პირდაპირ და მარჯვნივ.

– ახლავე მოვალ, – ლუიზამ გაუღიმა, – შენ მოეშვი, მე შევწვავ. მარილი მომიმზადე.

მხარზე რომ აკოცა, ლუიზამ კვერცხის თქვეფა წუთით შეწყვიტა და გაყურდა. მურმანი ღუმელთან იჯდა და მაგიდას მიმდგარი ქალის სწორ ფეხებს და ლამაზ ზურგს შესცქეროდა. იყო რალაც ენით აუხსნელი, გასაოცრად თბილი და უჩვეულო ამ წუთში და მურმანს უნდოდა დიდხანს გაგრძელებულიყო ასე. მარტოობით გამწარებულ კაცს შეეძლო ვილაცასთან ელაპარაკნა. ეთქვა, თუნდაც ათასი სისულელე, მაგრამ დიდსულოვნად ეპატიებინათ. მერე დამდგარიყვნენ ასე მაგიდასთან და ერბოკვერცხი ეკეთებინათ. ასეთი რამ სხვა დროს არ დამართნია; ლამის ტირილი დაიწყო; სახლში ქალი იყო.

უხმოდ ისადილეს.

კაცი ფიქრობდა იმაზე, თუ რა ეთქვა სადილის შემდეგ, ქალიც ამას ფიქრობდა. ქალს ეშინოდა, ვაითუ დაირღვესო ის იდილია, სული რომ გაუთბო და სადღაც ნანახი, თუ წაკითხული ოჯახური ცხოვრების ერთი ჩვეულებრივი დღე მოაგონა.

მთელ სიცოცხლეს მისცემდა ქალი, ოღონდ ყველაფერი ისე არ დამთავრებულიყო, როგორც ჩვეულებრივ მთავრდება ხოლმე.

სადილის შემდეგ ქალმა თეფშები დარეცხა, ოთახი მიალაგ-მოალაგა და ისევ ღუმელს მიუჯდა.

მურმანს გაეცინა.

– რა გაცინებს? – ლუიზა მთელი ტანით შებრუნდა მისკენ.  
– ხელში საქარგავი გაკლია. თითქოს მთელი ცხოვრება ერთად გაგვეტარებინოს.

ქალი, ეტყობა სხვა პასუხს ელოდა და ერთბაშად დამშვიდდა. ღუმელში შეშა ტკაცუნობდა. ვინრო ფანჯრიდან დაღვრილ სხივს ნელ-ნელა აკლდებოდა ძალა.

– ქმარს რატომ გამოორდი, ლუიზა?

– ვინ თქვა?

– ყველა ასე ამბობს.

– ვინ ყველა? – შემოფოთება გაისმა ქალის ხმაში.

– რა ვიცი, – მურმანი დაიბნა, – საერთოდ... გოგონებს უყვართ ხოლმე თქმა; ქმარს ახლახან გავშორდი, იმიტომ რომ მომიტაცა და არ მიყვარდაო. პირველი კაცი, რომელიც ქმართან განშორების შემდეგ გავიცანი, თქვენ ხართო... ასე იციან ხოლმე თქმა.

მურმანმა იგრძნო, რომ სისულელე წამოროშა, მაგრამ უკვე გვიან იყო.

– არა, მურმან. მე ქმარი არასოდეს მყოლია. არც იმის თქმას ვაპირებდი: „გოგონებმა რომ იციან ხოლმე თქმა“.

ლუიზა წამოდგა და ფანჯარასთან მივიდა.

მხრები უცახცახებდა, ცხვირსახოცი ამოიღო და თვალებზე მიიფარა.

– კარგი ახლა, შე ქალო... ისე ვთქვი... ხუმრობა არ იცი?..

მურმანმა გადაწყვიტა; აწი ალარაფერს ვიტყვი, არ გამოდის ჩემგან რომეო, თვითონ თუ რამეს მკითხავს, ვუპასუხებ და ის იქნებაო. ...შუალამე წამოვიდა. ისხდნენ ღუმელთან უსიტყვოდ.

მერე ლუიზა წამოდგა.

– რა დრო გასულა, – გამშრალი ხმით თქვა, – ხომ ხედავ: რა უსინდისო გოგო ვარ. ჩემით ვერ ვხვდები წასვლას. რატომ არ მეუბნები, წადიო. გამაგდე, გეხვეწები, წადი-თქო, მითხარი! აქამდეც უნდა გეთქვა, ხომ ხედავ, რა სულელი გოგო ვარ! – ლუიზა თანდათან ხმას უმატებდა და ეს ბოლო სიტყვები ანტიკური ტრაგედიის გმირის მონოლოგივით ხმამაღლა და კატეგორიულად თქვა.

მერე ერთბაშად მოეშვა, სახე ხელებში ჩამალა და ისევ ატირდა.

მურმანს მუხლისთვის ხელები არ მოუცილებია. ჯერ ტირილი აცალა გოგოს და, მერე, როდის-როდის, ამოილაპარაკა.

– დარჩი, სად წახვალ აწი. გვიანაა. სძინავს, ალბათ, შენს დაქალს.

წამოდგა. კარადის უკნიდან შეზლონგი გამოათრია, ძველთაძველ, მაუდგაცვეთილ დივანს თავი ახადა, ლეიბი და საბანი ამოიღო და დივანის თავი ფრთხილად დაუშვა, თითები არ მოვიჭექყყო.

– მე შეზლონგზე დაწვები, შენ დივანზე. დავეტყვი როგორმე.

\* \* \*

ფანჯარას მუქლურჯი ბურუსი ადგა, მურმანს თავზე რომ დაადგა ღამის პერანგში, თეთრად, სინათლესავით ჩამოშვებული, თმაგაშლილი ქალი და მკლავზე შიშველი მუხლით შეეხო: – გძინავს? დაწვები რა შენთან? შემცივდა.

მურმანს, რა თქმა უნდა, არ ეძინა.

\* \* \*

საუზმის შემდეგ მურმანმა ხელში მწვანე ყდიანი საქალაქე დაიჭირა და კედელზე მიკრულ მრგვალ სარკეს გაუსწორდა.

– ლუიზა... მე სამსახურში გავვარდები. ერთი-ორ საათი დამაგვიანდება. შენ, თუ სადმე გახვიდე, გასაღები, კართან რომ ფეხსაცმლის ტილოა, იმის ქვეშ დადე. საერთოდ... ყოველთვის მანდ ვინახავ გასაღებს. ვეცდები უფრო ჩქარა დავბრუნდე. შეიძლება საქმე არაფერი დამხვდეს.

სარკეში თავის თავს არც უყურებდა, მაგრამ არ შეეძლო თვალი გაესწორებინა და ისე ეთქვა ლუიზასათვის ის, რაც უთხრა.

ლუიზა კი არა, გულუბრყვილო ბავშვიც იგრძნობდა, რომ მურმანს ტკივილამდე სურდა, სამსახურიდან დაბრუნების შემდეგ ლუიზა კვლავ შინ დახვედროდა, ღუმელთან უხმოდ მიმჯდარი და ლოდინით დაღლილი.

\* \* \*

ცხოვრება მგონი უფრო მარტივია ვიდრე შექსპირს, ფლობერს და ტოლსტოის ეჩვენებოდათო, მწერს მწვანეყვავილეი მწერალი კაკო სინაურიძე და თავისი აზრის სალუსტრაციოდ ამ ნოველას მიგზავნის:

„არ გენყინოს, ჩემო დაია, შენი ბრალია, რაც გჭირს. დედაშენის კბილა ვიქნები და მე არ ვიტყვი ახლა მაგას, შე ქალო. ღმერთმა იმ ჭკუაზე ნუ დამაყენოს და ჩემს შვილებს და შვილიშვილებს ენაცვალოს ჩემი თავი, სამოცდარვა წლის ვარ და ხვალვე გავთხოვდები, მე რომ მე ვარ. შენ რამ გაგიტყუა გული? ანი რაღა დროსია? რას ჰქვია, რაღა დროსია. კი, მართალია, საუკეთესო წლები ფუჭად გაქვს დაკარგული. ფუჭი კაკალი, ხომ იცი, არც თავგს არგია და არც კაცსაო, მაგრამ შენთვის ჯერ ყველაფერი გვიან არაა. არ გაიკარო ეგ ბნელი ფიქრი თავში. საერთოდ, შვილო, არავისთვის არაფერი არასოდეს არაა გვიან. თუ სული გთხოვს და გუნება გაქვს. ღმერთო კი მომკალი, რას ჰქვია, ვერ გათხოვ-

დი. არავინ არ მითხრას – მინდოდა, ძალიან ვეცადე, მაგრამ ვერ გავთხოვდიო. ტყუილია, მოგონილია ეგ ამბავი. არ ვარგისხართ, დედიკო, არა. თქვენ სიგლახეს მერე იღბალს გადააბრალებთ. ასე მენერა, ალბათო. რა გენერა? კი არ გენერა, არ მოინდომე. არ მიდექ-მოდექი, პატარა ხელი შეგეშალა და დაყარე ფარ-ხმალი. არ უნდა ლაპარაკი – ყველას გვინდა ისე გავთხოვდეთ, როგორც გვინდა, მაგრამ თუ არ გამოდის ისე? თუ არ გაგიმართლა? თუ ვერ აანყვე, როგორც შენ გინდოდა? გათავდა ჩემთვის ყველაფერი, ან ალარ გავთხოვდებო, უნდა ნაუნვე ცხოვრებას გასათელავად და საჯირითოდ? სიყვარულიო, შენ ამბობ, მჯერა მარტო ერთი რამ, დიდ სიყვარულს ეწირებიან მსხვერპლად, კი, როგორ არა. რაკი ვერ მოხერხდა, ვერ დამთავრდა ყველაფერი სასურველად, ქალი სუსტი არსებაა მაინც, რაც არ უნდა ვიხტუნოთ ჩვენ, და დიდი სიყვარულით შეპყრობილი ქალი თავისი ამ გრძნობის ერთგულ მონად რჩება ბოლომდე. ეს მესმის, ასეთი ქალები იშვიათზე იშვიათნი არიან. მაგრამ შენ სხვას მეუბნები; არავინ შემიყვარდა, დეიდა, და დავრჩი ამიტომ გაუთხოვარიო. რას ჰქვია, არავინ შეგიყვარდა და დარჩი გაუთხოვარი. ესე იგი სუსტი ადამიანი ხარ. ნუ გენყინება და შეიძლება ცოტა ეგოისტიც. დიდი სიყვარული შეიძლება ღვთის ბოძებული ნიჭი იყოს, მაგრამ თუ არ მოვიდა ეს დიდი სიყვარული ჩემთან, დავითხარო თვალი და არ გავთხოვდე? სიყვარული, შვილო ხან ქორწინებამდე მოდის (და ეს უკეთესია) და ხან ქორწინების შემდეგაც, მაგრამ შენ არ შეერკინე ცხოვრებას; რისკი არ გასწიე, ზიხარ ფანჯარასთან და სიყვარულის მოსვლას ელოდები. ქე მოგაყვირა ამასობაში ორმოცმა წელმა. რა არის იცი? ბევრი ანგელოზით გოგო მინახავს „საქმროების“ შენუხებულნი და მერე გაუთხოვრად დარჩენილი. ხანდახან ქვეყნის უკეთესს ვეძებთ და იმაზე კი არ ვფიქრობთ, იმ ქვეყნის უკეთესს ქვეყნის უკეთესი რომ შეეფერება. დაგვინაოჭდება სახე და წუნიაობას მაინც არ ვეშვებით. იმას ცხვირი აქვს გრძელი, იმას კისერი აქვს მოკლე, იმის კბილები არ მომენონა, იმას გაუუთავებელი პერანგი ეცვა. რა იყო, რა მოხდა. ცოტა სალადაც უნდა შევხედოთ ცხოვრებას. ჩვენ არაფერი ნაკლი გვაქვს? კაცია ბოლოსდაბოლოს. გამოფენაზე ხომ არ გაგყავს, გასაყიდად ხომ არ გინდა. ღვთის გაჩენილი კაცია. ჰქონდეს, მერე რა კისერი, ეს ოხერი, მოკლე, დაიქცა ქვეყანა? არა ვართ მართალი, შვილო, არა, მიზეზ-მიზეზ დოს მარილი აკლიაო. ნაკლს მარიამ ღვთისშობელს ვუპოვი რამდენსაც გინდა, ყინწვისის ანგელოსს დაინუნებს ამრეზილი და ცხვირაბზუებულნი კაცი. საქმე ისაა, მოგენონოს. საქმე ისაა გადანყვეტის თავი გქონდეს.

ჩიტივით ორ დღეს ვცხოვრობთ ამ ქვეყანაზე. რას ველოდებით, აღარ დამთავრდა რჩევა-რჩევა? აღარ დაიბადა ჩვენი მოსაწონი? შეგიყოლიებს ბედის ძიება და ისე დაგაბერებს, რომ უკან მოხედვას ვერ მოასწრებ. გაგკრავს ბჯლალს წუთისოფელი და სარკის შეგეშინდება. ერთ დღეს იცის სიბერემ მოხტომა. ხანდახან ერთ დღეში ბერდება კაცი. სამიღღემჩიოდ არც ქმარი გაჩენილა ამ ქვეყანაზე და არც შვილი. გული მიკვდება, შენნაირი მშვენიერი ქალი რომ მეტყვის, ვერ გავთხოვდიო. არ მინყინო და ცოტა არ იყოს ვბრაზდები კიდევ მასზე. მე ვინ მკითხავს სხვის საქმეში ჩარევას მეთქი, ვამბობ, მაგრამ, ეტყობა, მთლად კეთილი ადამიანი არ არის, დიდი წარმოდგენა აქვს თავის თავზე. არავინ მიიჩნია ღირსად და ამიტომ იქცა შინაბერად-მეთქი. ყოველთვის ამის თქმა ცოდვაა, შვილო. ყველაზე ვერ იტყვი. ზოგს ავადმყოფობა დააყოლა განგებამ და რას იზამ. მაგრამ თუ ყველანაირად ჯანმრთელი ხარ და რალაც სულელური მიზეზებით – „არ შემიყვარდა“ ან „პირობები არ მაქვსო“, ზოგს რომ ამოუჩემებია და არ მეშინია ამის თქმა – სწორედ რომ სულელური მიზეზებით არ თხოვდება, ან ცოლს არ ირთავს: მე ასეთ ადამიანიშვილზე ჩემი შეხედულება მაქვს. დიდი სიმპათიით ვერ ვუცქერი და მომკალი თუ გინდა.

თუ არ მოგაბეზრე ამ ტლიკინით თავი, მოგიყვები ჩემი გათხოვების ამბავს. იმიტომ კი არა, შვილო, შენც ასე მოიქცემეთქი, გირჩიო. ძნელია სხვის საქმეში ჩარევა და დროც სხვაა ახლა. საცოლზე ბიჭებიც სხვები არიან. ამ ჩემს ნაამბობში შენთვის გამოსადეგი, ალბათ, მარტო ის იქნება, რომ შენც იაქტიურო პატარა, მუყაითად გაუხდე შენს თავს, მე კი არ მივრბივარ, გასაჭირი მიმარბენინებსო – ჭკვიან კაცს უთქვამს. ჩვენი თავის პატრონი ჩვენვე რომ ვართ, აღარ უნდა ამას მკითხავ-ქადაგი. ნინოშვილის ქუჩაზე ვარ გაზრდილი, ბაზარს ქვემოთ, მერვე შესახვევის ნომერ ათში. მამაჩემი მეთუთუნე იყო. შარშან მომიკვდა სანყალი. წლისთავი ახლა შესრულდება ოქტომბერში. მეოთხე ქალთა დავამთავრე. ტურძელაძის სკოლა გაგონილი გექნება, არ უნდა ლაპარაკი. მართლა ერთი სამაგალითო სკოლა იყო ქუთაისში. დავამთავრე სკოლა, ჩემო ბატონო, მერე საექტონო ორწლიანი და დიდ გაქანებას რომ ვერ ვატყობდი ჩემს თავს, ამით დავასრულე სწავლა-განათლება. რკინიგზის საავადმყოფოში დავინყე ოცი წლის გოგომ მუშაობა და ოცდახუთი წელი თავდება, იქვე ვმუშაობ. ჩემს მეტი ჩემს პატრონს არავინ ჰყავდა. ოცი წლისა ყველა ლამაზი იტყვიან, მაგრამ არც მთლად ასეა საქმე. თავის ქებაში არ ჩამომართვა და არ ვიყავი დასაწუნი გოგო, შესახედაო-

ბაზე მოგახსენებ. მაღალი, მაღალკანჭება, ოდნავ გამხდარი. შავი ხუჭუჭა თმა მქონდა. სადაა ახლა ის თმა, დიდი ტურები. კბილები მაინცდამაინც არ მივარგოდა, ასე მეჩხერი კბილები მქონდა, როგორც ახლა მაქვს, მაგრამ რა ვუყოთ. მონონებით ბევრს მოვწონდი მაინც. ზოგს ასე და ზოგს ისე. კაცისას რას გაიგებ. ჩემს მეზობლად სულ ბიჭები ცხოვრობდნენ და, რომ იტყვიან, ბიჭებში გავიზარდე. შემოვევლე იმ ჩემს ბიჭებს; ზოგი იქვე ცხოვრობს, ზოგი აღარცაა ცოცხალი. რომ შემხვდებიან, როგორც საკუთარ ძმას (მე ძმა არ მომცა ღმერთმა) ჩავეხუტები გულში და ვტირი. აბა, რაია მეტი დედმამიშვილი. ერთად გავიზარდეთ, ფეხბურთს ვთამაშობდით ეზოში მეცხრეკლასელი გოგო რომ ვიყავი მაშინაც. მეჩხუბებოდა დედაჩემი: შეხედე შენს თავს, ამხელა ძროხა რომ დააგორებ ამხელა ტ-ს და ბურთს დასდევ სულელი მარგუშასავითო. ახტაჯანა გოგო ვიყავი, მოკლედ რომ ვთქვა. ახტაჯანა, მაგრამ უზაკველი, უბოროტო. ბიჭური ხასიათი მქონდა და თანაც ისეთი ალალი და გულუბრყვილო გახლდით, რომ მამაჩემი თავში ირტყამდა ხელს, რა ეშველება, რა გაათხოვებს ამასო. მამაჩემის შიში (ჭკვიანი კაცი იყო ცხონებული) კინალამ არ გამართლდა? ისე გამიფრინდა წლები ხელიდან ვერც კი შევამჩნიე. „რა მეჩქარება, რა მეჩქარებას“ ძახილით ოცდარვა წელიწადმა მომიკაკუნა კარზე. მე ისევ პატარა გოგო მგონია ჩემი თავი. დოლო თხას რქები არ ამოუვიდა და თავი სულ თიკანი ეგონაო, ისეა ჩემი საქმე. ჰაი იქეთ, ჰაი აქეთ და რომ მოვიხედე, ეს ჩემი კბილა გოგოები დაოჯახებულან, ამ ჩემი ქუჩის ბიჭებს ცოლი მოუყვანიათ და ქე არიან მშვენივრად. მე – ყველას გამხარებელი, ყველას მაყარი და ხელისმომკიდე, ყველა ქორწილის დამამშვენებელი ვრჩები ასე. სხვისმა მაზიარებელმა თავი ვერ იზიარაო, არ გაგიგონია? მე ვთქვი, რა ქვა გავტეხე ამისთანა. ახლა რომ დავფიქრდები – სერიოზულად სალაპარაკოდ არავინ მოსულა. ღლიცინით, იცოცხლე, ყველა გეღლიცინება, მარა რაი მერე. ასე არ გამოვა, ვუთხარი ჩემს თავს, რალაცა უნდა იღონო, თორემ მერე გვიან იქნება. ვაკისუბანში, ჩვენი ქუჩის ბოლოში, რკინიგზას რომ გადახვალ, სანამ საავადმყოფოსთან მიხვიდოდე, იქვე მარცხნივ ოთარ ჭუმბურიძე ცხოვრობდა. დედ-მამა ობჩაში ყავდა, თვითონ დაგირავებული ჰქონდა ერთი ოთახი და პედინსტიტუტში მუშაობდა. ახალი დამთავრებული ჰქონდა და იქვე დაეტოვებიათ ასისტენტს თუ რალაცას ეძახიან – ის იყო მაშინ. სინაურიძის გოგოს ქორწილში შევხვდი. გამხდარი, გამხდარი, ცხვირში ლანდი გადიოდა. სახელოებზე გაცრეცილი კოსტუმი ეცვა და აქაოდა მაინც ასისტენტი ვარო, ჰალსტუხი ეკეთა. არ ჰქონდა მეტის სა-

შუალეხა, რა ექნებოდა პატიოსან ასისტენტს მაშინ, ჯერ ახლა რაი აქვს. საშუალო ტანის იყო, ცოტა ფეხსაც უჩიოდა, ოდნავ კოჭლობდა. სახე სანდომიანიო, რომ იტყვიან, მაგრამ ხვრინჭასავით თვალებს შეშინებულებით აცეცებდა აქეთ-იქით. მოკლედ, რომ გითხრა, შესახედავად მაინცდამაინც არ მომეწონა, მაგრამ ჩემი ყურადღება იმით მიიქცია, რომ ლამაზი ლაპარაკი იცოდა და რა დაგიმალო, ერთი-ორჯერ გამიცინა. ისე ალაღად და სანყლად გამიცინა ამ ბიჭმა, რომ გულში ჩამრჩა, რაია ოცდაორი წლის გოგო მაინც, მეტი არაფერი. ამის მერე მხვდება ეს ჭუმბურიძე ქუჩაში, გამიცინებს, რავა ხარო, მკითხავს და ჩამივლის. სულ მეჩვენება, რომ ერიდება ჩემთან ლაპარაკს, თუ რცხვენია, რა ვიცი. საერთოდ, მორცხვი და ჩაკეტილი ბიჭი იყო, მის გვერდით გოგო არ დამინახავს. გავიდა ასე ხუთი წელი. გითხარი მისი არ იყოს, მე ოცდარვა წლის გავხდი და ოთარი ოცდათხუთმეტის (ოცდაათის იყო მაშინ, ქორწილში რომ შემხვდა). იმას თავისი ცხოვრება აქვს, მე ჩემი. წესიერად არც გვილაპარაკნია ერთმანეთთან. შეხვედრა და სალამი მეტი არაფერი ყოფილა ჩვენს შორის და მიცინის ასე ერთნაირად, ხუთი წელია. ამბავი ახლა ქუთაისში ყველამ ყველასი ყველაფერი იცის და მეც ბევრჯერ მომიკრავს ყური, რომ ოთარ ჭუმბურიძე ერთი მორცხვი და გადაუნყვეტელი ბიჭია. არც საცოლე ჰყავს. ბერდება უცოლოდ და რა ვიცი, რას იტყვის ხალხი. მოკლედ, ბევრი რომ არ ვაგრძელო, ჩემო (გეჩქარება გეტყობა შენც), ერთ სალამოს, რა დამავინყებს იმ დღეს, ოცდარვა სექტემბერი იყო, გავბედე და დავუკაკუნე კარზე ამ ჩემს ოთარ ჭუმბურიძეს. კარი ისე სწრაფად გამიღო, თითქოს ჩემს მოსვლას ელოდაო. მობრძანდიო, მითხრა, სკამი დამიდგა და თვალეებში ღიმილი უდგას. მივიხედ-მოვიხედე. რა იქნება უცოლო კაცის ოთახი, ერთმანეთზე ახირხლული ჯამჯურჭელი, მტვერი ფანჯრებზე. ჭუჭყიანი ფარდები, ქალის ხელი სხვა არის მაინც ოჯახში. დავაჩერდი იატაკს და არც ვაცეცე, არც ვაცხელე და პირდაპირ ვუთხარი: – მოვედი შენთან, სხვა გზა არ მაქვს, მიყვარხარ გაგიყვებით და უნდა შემირთო-მეთქი. რომ მახსენდება მისი სახე, სიცილს ვერ ვიკავებ, ზაფრანისფერი დაედო, მერე გაიცინა (იქნებ ხუმრობაში გავატაროო), რომ შემატყო, არ ვხუმრობდი, გაჯავრდა. რა ლაპარაკია ახლა ესო. მე მეგონა საქმეზე მოხვედიო. ამაზე დიდი საქმე რალა იქნება, მე ვუთხარი, აქედან გამსვლელი არ ვარ, ცოლი ვარ შენი დღეიდან, არ უნდა ჭუჭყუნი ახლა ამას-მეთქი. შენ ხომ არ გაგიყვდი, გოგოვო, ვინ გასწავლა ამნაირი სისულელეო, ასე ვინ გათხოვილა ქვეყანაზეო. მაგლებს აშკარად. გავბრაზდი მეც, თავმოყვარეობა მაქვს, გოგო

ვარ ბოლოსდაბოლოს. რა მაქვს შენი დასაწუნი, შე ღვთის გლახა, მე ვუთხარი. შემოძლეულ ჭადს ძალლი რომ არ ეტანება, ისე ხომ არაა შენი საქმე, მე ვუთხარი, ხუთი წელიწადია მიცინი და სიტყვა ვერ მითხარი. ზედ გეტყობა, რა მუჩუჩი ხარ. რა ძვირად აფასებ ამ შენს გამხმარ თავს. რითი ვარ შენზე ნაკლები-მეთქი, ვლანძღე, მოკლედ, რაც შემეძლო. იცინის. მერე მოიქექა კეფა და ჩამოხტა იშკილებიდან. ჩემი დასაწუნი რა გაქვს და კაი გოგოც ხარ, მაგრამ ჯერ ამ საქმეს დაფიქრება უნდა, რა საჩქაროა. ვნახოთ, გავიარ-გამოვიაროთ პატარა, ეგება ვერ ვენყოფით ერთმანეთსო. არაფერი გავლა-გამოვლა არ მჭირდება მე-მეთქი, მთელი ქუთაისი რომ შემოიარო, ჩემზე ცუდს ვერავინ გეტყვის, თვალში რომ ჩავუვარდე, თითს არ ამოისვამს არავინ-მეთქი. ა, მოსული ვარ ასე შენთან და მითხოვე თუ გინდევარ, თუ არა და ნავალ ჩემს გზაზე-მეთქი. კი მარაო, მე რომ არ დაგხვედროდი სახლში, სხვას მიადგებოდიო? სახლიდან ხომ არ გამოუგდებართო? კაცები მაინც ტლანქები არიან. ამდენი ველარ შევძელი, ნერვები აღარ მეყო, ამომიჯდა გული და დავინყე ტირილი; სახლში რომ არ დამხვედროდი, ხვალაც შენთან მოვიდოდი, შე შტერო, ხუთი წელია, შენი ბრმა თვალები რომ ვერ ამჩნევს ვერაფერს-მეთქი. ვფსლუკუნებ. ატირდა თვითონაც. რატომ არ მითხარიო, მლმობელი გულის პატრონია ჩემი ოთია. მოკლედ, იმ ღამეს იქ დავრჩი და მეორე დღეს შევატყობინე მშობლებს. დედაჩემს და მამაჩემს სამორიგეოდ ვგონებოვართ საავადმყოფოში და არც დაუნყიათ ძებნა. ის დღე და ის დღე ერთად ვართ. სამი შვილი გავზარდეთ თავი არ შეგვირცხვენია. თუ უყვარს ცოლქმარს ერთმანეთი, ჩვენც გვიყვარს, ორმოცი წელიწადია ხმამალალი სიტყვა არ გვითქვამს ერთმანეთისთვის. ანი რალა ღმერთი გაგვინყრება.



## „ნუბუის“ რედაქტორის მისაღები

მე, პატივცემულო მწერალო, ჭიჭიკო თარგამაძე გახლავართ. 1917 წლის აპრილის ექსპედიცია გეცოდინებათ ისტორიიდან, ალბათ. არ იცით? 1917 წლის 17 აპრილს გერმანიიდან თერთმეტმა ქართველმა იარაღი ჩამოვიტანეთ საქართველოს დამოუკიდებლობის კომიტეტის დადგენილებით. ის იარაღი საქართველოს დამოუკიდებლობის გამოცხადებას უნდა მოხმარებოდა და მოხმარდა კიდეც. მე იმ ექსპედიციის მონაწილე ვარ. ისტორიული ექსპედიცია იყო ნამდვილად. ორმა მონაწილემ დაწერა მერე ამ ამბავზე მოგონებები: მიხაკო წერეთელმა და კალისტრატე სალიამ, მაგრამ მე არცერთი არ მასახელებს. არ გავახსენდით, როგორც ჩანს, ისე, როგორც მე არ მახსოვს ახლა თერთმეტივეს გვარი, შესაძლებელია, არც ჩემი გვარი სცოდნოდა მიხაკო წერეთელს მაშინ.

საქმე ასე იყო:

1917 წელია. რუსეთში თებერვლის რევოლუცია მომხდარია. რუსეთი ომს აგებს. მე ბერლინში ვცხოვრობ და მეექვსელებით ვირჩენ თავს. ჩემი ეტლი მყავს და ცხენები. სალამოსპირია. მოვიდა მელიტონ ქარცივაძე. ჭიჭიკოვო, მითხრა, ხომ გინდა საქართველოდან რუსებს რომ დოვუსვათ ღარი და აღვადგინოთ ჩვენი დამოუკიდებლობაო. მაგი ვის არ უნდა, მე ვუთხარი. თუ წამოხვალ, რომ რამე იყოს, ორი კვირით? გერმანელები იარაღს გვაძლევენ და უნდა ჩავიტანოთ საქართველოშიო. ყოყმანი არ დამიწყია. დავეაბუღე მაშინვე. სამმა კაცმა ვითავეთ ეს: გიორგი მაჩაბელმა, მიხაკო წერეთელმა და მეო. გიორგი მაჩაბელს და მიხაკო წერეთელს არ ვიცნობდი მაშინ, მელიტონს კარგად ვიცნობდი და სამარის კარამდე ვენდობოდი.

ბერლინიდან სტამბულამდე მატარებლით, სტამბულიდან ტრაპიზონამდე გემით ჩავედით. შვიდი გერმანელი გვახლავს, დარჩეული ბიჭები.

ტრაპიზონში ორ დღეს გავჩერდით. საქმელ-სასმელი მოვიმარაგეთ, წყალქვეშა ნავი იარაღით დავტვირთეთ და ის დროა, დავემშვიდობოთ ტრაპიზონს. პირველი მელიტონ ქარცივაძე ჩავიდა წყალქვეშა ნავში. მე ბოლოს მიწევს ჩასვლა, ეკიპაჟს ვეხმარები, ლუზის ბანრები უნდა ავსხნა. სამიოდე კაცია დარჩენილი და მიხაკო წერეთელი აწრიალდა. მივა კიბესთან, გამოტრიალდება, სხვას უთმობს ადგილს, ამჟამად ჩანს, წასვლა გადაიფიქრა. რა მოგივიდაო, გიორგი მაჩაბელი ეკითხება. დამიჯერე, გიორგი, ჩემი წა-

მოსვლა არ შეიძლება. მე აქ უნდა ვიყო. ბრესტ-ლიტოვსკის ზავზე საქართველოს წარმომადგენელი რომ მოიკითხონ, ხომ უნდა იყოს კომიტეტიდან ვინმეო. ესეც არ იყოს, იარაღის წაღება შავი საქმეა. ამ საქმეში ჩემი ჩავარდნა არ შეიძლება. სხვა ფუნქციები მაქვს მეო. თვითონ გერმანელებმა რომ გაგვყიდონ და ფოთში თავამოყოფილებს ხიშტომოშვერილი რუსები დაგვხვდნენ, ხომ იცი, სახრჩობელა არ აგვცდებო. გიორგი მანაბელმა რევოლვერი დააძრო და მშვიდად უთხრა: ახლა, მიხაკო, აქ ლაილას დრო არ არის. ეგ, რასაც მე მეუბნები, კომიტეტზე უნდა გეთქვა. ახლა შენი დარჩენა შიშით ან გამცემლობით იქნება ახსნილი ისტორიის მიერ. მე ხომ ვიცი, შენ არც მშიშარა ხარ და არც შპიონი, ამიტომ ჩადი ახლავე ძირს, თვარა დაგათვლი ამ ტყვიებს ბეჭებზეო. სულელი ხარ შენ, მანაბელო. განიე იქით, არ გაგივარდესო, ვითომ ხუმრობით უთხრა მიხაკომ და ჩავიდა. ბარემ აქვე გეტყვი: მიხაკო წერეთელი მართალი აღმოჩნდა.

ბრესტ-ლიტოვსკის ხელშეკრულების მომზადების დროს საქართველოს წარმომადგენელი არ ჩანდა თურმე. რუსებს საქართველო ფეხებზე ეკიდათ, გერმანელებმა არ იცოდნენ, ტაო-კლარჯეთი რომ ჩვენი მიწა იყო და რაღაი საქართველოს ინტერესებს არავინ იცავდა, თურქები არ მოიმდურეს. ასე მიისაკუთრა თურქეთმა საქართველოს უძველესი მიწა და, რაც დრო გადის, ტაოს დაბრუნება მით უფრო გაჭირდება. მითუმეტეს, რომ აგერ, ახლა, ჩვენმა ხელისუფლებამ თურქეთს ხელი მოუწერა: თქვენთან ტერიტორიული პრეტენზიები არა გვაქვსო.

ისევ წყალქვეშა ნავს დაფუბრუნდეთ. ექვსი დღე-ღამე ვიცურეთ და, რავარც იქნა, ჩამოვალნიეთ ფოთს. ფოთიდან შვიდ კილომეტრში გამთენიისას მივადექით ნაპირს. გადმოვტვირთეთ იარაღი, დავემშვიდობეთ გერმანელებს და წყალქვეშა ნავმა რომ ჩაყვინთა, ცოტა არ იყოს, შიშმა აგვიტანა. სად მიდიხარ, რას უშობი ამდენ შაშხანას, პისტოლეტს და ტყვია-წამალს.

გაჭირვება მიჩვენე და გაქცევას გიჩვენებო; ფაცხა-ფუცხით, ჭაპან-წყვეტით მივმალეთ არსენალი ლერწმთანში. ცოტა სული მოვითქვით და მოვილაპარაკეთ: სამ-სამად დაყოფილი ახლომახლო ჩირგვებში გავნანილებულიყავით ისე, რომ იარაღისთვის თვალი არ მოგვეშორებია. მელიტონ ქარცივაძემ და მე სოფელს მივაშურეთ, სანდო კაცი უნდა მოგვეძებნა.

სოფლის განაპირას პირველსავე ისლით დახურულ ქოხს მივადექით. ყაბალახიანი, ტყაპუჭიანი, ჭალარანვეროსანი კაცი გამოგვეგება. ცოტა შემკრთალი (რომ ვერ გვიცნო) ჩანდა, მაგრამ მჩატე, ჩქარი ნაბიჯით მოდიოდა ჭიშკრისკენ.

– გაგიმარჯოთ, პატენი, – გვიპასუხა სალამზე და რაკილა შეგვატყო, მეგრელები არ ვიყავით, აქცენტიან, მაგრამ საოცრად დარბაისლურ, გამართულ ქართულზე გადავიდა.

შინ შეგვიპატიუა, მაგრამ მელიტონმა იუარა, ცაცხვის ხის ქვეშ მივჯექით.

მასპინძელი ნიკო ხორავა აღმოჩნდა.

– ნიკო ბატონო. ჩვენ ბერლინიდან ჩამოვედით, ემიგრანტები ვართ. ახლა დროა და, ეგების, ამ ძალღატაკი რუსებისაგან დავიხსნათ ჩვენი ქვეყანა. გაიგებდით, ალბათ, ფინლანდია დაუძვრა უკვე რუსებს, დამოუკიდებელი გახდა. ასე უნდა ვქნათ ჩვენც. თუ თქვენნაირი ხალხისაგან შემწეობა იქნა-თქვა მელიტონმა.

ნიკო თავის ხელებს დასცქეროდა.

– მე პოლიტიკის ბევრი არაფერი გამეგება, მარა საქართველოსთვის, ბაბა, ამ წუთში დავდებ ამ ბებერ, გამხმარ თავს ჯირკზე. თქვენ ნასწავლი ხალხი ხართ და გაზომილ-ანონილიც გექნებათ, ალბათ, რანაირად აჯობებს ქვეყნის შველა. ა, ბატონო, ნიკო ხორავას მარჯვენა და მადლობელი ვიქნები, თუ მეტყვით, რა უნდა გავაკეთო მე, ასე, ერთმა, კერძო კაცმა.

– იარალი გვაქვს ჩამოტანილი. ერთი კვირით უნდა ჩაგვამარხონ სადმე და უდარაჯო თვალისჩინივით. ერთ კვირაში მოგაკითხავენ და ნაილებენ ჩვენი ბიჭები.

– იოლი სამსახურია. ერთ კვირას თვალის მომხუჭავი და სანამ პირში სული მიდგას, თქვენი მოლაღატე შეჭამოს იქეთ მამალმა მგელმა – ისე წყნარად, დამაჯერებლად გვეუბნებოდა ნიკო, რომ აშკარად ჩანდა, სიტყვის კაცი იყო.

შემოგვთავაზა; სამ-ოთხ სანდო კაცს გავაჩენ აქვეო, მაგრამ მელიტონმა უარი უთხრა, გაუგებრობის თავიდან ასაცილებლად, სჯობს, შენთან, ერთთან, გვექონდეს მარტო საქმეო.

დაღამებამდე ნიკოს ქოხში ვიჯექით.

კარგად რომ შებნელდა, ხორავამ გვინინამძღვრა და შეთქმულებს ჩავაკითხეთ. იარალი იქვე სამასიოდე მეტრში კვადაციითა და შურამია ბალახით დაბურდულ ჭალაში ჩავმარხეთ. სულ 1000 გერმანული შაშხანა იყო და 500 პისტოლეტი თავისი ოცი ყუთი ტყვიანამლით. ჯერ ფრთებგაუმარებელი, მოხალისეებისაგან შეკონინებული ქართული ეროვნული ლაშქრისათვის ეს ცოტა არსენალი როდი იყო. იმ შაშხანებითაც ებრძოდნენ, პატივცემულო, ოცდაერთის თებერვალში ჩვენი მამაცი, პირტიცველა იუნკრები კოჯორთან მომხვდურ წითელ ჯარს, ზოგმა თქვენმა კოლეგამ „გამათავისუფლებელი“ რომ უნოდა და პოემები უძღვნა.

ერთი თვის შემდეგ ნიკო ხორავა გიორგი მაჩაბელმა, მიხაკო წერეთელმა და მელიტონ ქარცივაძემ თამარ მეფის ორდენით დააჯილდოვეს საქართველოს დამოუკიდებლობისათვის ბრძოლაში აქტიური მონაწილეობისათვის. რომ იცოდე; თამარ მეფის ორდენიც დამოუკიდებლობის კომიტეტმა დაარსა ბერლინში 1915 წელს.

გავიდა კიდევ ცოტა ხანი და 1918 წლის 26 მაისს საქართველოს დამოუკიდებლობა გამოცხადდა.

\* \* \*

ბატონო გელა

ნავიკითხე იმ დღეს შენი კრიტიკოსის წერილი. ჟურნალი „ამება“, სიმართლე გითხრა, არ მაქვს გამოწერილი. გაისად უნდა გამოვიწერო. ერთ დროს აღარ ვკითხულობდი, მე კი არა, მგონი სხვამაც დაანება თავი. ტყუილებს თხზავდნენ მწერლები. თავიდან მომწონდა კიდევ ტყუილები, ვფიქრობდი, ამ უბედურ ცხოვრებას ხომ ჩემს ქედკისერზე გააქვს ჭრიჭინი, ხომ ვიცი, რაში მაქვს ცხვირი წაყოფილი, წიგნებშიც რომ ეს დამიხატონ, ხომ ჩავვარდი დარდით ლოგინში, წიგნებში მაინც იყოს ლამაზი ცხოვრება-მეთქი. ხშირად, არ დაგიმალავ, აღტაცებაშიც კი მოვსულვარ მწერლის გამომგონებლობით, საიდან მოიფიქრებდა, რანაირად, რა ჭკუა-ხერხით დახატავდა იმას, რაც სინამდვილეში არ არსებობდა. მერე და მერე მოსაწყენი გახდა ტყუილების კითხვა. ჟურნალ-გაზეთისკენ გახედვა არ გვინდოდა. ცეკვა-თამაში, ცეკვა-თამაში, ცეკვა-თამაში, ყალბი სიხარული ყველგან, ყველაფერში, როგორი ასატანია, მითხარით ერთი.

რას გეუბნება, შენი კრიტიკოსი, რაიო? დაანებე თავი გუშინდელზე წერას, ნუ ამოგაქვს არქივებიდან სისხლით დაწინკლული ფურცლებიო. წარსულს მაინც ველარაფერს ვუშველით, ვის რად უნდა, გავლილი ტკივილების გახსენებაო? ჯერ ერთი, ჩვენ რომელი გუშინდელი დღე ვართ, რამდენი სიცოცხლეგამწარებელი, ჩემი თაობის კაცი დააბიჯებს ჯერ კიდევ ამ ქვეყანაზე. მაგ კრიტიკოსისთვის კი, ალბათ, გუშინდელი ვარ მე, – თავთეთრა ბებერი, მაგრამ ჩემი ცოლ-შვილისთვის ვარ „გუშინდელი დღე“? სიტყვით მაინც არ უნდა გავკიცხოთ, ვინც უსამართლოდ გვდევნიდა მთელი ცხოვრება? დავივინყოთო? კაი დასავინწყებელია ჩემმა მშემ. კარგი, ჩემი თავი ჯანდაბას, მაგრამ შენ ხომ მარტო ჩემი გამოსარჩლებისთვის არ სწერ. შენ ხომ ჩვენი მაგალითის შესხენებით გაკვეთილს აძლევ დღეისდღის ავან-ჩავანებს, – უსამართლოდ ნუ გაჯოხავთ ადამიანს, მოუარეთ ერთმანეთს ამ ოღროოჩოღრო ნუთისოფელშიო. ასე არ არის? იქნება ვცდები, არ არის ასე?

ათასცხრაას ოცდათერთმეტის ივლისი ინურებოდა, თექვსმეტი წლის ბიჭი ჩამოვყევი მატარებელს თბილისში. არც ბინა, არც ნათესავი. მაინც რისი იმედით მოვდიოდი, ახლა რომ დავფიქრდები, მე თვითონ მიკვირს. ქვეყნის ნახვა მინდოდა, ცხოვრებაში გამოსვლა მინდოდა. რალაცა დიდი საქმეებისთვის მოწოდებულად მიმანჩნდა ჩემი თავი. სანამ ვჭამო დედაჩემის გამომცხვარი ჭადიმეთქი. თბილისიდან დიდი ამბები ისმოდა, არ დავიკარგები-მეთქი, ვფიქრობდი. არ იცი ბავშვის ჭკუა?

რომ ჩავედი მატარებლიდან, მაშინ შემეშინდა, ცოტა არ იყოს. ყველა თავისთვის გაიქცა-გამოიქცა და დავრჩი ბაქანზე მარტო. საით მექნა პირი, არ ვიცოდი, რკინიგზელს ვკითხე; აქეთ ახლოს, ბიძია, რამე ქარხანა ხომ არ გეგულება-მეთქი. ორთქლმავალ-ვაგონშემკეთებელია მაგერ, პირველივე მოსახვევში, მარჯვნივო. გავუთიე იქითკენ, რასაკვირველია. „აბა, ვინ ხარ, აბა, რა გინდა, აბა, რა შეგიძლია“ და, მოკლედ, საათიც არ იყო გასული, ახლანდელი ელდებოს მუშა-ელექტრიკოსი მერქვა. რომ შემეყვანეს გაჭვარტლულ საამქროში, გულმა რეჩხი მიყო, მაგრამ არ შემიმჩნევია. ეს იქნება შენი სამუშაო ადგილი, ხვალ გასწავლით ყველაფერსო, ცვლის ოსტატმა, ბურჯანაძე იყო, ოქრო კაცი, აცხონოს ღმერთმა.

ესეც ასე, სამსახური მაქვს, მაგრამ ღამე სად გავათიო, ვის მივადგე კარზე? შემატყო, ხომ იცი შენ, ბურჯანაძემ ყოყმანი და მკითხა: ბინის საქმე რავა გაქვს, ფირცხალაიშვილოო. უნდა ქირით დავდგე სადმე, არა მაქვს მეტი საშველი-მეთქი. ამხედ-დამხედა, შემატყო, როგორც ჩანს, ალალი ბიჭობა და, ნათელი დაადგეს, მითხრა: ნამოდი ჩემთან, პატარა ქოხი მიდგას ეზოში, თუ იკადრებ, იცხოვრე შიგ. არც ქირა მინდა და არაფერიო. დავიმორცხვე და ვიუარე. დამიჯერე, ბიძია, ეს თბილისია, ნოლა არ გეგონოს, აქ რომ ხელფასს მოგცემენ, ბინის ქირად არ გეყოფა. ჯერ გაიჭირვე და მერედამერე გამართავ შენს გზას, ასე კი არ იქნები სულო.

წამიყვანა სალამოს ჩემმა ბურჯანაძემ. ფეხით ვიარეთ კაი ხანს. დასრულდა ქალაქი, კიდევ მივდივართ. მაინცდამაინც არც მომეწონა, ასე შორს რომ ნაცხოვრება, მაგრამ ამას დავეძებ? სად ჰქონდა სახლი, თუ იცი, ახლა შორი კი არა, ცენტრია მთლად. ცირკის სასტუმრო რომაა, თითქმის იმ ადგილას. მაშინ მეგონა, იმის იქეთ მამალი არ ჰყივის-მეთქი და ახლა? სად გაუტია მაინც თბილისმა.

გავკეთდი შავი დედალივით. ბინა მაქვს, ჭერი მაქვს, რა ბედნიერ ვარსკვლავზე ვყოფილვარ დაბადებული-მეთქი. პირველი ღამეს სიხარულისგან თითქმის არ მეძინა. მართალია, სამსახური ძველთაძველ, მტვრიან და ხმაურიან ქარხანაში შემხვდა და ბინა ოთხმეტრიან მიწურ ქოხში, მაგრამ ამას დავეძებდი? ვაფრინე მეორე

დღესვე ნოლაში წერილი, ასე და ასე მოვეწყვე, ჩემი დარდი ნულარ გექნებათ-მეთქი.

ერთი წერილი დედაჩემს მივწერე. მამა, დამავინწყდა მეთქვა, აღარ მახსოვს. ჩემს დაბადებამდე სამი თვით ადრე წასულა ამქვეყნიდან. კაკლის ტოტი ჩამოხლეჩია სანყალს და წვეტიან ქვაზე დაცემულა ფერდით. ერთი წერილი დედაჩემს გავუგზავნე და მეორე, რა დასამალია, შეყვარებული მყავდა სოფელში, ნინიკოს. ჩემი ოჯახობა გახლავს ახლაც. შევაბერდით ერთმანეთს. რა სიხარული კი ჩემს ხელში ნახა ამ სანყალმა მარა, ერთი უკმაყოფილება არ წამოცდენია, სინანული არასოდეს შემინიშნავს მის თვალებში. ოქრო ადამიანიო, რომ იტყვიან, ისაა ნამდვილად.

თვის თავზე ჩამომაკითხა ჩემმა ნინიკომ ხის ძველთაძველი ჩემოდნით, თავსაფარში გამოკრული თერთმეტი მანეთით და პასპორტით. რომ იცოდე. რა ბედნიერები ვიყავით, რომელ ქარვასლას არ მიჩრევნოდა მაშინ ის ოთხმეტრიანი მიწური.

მალე ბავშვიც შეგვეძინა და ჯემალი აკვანში მყავდა, ჩემს ქოხს დასანგრევად რომ მოადგნენ. გზას აფართოვებდნენ და ბურჯანაძის ფარლალა სახლსაც უწევდა აღება. გამაგრდით, მითხრა ცხონებულმა, ჩვილის პატრონი ხარ და ქუჩაში ვერ გაგაგდებენო. შენ წარმოიდგინე, დიდი „გამაგრება“ არ დამჭირვებია. ბურჯანაძეს იქვე, პეკინის დასაწყისში, მისცეს ოროთახიანი ბინა და მე მთანმინდაზე, ბესიკის ქუჩაზე, პურის მაღაზიის ცოტა ქვემოთ, ერთი ოთახი მაღირსეს. უკანა, ზედა მხრიდან სარდაფი გახლდათ ჩემი ბინა, გამვლელ-გამომვლელების კანჭებს დაათვალიერებდი დაინტერესებული კაცი, ხოლო წინა მხრიდან, არც მეტი არც ნაკლები, მესამე სართულზე ვცხოვრობდი. ბალიშ-საბნის გარდა ყველაფერი საერთო გვექონდა მეზობლებთან და ვცხოვრობდით ისე, როგორც თბილისური ეზოები – საზამთროს ნაჭრის მოკითხვით, ნარდის კაკუნით და შეხუმრება-შექილიკებით.

ჯარში გამიწვიეს. ლენინგრადში ვიხდიდი სამსახურს. ცეკვა ვიცოდით, ჩემდა იღბლად და მაინცდამაინც არ დამჭირვებია. სამხედრო ოლქის კულტსახლის სცენაზე დავშლიგინობდი ხანჯლით და ჩოხა-აზიაცკებით. „ხანჯლური“ ჩემთვის სპეციალურად არავის უსწავლებია. დათიკო უშვერიძის ცეკვა ვნახე ერთადერთხელ, თოთხმეტი წლის ვიყავი მაშინ. დათიკო ქუთაისიდან სამტრედიაში იყო ჩამოსული საკონცერტოდ. ერთი ნახვით რაც დამამახსოვრდა, იმას ვცეკვავდი. ვინ მიმონებდა. უნდა ვთქვა, რომ მოწონდათ რუსებს ჩემი ცეკვა. ტყუილი რა საკადრისია და, ერთხელ, წაღმა-უკულმა შემოტრიალებით ხუთი ხანჯალი რომ გავაკარი სცენის იატაკს, კულისებში გამოსულს ვილაცამ კატეგორიული ტონით მითხრა, მომყ-

ევი, კიროვი გიხმობსო. მთავრობის ლოჟაში შესულს და მოულოდნელობისგან შეცბუნებულს, კიროვმა გვარი მკითხა, ხელი ჩამომართვა და პორტსიგარი მაჩუქა. რა ბედნიერი ვიქნებოდი, შეგიძლია წარმოიდგინო. ის პორტსიგარი კაი ხანს მქონდა, მერე იქვე, ჯარში, ჩანთიდან მომპარა ვილაცამ. მაშინ ყველაფერს ადვილად იპარავდნენ.

ოცდაჩვიდმეტის მთავარმა ელდამ მე განზე ჩამიარა. ჯარისკაცი ვიყავი და მაინცდამაინც არ მიგრძენია. კი, ჩვენი შემადგენლობიდანაც ბარე ორი გააქვრეს, მაგრამ ჯარში ეს მაინცდამაინც არ იგრძნობა. სხვაგან გადავიყვანეთო, გეტყვიან, მორჩა და გათავდა.

ოცდაჩვიდმეტის ბოლოს დავბრუნდი და ამიერკავკასიის სამხედრო ჰოსპიტალში გამანაწილეს რადისტად. პირდაპირ კომისარიატმა მომცა მიმართვა, „ნაპრავლენიას“ ეძახდნენ. ძალიან კი მინდოდა ვაგონშემკეთებელს დავბრუნებოდი, მაგრამ, მოგეხსენება, ჩემზე არ იყო დამოკიდებული.

ერთი წლის დანებებული არც კი მქონდა მუშაობა, კინალამ გამქაჩეს, მაგრამ ჩემდა იღბლად გადავრჩი. ცოტა მეც ვიმარჯვე. რანაირად მოხდა, თუ იცი? ახლა ძნელი დასაჯერებელია. რა კარგადაც უნდა მოვყვე, ტყუილი გეგონება. რაზე იჭერდნენ მაინც ხალხს, რა დრო იყო. ყველაფრის გაგება მოვახერხე ამ ქვეყანაზე და იმ რეპრესიების ვერა. რალაცა დაემართა ერთბაშად ქვეყანას. რალაც იღუმალმა სენმა შეიპყრო. შიშის გორგალი დაგორავდა და ბლანდავდა, ბურდავდა ყველაფერს. ჯერ თავზე შემოგეხვეოდა და მერე, თანდათან, ხელ-ფეხს შეგიკრავდა. ერთ სალამოს ხუთი ამხანაგი, ჩვენიან მუშაობდნენ ისინიც, „პატარა დუქანში“ შევიკრიბეთ. იქვე იყო, არქიელის გორაზე ჰოსპიტლის ქვევით „პატარა დუქანს“ ეძახდნენ. თითო ჭიქას ორ-ორი მოჰყვა და, რალა დაგიმალო, შევზარხომდით. ბუნდოვნად მახსოვს, თამადამ, სოლოლაკელი ბიჭი იყო, ჯორჯაძე, მოდი, ამ ჭიქით დიდ სტალინს გაუმარჯოსო, მეორე თუ მესამე სადღეგრძელო გვაჯახა. სტალინს რა უჭირს, ისედაც გამარჯვებულია, ჯერ, თუ ძმა ხარ, ჩვენი მშობლები ვადღეგრძელოთ-მეთქი. ვთქვი ისე, სიტყვის მასალად, ხუმრობასავით ვითომ. მაინც სტალინის სადღეგრძელო დავლიეთ, მარა ე ჩემი ნათქვამი ქე დაიმახსოვრა გლახად, რომელილაცამ ჩვენს შორის. ხუთ კაცში ერთი შპიონი ყოველთვის არის, შენ ახალგაზრდა კაცი ხარ და, იცოდე, საერთოდ.

ბევრი რომ აღარ გავაგრძელო, მეორე დღესვე დამიბარეს; რავა იყო, სტალინის სადღეგრძელოზე უარი რომ თქვიო. როგორ გეკადრებათ, ბატონო-მეთქი. შენ როგორ იკადრე ასეთი რამ, თორემ ჩვენ რაც გვეკადრება, ვიცით, ნუ გეშინიაო. კეთილი ინებე და აგე პასუხი კანონის წინაშე ამ „პრავაკაციული გამოხტომისთვისო“.

პასუხისგება, ვიცოდი, რას ნიშნავდა. სისხლგამშრალი გამოველ გარეთ. იქვე გამაფრთხილეს, ქალაქიდან გასვლა არ იფიქრო, ხვალ თერთმეტ საათზე გამოცხადდი ჩვენების მისაცემადო. ჩვენების მიცემას ვინ გაცლიდა, მანამდე გიჭერდნენ, მაგრამ, ხომ გითხარი, ცოტა ჩამცხრალი იყო ოცდაჩვიდმეტის ამბები. იმ ღამესვე ჩამოვუარე ხუთივე სუფრის წევრს. არ დამლუპოთ, თუ ძმა ხარ, ასე და ასეა ჩემი საქმე-მეთქი. ხომ დავლიე სტალინის სადღეგრძელო, ხომ ხართ მონმეები-მეთქი. მეორე დღეს იმ ხუთიდან მარტო ერთი წამიდგა პირში, სანიტარი პალიკიანი, არ დაუღვევიაო, მაგრამ ოთხი თანამესუფრის თავგადაკლულმა მტკიცებამ – დალიაო, გააბათილა გარეწარი პალიკიანის დასმენის ბარათი. გადავრჩი, როგორც იქნა. ისე, როგორც მერე შევიტყვე, ჩემზე საქმე მაინც შედგა და მეთვალყურეობაც დაწესდა. ასე ხდება ხოლმე საერთოდ. ერთხელ თუ მიიტანეს, ეჭვი, მერე აღარ მოგეშვებიან.

გავიდა ცოტა ხანი, ომის დაწყებას ბევრი აღარაფერი აკლდა. აკლდა კი არა, ფაქტიურად დაწყებული იყო. ჩვენ ორმოცდაერთის ოცდაროი ივნისიდან ვითვლით, ჩვენ რომ დავგარტყა დამთხვეულმა ჰიტლერმა, თორემ ისე საერთოდ მსოფლიო ომი ოცდაცხრამეტში არ დაიწყო? შენ უფრო გეცოდინება. უშუალოდ გერმანიასთან არ ვიყავით ცეცხლში ჩაბმული, მაგრამ არც ჩვენ გვეძინა ყურბალიშზე, ცოტ-ცოტა ჩვენც ვანესრიგებდით ჩვენ-ჩვენს საზღვრებს მეზობლებთან. რა დასამალია, ასე იყო. იცოდა სტალინმა, რა ვეშაპი ქმინავდა და ავად იზმორებოდა ევროპის შუაგულში ფაშიზმის სახით.

შაბათი საღამო იყო, გუშინდელ დღესავით მახსოვს, მეზობლის სიძე შემოვიდა, ნარდი მთხოვა. კაკლის ნარდი მქონდა კარგი, სხვათაშორის, ჩემი ცოლის ნამზითვი. სომეხი ბიჭი იყო მეზობლის სიძე, რაფიელი ერქვა, რაფიკას ვეძახდით. ზედსიძე იყო ამილახვარის ქვრივთან. ერთი გაკნაჭული გოგო ჰყავდა იმ ქვრივს და ამ რაფიკას ჭრა-კერვის კურსებზე გაეცნო. არ იყო რაფიელი ურიგო ბიჭი, ცოდოს ვერ დავიდებ. თქვენ გეცოდინებათ, რაფიკამ, ნარდი რომ გამოვუტანე, ბერიას დაჭერის ამბავი მართალია თუ არაო. ათას ცხრაას ორმოცი წლის 11 სექტემბერს ხდება ეს ამბავი, შაბათ საღამოს. ჩემთვის საბედისწერო თარიღი რომ არ იყოს, რა დამამახსოვრებდა, სუ, თუ კაცი ხარ, არ გაიმეორო არსად, ჭორი იქნება. ვინ დაიჭერდა ბერიას, ან რას ჩაიდენდა დასაჭერს-მეთქი. რა ვიციო, ტრამვაიში ამბობდა ვილაცა და ყური მოგვკარიო. ქვეყნის პრავაკატორი და ენაჭარტალა დადიოდა მაშინ ქალაქში. რა ვიცი, იქნებ განგებ ყრიდნენ ერთი სამსახურის ბიჭები ასეთ ხმებს, აბა, ვის გაეხარდება და ვინ წამოეგება ანკესზეო. ასე იყო თუ ისე, მეო-



რე დღეს შესვენებაზე ჰოსპიტალში ერთ ცალფეხა ავადმყოფთან არ წამვარდა ეს „საიდუმლო“ ენიდან? რას მოვაცოლე, აღარც კი მახსოვს. დააჭირე ენას კბილი, არ იცი, რა დროა? ეშმაკი ჩაგისახლდება ხანდახან პირში და ენას შენდაუნებურად მოატრიალებს. რა ჭორიკანაა მაინც ხალხი, გუშინ ერთმა კაცმა ბერიას დაჭერის მიტიც კი მითხრა-მეთქი. რას არ მოიგონებს, ზოგიერთის ჭკუა-გონება, რანაირ ფანტაზიას არ ჩამოქნის და ჩამოაგვირისტებს-მეთქი. როგორ არ მახსოვს, მაგრამ არ გეტყვი იმ ცალფეხას გვარს, ვისაც ვუყვები ამ ამბავს, არავის ვეუბნები. ამით ვსჯი ვითომ, ჩემი ჭკუით, უხსენებელს ვუთანასწორებ. უხსენებელია, აბა, რა არის.

დღის სამ საათზე ეს ვუთხარი იმ ცალფეხა მელაძეას და ღამის სამ საათზე დამაპატიმრეს. დანაშაული? მასის პანიკაში ჩაგდების და დემორალიზაციის მიზნით ხელმძღვანელ მუშაკთა მაკომპრომეტირებელი ჭორისა და ყალბი ინფორმაციის გავრცელება. მეზობლის სიძე, სანყალი რაფიკა (ომში დაიკარგა უბედური), რასაკვირველია, არ დავასახელე. ვინ გითხრაო, რომ ჩამსდიეს, ვილაც სათვალღიანი ამბობდა ტრამვაიში, სახეზე არ დავკვირვებოვარ, რომ შემხვდეს, ალბათ, ვერ ვიცნობ-მეთქი. რატომ მაშინვე არ მოკიდე ყურში ხელი და არ მოათრიე ჩვენთან ის სათვალღიანი, შენ თუ კაი კაცი ხარო. რატომ არ ატეხე ტრამვაიში ყვირილი და რატომ არ ამხილე პრავაკატორიო. გაჩუმდი იმიტომ, რომ გულის სიღრმეში გაგეხარდა ბერიას დაჭერაო. გული დაგწყდა, მერე მართალი რომ არ აღმოჩნდა ხალხის მტრის მონაჩმახიო. თავის მართლებისთვის პირის დაღება არ მაცალეს. სამეუღლე გამასამართლა და ციმბირში მიკრეს თავი. რამდენი მომცეს, არ იკითხავ? შვიდი წელი, მკაცრი რეჟიმის კოლონიაში, როგორც საშიშ პოლიტიკურ დამნაშავეს.

იქ რა წნეხში გამატარეს და რა ქვა მაკოდინეს, ცალკე მოსაყოლი ამბავია. იმ სიმწრის კოხს და თითების კვნეტას მიახლოვებითაც ვერ წარმოიდგენ. ერთი რამ უნდა გითხრა. რუსული წერა-კითხვა არაუშავს ვიცოდი და თუ ქალღალდის ნაგლეჯს იშოვიდა ვინმე, ჩემთან მოარბენინებდა, დამინერე წერილი სტალინის სახელზე რომ მე, ერთგული ბოლშევიკი, უდანაშაულოდ ვიტანჯები ამ ჯურღმულეებშიო. შენ წარმოიდგინე, ყველას არა, მაგრამ იმ ჩემმა დაწერილმა წერილმა სამ-ოთხ პატიმარს გაუმართლა. მოდიოდა კრემლიდან, ხომ იცი შენ, რეზოლუციები, დაუყოვნებლივ გაანთავისუფლეთო. ჩემდა წილად, ჩემს უდანაშაულობაზე, თხუთმეტი წერილი მაინც მივწერე ბელადს, მაგრამ არცერთზე პასუხი არ მომსვლია. არც არაფერში შეტყობია ჩემს ყოფას, რომ ჩემმა აჯა-მუქარამ კრემლამდე მიაღწია.

მთელი ომი კალიმაში გავატარე. ბევრი პოლიტიკური პატიმარი, მოკრავდი ალბათ ყურს, წინა ხაზზე გაგზავნეს ომის დროს, სისხ-

ლით გამოისყიდეთ დანაშაულიო. სიხარულით წავიდნენ ის უბედურები. ახლა კი დავუმტკიცებთ პარტიას, რომ მისი ერთგული ვიყავითო. წინა ხაზზე, განსაკუთრებით ომის პირველ თვეებში როგორ დღეში ჩავარდებოდნენ, მოგეხსენება. მე თოფი არ მანდვეს, როგორც ჩანს, როგორც განსაკუთრებით საშიშ დამნაშავეს.

ომი რომ დამთავრდა, თუ გახსოვს, ცოტა აუშვეს ხელი გამწარებულ-დაბრიყვებულ ხალხს, ჩვენზე, პატიმრებზე ვამბობ, და ამნისტია შეეხო ზოგიერთს, თუ რალაც ამის მსგავსი. „რეაბილიტაცია“ – მაშინ ეს სიტყვა გაგონილიც არ გვქონდა. ერთი სიტყვით, საპატიმროებში ადგილი აღარ ჰყოფნიდათ, თუ სამხედრო ტყვეებით შეავსეს და ჩვენ, ალაგობრივი ტყვეები, იმდენად საშიშ ხალხად აღარ ჩავგვთვალეს. ერთი სიტყვით, ვერ გეტყვით, რა მოხდა. ჩვენი ლაგერიდან ბევრი გაათავისუფლეს მაშინ. მოვიდოდა ქალაქი და გამოგიცხადებდნენ, აბა, აიკარი გუდა-ნაბადი და ოცდაოთხ საათში დატოვე ტერიტორიაო. რითი, რა სახსრებით, რა ტრანსპორტით, რანაირად დაბრუნდები შინო, ამაზე ფიქრით არ იწუხებდნენ თავს. ზოგი შიმშილით მოკვდა ტაიგაში, ზოგი იქვე ახლომახლო სოფელში დასახლდა, უკან დაბრუნების გზა-სახსარი რომ ვერ იპოვა.

მთავრდება ორმოცდახუთი. ჩემნაირი „დამნაშავეები“ კაი ხანია გარეთ არიან. მე რა ქვა გავტეხე, რატომ არ იღებთ ხმას, სანამ ვიყო აქ-მეთქი. მაშინ ასე იყო, თუ არ აფართხალდებოდი და არ შეაჩვენედი რეჟიმის უფროსს ყურს, რომ შენ ჭურში არ ზიხარ და ყველაფერი იცი, რა ხდება გარეთ, შეიძლება, არც კი გახსენებოდი. ვინ სინჯავდა შენს საბუთებს. ანეგდოტს ჰგავს ჩემი ამბავი. თურმე ორმოცდახუთის ივნისში მოვიდა ჩემი განთავისუფლების ქალაქი. კანცელარიის გოგომ სიჩქარეში ფირცხალაიშვილის სახელზე მოსული ბარათი ფიცხელაურის საბუთებში ჩადო და არქივს გადასცა. ფიცხელაური იყო ჩვენთან თიანეთელი ბიჭი, თხუთმეტამდე ვიყავით სულ ქართველები. იმ ფიცხელაურს, სანყალს, ფილტვები გაუფუჭდა და ორმოცდაოთხის ბოლოს გარდაიცვალა. „ფირცხალაიშვილი“ – „ფიცხელაური“ მაინც ერთი გვარივითაა ბევრი აღარ უფიქრია კანცელარიის ბოზანდარა გოგოს და მიუკრავს ჩემი განთავისუფლების ქალაქი იმ ცხონებულის საქმეებისთვის. რომ ავტეხე განგაში, თქვენ რალაცას მიმალავთ, გამაგებინეთ რაზე, რა დანაშაულისთვის ვზივარ აქ ექვსი წელი-მეთქი. ვილაც ღვთიან მადლიანს ამოუნეცია ჩემი საბუთები, მერე ეჭვი გასჩენია, ფიცხელაურის ქალაქებისთვისაც გადაუხედავს და აგერ არ არის ჩემი შეწყალების საბუთი? ასე, რომ ჯერ ხომ ისედაც უდანაშაულოდ მახეხინეს ვირის აბანო და ხუთ თვეს, შეწყალებული კაცი, ზედმეტად გამაჩერეს. ჩემად რომ ვყოფილი-

ყავი, ვინ იცის, რამდენ ხანს ჩამიხუტებდნენ გულში. ბოდიში არ მოუხდია, ნუ გეშინია, ლაგერის უფროსს – ხომენკოს და ვერც განითლება შევატყვე სირცხვილისაგან.

თავისუფალი ვარ! ოთხივე კუთხივ გზა ხსნილი გაქვს, ნადი, სადაც გინდა. ერთი სული მაქვს ჩემი ცოლ-შვილის ნახვის. ჯემალი სამი წლის დავტოვე, ახლა ცხრა წლის კაცი იქნება. ფეხითაც რომ მომიწიოს თბილისში ჩასვლა, უნდა წავიდე.

რაც მე ჩამოსვლაზე დღე დამადგა. თვენახევარი ვიყავი გზაში, დამიჯერებ? ჯერ ფეხით გამოვალნიე ტაიგას, ნოემბერი შუა ზამთარია ციმბირში. მერე ხან ბადრაგით, ხან დროგ-ცხენით, ხან შტუდბეკერით ჩამოვირკუტსკდი. ირკუტსკში მატარებელზე ასვლა ზღაპარი იყო. სპეცმატარებლები დადიოდა, ისიც კვირაში ორჯერ და საშვებით იყო ასვლა, მაშინ ქვეყანა გზაში იყო, მოგეხსენება. ყველა თავის ბუდეში ბრუნდებოდა და პირველ რიგში მანჯური-იდან და იაპონიიდან ჩამოსულ ჯარისკაცებს აბრუნებდნენ.

ოთხმოც კილომეტრზე გამოვცდი ირკუტსკს. იქ ერთი პატარა სტანიცაა ტაპონარა. მატარებელი გაჩერებით არ ჩერდებოდა, მაგრამ მოსახვევი იყო და სვლას უნელებდა. ორი კვირა ქვებით სავსე ტომრით დავრბოდი, გიჟივით, სოფელში, რომ იმდენად მაინც გამემაგრებინა მუხლები, მატარებელზე ბარგით ახტომა რომ შემძლებოდა. ეს ჩემით მოვიფიქრე. გაამართლა, ხომ იცი, ამ ხერხმა. როგორც იქნა, მეშვიდე თუ მეცხრე ცდაზე შევახტი მატარებელს და ბევრი მიჩაჩქუნა თავში „პრავადნიკმა“, მაგრამ, რომ ჩავებლაუქე ხელ-კბილით სახელურს, სიკვდილი ვიღირსიე და არ მოვეშვი.

ჩამოვედი, როგორც მხედავ, მერე დავამთავრე დაუსწრებლად უნივერსიტეტი და შარშან გავედი პენსიაზე. ორმოცდაორი წელი მოვათიე სკოლაში მასწავლებლად, ჯერ კიდევ შემეძლო მუშაობა, მაგრამ თვალებმა მიმტყუნა და აღარ მივეძალე. დავისვენებ ცოტას.

ამნაირი დღეები გამოვიარე, ძმისშვილო, მე, და წელან შენ რომ ჰყვიროდი, ილიას იუბილეზე მოსანვევი არ მომცესო, გიყურებდი და მეცინებოდა. ისე სასონარკვეთილი სახე გქონდა და ისე გულმოსულად გადი-გამოდიოდი, კაცს ეგონებოდა, ცა დაგექცაო.

არა, არა, სხვა თაობა ხართ, სხვა ხალხი ხართ ნამდვილად, ღმერთმა სიკეთე მოგცეთ.

\* \* \*

მე ვარ ერმალო კვაშალი. ჩემს ბოლო პასპორტს თუ დავუჯერებთ, ას წლამდე ორი თველა დამრჩა. თუ შემასრულებინა გამჩენმა ასი, ხომ კარგი და კეთილი; თუ მანამდე მიმიღო უფალმა,

მანც ვერ დავემდურები. მართალია, მიძიმე ცხოვრება მქონდა, ფათურაკიან გზებზე მატარა ჩემმა ბედმა, მაგრამ ას წელიწადს რომ მაყურებინა ამ ქვეყნისთვის, პატარა საქმეა? ვინ დაგიჯერებს, თორემ ას წელს გადაცილებული ვარ ნამდვილად. ოზურგეთის იმ პატარა სოფელში (საჩხართვე იქნება გაგიგონიათ), სადაც მე გასულ საუკუნეში დავიბადე, ეკლესია არ იყო. სამრევლო სამსახურით საჩხართვედან თვრამეტ ვერსზე, წმინდა გიორგის ტაძარს ვეკუთვნოდით. სიძორის გამო ღვთისმსახურებას შედარებით მოწყვეტილი ვიყავით. შობა-აღდგომის ნირვაზე თუ ჩავიდოდნენ ჩვენები, თორემ სხვა დროს იქ მისვლით არ იკლავდნენ თავს. ბავშვს სამიოთხი წელი რომ შეუსრულდებოდა, მამინ წაიყვანდნენ მოსანათლავად და მღვდელიც, როგორც ახალდაბადებულს, მონათვლის დღიდან გაატარებდა დავთარში. ასე რომ, ჩემი ვარაუდით, სამი წლით მანც, უფროსი უნდა ვიყო იმაზე, რაც ქალაქებში მიწერია, მაგრამ, ვთქვი, მისი არ იყოს, ახლა ამას ვინ დაგიჯერებს. მომეები – დედაჩემი და მამაჩემი და, რა კითხვა უნდა, ის მღვდელიც, მე რომ მომნათლა, კარგა ხანია მიწაში წვანან.

ამ სიტყვებს ჩემი ბადიშის ბადიშს, ფერშალ ცირუნის ვკარნახობ. წერა-კითხვა როგორ არ ვიცი, მარა თვალისჩინი აღარა მაქვს. ჩაინერს ცირუნია და მერე წამიკითხავს. თუ მომეწონა, ესეიგი თუ სწორად ჩაუნერია ამ ძღაბს, რაც ვილაპარაკე, ხელს მოვანერ და თბილისში ხელნაწერების მუზეუმში გავაგზავნიებ. ხელნაწერებს ყიდულობენო, ვილაცამ მითხრა. მე, ბატონო, ამ ხელნაწერებში კაპიკი არ მინდა. თუ სადმე გამოუძებნიან პანანკინტელა ადგილს და შეჩურთავენ, სიკვდილამდე მადლობელი ვიქნები. მე, შეიძლება, არავინ არ ვარ და ჩემი ცხოვრება რა სამაგალითოა, მაგრამ ეგებ მოხვდეს ხელში როცა იქნება, და უბრალო კაცის მოგონებითაც დაინტერესდეს. ჩემნაირები იკარგებიან უკვალოდ, თორემ დიდი პიროვნებების, ისედაც ყველამ ყველაფერი იცის. მთლად ჩემი ბრალიც არ არის, ცირუნის საქმე რომ გაუფრინე. სოფელმა შემაგულიანა. უკარნახე და ჩაანერინე, რატომ უნდა დაიკარგოს, შენი ამბავიც იცოდეს ქვეყანამო. გადავდევი, გადავდევი ეს საქმე და ამ დილით, ნამეტანი რომ შემაქანავა წნევამ, ალბათ, მიყვავარ გამჩენს-მეთქი და ცირუნის ვუხმე. ბევრი ლაპარაკის თავი არა მაქვს. ნელა და მოკლედ მოვუყვები. ჩქარა რომ ვილაპარაკო, ჯერ ერთი, მალე დავიღლები და მეორეც, ჩანერას ვერ მოასწრებს.

სოფლის ორკლასიანი სასწავლებელი დავამთავრე. სასწავლებელი არც ერქვა. ნადეკანოზარ შამშე ლომჯარიას თავის ოდაში უფასო სკოლა ჰქონდა გახსნილი, შვიდიოდე ბავშვს გვამეცადინებდა. თან რომ გადაკვდომოდი, სასყიდელს არ გამოგართმევდა. რამდენ-

ჯერ მინახავს, კეტიტ რომ გამოკიდებია ეზოში ბათმანი ლობიოთი და მხარზე შეგდებული თიკნით შესულ მშობელს. „რას ჰქვია, ვინ გგონივარ, წერა-კითხვის სწავლებაში ხელი მევითბო და ისედაც გაჭირვებულ გლეხს ლუკმა გავუყო, რა შემატყვე ამისთანაო!“

ლომჯარიას სკოლა რომ გავათავე, მამაჩემმა ჩემი სწავლა-განათლება მოსტუმრებულად ჩათვალა, თოხი მომცა ხელში და წინ გამიძღოლა. ვილას დავუმალო, ვერ გამოვდექი კარგი მუშა მაინც-დამაინც. ჯერ ერთი, ბავშვი ვიყავი და არაქათი ჩქარა მეცლებოდა, მეორეც, არ ვიყავი, საერთოდ, მთლად ჯანმრთელი. სუსტი ბავშვები ბუნებით ხომ იბადებიან. თორმეტის რომ შევსრულდი, ოზურგეთში ჩამიყვანეს და ვაჭარ როყვას მიმაბარეს დუქნის ბიჭად, ნოქრის დამხმარედ. მაშინდელი დუქნები, ახლა რომ მალაზიები იცით თქვენ დახლით და ვიტრინებით განყობილი, ასეთი კი არ იყო. დუქანი ერქვა და ფაქტიურად სასურსათო მალაზიაც იყო, სასადილოც და თუ გნებავს, სასტუმროც. გზაზე შეგვიანებულ ორ-სამ კაცს ყოველთვის შეეძლო ლამის გათევა. მყიდველი რომ შემოვიდოდა, იტყოდა, რაც უნდოდა, მედუქნე მე მიბრძანებდა, გავვარდებოდი მეორე ოთახში და გამოვურბენინებდი, თუ გვქონდა, რასაკვირველია. ეს ვიტრინები და გაფორმებული დახლები მერე შემოვიდა მოდაში, მე მგონი, პირველი ომი რომ გათავდა, მას მერე.

ერთხელ, გუშინდელივით მახსოვს, აპრილი იწურებოდა, ჩვენს დუქანში ლამე გაათია რევოლუციონერმა დოროთე ჟღენტიმა. თვითონ მითხრა: პარტიული ვარ, დოროთე ჟღენტი, რევოლუციის სამსახურში ვდგავარ და სადმე მოჩუმათებულში გამიშალე სუფრა, ჩემი აქ ყოფნა არავინ გაიგოს, თვარა ცხელი ტყვია არ აგცდებო. ნაბდიანი, საშუალო ტანის, შავწვერულვაშიანი კაცი იყო, ოცდაათხში დახვრიტეს სანყალი. მედუქნე, ჩემდა ილბლად, ბათუმში საქონლის ჩამოსატანად იყო წასული და მარტო ვიყავი დუქანში. შეცბუნება რომ შემატყო, ცხვირ-პირზე ხელი ჩამომისვა და ღიმილით მითხრა: „არ შეგეშინდეს, არაფერს გერჩი, შენისთანა გაღლეთილების გასამდიდრებლად ვიბრძვი და ვქირმარობ მეო“. სანოლ ოთახში შევიყვანე. მე ვუთხარი: ეს ჩემი ალას სანოლია და მოისვენე. მეც, გული რომ დამშვიდებული გქონდეს, აგერ დავწვები ნკნელის ტახტზე, თუ ნებას მომცემ-მეთქი. მე და მედუქნეს, ჭანია იყო, სენაკელი, ერთ ოთახში გვეძინა.

რომ არ გავაგრძელო, იმ ლამეს ბევრ რამეზე ამიხილა თვალი რევოლუციის კაცმა. გამარკვია, რა უჭირდა ყაზახს და რას ქადაგებდა მარქსიზმი. სხვათაშორის ილია ჭავჭავაძის სახელიც პირველად გავიგონე მაშინ ჟღენტის პირიდან. ილიას საქართველოსთვის გლახა კი არ უნდა, მარა არ ესმის პროლეტარიატის ბრძოლის საქმეო. მა-

გას ჰგონია, ქვეყნის გათავისუფლება რუს მუშასთან კავშირის გარეშე შეიძლებაო. შეგვანუხა პირდაპირ, ხელს გვიშლის მუშაობაშიო. გითხრა სიმართლე, ჟღენტის ნათქვამიდან გამომდინარე, მეც ქე დამწყდა გული იმ ღამეს ილიაზე. რა მესმოდა უტუ ბავშვს. მერეც, პარტიული რომ გავხდი, კაი ხანს ვიყავი ჟღენტის და მისთანების აზრის ტყვეობაში, ილიას სიბრძნეს სანამ ჩავწვდებოდით, ბარე ოცდაათი წელი (თუ მეტი არა) დაგვჭირდა. იმლამინდელმა ჩვენმა სერობამ ის შედეგი მოიტანა, რომ ორი კვირის თავზე რსდმ პარტიის წევრი გავხდი. მაშინ პარტიის წევრობა მარტო სურვილის მიხედვითაც არ იყო. ერთ-ორ დავალებას მოგცემდნენ, გაგესაუბრებოდნენ, ცოტა გასანევრიანებელ თანხასაც გამოგართმევდნენ და პირობას ჩამოგართმევდნენ, რომ ცოცხალი თავით აგებდი პასუხს პარტიის საიდუმლოს გაცემაზე. იმ სამ კაცს, 11 მაისს ოზურგეთის ერთ მიტოვებულ ფაცხაში რომ მიმიღეს პარტიაში, მერე, ვერ დავმაღავ, აღარსად შევხვედრივარ. მარტო ჟღენტი მოდიოდა ჩემთან და შუალამეგადასულზე ოზურგეთის რამდენიმე ადგილას პროკლამაციებს მაყრევიებდა. ერთ-ორჯერ ზედ პოლიციის კანტორის ეზოში ჩავფანტე. კაციშვილს არ გაუგია მეორე დღემდე.

ნასაკირალი, რევოლუციის დამარცხება, აღიხანოვ-ავარსკის მათრახები გამოვიარე და ათას ცხრაას ცხრა წელს თბილისში ჩამოვედი. თბილისში ჩემს ჩამოსვლას ორი მიზეზი ჰქონდა: ჯერ ერთი, ჯარში განწვევას გამოვექეცი, ნამეტანი დამსდევდნენ, დეზერტირად ვიყავი გამოცხადებული და ოზურგეთ-ბათუმში გაფაციცებით დამეძებდნენ. ვიფიქრე, თბილისში უფრო დავიმალები-მეთქი. სალსალამათი ვიყავი, მაგრამ არ მინდოდა იმპერიის სალდათის ჩექმის ჩაცმა. მეორეც, მინდოდა ჩემი თავი რევოლუციურ მუშაობაში უფრო მეტად გამომეცადა. თბილისში ჟღენტის სარეკომენდაციო წერილით ჩამოვედი და ტრამევის დეპოს სოციალ-დემოკრატიულ უჯრედს მივაკითხე. მაშინ უკვე გათიშული იყო პარტია ბოლშევიკებად და მენშევიკებად: მახსოვს, შალისკიტელიანმა, დაბალმა კაცმა (თუ არ ვცდები, ბუცხრიკიძე იყო გვარად) მთელი საათი არკვია ჩემი „პოზიცია“, პარტიულ საკითხში. მაშინ „პოზიციას“ ეძახდნენ. ახლა არ ვიცი, ეგებ სხვანაირად გამოითქმის. ვის მხარეზე ხარ, ბოლშევიკების თუ მენშევიკებისო. ვინც კარგად ნაიყვანს მუშაკაცის საქმეს, იმის მხარეს ვარ, ჩემთვის სულერთია, ორივე ჩემი ძმებია-მეთქი. ასე შუაში არ ივარგებს ყოფნა, ან იქეთ უნდა იყო, ან აქეთო. რა იყო, რა ვერ გაიყვეს, რაზე ჭამენ ერთმანეთს, ამიხსენი ერთი კაცურად-მეთქი. მთლად გასაგებად ვერ ამიხსნა, მაგრამ რალაცრალაცებს მაინც ჩამახვედრა და, რაკი თვითონ ბოლშევიკი იყო, მირჩია, ბოლშევიკებთან ვყოფილიყავი. მეც სანინალმდეგო

არაფერი მქონდა. ისე, რომ შერიგდებოდეთ, უკეთესია-მეთქი. ჩემთვის ჩავილაპარაკე, ბუცხრიკიძეს რომ ვშორდებოდი, შევატყვე, შერიგება ჩემი საქმე ხომ არ იყო და არ იყო, არც ბუცხრიკიძეს ეკითხებოდა მაინცდამაინც.

ვმუშაობდი ბოლშევიკებთან, მაგრამ ნოე ყორდანიას, ჭოლა ლომთათიძის, კარლო ჩხეიძის, ისიდორე რამიშვილის და სხვების მიმართ პატივისცემა გულში მაინც მქონდა, არ დაგიმაღავ. ყველა კრებაზე ვთათხავდით მენშევიკებს. მე ბევრი არაფერი მესმოდა ამ პლათფორმობის. ჩემნაირი გაურკვეველი არაერთი იყო მაშინ პარტიაში. ადრე ოზურგეთში და ბათუმში მოსმენილი მქონდა ზემოთჩამოთვლილი პირების გამოსვლები და, გითხრა სიმართლე, ძალიან მომწონდა. მოგვიანებით, 1913 წელს, თბილისში ლექციების ნასაკითხად ჩამოსულ კარლო ჩხეიძეს და ალექსანდრე კერენსკის ერთად რომ მოვუსმინე, თუმცა დავალებული მქონდა მეყვირა: „ხალხის მოლაღატეები ხართ, გვატყუებთ-მეთქი“, მაგრამ ისე ლამაზად ილაპარაკა ორივემ, ხმა ვერ ამოვიღე და უჯრედში ამის გამო საყვედურიც შემხვდა. სხვათაშორის, კერენსკი მეორეჯერ 1926 წელს ვნახე პარიზში პერ-ლაშეზის სასაფლაოზე, საწყალი კარლო ჩხეიძის დაკრძალვაზე. გეცოდინებათ, ალბათ. რომ კარლო ჩხეიძემ სამართლებლით ყელი გამოიჭრა პარიზში და ამით დაამთავრა თავისი გაუხარელი სიცოცხლე.

შევისვენოთ და ნასადილევს განვაგრძოთ ცირუნია. გატყობ, დაილაღე, მთქნარებას მოუხშირე.

ათას ცხრაას თოთხმეტი წლის მარტში დეპოს მუშებმა გაფიცვა გამოვაცხადეთ. გაფიცვის ხელმძღვანელობა ხუთ კაცს გვქონდა დავალებული. იმ ხუთში მეც ვერაი. სამ დღეს ვიყავით გაფიცულები. მერე ნაძალადევში დემონსტრაცია მოვანწყვეთ და პოლიციასთან შეტაკება მოგვიხდა. კაცი არ მომკვდარა, მაგრამ მაინც კარგა მაგარი შეხლა-შემოხლა იყო. მუშებმა ვიმარჯვეთ და ბარე ორ პოლიციელს უკანალზე ფურტყით მათთვისვე წართმეული მათრახები. იმ საღამოსვე გამომეცხადა სამი ჟანდარმი სახლში. დამავიწყდა მეთქვა, რომ 1911 წელს ცოლი შევირთე და ამ დროისათვის ორი წლის ბიჭი მყავდა. გულდაგულ გაჩხრიკეს ჩემი ბინა. პროკლამაციები და ლენინის „ორი ტაქტიკა“ მიპოვეს, დამაპატიმრეს და მეტეხის ციხეში ჩამაყუდეს. ორ თვეს იძიეს ჩემი საქმე, მაისის ბოლოს გამასამართლეს. სტავროპოლის ოლქში ხუთი წლით გასახლება მომისაჯეს და პოლიციის ზედამხედველობის ქვეშ მარტო ცხოვრება. სტავროპოლში ჩაყვანიდან მეოთხე დღეს გავიქეცი. სხვათაშორის, სანამ სოფელში ჩამიყვანდნენ, მანამდე მოვასწარი გაქცევა პატიმრების გამანანილებელი პუნქტიდან. მაშინ საპატიმ-

როდან გაქცევა, ახლანდელთან შედარებით, გაცილებით უფრო ადვილი იყო. როსტოვიში ჩამოვედი, როსტოვიდან ასტრახანში, ასტრახანიდან ორ რევოლუციონერ მუშას ბაქოში წავყევი, იქ ცოტა წავიმუშავე სხვისი გვართ და ნოემბერი ახალი დაწყებული იყო, შუალამისას, ჩემი სახლის კარს რომ მიფუკაკუნე. ცოლი სიხარულისგან კინაღამ გაგიჟდა. მეორე დღეს სოლოლაკში დავიქირავე პატარა ნახევრად სარდაფი, ჩემი ოთახნახევრიანი ფაცხა ნაძალადევში დროებით მივაკეტე და ცოლ-შვილი სოლოლაკში გადავიყვანე. ტრამვაის დეპოს, რასაკვირველია, აღარ გავკარებივარ. კაზარიანის სახერხში დავინყე მუშაობა, რა თქმა უნდა, სხვისი გვართ. თუ ძალიან გაინტერესებს, ბაჯელიძე მენერა ქალაქებში.

ამასობაში ათას ცხრაას ჩვიდმეტიც მოვიდა.

რევოლუციის მოხდენაში დიდი მონაწილეობა მივიღე-მეთქი, რომ ვითხრა, არ იქნება მართალი. სხვათაშორის, ჩვენთან ჩვიდმეტი წლის თებერვლიდან მოყოლებული არაჩვეულებრივი სიწყნარე იყო. მე კრება-მიტინგს არ ვაცდენდი, მაგრამ დიდი რიარის და ჯანყის მაინცდამაინც არაფერი შემიმჩნევია. დაბნეულობა იგრძნობოდა. საერთოდ, ერთმანეთს წაენყო მეფის გადადგომა, დროებითი მთავრობის დადგომა და მერე დროებითი მთავრობის ჩამოგდება. რევოლუცია, ფაქტიურად, პეტერბურგში მოხდა და მართალია გალაკტიონი, რომელსაც, როგორც მითხრეს, ერთ ლექსში უწერია, ჩვენ ოქტომბერი დეპეშით მივიღეთო. მე თვითონ, ვერ მოგატყუებთ, ის ლექსი არ წამიკითხავს.

ნარევოლუციებზე დავიბრუნე ჩემი გვარი – კვაშალი და ისევ დეპოს მივაშურე. გადაქექ-გადმოქექეს ჩემი საბუთები და დეპოს საქმიანი კომისიის თავმჯდომარედ ამირჩიეს. ეს, დაახლოებით, ახლა ადგილკომის თავმჯდომარე რომ ჰქვია, იმას უდრდა.

სამმა წელმა სამ დღესავით გაირბინა. ამ სამ წელიწადში დამოუკიდებელი საქართველო, მენშევიკური მთავრობის მეცადინეობით, ცნო ინგლისმა, საფრანგეთმა, გერმანიამ, მე მგონია, იტალიამ და ჰოლანდიამაც. წითელ რუსეთში მენშევიკების მთავრობამ გრიგოლ უროტაძის მეთაურობით დელეგაცია გაგზავნა. თუ მეხსიერება არ მღალატობს, 1920 წლის შვიდ მაისს ხელშეკრულება დაიდო რუსეთს და საქართველოს შორის. წითელი რუსეთი ცნობდა საქართველოს დამოუკიდებლობას და მასთან კეთილ მეზობლობას, შინაურ საქმეებში ჩაურევლობასაც კისრულობდა. ერთი წელიც არ გასულა იმ ხელშეკრულების დადებიდან 1921 წლის ოცდახუთ თებერვლამდე. ჩემი თვალთ მამქს ნანახი მეთერთმეტე არმიის შემოსვლა თბილისში.

ხალხი ჭრელია. არც მთლად ისე იყო, როგორც წინებში გინერიათ, საქართველო ტაშით და სიმღერით შეეგება „გამათავისუფლებ-



ელ“ მეთერთმეტე არმიასო და არც ისე იყო, გაქცეული მენშევიკები ფრანგულ გაზეთებში რომ სწერდნენ, უკანასკნელ სისხლის წვეთამდე ებრძოდნენ ქართველები მეთერთმეტე არმიის ნაწილებსო. ცოდვას ვერ დავიდებ, გასაბჭოებას ჩვენში მომხრებიც ბევრი ჰყავდა.

მერე ის იყო, ოცდაერთი წლის ივნისში საქართველოში სტუმრად ჩამოსულ ერთ კომისარს გამოსვლის დროს ვკითხე, როგორც იქნება საქართველოს მომავლის საქმე-მეთქი. ის, რაც აქ მოხდა, ხელშეკრულების დარღვევას ხომ არ ჰგავდა-მეთქი. ცოტა არ იყოს, დაბნეულად მიპასუხა: „ძალიან ჩამორჩენილხართ, ამხანაგო კვაშალო. მეთერთმეტე არმიის შემოსვლა თქვენი თხოვნით მოხდა. ნითელმა რუსეთმა თქვენ უცხოეთის ინტერვენციისაგან გადაგარჩინათ“. არ შევკამათებოვარ. „თხოვნაზე“ მე ჩემი აზრი მქონდა, მაგრამ ეს შეკითხვაც საკმარისი აღმოჩნდა იმისათვის, რომ მესამე დღეს დავეჭირეთ. დამაპატიმრეს შუალამისას. ნიკოლოზის პოლიციას მე მგონია, ასე ზუსტად განსაზღვრული დრო არ ჰქონდა დაპატიმრებისათვის. არ ვიცი, გითხარი თუ არა, 1914 წელს ჟანდარმერიამ სალამოს ექვს საათზე ამიყვანა. ოცდაერთწლიდან მოყოლებული შუალამეგადასულზე ჩხრეკა-დაპატიმრება, ჩანს, უფრო მოხერხებულ დროდ იქნა მიჩნეული. როგორც მითხრეს, ოცდაჩვიდმეტშიც „ხალხის მტრებს“, ძირითადად, ნაშუალამევს ესტუმრებოდნენ წასაყვანად.

იმ ხანებში პოლიტიკურად არასაიმედო პირებს ციმბირში აღარ ასახლებდნენ. გაციმბირება მეფის რუსეთის მავნე პრაქტიკად იყო მიჩნეული. ალბათ, ეს იყო მიზეზი იმისა, რომ, იქნება არც კი დაიჯეროთ, მე, როგორც საბჭოთა ხელისუფლების არაკეთილმოსურნე, ევროპაში გამასახლეს. თავდაპირველად ჰოლანდიაში ამოვყავი თავი. უპასპორტო და უპატრონო კაცის ამბავი მოგეხსენებათ. ყველაფერი ჩამომართვეს და ერთადერთი ცნობა ჩამიდეს ჯიბეში. იმ ცნობაზე ეწერა, რომ მე ჩემი სურვილით მივდიოდი ევროპაში მუდმივ საცხოვრებლად. ვიჩოჩე, ვიჯახირე, და ეგრეთწოდებულ ქართულ ემიგრაციულ მთავრობასთან – ნოე ჟორდანიასთან მივიტანე თავი.

დიდი სიყვარულით არ შემხვედრიან გაქცეული მთავრობის წევრები, მაგრამ, როგორც ემიგრანტი და სოციალ-დემოკრატი, შემიფარეს და უფლება მომცეს, პარტიის კრებებს დავსწრებოდი.

მუშაობა დავიწყე „სიტროენის“ საავტომობილო ქარხანაში და კვირაში ერთ დღეს, ხან ლევილში და ხან პარიზში, ქართველებთან ვატარებდი.

მე სიმართლის თქმა მიყვარს და პირდაპირ უნდა გითხრა, რომ რაც უნიათობა და დაბნეულობა აქ ეტყობოდა ჟორდანიას მთავ-

რობას, ის გადაჰყვავა პარიზშიც. რვა საათს მიდიოდა ხანდახან კამათი იმის შესახებ, სწორად მოიქცნენ თუ არა, რომ გამოიქცნენ და რა უნდა ელონათ მომავალში, რათა ავტორიტეტი ევროპის მთავრობათა წევრებს თვალში მაინც აღედგინათ. დიდი თეორეტიკოსი არ გახლდით, მაგრამ მეც ვგრძნობდი, რომ ვერც თავის დროზე გამოიჩინეს მენშევიკებმა გამჭრიახობა. პირველ რიგში საზღვრები უნდა გაემარგებინათ და გადაჭრით უნდა დადგომოდნენ ერთ ხაზს – ან ევროპა, ან წითელი რუსეთი. ორი კურდღლის ერთდროულად გამოდევნება ხეირს რომ არ დააყრიდათ, უნდა სცოდნოდათ. ლენინის მთავრობამ მათი ყალბი ლიმილი არ დაიჯერა და არც ევროპამ გამოიღო ხელი საქართველოს გულში ჩასახუტებლად.

რაც ახლა მენშევიკების შეცდომებზე გითხარი, დაახლოვებით ასე, უფრო ვრცლად და დასაბუთებულად, მივწერე ჩემს დეპოზიტმაკაცს სილიბისტრო კანკიას. ცოლ-შვილს წერილს, მიხვდები, რატომაც არა ვწერდი. წერილი პარიზიდან საკონსულოს თანამშრომელს – მირმაჩს გავატანე, თავის საქმეებზე მიდიოდა მოსკოვში და ვთხოვე, საფოსტო ყუთში ჩაეგდო, რადგანაც პარიზიდან საქართველოში წერილის ჩასვლის იმედი მაინცდამაინც არ მქონდა.

ამ ამბიდან ოთხი თვეც არ იყო გასული, რომ ჟორდანიამ დამიბარა ათას ცხრაას ოცდაექვსი წელია. რიცხვს ვერ გეტყვი, სანამ ჟორდანიასთან მივიდოდი, ჩვენი კანტორის ეზოში ქართველებს მოვკარი თვალი. დამინახეს თუ არა, ყველამ ზურგი შემაქცია, ფარცავი რამაა ჩემს თავზე-მეთქი, გავიფიქრე. შემიყვანეს სათათბირო ოთახში, ვზივართ. ხმას არავინ მცემს.

შემოვიდა ნოე და ქართულ გაზეთი „კომუნისტი“ ააფრიალა. სამწუხაროდ, ბატონებო, ჩვენს შორის გამცემი აღმოჩნდაო. მოქალაქე კვაშალის წერილია „კომუნისტში“ გამოქვეყნებული და სანამ წაგიკითხავდეთ, უნდა გითხრათ, რომ ბეც, უჭკუო პოლიტიკოსად ვარ გამოყვანილი მე პირადად და არც თქვენ, ჩემი მთავრობის წევრებს გადგათ კარგი დღეო. აფერუმ ბოლშევიკებს, ჩემს კაბინეტშიც რომ ჰყოლიათ კორესპონდენტი კვაშალის სახითო. ელდისა და სიბრაზისაგან პირი გამიშრა. მერე ნოე ჟორდანიამ წაიკითხა სილიბისტრო კანკიასადმი მიწერილი ჩემი წერილი. როგორც შემდეგ გაირკვა, სილიბისტრომდე ჩემს წერილს არც კი მიეღნია, პირდაპირ „კომუნისტის“ გვერდზე მოხვედრილიყო. ერთი წლის მერე პარიზში მობრუნებულ მირმაჩსაც ვკითხე, მაგრამ, შვილები იფიცა, როგორც დამავალე, საფოსტო ყუთში ჩავაგდეო. იქნებ მართლაც ჩააგდო. იმ პერიოდში ჩეკა ფოსტით ძალიან იყო დაინტერესებული.

წაიკითხა ჟორდანიამ „კომუნისტი“ და მე ბევრი არ მალაპარაკეს, იქვე დაადგინეს პარტიიდან ჩემი გარიცხვა, ქართველთა

სათვისტომოდან მოკვეთა და „სიტროენიდან“ (იქაც ნ. ჟორდანიას რეკომენდაციით მიმიღეს) დათხოვნა. რაშიც ჟორდანიას არ ეთანხმებოდი, აქვე გეტყვა, „კომუნისტს“ რომ კორესპონდენციას უგზავნიდიო, იმ დარბაზში ჩემმა ყველაზე ახლობელმა ხომერიკმაც კი გამკიცხა საჯაროდ.

დაგიმტკიცებთ, რომ მე არ ვარ ის კაცი, თქვენ რომ გეჩვენებით-მეთქი, მაგრამ ყურად არავინ იღო ჩემი ნათქვამი. წამოვედი. მუშაობა დავინწყე უნივერსალ „სამარიტენში“ და მართალია, ეკონომიურად ცოტა მოვმაგრდი, მაგრამ ქართულ ემიგრაციასთან ჩემი კატათაგვეური დამოკიდებულებმა გულს მიღრღნიდა.

სამი-ოთხი წლის შემდეგ თითქოსდა ნელ-ნელა შემირიგეს. მესალმებოდნენ, შინაც მპატიჟებდნენ, მაგრამ კრებებზე არ მასწრებდნენ და პარტიაში აღდგენაზე ჩემს მოკრძალებულ თხოვნასაც წაუყრუეს. მეც აღარ მივძალებივარ.

ათას ცხრაას ორმოცდახუთი წლის ოქტომბერში დავბრუნდი თბილისში. ჩემს დაბრუნებაში პარიზის საელჩოს მაშინდელმა თანამშრომელმა თავაძემ დიდი როლი ითამაშა. თვითონ მომძებნა. თურმე ჩემი მდგომარეობა გაეკითხ-გამოეკითხა. ჯერ ერთი, საბჭოთა ხელისუფლების წინაშე შენ აქ ომის განმავლობაში არაფერი დანაშაული ჩაგიდენია, მეორეც, შენი ნებით არ წამოსულხარ, გადმოგასახლეს, მესამე, ჟორდანიასთან შენი ურთიერთობის შესახებ ჩეკაში, ალბათ, ყველაფერი ეცოდინებათ. წადი საქართველოში, რას უდგეხარ აქ, ცოლ-შვილი მაინც არ მოგენატრაო?

თავაძეს სიტყვის დამთავრებაც არ ვაცალე. საქართველოში დაბრუნებაზე ტაშისკვრით დავთანხმდი. ოღონდ მერე, წამოსვლისას, გულში არ დავიტოვე და მაინც ვუთხარი – ოცდაერთში ერთ დიდ კაცთან ასე და ასე, პატარა შელაპარაკება მომივიდა და როგორ ფიქრობ, ხომ არ ემასხოვრება-მეთქი. გაეცინა. იგი ახლა კინალამ ისტორიის საჭესთან დგას და როგორ ფიქრობ, ოცდახუთი წლის წინათ ვილაც კვაშალმა რომ შეკითხვა მისცა, ის ექნება გულში ჩარჩენილიო? ასეთი მიამიტი როგორა ხარ, კვაშალი კი არა, საერთოდ საქართველოს თუ ახსოვს, იმაზეც მადლობელი ვიყოთო.

დაიმედებული და დამშვიდებული ჩამოვედი თბილისში. ოცდა-ოთხი წლის უნახავი ცოლ-შვილის ნახვა რას დამმართებდა ან მე და ან იმათ, წარმოიდგენ. სამი დღე ვტიროდით. ცოლი გაჭალარავებულიყო, ოცდათხუთმეტი წლის ბიჭმა მშვენიერი ცოლი და ორი შვილიშვილი დამახვედრა. ბინად ისევ ნაძალადევეში, იმ ჩემს ოთახ-ნახევრიანში ცხოვრობდნენ. ჩემი ბიჭი ახალი დაბრუნებული იყო ფრონტიდან. მე, რასაკვირველია, ჯარში მისი ყოფნის შესახებაც არაფერი ვიცოდი.

რამდენიმე თვე დავყავი თბილისში. ჩემთვის არც ბინის მოცემას ჩქარობდა ვინმე და არც სამსახურისას. ყოველ მეორე დღეს განცხადებას ვწერდი სხვადასხვა ინსტანციებში, მაგრამ წერილობით არავინ მპასუხობდა. ხოლო თუ ნამეტანი შევანუხებდი, მეტყოდნენ, თქვენს საკითხს კომისია სწავლობს და პასუხს შეგატყობინებთო. ბოლოს საქართველოს ცეკას მდივანს რომ გაუფგზავნე დეპეშა, სანამ ვიყო ამ ყოფაში-მეთქი, ორ კვირაში შინსახკომის თანამშრომელი დამადგა თავზე და კონვერტი გადმომცა. რწმუნებული მწერდა: თქვენ წინადადება გეძლევათ, მეუღლითურთ საცხოვრებლად გადახვიდეთ თქვენს მშობლიურ სოფელ საჩხართვეში, რადგანაც ამჟამად თბილისში სამსახურით და ბინით თქვენი დაკმაყოფილების საშუალება არა გვაქვსო. იმ კაცმა დავთარში ხელი მომანერინა და თავის მხრივ დაუმატა: „სამი დღე გეძლევათ თბილისში გაჩერების, თუ კაცი ხარ, სამ დღეში უნდა აიკრათ გუდა-ნაბადი, თორემ მე მომთხოვენ პასუხსო“.

რა გაენყობოდა, ჩავედით მე და ჩემი მეუღლე საჩხართვეში, მოვძებნეთ მამაპაპეული კერა და დავინყეთ ცხოვრება. ორივენი კოლმეურნეობაში ვმუშაობდით. ზაფხულობით გვეწვეოდნენ შვილიშვილები და გავხალისდებოდით, ხოლო თბილისში აღარ ჩავსულვართ, რადგანაც იქ ყოფნა თითქმის აკრძალული გვექონდა. თითქმის-მეთქი, იმიტომ ვამბობ, რომ იმ დღეს შინსახკომის წარმომადგენელმა პირდაპირ გვითხრა – აქ არ სწერია, მაგრამ მე მაქვს დავალებული გაუნყოთ, რომ თქვენი წარსულის გამო, თქვენს თბილისში ყოფნას შინსახკომი მიზანშეუწონლად მიიჩნევსო.

ათას ცხრაას ორმოცდათერთმეტი წლის ჩვიდმეტ დეკემბერს, დილით ხუთ საათზე მე, სამოცდასამი წლის კაცი და ჩემი თანამეცხედრე წამოგვაგდეს ლოგინიდან. თითო ხელი ტანსაცმლის და ხუთ კილოგრამამდე პროდუქტის წამოლების უფლება მოგვცეს და ორდერის წარმოუდგენლად გამოგვიცხადეს, რომ გაურკვეველი ვადით ვიგზავნებოდით საბჭოთა კავშირის შორეულ რაიონებში სამუშაოდ.

ეს ხომ ფაქტიურად გადასახლებაა-მეთქი, ვიყვირე, მაღალმა, პირხმელმა ფორმიანმა კაცმა პირზე ხელი დამაფარა: ნუ ხმაურობ, აბა, რა გეგონა, ძირგამომთხრელ საქმიანობას, იმპერიალიზმის ჯაშუშობას გაპატიებდითო?

გესმის შენ, ცირუნია? პარიზში პარტიიდან გამრიცხეს, წითლების შემოგზავნილი აგენტი ხარო, ახლა წითლები მასახლებენ, ძირგამომთხრელ საქმიანობას ეწევი, იმპერიალიზმის ჯაშუში ხარო.

სად მიგყავართ, ეს მაინც ვიცოდეთ-მეთქი, როცა ჩვენი სოფლიდან ამ გზობაზე ოთხი ოჯახი შეგვრეკეს საბარგო მანქანაზე და

ოზურგეთის გზას გაგვიყენეს. არ ვიცი, ვერ გეტყვითო, მიპასუხეს. უნდა გითხრა, რომ მეორე დღეს საბარგო მატარებელში რომ ჩავსვს და ჩრდილოეთისკენ გაგვამგზავრეს, მაშინ ხომ ვერავის დავაცდევინე, ცარიცინს რომ გავცდით და აღმოსავლეთისკენ ვქენით პირი, მაშინაც ენერგიულად გვიმალავდნენ, საით მოგვესაჯა გადასახლება. ბოლოს ჩვენ თვითონ დავასკვნით, რომ ციმბირში მიგვერეკებოდნენ, რაც ჩვენს მდგომარეობაში ჩავარდნილებს უეჭველ სიკვდილს გვიქადდა.

წარმოიდგინე ფარლალა საბარგო ვაგონში პირდაპირ იატაკზე ვყრივით თხუთმეტიოდე კაცი. ჩვენს შორის, რა თქმა უნდა, ქალებიც არიან – ჩვენი მეუღლეები და ერთი-ორი მონიფული ქალიშვილიც გვირეცია. ვაგონის კუთხეში იატაკია ამოჭრილი და ყველას თვალწინ იმ იატაკზე უნდა ჩაცუცქედე, რომ ბუნებრივი მოთხოვნილება დაიკმაყოფილო. ვეხვეწეთ ზედამხედველ სამხედროებს და, როგორც იქნა პატარა ფარდაც ჩამოგვიფარეს იმ ჩვენს სახელდახელო ტუალეტზე. პირს ვიბრუნებდით და თვალს ვარიდებდით, მაგრამ მაინც ერთ სიკვდილს ათავებდა იქ მჯდომი. ამაზე დიდ წამებას წარმოიდგენ? ნახშირის ღუმელი დაგვიდგეს, რომ არ გავყინულიყავით, მაგრამ ღუმელს თუნუქის მილი არ ჰქონდა გარეთ გაყოფილი და ნახშირის კვამლი ვაგონში ტრიალებდა. სული გვეხუთებოდა, ღამე არ გვეძინა. ვიფარებდით ტანზე ყველაფერს, რაც გავაჩნდა, ქოლგას, პირსახოცს, გაზეთის ნაგლეჯებს, ნიფხვებს და შალის წინდებს თავზე ვიცვამდით, ყურმუბლი რომ არ გავყინვოდა.

ვაგონიდან ჩამოსვლის უფლება ჩვენს შორის სამ, შედარებით ახალგაზრდა, პატიმარს ჰქონდა, სხვებს არა. ისინიც ამ ნდობით იმიტომ აღჭურვეს, რომ ვაგონის წინ უნდა დამდგარიყვნენ დღეში ორჯერ ხის ყუთებით ხელში თერთმეტ საათზე და ხუთ საათზე. ერთ ყუთში შავ პურს და გალიგვებულ ქონს („სალას ეძახიან) ჩაუყრიდნენ, მეორეში ნახშირს, რომელიც ორ საათს თუ გვეყოფოდა სანვავად. იმ „წნმუნებულებს“ ვაგონიდან ხუთ მეტროზე მოშორებისთვის გაუფრთხილებლად ესროდნენ. იქეთ-აქეთ გახედვის და უცნობ მოქალაქესთან გამოლაპარაკებისთვის კონდახით სცემდნენ.

ერთხელ, იმ სამთაგან ერთერთმა, ოზურგეთელმა ვანაძემ (გრუზათმიანი კაცი იყო. მის შეხედვას არაფერი სჯობდა, იქ, გადასახლებაში, გაცივდა და გარდაიცვალა სანყალი) საიდუმლოდ გვახარა: „გადარჩენილები ვართ, ციმბირში არ მივყავართ, ყაზახეთში გვასახლებენო“. „რა იცი-მეთქი“, „ბოლოსწინა ვაგონს მოვკარი თვალი, მთელ სიგრძეზე პლაკატი აქვს გაკრული, რომელსაც აწერია: „ქართველი მოხალისეები მოძმე ყაზახეთის

დასახმარებლად“. ახლა ვფიქრობ, დიდი ქალაქების სადგურებზე ცოტა ხნით რომ შევჩერდებოდით, ორკესტრის გუგუნი ისმოდა. ეტყობოდა, ჩვენ გვხვდებოდნენ. ერთი-ორჯერ ახლოს ჩავუარეთ, ორკესტრს და ახლაც მახსოვს მუსიკოსთა ნაღვლიანი სახეები. იქნებ, ორკესტრიც ჩვენს მატარებელს ახლდა და ყოველ დიდ სადგურზე აკვრევიანებდნენ; აქაო და, ნახეთ, რა მხიარულებაა ყაზახეთში ბამბის საკრეფად თავიანთი სურვილით გამგზავრებულ საქართველოს დელეგაციასშიო.

ისედაც გადაგლალე, და, სიმართლე გითხრა, მეც ცუდ ხასიათზე დამაყენებს გახსენება იმისა, თუ როგორ ვცხოვრობდით ყაზახეთის ქარ-სიცხიან და გრიგალ-ყინულიან ველებზე კარვებში „ძირგამომთხრელი საქმიანობისათვის“ თუ „იმპერიალიზმის ჯამუშობისთვის“ დასჯილი ორმოციათასამდე ქართველი. ყველაფერი მის სინდისზე იყოს, ვინც ჩვენი „მტრობის“ საქმე შეითთხნა და დღეში ჩაგვაგდო.

ათას ცხრაას ორმოცდაჩვიდმეტ წელს დაგვაბრუნეს სამშობლოში. ზოგმა სამუდამოდ დატოვა ძვლები ყაზახეთის ველებზე, ზოგი თავისი ნებით არ წამოვიდა; მე რომ მაგათი ამბავი ვიცი, კიდევ გვიხიბანებენ რალაცას, კიდევ გასასახლებელი შევიქნებით და იმ ჯოჯოხეთური გზის გამოვლას მიჩვენია, აქვე ვიყო, აქვე ჩავამთავრო დარჩენილი ორი დღის სიცოცხლეო.

ა, ეს იყო სულ. ჩემმა ცოლმა ვერ გაუძლო უკან მგზავრობას. ავად გამიხდა და ჩამოსვლით კი ჩამოვალნიეთ, მაგრამ ერთ კვირასში დალია სული იმ უბედურდღეზეგაჩენილმა.

მე, გითხარი, მისი არ იყოს, ასი წლის გავხდები მალე. ადამიანი, ცირუნია, თავის დრომდე არ მონაკვდომა.

რა ჰქენი, ჩაინერე, რაც ვიბუფუტურე ბერიკაცმა? ახლა მაგის თავი არა გვაქვს არც შენ და არც მე. ყაზახეთის გახსენებამ გული დამიმძიმა. დავისვენებ, ნაფუძინებ ცოტას, თუ წამეძინა. საღამოსკენ შემომიარე, თუ ღმერთი გნამს, ერთი თავიდან ბოლომდე წამიკითხე შენი ჩანაწერი.

მე მგონია, არ ვქენით ცუდი საქმე, ა? რავა იტყვი? იყოს, ჩემი ამბავიც, დარჩეს შთამომავლობას. ვინ იცის, რაში დაჭირდება.

\* \* \*

მამაჩემი ვანო სხირტლაძე ექიმი გახლდათ. 1936 წელს ქუთაისში, ჭომაზე, ლამის, საკუთარი ხელით ააშენა ფსიქონევროლოგიური დისპანსერი. ეს დისპანსერი მთელს დასავლეთ საქართველოს ემსახურებოდა. ახლაც მაქვს შემონახული დისპანსერის საზეიმო

გახსნაზე (მაშინ წესად იყო მიღებული ყველაფერი ახალი, მათი შორის სასაფლაოც და საგიჟეც საზეიმოდ უნდა გაეხსნათ) მამაჩემის ნათქვამი სიტყვა: „მეფის მთავრობა სულით ავადმყოფებისათვის მხოლოდ მონასტრებსა და საპყრობილებს იმეტებდა. ზოგჯერ მათ სამეძაო სახლებშიც ათავსებდნენ. ტანჯვა-წამებისთვის იყვნენ ისინი განწირულნი. მხოლოდ საბჭოთა ხელისუფლების დროს შეიცვალა მდგომარეობა. დისპანსერში, რომელსაც დღეს ვხსნით, ყველა პირობა შეიქმნება საბჭოთა სულით ავადმყოფის მოვლა-პატრონობისათვის. საუცხოო ჰავა, შესანიშნავი წყალი, რაციონალური შრომითი თერაპია – სხვა სამკურნალო საშუალებათა კომპლექსში, შესაძლებელს გახდის თავიანთ საქმიანობას და ოჯახს დავუბრუნოთ ათასობით სულით ავადმყოფი, რომელთა რიცხვიც არნახულად იზრდება მას შემდეგ, რაც დედამიწის ერთ მეექვსედზე წარმატებით ვაშენებთ სოციალიზმის საფუძვლებს. ახლა ჩვენი ვალია თავდადებით ვიმუშაოთ და ყველაფერი ვიღონოთ მშრომელთა ჯანმრთელობის დაცვის საკეთილდღეოდ, რათა გავამართლოთ მშობლიური პარტიისა და მთავრობის დიდი ნდობა“.

ათი-თერთმეტი წლის ბიჭი ვიყავი მე მაშინ და მამაჩემს კვირაში ორჯერ მაინც დავყავდი დისპანსერის მშენებლობაზე. ორმეტრიანი ვაჟკაცი იყო. თეთრი პარუსინის შარვალ-კოსტუმი ეცვა და მაღალყელიანი ყავისფერი ჩექმები. ა. დახედე სურათს, ეს ბარიანი, შუაში, ხალხოსნური ნვერ-ულვაშით, მაშინ „ბლანჟეს“ ეძახდნენ, მამაჩემია. თვითონ მუშაობდა – მთავარი ექიმი უბრალო მუშად და მთელი სამედიცინო პერსონალი მშენებლობის დროს გვერდით ჰყავდა ამოყენებული. გახსნის ცერემონიალიც კარგად მახსოვს. ლენტი ჯანმრთელობის კომისარმა გაჭრა. მამაჩემმა სიტყვა რომ დაამთავრა, ხელში აიყვანეს და მალლა ისროდნენ. ჭკვიანები, რა თქმა უნდა. გიჟები გახსნის დროს იქ არ იყვნენ. პაციენტები მეორე დღეს მოიყვანეს ოზურგეთიდან, ბათუმიდან, ლანჩხუთიდან, ხონიდან და სამტრედიიდან. დახურული მანქანებით მოჰყავდათ. მახსოვს სულ სიმღერ-სიმღერით შემოდინდნენ ქათქათა პალატებში.

ერთი წელი იმუშავა თავის აშენებულ საავადმყოფოში მამაჩემმა. ოცდაჩვიდმეტის ოცდაშვიდ ნოემბერს სახლში უხასიათოდ დაბრუნდა და დედაჩემს ეუბნებოდა, გუმინდელივით მახსოვს: დღეს რევიზია დამეცა საავადმყოფოში. ყველაფერი კარგი დანერეს, მარა წასვლისას ერთმა შემომონებელმა ჩემი კაბინეტის ქვევით რომ სანყობი მაქვს, იმაში ჩაიხედა და მკითხა: რად გინდა, ვანო, ეს ბუნკერიო. წამლები ინახება სიბნელეში კარგადმეთქი, ვუპასუხე. მეტი არაფერი უკითხავს, მაგრამ წასვლისას რალაც საეჭვოდ კიდევ ჩაიხედა შიგო. თურმე ტანმა უაზრა მამაჩემს, რომ ის „შემ-

მონმებელი“ კაი სული არ ჩანდა და იმიტომ იყო ცუდ ხასიათზე.

მესამე დღეს დააპატიმრეს. დედაჩემს გამოუცხადეს, როგორ ვერ ხვდებოდი, შე ქალო, ხალხის მტერი გყავდა სახლშიო. თავის კაბინეტიდან გვირავს თხრიდა შენი ქმარი კაპიტალისტურ გარემოცვასთან დასაკავშირებლადო.

როგორ დააპატიმრეს არ იკითხავთ? მამაჩემი დილით საავადმყოფოს სახურავზე ასულიყო, წვიმა ჩამოდიოდა, თურმე ერთ ადგილას და კრამიტს ასწორებდა. ექთანს დაუძახნია, გირეკავენო. „უთხარი კრამიტს ასწორებსთქვა და დამირეკონ ნახევარ საათში“, უთქვამს მამაჩემს. კრამიტს რომ გაასწორებს, მაშინვე უშიშროებაში მოვიდესო, ექთნისთვის დაუბარებიათ.

ალბათ, ვინმე ჰყავთ შესამონმებელი ფსიქიურადო, უფიქრია მამაჩემს, გაკვირვებით კი გაკვირვებია, რაკილა ასეთ საქმეზე სხვა დროს უშიშროებაში კი არა, ციხის ამბულატორიაში ეძახდნენ.

ნასულა ეტლით. ორი-სამი საათი შეგვიანებია. საავადმყოფოს ერთცხენიანი ეტლი ემსახურებოდა მამაჩემს. გამოსულა ბოლოს და მეეტლისათვის უთქვამს: ნადი შენ, აქ რაღაცა გასარკვევი და, როგორც ჩანს, კარგა ხანს მომიწევს დარჩენა. აქედან მე თვითონ მივალ შინო.

სტალინის ქუჩაზე ვცხოვრობდით მაშინ, თხუთმეტ ნომერში. პატარა ეზო გვექონდა. ვთამაშობდით ეზოში მე და ჩემი და, ქარიანი დღე იყო, მახსოვს. ლამდება, არ ჩანს მამა. აწრიალდა დედაჩემი. ალბათ შემორჩა საავადმყოფოშიო. სხვა დროსაც აგვიანებდა.

იქნებოდა ასე, ათი საათი, შავი ლიმუზინი გაჩერდა ჭიშკართან. სამი შლაპიანი-პლაპიანი კაცი გადმოვიდა. სხირტლაძე ხომ აქ ცხოვრობსო, ზრდილობიანად მკითხეს. მე თვითონ ავუძეხი კიბეზე. დედაჩემს ფერი ეცვალა, მივხვდი რაშიც იყო საქმე. დაპატიმრების და ჩხრეკის ორდერები დაუნყვეს თავჩაქინდრულ დედაჩემს მაგიდაზე.

დაიწყეს ჩხრეკა. ისე გამალეებით მუშაობდნენ, დენზე ჩართულები გეგონებოდა. ჯერ იატაკზე გადმოყრიდნენ ყველაფერს, მერე იქექებოდნენ შიგ. დიდ ტომარაში ჩაანყვეს მამაჩემის ნანერები, სურათები, საბუთები, ყველაფერი, სანადირო თოფიც კი... მხარზე აიკიდეს და წავიდნენ. სასამართლომდე ქუთაისიდან ფეხი არ მოიცვალათო, დედაჩემს დაუბარეს.

მეორე დღეს „ქონების აღმწერი“ კომისია მოვიდა. აღწერეს. თუ რამე გვექონდა; საწერი მაგიდით დანყებული ჭიქა-თეფშამდე. სამი ოთახიდან ორი დაგვილუქეს და ჩვენ პატარა, საძინებელ ოთახში შეგვყარეს სამივენი. ერთ კვირაში ბინიდან საერთოდ გამოგვყარეს და მწვანეყვავილაზე ვილაცის ნესტიან, უფანჯრო სარდაფში მიგვიჩინეს ბინა.



იმ სარდაფში გავატარე ჩემი ყმანვილკაცობა. დღისით ეზოში ვტრიალებდით სამივენი. ეზოში ვსვამდით ჩაის და იქვე ამზადებდა სამფეხაზე დედაჩემი სადილს (თუ რამეს ვიშოვიდით, რასაკვირველია). დასაძინებლად, გვიან ღამით შევდიოდით ნესტიან სარდაფში და დილაადრიან გამოვდიოდით, რევემატიზმი რომ არ დაგვმართნოდა.

დაპატიმრებიდან სამი კვირის თავზე გამოგვიცხადეს: ხალხის მტერი, უცხოეთის დაზღვევის აგენტი ივანე სხირტლაძე გაასამართლეს და შორეულში გადაასახლეს. წერილს, ალბათ დანიშნულების ადგილზე რომ ჩაიყვანენ, მერე მიიღებთო.

გავიდა ოცდაჩვიდმეტი, ოცდათვრამეტი, ოცდაცხრამეტი. ორმოცში მივიღეთ პირველი წერილი ვიატკიდან. რას მოგვწერდა: რასაც მაშინ ყველა პატიმარი იწერებოდა; ალბათ, იცოდნენ რომ წერილებს „ფოსტა“ ხსნიდა და კითხულობდა. ჯერ ერთი, რა გახსნა უნდოდა, კონვერტში კი არ იდო. სამკუთხა ბარათებს აგზავნიდნენ, როგორც ჯარისკაცები. პატიმარს კონვერტს ვინ მიაშავებდა. ცოცხალი ვარო, გვწერდა მამაჩემი. თქვენს თავს მიხედეთ, მე როგორმე გავიტან თავსო. სასჯელს ვიატკის მახლობლად ვიხდიო. წერილებს ვუგზავნი აქედან სტალინს, ალბათ მალე გაარკვევენ ჩემს უდანაშაულობას და გამომიშვებენო.

თქვენს თავს მიხედეთო, როგორი მისახედი იყო ჩვენი თავისთვის, მარტო იმან იცის, ვისაც ხალხის მტრის შვილობა გამოუცდია. ჩვენთვის არა კომკავშირი, არა პიონერთა სასახლის წრეში ჩაწერა, არა ფრიადოსანთა დაფაზე გამოკვრა, ან რამე ასარჩევ საბჭოში არჩევა. ჯგუფელებიც კი ჩვენთან ცალკე მეცადინეობას გაუბრუნდნენ.

ორი წერილი მივიღეთ ორმოც წელში. არ გაგიჭირდებათ თქვენ წარმოადგენა, რა იყო ეს წერილები ჩვენთვის. თითქოს მამა სახლში გვყავდა. მუდმივად იდო მაგიდაზე ის ორი წერილი და ვკითხულობდით სამივენი მორიგეობით. ხანდახან დღეში სამჯერაც წავიკითხავდი. ზეპირად ვიცოდი, რაც ეწერა შიგ, მაგრამ მაინც გვსიამოვნებდა მამის ხელნაწერი, თითქოსდა გვესაუბრებოდა აგერ ყურისძირში. ყოველ წაკითხვაზე ახალს აღმოვაჩენდით რამეს. მერე ომი დაიწყო და წერილებიც შეწყდა.

შიმშილი, სიცივე და უბედურება ხომ თავისთავად, მაგრამ მე ომი მახსოვს, როგორც მამაჩემის წერილის დიდი, უსაშველო ამაო მოლოდინი. კვირაში სამჯერ მაინც მივდიოდი, მე, ჩემდათავად სტალინის 15-ში, ჩვენს ყოფილ ბინაში და ვეკითხებოდი ჩვენი სახლის ახალთ ბინადართ. ღვთის გულისათვის, ნუ დამიმალავთ, მამაჩემის წერილი ხომ არ მოსულა მეთქი.

ომის დამთავრების ორი წლის თავზე, 1947 წელს შუალამისას ვილაცამ დააკაკუნა ჩვენი სარდაფის კარებზე. ვინ ბრძანდები-

თო, დედაჩემი სანოლზე წამოჯდა. არ შეგეშინდეთ, ქალბატონო, მოყვარე ვარო, უცნობმა. ვინ მოყვარე, რა გნებავთ, ბატონო, ამ შუალამისასო. დედაჩემმა ლამპა აანთო, ვანოს ნაცნობი ვარ, გადასახლებიდან მოვდივარო. სამივენი მივცვივდით კარებთან.

შემოვიდა მთლად გათეთრებული, გამხდარი, ბეჭებში მოხრილი კაცი. დაჯდა. ამოისუნთქა და გულზე ხელი მიიდო. მიიხედ-მოიხედა, – აუჰ, სად გადმოუგდინართ, როგორ ცხოვრობთ ამ ჯურღმულში, მოგიკვდათ ჩემი თავიო – პირველად ეს თქვა.

მერე დანვრილებით გვიამბო; ვიატკაში ერთად ვიჯექითო. ბოლო ორი წელია ვანო ყარაგანდაში გადაიყვანეს სამხედრო ტყვეთა და პოლიტიკურ პატიმართა ბანაკშიო. მანამდე არ იყო ცუდად, ვაჟკაცურად უძლებდა ყველაფერს, მაგრამ ამ ბოლო დროს ავად გამხდარა, წამოსვლის წინ ამბავი მომიტანეს, ფეხზე ვერ დგებო. პატიმრობის ვადა თვენახევრის წინ გაუთავდა. რაკი აქამდე ვერ ჩამოვიდა, როგორც ჩანს, სერიოზულად არის ავადო. მე ვიატკიდან გამათავისუფლეს და ყარაგანდაში ჩასვლის უფლება არ მქონდა, თორემ მკვდარს ან ცოცხალს ჩამოვიყვანდიო. თუ გაქვთ საშუალება, უნდა გაგზავნოთ ვინმე, იქნებ ცოცხალს ჩაუსწროსო. მისამართი ყარაგანდის ოლქი, 39-ე საფოსტო ყუთი. იქ ადვილი მისაგნებია. ვანო სხირტლაძე – ექიმი, ვისაც უნდა ჰკითხოთ, ყველამ იცისო. მე თვითონ ჯაფარიძე ვარ. მხატვარი უჩა ჯაფარიძე, თუ გაგიგონიათ, იმისი ძმა გახლავართო. თუ ღმერთი გნამთ, არავის უთხრათ, მე რომ მოგაკითხეთ, ჩვენ ხელწერილი დაგვანერინეს, რომ ბანაკის შესახებ არავითარ ინფორმაციას არ გავცემდით, თუ გაიგეს, ჯიჯგნას დამინყებენ და აღარა მაქვს ამის ძალა და ნერვებიო.

მთელი ღამე თვალი არ მოგვიხუჭავს. ხან ვტიროდით, ხან ვიცინოდით. მამაჩემი ცოცხალი აღარ გვეგონა და ახლა მცირე იმედი მაინც გაჩნდა, რომ ცოცხალს ვნახავდით.

დედაჩემი სასტიკ უარზე იდგა, მაგრამ ჩემი გავიტანე-მე უნდა წავსულიყავი მამაჩემის ჩამოსაყვანად. მე, ოცდაორი წლის ბიჭი – არმაზ სხირტლაძე, რომელსაც ქუთაისიდან ჯერ ფეხი არ გამიდგამს.

მივყიდ-მოვყიდეთ თუ რამე გაგვარჩნდა, მოვისისხლფასეთ, რაზეც ხელი მიგვიწვდა, ცოტას ახლობლები შეგვეწინვინენ, ცოტა ვიუროისვალეთ და ოქტომბრის თოთხმეტში დავადექი ჩემთვის უცნობ გზას მარშრუტით ქუთაისი-მოსკოვი-ყარაგანდა – ოცდამეცხრამეტე საფოსტო ყუთი.

რა ადვილია სათქმელად და რა გოლგოთის გზაა, ჩემო ბატონო, ეს მარშრუტი ქალაღზე რომ ორ სტრიქონს იკავებს და სინამდვილეში ათასობით კილომეტრს მოიცავს.

მივდივარ, თითქმის ნასესხები ფულით, ცოტაოდენი წამლებით, ხუთი ლიტრი არყით, ოცი ცალი ლიმონით, ორი ქილა ტყემლის

სანებლით და ვეებერთელა შიშით. არც მოსკოვში ვიცნობ ვინმეს და, მითუმეტეს, არც ყარაგანდაში. ყაზახეთზე ჩემი ცოდნა გეოგრაფიის სკოლის სახელმძღვანელოს არ შორდება და, ფიცში ვერ ჩავიყოლებ – ჯამბულის ლექსი ვიცი სტალინზე. სკოლაში გვასწავლეს. თუ გახსოვს, ის ლექსია ასი წლის მოხუცი სტალინის „მამას“ რომ უწოდებს. რუსული? რა რუსული იცოდი შენ, ოცდაორიწლისამ, გაიხსენე და ცოტა იმაზე ნაკლები იანგარიშე ჩემთვის.

კუპეში ჩემთან რუსი ცოლ-ქმარი მგზავრობდა. ხანშიშესულები იყვნენ. წყალტუბოში ვისვენებდითო. ერთი ზედა ადგილი ჰქონდათ ერთი ქვედა მაგენი კანონის ხალხია ჩემზე უკეთ შენ გეცოდინება და ჩემთვის არც უთხოვიათ, ახალგაზრდა ხარ, დაგვითმე ადგილიო. ეგება ქე ეთხოვათ, იმიტომ რომ გაუჭირდებოდა დროულ კაცს ზევით ახტომა, მაგრამ იქამდე არ მივიყვანე საქმე. თქვენ ქვევით მოისვენეთ, მე ზევით მირჩევნიათმეთქი. რაც ორივემ მლოცეს. მეორე დღეს დილით ჩამოვხტი ნარიდან, ფრთხილად გავაღე კარი და გამოვედი კუპედან. ორივეს ეძინა და, სანამ თვითონ არ დამიძახეს შემოდით, არ შევსულვარ. მე ვთქვი, არ შევანუხოთქვა. კონდუქტორს ჩაი და ორცხობილა შემოვატანინე. დედაჩემის გამომცხვარი ჭადი და მრგვალად მოხარშული დედალი შევმატე სუფრას. ძველებური ლიტრიანები ხომ გახსოვს, ფსკერშეკეცილი შავი ბოთლები, ქე-გითხარი, ხუთი იმნაირი ბოთლი მედგა ჩანთაში ორნახადი ჭაჭის არყით სავსე. ერთი ამევიღე და დავდგი. ბევრი ეხვენა ცოლი არ დალიოო, ბოლოს დაემუქრა კიდეც, სამსახურში გიჩივლებო, მაგრამ ვერ დააშლევინა. ორი ჩაის ჭიქა რეკა რუსმა ეს ჩემი არაყი. გალსტუკი და კოსტუმი მეიშვლიპა, გადამხვია ხელი და იმნაირი „კატიუშა“ დააგუგუნა, მთელ ვაგონს ესმოდა.

დილით კურსკის ვაგზალში რომ შევდიოდით, ოთხი ლიმონი დავაძვრე და მივართვი ცოლ-ქმარს. ზოგიერთის ჩვენ, ქართველები, გიჟები ვგონივართ. არ გეგონოს რომ ამას იმიტომ ვაკეთებდი, ეს რუსები რამეში დამჭირდებამეთქი. არც მიფიქრია, მამის სულს გეფიცები. მე სხვანაირად არ შემეძლო. ჩვენ ასე ვართ გაზრდილი. მარტო ხვარ დევინყებდი ჭამას. ისე, ამ ორ დღეში ჩემი დამტვრეული რუსულით ქე მოვუყევი, რა თქმა უნდა, სად მივდიოდი და რა საქმეზე.

სანამ მატარებელი გაჩერდებოდა, ერთმანეთს გადაულაპარაკეს და ქმარმა მითხრა: კაი ბიჭი ჩანხარ, ჩვენ, სამნუხაროდ, მაგ შენს საქმეში ვერაფერს დაგეხმარებით, უბრალო ინჟინრები ვართ, ცოლ-ქმარი (მერე გავიგე, ქმარი პენსიაზე იყო). ერთი ის შეგვიძლია, წამოდი ჩვენთან ღამეს გაგათევებინებთო.

წავყევი. ერთოთახიან ბინაში ცხოვრობდნენ. შვილი მფრინავი გყავს – ბარნაულში მუშაობსო. ჩამიდგეს შეზღონგი და

დამანვინეს. ძერჟინსკის მოედანზე გამიყვანა მეორე დღეს ჩემმა მასპინძელმა და შორიდან დამანახა კვბ-ს შენობა. არ გენყინოს, შიგნით ვერ შემოგყვებიო. არ მიმხელდა, თორემ არ აკავშირებდა მთლად კარგი მოგონებები კაგებესთან.

მივადექი მისაღებს. რა არი ახალგაზრდობა, კვბ ხომ იცი, ვერ გავბედავ, იქანა მისვლას და მაშინდელი კვბ ხომ იცი, რა იქნებოდა. კაგებე კი არ ერქვა, ჩეკა ერქვა მაშინ.

ვინ ხარ? ესა და ეს კაცი ვარ მეთქი, დავაძვრე პასპორტი, უბნის კომიტეტის მონმობა ჩანერაზე. რა გინდა? მამა მყავს ნაპატიმრალი ყარაგანდის გულაგშია, ავად გამხდარა და უნდა ჩავიყვანო ქუთაისშითქვა.

შენ ჭკუაზე აფრაკათ ხვარ ხარო. რა უნდა ყარაგანდაში გულაგსო. ვინ გასწავლა შენ ასეთი რამეებით. გატრიალდი ახლავე უკან. მამაშენს ჩვენ ჩამოგიყვანთ, როცა საჭირო იქნებაო.

ორნი იყვნენ. შემეშინდა და ის იყო გადავდგი კარისკენ ნაბიჯი, ვილაც შავგვრემანი სამხედრო შემოვიდა. შენი ზემლიაკიაო, რუსებმა. „ჰაეს?“ მომიბრუნდა, რომ შემატყო, ვერ გავიგე, სუფთა ქართულით მეკითხება – ქართველი ხარ ბიჭო? აქ რა გინდა?

ვუთხარი ყველაფერი. ცნობა თუ გაქვს ქუთაისის უშიშროებიდან, რომ მამაშენი გასამართლებულია და ნამდვილად ყარაგანდაშიაო. დამცინით? როდის იყო მაგნაირ ცნობას უშიშროება იძლეოდა მეთქი. აბა რა იცი, რომ ყარაგანდაშიაო. ხომ არ ვეტყოდი უჩა ჯაფარიძის ძმამ გვითხრა მეთქი. ვიცი, ნამდვილად, 39-ე საფოსტო ყუთი, ყარაგანდიდან თვრამეტ კილომეტრშიამეთქი. ჩამაცივდა, ვინ გითხრა და ვინ გითხრაო. ოღონდ შენ ეგ მითხარი და მე თვითონ ნამოგყვები ყარაგანდაშიო. არ ვიცი, ვილაცამ შუალამისას ჭიშკრიდან დაგვიძახა, სახეზე არც დამინახავსმეთქი.

გაეცინა. კარგი ბიჭი ყოფილხარო. მომკიდა ხელი, მატარა ზევით-ქვევით. რომ არ დაგიმალო, ხუთ კაბინეტში მანინც შემიყვანა და გამომიყვანა. ბოლოს თვითონ ჩამყვა ქვევით, მატარებლის ბილეთი გამოანერინა. იქვე, იმავე შენობაში ბილეთი ამაღებინა და მითხრა – ხვალ, მოსკოვით თექვსმეტ საათზე გადის შენი მატარებელი. გზაში მანინცდამანინც ბევრი არ ილაპარაკო, წარმატებას გისურვებ, თუ გაგიჭირდეს, ამ ნომერზე დამირეკეო, თავისი ნომერი მომცა.

ჩვენ ქართველებს, ორ რამეზე გვაქვს სხვებისაგან განსხვავებული წარმოდგენა, ჩემი დაკვირვებით, „სიშორეზე“ და „ბუნებაზე“. ჩვენთან ყველაფერი ახლოსაა და „შორიაო“. ქართველი კაცი რომ იტყვის, ის „შორი“ ალბათ, ჰა, ქუთაისიდან გურჯაანამდეა – მეტი არა. წარმოიდგინე ცხრა დღე მიდის მოსკოვიდან მატარებელი გაუთავებელ სტეპში და ტრამალებში. ახლა „ბუნება“? „ბუნება“

ჩვენთვის სამოთხის დეკორაციაა დახატული, თბილი, ტკბილი, მომფერებელი. ახლა ყაზახეთის, ბუნება ნახე? ყარაგანდიდან თვრამეტი კილომეტრი ფეხით ვიარე. ასეთი სიმწარე სამოცდაათი წლის კაცი ვარ მე არ დამდგომია. კიდევ კარგი მარტო არ მოვდიოდი, თვარა ცოცხალი ვერ ჩამოვალწევდი.

ორი ჩატელეგრეიკებული ქალი დამემგზავრა, ვინ ხარო მკითხეს. ქუთაისელი ვარ, მამა მყავს 39-ე საფოსტო ყუთში პატიმარი მეთქი, გაჩერდნენ. ერთმა მათგანმა ლოყაზე უშველებელხელათ-მანიანი ხელი მიირტყა – არმაზი ხარ შენო?!

გადავირიე კინალამ. ციმბირს იქეთ, შუა ყაზახეთში, უდაბნოში, ოცკილომეტრში ირგვლივ კაცის ჭაჭანება რომ არაა და ქვიშის გორაკები იქეთ-აქეთ დააქვს ქარს, სიცივე ძვალ-რბილში რომ ატანს და კბილებში ქვიშა კანკანებს, ნიჩბისსახა თვალწვრილა ქალი გეკითხება – არმაზი ხარ შენო?

არმაზი ვარ მეთქი.

ექთნები აღმოჩნდნენ. მამაჩემის ამბულატორიის თანამშრომლები. სისხლი მოუნამლა და ძალიან ცუდად არისო. გუშინწინ ანდერძი დაწერა და დაგვიბარა, რომ მოვკვდები, მხოლოდ წლისთავზე შეატყობინეთ ოჯახსო. სასაფლაო ქვა თვითონ გააკეთებინა – ქართულად და რუსულად წააწერა თავისი გვარიო. სასტიკი წინააღმდეგი იყო შენი ჩამოსვლის, აქედან მაინც ვერ წამიყვანს და ტყუილად გზაში რამე ხიფათს გადაეყრებაო.

ლამის სამი საათი იყო, ბანაკში რომ მივედი. არ ეძინა მამაჩემს. მაღალი სიცხე ჰქონდა. ნუხდა, ბორგავდა. ჯერ დავუწოქე, ვკოცნე, ვეფერე, მივიჩვიე, სუნი ვაგრძნობინე ჯილაგის. მამა-შვილს ერთნაირი სუნი აქვს, ხომ იცი შენ, და მერე გავუმხილე, ვინც ვიყავი.

ჯერ კინალამ ჩამაკვდა ხელში. რა ყოფილა სიხარულის ელდა, კაცო. მერე ისტერიული ტირილი აუტყდა და ვერ გავაჩერეთ, ბოლოს ჩხუბი დამინყო, რატომ ჩამოხვედი, რატომ ჩაიგდე თავი ამ დღეშიო. შენ რომ რამე დაგემართოს, ხომ გადაირევა დედაშენიო.

თვენახევარი დავრჩი გულაგის საავადმყოფოში. ცოტა შემოვ-აბრუნე სასიკვდილოდ გადადებული მამაჩემი. სიცხის დაგდება გაგვიჭირდა ყველაზე უფრო. ორგანიზმის საერთო მონამვლისა და მოყინვის გამო მარჯვენა ფეხს პულსი აღარ ჰქონდა ტერფთან, სისხლი არ მიენოდებოდა. მუხლს ქვევით შეგრძნებაც არ ჰქონდა. განგრენული მდგომარეობა იყო, მაგრამ ამჟუტაცია არ გავაკეთებინე. მე ვთქვი, შეიძლება მოხდეს სასწაული და ამოძრავდეს სისხლი მეთქი.

თვითონ ყველაზე უკეთ იცოდა, რაც სჭირდა. ფართო პროფილის ექიმი იყო ყველაფერს კითხულობდა და ცდილობდა, ყვე-

ლა სწეულებზე ჰქონდა წარმოდგენა. ადამიანიო ერთი ორგანიზმიო, ერთი ავადმყოფობა მეორეს ინვევს და საბოლოოდ ყველა ავადმყოფობა ტვინიდან მოდისო, იცოდა თქმა. ჩვენი ზოგიერთი ექიმი სიღრმეში კი არ ჩადის, მიზეზს კი არ ეძებს, ერთ ორგანოს მკურნალობს ლოკალურად ორგანიზმისგან გამოთიშულად. გადის სამი თვე და ისევ უჩნდება კაცს წყლულია, თუ ჰიპერტონია. მიდის ექიმთან, ექიმი ეუბნება, რა გიყო, ძმაო, მაშინ ხომ მოგარჩინე, რეჟიმი დაგირღვევია, შენი ბრალიაო. სინამდვილეში არ იყო ბოლომდე მორჩენილი. ის კერა არ იყო აღმოფხვრილი, საიდანაც დაიწყო ავადმყოფობა.

შუა დეკემბერი იყო რომ გამომიცხადა, ჩემი საქმე წასულია, წადი ახლა შენ. დაბრუნდი ქუთაისში, არ ღირს ჩემი თრევა აქედან, ხომ ხედავ, ფეხზე ვერ ვდგებიო.

რავა ფიქრობ, მამაჩემო, მიგატოვებ ახლა მე შენ აქანა და მართო ჩავალ ქუთაისში-მეთქი? რამ გაფიქრებინა ეგ ამბავი. სანამ გამომჯობინებოდე, მზად ვარ ათი წელი ვიჯდე, ასე, ტაბურეტზე შენს გვერდით და გითიო ღამე. უსაშველო არაფერი გჭირს, ნუ გეშინია-მეთქი.

აბა, მაშინ დროს ნულარ დაკვარგავთ, თუ წამსვლელები ვართ, წავიდეთ. რა ვიცი ხვალ რას მიზამს ეს ვერაგი სენი. ეგება მოხდეს საოცრება და ღვთის შენევნით (საერთოდ ღმერთი არ სწამდა, არც მე მწამს, ვერ მოგატყუებ) ცოცხალი ჩამიყვანო ქუთაისშიო.

მეორე დღესვე გამოვვარდი ყარაგანდაში კოლონიების ცენტრში საბუთების გასაფორმებლად და ბილეთის ასაღებად.

ოთხთვენახევრის გათავებული ჰქონდა პატიმრობის ვადა, ამონერილი ჰყავდათ უკვე. მეტსაც გეტყვი: გარდაიცვალა მუცლის ტიფით და დასაფლავებულია საერთო სასაფლაოზე, ეწერა მამაჩემის გვარის გასწვრივ გრაფაში. წინასწარ ეზრუნა ვილაცას.

მივედი რკინიგზის სადგურში და მეუბნებიან; დღეიდან ფული შეიცვალა ძველი ფულის ნიშნები ანუღირებულიაო. იღბალი არ გინდა? გავვარდი-გამოვვარდი... ერთადერთი გადასაცვლელი პუნქტია ყარაგანდაში. იქაც ათასზე მეტი კაცი დგას რიგში. მოქალაქეებს რალაც კაპიკებს უხურდავებენ, იმასაც ახსნა-განმარტების ქვეშ. უნდა დაწერო, საიდან გაქვს ფული. იმ გადახურდავებულ ფულით მოსკოვამდეც ვერ ვყიდულობ ორ ბილეთს. გზაში ჭამა, მოსკოვიდან ქუთაისში ჩასვლა არ გინდა? ვზივარ და ვტირი. მომაკვდავი მამა მყავს წასაყვანი და, ჩემდა ჭირად ახლა გამეიცვალა ფულიმეთქი. ტირილი და გაჭირვება იქანა ვის უკვირს ვილაცამ მითხრა: ქალაქის საბჭოში მიდიო, მგონი ქართველი მუშაობს იქ საბჭოს მდივნადო. მივედი. მდივნის ოთახს მართლაც აწერია „ლექვინაძე“ შევედი. რუსის ქალი ზის. ლექვინაძე მინდამეთქი.

მე ვარო. ბოდიშს ვიხდომეთქი. აქ კარებზე ქართული გვარი რომ ენერა, მდივანი ქართველი მეგონამეთქი. გაეცინა. რა გაგჭირვებიაო. ავუხსენი ყველაფერი. ადგა ეს ულამაზესი ცისფერთვალა, თეთრთმინი კინოეკრანიდან გადმოსული ქალი და თავისი ფეხით გამომყვა. ქართული, რასაკვირველია, ერთი სიტყვა არ იცის. თვითონ არ უთქვამს და მე ხომ არ ვკითხავდი, რატომ იყო ლექვინაძე.

რაც იმან ჩემთვის იწვალა. ჯერ გადამცვლელ პუნქტთან, მიტინგის მოწყობა დაჭირდა. ურიგოდ რომ გავეშვით. სიტყვა თქვა ხუთმა-ექვსმა კაცმა და ხმის უმრავლესობით გადაწყვიტეს, მართლა გეუბნები.

ახლა ფულის გადაცვლა ნორმის ზევით? საბჭოს მდივანმა ვერავის გააგებინა, რაში გეჭირდებოდა ფული და ბოლოს რევოლვერზე წაივლო ხელი; დაგხოცავთ თქვენი დედაო, მწოლიარე ავადმყოფი მიყავს, რა ქნას აბა იმათხოვროს გზაშიო?

ახლა ავადმყოფზე გეტყვი! მოსკოვამდე სამი მატარებელი გამოვიცვალეთ. საწყალი მამაჩემი ორი ზენრით აგყავდა და ჩამოგყავდა ვაგონიდან (საკაცე არ შეიძლებოდა, საკაცით ვერ მოტრიალდებოდი) და თითქმის ყველა შემხვედრი გაოცება-აღშფოთებას ვერ მალავდა – რატომ მიგყავთ და სად მიგყავთ ავადმყოფიო. ჯერ ამ გზაზე ავადმყოფი მგზავრი არავის უნახავსო. ამის ხარჯზე ხომ ერთი ჯანმრთელი ადამიანი წამოვიდოდაო. მოკვდებოდა და დაასაფლავებდით ადგილზეო. ვუხსნიდი, რომ თავის მშობლიურ ქალაქში, ცოლ-შვილის მოსახანხულებლად მიმყავდა, თუ მოკვდება თავის მიწაში მაინც დაიმარხებამეთქი. ისე იყო ხალხი გამკაცრებული, ვუხსნიდი ამას, მაგრამ ვერ ვაგებინებდი. როგორც გიჟს ან როგორც მეზობოური ერის ადამიანს ისე შემხედავდნენ და გამმორდებოდნენ.

ალარ გადაგლი ბატონო გელა, მოსკოვამდე, მოსკოვიდან თბილისამდე და თბილისიდან ქუთაისამდე ჩვენი წამების მოყოლით.

სხვათაშორის, თბილისში, სადგურზე უშიშროების წარმომადგენელი დაგვხვდა და ტყავი კინალამ გამაძრო – რატომ არ შეგვითანხმდი, რომ მოდიოდით. ქუთაისის უშიშროებამ იცოდამეთქი. ჩვენც უნდა გვცოდნოდით. შენ ყარაგანდაშიც არ იყავი ჩასული, მოსკოვიდან რომ დაგვირეკეს და სასტიკი საყვედური გვითხრესო. ბერიას უმაღლოდ, რომ არ გაპატიმრებთ, ბერიამდე მიაღწია თქვენმა ამბავმაო.

1947 წლის 31 დეკემბერს, საახალწლოდ ჩავიყვანე მამაჩემი შინ.

რიონის სადგურში ლამის, მთელი ქუთაისი დაგვხვდა.

ორთვენახევარი იცოცხლა ჩამოსვლის მერე. მეტი ვერა.

\* \* \*

ძალიან გთხოვთ, მომისმინო, შვილო, თუ რამეს დამეხმარები, ხომ კარგი, თუ არადა ნავალ ჩემს გზაზე. მითხრა კი, როგორ არ მითხრა, თქვენს კაბინეტთან გოგო რომ ზის, ასეთი საქმეები, დეიდა, ჩვენს ჟურნალს არ ეხებაო, მაგრამ მე მაინც დავიცადე. მოვუყვები ჩემს ამბავს ბოლოს და ბოლოს, მოსმენას ხომ არ დამამადლის-მეთქი. რაც შეიძლება, მოკლედ გიამბობთ. ვიცი, ათასი საქმე გაქვს შენც. სხვისი თავი ვისა აქვს ახლა, ყველას თავისი თავი უჭირს. მაგრამ „ნუგეში“ აწერია თქვენს კარებს და ამან შემაგულიანა. თუ ჭკუაში დაგიჯდეს ჩემი ნათქვამი, ერთი კარგი კრიტიკა გაუწიე, ვინც მე მანვალებს. პენსიის ამბავზე ვარ ალოღებულის ამ ხნის ქალი. პირველი ჯგუფის ინვალიდობა მეკუთვნის და ვერაფრით მივალწიე. ორმოცდარვა ლარს და ორმოცდაათ თეთრს ვღებულობ პენსიას. მარტოხელა, უპატრონო ქალი ვარ, შვილო, და არ მყოფნის, არც სიგრძეზე მწვდება ეს ორმოცდარვა ლარი და არც სიგანეზე, თორემ ვინ მამაძალლი ჩამოვიდოდა ამ სიცხეში. ორი ჯოხით დავდივარ, ხომ მიყურებ. ქარმა რომ დამიბეროს და წავიქცე, ანდა ვინმეს შევექარაბაკო ფეხებში, ისე დავიშლები, გენაცვალე, რომ ნაწილ-ნაწილ ასაბოჭი გავხდები.

ათას ცხრაას ოცდაჩვიდმეტში დავამთავრე საშუალო სკოლა მე, დაბა ოყურუაში. არ ვიყავი ცუდი მოწაფე. მასწავლებლებს ვუყვარდი ძალიან. ახლა რომ ვუფიქრდები, შეიძლება იმიტომაც უფრო ვუყვარდი, რომ სიობლემი ვიყავი გაზრდილი. ჩვენი სახლი მენწყერს ჩაეტანა და მშობლები მაშინ დამლუპვოდა, ეს ერთი ცალკე ისტორიაა, მაგრამ აღარ მოგყვები. მე, თურმე, ნათესავ გოგოს ოხვამეში წავეყვანე, ისე ა, გასასეირნებლად აკვნის ბავშვი. თვითონ გასათხოვარი გოგო იყო, თურმე, მაშინ და გასათხოვარ გოგოებს ხომ უყვართ პატარა ბავშვის ტარება იქეთ-აქეთ. იღბლის ამბავია, ალბათ, ყველაფერი და შემთხვევამ გადამარჩინა, თორემ მეც იქ დავინთქმებოდი მენწყერში და, შეიძლება, უკეთესიც ყოფილიყო, გადავრჩებოდი ამ წვალებას და დავიდარაბას. რა სიამე მე მანახა წუთისოფელმა, რომ იმ გადარჩენის მაღლობელი ვიყო. მობრუნებულა ეს გოგო ჩემიანად სამ-ოთხ საათში და ჩვენი ეზოსახლის ადგილას ცარიელი კბოდე დახვედრია. წვიმები იყო თურმე იმ კვირაში უსაშველო, მოუნყვეტია ჩვენი სახლი ჭიან-ნაღიან-სასიმინდიანად და აქაფებულ ტეხურში შეუცურებია. მკვდრებიც ვერ იპოვეს, თურმე, საწყალი ჩემი მშობლები. საფლავიც აღარ ჰქონდათ უბედურებს, არ ვარგა არა, წყლის პირას სახლის დადგმა. ჩვენი წინაპარი, თუ დაკვირვებისხართ, ყოველთვის მაღლა, მთაზე



დგამდა სახლს. სულ მალაა ნასოფლარები და დაბლა ახლანდელი სოფლები. არის მერე გაზეთში ერთი ამბავი; არიქა, სტიქიამ ეს ნაილო და ის ნაგვართვაო. სად ვიყავი? ჰო, დავრჩი ასე ხელზე, ნათესავ გოგოს – ფათუშას. არ გათხოვდა თვითონ ჩემს გამო და გამზარდა შვილად. ათი წელი არც იქნება, რაც მომიკვდა უბედური გამზრდელი. კაი სიმწარე ნახა იმანაც ჩემს ხელში.

დავამთავრე სკოლა და უნივერსიტეტს მივაკითხე. მათემატიკურზე ვაბარებდი გამოცდებს. მათემატიკა მიყვარდა ბავშვობიდანვე. რა გვექნებოდა ჩვენ, უკაცო ოჯახს, მოგეხსენება, თხა გაყიდა ფათუშამ და ძლივს მომიხერხა ორი კაპიკი გზის ფულად, თბილისში ჩვენი სოფლელი ღურწკაია ცხოვრობდა. მასწავლებელი იყო ცხონებული. ვინც თბილისისკენ იზამდა პირს, ყველა იმ ღურწკაიას აკითხავდა ღამის გასათევად. მივადექი მეც ხუთი კილო ფქვილით, ორი წველა ყველით და ერთ თავსაფარგამოკვრა ალუჩით კარზე. უნივერსიტეტში უნდა ვისწავლო და თქვენთან უნდა ვიცხოვრო მეთქი. მოდი ბაბაია, თუ სადმე დასაწოლს იპოვი, ჩემი თავი გენაცვალოსო, ღურწკაიამ. მივიხედ-მოვიხედე, მართლაც მუთაქის დასადები კუთხეც არ იყო თავისუფალი ღურწკაიას ბინაში. ისე პირწმინდათ გავესოთ ნათესავ-მეზობლებს მისი ოროთახიანი ბინა, რომ მასპინძლებს – ცოლ-ქმარს და ოცდახუთი წლის ბიჭს სამზარეულოში ეძინათ. რას ვეტყვოდი, რას ვემართლებოდი ამ პატიოსან ხალხს. ჩვენი სოფლელი გოგო ცხოვრობდა ნაქირავებში (ისიც უნივერსიტეტში სწავლობდა) ლუნაჩარსკის ჩასახვევში იქვე, ოპერასთან და იმას შევეკედლე. ამ ერთ თვეს გაგაჩერებ და სექტემბერში მოძებნე ადგილი, ჩემი ძმა უნდა ჩამოვიდეს სუვოროვის სასწავლებელში და სამივე ერთად ვერ დავეტყვითო. ჩემს სიხარულს საზღვარი არ ჰქონდა, რაკი თავის მისადები და გადასაწვიმებელი ვიშოვე და ქუჩაში არ მომიწია ღამის გათევამ.

ვაბარებ გამოცდებს უნივერსიტეტში. მაშინ, შეიძლება გაგიგონია, ბევრი გამოცდა იყო ჩასაბარებელი. ცხრა თუ ათ საგანში გვცდიდნენ. ოჰ, რა ყურადღებიანი, თბილი, ინტელიგენტით რომ იტყვიან, ისეთი გამომცდელები. ძვირფასი, ღამაზი, სანდომიანი ხალხი, დიდი მეცნიერები, რა ყურადღებით გვექცეოდნენ ახალგაზრდებს, სადაა ის თაობა, ახლა მაგნების ძვალის ალარ იქნება მინაში. ბოლო გამოცდაზე ვარ მისული. თავი ქუდში მაქვს, რომ იტყვიან. ჩაჭრით, მე მგონია, არავინ ჩაჭრილა, მაგრამ ზოგმა თვითონ მიატოვა გამოცდები, ან ბინა ვერ იშოვა, ან თბილისს ვერ შეეგუა, რა ვიცი, რა მიზეზით. ერთი სიტყვით, კონკურსი კი არა, ოთხი კაცი გვაკლია პირიქით მათემატიკის ჯგუფს. ბოლო გამოცდა ასტრონომიაში გვქონდა; ისე სიმბოლურად ჩავაბარებდით

და სტუდენტები ვიყავით უკვე. ასე, მაგალითად, ხვალ რომ ასტრონომიის გამოცდა მქონდეს და დღეს რომ მომაკითხონ. ახალშებნელებული იყო, ჩვენი დაბის მილიციის უფროსი ეგუტია და შინსახკომის უფროსის მოადგილე ჩოჩია რომ დაგვადგენ თავზე. ეგუტიას არ ვიცნობდი და ჩოჩია ჩვენი მეზობლის გოგოს ჰყვარობდა, მოდიოდა იქ ხშირად და მამამისს ელაპარაკებოდა ცაცხვის ძირში. ვუყურებდით მეზობლები, ხომ იცით ცნობისმოყვარე ბავშვები; კინის სასიძომ მოაკითხაო. ეს ჩოჩია რომ მოვიდოდა, ის ჩვენი მეზობლის გოგო – ლულუ ოდის კიბეს აირბენდა და, სანამ ჩოჩია მოსახვევს არ გაშორდებოდა, ფეხს არ ჩამოდგამდა ძირს.

შენთან ვართ მარგუშიო, მილიციის უფროსმა. მარგო ქებურია ხომ ხარ შენო. კი ბატონო მეთქი. უნდა წამოხვიდე ოყურუაში ამაღამ, შენთვის ვართ ეს ორი კაცი ჩამოსული აქო. დღეს ვერ წამოვალ და ხვალ ისედაც მოვდიოდი, ხვალ ბოლო გამოცდა მაქვს ასტრონომიაში-მეთქი. ვიუარე წასვლა. წამოხვალ, წამოხვალ ბიძია, ნეტავი ან შენი ნება იყოს შენი არ წამოსვლა და ან ჩვენი ნებაო, ეგუტიამ. ჩოჩია ჩუმად არის, არ იღებს ხმას. კი მაგრამ, გამოცდას თქვენ ჩამიბარებთ? მე ვუთხარი. ჩაგაბარებინებენ მერე, თავის დროზე, ნუ გეშინია, არ დაგტოვებენ უგამოცდოლო. რა საქმეა ახლა ასეთი, ჩემს ფათუშას ხომ არაფერი შეემთხვა მეთქი, გავიფიქრე. თურმე შენი თავი იტირე, მარგო ქებურია, დაპატიმრებული ხარ თურმე და არ გეუბნებიან ჯერ. მატარებელში რომ ჩავჯექით ე, მერე გამიძხილა ჩოჩიამ, ბევრი ვეხვეწე გვილავას, მაგრამ არ გამივიდა არაფერი, ლულუს მეზობელი ხარ, ვიცი შენო. რატომ გაიბი ხლაფორთხი თავი, მშვენიერი გოგო ხარ, ისწავლიდი უნივერსიტეტში, გათხოვდებოდი მერე და შენს ბედს ეწეოდი, რა შენი საქმე იყო მთავრობასთან ჩხუბი, გათახსირებულ ძუკუ ქოჩილავას როგორ აყვივი, რანაირად დაგემართა ეს ამბავი შენო. ძუკუ ქოჩილავა ჩვენი სკოლის სიმღერის გუნდის ხელმძღვანელი იყო. მეჩონგურე ძუკუ გუგულივით კაცი, წყნარი, სიკეთით სავსე, ხუთი მცირეწლოვანი შვილის მამა. ორ სიტყვას არ იტყოდა ერთიმეორეზე. რა მთავრობასთან ჩხუბი, რისი ძუკუ ქოჩილავა, მეხუმრებით ალბათ მეთქი. ძუკუ „ჭიჭე ტურას“ გვასწავლიდა, რაიოლიმპი-ადაზე გაგვიყვანა და მერე აღარც გვინახავს მეთქი. შენ როგორც ჭკუამ გაგიჭრას, ისე მოიქეცი, მაგრამ მასე ლაპარაკი არ გამოგადგება იქო, ჩოჩიამ, ჩემი რჩევა იქნება, ქალიშვილი ქალი ხარ, თავი არ აწვალე ბინო და მომავალი მთლად არ დაიღუპო, მოაწერე ხელი, რასაც გეტყვიან, ასე აჯობებს შენთვისო. მე ვიცი, მე რასაც ვიზამ მეთქი, ჯერ ეს გამოცდა რომ მიმატოვებინეთ, მაგაზე გაგებინებთ პასუხს-მეთქი. პრავაკაცია ჩემთან არ გაუვა არავის, კომკავშირე-

ლლენინელი გახლავართ-მეთქი. არ იცი, რას ვეტყოდი ჩვიდმეტი წლის კომკავშირელი ტუტუცი, შვილო?

ახლაც თვალწინ მიდგას იმ დილით, მატარებლიდან ჩვენი ჩამოსვლა. წვიმს, ცა ფეხად ჩამოდის. საზაფხულო თხელ კაბაში ვარ მე, არც ქოლგა, არც პლაში, ეს ორი კაცი ნაბიჯზე არ მშორდება. წყალმა ისე შემომანება კაბა-საცვალის ტანზე, რომ დედიშობილა ვეგონები, ვინც თვალს შემავლებს, მაგრამ სირცხვილისთვის მცხელა ახლა მე? ვანრიალებ თვალებს, ეგება ნაცნობი დავლანდო ვინმე. სამი ჩემი ჯგუფელი გოგო ჩაატარეს, ენა ჩამივარდა, რომ შევხედე, თითოს ორ-ორი ჩეკისტი უდგას გვერდით, ასე, როგორც მე. ესე იგი ისინიც აუყვანიათ. თბილისიდან მოჰყავთ, ეტყობა ასე, ჩემსავით მონყვიტეს გამოცდებს. ჩემი კარის მეზობელი, კოჭლი შაკია მოიქნევს, აგერ, ხის ჩემოდანს. ჩავებლაუჭე ვაგონის კიბეს და შევუძახე: – შაკია, ბიძია, დაპატიმრებული ვარ და გააგებინე ფათუმას. არ შემიძინო, ისე უთხარი მოხუჯურად. მე არაფერში არ ვარ დამნაშავე. გაარკვევენ მალე და გამოშვებენ-თქო. შენ გენაცვალე, შაკია ბიძია!“ შაკია ფოცხვერით შემოტრიალდა და კინალამ ზედ შემომასკდა. „რას ჰქვია დაპატიმრებული, დასაპატიმრებული რა გჭირდა გუშინდელ ლლას შენო“, ეს მითხრა და ჩემს „მცველებს“ რომ ახედდახედა, მდულარეგადასხმულივით უკან დაიხია; ესენი ტყვილად არ დაგიჭერდნენ, რატომ ჰქენი, რატომ დაიკარგე, ბიძიკო, თავიო“. მაშინ წამსკდა ტირილი. ისე მაგრად ჩავაფრინდი ვაგონის კიბეს, რომ ძლივს გამაშვებინეს ხელი ჩოჩიამ და ეგუტიამ.

მე რომ შემაგდეს, მეშვიდე ვიყავი კამერაში. მერე თერთმეტი გავხდით. თერთმეტი კი არა, თოთხმეტი. ოთხი ცალ-ცალკე მოიყვანეს, ბოლო ვინ შემოაგდეს, თუ იცი, ლულუ, ჩემი მეზობელი, ლამაზი ლულუ. ვითომ ჩოჩიას საცოლვე რომ გვეგონა ყველას. უარი რომ ვუთხარი, იმიტომ გამიკეთა ესო, შენ გეუბნები და იცოდე, თუ ცოცხალი გახვედი აქედან, გააგებინე ქვეყანასაო, როდის მითხრა, თუ იცი, სანყალმა, მესამე ღამეს, ნანამებ-ნაჯიჯგნი რომ შემოათრიეს კამერაში. გონწასულს ერთი ვედრა წყალი რომ გადაასხეს და ჩვენ დაგვიბღვირა დათვისტორება ჯალათმა – თუ ჭკვიანად არ მოიქცევით, უარესი გელით თქვენცო.

ექვსი გოგო კამერაში თანაკლასელები ვიყავით. დაპატიმრების პირველ სამ დღეს სხვა ქალები გაყავდათ შუალამეგაცილებულზე დასაკითხად, ჩვენ არ გვეძახდნენ და, გითხრა სიმართლე, გვიკვირდა. თურმე ჯერ სადა ხარ. მეოთხე დღეს დაიწყო ჯოჯოხეთი. პირველი – მელენტი სხულუხიას გოგო გაიყვანეს, მერი. შვილად მეკუთვნი, შემოგველოს ჩემი თავი, და, არ მოგერიდები, სიმართლე მინდა, რომ იცოდე. ამიტომ არ გაგიკვირდეს, უხერხულ რამეს თუ

მოჰკრა ყური. სინამდვილე ყველაფერი, ტყუილის გამოგონების თავი და ტვინი ვინ მომცა მე ბედდამწვარს. რომ შემოჰყავდათ სხვა ქალები ნანამებ-ნაუბედურალი, ჩვენ, ჯერ კუთხეში ვიყავით მიბუზულები გნოლის ბარტყებზე, მერე ცახცახით დავესოდით „დაკითხულს“ და ვისმენდით დამცირების ამაზრზენ ამბებს. მე თვითონ გულში მქონდა გადანყვეტილი – თუ პატიოსნების დაკარგვაზე მიდგა საქმე, თავს შევაკლავ მეთქი. სხვებს მე არაფერს ვეუბნებოდი, სხვამ თავისი საქმე თვითონ იცოდა. ის მერი მეთქი, რომ გითხარი, გამთენიისას დააბრუნეს. ადამიანად აღარ ვარგოდა. მინისფერი ედო. თვალები და სახე ხომ დასიებული ჰქონდა ნამტირალევს, ძუძუს ზემოთ, სამ ადგილას მოკიდებული პაპიროსი მიესრისათ ბროლივით კანზე, ადამიანიშვილი იზამდა ამას?

ქოჩილავას დაღუპულები ვართ გოგოებოვო, მერიმ. ქოჩილავას ჩვენებაში ვართ მოხვედრილები. სტატია – 58, მუხლი 10-11, ამ ბრალდებით გავდივართ ყველაო. კოლმეურნეობის წინააღმდეგ პროპაგანდას და საბჭოთა ხელისუფლების დასამხობად მზადებას გვაბრალდებენო. არაფერი არ გადის. ჩვენი ჩვენებები მზადა აქვთ. ხელის მოწერა უნდათ, მეტი არაფერი. თუ არ გამოტყდები, რაც კი საძაგლობაა ამ ქვეყანაზე, ყველაფერს გიკეთებენ – რტყმევიდან დაწყებული ნეხვით სავსე კარცერში შეგდებით დამთავრებულიო. ჩვენს საქმეს თვითონ შინსახკომის უფროსი გვილავა იძიებს, მამალი მგელი თუ გაგიგიათ, ის არის ნამდვილი; შეხვალ თუ არა, ნიფხავზე გსტაცებს ხელს, ორჯერ რომ ხელზე ვუკბინე, ა, ნახეთ, მათრახით ამიჭრელა უკანალიო, ჩაინია ტრიკო საცოდავმა და ლურჯ-წითლად დახაზული რბილი ადგილი გვიჩვენა. სანამ ბარგს ჩამომართმევდნენ და კამერაში შემომადგებდნენ ჩოჩია და ეგუტია, ნაქსოვი ჩანთიდან ცხვირსახოცები ამოვიღე. ზედამხედველმა კინალამ წამართვა, ფართო ცხვირსახოცები არ შეიძლება, პატარა ცხვირსახოცების ნება გაქვთ მხოლოდო. გოგო ვარ, შე ღმერთგამწყრალო, მე ვუთხარი, ან და, ან მამიდა არ გყავს სახლში? მთლად ამონყვეტილი როგორ იქნები მეთქი. მოუღბა გული და დამიტოვა ის ჩემი, კრედიტინის მოქარგული ცხვირსახოცები. რატომ გავიხსენე, თუ იცი, ახლა ის ცხვირსახოცები? დასაკითხავად დაძახებულს გოგოები ვუკუჭავდი კაბის ჯიბეში. პირველად იმ მერის გავატანე, მერე სხვებსაც, რალაცნაირად ვაგულიანებდი, ვითომ, იმ ცხვირსახოცით, თუ ყურადღებას ვიჩინდი, ვერ გეტყვი მაშინ. მერე იმ ჩემმა ცხვირსახოცმა რალაცა სხვა გასაგისი შეიძინა. რადა, გეტყვი, შვილო. გვილავა გათახსირებულის იერიშს ყველა ვერ უძლებდა. დაკითხვიდან გამოყვანილს ზევით, ტუალეტში გამოატარებდნენ და ზოგი იქვე ტოვებდა ცხვირსახოცს. ზოგს ჯიბეში ედო ცოტა ამონეული გამოსაჩენად.

ვინც უცხვირსახოცოდ მობრუნდებოდა, ჩვენ არაფერს ვეკითხებოდით, მაგრამ ვიცოდით, რაც ჭირდა. გასაგები იყო ყველაფერი. გვიღავას თავისი სიმხეცე გამოეჩინა. რა დაგიმალო და იმ ექვსიდან ორი ჩამოვიდა უცხვირსახოცოდ და ორივე შედარებით მალე ჩამობრუნდა. შეგვეშინდა წამების და მოვანერეთ ხელი, რა გვექნა, აბაო. ცხვირსახოცებზე არაფერს ამბობდნენ და ჩვენც არაფერს ვეკითხებოდით იმ უბედურებს. ეგ კი არა, ერთს, გასამართლებამდე, დღისითაც ეძახდა დაკითხვაზე გვიღავა და დიდხანს იტოვებდა. მე მეოთხე ამიყვანეს. პატარა, ჩარკინულსარკმლიანი ოთახი, კარის მარცხნივ რუხადიალაგადაფარებული ხის სანოლი იდგა. ისეთი ადი-ალები ომამდე გამოჩნდა ბაზარზე, მგონი ჰოლანდიური იყო. მაგიდას ტყავისკურტკამოხურული კაცი უჯდა. მაჯებზე და საყელოზე ბლუზა პირწმინდათ ჰქონდა შეკრული. მალალი, ბობრი კაცი იყო გვიღავა, წვრილთვალება და მრგვალკისერა. პირდაპირ, კედელზე ბერიას ცვილისფერჩარჩოიანი სურათი ეკიდა. გვიღავამ ლოგინზე დამსვა და თავზე ისე ახლოს დამადგა, რომ მუხლს ზემოთ მის ტყავის შარვალს ლამის ნიკაპით ვეხებოდი. თავი რომ განზე შევებრუნე, გვერდით დამიჯდა და, თითქოს იატაკს ეუბნებო, ყრუ ვითომ დაღლილი ხმით გამაგებინა – გეტყოდნენ ალბათ, მარგო, რაზე ხართ დაკავებული. შენ, მე მგონია, ჭკვიანი გოგო ხარ და გეცოდინება, ჩვენთვის რომ ცნობილია ყველაფერი. სანამ სხვებმა არ აღიარეს, არ დაგიძახე, ხომ ხედავ. აგერაა მაგიდაზე შენი აღიარება და მოანერე ხელი. ისე, საერთოდ, საყვარელი გოგო ხარ შენ. თუ ჭკვიანად იქნები, ნაკლებს მოვაცემინებ მოსამართლეს და შეიძლება გავაშვებინო კიდევ შენი თავი. ქებურია მყავს მე ქვისლი და მიყვარს თქვენი გვარი საერთოდ. ა, აგერაა ეს ქალაღი და მოანერე ხელი, ნაიკითხე, თუ გინდა, წინასწარ, მარა კარგად სწერია ყველაფერი, არ ჩავანერინე ზედმეტი არაფერი. იყავით დანაშაულებრივ ჯგუფში, მოგივიდათ შეცდომა და, ა, რას იზამთ ახლა, ისე რა ლამაზი ნიკაპი გაქვს, რომ იცოდე, ასწიე თავი, ნიკაპზე გაკოცებ, მარტო ნიკაპზე და, თუ არ მოგეწონება შენც, დაგანებებ თავს მაშინვე. ა, აწიე თავი და დახუჭე თვალები. კარგი გოგო ხარ შენ“.

„გვიღავა არაკაცო, ხელს არაფერზე არ მოვანერ, ეგ თქვენი შეთითხნილი აღიარება კარგად შეინახეთ, მოგიკითხავენ, როცა იქნება. მე ჩემს მთავრობას სისხლით დავიცავ შენისთანა ძახთაპირებისგან. რაც შეეხება ნიკაპზე კოცნას, ხელი არ მომკიდო, თორემ კბილებით გადავიკვნიტავ ორივე მაჯას ახლა, ამ წუთში-მეტიქი.

„კისერი გიტეხია, შე ალქაჯის ნაშობო, გეხუმრე, თორემ ვის რად უნდინხარ შენო. მე გასწავლი ახლავე, როგორ უნდა ტროცკის ერთგულებაო. გამოალო კარი და გასძახა; ხეჩუა, მოდი, მოხედე

ამ გველის წინილსო. შემოვარდა მკლავებდა კარნახებულო, მათრახიანი ახმახი, დანეკი პირდალმა და გადაიფარე კაბა თავზე, შე ძაღლის გაგდებულო, შენო. რომ გავეუძალიანდი, ცალი ხელი თმაში ჩამავლო, მეორე ნელსქვემოთ და სულ თავი მარტყმევირა საწოლზე. წამოდგომის თავი აღარ მქონდა. მაგრამ, როცა ტრიკო მუხლებამდე ჩამახიეს, ხელები დავიფარე. ჯერ ხელებზე მირტყა მათრახი და ხელისგულები რომ დამისკდა, უკანალზე ისე გამეტე-ბით მცემდნენ მორიგეობით გვილავა და მისი ხელქვეითი, რომ ჩემი კვილი წყალს აღმა შეაბრუნებდა. წამით რომ სული მოითქვეს, ამოვიხავლე, „მომეცით, მოვანერ ხელს რასაც გინდათ მეთქი“. „აღარ გვინდა შენი ხელის მოწერა, ასე უნდა ამოგხადოთ სულიო“, გვილავამ და მომინაცვლა და მომინაცვლა მათრახი. მოკლედ, დიდი ხვენწა-მუდარის შემდეგ „პატივი მცა“ და მომანერინა ხელი. თანაც სულ მადლობა მაძახებინა, რომ ცემას დამაჯერა და „ისე“ გამომიშვა მისი კლანჭებიდან.

თვენახევარს ვიჯექით ოყურუას ციხეში. გაჭიანურდა ჩვენი გამოძიება. როგორც მერე გაირკვა, გვილავას ყველაფერი გაფორმებული ჰქონდა, მაგრამ ზოგიერთი ჩვენი ამხანაგის ხათრით არ გვაგზავნიდა თბილისში. კამერაში სამი ქალი დაგვიმატეს. უკვე დასაწოლი კი არა, დასაჯდომი ადგილიც არ იყო. ღამე გვერდულად ვინექით ერთმანეთს მიკრულები. დაუბანელ-დაუვარცხნელებს ტილ-რწყილი გვჭამდა. ნერვები ყელზე გვქონდა დაბმული ყველას. ხან აგერ წვდებოდნენ ერთმანეთს თმაში, ხან ეგერ. იყო „შე გვილავას ნათრევოს!“ და შე, „ქუჩის თახსიროს!“ კვილი. ჩავერეოდი გამზავებლად იმ კანვრა-ჯგლეთაში, მაგრამ, ხომ იცი, გამზავებელს მეტი მოხვდაო, ისე მემართებოდა მეც.

ერთი მცველი ბიჭი იყო, „ნადზორს“ რომ ეძახიან, ქუთაისელი ფხაკაძე, უბედურ დღეზე გაჩენილი. „ვიცი, რა დღეშიც ხართ, რასაც აკეთებს გვილავა. პატიმრის აბუჩად აგდების და გაბახების გულისთვის პასუხი უნდა აგოს მაგ ნაძირალამო. დანერეთ განცხადება და მე გავგზავნი თბილისშიო“..

დავწერე ჩემი ხელით, რაც ხდებოდა, ყველაფერი და მივუჩოჩდი ხან ერთს, ხან მეორეს: „მოანერეთ ხელი, ეგება ვუშველოთ ჩვენს თავს-მეთქი“. სამმა თუ ოთხმა მოვანერეთ, ზოგმა უარი თქვა, ზოგმა-ყველა რომ მოანერს, მერე მოვანერო. დაშინებული ქალის ამბავი ხომ იცი. წერილის გაგზავნა ვერ მოვასწარი, ჩვენმა კლასელმა დაგვასმინა, იმ ორიდან, – ერთ-ერთმა, გვილავას ჟინის მსხვერპლი რომ გახდნენ. გვარი რად გინდა, მე იმათიც მესმის, სუსტი გოგოები იყვნენ და რაკი ხორციით მიეყიდნენ, მერე ჯამუშობაზეც დათანხმებულიყვნენ საცოდავები.

ამათრიეს ზევით, მე, როგორც განცხადების ავტორი და, ენა ვერ იტყვის, რაც დღე დამაწიეს. სამი საათი ბერიას სურათის ქვეშ ხელებანეული გამაჩერა გვილაგამ. ფეხები რომ დამისივდა და ხელები გამითეთრდა უსისხლობისგან, ბინძურ კარცერში შემადგო და ორი დღე-ღამე წყალზე დამსვა. ვირთხებიან კარცერში ჩვიდმეტი წლის მძიერი გოგო წარმოიდგინე, შვილო. ხელი და ფეხი წამდაუნუმ უნდა იქნო, რომ არ ჩავთვლიმოს და ვირთხამ არ გიკბინოს. კამერაში რომ შემაბრუნეს, თურმე პირი დაცემენტებულივით მქონდა შეკრული. კოვზით გამიხსნეს ღრანჭი და ძალათ ჩამასხეს ცოცხალ-მკვდარს, თურმე, წყალი, თორემ საამქვეყნო პირი აღარ მქონდა. ფხაკაძე იმ დღის მერე თვალით არ გვინახავს.

ჩვიდმეტ აგვისტოს ჩამოგვიყვანეს თბილისში და სადგურის საპატიმროშივე გამოგვიცხადეს განაჩენი. ჩამოგვირიგეს ზოგს რვა, ზოგს ათი წელი. მე ათი მომცეს. რვანლიანები იმ ღამესვე წაიყვანეს ეშალონით სადღაც. მე მეორე დღეც სადგურში გამატარებინეს. რანაირია მაინც ზოგიერთი; ცხელოდა სასტიკად, ვიზრჩობოდით ქალები. „წყალი მოგვიტანე ერთი ბოთლი, პირი მიშრება, წყურვილი მკლავს-მეთქი“ თოფიან ჯარისკაცს შევედმერთე. როგორც ეს კედელი არ გამცემს ხმას, ისე ისიც. ჩემი ფათუშას ნაჩუქარი „ბროშკა“ მეკეთა კაბაზე. „ბულავკის“ და ლილის მაგივრობასაც მიწევდა. მოვიხსენი და გავუწოდე. გამომართვა, ჯიბეში ჩაიღო და წყალი მაინც არ მოიტანა. ვლანძღეთ, ვაგინეთ, ვწყევლეთ, მაგრამ რაი მერე, შუბლის ძარღვი განწყვეტილი ჰქონდა იმ არდასაცალებელს.

გამთენიის ოთხ საათზე საბარგო ვაგონებში შეგვრეკეს. ფანჯრებაჭედილ ვაგონებში იატაკზე ვეყარეთ, მაგრამ სიცხე იმდენად აღარ გვანუხებდა, მატარებლის დგანდგარში სიო მაინც გაგვირბენდა ტანზე დროგამოშვებით.

დაგლალე, შვილო, ვხედავ, ამ ჩემი უბედურების მოყოლით, ახლავე დავამთავრებ. სტანიცა ფოსფორნაიას ახლოს მოვხვდით ასამდე ქართველი. სხვათაშორის, რომ ჩამოგვყარეს ვაგონებიდან, სანამ კოლონიის წარმომადგენელს თვლით ჩაგვაბარებდნენ, აკანკალებულს (იქ აგვისტოში უკვე ციოდა) ადგილობრივები გამოგველაპარაკნენ, ვინ ხართ, რა რჯულის ხართო. როცა ვუთხარი, ვინც ვიყავით, გაიკვირვეს, ჩვენ გვეგონა სტალინი ქართველებს არ იჭერდაო.

ჯერ მალაროში ვმუშაობდი, მერე ქალები გამამდიდრებელში გადაგვიყვანეს, ჩვენი კაცები იქ ჩარჩნენ, იქ ჩალიეს ჯამრთელობა და ბევრმა სიცოცხლეც. ვპატრონობდით ერთმანეთს, რაც შეგვეძლო, მაგრამ რა შეგვეძლებოდა პატიმრებს, მოგეხსენება. გამამდიდრებელ ქარხანაში მეტი დრო მქონდა და მოვუხშირე და მოვუხ-

შირე სტალინის სახელზე განცხადებების წერას. ჩვენი ლაგერიდან მიმონერა საერთოდ არ შეიძლებოდა, ვახერხებდით რალაცნაირად განცხადებების მოსკოვში გაგზავნას, გულისხმიერი ხალხი ყველგან არის. თვითონ ლაგერის თანამშრომლებიც გვიმართავდნენ ამ საქმეში, ხანდახან, ხელს. ფათუშასაც ბევრი წერილი მივწერე მაგრამ როგორც მერე გაირკვა, არცერთი არ მიუღია.

რა დამავინწყებს; ორმოცი წლის იანვარია, ყინვა ოცდათვრამეტს ურტყამს. ფეხის თითები, ცხვირი მომეყინა და ლაგერის სამდლიან „ვიზდოროვიტელში“ ვწევარ შეხვეული. ლაგერის უფროსი გეძახისო, მითხრეს და წამომაგდეს ფეხზე. მივედი, ფეხებს აჩა-ბაჩად ვდგამ, მოქალაქე უფროსო, პატიმარი ქებურია გისმენთ-მეთქი. მწყრალად შემომხედა. ვინ გეხმარებოდა წერილების გზავნაში, მითხარი, თორემ კარცერში ამოგალპობ ახლავეო. რა წერილი, რისი ფოსტა-მეთქი, შორს დავიჭირე. დამიღო წინ განცხადება ჩემი ხელით დანერილი. რატომ გგონიათ თქვენ, ქართველებს, რომ სტალინი გიშველით ყველაფერშიო. ნახავ შენს სეირს, გადაამონწმებენ თქვენს საქმეს და თბილისში დაგიმატებენ პატიმრობის ვადასო. ყოფილიყავი წყნარად, არ გაგეჩაღებინა წერა, მამაჩემსა აქვს ცხონება, მოიხდიდი სასჯელს და წახვიდოდი შინო. მე არ მინახავს, მაგრამ თურმე განცხადებას, ცალკე ფურცელზე სტალინის რეზოლუცია ახლდა – „პერესმატრეტო“. ბადრაგის თანხლებით თბილისში ჩამომიყვანეს. იქ გავიგე, რომ სხვადასხვა ადგილას გადასახლებული ჩემი ოთხი ჯგუფელიც ჩამოეყვანათ. ერთი აღარ იყო ცოცხალი. ახლაც არ იცის მისმა ჭირისუფალმა სად, რა ბედი ენია. დაგვაპირისპირეს გვილავასთან. მისმენ, შვილო? მე ორჯერ ჩამომართვეს ჩვენება გვილავას თანდასწრებით. ყველაფერი ვთქვი, რაც მოხდა და როგორც მოხდა. მაშინ გვილავა დაპატიმრებული არ იყო, თვალს მიბრიალებდა. გამომძიებელმა ერთი წამით დაგვტოვა ოთახში და მოასწრო ეთქვა-სულს ამოგხდი იცოდე, ცოცხალი არ უნდა გამომეშვი, ესაა ჩემი შეცდომაო. გამომძიებელი რომ შემოვიდა, მივაყარე – მე, დაინვალიდებულ ქალს, აქაც მემუქრება ეს გარენარი-მეთქი.

არ გაუვლია ერთ თვეს, ოყურუაში ჩაგვიყვანეს პატიმრები. გვიკვირდა, ერთ საქმეზე დაკავებულები, ერთ ვაგონში ჩაგვსხეს და გამყოლი ერთის მეტი არ გვახლდა. რაშია ანი საქმე, რალაც მოხდა-მეთქი. გოგოებიც კარგ ხასიათზე იყვნენ. ჩამოვედით და პირდაპირ სასამართლოზე გაგვიყვანეს.

ვინ იჯდა თუ იცი, ბრალდებულის სკამზე? შინსახკომის ყოფილი უფროსი გვილავა. ჩვენ „სამეულმა“ გაგვასამართლა, მაშინ ისე იყო საერთოდ მიღებული და გვილავას სასამართლო საჯაროდ, ღიად, ხალხის თანდასწრებით ჩატარდა.



„ამხანაგ სტალინის განკარგულებითო, დაიწყო მოსამართლემ, ხელახლა ჩატარდა გამოძიება სამი წლის წინათ მსჯავრდებულების (ჩვენი გვარები ჩამოთვალა) საქმეზეო. გამოირკვა გვილავას დანაშაული და აგერ, თქვენს თვალწინ ვასამართლებთო“. არ გვჯეროდა. თუ ეს ყველაფერი ნამდვილი იყო. გადაჩვეულები ვიყავით სიმართლის რწმენას, შვილო, და ჩვენ, უსამართლოდ დასჯილები, ენაჩაგდებულები ვიჯექით, სანამ ჩვენი ჩვენების დრო არ მოვიდა.

მანამდე კი აი, რა გაირკვა. გვილავას პირადი ინტერესით დაუპატიმრებია ქორილავა. ჯინი ჰქონია იმ ოჯახის, ბავშვობიდან. რა ვიცი. ცოლი არ ჰყავდა ისეთი ლამაზი, რომ ცოლის გულისთვისო, გეფიქრა. ისე, გვილავასთანა გათახსირებული არც ამაზე დაიხვედა უკან. ქორილავას უპოვეს გუნდის სია ჩხრეკის დროს. იმ სიაში ვიყავით ჩვენ, მომღერალთა გუნდის წევრები ვიყავით, ჩვენდა ჭირად, სკოლაში, ხომ გითხარი თავიდან. ის სია გვილავას შეთქმულთა სიად გამოუცხადებია და ჩვენი დაპატიმრების ორდერი გაუცია. ჩვენი კლასიდან ექვსი ვმღეროდით ქორილავასთან და სულ სკოლიდან ოცდაოთხი მონაფე ეწერა იმ სიაში. ოცდაოთხიდან ოცდაერთი დაგვაპატიმრეს. მარტო ორს არ მოკიდეს ხელი, მეოთხე კლასის მონაფეები ყოფილან და იმიტომ.

დახვრეტა მიუსაჯეს იმ დღესვე გვილავას. ამბობდნენ, ცოლი მეორე დღეს ბერიასთან გადაფრინდა მოსკოვში, მაგრამ ბერიამ ახლოსაც არ გაიკარაო. ერთი სიტყვით, დახვრიტეს ჩვენი დამლუპველი გვილავა.

ორგანოებიდან გამოყარეს ეგუტია, ჩოჩია და ბევრი სხვაც, მაგრამ დახვრეტით მარტო გვილავა დახვრიტეს. საცოდავი ლულუ ჭკუიდან შეიშალა მაშინ (და, როგორც გიჟი, სასამართლომდე გაუშვეს, დამავინყდა მეთქვა). ჩოჩიამ ლეფურთელი ძიკვავას გოგო ითხოვა და დიდხანს მექრთამე-ნოტარიუსად მუშაობდა დაბაში. შარშანწინ წაიღო თქვენი ჭირი.

ა, შვილო. ესაა სულ. რა ცოტაა მოსაყოლად, ეს ოხერი, კაცის ცხოვრება. რა მალე შემოგელევა სათქმელი ხელში. მაშინ, რაკი გამომიშვეს და თოფიანი კაცი აღარ მედგა გვერდით, თავი ბედნიერად ჩავთვალე და პენსიაზე აღარ მიზრუნია. ჩემი გამზრდელიც მეუბნებოდა ცხონებული, პენსიონერ გოგოს ვინლა გითხოვს ცოლადო.

გათხოვებით მაინც ვერ გავთხოვდი და ისე გაირბინა ამ წლებმა, რომ სხვა სიკეთესაც ვერაფერს ვენიე. ამ რვა წლის წინათ დამინიშნეს მეორე ჯგუფის ინვალიდობის პენსია. პირველი მეკუთვნოდა, მაგრამ არ მომცეს, რა ვიცი, რატომ; ახლა ამ ჩემს მოყინულ ხელ-ფეხს სიბერის ქარებიც დაემატა და დავკუტდი, შვილო, ძლივს დავლოდავ.

ყურადღებით გამსინჯონ, რაც მჭირს, ის დამინერონ, არ მინდა მაგათი სხვა არაფერი.

\* \* \*

რაიონის საპენსიო კომისიას  
ასლი „ნუგეშის“ რედაქციას

პატივცემულო საპენსიო კომისიის წევრებო, ბატონო რედაქტორო

ამ ორმოცი წლის წინათ რიგში ცხრა წლის ბიჭმა პურის ბარათი დაეკარგე. საბარათო სისტემის ეპოქაზე მოგახსენებთ. პურზე ისეთი ქყლეთა-ზედახორა იმართებოდა, ადვილი შესაძლებელი იყო უბარათოდ კი არა, უთავოდ დარჩენილიყავ. როგორც იქნა, მივალწიე ჟორაია ნოქრამდე და უნდა გენახათ ჩემი ღრიალი, ჯიბეში ბარათი რომ ვერ აღმოვაჩინე. ჩვენი ოჯახის ექვსი წევრის პური შეიხვილიფა იმ დღეს ვილაცამ. მეტი უბედურება რალა მოხდებოდა, მეგონა, ცა ჩამოიქცა-მეთქი. ჩემი დოყლაპობით ოჯახი უპუროდ დარჩა. „რა ვუყოთ, ხდება ხოლმეს“ ლმობიერი პედაგოგიური პრინციპისთვის არ მიუმართავს იმ დღეს ბებიაჩემს; მცემა. ეხლა პურის მაღაზიაში რომ შევდივარ, ის დღე მახსენდება და ტანში გამაკანკალებს. რა გასახსენებელი ეგ არის. ახლა აღარც პურის ბარათებია და შინ ჩემი გამლახავიც არავინ მეგულემა, მაგრამ მაინც ის დღე არ ამოდის გონებიდან. სანყენი მერეც ცოტა როდი შემხვედრია, მაგრამ ის პირველი ტრაგიკული შემთხვევა სხვა იყო.

თორმეტის ვიყავ, სტალინი რომ გარდაიცვალა. ინგლისურის მასწავლებელმა, მაღალმა, ლამაზმა კაცმა – მიხეილ იაკობაშვილმა ინგლისურის გაკვეთილზე მეტისმეტად დამწუხრებული სახით გამოგვიცხადა; ბელადი გარდაიცვალაო. ბელადი როგორ არ ვიცოდით, მაგრამ მისი გარდაცვალება რატომ იყო ჩვენთვის საშინელება, ვერაფრით წერმოგვედგინა. წამოვდექით. იმ სიჩუმეში, რაც იაკობაშვილმა ფეხზე დაგვაყენა, ყველანაირი ცულლუტური ფიქრი გაკრთა ჩვენს თავში. ვერ აგვეხსნა, რა შუაში ვიყავით ჩვენ ბელადის სიკვდილთან. ერთი კი იყო, მიხეილ იაკობაშვილი ისე გვიყვარდა, რომ მისი ხათრით კიდეც დიდხანს გავჩერდებოდით სევედიანი დუმილის პოზაში და, თუ საჭირო გახდებოდა, ცრემლსაც გადმოვღვრიდით.

შინ რომ დავბრუნდი და მამაჩემის თვალზეც ცრემლი შევნიშნე, დავრწმუნდი; ისეთი ვინმე იყო მკვდარი, ჩვენ რომ ყველს ერთად უნდა გვეგლოვა.

ამ ამბის შემდეგ არ გაუვლია დიდხანს, ერთ საღამოს, ბიბლიოთეკარი შორენა მოგვადგა კარზე და ბებიაჩემს სთხოვა; უშანგის წავიყვან

ბიბლიოთეკაში, თუ შეიძლება, აუცილებელი საქმე მაქვს და უნდა მომეხმაროსო. ბებიაშ შინ შემოიპატიჟა. დედაჩემი საკერავ მანქანას უჯდა, შორენამ რომ უჩუროჩულა, „ვკითხავ მამამისსო“, უპასუხა, საკერავს ხელი უშვა და სარდაფში მოფუსფუსე მამაჩემს ჩააკითხა. ცოტა ხანში ამობრუნდა და მითხრა: „ნაყევი შორენას, თბილად ჩაიცვი, შეიძლება დილაზე იქ ყოფნამ მოგიწიოსო“.

ეს გახლდათ ჩემი პირველი უძილო ღამე. ბიბლიოთეკაში ჩვენი ქუჩის თხუთმეტიოდე მცხოვრები შეკრებილიყო. „განსაკუთრებით აქტიური მკითხველებიო“. გამოგვიცხადა შორენამ. გამეხარდა, რომ აქტიურ მკითხველებში მეც ვითვლებოდი. მთელი ღამე ვფურცლავდით წიგნებს და „ბერია“ სადაც შეგვხვდებოდა, ან ფურცელს ვხვედით, ან მეღნით გულმოდგინედ გადავხაზავდით. ბევრი წიგნი, რომლებშიც ბერიას საგმირო საქმეებზე ეწერა, ცალკე დავაგროვეთ და დილით ბიბლიოთეკის ეზოში, კოცონზე დავწვით. სხვა წიგნებიდან, რამდენადაც შეგვეძლო, გულმოდგინედ ამოვშანთეთ მოლალატე მარშალი. ამოვხიეთ სურათები, გამოჩენილ პოეტთა წიგნებიდან ამოვჭერით ბერიასადმი მიძღვნილი ლექსები.

დილით ღამენათევი და გატანჯული, მაგრამ დარწმუნებული და კმაყოფილი მოვაბიჯებდი შინისაკენ. გულში მიხაროდა, რომ საქვეყნო საქმეში მეც გამრიეს. რომ ჩემი ვალი მოვიხადე ქვეყნის წინაშე. ერთი რამ მიკვირდა მხოლოდ; ამდენმა მწერალმა, ამდენმა თავიანმა კაცმა, იმათ, ვინც ბერიას ყოველდღე ხვდებოდა, აქამდე როგორ ვერ შეამჩნიეს ცხვრის ქურქში გადაცმული მგელი-მეთქი. მოვედი სახლში. ჩემი ოჯახის წევრების თვალწინ დინჯად გავიარე შუშაბანდი. ჩემს მაგიდასთან გაკრულ ბერიას სურათს შევხედე, კალმისტარი ავიღე და „იმპერიალიზმის ჯამუშს“ თვალეები დავთხარე. ბებიაჩემმა ამოიგმინა. მამამ ჩემთვის სრულიად მოულოდნელად მისაყვედურა და თავი განზე რომ არ გამენია, ყურზე ხელის წაწვლასაც მიპირებდა: ვინ გასწავლა ასეთი სისასტიკე, შე მამაძაღლოო. ჩამოგეხსნა სურათი და ბუხარში შეგეგდო. სურათისთვის თვალეების დათხრა რა ვაჟკაცის საკადრისიაო. სხვა სურათების მოგროვებაც მოგიწევთ, ნუ გეშინია, მალე დაერევიან ეგენი ერთმანეთსო.

ის დღე და მამაჩემის ნათქვამი მთელი ცხოვრების მანძილზე დამამახსოვრდა.

დიდ პოლიტიკასთან მე უშუალოდ საქმე არ მქონია. მეტალების ცივად დამუშავების ფაკულტეტი დავამთავრე, დამთავრებისთანავე ტექნიკური ინსტიტუტის ასპირანტურაში დამტოვეს, 1966 წელს საკანდიდატო დისერტაცია დავიცავი და დღემდე კათედრაზე ვმუშაობ უფროს მეცნიერ თანამშრომლად. პარტიაში არ შევსულ-

ვარ. უარი ვთქვი-მეთქი, რომ გითხრათ, მთლად მართალი არც ეს იქნება. ახალგაზრდობაში მინდოდა პარტიის წვერი გავმხდარიყავი, მაგრამ, როგორც მახსოვს, უარი მითხრეს, ანკეტა არა გვაქვსო. მაშინ პარტიაში შესვლის მსურველს უარს ანკეტის უქონლობის გამო ეუბნებოდნენ. მერე თვითონვე აღარ მქონია სურვილი, რა ვიცი, რალაცნაირად მიმავინყდა, თუ მიმრჩა.

დიდ პოლიტიკასთან უშუალო კონტაქტი არ მქონია-მეთქი, რომ გითხარი, იცი რას ვგულისხმობდი? არჩეული არსად ვყოფილვარ და თანამდებობა არ მჭერია, თორემ ისე პოლიტიკის გარეშე ვინ გაგიშვებდა. კრემლის ბასტილიებმა სულ ჩემს გულზე გადაიარა.

ჯერ სტალინმა დაგვალა და გაგვაცალა სიქა მისი სიკვდილიდან დღემდე. ამ ოცდათხუთმეტი წლის განმავლობაში ვერ იქნა და ვერ მოვინელეთ. ვერ იქნა და ვერ შევაფასეთ. ვატყობ, სიამოვნებით აღარ ახსენებდა ზოგი, ან ერთხელ და სამუდამოდ ჩარიცხავდა მტრების და სისხლისმსმელების ბანაკში, მაგრამ იმ ოცდაათწლიანი ეპოპეისთვის ვერაფერი მოუხერხებიათ, რომელთანაც ჩვენი სისტემის ბევრი გამარჯვებაა დაკავშირებული. ისე, ჩვენს შორის დარჩეს და მართლა დიდი კაცი ყოფილა; ამდენი ხნის შემდეგაც ამდენ საზრუნავს რომ გვიჩენს და დღესაც ხშირად გვახვევს თავის ნებას.

მამაჩემმა რომ მითხრა, დაერევიან ერთმანეთსო, სულ იმ განწყობილებით გავატარე მთელი ცხოვრება და, ვის დავუმალო, არ ვამბობდი, თორემ ყველაფერი წინასწარ ვიცოდი. კი, რასაკვირველია, კრებებზე ტაშს ვუკრავდი, პარადზე სურათები სხვებთან ერთად მეც გამქონდა, მეც ვიბრაგუნებდი გულზე ხელს, როგორც იქნა კოლექტიურ ხელმძღვანელობას დავუბრუნდით და ახლა კი გავედით სწორ გზაზე-მეთქი, მაგრამ ჩემს თავთან მარტო დარჩენილს ირონიულად მეღიმებოდა, ყურში მილიტინებდა უნდობლობის ეშმაკი: „ცოტაც მოიცათ. ნახავთ სეირს. ეგ ვინ მამა აბრამის ბატკანია, ერთი დრო სტალინს არ შერჩა-მეთქი“.

ჩემს თვალწინ გაიბრძინეს თავშეკავებულმა მოლოტოვებმა და „მათ მიტმასნილმა“ კაგანოვიჩებმა. სტალინურ კიტელში გამონყობილ მალენკოვს რომ ვხედავდი, უკვე ვიცოდი, რომ სულ მალე მოუწევდა ბეცი პოლიტიკოსის იარლიყით სამარცხვინოდ წასვლა ტახტიდან და სვერდლოვსკის იქეთ, რომელიღაც პატარა საწარმოს ზედამხედველიანი დირექტორობა. ინდოეთში სპილოებზე ამხედრებულ ბულგანინს და ხრუშჩოვს რომ „შევხაროდი“, გული მეჭეჭკებოდა, რადგანაც ვგრძნობდი, ჰა და ჰა, ერთი მათგანი დაიდგამდა გვირგვინს თავზე, ხოლო მეორეს ეკონომიკაში გაურკვეველ, სუბიექტივისტური, ამბიციით შეპყრობილ სნობად გამოაცხადებდა.

ვხვდებოდი მეტროთი ნოვოდევიჩზე მიმავალ ერთ დროს საგარეო პოლიტიკის თავს და სტალინის მარჯვენა ხელს – მოლოტოვს; ყრილობათა კულუარებში ნაცემი ძალლივით დააბიჯებდა“ ვოროშოლოვი და ერთმანეთის მიყოლებით, ჩუმად, უხმაუროდ თავიანთ მღვიმეებში შემკრთალ-შეყუყულები კვდებოდნენ ძველი რევოლუციური გვარდიის ბუდიონები და მიქოიანები.

თბილისში, ბურევესტინიკის სტადიონზე ერთ ქარიან დღეს, ხრუშჩოვმა მუშტები რომ გვიქნია და მწყრალად გახედა ქარისგან ჩამოხეულ მის უშველებელ პორტრეტს, მაშინ ვთქვი ჩემთვის, „არც შენ გინერია დიდი დღე-მეთქი“.

ჩვენს თვალწინ ხრუშჩოვი ვოლუნტარისტად, თავნებად და თავგასულად გამოცხადდა და ისტორიამ ერთბაშად მიაყარა დავინყებას ქვა და გუნდა.

მერე დიდხანს მიგვაქანებდა ხრუშჩოვზე აარანაკლები პოლიტიკური ავანტიურისტი – ბრეჟნევი უძრაობისა და განუკითხაობის ჭაობში. ისე დიდხანს და მოსაწყენად, რომ სულ ველარ ვითქვამდით და მიქელ-გაბრიელს რომ არ ეხმო, ვინ იცის, სანამდე ჩავეფლობოდით იმ წუმპეში, საიდანაც ამოსვლა ასე გაგვძნელებია.

რა განუწუნებსო, მეტყვიით, შენ ხომ შენთვის ცხოვრობდი, პოლიტიკაში თითქმის არ ერეოდი, არც კარიერის კიბეზე მდგარხარ და არც დაცურების სიმწარე გიგემიაო.

არ არის ასე, ჩემო ძვირფასო, თორემ ასე რომ იყოს, ჩვენ ჩვენთვის ვრჩებოდეთ და ხელმწიფენი თავისთვის ხელმწიფობდნენ, ვინ მამაძალლი ამოიღებდა ხმას.

მაღლა, ყოველი პოლიტიკური ნაჯექ-უკუჯექობა მე მანვებოდა კისერზე. რად? შავი პურის რიგებად, სიმართლის მთქმელთა მიმართ რეპრესიებად, „დახმარების“ საბაბით მილიონების განიავებად, სულელურ სამეურნეო ექსპერიმენტებად, სამშობლოდან გაძევებად, ავლანეთში ჩახოცილ უდანაშაულო შვილებად, შიშად – რამე არ წამომცდეს, საკალიმოდ არ წავთამამდე-მეთქი. წიგნებიდან და სამეცნიერო ნაშრომებიდან ამოჭრილ ციტატებად, შერყეულ რწმენად, დაკარგულ იმედებად...

\* \* \*

ბერია კარგად მახსოვს. ოცდაჩვიდმეტ წელს რვა წლისა გახლდით და რვა წლის ბავშვს, მოგეხსენება, მეხსიერება გაფაციცებული აქვს. მამაჩემი ქალაქ სამაჩვიის აღმასკომის თავმჯდომარე იყო. თბილისში ორ კვირაში ერთხელ მაინც ჩამოდიოდა და ბერია ჩვენთან სტუმრად ხშირად მინახავს. საშუალო ტანის, პენსნიანი

კაცი იყო, საოცრად გაპრიალებული ჩექმები და ტყავის გალიფე ეცვა. სხვათა შორის საკმაოდ გამხდარი და ჩასხმული ტანის იყო. სხარტი მიხვრა-მოხვრა ჰქონდა, თითო-ოროლა ლექსი ვიცოდით მე და ჩემმა ძმამ (ძმა წლინახევრითაა ჩემზე უფროსი) და ყოველ მოსვლაზე გვათქმევინებდა. ჩემს პატარა, ტიტლიკანა დას (ათი თვის იყო მაშინ) მხარზე შეისვამდა და ოთახში დაარბენინებდა.

ენგელსის ქუჩაზე ვცხოვრობდით. სამი ოთახი გვეკავა. სანამ დაი შეგვეძინებოდა, დედაც მამასთან იყო სამაჩვიამი და ჩვენ ბე-ბია გვზრდიდა. დედა ბოლოს რაიონის ქალთა საბჭოს თავმჯდომარე იყო.

ეს ამბავი ათას ცხრაას ოცდაჩვიდმეტი წლის ცხრამეტ მაისს მოხდა.

მამა წინა დღით ჩამოვიდა. გოგირდის აბანოში უყვარდა წასვლა და ჩვენც წაგვასხამდა – უღელ ბიჭებს. აბანოდან რომ დავბრუნდით, მახსოვს, იმ საღამოს დედა და მამა დიდხანს უსმენდნენ რადიოს.

ცხრამეტ მაისს პლენუმი იყო დანიშნული – ეს უკვე ბებიაჩემის ნაამბობიდან ვიცი. მამა ათის ნახევარზე გავიდა თურმე სახლიდან. ათს წუთები აკლდა, ბერიამ დარეკა; ლიზიკოვო, დედაჩემს უთხრა, პლენუმის შემდეგ შენთან ვართ სადილზეო. ასეთი რამ არაერთხელ მომხდარა, მამაჩემს პლენუმის, ან რაიმე დიდი ღონისძიების შემდეგ ბერია და კიდევ ორი-სამი კაცი სადილზე მოჰყავდა. სამზარეულოში დედა და ბებია ფუსფუსებდნენ. ჩვენ, ლექსებს რომ ვიტყოდით, საწოლ ოთახში გაგვისტუმრებდნენ. ან, რაც ყველაზე დიდი დღესასწაული იყო, ეზოში ჩაგვიშვებდნენ. ბერია და მისი თანმხლებნი მანქანით მოსულნი არასოდეს მინახავს, ფეხით მოდიოდნენ და ფეხითვე ლაპარაკ-ლაპარაკით აუყვებოდნენ ენგელსს. მამაჩემი ჭიშკრამდე გააცილებდა და მობრუნდებოდა ცოტა შეზარხომებული როცა იყო, მთელ საღამოს ჩვენთან ბულრაობაში ატარებდა. იატაკზე ვგორავდით, ვითომ ვერეოდით მამას, ისიც ყასიდად წაიქცეოდა, „ვაიმე, ვაიმე, რა ღონიერი „უღელი“ ბიჭები ყოფილხართო“, წუნუნებდა. დედაჩემი გარს გვივლიდა, ტუქსავდა მამას; „არაფერი მოტეხო, შე დათვო, ამ ბაღლებს, შენც ამათი ჭკუის ხარ, ნუ დამინგრიეთ ეს დალაგებული სახლიო“.

იმ დღით დედამ ყურმილი რომ დადო, ბებიას უხმო, არიქა წყალი დაადგი, სადილად ჩვენთან მოდიან, ბაზარში წასვლას რალას მოვასწრებთ, მაინც რატომ არ გაგვაფრთხილა ტერენტიმო (ტერენტი მამაჩემს ერქვა). დაფაცურდნენ ქალები. მიიძ-მოიძიეს, რაც ჰქონდათ შინ. ხომ იცი, თავშენახული ქალი უქონელს გააჩენს. არაფერი სჯობია სასტუმრო სამზადისს, განსაკუთრებით ისეთი დიასახლისის ოჯახში, ვისაც სტუმრები უყვარს.

გახდა ოთხი საათი. პლენუმი მაშინ თურმე დიდხანს არ გრძელდებოდა, ჩვეულებრივ ორზე მთავრდებოდა ხოლმე. სტუმრები არ ჩანან. ექვსზეც რომ არავინ გამოჩნდა, დედაჩემმა ცეკაში დარეკა, კომუნდატურიდან უპასუხეს: პლენუმი ორის ნახევარზე დამთავრდაო. დედამ ტელეფონით პირდაპირ ბერიას დაურეკა; სად ხართ, რატომ არ მობრძანდით სადილად, გაცივდა ჭადები, ჩემს ქმარს მაინც რაღატომ შეაგვიანდაო. გაუთვალისწინებელი საქმე გამოგვიჩნდა, ტერენტიც აქ არის, გასარკვევი გვაქვს რაღაც და ბოდიშს გიხდით, სალამოს მოვალთ ყველანი ერთადო, – დაბნეულად უპასუხნია ბერიას.

ასე, დაახლოებით, რვა საათზე რადიო აცხადებს: „დღეს ცენტრალური კომიტეტის პლენუმზე მხილებულ და ადგილზე დაპატიმრებულ იქნა ხალხის მტერი, საბჭოთა სახელმწიფოს წინააღმდეგ დივერსიის ორგანიზატორი და შეთქმულების ინიციატორი, იმპერიალიზმის მოსყიდული აგენტი ტერენტი ჩიორიძე“. დედაჩემის კვილზე ყველანი წინა ოთახში გამოვცვივდით, მაგრამ რადიო უკვე სხვა „აგენტების“ გვარებს აცხადებდა.

დედაჩემი მაშინვე ტელეფონს ეცა და ორი საათის განმავლობაში გააფთრებით რეკავდა, კატეგორიულად მოითხოვდა; ბერიას მალაპარაკეთო, მაგრამ აღარ აერთებდნენ.

წარმოგიდგენია, კაცო? ცინიზმს საზღვარი ხომ უნდა ჰქონდეს? ათზე რომ დარეკა, სადილად მოვდივართო, მაშინ, როგორც ჩანს, ბერიას მამაჩემის დაპატიმრება გადანყვეტილი ჰქონდა. იქნებ არც ჰქონდა და პლენუმზე „ამხილა“ ვილაცამ. ამდენი ხანია ვფიქრობ და ვერ გამირკვევია. თითქოსდა მეგობრობდა მამაჩემთან, ხომ გითხარი, არაერთხელ უსადილნია ჩვენთან და რაში დაჭირდა, ისედაც გაუბედურებული ოჯახის დაცინვა, სადილად გველოდეთო.

გაინტერესებს, ალბათ, მერე რა მოხდა. დედაჩემმა ჩაიცვა და სადღაც წავიდა. ჩვენ რა დაგვაძინებდა. ბებია ოთახიდან ოთახში გადი-გამოდოდა ტირილითა და მოთქმა-ვიპით. შუალამე გადასული იყო, დედა რომ დაბრუნდა. არაფერს მეუბნებიან, კვალსაც ვერ მივაგენიო.

მეორე დღეს მეზობელი ფინისსპექტორი შვინდაძე შემოვიდა. ჯერ მოგვისამძიმრა, მერე დედაჩემთან მივიდა და წყნარად, ჩურჩულით უთხრა: ლიზიკო, თქვენ ალბათ ამ ბინიდან მაინც გაგასახლებენ და თუ ჭკუაში დაგიჯდეთ, ჩემს ერთოთახიანში გადმოდით, გავცვალოთ ბინები და ფულს დაგიმატებთ, თქვენ ახლა ფული დაგჭირდებათო. დედაჩემმა იფრინა შვინდაძე. რას ჰქვია გაგვასახლებენ. ტერენტი გაუგებრობის ნიადაგზე დაკავებული. ჯერ წინაპატიმრობაშია, სანქცირებული არც კია. რა ჭირდა ჩემს ქმარს დასაჭერი. ხვალვე გაანთავისუფლებენო.

ისე განთავისუფლდა შენი მტერი, მამაჩემი რომ გაანთავისუფლეს. ათას ცხრაას ოცდაჩვიდმეტი წლის ცხრამეტი მაისის შემდეგ თვალთ არ გვინახავს. მამის დაპატიმრების მესამე დღეს დედაჩემიც დააპატიმრეს. ჩვენ, ბავშვებს, დედის ნაყვანა არ გაგვიგია. გამთენიისას მოსულა მანქანა. გაჩერდნენ თუ არა ჩვენს სახლთან, უკვე ვიცოდი, დედაშენის დასაჭერად რომ მოდიოდნენო, ბებიაჩემმა.

ერთი კვირაც არ გასულა ამ ამბის შემდეგ, ჩვენს სახლს დილის ექვს საათზე ღიასაბარგულიანი მანქანა მოადგა. „პატარა ტონკას“ ვეძახდით ბავშვები. მახსოვს, როგორ ისროდნენ მანქანაზე, რაც ხელში მოხვდებოდათ. ავეჯის და სხვა მძიმე ნივთების წაღებაზე ხომ ლაპარაკიც ზედმეტი იყო. დაგვსვეს ყველანი, ჩემი პატარა დაიკო ბებიას კინალამ გაუფარდა ხელიდან. აღმასრულებელმა მონყალემა მოილო, ბებიას ბავშვი გამოართვა და კაბინაში მუხლებზე დაისვა. გაგვიყვანეს დიდუბის ბოლოს, პატარა მინდორზე, სადაც მშენებლობის ნარჩენებს და, მგონი ნაგავსაც, ჰყრიდნენ, გადმოგვცალეს მანქანიდან და დაგვტოვეს ღია ცის ქვეშ.

ესლა გვაკლდა. არც თავშესაფარი, არც რაიმე სახსარი. ბები-აჩემს ეს ძუძუთა ბავშვი ხელზე. სანამ გინდა იტირო და ითავცემო. მივიხედ-მოვიხედეთ, მოშორებით კარვები ჩანს. ჩვენსავით დარბეული ოჯახი, იქვე, ფარღალალა კარვებში ცხოვრობდა. ვილაცამ შეგვიკედლა. დაგვაპურეს. ნაშუადღევს ისევ მორახრახნდა „პატარა ტონკა“. ჩვენი ნაცნობი აღმასრულებელი გადმოვიდა მანქანიდან და ძარასთან დოინჯშემოყრილი გაჩერდა. მოფერმა დაკეცილი-დაბურდული ბრეზენტის გადმოათრია და იქვე დააგდო. აღმასრულებელი კარვებისკენ წამოვიდა; „ტროცკისტ ჩიორაძის ოჯახს გადაეცით, რომ ხალხის მტრის და მისი შეთქმული მეუღლის ბინისა და ქონების კონფისკაცია მოხდენილია, ქალაქის ხელმძღვანელობას საშუალება არა აქვს კარვის გარდა, ჯერჯერობით, სხვა თავშესაფარი შემოგთავაზოთ. ზამთრამდე ალბათ რაიმეს მოგიხერხებთ. ბინით იმპერიალიზმის აგენტების კი არა, პატიოსანი მშრომელების ოჯახებსაც კი ვერ ვაკმაყოფილებთო“. ეს თქვა ახრიალებულ-აძაგძაგებული მანქანისკენ წავიდა და თვალს მიეფარა.

კეთილ ადამიანებს რა გამოლევს. დაგვეზარუნენ, გაგვაშლევინეს კარავი, ვილაცამ თავისი შეზღონგი დაგვითმო, ფიცრის ტახტი სახელდახელოდ შეგვიჭედეს და მოვენყეთ „მეფურად“. ჩვენი საგზალი ორ-სამ დღეში გამოგველია, მერე ბებიამ სადღაც დამლაგებლად დაიწყო მუშაობა და ჩემი პატარა დაც თან დაჰყავდა. ჩვენ დილიდან საღამომდე მტკვრის ნაპირას ვერთობოდით. ეგ იყო გვშიოდა, თორემ სხვა მხრივ, გითხრა სიმართლე, დიდად მონყენილები როდი გახლდით.



ზაფხული ასეთ ყოფაში გავლიეთ. სექტემბერში იქვე, ახლოს, სკოლაში მიგვაბარეს. ცხრაჯერ შეეცვალა იმ სკოლას ნომერი, მერე დაანგრიეს და, მოშორებით, კუს ქუჩაზე ახალი ააშენეს. ახლა, მგონი, ასოთხმოცდამეშვიდე თუ ასოთხმოცდამეცხრე სკოლაა. კომმარით მახსოვს ის ერთი წელი. ჩემი ძმა მეორეში დასვეს, მე პირველში. ჯერ იყო და სიაში ნოემბრის ბოლომდე არ შეგვიტანეს. ვგრძნობდით, რომ გერეზივით გვექცეოდნენ და ამის გამო თვალშიც არავის ვეჩხირებოდით. ერთად დავდიოდით; ხან ჩემი ძმა ესწრებოდა ჩემს გაკვეთილებს, ხან მე ვიჯექი მეორეში. პასუხს გაცდენაზე და დაგვიანებაზე არავინ გვთხოვდა. მახსოვს, სახელმძღვანელოები დაარიგეს და ჩვენ, როგორც ტროცკისტის შვილებს, არ მოგვინია.

იმ წელს ყინვები ადრე დაიჭირა. კარავში სიკვდილი გველოდა. მიდგა-მოდგა სანყალი ბებიაჩემი და დიდუბეში, სამსართულიან საუნყებო სახლში, კიბის ქვეშ, ოთახისმსგავსი რალაც აღმოაჩინა. ეს უკვე გადარჩენას ნიშნავდა. პრიმუსით იოლას გავდიოდით. ღუმელი კიდევ რომ გვეშოვა, დასადგმელი ადგილი არ იყო.

იმ ზამთრის სიმშვენიერებზე სიტყვას აღარ გავაგრძელებ. ბევრი რამ შენვე შეგიძლია წარმოიდგინო.

მთავარს გეტყვი: ერთი წლის შემდეგ გამოუშვეს დედაჩემი ციხიდან. ჯერ გაუსამართლებია სამეულს და ხუთი წელი მიუცია. მერე, ბერია რომ მოსკოვში გადაიყვანეს, რატომღაც გადაუხედავთ დედაჩემის საქმისთვის და კი არ გაუმართლებიათ; ის ერთი წელი სასჯელის მოხდად ჩაუთვლიათ და ხელწერილი ჩამოურთმევიათ, რომ ანტისახელმწიფოებრივ საქმიანობაში აღარ გაერეოდა. ჩამოვიდა დედაჩემი მოქალაქეობრივ უფლებააყრილი და სულიერად განადგურებული. არჩევნებში მონაწილეობის უფლება, მახსოვს, ათას ცხრაას ორმოცდაცხრამეტში დართეს. მიაკითხა ძველ სახლს. იქ უკვე სხვა, ვიღაც უცნობი პირები ცხოვრობენ. ჩვენი ბინა ორი ოჯახისთვის მიუციათ. შვინდაძე იმ დროისთვის დაპატიმრებულია. ჩვენ, რასაკვირველია, შიშით იმ სამეზობლოში აღარ გამოვჩენილვართ. ბებიაჩემი ერთხელ ყოფილა და ქურთი მეეზოვე ქალისთვის საიდუმლოდ გაუნდვია: „ჩვენი ასავალ-დასავალი არავის უთხრა, თორემ ამ ბავშვებსაც წამართმევენ. თუ ლიზიკო ან ტერენტი გამოჩნდნენ, მეტი არაა ჩემი მტერი, უთხარი რომ დიდუბეში, საკირის ქუჩაზე კიბის ქვეშ ვართ შეფარებული. სხვას არავის უთხრა, თორემ ჩვენ ალბათ ჩეკა ჯერ კიდევ დაგვეძებსო“. ხომ იცი შიშის ამბავი. არ ჰქონდა საფუძველი, სანყალს, თავისი მისამართი რომ დაემალა? დედაჩემს მაშინ ის მეეზოვე აღარ შეხვედრია. მაინცდამაინც მაშინ ყოფილა გასული სახლიდან. ილბალი არ გინდა? გამოსულა ქალაქში

სასონარკვეთილი ქალი, უბინაო და უბატრონო. რა სახე ექნებოდა, როგორ გუნებაზე დადგებოდა, ხომ წარმოგიდგენია.

ბელისსკზე მამაჩემის გარე ბიძაშვილი კაკო ჩიორიძე ცხოვრობდა. თვით კაკო მაგ დროს აღარ იყო ცოცხალი. დავარდნილი მეუღლე და ორი გაუთხოვარი ქალიშვილი დარჩა. იმათ შეეკედლა დედაჩემი. არც მუშაობა დაიწყო, არც მთავრობას მიაკითხა, დადის ძუ მგელივით ამხელა ქალაქში და თავის შვილებს გვეძებს.

პირველ რიგში სკოლებისთვის უნდა მიეკითხა, მართალი ხარ შენ, მაგრამ ზაფხული იყო და ბევრი სკოლა გამოკეტილი დახვედრია. ზოგან დარაჯი და საქმეთა მმართველი ყოფილა. იმათ კიდე რა იცინან, ვინ სად სწავლობს. დედაჩემი ჯერჯერობით, თურმე, იქეთ მხარეს გვეძებს, სოლოლაკის, ორთაჭალის და ავლაბრის მხარეს. დიდუბისკენ, იქ რომ ვერა გაანყო, ათი-თორმეტი დღის ძებნის მერე გადმოსულა. კითხვა-კითხვით რომ ვერ მოგვაკვლია, უფიქრია; ჩემი ბიჭები, თუ დაჭერილები არ არიან, ალბათ, მანანნალებს მიეკედლნენო და ბაზრის მანანნალებთან გვეძებდა თურმე. მერე ვილაცხას უსწავლებია, დიდუბის ბაღში შუალამისას მთელი თბილისის მანანნალები და ქურდები იკრიბებიან, თუ იპოვი, იქ იპოვი შენს შვილებს, ან, უარეს შემთხვევაში, მანანნალები მთელ ქალაქში დადიან და შეიძლება იმათ იცოდნენ ძმები ჩიორიძეების ასავალ-დასავალი.

სამი ღამე გავათიეო, ყვებოდა დედაჩემი, დიდუბის ბაღში, მანანნალებსა და ბოზებს შორისო. შიშისგან კბილებს ვანაკნაკებდი, ისეთ ხალხს ვეკითხებოდი ჩემი შვილების ამბავს; სხვათა შორის ბევრ მათგანს გულთან მიჰქონდა, მაგრამ ვერაფრით მშველოდნენო.

ოცდაერთი აგვისტო იყო, რა დამავინწყებს. მე და ჩემი ძმა დილაადრიან სადგურზე მივიჩქაროდით. იქ ვაგონის დატვირთვაში ვეხმარებოდით მუშებს და ისინი სამადლოდ რალაცხას გვაჩუქებდნენ; ხან თითო ბუხანკა პურს, ხან ცოტა ფულსაც გადმოგვიგდებდნენ.

ტრამვაის ფული სად გვქონდა. ყველა კონდუქტორი გვიცნობდა და მუშვით გვერეკებოდა ვაგონიდან, კიბეზე დაკიდება და მისი ჯანი. ჰოდა, ოცდაერთ აგვისტოს შეახტა ვაგონს ჩემი ძმა, შევახტი მეც. სხვათა შორის იმ შეხტომასაც თავისი მულამი უნდა. უსათუოდ იმ ფეხით უნდა შეახტე, რომელიც ვაგონის მხარეს გაქვს. მეორე ფეხით სამიშია, იმიტომ რომ სანამ ფეხს დაადგამდე, შეიძლება შემოგიქნიოს და რელსებში ჩავარდე. ეს კარგად ვიცოდი, მაგრამ ვატმანმა რაკი დაინახა, რომ ვახტებოდით, მოუჩქარა და შეხტომა ვერ მოვასწარი. ხელებით ვკიდივარ ვაგონს და ტრამვაი მიმპორნიალებს, იქიდან ჩემი ძმა მექაჩება. ვერ იქნა, ტანი ვერ ავიტანე, ეს ხდება სწორედ დიდუბის ბაღის წინ. დილის შვიდი საათია. „გააჩერეთ, გააჩერეთ“, მესმის ხალხის ყვირილი.

ტრამვაი გაჩერდა და პირქვე ჩავემხე. იდაყვები გადატყავებული მაქვს, მუხლებიც მენვის, მაგრამ ვიცი, რომ მოტეხილი არაფერი მაქვს. მაგრად არაფერი მტკენია. წამომაყენეს, ვილაცამ ყურში მოშკიდა ხელი, ვილაცამ დამიყვავა, ვილაცამ შემაგინა და უეცრად ქალის კივილი მომესმა:

– დაიჭირეთ, არ გაუშვათ! თქვენი ჭირიმი, არ გაუშვათ!

„არ გაუშვათო?“ ისე მოვცოცხე, რომ იტყვიან, კეფაზე ვირტყამდი ტლინკებს. ვხედავ, ვილაცები მომსდევენ. ვიფიქრე, როგორც ნესრიგის დამრღვევს დამიჭერენ და ბავშვთა კოლონია არ ამცდებამეთქი. მოსახვევიდან გამოვარდნილმა მილიციელმა მკლავში რომ მსტაცა ხელი, ავღრიალდი: „რას მერჩით, რა გინდათ ჩემგან, დედ-მამა დაჭერილი მყავს, არ მაქვს ტრამვასი ფული-მეთქი“.

და სწორედ ამ დროს ვილაც ქალი უკნიდან მხრებზე ჩამაფრინდა. მილიციელს ხელი გააშვებინა, შემომატრიალა და გულში ჩამიკრა:

– მე ვარ, შვილო, დედაშენი ვარ, სად გარბოდი დედიკო!? მოგიკვდა დედაშენი!

თურმე დილის შვიდ საათზე გამოდის ცრემლგამშრალი დედაჩემი დიდუბის ბალიდან და ვაგონზე ჩამოკიდებული რომ დამინახა, ვისია ეს უბედურ დღეზე დაბადებული, სამი კაპიკის გულისთვის თავს რომ იკლავსო? დამაკვირდა, დამაკვირდა და სწორედ მაშინ დაუნყია კივილი: დაიჭირეთ, არ გაუშვათო. რომ არ მეკივლა, კარგა ხანს კიდევ ვერ გიპოვიდით. აშენდა იმ მილიციელის ოჯახი, გზა რომ მოგიჭრა, თორემ პუპელასავით გარბოდი, შენი დამწევი არავინ იყოვო.

წარმოიდგინე ასფალტზე მუხლებით დაჩოქილი დედაჩემი და მე და ჩემი ძმა აზლუქუნებულ-აღრიალებულები.

„დედა დაბრუნდა, დედიკო ჩვენთანაა, აწი აღარაფერი გვიჭირს“.

ორი წელი საჩივრები წერა დედაჩემმა კრემლში. ორიოდე კაპიკი რომ შეაქუჩა, მოსკოვში ჩავიდა და ვოროშილოვთანაც მოახერხა შესვლა. ძველი ბინა არ დაგვიბრუნეს, მაგრამ ერთოთახიანი მოგვცეს ნაძალადევი ომის დანყებამდე ერთი კვირით ადრე.

შენ მწერალი ხარ. თქვენ მწერლები როცა ოცდაჩვიდმეტ წელზე უყვებით მკითხველს, რაღაცას გამოიგონებთ ხოლმე არნახულს და არგაგონილს.

ა დანერე ბატონო, ეს ამბავი. არ არის დასაწერი?

\* \* \*

– გელა

შენ ახლა მოხვედი თანაგრძნობის გამოსაცხადებლად, მადლობელი ვარ. არ მეგონა თუ ასე საყვარელი იყო კაცი, რომელიც მოდის,

რომ გაგამხნევოს, თვალეში ჩაგხედოს და ნუგეში გცეს. აქამდე ასეთი საათები არ დამდგარა ჩემს ცხოვრებაში. რაც თავი მახსოვს, თუ ვინმე ამოივლიდა ჩემს კიბეებს, ან დაბადების დღის მოსალოცად, ან სიყვარულის გამოსაცხადებლად, ან (და ეს უფრო ხშირად ხდებოდა) რაიმეს სათხოვნელად. შემეძლო რაღაც-რაღაცეები და ხელს ვუმართავდი ბევრს. ყველას ვერა, რასაკვირველია. შენ მიხვდები, რომ ყველაფერში ჩარევა არ შემეძლო და არც სურვილი მქონდა. კაცი რომ მოვა და გეტყვის, მიშველე იბრუხტი, ჩემი ძმისშვილი მამათმავლობაზე დაიჭირესო, ასეთ საქმეში ვერ ჩავერეოდი. რა ჩემი საქმეა, კაცმა რომ თქვას. განანყენებულიც ბევრი დავაგროვე ამ ჩემს წუთისოფელში და მადლიერიც. დათვლით არ დამითვლია, ვინ მეტია. ყოველ შემთხვევაში, ჩემი სინდისის კარნახით ვიცხოვრე და არც იმაზე მიზრუნვია, რაც შეიძლება მეტი მოყვარული მყოლოდა.

საოცარი რამ მოხდა. შარშან იყო, ლამის ერის წინამძღოლად მთვლიდნენ. ჩემს იუბილეებზე მოსანვევი ბარათის საშოვნელად ყელში წვდებოდნენ ერთმანეთს. რა სიტყვები, რა რადიო, რა ტელევიზია. შენაო, ბატონო იბრუხტი, დღეს ჩვენი დროა ხარო, ქვეყნის მმართველები თავიანთ საქმიანობას იმით იწყებდნენ, რომ ჯერ მე დამიძმაცადებოდნენ და მერე შეუდგებოდნენ საქმეს.

პატატვრანი ომები მეც გადამხდა, რასაკვირველია. ხანდახან მეც კი მისაფრდებოდნენ მოსახვევში. ჩემს მიმართ ხელმწიფის წყრომასაც კი მიაღწიეს, მაგრამ იმხელა სახელი და მხარდაჭერა მქონდა ხალხისგან, რომ სასაცილოდ არ მყოფნიდა ყვინჩილების ძიძგილაობა, საკმარისი იყო ჩემი ერთი სიტყვა, ერთი ხუმრობა და „მტერს“ კუდით ქვას ვასროლინებდი.

თუ რამე საქვეყნო საქმე გამოჩნდებოდა, ჯერ მე შემომთავაზებდნენ, სათავეში ჩაუდექიო. თუ მე უარს ვიტყვოდი, მერე დაუნყებდნენ სხვას ძებნას. ალბათ, ვინმე ანონის ბოლოს და, იქნებ, დაასკვნას რომ თავი არ შემირცხვენია. არ იყო პატარა საქმე ურდოში რუსთაველის ძეგლის დადგმა და არც რუსთაველის რეაასწლოვანი იუბილეს გამართვა იყო რიკტაფელას თამაში.

ასე ბრძოლა-სიმღერით, ბედნიერ ვარსკვლავზე დაბადებული კაცის იღბლით მოვედი მოაქჟამამდე.

ვერ გეტყვი, რა მოხდა ამ ბოლო ერთი წლის განმავლობაში. იქნება, ჩემი ბრალიცაა, ერთი ორგან დავიჩიველ: დავბერდი, საერო საქმეს უნდა მოვეშვა და ბერის ჩოხა მოვირგო-მეთქი. ენას ჭალი არ მოედება და მეც ეს ყველაფერი საერთოდ ვთქვი, გულით, გითხრა სიმართლე, პოზიციების დათმობას და ბუხართან ჯდომას არ ვაპირებდი.

არ ვარ მე კრიალოსანის ბერიკაცი. წყნარი და მშვიდი ცხოვრებით არასოდეს მიცხოვრია. ოთხმოცს რომ მიუკაკუნებ, წამოგცდება, აბა რა იქნება, დამასვენეთ, ანი, მეყოფაო.

რა მწარედ დამასვენეს, რომ იცოდე. ერთბაშად გავედი მოდიდან. ერთბაშად მომცილდა პრესა-ტელევიზიის მახვილი თვალი. თითქოსდა დავავინწყდით, თითქოსდა შეითქვენ ჩემი ელმავლის ჩიხში ჩასაყენებლად.

არადა ვგრძნობ, რომ ვჭირდები ქვეყანას. უჩემოდ, შეიძლება, ფეხი წაიტეხონ. ახლა დიდი მიტინგობია და ფრონტობა-შიმშილობია რომ იყო, მექონდა, როგორ არ მექონდა, სათქმელი ხალხთანაც და მთავრობასთანაც. ვინ დაგიძახა, ვინ გკითხა ჭკუა. ტელევიზორში და სახალხო ტრიბუნაზე ერთი-ორი იმნაირიც იდგა, შერცხვენილ სახელს რომ თავი დავანებოთ, ისედაც ორ ბატს რომ ვერ ჩააბარებ. ვუსმენდი და მეცინებოდა. ესენი მოვიდნენ, იბრუხტი, შენს ადგილზემეთქი? გულში ვამბობდი, მარა რაი მერე? გულში ნათქვამი და გულში დანაქადები ვის ესმის.

ხედავ, ჩემო, რა ყოფილა წუთისფელი? ესეც შენი ჭკვიანი და წინდახედული იბრუხტი. ხედავ? როგორ გარჩა ჩემი შემკულ-მოჩითული ნავი მეჩეჩზე? აქაც მაჯობა გალაკტიონმა. როგორც კი შეატყო თავს, სხვა ცხოვრება მოდის, სათადარიგო შემადგენლობაში გადასვლა მელისო, დაკეცა ფრთები და უშველა თავს. არადა გალაკტიონს ყველაზე ნაკლებ ელოდა, თურმე, დავინწყების ბურუსი. გალაკტიონი მაინც იგალაკტიონებდა, დრო როგორც უნდა შეცვლილიყო.

მოტყუებული კაციაო ვერავინ იტყვის ჩემზე; ეს კია, თავიდან რომ ბრმად მჯეროდა რალაცეების, მერე იმის დროც მომცა არსთაგამრიგემ, დავფიქრებულისყავი და ჩემი შეხედულებები გამამესინჯა.

ბევრმა ჩემმა თანამოკალმემ ვერ მოასწრო წითელი სიზმრებიდან გამოსვლა. მათ წიგნებში სანთლით საძებნია ის, რითაც მწერალი უნდა მწერლობდეს. მე რალაცის გაკეთება მაინც შევძელი. ყოველ შემთხვევაში ობლიგაციაზე და კოლხმშენზე დანერილი ლექსები გადავყარე და ფილოსოფიური ლირიკის წერას შევუდექი. პიროვნების ტკივილზე ვთქვი ორიოდე პოეტური სიტყვა და რუსთაველის მსოფლიო სევდაზე დანერილი სტრიქონებითაც მოვახედე ჩემსკენ მკითხველი.

და რომ მეგონა, გაღმა გავცურე-მეთქი, რომ მეგონა, ჩემი ხომალდი იქეთა წყლებში შეცურდა და მამადავითის მთვარე დასცქერის ჩემს ფურცლებს-მეთქი, სწორედ რომ მაშინ მომწვდა ქვეყნის ყაყანი და თავისკენ დამქაჩა.

ვფიქრობ ზოგჯერ; ჩემი უმრწემესი მეგობარი მართალი ხომ არ არის-მეთქი. იქნებ მართლაც მიმიძღვის რალაც ცოდვები და ახლა უნდა მომეკითხოს-მეთქი. არა და არა, ბატონებო. რაკი ცხოვრების ყველა ზვირთში ვერიე, ბუნებრივია, ისე ვერ გადავრჩებოდი, ცოტა მნიშვნელოვანი მანც არ მოცხებოდა თანამდებობიანი პოეტის მანტიას, მაგრამ ღმერთი ხომაა მოწმე, რომ მე პატიოსანი პოეტის ცხოვრებით ვიცხოვრე და სუფთა სინდისით ჩავალ სამარეში.

მანც ჩემი ბრალია რალაც-რალაცეები. ჩანს, მოვწყინდი ქვეყანას. ჩანს, პოეტისთვის უღმერთოდ დიდხანს ვიცხოვრე. იმ პოეტზე მოგახსენებთ, ვინც სამოცდაათი წელი ჩანს უკეთეს კალმოსანთა თანავარსკვლავედში. სამოცდაათი წელი პირველთა შორის ყოფნას ქვეყანა არ გაპატიებს. ჰოდა, მეც მოვწყინდი ზოგიერთებს. ჩემს წინააღმდეგ ბრძოლის მეთოდების დახვეწას მეც შევეუწყე ხელი ჩემი ცაიტნოტური სიცოცხლით.

მე ვინ ვარ, ილიაც კი მოსწყინდა ბოლო წლებში ქართველ ერს. მოსწყინდა კი. ჩვენ რომ ახლა მეფის ოხრანკას ვაბრალებთ, ის ტრაგედია საქართველოში ახალმა თაობამ დაატრიალა. რა სირცხვილიც უნდა იყოს იმის აღიარება, ასეა ეს. საერთოდ, ლიტერატურის ცა შებერებულ ვარსკვლავს ვერ ჰგუობს. მეტეორივით უნდა გაიქროლო და ნახვიდე. ყველა დიდი პოეტი სიცოცხლეში, უკეთეს შემთხვევაში, ბრწყინავდა დიდი-დიდი თხუთმეტი-ოცი წლის განმავლობაში, მერე ან ფიზიკურად აღარ იყო, ან თუ იყო, თვალში არავის ეჩხირებოდა. თავჩაჩიანი, კლასიკოსის ხალათით იჯდა თავის მღვიმეში და სიკვდილს ელოდა.

ასე დამტოვა დრომ ჩემს სიბერესთან მარტოდმარტო. ბედს არ ვემდღური, მაგრამ ვერც იმ პანანინა მსაჯულთა ქირქილს მოვიწონებ; შენ თუ პატიოსანი კაცი ხარ, აქამდე როგორ გასძელი, რატომ ტიცინანთან და ჯავახიშვილთან არ ნევხარ საძმო საფლავეშიო. არ შეიძლება ასე ლაპარაკი. გადარჩენა არ უნდა დააყვედრო კაცს. ჩაივლის აგერ თქვენს თვალწინ თქვენი წუთისოფელი და ღმერთმა ისე სუფთად გამოგიყვანოთ დროსთან დევეური ჯაჯგურიდან, როგორც მე გამოვედი. ნუ დაუგდებთ ყურს ჩემზე განანყენებულ მედროვეებს, მე შემიძლია და უფლებაც მაქვს, თვალი თამამად გაგისწოროთ.

ერთს გირჩევთ მხოლოდ; კარგად გახედ-გამოხედეთ, ვისაც ჩემს სკამზე დასვამთ და ჩემს გამონთავისუფლებულ პრეზიდენტში ადგილს მიუჩინთ.

ანგელოზობას ნურავის მოთხოვთ. ანგელოზები მარტო ცაში არიან, მაგრამ ის კი მოთხოვეთ, რომ ერის ხმის გაგების უნარი შესწევდეთ და მათ აქამდე მოსასვლელ ბილიკს მოძმეთა მხრებზე გადაბიჯების დამლა არ აჩნდეს.

წავალ მე და ხვალე ხომ ხვალისას იკითხავს, ჩემმა თქვენეულ-  
ჩრდილიანმა მწუხრის დღეებმა ვინძლო სანანებელი არ დაგიტოვოთ.

\* \* \*

– მე, ბატონო გელა, ომის მონაწილე გახლავართ. კონტუზირე-  
ბული. ომის ინვალიდი.

ვაკვირდები. იმ ომისთვის ახალგაზრდაა, ამ ომისთვის – ბე-  
ბერი.

შემატყო, რომ ცოტა არ იყოს, უნდობლად შევხედე.

– ვხვდები, რაც უნდა მკითხოთ. მე გახლავართ 1956 წლის რუ-  
სეთ-უნგრეთის ომის მონაწილე. საბჭოთა კავშირის დროს მეორე  
მსოფლიო ომის მონაწილეებთან ვიყავით გათანაბრებულები. ის  
კვალიფიკაცია ჩემთვის ჯერ არავის მოუხსნია. შეღავათები გაგვი-  
უქმეს, პენსიები გაგვიმეთედეს. მოვედი ახლა თქვენთან. ვიცი,  
გაჭირვეული კაცის ქომაგი ბრძანდებით, მაგრამ ისიც კარგად  
ვიცი, რომ მე ველარაფერს მიშველით. თუ კანონია, მე ვის დავეკ-  
არგე, ჩემზე გამონაკლისს ვინ დაუშვებს. კი, ბატონო, მთავრობამ  
უკეთ იცის, მარა შეკითხვის უფლება ხომ მაქვს? ბოლო სიტყ-  
ვას დახვრეტამისჯილ კაცს აძლევენ და მე რა დავაშავე ასეთი.  
ბეშქენაძესთან ვიყავი, ვიცი, ეს საკითხი თქვენს ყურნალს რომ არ  
ეხება. ვიყავი და ვკითხე, რატომ ჰქენით, ბიძია, ეს გლახა საქმე-  
მეთქი. რალაცა ათას ხუთასი ომის მონაწილე დავრჩით და ვის  
ააშენებს ჩვენთვის წართმეული ორი კაპიკის ხარჯზე მიღებული  
ეკონომია-მეთქი. იცი, რა მიპასუხა? თქვენო, საბჭოთა კავშირს  
ემსახურებოდით, საბჭოთა კავშირის შეიარაღებული ძალების  
ლეიტენანტი ხართო. ახლანდელი დამოუკიდებელი საქართველო,  
მოგესსენება, არ არის საბჭოთა კავშირის სამართალმემკვიდრე  
და ამიტომ თქვენს წინაშე ანგარიშვალდებული არა ვართო. იქნებ  
თქვენ მაინც მიპასუხოთ, ვინაა ჩვენი პატრონი? საბჭოთა კავშირი  
ალარ არის, მარა ჩვენ ხომ ვართ, ჯერჯერობით, ცოცხლები. ჩვენი  
დანაშაულია, რომ გავჩნდით ამ ქვეყანაზე და ამ ხნის მოვიყარეთ?

გეტყვი, ორი სიტყვით, ჩემი ცხოვრების ამბავს: 1937 წელს და-  
ვიბადე ქუთაისში. ბაკისუბნის მეთხუთმეტე სკოლა დავამთავრე.  
თვრამეტი წლის ვიყავი, ჯარში რომ წამიყვანეს. ვილნიუსში ვმსახ-  
ურობდი სატანკო-სადესანტო დივიზიაში. 1956 წლის ოცდაშვიდი  
სექტემბერი იყო, თუ არ ვცდები, ჩვეულებრივ, სალამოს შვიდ საა-  
თზე ვივანხმეთ და გამოგვიცხადეს კიდეც „პოლნაია ბაევიაა გატო-  
ვნოსტ“. ჩვენ ვინ გვეტყოდა, რა ხდებოდა. ტანკში უნდა მჯდარი-  
ყავი სრული ეკიპირებით და შემდეგი ბრძანებისთვის დაგეცადა.

შუალამის პირველის ნახევარზე სატანკო კოლონა (65 ტანკი) აეროპორტში მიგვიყვანეს. იქვე იდგა უზარმაზარი სამხედრო ავიამზიდეები. ორ-ორი ტანკი ეტეოდა თითო თვითმფრინავში. რავარც ვიდექით აეროპორტთან, ისე, პირდაპირი სვლით შევდიოდით, ტანკიდან გადმოუსვლელად, თვითმფრინავის მუცელში. მე მგონია, სამი საათი მაინც ვიფრინეთ და ოთხის ნახევარი იქნებოდა, ბუდაპეშტის აეროპორტზე რომ დავეშვით. მერე გავიგე, რომ ბუდაპეშტში ვიყავით, დაფრენის დროს არ ვიცოდით, ხუთნუთიან სამხედრო თათბირზე გაიქცა ჩვენი კაპიტანი. პარხომენკო იყო – უკრაინელი. მოირბინა და ჩვენს ბრიგადას (ექვსი ტანკი) მიმართა. „ზნაჩიტ ტაკ: ნახოდიშა ვ ბუდაპეშტე. ვ გოროდე ანტისოვეტსკიე ელემენტი. ბანდიტი ვოორუჟენი. ნაშა ზადაჩა: ნე დოპუსკატ ბესპორიადკი ვ გოროდე. პადდერჟივატ პატრულირუიშჩიხ. პერედვიგატსა რაზრეშენო ტოლკო სოვეტსკიხ ვოისკ. პრი ობნარუჟენი ბანდიტსკიხ ფორმიროვოკ, სტრელიაიტე ბეზ პრედუპრეჟდენია“.

დილის ოთხ საათზე ბუდაპეშტში შევერუხუნდით. უმაღლესი ტექნიკით ჩატარდა დესანტის გადასხმა უნგრეთში. ისე კი არ იყო, ჩვენი შვიდი ძველთაძველი ტანკი რომ შეფართხუნდა სოხუმში რკინიგზაზე ნესრიგის დასამყარებლად. რა საჭირო იყო ასეთი მასკარადი? თუ არ გვყავდა ჯარი და არ გვქონდა ტანკები, ვერ დავეტიეთ ჩვენს კვერცხებზე? რას ჰქვია აფხაზეთში შესვლა, დღემდე გაუგებარია ჩემთვის. ვინ გამეიყვანა ჯარი აფხაზეთიდან? კი მარა, ხომ იყო აფხაზეთი ავტონომიური რესპუბლიკა საქართველოს შემადგენლობაში? არ უნდა მდგარიყო ერთი ორი ქართული დივიზია ჩვენს ტერიტორიაზე აფხაზეთში? როდის გამოვიყვანეთ ჯარი იქედან? თუ აფხაზეთის დათმობა ბანდიტ არძინბასთვის ზვიადის მიერ მოხდა, ვერ ყოფილა მთლად სრული ჭკუის ე ჩვენი პირველი პრეზიდენტი, თუ სიგუამ და შევარდნაძემ (ომის დროს ეგენი იყვნენ) გამოიყვანეს დამოუკიდებელი საქართველოს ჯარი აფხაზეთიდან, მაშინ ამათ უნდა აგონ პასუხი. სად შედიხარ ზათქით და გრიალით, შე კაი კაცო, შენს მინაზე? მთელმა მსოფლიომ აჩვენა იმ სალამოსვე, კიტოვანის ჯარები საქართველოს მეზობელი სახელმწიფოს – აფხაზეთის ტერიტორიაზე შეიჭრნენო. როდის შემდეგ გახდა მეზობელი სახელმწიფო აფხაზეთი? ჩვენ შვიდი ჩამონერილი ტანკით დღისით, მზისით „შევჯლიგინდით“ სოხუმში მთელი ქვეყნის დასანახად და საბჭოთა კავშირს რომ ეძახით თქვენ, ორ საათში ხუთასი ტანკი ჩააფრინა უნგრეთში. ერთიმეორის მიყოლებით მშვიდად, უხმაუროდ სხდებოდნენ სამხედრო თვითმფრინავები. ასაფრენი ბილიკიდან გადაუხვევდნენ თუ არა, იღებოდა ავტომატი – ლუკი და გადმოდიოდა ეკიპაჟიანი, ლულაშემართული, საომრად გამზადებული, ახალთახ-



ალი, ტაოტიანი ტანკი. ბუდაპეშტის ქუჩებში რომ შევრახრახდით და აბსოლუტურად ყველა მნიშვნელოვანი სტრატეგიული ობიექტი, დიდი საცხოვრებელი სახლი, ან სხვა რამ უწყება სამიზნეზე ავიყვანეთ, მე ვთქვი, „უჩენია“ ხომ არ არის, ნეტავ, ტყვილად ხომ არ ვალეიქებთ ამ რიბირაბოზე ქალაქს, სად არიან ანტისაბჭოთა ელემენტები, კაციშვილი წინააღმდეგობას არ გვინევს-მეთქი.

თურმე სად გძინავს. თურმე ჯერ სადა ხარ. ზუსტად ხუთ საათზე, თითქოსდა საიდუმლო ბრძანება მისცესო, ყველა სახლიდან, ყველა ფანჯრიდან, ყველა ჩიხიდან, ყველა სადარბაზოდან ერთბაშად გაგვიხსნეს ცეცხლი. სიბნელეა. არ იცი, რა გააკეთო. ბრძანებას არავინ იძლევა. შემოატრიალო ტანკი და გამოხვიდე. შეიძლება, ტრიბუნალმა გაგასამართლოს. ცეცხლის ენებს ხედავ ჩამავებული შენობებიდან და გამაყრუებელი კანონადა გესმის. გვესვრიან მსხვილკალიბრიანი შაშხანებიდან (ხმაზე ვცნობ). მძიმე არტილერია ჯერ არ ჩანს, აქა-იქ ტანკსანიხააღმდეგო ქვემეხიც აბოყინდა. რასაც მოხვდება, ბღღვის. ოთხი თითის დადება რკინას ხვრეტს. დამიზნება ვერ მოვასწარი, ისე მოხვდა სწარიადი ჩვენს ტანკს და ლულიანად მოგლიჯა საზენიტო ქვემეხი. სერჟანტი სეროვი ზარბაზნის „რუჩქას“ რომ ატრიალებდა, იქვე გაათავა. ისევ ავიაციამ გვიხსნა, თორემ იქიდან ცოცხლები ვერ გამოვიდოდით. ბომბდამშენებმა ორჯერ წუილით რომ გადაუარეს ქალაქს და ცენტრში რამდენიმე ადგილას ბომბები ჩამოყარეს, აჯანყებულებმა იფიქრეს, ბერლინზე უარეს დღეს დაგვაცარიანო და სროლა შეწყვიტეს.

ეს იყო ბუდაპეშტის ჯოჯოხეთის ერთი საათი. საქმე და საბრძოლო თურმე წინ გვედო. ტანკისტები პატრულთან ერთად ქალაქის წმენდაში ჩაგვრთეს. ასეთი ზიზლი, რუსის მიმართ რომ ამჟღავნებდნენ უნგრელები, წიგნებშიც არ წამიკითხავს. ყოველ ღამე უჩინარი ხელით მთელს ქალაქში ყოველ გადარჩენილ კედელზე, ხეზე, ჭიშკარზე ჩნდებოდა წარწერა: „რუსკიე სვინი, უბირაიტეს ვონ!“ ქალი, კაცი, მოხუცი, ბავშვი, სახლშიც რომ არ „წვეოდი“, უბრალოდ, ქუჩაში რამე რომ გეკითხა, შეჩერდებოდა, ზიზლით აგხედავდა და მოგაფურთხებდა. ნერენ მწერლები, როგორ შეიყვანა მოქალაქემ ჯარისკაცი, როგორ მოეფერა. გაუმასპინძლდა... სულ ტყუილი მგონია ასეთი რამეები, ბატონო გელა. წყალსაც არავინ მოგანოდებდა. თუ სადმე მოფარებულში მოგიხელთებდნენ, ჩაგქოლავდნენ მაშინვე. ერთადერთი მახსოვს: უნგრელი გოგო გავაჩერე, ვედროთი წყალი მიჰქონდა. მემეთქი, ხმადაბლა ვეუბნები, რუსი არა ვარ-მეთქი, ქართველი ვარ-მეთქი. სამხრეებზე მიმითითა. რუსი ხარ, რუსი ხარ, შე ღორო, წყალი შემასხა, ვედრო გადაადგო და გაიქცა. შველივით გარბოდა, ლამაზი გოგო იყო. რას ვიზამდი, ხომ არ ვესროდი.

ათას ორასი კაცი ჩავედით ჩვენი დივიზიიდან უნგრეთში და ოთხასი კაცი დავბრუნდით. ტექნიკა ხუთი პროცენტი თუ გადავირჩა. ჯართადქცეული, დამწვარი ტანკები ვის რალად უნდოდა. ა, ასეთი ომი იყო უნგრეთში 1956 წელს მაშინ კი არა, მერეც არსად წამიკითხავს მე იმ დღეების, იმ „ოპერაციის“, იმ აჯანყების ზუსტი აღწერა. თვითონ უნგრელები დაწერდნენ, ალბათ, მარა ჩვენამდე, ჩანს, ვერ მოაღწია.

კანტუზია ბუდაპეშტში ჩასვლიდან მეცხრე დღეს მივიღე. ჩვენ ბაზარში შესვლა აკრძალული გვქონდა, მაგრამ იმ დღეს რალაც ეშმაკი შეგვიჩინდა. პეტროგრადელი ბიჭი იყო ჩვენთან, კისელიოვი და დაიჟინა, ბაზარში შევიდეთ, არაყი და ხმელი თევზი ვიყიდოთო. დამშრალ აუზთან მივაყენეთ ტანკი ბიჭებმა. შენ შედი ბაზარში, თორემ ჩვენ – რუსებს, იერზე გვცნობენ და შეიძლება, პროვოკაცია მოგვიწყონო. სანამ ბაზრიდან გამოვიდოდი, სროლის ხმა მომესმა, მაგრამ ყურადღება არ მივაქციე, კანტიკუნტი სროლები ქალაქში სულ ისმოდა. გამოვედი და რას ვხედავ, ჩვენი ტანკის ირგვლივ ხალხია, გავარღვიე წრე, ორივე ჩემი ამხანაგი სისხლში მოსვრილი, დაცხრილულები გარდიგარდმო წვანან ტანკზე. მივვარდი ტანკთან. ჩანს, არანორმალური სახე მქონდა, უნგრელებს შეეშინდათ და უკან დაიხიეს. „ხალხი ხართ თქვენ?! თქვენი დედა ასე და ისე-მეთქი!“ ვლრიალებ, საითაც შევბრუნდები, გარბიან, მესერს აწყდებიან, მკვდრები ჯავშან-საბარგულში ჩავასვენე, დავკოქე მანქანა და ღრიალ-გრუხუნით, ნგრევა-ხრიალით დავეშვი, თითქმის ვერაფერს ვხედავ. თვალები ცრემლით მაქვს სავსე. მახსოვს, ჰაიდამაკების ძეგლს ჩავუარე, მარცხნივ ჩავუხვიე და თითქოს მეხი დაეცაო, ტანკი კინალამ ჰაერში ავარდა. მეტი არაფერი მახსოვს. გონს ჰოსპიტალში მოვედი. მარჯვენა მხარი ოთხ ადგილას მაქვს გაკერილი და ა, შეხედე, კეფის ქვემოთ კისერთან იმხელა ნაჭრილობევი მაქვს, მუშტი შეეტევა.

ყველაფერი ეს იმიტომ მოგიყევი, რომ მწერალი ხარ და ჩემი მაგალითი იქნება, რამეში გამოგადგეს. რა შემეძლო ჩემს ბედში შემეცვალა, მითხარი ერთი, თუ ღმერთი გნამს. არ წავსულიყავი საბჭოთა ჯარში? ციხე არ ავცდებოდა და, ესეც არ იყოს, სამხედრო სამსახურზე ჩვენ მაშინ სხვა წარმოდგენა გვქონდა. ახლა რომ ვუყურებთ, ასე არ ვუყურებდით. უნგრეთში გაფრენაზე უარი მეთქვა? მე-მეთქი პრინციპულად არ ვმონანილეობ ამ უსამართლო ოპერაციაში-მეთქი? ხომ მიმახვრეტდნენ იქვე. ვინ ვიყავი მე, ერთი უბრალო ჯარისკაცი.

უნდა იცოდეთ, ბატონო გელა, პასუხი იმათ უნდა აგებინოთ, ვინც ბრძანებას იძლევა, ვინც ომს იწყებს, ვინც პოლიტიკას მართავს, თორემ ჯარისკაცი რა შუაშია. მე ხომ სიცოცხლე მინდა

სიკვდილამდე და სახელმწიფოს მიმართ ჩემი ერთგული სამსახურისთვის ლუკმა-პური ხომ მეკუთვნის?

\* \* \*

ბატონო რედაქტორო

მინისტრთან ვიყავი პატარა საქმეზე. კაცის მოკვლის ნებართვა ვთხოვე. უარი მითხრა. მთლად ცივი უარი, ცოდვას ვერ დავიდე, არ უთქვამს. მეო, ადამიანის მოკვლის უფლების გაცემის უფლება არა მაქვსო. ესო, მონკავშირი როდია, სადაც მელიის მოკვლის ლიცენზიას იძლევიანო. ვინ ჩემი ცოდვით სავსემ მოგასწავლა ჩემთანო. ვხედავ, მჯერა, რომ უსამართლოდ გჩაგრავენ და გაუმწარებიხარ, მაგრამ მე რომ შენ კაცის მოკვლის ნებართვა მოგცე, უნდა დავიხურო ქუდი და წავიდე აქედანო. კაცი არაა საქართველოში ახლა ორი-სამი მტერმოძულე რომ არ ყავდეს მოსაკლავი. ყველა ჩემს კაბინეტთან მოიყრის თავს და იმგენს თუ მოვუნდი, წესრიგს ვინლა დაიცავს ამ ანენილ ქვეყანაშიო. წადი და თუ ნამეტანი შეგანუხეს, როგორც ჭკუამ გაგიჭრას, ისე იმოქმედე. ჩვენ რომ ვერ ვწვდებით ყველაფერს, მე რომ არ გითხრათ, თვითონვე ხვდებითო.

ახლა წვრილად გიამბობთ, რამ ამაღოლა გზაზე ეს დროული კაცი და რამ მიმიყვანა მინისტრთან ამ, ცოტა არ იყოს, უცნაური სათხოვარით.

დავაგუბე ცხენისწყლის ტოტი და პატარა საკალმახე მოვანყე ამ ოთხი წლის წინ. ჩვენი, ქართული კალმახი, მოგეხსენებათ, ტყვეობაში არ მრავლდება. რა პირობები არ შევეუქმენი, რა გამდინარი წყალი და ჩანჩქერი არ მოვანყე, მაგრამ შენ არ მომიკვდე. შეგიმჩნევიათ, ალბათ, ყველგან, მთელს დუნიაზე, ყველა საკალმახე მეურნეობაში თუ ფერმაში, შვეიცარიაში 1927 წელს გამოყვანილი შავნინწკლებიანი კალმახია. ჩვენი შავნითელლურჯწერტილებიანი ულამაზესი კალმახი მარტო საქართველოშია ეს დალოცვილი და ხელოვნურად, იმნაირი აზიზი რამეა, ვერა და ვერ მოვაშენეთ.

კალმახის საქმე ძალიან ძნელი, მაგრამ ვის დაეუმალო. შემოსავლიანიც გახლავთ. კალმახის ლიფსიტები, საბჭოთა კავშირს რომ ეძახიან ამ დასაქცევ იმპერიაში, ორ ადგილას გამოყავდათ მხოლოდ. ესტონეთში – ტალინის კალმახთსაშენში და ვლადივოსტოკში, ერთ ადგილას, (იაპონელებს უსწავლებიათ). ასე რომ ლიფსიტებს ყველანი ამ ორ ქალაქში ვიძენდით ნაღდ ანგარიშზე. ლიფსიტა ოთხჯერ იმაზე მეტი უნდა იყიდო, რამდენის გაზრდაც შეგიძლია. ზოგი გზაში ილუპება, ზოგიც აქვე, წყალსაცავში.

შარშან თითო ლიფსიტის ფასი ოც კაპიკზე რომ ავიდა (ახლა მანეთი ღირს და მალე, ალბათ, მოემატება), ძალიან გამიჭირდა.

ერთი მილიონი ლიფსიტა მაინც უნდა ვიყიდო და ახლა სხვა ხარჯი? ვერ გავუძლებ, გავკოტრდები მეთქი და გადავწყვიტე, მე თვითონ მეცადა ლიფსიტების გამოყვანა. დავიდე წინ სახელმძღვანელოები, სულ სანტიმეტრობით დავამზადებინე როფები, ყველაფერი, მოკლედ, რომ არ დაგვალათ, ისე გავაკეთე, როგორც წიგნებში ეწერა, მაგრამ არაფერი გამოვიდა. კინალამ გული ავიყარე, ალბათ, ჩვენი წყალი, ან ჰაერი არაა ხელსაყრელი შვეიცარული კალმახის ალაგობრივი გამრავლებისათვის მეთქი.

დავკარი ფეხი და ჩავედი ესტონეთში. წინანარვე ვიცოდი, ესტონელები ეშმაკი ხალხია და კალმახის გამრავლების ტექნოლოგიას ფირმის საიდუმლოდ ინახავენ. ექსკურსიაზე ვარ, უბრალოდ მინდა დავათვალიერო, როგორ, რა პირობებში მუშაობთ მეთქი.

შემომატარეს კალმახთსაშენი ვეკითხები: ზოგ პასუხს ვინერ, ზოგს ვიმახსოვრებ. აბა რამდენი განყოფილებაა, წყლის ტემპერატურა როგორია, რამდენ ხანში ცვლიან წყალს. მერე დედალ-მამალი კალმახების მოწველასაც დავესწარი. ადამიანივით მგრძნობიარეა კალმახი. მამალი კალმახების მოსაწველად გოგოები ყავთ შერჩეული. კაცის უხემ ხელს მამალი კალმახი არ ემორჩილება. დედალ კალმახებს კი, პირიქით, მამაკაცის ხელი უფრო იმორჩილებს და მეტ ქვირითს აყრევენებს. ყველაფერი მისხალ-მისხალ უნდა გაითვალისწინო. საკმარისია, პატარა შეცდომა და გათავებულა საქმე. მაგალითად, ყველაფერი ზუსტად ვიანგარიშე და ერთი რამ გამომჩა, თურმე ლიფსიტებს მღვრიე წყალი აბრმავებს და იხოცებიან. შარშან ერთი დღით მივუშვი ბაცი ცხენისწყალი და ნაშრომი წყალში ჩამეყარა. ანკარა და, თან, რასაკვირველია, უმარილო მტკნარი წყალია საკალმახე.

ორ კვირას დავრჩი ტალინში. დავდივარ ყოველდღე ექსკურსიაზე კალმახთსაშენში – მოვაბეზრე მასპინძლებს თავი. ბოლოს მიმიხვდნენ რაც მსურდა, და ბოდიშის მოხდით დამითხოვეს. არა უშავს, რაც მთავარია, ხარისთვის რქებში ჩავლებული მაქვს. დავბრუნდი და შევუდექი ჩემი უბის წიგნაკების დამუშავებას. დავხაზე სქემები, დავატრიალე ჩემი ცოდნა-ფანტაზია და მეხუთე ცდაზე მივალწიე მიზანს. ჯერ საქართველოში ჩემს გარდა არავის გამოუყვანია კალმახის ლიფსიტები. სამი მილიონი ლიფსიტა მყავს ახლა. ორ მილიონს გავყიდი, მილიონს დავიტოვე.

შრომა-წვალემა დიდი უნდა, მაგრამ შემოსავლიანი საქმეა მეთქი, მოგახსენეთ. ცხრა აუზი სჭირდება კალმახთსაშენს. სხვადასხვა ზომის კალმახები სხვადასხვა აუზებში უნდა გყავდეს, თორემ ერთმანეთს ჭამენ. ასევე სანაშენო დედა და მამა კალმახების ერთ აუზში ყოფნა არ შეიძლება. ერთმანეთს დაერევიან. სანაშენო კალმახებს დანარჩენი შვიდი აუზიდან ვარჩევთ (დიდებს და ჯანმრთელებს) და

განსაკუთრებულ კვებაზე გვყავს. დედა კალმახი პატარძალივით ლამაზი და პირმრგვალია, მამა – უფრო ჯმუხი და უხეში.

ახლა ჩვენს მთავარ გასაჭირს მივადექით. ქვეყანა რომ აირია, ჩემზე უკეთ მოგეხსენებათ. ამ ბანდიტურ ეპოქაში, კალმახს კი არა, სულს რომ არ შეგარჩენენ, ესეც არაა თქვენთვის ახალი. ხოდა, ვისაც ავტომატი აქვს და დაცემა არ ეზარება, ყველა ჩემი მუშტარია. მოგვადგებიან ცარიელი გოდრებით; აბა, კალმახი საჩქაროდო. ვინ ხართ, საიდან ხართ? ეკითხები შეშინებული; ბევრს ნუ ლაპარაკობ, ეს გოდრები კალმახით გაგვივსე და სახარჯოდ ორასი ათასი გამოაყოლე, თორემ მიგაყენებთ კედელთანო. ერთჯერ, ორჯერ, სამჯერ, ოცჯერ... რამდენჯერ გაუძლებ კაცი ამ, გაძარცვას თავი დაანებე, შეურაცხყოფა-დამცირებას. სხვა არა იყოს რა, რა ჯიბე გაგიძლებს.

ამასწინათაც ოცი-ოცდახუთი წლის ბიჭები დაგვეცნენ. ვავსებთ კალმახებით გოდრებს მორჩილად. ძალა აღმართს ხნავს, მეტი რა გზაა. ერთმა ლანირაკმა აუზში დედა კალმახები შენიშნა და ამფსონებს გასძახა – აგერ დიდი კალმახებია და ეს დამპალი მხოლოდ მტკაველა კალმახებს იმეტებს ჩვენთვისო.

ბიჭებო, მე ვუთხარი, საჭმელი კალმახი ყველაზე კარგი სწორედ მტკაველებია. ეგენი დედა-კალმახებია, საჭმელად არ ვარგა, თანაც დედა-კალმახს სპეციალური მოვლა-გამოყვანა უნდა, ათასში უნდა ამოირჩეს მეთქი. მორჩი ზღაპარსო, იმ ხისთავა ბანდიტმა შემომიღრინა და აუზში მიუშვა ავტომატის ჯერი. შეილება წყალი წითლად. ამოყირავდნენ ჩემი სიმწრით დაზრდილი დედა-კალმახები. თვალთ დამიბნელდა. დავბარბაცდი. მინა რომ გამხეთქოდა და შიგ ჩავეტანე, ის მერჩია.

რას მერჩით, რას მემართლებით, თქვე უღმერთობო-მეთქი, მაგრამ ვინ მისმინა, აკრიფეს საჭმელად უვარგისი სანაშენო კალმახები და გოდორში ჩაყარეს. წასვლისას კონდახისცემით შემადგეს კაბინეტში და სანამ ფულიც არ ამატყავეს, არ მომეშვნენ.

ა, ასეთ დღეში ვარ. კვირის თავზე ეს ნაცემი გვერდები რომ მომიშუშდა და ფეხზე დადგომა შევძელი, ავედი რაიონის ცენტრში, ოთუსბირად ვიყიდე ავტომატი, ვიქირავე მეზობლის ცოტა მოქურდ-მოავარო ბიჭი და დავიყენე მცველად.

ავტომატში ხომ იმდენი ფული გადავყარე, მცველს ათიათას მანეთს ვაძლევდი თვეში (ნაკლებზე არ დამთანხმდა, სიცოცხლეს საფრთხეში ვიგდებო). რომ დავფიქრდი, ცოტა არ იყოს ახლა უფრო შემეშინდა. მოვლენ ყაჩაღები, ამ ჩემმა მცველმა უნდა ესროლოს ხომ? შეიძლება კაციც შემოაკვდეს. სად მიდიხარ მერე? მთავრობა ხომ მოგკითხავს; კალმახის გულისთვის კაცი რავა მოკალი, შე ოჯახქოროო. გარედან ასე ჩანს, კი.

ჰოდა, მივედი მინისტრთან. მომეცით, ნება, იმ ბანდიტებს მე თვითონ გავუსწორდე მეთქი, არაო, მაგას ლინჩის წესი ქვიაო, და ვერ დავუშვებთო. აბა, დამიყენეთ მილიციელი და დამიცავით მეთქი, შენი კალმახის კი არა ტელევიზიის დასაცავად არ გვყოფნის ხალხიო.

რა ვქნა მე, გეკითხებით თქვენ, თქვენ ხომ ჭკვინი ხალხი ხართ.

\* \* \*

ამასწინათ „ნიანგში“ ასეთ ნახატ-ხუმრობას წავანყედი. „რატომ სცემ მაგ ძაღლს კირილე? – სტუმარს უკბინა ფეხზე. – მერე? შეე კაცო, უწყრები კი არა, შუბლზე უნდა აკოცო, ამ გაჭირვებაში სტუმარი არ გამიგია, მე!“.

ჯერ გამეცინა, მერე სევდა შემომანვა გულზე და კრიჭა შემიკრა. რა მწარე სატირაა. რატომ უნდა გაჩენილიყო ასეთი ხუმრობა სწორედ საქართველოში – ქვეყანაში, სადაც სტუმარს ღვთის გამოგზავნილად თვლიდნენ და ფართო ტაბლას უდგამდნენ. ნათქვამია, გაქცეული თევზი დიდი ჩანსო, მაგრამ მე იმ საქართველოს მივსტირი, რომელიც წავიდა.

შიმშილმა ქაშის მოკლეზე გახვრეტისა და საბნის განვდომაზე დახურვის გარდა, როგორც ჩანს, ერთი ცუდი ზნეც გვასწავლა: თუ გამოუვალი მდგომარეობა არ არის, სტუმარს ან თვალს ავარიდებთ ხოლმე, ან, თუ ქუჩაში შეგვხვდა, კალთას აღარ ვაგლეჯთ ძველებურად.

ღმერთო, შენ გვიშველე! გამჩენო, ნუ დააკარგვინებ ქართველს მამაპაპეულ, გამორჩეულ ნიშან-თვისებას.

ბევრი რომ არ გავაგრძელო, ამასწინათ, ჩემს უწყლო და უმოსავლო აგარაკზე სამი ისეთი მყვარებელი დამეცა, უღვინისჭიქოდ მათი გამვება სახელის სამუდამოდ გატეხვას ვინ ჩივის, ცოცხლივ ჯოჯოხეთში ჩადგების ტოლფასი რომ გახლავთ. არა და, სააგარაკოდ წაღებული ნახევარი წველა ყველი და ამოსულ-ამოკვირტული ორიოდ კილოგრამი კარტოფილი უშველის ამ საქმეს? ღვინო, ვენაცვალე, ჩემს გურჯაანელ მეგობარს – ნუგზარ თვალმიხელაშვილს, მისი ნაფეშქამევი ღვინო მაქვს, მაგრამ მისაყოლებელი არ გინდა? ვაჟიშვილს სტუმრების ნარდით გართობა დავავალე, ცოლს ვუთხარი – სამზარეულოში მოსაჩვენებლად ახმაურე ტაფაქვა-სანაყი მეთქი, ჩავიკუჭე ჯიბეში ზაფხულის ხელფასსგადარჩენილი ოთხასიოდე მანეთი და ვეცი ჟიგულს.

ჩვენი, ჯერ უსახელო, უტყეო უდაბნო-აგარაკ-დასახლები ზემოთ, მდინარე ფრანის პირას პატარა ქართული სოფელია (ახ-

ლახანს ცოტნიაური დაარქვეს, ადრე რა ერქვა, ვერ გეტყვით). ცოტნიაურში, თურმე, ამ რვაასი წლის წინათ კოხტასთავის შეთქმულების ორი, დაჭერას ილბლად გადარჩენილი, მონანილე იმალებოდა. ტყუილია-მართალია ვერ გეტყვით. ზემოთ ამ ფრანისპირა სოფელთან დაკავშირებით „ქართულს“ იმიტომ გავუსვი ხაზი, რომ ცოტნიაურის მარცხნივ, ოდნავ ზემოთ, გაღმა, თუნუქის სახურავებით ალაპლაპებულ-აელვარებული, მჭიდროდ დასახლებული აზერბაიჯანული სოფელი – აღჯაბადი მოჩანს.

ცოტნიაურში ჯვარგადახრილ მწვანე საყდარს გავცდი და პირველივე მოსახლეს დავუსიგნალე.

როდისროდის შევთავსაფრიანი მოხუცი ქალი გამომეგება. ჯერ ჟიგულს დააკვირდა, მერე მე, და რომ ვერ მიცნო, შებრუნება დააპირა, მაგრამ მანქანიდან გადმოვხტი და შევეხმინა:

– ბოდიშს ვიხდი, ქალბატონო, უხერხულ საკითხზე განუხებთ, მაგრამ სხვა გზა არა მაქვს. სტუმრები მენვივნენ მოულოდნელად, მე, ქვევით, განათლების სამინისტროს ნაკვეთები რომაა, იქ ვისვენებ. პატარა აგარაკით მაქვს. ერთი სიტყვით, ყიდვა მინდოდა რალაც-რალაცების.

– რისი მაინც? შემობრძანდით ეზოში, პატივცემულო.

– შემოსასვლელად, გმადლობთ, არ მცალია. ა (პიჟამოზე დავიხედე), ასე ვარ წამოსული. მინდა ვიყიდო, ერთი სიტყვით, თუ გასაყიდად გაგემეტებათ: ერთი ვარია, ცოტაოდენი ყველი, კვერცხი, მწვანე ლობიო, თუ ვინმეს ექნა.

ლობესთან სკამი გამომიტანა. დაბრძანდიო, დაჟინებით მთხოვა, მაგრამ შორს დავიჭირე. მერე თავშალი მოიხსნა, ისევ შემოიხვია წვრილად დავარცხნილ თეთრ თმაზე, შუბლთან ლამაზად შეიკეცა და უკან ჩვეულებრივზე მაგრად შეიკრა.

– მე, პატივცემულო, ეს ორი კვირაა ჩამოვედი, შვილთან ვარ ქალაქში და კრუხი ახლა დავსვი, ჯერ არც გამოუჩეკია. ძროხა, სიმართლე გითხრათ, არა მყავს. რომც მყავდეს, ზამთარში ვის დაფუტოვო, ყველას თავისი თავი უჭირს. ვარიები ზებედაშვილის ქვრივს ჰყავს გასაყიდი ზევით, მაგრამ ძალიან ძვირს აფასებს. რა ვიცი, ჰკითხეთ მაინც, მოსახვევთან დიდი მსხალი რომ დგას, იქვეა მისი ჭიშკარი. მწვანე ლობიო ჯერ არ ვარგა, ახალი გამოსულია ყვავილიდან, თორემ როგორ დაგიკავებდით. ისე, ამას, ყველაფერს, გაღმა იშოვით აზერბაიჯანელებთან. კარგი ხალხია, ვერ დავმაღავ და არც მეძვირეები გახლავან. რამე რომ დაგვჭირდება, ჩვენც მათგან ვყიდულობთ. ისე, რაკი მოსული ხართ, შეუყევით ზევით სოფელს იქნებ რამე იშოვოთ. რა ვიცი, მე დიდი იმედი არა მაქვს. ზებედაშვილთან მაინც ხომ უნდა მიხვიდეთ.

მადლობა მოვახსენე და მანქანაში შევძვერი.

ზებედაშვილის ქვრივმა, მალალმა, ბოხსმიანმა დედაკაცმა: ხუთი ვარია მყავდა და გუშინ გავყიდე დეზერტირის ბაზარზეო. არა ღირს დღეს ფრინველების მოშენება, იმდენი წვალება უნდა, საკვების ფულსაც ვერ ანაზღაურებსო. ზევით ტყუილად ნახვალთ. ძროხა ორ მოსახლეს ჰყავს მარტო – კამლიძეს და ხახალეიშვილს. კამლიძის ძროხა მაკეა, ხოლო ხახალეიშვილთან იმდენი სულია (ახლა ქალაქიდან ძმის შვილისშვილებიც მოემატნენ), რომ ყველი გასაყიდად კი არა, გამაგრებასაც არ აკლიან, ახალამოყვანილზე ჭყინტად იჭმება მაგათ ოჯახშიო. ზევით, გორაშვილებს, მესამე წელია ჭიმკარი არ შეუღიათ, მიატოვეს აქაურობაო. კვერცხი ერთ ადგილას მეგულება, მაგრამ ხუთს არ აკლებს და ხუთად ქალაქშიც ქე იშოვითო. რატომ არ გინდათ აღჯაბადში ასვლა, ყველაფერი აქეთ და ყიდვისას ნუ შეგრცხვებათ, შეევაჭრეთ, არაფერი უჭირთ, კეთილი ინებონ და დაგიკლონ. ჩვენს მიწაზე ცხოვრობენ და ჩვენი ბუნების მადლით მდიდრდებიანო.

გამოვემშვიდობე ზებედაშვილების ქვრივს და ზემოთ აღარ წავსულვარ, აღჯაბადისკენ შევაბრუნე მანქანა.

ცოტინაურის აღმართი ავათავე და ასფალტიც განწყდა. ნახევარ კილომეტრამდე ოღროჩოღრო, ქვიან-კოლობხებიან გზაზე ვახტუნავე მანქანა და თავდაღმართზე რომ დავეშვი, ისევ დაიწყო ასფალტი. აღჯაბადის შესასვლელთან ასფალტიანმა გზამ მარჯვნივ გაუხვია. ისევ მტვერში შეეყავი თავი.

პირველი, რაც თვალში მეცა აღჯაბადში შესვლისას, ის გახლავთ, რომ სახლები ახლომახლო უდგათ და ეზოები დიდად მოვლილ-დასუფთავებული არ უნდა ჰქონდეთ. ყოველ შემთხვევაში მანქანიდან ასე ჩანს. გზის პირზე გადმოკიდებულ ბოსლებქვეშ საქონლის სკორე დახვავებულა და ორღობეში მძაფრი სუნი დგას. ყოველ ნაბიჯზე ბაღლები დატანტალებენ. შავტუხა, მკვირცხლთვალება თათრის ბავშვები მანქანას მონუსხულივით შემოაჩერდებიან და „გამარჯობა“, „გამარჯობას“ ძახილით ფეხდაფეხ მოსდევენ. ლურჯ-წითლად ჩამჭკნარ-ჩაქიშმიშებული თავ-ბიბილოების წინაგდება-ლავილით სოფელში უცხო კაცის გამოჩენისადმი პროტესტს გამოხატავენ გაფხორილი ინდაურები. ხოლო შუკაში მოსისინე-მოყიყინე ბატებს ოციოდე მეტრზე რომ მიუახლოვდები, სწორედ მაშინ მოუნდებათ მეორე მხარეს გადასვლა. მიიხედ-მოიხედავენ, კისრებს წაიგრძელებენ და ფრთების ოდნავ გაშლით, პარტყაპურტყით, ისე დაწყობილად და წესრიგიანად გადადიან, რომ შემირცხვენია მათთან ნებისმიერი, ქართული, როგორც ჟურნალისტები იტყვიან ხოლმე – „არაფორმალური საჯარისო გაერთიანება“.



შუა სოფელში, წყაროსთან დავამუხრუჭე. ორი გრძელკაბათ-ავსაფრებში გულდაგულ შეფუთული ახალგაზრდა ქალი წყაროსთან ჩამუხლულა, ერთი ხის განიერ ვარცლში თეთრეულს რეცხავს, მეორეს კოკა შეუდგამს რკინის მილისთვის და დოინჯშემოყრილი დასცქერის.

– სალამ ალეიქუმ!

მრეცხავმა პასუხის ნიშნად ტუჩები ააცმაცუნა და, თუმცა ქვედა კაბა სამჯერ უფრო ფართო ეცვა, ვიდრე საჭიროება მოითხოვდა, მაინც ყოველშემთხვევისათვის ჩაისწორ-ჩაიფინა, კოკიანმა კი ჩაილიმა და, თითქოს აქ არაფერიაო, კოკას ხელი შეაშველა. მანქანიდან გადმოვედი და შორიახლო გაეჩერდი.

– ხომ არ იცით ძვირფასებო, ვინ ყიდის აქ რამეს, საერთოდ, რასაკვირველია, კვერცხი მინდოდა და ცოტა ყველი, ლობიო, თუ გეშოვებათ, ერთ ქათამსაც ვიყიდდი ხელსაყრელ ფასში, რა თქმა უნდა.

ჯერ საქმიანსერიოზული ოთხი ლამაზი თვალი ერთდროულად შემომენთო, მერე ვარცლიდან თეთრი ქსოვილი ამოცურდა, ორივემ ღონივრად განურეს და დახვეული ქვაზე რომ დადეს, ერთმანეთში დინჯი, აუჩქარებელი მუსაიფი გააბეს.

– თურჩიფთიაჯიბაშბაშლულუ? – ჰკითხა მრეცხავმა.

– ქაფშუშჯამრე – მიუგო უფრო ახალგაზრდა და ტანკენარმა, კოკა თეძოზე შემოიდგა და წყაროს ფილაქნიდან ჩამოორსაფეხურდა.

– კვერცხი, ყველი, ქათამი და კიდევ რა? – მკითხა შვიდპირ დიბა-ატლასში გახვეულმა და ვარცლი გადმოაპირქვავა.

– ლობიო.

– თურთურქიფჩანბოლშლუნუჭუ!

– ქურქურზუთუ – ფეხი მინას მორცხვად გაუსვა და კოკას ხელი შეუნაცვლა ლამაზმა. ისე, კაცმა რომ თქვას, რად ავიხირე ეს „ლამაზმა“. ორივენი საოცრად ლამაზები და რაც მთავარია, კდემით აღსავსენი ჩანან.

– აი, ამ გოგოს დედამთილი აქვს ყველაფერი. იქეთ, ფირდაფირ, ორსართულიანი აგრის სახლი ცხოვრობენ. მიდი, აიღე – მითხრა უფროსმა ქალმა და განურული ზენარი ცარიელ ვარცლზე დააგდო.

– ზემოთ კაკალი რომ ჩანს?

– იმის იქეთ, მეორე პატარა კაკლი და ფირდაფირ ამისი სახლია. ამასობაში „გოგო“ დანიწაურდა. კოკას ორივე ხელი მოხვია და ოდნავ გადახრილი კოხტად მიაბიჯებს.

– თვითონაც ხომ შინ მიდის?

– კი.

– ჩაბრძანდეს, ბარემ, მივიყვან კიდევ და გზასაც მასწავლის.

– ფირქირლულუ?! – გასძახა.

კოკიანი შეჩერდა. მოიხედა, გაიცინა.

– თურშაღფე.

– ეშინია, – განმიმარტა ვარცლთან ჩამუხლულმა.

– როგორ გეკადრებათ. ორ ნაბიჯზეა... ესეც არ იყოს, ვგავარ ისეთ კაცს?

– ქაფჩქუ! – გასძახა.

ამასობაში მანქანა ზედ კოკათედოსთან გაფუჩერე.

უკანა კარი გამოსწია. ჯერ კოკა ჩადგა.

– რა გვქიათ? – ტირიფებთან გადაფუხვით თუ არა, ვკითხე.

– ბაჯი.

– რა ლამაზი ხარ, ბაჯი.

– ე, ე, აბა, აბა, გააჩერე! ფეხით ნახვალ!

– რატომ, რა დავაშავე?

– ჩემი დედამთილი, აგეთნაირი ლაპარაკი არ უყვარს. თუ დამ-  
ნახამს! – ბაჯიმ ორივე მუშტი ერთმანეთს მიარტყა და გაიცინა.

რამდენიც არ უნდა მიმტკიცოს ჩიჩი გვილაგამ, ხატზე დავი-  
ფიცებ, რომ ლამაზი ქალები ყველგან ერთნაირად კეკლუცები და  
მაცდურები არიან.

ბაჯიმ თავის ჭიშკართან მაინც არ მიმიყვანა. აქეთ, ორმოციოდე  
ნაბიჯზე გამაჩერებინა მანქანა.

მეც კოკიანად წინ გავატარე. მადლიერად შემომხედა, გამიძღვა,  
ეზოში შესვლისას თავშალი შუბლზე ჩამოიწია და გამიღიმა.

მალე ბაჯის დედამთილი ორმოცდაათიოდე წლის, მზედაკრუ-  
ლი, თეთრკბილა, თეძოგანიერი ქალი იდგა ჩემს წინ.

წვრილად ავუხსენი მოსვლის მიზეზი. არც ის დამიმაღავს, სად  
ვგარაკობ და რა პატივისაცემი სტუმრები მეღიან შინ.

– არის, არის, ყველაფერი არის... მეზობელი ყოფილხართ. აბა  
ფულზე რა ლაპარაკი არის, სურცხულია, მაგრამ დღეს ყველაფერი  
გაძვირდა და რა ვქნათ, ჩონი ბრალი არ არის. ახლავე. ამ წუთში.

– ჯომშალარე! – შუშაბანდს გასძახა.

ცისფერსაწმერთულიანმა გოგომ გამოიხედა.

– კვერცხი რამდენი? – მკითხა მასპინძელმა.

– ოცდაათი, რას აფასებთ?

– ქალაქში ხუთი ღირს, თქვენთვის ოთხი იყოს...

ცოტა შეყოვნება რომ შემატყო:

– ჰა, სამნახევრად აიღე.

– ყველი? ერბომოხდილი თუ არ არის.

– იოხ, იოხ, არა, ჩონ ყველი არ ყიდით, მარტო რძე და მანონი.

ამას ჩონთვინ აკეთებთ, საჭმელად. ნახავთ. თუ არ მოგეწონებათ,  
ნუ იყიდებ. მეტი?

- ქათამი ერთი.
- იახში, იახში, დიდი ქათამი თუ ახალგაზრდა ქათამი?
- საშუალო.
- იახში. ქერჩფერკუფუ ბოქფათქუთა! – გასცა განკარგულება. გოგონამ კისრიტეხით ჩაირბინა კიბე და სახლისუკან გაუჩინარდა.

სანამ ბაჯის დედამთილს ჯალაბობის რაოდენობა-სიმრთელის ამბავს გამოვკითხავდი, შვილიშვილები გარსშემოგვეწყვენენ.

სანმერთულიან, შვლის ნუკრივით თვალცისკარა გოგოს ყველი ეჭირა, თეთრთავსაფრიან თექვსმეტიოდე წლის მზეთუნახავს ცელოფნის პარკით – კვერცხები, ფენშიშველა, თმაგადახოტრილმა, გარუჯულმა ბიჭმა ქათამი მოაბათქუნა.

სახლისაკენ თვალს ვაპარებდი. ლამაზი ბაჯი აღარ გამოჩენილა.

სანამ მასპინძელს ვევაჭრებოდი, მეზობლები მოგროვდნენ. ერთმა ვარიები გამოიყვანა, მეორემ გობზე დაწყობილი გარგარი მოარბენინა, მესამემ კარტოფილი. შორიახლო დადგნენ. აქაოდა, ჯერ ბაჯის დედამთილთან გაასწოროს ანგარიშო.

ნავეჭრს მანქანის საბარგულში რომ ვალაგებდი, ლერწამტანა, წრიპინახმიანმა, გადაბმულწარბებიანმა გოგომ, რომელსაც ცხვირის ნესტოები ოფლისაგან დაცვაროდა, ვედროთი მწვანე ლობიო ჩამოარბენინა და თვითონ ჩამიდგა მანქანაში.

- ნავედი აბა, გმადლობთ, ნახვამდის!

ყასიდად გავიღიმე და შევეტრიალდი. ვნახოთ ერთი რა სახეს მიიღებენ მეთქი. ზოგჯერ ვიცი ხოლმე, ასეთი უადგილო ხუმრობა.

- ე! ე! ფული! ფული! – დაიძახა ლობიოს პატრონმა და უფრო მეტად რომ აეხსნა, თითები ერთმანეთს ლამის ჩემს ცხვირწინ გაუსვ-გამოუსვა.

ვიანგარიშეთ. ბაჯის დედამთილმა ფასები ლამის გამინახევრა, მაგრამ ჩემი ოთხასი მანეთი მაინც არ მეყო.

გენდობითო, მითხრა ახლა ლობიოს გოგო გაისტუმრეთ და მე დანარჩენი მერე ამომიტანეთ, მეზობელი ხართ, ბოლოსდაბოლოს, გამქცევი ხომ არ ხართო. თუ არ მოიტანეთ, მე წყევლა არ ვიცის, არ შეგეშინდესთ. შენი ფეშქაში იყოსო.

რომ ჩავივაკე, ცრემლგამშრალმა გავხედე ჩახავსებულ-ჩათითოდეაბრებულ ქართულ სოფელს და მყუდროება არ დავურღვიო მეთქი, ასაქცევი მოვძებნე.

ვალი, რასაკვირველია, მეორე დღითვე ვაახლე ბაჯის დედამთილს. ამას ისე, ზედმეტად ცნობისმოყვარე მკითხველისთვის ვწერ, თორემ ისე, რა მნიშვნელობა აქვს.

\* \* \*

როგორც კაცი და როგორც მწერალი, მე კომუნისტური რეჟიმის დროს ჩამოვყალიბდი. ვისაც გამოუცდია, მხოლოდ მან იცის საფუძვლიანად, როგორი იყო მწერლის ბედი საბჭოთა იმპერიაში. ისეთ მწერალზე მოგახსენებთ, ვისაც არ შეეძლო, სიმართლე არ ეწერა, თორემ სხვანაირი მწერლებიც არსებობდნენ და, ვისლა დავუმალო, მშვენივრად გრძნობდნენ თავს.

ხელისუფლება ჩვენგან სიმართლის თქმას (და მითუმეტეს, სიმართლის აღწერას) არ მოითხოვდა. ათასნაირად გვეძიძგილავებოდა, რათა ხელი შეეშალა ჩვენი ნაწერის გამოქვეყნებაში, თუ ღმერთი გაგვინყრებოდა და სიმართლეს დავწერდით.

და გვექონდა ფარული თუ აშკარა ომი მთავრობასთან. ამ ომში ორივე მხარე გამოიბრძმედა. ხელისუფლებამ მშვენივრად ისწავლა ჩვენი დამუხრუჭების, „განზე გაყვანის“, ხელიდან კალმის გაგდებინების მეთოდები. ჩვენ ვისწავლეთ ნართაულად, გადატანით, სტრიქონებს შორის აზრის ჩადებით, მინიშნებებით, ეზოპეს ენით წერა. რა ანგარიშით დამთავრდა ეს ორთაბრძოლები, ისტორიამ არკვიოს, ჩემდათავად კი თამამად შემიძლია ვთქვა, რომ რალაც-რალაცების თქმა მაინც მოვახერხეთ, ცოტა სიმართლე როდი გავაპარეთ ჩვენს წიგნებში. ყოველ შემთხვევაში, შევეცადეთ, მწერლის სახელი არ შეგვერცხვინა.

კომუნისტურმა ნყობილებამ მწერლებთან ამ ბრძოლა ჯაჯგურში ახლებური მკითხველიც შობა. მკითხველიც ჩვენთან ერთად გამოიქეცა და სხვანაირ კითხვაში გამოიბრძმედა. იგი, ხშირად, შეუცდომლად ხსნიდა ჩვენს მიერ ცენზურის თვალისასახვევად დახურულ ფრჩხილებს, ხვდებოდა გადაკვრითა და მინიშნებით ნათქვამს, გონების თვალთ წვდებოდა ჩვენს მიერ გამოტანჯულ მრავალწერტილებში ჩანერილ აზრებს. ჩვენი უადგილო „აბზაცების“ გადამკიდემ ზოგჯერ ისიც კი იცოდა, სად რა იყო წიგნიდან ამოღებული და როგორ დაამთავრებდა მწერალი ნაწარმოებს, თავისუფლად წერის და ფიქრის ნება რომ ჰქონოდა.

სხვებისა არ ვიცი და მე, პირადად, ძალიან მიყვარდა მკითხველებთან შეხვედრა. ამ შეხვედრებს გარეგნულად მოსაწყენი, ერთფეროვანი იერი ჰქონდა (მოხსენება, სიტყვები, ქება-დიდება, შეკითხვები, ბანკეტი), მაგრამ მე დიდ სიამოვნებას მანიჭებდა იმათ პირისპირ დგომა, ვისთვისაც ვწერდი, ვისთვისაც ცენზურას სალტო-მორტალეს ვეთამაშებოდი და ნელებზე ფეხს ვიდგამდი, რომ ჩემი სიმართლე „გამეტანა“.

ჩვენ, ამ შეხვედრების დროს, ერთმანეთისა მშვენივრად გვესმოდა. დარბაზში მჯდომი აგენტების მოსატყუებლად (რასაც, უმეტეს შემთხვევაში ვერ ვახერხებდით, მაგრამ მათ შორისაც იყვნენ ისეთნი, თავს რომ იტყუებდნენ საქვეყნო საქმის სასარგებლოდ) იყო ძვირფასი სტუმრისთვის წითელი ყელსახვევის გაკეთების, საპატიო პრეზიდენტად პოლიტიუროს დასახელების და სუფრაზე პირველ სადღეგრძელოდ პარტიისა და ხელისუფლების კარგად ყოფნის ხაზგასმის შემთხვევები, მაგრამ შევცქეროდით ერთმანეთს და მეჩვენებოდა, რომ იქეთაც და აქეთაც კარგად ვიცოდით ამ პომპეზური მონტაჟისაგან რა უნდა დაგვეჯერებინა და რა არა. ესეც არ იყოს, მკითხველს რომ თვალეში შევცქეროდი, უკეთ ვახერხებდი რალაცაზე მინიშნებას, შეთქმულის განდობას, დაფარულის გამხელას ხან მიმიკით, ხან ინტონაციის შეცვლით, ირონიითაც...

თითქოსდა ერთგვარი სპორტული ინტერესიც ჰქონდა ხელისუფლებასთან კატა-თაგვობანას თამაშს. მკითხველი მტრედის გუნდით დაგვდეგდა. მწერალთან ყოველი აზრიანი შეხვედრა ერის შეკავშირებისაკენ, ეროვნული ლაშქრის მოხალისე წევრთა გამრავლებისაკენ გადადგმული ახალი ნაბიჯი იყო. ამიტომაც, რეჟიმის დამცველები ხალისით როდი ეკიდებოდნენ ამგვარ შეხვედრებს. დაწყებამდე, სხვათაშორის, ჩაგიკრავდნენ: იმედია, პოლიტიკაზე არ გვექნება ლაპარაკი, დარბაზში მსხდომთ პოლიტიკაზე უფრო თეთრი ლექსის და ვერლიბრის, რომანისა და ნოველის ჟანრული საკითხები აინტერესებთო. შენც, კულისებში, რასაკვირველია, თავს უქნევდი რაიკომის მდივანს: რა თქმა უნდა, რა თქმა უნდა, პოლიტიკა რა ჩვენი საქმეა, ლაპარაკი იქნება, ძირითადად, ლიტერატურაზე და ორიოდ სიტყვით უკანასკნელი წლების მანძილზე რესპუბლიკის არნახულ გამარჯვებებსაც შევეხებო, აღუქვამდი. რაიონის ხელმძღვანელი, რა თქმა უნდა, არ გენდობოდა. თვითონ შემოგყვებოდა სცენაზე, თვითონ გახსნიდა შეხვედრას, თვითონ გადაარჩევდა დარბაზიდან გამოგზავნილ შეკითხვებს და, არა მარტო, ბანკეტს უთამადავდა, ვაგონამდეც კი მოგაცილებდა უშიშროების ხელმძღვანელისა და მილიციის უფროსის თანხლებით. ეს იმიტომ ხდებოდა, რომ ე მანდ გაუთვალისწინებელ პირს არ გამოლაპარაკებოდი და რაიონში მომხდარ უმსგავსობათა შესახებ სიმართლე არ გაგეგო.

რალა ბევრი გავაგრძელო, საქმე მაინც უფრო მარტივად იყო, ვიდრე ახლაა. იცოდი, რომ ორი მხარე, ორი ქვეყანა არსებობდა. ერთი, ვისთვისაც იბრძოდი და ვისაც შენი ესმოდა, მეორე – ვისაც ებრძოდი და ვინც ყოვლის ღონისძიებით ცდილობდა შენს მიერ დარეკილი ზარის ხმა მიეგუდა, შენს მიერ დანთებული კოცონი ფეხით გაეთელა, ნალვერდალზე წყალი დაესხა.

ამ ორომტრიალში და სიმწრის კბილთალრჭენაში დიდი დრო გავიდა. ერთ დღეს სხვა საქართველოში აღმოვჩნდით.

არ შევუდგები იმის ახსნას, როგორია ეს საქართველო. ეს პოლიტიკოს-ეკონომისტების და სოციოლოგ-ისტორიკოსების საქმეა. უბრალოდ მოგიყვებით, ამ ბოლოს დროს, მკითხველებთან ჩემი შეხვედრის ერთ ეპიზოდს.

როგორც ზემოთ მოგახსენეთ, მკითხველებთან შეხვედრა ძალიან მიყვარს, მაგრამ ორი წელი ისე გავიდა, რომ შეხვედრაზე არსად გავსულვარ. რა ვიცი, სხვა ვითარებათა გამო, თუ არავინ არსად მიმინვია. დარბაზს მონატრებული სიამოვნებით დავთანხმდი ულსხის პრეფექტს, რომელმაც ვინ იცის, იქნებ, სიტყვის მასალად მითხრა, ჩვენსკენ ხომ არ გამოისეირნებდით, ბატონო გელა, მკითხველებს თქვენთან შეხვედრა უნდათო. ვილას სცალია ახლა, ჩემო ქაიხოსრო, მწერლისთვის და წიგნისთვის-მეთქი, მოვითავმდაბლე, მაგრამ ჩასვლის დღე და საათზე მაინც შევუთანხმდი. რომ იტყვიან, სიტყვაზე დავიჭირე.

ის იყო მექანიკური (ჯაჭვი) თუ ელექტროდამცველებით („სეკრეტი“) ჩემი ბებერი ჟიგულის დაბმას მოვრჩი და ულსხის ცენტრში რაიკომის ყოფილ შენობას (ახლა პრეფექტურაა მოთავსებული) გავხედე, რომ ჩემსკენ წამოსული ორი, შუბლზექუდჩამოფხატული ჯინსიან-ტყავისკურტკიანი ბიჭი შევნიშნე. სანამ მომიახლოვდებოდნენ, რამდენჯერმე უკან მიიხედეს და მთხოვეს, თუ არ შევწუხდებოდი, ისევ მანქანაში ჩავმჯდარიყავი.

– რაშია-მეთქი, ბიჭებო, საქმე?

– ორი სიტყვა გვაქვს სათქმელი, არ შეგეშინდეთ, პატივცემულო, – გამიღიმა მარჯვენაშეხვეულმა, შავწვეროსანმა ბიჭმა.

კარი გამოვალე და საჭესთან დავჯექი. უცნობები უკან ჩასხდნენ.

– დღეს შეხვედრაა თქვენთან კულტურის სახლში.

– დიახ, რა ვიცი... არის ახლა შეხვედრების დრო? – ნავილულულულე.

– შეხვედრაში თავისთავად ცუდი რა არის, ბატონო, გელა, მაგრამ თქვენგან კი ნამდვილად არ მოველოდით, – მაღალ, ხელშეხვეულ ახალგაზრდა კაცს ცხვირზე გარდიგარდმო ნაჭრილობევი აჩნდა და ყიყინა ხმა ჰქონდა.

– რაზე, ბრძანეთ?

– თქვენ, თქვენი წარსულის კაცი ამათთან როგორ ხართ. ამათთან თქვენ რა გესაქმებათ. ეს იმედი გვქონდა თქვენი?

– „ამათში“ ვის გულისხმობთ?

– პრეფექტს და კამპანიას.

– რაზე შემატყვევებ ამათთან ყოფნა, თქვე კაი ხალხო. მე არც ამათთან ვარ და არც იმათთან. მე ჩემს თავთან ვარ და, თუ მიცნობთ, ასე მარტო ვიყავი ყოველთვის, ამ მთავრობის დროსაც და იმ მთავრობის დროსაც – არ შევეპუე.

– რომ გიცნობთ, სწორედ იმიტომ მოგახსენებთ. გაგვიკვირდა.

– თქვენი სახელით ისარგებლებენ, ესენი, ეს ქვეყნის ამომგდებნი: აიო, ხომ ხედავთო, გელა კირთაძე ჩვენთან ჩამობრძანდაო, ჩვენთან არისო.

– უბრალოდ, ამ ორი კვირის წინათ ქუჩაში შემხვდა თქვენი პრეფექტი – ქაიხოსრო. ხეირიანად არც კი ვიცნობ. მთხოვა, უარს რატომ ვეტიყოდი.

– ხომ გითხარი, – მაღალმა ხელშეხვეულს გახედა.

– ჯერ კიდევ ეშველება ამ საქმეს. სწორად გაგვიგეთ, თქვენი პრესტიჟის გადარჩენა გვინდა. ახლავე შევატრიალოთ მანქანა და სოფელში ავიდეთ. ბლეთი ჰქვია ჩვენს სოფელს, მაღლაა. აქედან სულ ხუთ კილომეტრშია. ჩვენი რაზმის წევრები შეგხვდებით, მთელი სოფელი მოვა.

– მაპატიეთ, კი არ ვიცი, ვისთან მაქვს საუბრის პატივი.

– ჩვენ საზოგადოება „ლამბერტის“ წევრები ვართ. ბოდიშს ვიხდით თავიდანვე რომ ვერ წარგიდექით.

– რა არის იცით, კარგო ბიჭებო? ახლა უხერხულია. კაცს დავპირდი. მობრძანდით თქვენც, კულტურის სასახლეში. ვისაუბროთ. შევეცდები, არ შეგარცხვინოთ, მკითხეთ, რაც გნებავთ. თქვენ არ გაგიჭირდებათ იმის მიხვედრა, სად ვდგევარ და ვის ნისქვილზე ვასხამ წყალს.

ჯერ ერთმანეთს გადახედეს, მერე ხელშეხვეულმა ავტომატის ჯერივით მომაყარა.

– როგორ გეკადრებათ, პატივცემულო. ჩვენ იმათ დარბაზში შევალთ და იმათთან ერთად დავჯდებით?

– რატომ, ჩემო იმანო, ისინი რა, კეთროვნები არიან?

– უარესი, – ყვრიმალეები წითლად დაებერა მაღალს – ისინი ჩვენი და საქართველოს მტრები არიან. ხომ ჩაგვექცა ტვინში სისხლი, იმათ გვერდით რომ სადმე აღმოვჩნდეთ და იმათი ჰაერით ვისუნთქოთ.

– დაგიხოცავთ, აბა, ერთმანეთი და ეგაა.

– არც უმაგისობა იქნება. სანამ დაგვასწრებდნენ და ჩვენს სისხლს დალევდნენ, უნდა ვიმარჯვოთ და ჩვენ ჩვენი უნდა გავაკეთოთ.

– ბევრნი ხართ? – ლამის ყურში ვუთხარი, თითქოსდა შეთქმულების დასტურს ვაძლევდი.

– ყოველ შემთხვევაში, იმათ ვეყოფით! – ვერ მიმიხვდა.

– დაბეჯითებით გთხოვთ, – მთავარ საქმეს დაუბრუნდა მაღალი, – თქვენი იმათთან გამოჩენა და შეხვედრა არავითარ შემთხვევაში არ შეიძლება. ეს თავის მოჭრა იქნება მთელი მწერლობისთვის.

– რა გაეწყობა, რაკი ასე ფიქრობთ, ჩემო ძვირფასებო – ხმაში ხრინნი გამერია და ჩავახველე, რომ მღელვარება დამემალა, – აქამდე არ მომიჭრია მწერლობისთვის თავი და ახლა რა ღმერთი გამიწყრება. გაიგებთ ხვალ ჩვენი შეხვედრის ამბავს და თუ რამე შემეშლება, მერე ვილაპარაკოთ. ახლა, თქვენ გაგებული ბიჭები ხართ და უნდა წარმოიდგინოთ ჩემი მდგომარეობა. ჩამოვედი. თქვენს გარდა სხვამაც ხომ დამინახა. როგორი საქმე იქნება, დავიმალო და ხალხს არ გავესაუბრო.

– ეგენი რა ხალხია. ეგენი მონები და პრავაკატორები არიან. ხალხი ჩვენ ვართ! – ხმას აუნია მაღალმა ნაჭრილობეცხვირიანმა.

– ჩვენ ჩვენი გვითქვამს და თქვენი საქმე თქვენ იცით. ვინძლო წინ არ დაგხვდეთ დღევანდელი აქ ჩამოსვლა. იცოდეთ, მაგათ დიდი დღე არ უწერიათ და მერე არ შეგრცხვეთ ჩვენი.

მანქანიდან ფრთხილად გადავიდნენ. ცოდვას ვერ დავიდე, მანქანის კარი არ გაუფახუნებიათ. ქუდები ჩამოიფხატეს, პრეფექტურის შენობას გახედეს და ყოფილი ლენინის ბალის შუაგულისკენ გააბიჯეს.

– პრეფექტი რომელ სართულზეა-მეთქი, – ვკითხე კარებშიმდგარ, შაშხანიან გვარდიელს.

რომ არ მეკითხა, ყურადღებასაც არ მომაქცევდა, რაკი ვკითხე, ჩემი ვინაობით დაინტერესდა.

– ვისთან მიბრძანდებით?

– პრეფექტთან!

– საბუთი?

გავუნოდე. დიდხანს ათვალიერა. როგორც იქნა დამიბრუნა და ამოღერდა.

– მიბრძანდით!

– არის თუ იცით?

– წელან იყო, თუ უკანა გასასვლელიდან არ გავიდა. აქ ნამდვილად არ გამოუვლია. მოიცათ, მანქანა აქა დგას. აქ იქნება.

– რომელ სართულზეა?

– მესამეზე.

– თქვენთან ლიფტი არ არის, ხომ?

ჩანს, თავი მოვაბეზრე ჩემი ცნობისმოყვარეობით. ეს ბოლო შეკითხვა უპასუხოდ დატოვა და ზურგი შემაქცია.

პირველი სართულის კიბე რომ ავათავე, ვილაცამ მკლავში გამომდო ხელი და ყურში ქალის ნაზი ჩურჩული ჩამესმა:



– ბატონო, გელა...

ჩემს წინ სქელტუჩება, თმებჩამოშლილი, თეთრმოსასხამიანი შუახნის ქალი დგას.

– ალბათ, არ გახსოვართ. აქ ვმუშაობდი აღმასკომში. ამ ხუთი წლის წინ რომ ბრძანდებოდით, მაშინ შეგხვდით პირველად.

– გიცანით, როგორ არა. – დაბნეულად შევხედე.

– ფანჯრიდან გიყურებდით, – ხმას დაუნია და ისე რომ ხელკავი არ მოუცილებია, დერეფნის ბოლოსაკენ გამატარა – „ლამბერტის“ ბიჭები გელაპარაკებოდნენ. რა უნდოდათ?

– რა ვიცი. რალაც თავიანთ გასაჭირზე მითხრეს. ისეთი არაფერი.

– იცნობდით მაგათ ადრე?

– აბა საიდან? პირველად ვნახე.

– ბატონო გელა, არ დაუჯეროთ მაგათ არაფერი. ეგენი ჩვენი მოსისხლე მტრები არიან.

– ვისი თქვენი?

– მე საზოგადოება „ქართველი დედის“ წევრი გახლავართ. ეგ ბიჭები, თქვენ რომ გესაუბრებოდნენ, ხალხის აკლებისა და ბანდიტობის მეტს არაფერს აკეთებენ. ფული აქვთ შეწერილი კომერციულ მაღაზიებზე. ფაქტები მაქვს. ჩემმა დამ საფირმო მაღაზია გახსნა სანყალმა, ფული დროზე რომ არ მიუტანა, კარები დაუცხრილეს.

– ეს თქვენი პრეფექტი როგორილაა?

– ოო, ქრისტეს ფეხის მკვნიტელი, გველი, ნამდვილი გველი... ერთ ნაბიჯზე არ ინდობა, თავისი ხალხით გაავსო რაიონი. ღლეტვის მეტი არაფერი ეხერხება. დიდი ჯიბე დაიკერა და რა ენაღვლება, პარსავს რაიონს.

– თქვენი სახელი?

– ჟუჟუნა!

– სხვა... კიდევ რა ხდება თქვენთან?

– „ლამბერტზე“ და პრეფექტზე ხომ გითხარით. რაიონს შავი ჭირივით შეესია საქველმოქმედო საზოგადოება „თეთრი მტრედი“.

– ეს ახალია რამე?

– არა, ახალი არ არის. თბილისის ფილიალია, შეიარაღებული დადიან. ვერავინ ახლოს ვერ ეკარება. გუშინ მეხამლე ჭავლაძეს მაკე ღორი წაართვეს. ჭკუიდან შეირყევით, თქვენ რომ აქაური ამბები იცოდეთ. ყაჩაღობს უთოფოც და თოფიანიც, ყველა, ვისაც არ ეზარება. თქვენ გგონიათ საზოგადოება „მაგალობელი“ წესიერად იქცევა? ეგენიც გაფუჭდნენ, სააკაძის ძეგლისთვის ფული შეაგროვეს და შეჭამეს. გვატყუებენ, თეთრი მარმარილოს ფული გავატანეთ უგანდაში კაცს და აფერისტი აღმოჩნდაო. არც „ანგე-

ლოზ-დემოკრატია“ პარტია გვაკლებს ხელს. იარაღის შესაძენად გვინდაო და, კვირა არ გავა, ფულზე რომ არ ჩამოიარონ. ამასწინათ, მეღვინე ცერაძეს დაეცნენ. შეკრეს და მილიონამდე წაართვეს. ამბობენ, მაგათი გაკეთებულაო... რომელი ერთი ჩამოგიტვალოთ. ვილუპებით და ეგაა. თქვენ რაზე შენუხდით?

– რა ვიცი, შეხვედრაო... არ მომეშვა პრეფექტი. დღესაა ხუთ საათზე, კულტურის სახლში.

– ო, ეგ გველი, ეგა. ეგ თითლიბაზი. იცის, ვინ მოინვიოს. თქვენისთანა ხალხთან ურთიერთობით უნდა თავი მოგვანონოს. არ უნდა დათანხმებულიყავით, არ უნდა ჩამოსულიყავით. მაგის გვერდით დასადგომად არ მემეტებით სწორედაც. მაგის დღეები დათვლილია, მალე დააპატიმრებენ.

– ვითომ?

– ასპროცენტიანია. წყალი არ გაუფა.

საათზე დავიხედე. ახლა თუ ქალბატონ ჟუჟუნას დროზე არ მოვშორდი, გული შემინუხდება.

– აბა, კარგად! გამოიარეთ ხოლმე, თბილისში რომ ჩამოხვალთ!

– კარგად, კარგად, – ისევ დამენია და ხელკავით ისევ დამიჭირა, – თქვენი ტელეფონი არ ვიცი!

– ოცდასამი-ოცდაექვსი-ოთხმოცდასამი.

– მოიცათ, ჩავინერ; ზეპირად ვერ დავიმახოვრებ, – ჯიბე მოიქეჯა, – კალამი გაქვთ?

ამოვიღე და გავუნოდე.

– ქალღმერთ გექნებათ.

– არა, სამწუხაროდ.

– მოიცათ, ახლავე, – კედელს, კარის კუთხეში შპალერი აახია, – ოცდასამი? – ოცდაექვსი-ოთხმოცდასამი.

– გმადლობთ, ჩვენი საუბრის შესახებ არავის უთხრათ.

– რაზეა ლაპარაკი. თუ შეიძლება...

– ბატონო?

– კალამი დამიბრუნეთ, მჭირდება!

– უკაცრავად... ა ბატონო!

– აბა, კარგად!

– კარგად ბრძანდებოდეთ!

სულმოუთქმელად ავირბინე კიბე. პრეფექტის მისაღებში ხალხი ირეოდა. ისე შემომჩერდნენ, როგორც ჯეირნები ჯილაკლდესთან დაშვებულ უცხო ფრინველს. ერთი-ორმა მიცნო კიდეც და სანამ ჩემს ირგვლივ ცნობისმოყვარე-მომჩივანთა წრე შეიკვრებოდა, მდივანს მივვარდი.

– კირთაძე არის-თქო თბილისიდან. სასწრაფო საქმე მაქვს. იცის თვითონ!

ორიოდე წუთში პრეფექტის კაბინეტში ვიჯექი. პრეფექტი – ქა-  
იხოსრო კერძაძე დაბალი, ჩასკვნილ-ჩაგრეხილი, სუფთად გაპარ-  
სული, ყბებფართო, ელამი კაცი – ყოფილი არქეოლოგი და ყოფილი  
პატიმარი, ცოტა არ იყოს, შემცბარი, ნირნამხდარი მეუბნებოდა:

– სხვანაირად არ მიიღოთ... ზემოდან არავის უთქვამს... ჩვენ  
თვითონ მივიღეთ ეს გადაწყვეტილება... ახლა ასე აჯობებს...  
რაიონი ჯერ მზად არ არის თქვენთან შესახვედრად... შეიძლება  
სხვანაირად გამოიყენონ. აქ სხვა სიტუაციაა. მტრები, მოგესხენე-  
ბათ, თქვენც ბევრი გყავთ. იმედია, სწორად გაგვიგებთ და არ  
დაგვემდურებით... ეს საკითხი დღის წესრიგიდან არ მოგვიხსნია...  
უბრალოდ... ახლა სიტუაცია მყარი არ არის... სხვა დროისთვის  
გადავდოთ... მე თვითონ შეგატყობინებთ... თქვენი ტელეფონი არ  
პასუხობდა... გუშინაც გვინდოდა დაგვერეკა... დღეს სახლიდან  
გამოგვასწართ... ახლა მილებას დავამთავრებ და წავიდე, ერთად  
ვისადილოთ... ბენზინის პრობლემა ხომ არ გაქვთ?

– გმადლობთ... არა არის საჭირო... ყველაფერი რიგზეა. კარგად  
მენახეთ... ღმერთმა ხელი მოგიმართოთ.

– მოითმინეთ... ახლავე კაცს გამოგაყოლებთ!

– არ არის საჭირო!

\* \* \*

ნოემბერი იწურება.

მზეს ძალა მხოლოდ დაკეტილ ფანჯრებს მიღმა აქვს.

ჩემს „ჟიგულოში“ ქარი უსტვენს და წვივებს მიცივებს. თბილისში  
რომ ჩავალ, მანქანის ღუმელის ძრავი უნდა გამოვაცვლევი, თუ  
ვიშოვე. მარტში გადამენვა და მიმრჩა, გადამავინცდა.

პირში უსიამოვნო გემო მაქვს, თითქოს ცარცი მეჭამოს.

საფეთქელზე მირტყამს შიშნარევი ფიქრი:

„რა დაგვემართა... რა დაგვემართა... რა დაგვემართა...“

\* \* \*

ბატონო გელა, ამ წერილს წინასწარი დაკავების IV იზოლაციო-  
რიდან გწერ. პატიმარი საშურა მიქაუტაძე გახლავართ, უდანაშაუ-  
ლო კაცს მალე გამასამართლებენ და იქნებ მიშველო რამე.

დივიზიის საწყობიდან საკოლექციო მიზნით, არადანიშნულები-  
სამებრ გამოსაყენებლად, იარაღის მოპარვის მუხლით გავდივარ  
და ამ მუხლით გავალ ბოლომდის. „საკოლექციო მიზნით“ იმას  
ჰქვია, რომ კაცის მოსაკლავად არ გამოიყენებია. ვითომ იარაღის  
მოყვარული ვარ და კოლექციას ვაგროვებდი.

თუ კარგი დამცველი ვიშოვე, შეიძლება ტრიბუნალიდან მოვახსნევირო და სამოქალაქო სასამართლოში გადავატანინო საქმე. თუ ეს მოვახერხე, გავკეთდი და ეგ არის.

თუ არაფერი გამოვიდა, უნდა გავაყიდვინო ჩემს ცოლს სახლი და მივცე მოსამართლე-პოლკოვნიკს.

ფულს ძალა აღარა აქვს ამ დასაწვავს და ოთუსბირს ითხოვენ.

რა ვქნა, რა მეტი გზა მაქვს, უნდა მივცე. გამოვალ ორ წელიწადში და ავაშენებ სახლს, აბა რა იქნება.

ჯანმრთელობა იყოს და ცოცხალი კაცი ყველაფერს მოესწრება. მთავარია, მშვიდობა იქნეს ქვეყანაზე.

სამი კალაშნიკოვის ავტომატი, ერთი მარგოლინის სისტემის რევოლვერი და ხუთასსამოცი ხელყუმბარის მოპარვა-გატაცება მბრალდება დივიზიის საწყობიდან.

გჯერა შენ ეგ ამბავი? ვინ მოგაპარიებს სამხედრო საწყობიდან იარაღს?!

სამხედრო საწყობი „ემტეესის“ ფარდული კი არ არის, გარედან გაყრილი ლომით რომ ჰქონდა ჩემს ბავშვობაში დაკეტილი ჩიმჩონია კვარკვახიძეს და მთვარის შუქზე მისივე ვედროთი რომ ვპარავდით ყოველღამე სასუქს მე და ჩემი ძმა.

რაც შეეხება დაცემას და იარაღის გატაცებას, ეს ხომ სასაცილოზე სასაცილო ამბავია.

დაეცი აბა, დივიზიის საწყობს, როგორი ბიჭი ხარ. სავარჯიშო ღრუბლის კაცს არ მოხვდება სასროლეთზე იმდენი, შენ რომ დაგათვლიან ბეჭებში ტყვიებს.

ვინ გაგატანს სამ ავტომატს და ხუთასსამოცი ხელყუმბარას. ბნელა?

სხვათაშორის, მე ისე ვატყობ, ამათაც იციან, რომ არ მომიპარავს და არც ძალით წამილია. გუშინ, სალამოს, დაკითხვაზე კატი-სულვამა მაიორმა; ახლა მაინც მითხარი, მე და შენ, ვართ მარტოვო. როგორ დაცინცლე საწყალ ჯარისკაცებს იარაღიო.

ნასვამს არ ჰგავდა, გახეთქილი მთვრალიც რომ ყოფილიყო, მაინც არ ვენდობოდი.

რას ჰქვია, დავცინცლე, მე ვუთხარი, დავცინცლე რა, კოჭი ვეთამაშე, თუ ნიძლავში მოვუგე. მოვიპარე, მორჩა და გათავდა-მეთქი.

კარგი, რაკი ეგრე გირჩევნია, კი ბატონო, მე რა, შენ იკითხე, რომ გახეხინებენ კაი ათ წელიწადსო.

რა ვქნა ახლა, რაც მეკუთვნის მივიღებ, დამნაშავე ვარ და უნდა დავისაჯო მეთქი.

ბოლოს ამოღერდა – გაუგებარი, გამოუცნობ-ჯადოქმნილი ხალხი ხართ თქვენ, ქართველებიო.

ამას რომ ამბობდა, თვალში ცრემლი უბრწყინავდა.

ვინ დაგიფასებს, ვინ გაგიგებს იმას, რასაც შენ აკეთებ ახლავ. შენ თუ გგონია, გაახსენდებათ ამ ღლაპებს დემობილიზაციის მერე, შენი სიკეთეო. ნუ ცხოვრობთ ასე შტერულად, რაინდების და დევების სამყაროდან ჩამოდით ძირს, სხვა დროა ახლა, მეოცე საუკუნეა, გეთაყვა, მეოცე საუკუნეო.

დაიწყე ასე: ძველი „ვოლგა“ მყავს. პირველი გამოშვების „ვოლგა“. რომ არ დაგიმალო, ოცდახუთი წელი შეუსრულდა ახლა ა, ერთი კვირის წინ, ოცდაშვიდ ენკენისთვის. ჩამომართმევენ ალბათ, ნასამართლევს, ქონების კონფისკაციის დროს. დაულუქავთ ჩემი დაჭერის მეორე დღეს. ოლონდ ის მოაცილონ ჩემს ოჯახს და მე ეგ ამბავი არ ვიდარდო, მანამ არაფერი გეტყვინა. ჯაბახანაო, რომ იტყვიან, ისაა სწორედ. იმ მდგომარეობაშია, სამი დღე არემონტებ, ერთი საათი რომ გატაროს.

სათადარიგო ნაწილები ჩვენთან ჯერ ახალი მანქანის სადაა, ძველის რომ იყოს. სისხლი მქონდა გამმრალი. ვილაცამ მიმასწავლა, სამხედრო ნაწილში მიდი, თუ სადმე ექნებათ, მანდ ექნებათო. მახსოვს, მაშინ წინა მარჯვენა თვლის ბურთულსაკისარი იყო ჩაშლილი და ყველგან ჩამოვიმათხოვრე, მაგრამ ვერსად წავაწყდი.

პარასკევი დღე იყო. შარშანდელ ამბავს გიყვები. ტყემლობა კაი ხნის ჩამთავრებული იყო. რიონის პირას ლელეჩემის ბოლოში რომ სამხედრო ბანაკია, იქ მივედი.

კარებში ავტომატიანი ჯარისკაცი დგას და, რასაკვირველია, არ შემიშვა.

საწყობი ხომ გაქვთ აქ, გექნებათ რა თქმა უნდა, იმ საწყობის კაცი მინდა მეთქი.

ჭორფლიანმა მოკლებელება ჯარისკაცმა, საწყობი რომ ვუხსენე კარი გამოალო და ვილაცას უხმო.

კარგამოღებულში ვხედავ: სერჟანტი წამონოლილა და ფანჯარაში ფეხები აქვს გაყოფილი.

შემოვიდესო, ჯარისკაცმა მანიშნა და შევედი.

სერჟანტი გადმობრუნდა და უფრო მოხერხებულად გააწყობა ფეხები სარკმელში.

რა გინდაო, მკითხა.

ძველი ვოლგის ბურთულ-საკისარი, „პადშიპნიკი“ მეთქი.

სხვა არაფერიო? დანის წვერით აინია ქუდი შუბლზე.

ხომ არ დამცინის მეთქი და უპასუხოდ დავტოვე.

ეი! სიდოროვს დაურეკეო, ჯარისკაცს შეეხმიანა.

ჭორფლიანმა ყურმილს ჩასძახა.

– სიდოროვ! სიდოროვ! გამოდი, გელოდებიან.

გამოვიდა ჩემი დამლუპველი სიდოროვი. ნამძინრევივით თვალებ-დასივებული, მზედაკრული, ნაქისფერთვალეა, იხვნისკარტა ზემდე-გი. მხარზე ძველი ძმაკაცით გადამდო ხელი და გარეთ გამომიყვანა. რა გაგჭირვებიაო.

ასე და ასეა ჩემი საქმე მეთქი. „პადშიპნიკს“ ვერსად ვშოულობ. გამიხერხე, თუ ძმა ხარ, და არ განყენინებ მეთქი.

კეფა მოიფხანა, ხუთი მანეთი დაჭირდებაო.

ექვსი იყოს მეთქი და ორ სამმანეთიანს ვუკუჭავ ჯიბეში.

არ გამომართვა.

ხომ არ გაგიჟდით, აქ ფულს როგორ გამოგართმევ, გვითვალთ-ვალეზენო.

მაშინ ცხრა აპრილი სულ ორი-სამი თვის ამბავი იყო და ჯარის-კაცები არ გვენდობოდნენ მაინცდამაინც.

ნადიო სიდოროვმა, ებოს ბოლოში ალვის ხეს ხომ ხედავ, იქო, გამონგრეულია კედელი, იქ გამოგიტან „პადშიპნიკს“. შენ შორიდან მიყურე, მე რომ გამოვტრიალდები, მიდი, აილე და ფული, იქ თე-თრი სიპის ქვა რომ დევს, იმის ქვეშ შეჩურთეო.

ასეც მოვიქეცი. არ გაუვლია ხუთ წუთს. სიდოროვი ხის ყუთს მოათრევს. დადო ხვრელთან და გატრიალდა.

თვალს რომ მიეფარა, მივედი ყუთი სავსეა სხვადასხვა ზომის საკისრებით. ზედ წერილი დევს. „არ ვიცი, რომელი „პადშიპნიკი“ გინ-და. ნაილე ეს ყუთი, ოღონდ ქვის ქვეშ თუმანი დატოვეო. სხვა დროს თუ რამე დაგჭირდება, კარებთან ნუ მოხვალ, ტელეფონზე (1-39-3-27-15) დამირეკე, ოღონდ ტელეფონში არ მითხრა, რაც გჭირდებაო“.

ვინამუსე და თუმანი კი არა, თხუთმეტი მანეთი შევდე ქვის ქვეშ. გავიდე მხარზე ყუთი და მომაქვს.

რატომ შვიდი თუმნის საქონელი არ მომაქვს. ეს რა ქერის ორ-მოს მივაგენი, გახარებული ვარ. ფრენა-ფრენით მოვედი შინ.

რომ აღარ დაგლავო, თუ რამე მანქანის ნაწილი დამჭირდებო-და, დაფურეკავდი ჩემს სიდოროვს და თავი ქუდში მქონდა.

გაუჩინელს გამიჩინდა. ამ ჩემს ბებრუხანას კეთილი ზემდეგის წყალობით კარბურატორი, „ტიაგები“, „კარდანნი ვალი“ რეზინები და ძრავის „კლაპნებიც“ კი გამოვუცვალე.

გამომრჩა ერთი დეტალი; მეოთხე მისვლაზე სიდოროვმა შემო-მაპარა; ფულს ჩვენ არაყი გვირჩევნია და კარგი იქნება, ამ ფულის ანგარიშზე არაყს თუ გაახერხებო.

მაშინ ჯერ კიდევ იყო მაღაზიებში არაყი და ვშოულობდი. მერე, არაყი რომ გაქრა, შინნახად ჭაჭას ვთავაზობდი სიდოროვს. ერთი სიტყვით ჩვენი გაცვლა-გამოცვლის საშუალებად, ფული არაყმა შესცვალა.

მერე ეს ამბები რომ დაიწყო, ხალხი რომ აირია, ყველამ მიწის წართმევა და დაჩაგვრა რომ მოგვინდომა, აფხაზი, ოსი და ლეკი-თათარი მუშტს რომ გვიღერებდა, მე ვთქვი, ასე არ გამოვა, მტერი შეიარაღებულია და ერთი კაჟიანი ფიშტოც არ მედოს სახლში, არ ივარგებს მეთქი.

გავინყვიტე შუბლის ძარღვი და მივადექი ჩემს სიდოროვს.

პირველად რომ ვაჯახე, ავტომატი მინდა მეთქი, შეეყოყმანდა, მაგრამ ისე არა, რომ ქვა აეგდო და თავი შეეშვირა.

მომიცადე აქაო.

გაუჩინარდა და თხუთმეტ წუთში, ვხედავ კიტელმობხურული, მეზღვურისმამისურიანი ლეიტენანტი მოდის ჩემსკენ.

მომიახლოვდა, ამხედ-დამხედადა, რა გინდაო მკითხა.

არაფერი, ნაცნობს ველოდები-მეთქი.

დაიხარა და მუჭში ჩაახველა.

ავტომატს შენ ეძებო?

რის ავტომატი, რა ჭირად მინდა ავტომატი, კაცს ველოდები რძის ბალონს დამპირდა მეთქი.

გამიგონე, სიდოროვმა გამომგზავნაო.

ორასი მანეთი უნდა ამ საქმესო.

მე მაშინ ფასი არ ვიცოდი და ორასი მანეთი მეძვირა. ვიუარე.

რა ამბავია ორასი, რა ცეცხლი უკიდია, სხვაგან ასად გვაძალებენ მეთქი.

ასად ალბათ, გაფუჭებულს გაჩეჩებენო. სხვისი ავტომატი და ჩემი ერთიაო? მე რომ მოგყიდი, იმას წყალი არ გაუვაო. სიდოროვის ძმაკაცი რომ ხარ, გენდობი, თორემ ამისთვის რომ გამიგონ, ციმბირს აქეთ დამატოვებინებენო. ამხელა რისკზე მივდივარ შენი სიყვარულით, რა ვქნა, მეც ხარჯები მაქვს. ეს ორასი მანეთი მთლად მე კი არ მრჩება, ას მანეთს პოდპოლკოვნიკს ვაძლევო.

ამ ლაპარაკში კინალამ გადავიფიქრე. რა ჯანდაბად მინდა ავტომატი. რომ მინახოს ვინმემ, ტყავს გამაძრობენ მეთქი, მაგრამ ისე გულით უნდოდა ლეიტენანტს თავისი საქონლის გაყიდვა, რომ შემრცხვა და პირი ვერ ვუშალე.

მეორე დღეს, როგორც მოვილაპარაკეთ, გამოიტანა ლეიტენანტმა კალაშნიკოვის ავტომატი, ცოტა ხანს იჯდა გამონგრეული კედლის სიახლოვეს, მერე, ვითომ დარჩა იარაღი ფულუროში, კიდევ ერთხელ მიიხედ-მოიხედა და სტვენით შებრუნდა.

მეც სტვენით მივეახლე ლობეს, ავტომატი ჩავიქამარ-შარვალ-პიჯაკე და ორასი მანეთი ქვას შევატოვე. ვითომ დამრჩა მეც ქვის ქვეშ ორასი მანეთი.

არ გაუვლია ერთ თვეს, მანქანის წინა ფარი დამჭირდა და, ვის შევანუხებდი სიდოროვზე უკეთესს.

სადა ხარო, გეძებო, მითხრა ორ საათზე გამოდი, აბანოსთან გელოდებიო.

ფარსაგი რამ არ იყოს მეთქი და ცელოფანში გულდაგულ გავხვეული ავტომატი ეზოში კორკიმელის ძირას დავმარხე, ბავშვები სკოლაში იყვნენ, თორემ რას გამოაპარებდი.

შევხვდი, რასაკვირველია, იმ დღეს, ორ საათზე, სიდოროვს; ჩემი ძმაკაცი ავტომატს ჰყიდის და ხომ არავის უნდაო.

ნეტავი ეს ერთიც არ მქონდეს, ორი რა ჯანდაბად მინდა მეთქი. მე წინა ფარზე გირეკავდი მეთქი. იყიდე და გედოს სახლში. რა იცი, როდის დაგჭირდებაო.

კატეგორიული უარი ვტკიცე.

იყიდე, იყიდე, მამაჩემსა აქვს ცხონება, მერე აღარ გვექნება. ეს ისეთი საქონელია, ფასი უფრო მოემატება. არ შეიძლება შენი ამხანაგებიდან ვინმეს არ ჭირდებოდესო.

გავიგებ და ორ დღეში დაგირეკავ მეთქი.

ჩვენთან, სამსახურში, ვისაც ვკითხე, ხელები გაასავსავა, ავტომატში გადაყერი ფულს, მეტი საქმე არა მაქვსო. ჩემს სიძეს შევადენინე, რომ არ დაგიმალო, სულ ბუზლუნ-ბუზლუნით დამთანხმდა. კალაშნიკოვის ავტომატია სხვისი არ გეგონოს, ოქროს რამეა მეთქი, ორი საათი ვუქებდი, კალაშნიკოვი ვნახე ამოდაგული, მე შენი ხათრისთვის ვყიდულობ, ბავშვებმა არ მიაგნონ და ერთმანეთი არ დაამარცხონო.

ამ მეორე ავტომატის პატრონი, ტყუილს ვერ ვიტყვი, არ მინახავს, თვითონ სიდოროვმა გამოიტანა, კაპიტნისააო. სამასი დამიფასა, მაგრამ ძველი ძმაკაცობით, ორასად მომცა.

დამშვიდობებისას, ჩემი ტელეფონი და მისამართი ჩაიწერა. ხანდახან მომენატრები ხოლმე და მრცხევენია შენი ასავალ-დასავალი რომ არ ვიციო. არყის საქმე გვაქვს ცუდად. ამასწინათ ბატალიონის კომისარი შემოვიდა, რომ ვერაფერი დავალევი, დახვრეტიტ დამემუქრაო. შენი ნებართვით შეგეხმიანები ხოლმე არყის საკითხზე, მეც თუ რამეში დაგჭირდე, არ მომერიდო, ძმად მიგულე, რაც სანყოფინი მებადია, შენთვის არ დამენანება, სხვაში რაში გამოგადგები, ძვალი არ იჭმევა ჩემი და ხორციო.

თურმე მაშინ დავუშვი გამოუსწორებელი შეცდომა, მისამართ-ტელეფონი რომ მივეცი სიდოროვს. კვირაში ხომ შვიდი დღეა, ცხრაჯერ მაინც მირეკავდა.

ჯერ იყო და სამ ბოთლ არაყში მარგოლინის ნაგანი „მაჩუქა“, „მარგოლინი“ სპორტული იარაღია, მაგრამ შვიდი ტყვია მიდის და ხორცზე რომ არაფერი ვთქვა, სამსანტიმეტრიან ფიცარს ხვრეტს ოცდახუთ მეტრში. სპორტული უძახე შენ.



ერთხელ შინ მომაკითხა, მოსკოვიდან მივლინებით ოფიცრები ჩამომივიდნენ, ერთი ბოცა ღვინო და ორი ბოთლი არაყი ჰაერივით მჭირდებო.

უარს ვეტყოდი მე ქართველი კაცი, ღვინოზე კარზე მომდგარ რუს?

სანამ ღვინო-არაყს გამოვუტანდი, გაზეთში კოხტად შეხვეული რალაც რომ ეჭირა, აივანზე სავარძელში ჩადო.

ეს რა არის მეთქი.

კაი ერთი თუ კაცი ხარ, მცირე საჩუქარია, ოჯახში პირველად ვარ, ხელცარიელი ხომ არ შემოვიდოდიო.

ჭიკრამდე რომ გავაცილე, შემოვბრუნდი, და საჩუქარს ქალაქ-დი შემოვაცალე. ოთხი მშვენიერი ხელყუმბარა „ედღვა“ ზემდეგს.

მოგანყინე თავი ხომ? დანარჩენი ხუთასორმოცდაცხრამეტი ხელყუმბარაც დაახლოებით ამ გზით აღმოჩნდა ჩემს ოჯახში.

თავგაბეზრებული მეოთხე დარეკვაზე ვიღებდი ყურმილს, თუ არ ავიღებდი, შინ მომაკითხავდა. როგორც ჩანს, შენი ტელეფონი არ მუშაობს, მთელი დღეა გირეკავო.

აქეთ მოსვლით რომ აღარ შემენუხებინა, იქეთ ვეახლებოდი ხოლმე; ორი ხელყუმბარა „დარჩებოდა“ სიდოროვს ქვიტკირის ლობის ღრიჭოში, მივიდოდი, ვიტუცავდი ჯიბეში კომპისხელა ხელყუმბარებს და თეთრ ქვას მივუდგამდი გაზეთში შეხვეულ ორ ბოთლ არაყს.

რად გინდოდა ამდენი ხელყუმბარაო, მკითხავ, არ უნდა ლაპარაკი. რად მინდოდა და არაფრად. ძველი, გაბზარული ქვევრი მქონდა ბაბუაჩემის ჩანაგდები, გაუქმებული ქვევრი სარდაფში და ვანყობდი შიგ.

გითხრა სიმართლე, არ მინდოდა არყის მთლად ტყვილად მიცემისთვის მიმეჩვია სიდოროვი. თვითონაც თავმოყვარე ბიჭი იყო, უფასოდ მიცემულ არაყს ითაკილებდა. ესეც არ იყოს, ვფიქრობდი, გამოეღევა ხელყუმბარები და დამანებებს თავს მეთქი.

ბოლო თვრამეტ დარეკვაზე, იმანუელს გეფიცები, უარს ვეუბნებოდი. აღარ მაქვს არაყი, გამითავდა მეთქი. როგორ არ მქონდა, მაგრამ მინდოდა როგორმე ჩამომეცილებინა, ჩემთვის და არყისთვისაც, ორივესთვის ერთნაირად ერთგული მეგობარი.

ნოემბრის მინურულს სურდო შემეყარა და ვწევარ. მესამე დღეა, სამსახურში არ გავსულვარ. ბარემ გამოვშუშდები, არ შემობრუნოს მეთქი.

დარეკა სიდოროვმა, არაყის საშუალება ხვაფერი გაქვსო.

რისი არაყი, რა არაყი, დამანებე თავი, თუ კაცი ხარ, გაცივებული ვარ, ვწევარ-მეთქი.

საერთოდ, კარგადაც რომ ვიყო, ვერაფერში დაგეხმარები. არაყს აღარ ვხდი. ალერგიული გავხდი და ექიმებმა ამიკრძალეს არყის გამოხდა მეთქი.

არ გაუვლია ნახევარ საათს და სიდოროვმა, ერთმა თავზოტორა ჯარისკაცმა და ჩემმა ნაცნობმა ლეიტენანტმა (ავტომატი რომ მომყიდა) მინახულეს.

იქეთურ-აქეთური, მოვიკითხეთ ერთმანეთი, სასთუმალთან ჩამომიჯდნენ. ჩანდა, გულგრილი არ იყვნენ ჩემი ჯანმრთელობის მიმართ. მეო, თავზოტორამ სურდო რომ შემეყრებო, მაყვლის მურაბიან არაყს ვსვამო, უებარი წამალიაო.

მეო, ლეიტენანტმა, სამ კოვზ იელის თაფლს ვურევ არაყში და კიტრივით ვარ მეორე დღესო.

არყით დაიზილე ტანი და არყის საფენები დაიდეო, სიდოროვმაც არაყს რომ გაუსვა ხაზი, ხელები ავნიე დამარცხების ნიშნად.

თავზე ჩაჩი დავიხურე, ხალათი მოვისხი, ცოლს სუფრა გავანყობინე და ჩავუჯექით.

მეცხრე სადღეგრძელოზე ლეიტენანტმა სტეპის გრძელი, ომახიანი სიმღერა წამოიწყო, სანამ არ ჩაათავა, ჭერისთვის თვალი არ მოუცილებია. მერე კისერი მომიგრია, ტურჩებში მაკოცა, მომიცილა ღონიერი ხელებით (ყურებისთვის ხელი არ გაუშვია), ისევ მიმიზიდა, სულისშეგუბებამდე მკოცნა და ცრემლმორეულმა მკითხა:

„ბტრ“-ს ჰყიდის ერთი პოლკოვნიკი კარგ ადამიანზე იაფად, შენისთანა საყვარელი კაცისთვის ნახევარ ფასად დავათმობინებ, რას იტყვიო.

ტანკი მაკლია ახლა მეთქი, გამეცინა.

დამიჯერე, არ წააგებ, შეამხანაგდით რამდენიმე მეზობელი და იყიდეთ ბტრ-ი. მალე ისეთი დრო მოვა, უბეტეროდ მაღაზიაში პურს ვერ იყიდი. თქვენ ისეთ განედზე ცხოვრობთ, ქართველები, რომ ყოველ მესამე მოსახლეს ჯავშნოსანი უნდა ჰყავდეს, თქვენი უბეტერობა არაფრით არ შეიძლებაო.

ამ სტუმრობიდან ერთი კვირის თავზე, გამთენიისას დამადგა სიდოროვი; დავიღუპე, რევიზია დამეცა. ტრიბუნალი არ ამცდება. შეიძლება დამხვრიტონ კიდევცო, ჩაიკეცა ბუხართან და აზლუქუნდა: ცოლის თხოვა მაინც მომესწრო, რა ვქნა, რა წყალში ჩავვარდეთო.

გული დამენვა მაგ ბიჭის საცოდაობით, წაიღე და დაანყვე, შეაპარე როგორმე საწყობში, აქ მაქვს ყველაფერი მეთქი.

დალუქულია საწყობი უკვე, ნემსს ველარ შევიტან აწი. განწირული ვარ, აღარაა ჩემი საშველიო.

კარში რომ გადიოდა, ისე დაფიქრებით შემომაცქერდა, უკვე ვიცოდი, რასაც აპირებდა.

წავიდა და იმ სალამოსვე დამიჭირეს.

მერე ის იყო, მესამე დღეს გენერალმა ტელევიზორში გამომაცხადა; სამხედრო სანწყობიდან საშურა მიქაუტაძემ სამი კალაშნიკოვის ავტომატი, ერთი მარგოლინის ნაგანი და ხუთასსამოცი ხელყუმბარა გაიტაცაო.

თქვენ ქვეყანა გიცნობთ, ბატონო გელა. იქნება მისაშველოთ!”

\* \* \*

ბატონო გელა

ნუ გიკვირს ნურაფერი. ქართველი რომ არ ჩაიდენს ის გაგიკვირდეს, თორემ, რასაც ჩაიდენს ნულარ გიკვირს. ნუ გაზომავ ჩვენს საქციელს ჩვეულებრივი საზოგადოებრივი საზომებით. აბა დააკვირდი, სამოცდაათი წლის განმავლობაში ნახევარი მსოფლიო ცდილობდა ყალიბში ჩვენს მოქცევას, მაგრამ ვერ შეძლო. თუ ვინმე ურღვევდა მყუდროებას საღათას ძილით გათანგულ იმპერიას, სწორედ რომ ქართველი იყო. რალაცა გვჭირს ნამდვილად, სხვებს რომ არ ვგავართ – ფაქტია. შეიძლება არცა ვართ მაიმუნის ჩვეულებრივი ევოლუციის გზით გაჩენილები, შეიძლება, მართლა სხვა პლანეტიდან ჩამოსულები ვართ. აბა რა იყო, რამ დაბადა ცივილიზაციების ზამთრის ძილის პერიოდში „ვეფხისტყაოსანი?“ რამ გააჩინა აგერ ა გუშინ გალაკტიონი ლექსის გაღარიბების მეოცე საუკუნეში სწორედ რომ ქართველად? საიდან მოვიდა ეს მარადიული ეროვნული უძილობა და პიროვნული დაუკმაყოფილებლობა სწორედ რომ მეოცე საუკუნეში?

რიო-დე-ჟანიეიროში ორი ქართული ოჯახი ცხოვრობს და ერთმანეთს ემდურიანო, შენ ჰყვებოდი წელან. იქნებ მანდაც რალაც მაგიური იმალება? იქნებ ეს ურთიერთქიშპით კი არა, პირიქით, ურთიერთ დიდი სიყვარულით და მომთხოვნელობით მოსდით? იქნებ ყოველთვის იმაზე მეტს ითხოვს ჩვეულებრივ თვისტომისგან ქართველი, ვიდრე სხვა ერის წარმომადგენელს შეუძლია მოსთხოვოს თავის თანამოძმეს? ესეც აუხსნელია, ისე, როგორც ბევრი რამ ქართველი კაცის ხასიათში.

ქართველი ხომ უხსოვარი დროიდან გამოვიდა ჯოგური, ტომური ურთიერთობების მღვიმიდან. მისთვის ადამიანური ურთიერთობების ინტენსივობა სხვა ბარომეტრით იზომება და სხვა კანონებით დგინდება.

ერთ მაგალითს გეტყვი: მე პოლიტპატიმარი გახლდით. თერთმეტი წელი ვიჯექი ნორილსკის მახლობლად, მეთვრამეტე არქიპელაგში. ჩვენს ბანაკში სხვადასხვა ენა-რჯულის პატიმრები ისხ-

დნენ. მოკლედ, მაშინდელი ტერმინი რომ ვიხმარო, ინტერნაციონალური ბანაკი იყო.

დილით სპილენძის საბადოებში სამუშაოდ გავყავდით, საღამოთი დაღლილ-დაქანცულებს ბადრაგით გვაბრუნებდნენ. ვაკვირდებოდი სომხებს; ხომ ჩვენი მსგავსი, ჩვენი ძმა ხალხია. საღამოს, თუ ერთი პატიმარიც დააკლდებოდათ (ან ზედამხედველი დასჯიდა გაობახტით, ან ვინმეს შემოელახებოდა და სანაუნქტში გაამწესებდნენ), ვახშამს პირს არ დააკარებდნენ. მოიყვანეთ ან შეგვატყობინეთ სად არის, თორემ შიმშილობას გამოვაცხადებთო. ასე იქცეოდნენ სხვებიც, ერთი შეხედვით, ცოტა თვისტომისადმი გულგრილი ბალტიისპირელებიც კი. ქართველებს არ იკითხავთ? შვიდი პატიმარი ვიყავით არქიპელაგში და არცერთხელ არ მახსოვს ერთმანეთი მოგვესაკლისოს, ერთმანეთი გადაგვეთვალოს. ერთმანეთის გატანაპორნიალით თავს არავის ვაცოდებდით და არც იმის ილუზიას ვქმნიდით: ხომ ხედავთ, როგორი მონდომებულები ვართ ერთმანეთის გადარჩენისთვისო.

რა იყო ეს? ეროვნული სიამაყე? მტრისთვის თვალის ახვევა?

იქნებ ორივე ერთად?

თორემ სიყვარულით ერთმანეთი, ღმერთო, სიყვარულით ერთმანეთი როგორ არ გვიყვარდა.

ლამ-ლამობით თავ-ფეხთით დაწოლილები ერთმანეთის გალიგვებულ ფეხებს გულში ვიკრავდით და მახორკის ბოლო ნაფაზს ერთმანეთს ვანვდიდით, ოღონდ ისე, სხვათაშორის, სხვას რომ არ შეემჩნია.

\* \* \*

– ალო, გისმენთ ბატონო!

ყურმილში მოხუცის ხრინწიანი ხმა გაისმა.

– კირთაძის ბინაა? გელა თუა შინ.

– მე გახლავართ ბატონო.

– თქვენი ნახვა მინდოდა, თუ შეიძლება.

– მაპატიეთ, ვინ ბრძანდებით?

– მე თქვენ არ მიცნობთ, ყოფილი იურიისტი – ქრისტეფორე შონია გახლავართ.

– ბოდიში უნდა მოგიხადოთ, ბატონო ქრისტეფორე, მუხლი მტკივა და ვნევარ. ვერ გეახლებით. თუ შეიძლება, ტელეფონი მიბოძეთ და ორ-სამ დღეში მე თვითონ მოგაკითხავთ.

– თუ ძალიან არ შეგანუხებთ, მე თვითონ მოვალ. გადაუდებელი საქმისა ხომ იცით.

– ძალიან ცხელა ბატონო, გაგიჭირდებათ.

– არაუშავს, მოვალ. თამარაშვილის თერთმეტია ხომ? რომელი სადარბაზოა?

– მეოთხე სადარბაზო, მესამე სართული.

– დიდი მადლობა. წამოვალ აბა, ნელანელა.

ერთ საათში მოვიდა, კაფანდარა, სანდომიანი სახის ბერიკაცი. ხელში საქალაღდე უჭირავს. სულს ძლივს ითქვამს. სახეზე ოფლი ღვარად გადასდის.

დაჯდა და სახე ვენტილატორს მიუშვირა. ოფლი რომ შეაშრა, ვენტილატორი გამომართვევინა, გამაცივებსო. მეუღლემ ცივი ბორჯომი და ხილი შემოიტანა.

ბორჯომი დალია. ხილზე უარი თქვა, არ გეახლებითო.

– ხომ გითხარით, შეწუხდებით მეთქი. ამ სიცხეში რამ წამოგიყვანათ, ბატონო ქრისტეფორე.

– მართლაც ძალიან ცხელა. ეს ოხერი, ტაქსიც აღარ შემხვდა და ფეხით მომიწია წამოსვლამ. აქედან შორს არ ვარ. კეკელიძეზე ვცხოვრობ, მაგრამ მაინც კარგა მანძილია. ჩემი შესაძლებლობა და ივლისი ვერ გავითვალისწინე. ასე თუ ცხელოდა, არ მეგონა. იქნება ახლა ასე, ორმოც გრადუსამდე.

– „მოამბემ“ ოცდათვრამეტი გამოაცხადა.

– რაღა აკლია.

საქალაღდე მიიჩოჩა, გაშალა და მუხლებზე დაიდო.

– ბატონო გელა, მე, როგორც გითხარით, ყოფილი იურისტი გახლავართ. ყოფილი იმ გაგებით, რომ კარგა ხანია აღარ ვმუშაობ, პენსიაზე ვარ. თქვენ რომ დაიბადეთ, იმ წელიწადს, 1940 წელს ხართ ხომ დაბადებული?

– დიახ, – გამიკვირდა, საიდან იცის მეთქი.

– 1940 წელს უკვე სამი წლის სტაჟი მქონდა ვმუშაობის, სამოცდათვრამეტის გახლავართ. მამათქვენი ხომ არის ცოცხალი?

– კი, ბატონო.

– რამდენის ბრძანდება?

– თითქმის მაგდენის.

– აგაშენა ღმერთმა, მამის ტოლი ვყოფილვარ. ყოფილი მეთქი რომ გითხარით, იურისტს ისე როგორც მწერალსა და ჟურნალისტს, ყოფილი არასოდეს ეთქმის, მაგრამ რომ აღარ ვმუშაობ, ყოფილს ვეძახი ჩემს თავს. ყოფილი ვარ, აბა რა. ორმოცდაათი წელი დავამრგვალე ამ პროფესიის სამსახურში. გამომძიებლობით დავინწყე, პროკურორის თანაშემწეც ვიყავი, პროკურორიც, მოსამართლეც, ბოლოს ადვოკატურაში ვმუშაობდი და ასე დავამთავრე ჩემი მოღვაწეობა. რატომ მოვედი ახლა თქვენთან, ბატონო გელა.

– გისმენთ ბატონო, ყურადღებით.

– მე ოცდაჩვიდმეტგამოვლილი კაცი ვარ. ოცდაჩვიდმეტში დავამთავრე უნივერსიტეტი. სწორედ იმ წელიწადს ვიყავი პრაქტიკაზე რესპუბლიკის პროკურატურაში. შარვალგამოხეული, უღარიბესი, მეგრელი ბიჭი, რა ვიქნებოდი, სტუდენტალურად შეფარებული, თბილისში ერთი შორეული ნათესავიც არ მყავდა. პრაქტიკის ბოლო დღეები იყო, პროკურორმა მიხმო. შონია გინდა ჩვენთან მუშაობაო? პირდაპირ მკითხა. ასეთ ბედნიერებას მე ვინ მაღირსებს მეთქი. წადი აბა, თავისუფალი ხარ, მოვიფიქრებ რამესო. რესპუბლიკის პროკურორთან საქმე არ მქონია, მე, უბრალო პრაქტიკანტს, მასთან ვინ შემიშვებდა, არც მიცნობდა, რასაკვირველია, მაგრამ, ეტყობა, ვილაცამ უთხრა, კარგი ბიჭი და დაინტერესდა. ახლა შევწყვიტოთ ამ თემაზე ლაპარაკი და ბოლოს დაფიქრდეთ, თუ დრო დაგვრჩა. ახლა სჯობია, მე მგონი, პირდაპირ იმ საქმეზე გადავიდეთ, რისთვისაც მოვედი.

მე, თქვენ, ბატონო გელა, დიდი ხანია თვალს გადავინებთ. ყველაფერს ვკითხულობ თქვენს დაწერილს. თქვენი პაექრობებიც და შეხლა-შემოხლებიც ვიცი. თქვენზე შინ ერთი დიდი საქალაქე მამაქვს. გელა კირთაძე აწერია. თუ არ გჯერათ, მობრძანდით ერთ დღეს ჩემთან და გიჩვენებთ. თქვენ რომ ლიტერატურაში ფეხი შემოდგით, მაშინვე ვთქვი, ამას დიდხანს არ დააცლიან და ყველაფერს, რასაც დაბეჭდავს, შევაგროვებ, ვინ იცის, ვის დაჭირდება მეთქი.

ოცდაათი წელია თვალყურს გადავინებთ და უკვე თქვენი აზრების ამოცნობის უნარი გამომიმუშავდა. უნამუსობა ზენიტს რომ მიაღწევს, უკვე ველოდები თქვენს გამოსვლას. გელა ამას არ მოითმენს მეთქი ვიტყვი და ერთ კვირაში მართლაც გამოჩნდება სადმე თქვენი ნაწერი. მერე უკვე ვიცი, მოვლენები როგორ განვითარდება. ორგანიზებულად თავს დაგესხმიან, გაგლანძლავენ, გაგათათხავენ (ვითომ მაგათი ჭკუით). მერე დრო გავა, ნიჭი თავისას იზამს და ისევ წამოტივტივდებით, ვერ გელევიან, ბოლომდე არ გწირავენ. თქვენი სიყვარულის გამო კი არ აკეთებენ ამას, ხალხის რისხვისა ეშინიათ. საზოგადოებრივ აზრს დიდი მნიშვნელობა აქვს.

ახლაც, შვილიშვილებს გეფიცებით, დღეღღეზე ველოდი თქვენს სიტყვას. თქვენც არ დაავგიანეთ. სხვა არავინ იყო ამის მთქმელი. ნუ მოჰყვებიან ტრაბახს გადახტომამდე. ყველა შემუდრულია თავის გალიაში მშვენიერ-კარგად. თქვენგან ამ საქციელს ახლა გაბედულებაც აღარ ჰქვია. მე ვიცი ძალიან კარგად. თქვენ სხვანაირად არ შეგიძლიათ. ეს თქვენი ხასიათია, თქვენი ცხოვრების სტილია. გამოექომაგეთ უსამართლოდ დასჯილ მასწავლებლებს, აბა რა უნდა გექნათ. იცოდეთ, ბატონო გელა, როგორც კი ეს

უსახური დადგენილება გამოაცხადეს ტელევიზორში, გულის სიღრმეში ყველამ თქვენსკენ მოიხედა; კირთაძე რას იტყვისო. თქვენც რომ გაჩუმებულიყავით, ერის ღალატი იქნებოდა.

როგორ თქვა თქვენზე? კოჭი გაუგორაო. „კოჭის გაგორება“ მაშინ იქნებოდა, აღზევებულს, თანამდებობიანს რომ მოფერებოდი. თქვენ გაგდებულ, დასჯილ ხალხს გამოექომაგეთ, ეს რა კოჭის გაგორებაა, თუ ღმერთი გნამთ.

არ ვიცი, პასუხს აპირებთ თუ არა.

– ვფიქრობ! შეიძლება თავი არ გავუყადრო და ორიოდ სტრიქონით, ირონიულად ვუპასუხო.

– ერთი სიტყვით, თქვენი საქმე იცით, მაგრამ მე, მოხუცებულმა იურისტმა, ჩემი თავი მოვალედ ჩავთვალე, მოვსულიყავი და ორიოდ რჩევა მომიცა.

– გისმენთ, ბატონო, წინასწარ დიდი მადლობა.

– ამ კოდექსებს დაგიტოვებთ, გვერდები ჩანიშნულია და ჩახედეთ. ჯერჯერობით ეს კოდექსები ძალაშია. ესე იგი მოქმედი კოდექსებია. თქვენ, ვიცი, სიტყვის კაცი ხართ, მაგრამ მაგნიტებს მარტო სიტყვით კი არა, კანონის ძალით უნდა ელაპარაკო. კანონი კი რომ ჩახედავთ, დარწმუნდებით, ასე ამბობს: პროფესიული ხაზით მუშაობის სამუდამო აკრძალვას ჩვენი მართლმსაჯულება არ ითვალისწინებს. ასე რომ, სამუდამოდ აეკრძალოთ პედაგოგიურ დაწესებულებაში მუშაობაო, რომ გამოუცხადეს იმ უბედურებს, ეს ბავშვური შეცდომა იყო. სასამართლოს შეუძლია განსაკუთრებულ გარემოებაში პროფესიით მუშაობის აკრძალვა მხოლოდ ორიდან შვიდ წლამდე. ჩვენს შემთხვევაში კი, გამოძიება-სასამართლო არ ჩატარებულა და განაჩენი ადმინისტრაციული ხაზით იქნა გამოტანილი. ამ უკანასკნელს იურისტების ენით თანამდებობის ბოროტად გამოყენება ჰქვია და ისჯება თავისუფლების აღკვეთით სამ წლამდე. ხედავთ რაშია საქმე? ასე რომ, თუ პასუხს გასცემთ ცარიელი სიტყვებით მაგათთან ბრძოლა ამაოა. შეგონება მაგათთან არ გაჭრის. უკანონობას კანონი უნდა დაუპირისპიროთ. ახლა ისევ იმას მივუბრუნდები, რითაც დავინყე. ოცდაჩვიდმეტგამოვლილი კაცი ვარ მე.

შენ, როგორც მწერალს, ბევრი საბუთი გაქვს ოცდაჩვიდმეტზე და დაგინერია კიდევ არაერთხელ ამ საკითხზე. მე, ოცდაჩვიდმეტელი იურისტი, სუფთა ხელებით რომ არ ვიქნები გამოსული იმ წლებიდან, ამასაც მიხვდები. რასაკვირველია, პატარ-პატარა უსინდისობები (დიდი არა) მეც ჩამადენინეს, მაგრამ ერთ მთავარ კითხვაზე პასუხი არც თქვენ გაქვთ და არც სხვას, რამდენადაც ვიცი, გაცემული: კერძოდ, რატომ გახდა შესაძლებელი ეს მასობრივი რეპრესიები. რატომ გაკეთდა ოცდაჩვიდმეტი?

დამიგდეთ კარგად ყური. პირველი საქმე, რომელიც მე დამანერეს, ინჟინერ ჭილაძის საქმე იყო. ორი სიტყვით გეტყვით: სამი კაცი, – ბრიგადირი, მუშა და ინჟინერი ახლანდელი „დომსვიაზის“ სხვენს არემონტებენ. შეხედეთო, ინჟინერს უთქვამს იმ ორისათვის, სასტუმრო რა მშვენივრადაა აშენებულიო, როდის ვისწავლით ჩვენ ასე შენებასო. ორი ახალი შენობა დაიდგა რუსთაველზე, „დომსვიაზი“ და „ზარია ვოსტოკა“, არცერთი არ ზის არქიტექტურულად თავის ადგილზე, არც ერთი არ უქნია ღმერთსო. ესაა სულ ჭილაძის დანაშაული. იმ სამიდან ერთ-ერთმა დაასმინა, დაიჭირეს კაცი და ათწლიანი მუხლი მიუყენეს.

გავეცანი საქმეს, შევედი განყოფილების უფროსთან და ვეუბნები: მე აქ დანაშაულს ვერ ვხედავ მეთქი. რა მოხდა, კაცმა თავისი აზრი გამოთქვა მეთქი. განყოფილების გამგემ მიიხედ-მოიხედა, კარი ჩარაზა, მაგიდიდან ქალაღი აიღო და გამომიწოდა, წაიკითხეო. ამ კვარტალში დამატებით გეძლევათ სამი ათასი ხალხის მტრის დაპატიმრების ლიმიტიო, საკავშირო შინაგან საქმეთა მინისტრის მოადგილე წერდა ჩვენს მინისტრს. ხედავთ? ლიმიტით იყო ადამიანების დაჭერა. ჩვენი განყოფილების გამგემ, საიდან მოვიყვანოთ ამდენი ხალხის მტერიო. თუ გეგმას ვერ შევასრულებთ, ერთ კვირას არ გაგვაჩერებენ აქაო. კიდევ კარგი, ჩვენს ლაპარაკს არავინ ისმენდა, აქ რომ ახლა მესამე კაცი ყოფილიყო, ამ წუთში უნდა გამეცა შენი დაპატიმრების ორდერიო. ნადი, ახლა და ასეთი სისულელე მეორეჯერ არ წამოგცდესო. უნივერსიტეტში ნასწავლი სიბრიყვენი გამოიბერტყე თავიდან. ცხოვრება სხვაა და წიგნი სხვაო.

გამოვედი. ადგილს ვერ ვპოულობ. რისთვის ვუსჯით კაცს ათ წელიწადს. მე, ახალგაზრდა პროკურორმა, წუთუ ჩემი პირველივე გამოსვლა სიცრუით უნდა დავინყო? ვინრიალე, ვინრიალე და შევედი რესპუბლიკის პროკურორთან. ასეთ და ასეთ საქმეზე ვარ, ათ წელს უსჯიან ამ დანაშაულისათვის და ბევრად მეჩვენება მეთქი, თქვენ რას მიჩვენთ, რამდენი მოვითხოვო მეთქი. ჭკუა ნასწავლი მაქვს, უდანაშაულობაზე ხმა არ ამომიღია.

ეგ ჭილაძე, როგორც ჩანს მოლაყბეაო. სხვენზე რემონტის გასაკეთებლად აუშვიათ, რა შედარებები აუტყდა. ვერ დაეცია თავის კანშიო? ათი წელი ბევრია, მაგრამ ხუთი კი ნამდვილად ეკუთვნისო. ხუთი მოითხოვე და ეგ იქნებაო.

მეც ასე მოვიქეცი. ერთი კვირის შემდეგ განყოფილების გამგემ ჩემზე შედგენილი საქმე დამიდო წინ. კოლეგია იხილავს პროკურატურიდან ჩემი გაგდების საკითხს. დანაშაული? უვიცობა, ლიბერალიზმი, ხალხის მტრების მიმართ გულჩვილობის გამოჩენა. ჩავხედე საქმეს. ჩემი კოლეგები იძლევიან ჩვენებებს. ასე და ასეო.



თავიდანვე ვატყობდით, ჩვენს საქმეში რომ არ გამოდგებოდლო. ზოგი შორს მიინევდა და ჩემს დაპატიმრებას მოითხოვდა.

ვდგევარ კოლეგიაზე ოცდასამი წლის ბიჭი თავჩალუნული. ჭიკ-ჭიკებენ ჩემს დანაშაულზე ახალგაზრდა და ძველგაზრდა პროკურორები. „შემარცხვენელი“, „საეჭვო ორიენტაციის მქონე“, რა არ მინოდეს. ბოლოს რესპუბლიკის პროკურორმა მიხსნა; ჩემი პასუხ-იმგებლობით მივიღე შონია აქ სამუშაოდ. ეგ ხუთი წელიც ჩემთან კონსულტაციის შემდეგ მოითხოვა. ასე რომ, ქვეყანა არ დაუქცევია. ჭილაძეს იმ დანაშაულისათვის ხუთ წელზე მეტი არ ეკუთვნოდა, ნუ შეეჭამთ ახალგაზრდა კაცს, არ დაუქცევია ქვეყანა, კვლავ ჩემი პასუხისმგებლობით ვტოვებ მას ჩვენთან სამუშაოდ და იმედია, ამ გაკვეთილიდან სათანადო დასკვნებს გამოიტანსო.

დამტოვეს. ალბათ, აღარაა საჭირო იმის თქმა, რომ „ჭკუანას-წავლმა“ ვიცხოვრე და ვიმუშავე დარჩენილი წლები. რატომ მოგიყევით ახლა ეს, თუ იცით, ბატონო გელა? არავინ ადგა პროკურატურის ასცხრამეტი თანამშრომლიდან რომ ეკითხა: რა დააშავა ასეთი შონიამო. ერთხმად გამწირეს და მოსაკვეთად გამამზადეს.

თქვენ ის კაცი ხართ, „ჭკუა რომ ვერ გასწავლეს“, ვერც კომუნისტებმა და ვერც ამათ. კომუნისტებს თქვენ ჭირივით სძულდით, მაგრამ დაგინდეს, არ გაგწირეს. ახლა სხვა დროა. ჰაერში, ახლა არც თუ სასიამოვნო სუნი ტრიალებს. თქვენ ის კაცი არა ხართ, რომელსაც ახსნა დასჭირდება.

მე მეგონა, ეს ბოლო სამი წელი „საზოგადოების ნალებს“ – ინტელიგენციას შეცვლიდა. თქვენც არ მომიკვდეთ. ვატყობ, დღესაც ისეთივე ინტელიგენციაა, როგორც ოცდაჩვიდმეტში იყო, დადედლებული, შეშინებული, დაცვედნებული.

როგორ ვიფიქრებდი, რომ ხმას არავინ ამოიღებდა.

როგორ წარმოვიდგენდი, გვერდით არც ამჯერად დაგიდგებოდათ არავინ და მარტო დაგტოვებდნენ.

ეს მოხდა ოცდაჩვიდმეტში, სხვა არაფერი. სხვამ სხვისთვის თავი არ გამოიღო და გათითოკაცებულ საზოგადოებას ადვილად მოუარეს.

ღმერთი იყოს თქვენი მფარველი, მაგრამ ძალიან მაშფოთებს თქვენი ბედი.

ახლა მე წავალ და ერთ რამეს გთხოვთ: ჩემი გვარი არსად გაამხილოთ. ცალი ფეხი სამარეში მიდგას და არ მინდა დარჩენილ ორ პარასკევს მათრიონ და მაჯანჯლარონ, ან საფლავი შემიგინონ.

თქვენ სხვა კაცი ხართ, მე მაგდენი აღარ შემიძლია...

თქვენი საქმე თქვენ იცით.

კარგად ბრძანდებოდეთ.

\* \* \*

მიხარია, ბაბა, შენი ახლანდელი განიხილვა. ასე უნდა, აბა, რა. რომ არ გეთქვა ჩემთვის: რას დაგვჩხავი ყვაფივით, ნახავ, აგერ, თუ არ შევცვლით ქვეყანას, თუ არ დაიყაროს სამ-ოთხ წელიწადში სარჩო-საბადებელიო, მენყინებოდა. შენი ქიჩმაჩი და დაჯერებული გასვლა-გამოსვლა გულს მიხარებს. თუ არ გჯერა იმისი, რასაც აკეთებ, წყლის ნაყვავა ყველაფერი. როგორ მითხარი? თქვენ, ძველებს, კვირაში ორი პარასკევი გაქვთო? თქვენი გაფუჭებულიც და ჩვენიც, ახლა ორივე ერთად ჩვენი გასასწორებელი შეიქნაო? იქნება მართალიც ხარ, მაგრამ სანამ ქვეყანას გაასწორებდეთ, სანამ გამრუდებულ საქმეს წაღმა წაიყვანდეთ, მანამდე თავდაჭერა და მოკრძალება გმართებთ. არაა ასე ადვილი წლების ნამუდრეგალის გამოკეთება. შენ თვითონ ამბობ: გონჯ პატარძალს ფერუმარული ველარას უშველისო. ვნახოთ, რა ქალაქს ააშენებთ – „აგერ შენ და აგერ კრეტაო“, ბერძნები იტყვიან, ძირძველი, ჭკვიანი ხალხია ბერძნები. იქნებ, მე ველარ ვიცხოვრო თქვენს ანაყვავებ ქვეყანაში, მაგრამ ღმერთმა ხელი მოგიმართოთ ამ თქვენს სანაღმართო ჩანაფიქრში. ისე, ძალიან კი მინდა ვნახო, რამდენ ხანს შეგრჩებათ ქვეყნის განახლების ხალისი.

არაა, ბაბა, ასე ადვილი-მეთქი, რომ გეუბნები, არ გჯერა, ვხედავ. ნამდვილად ასე სჯობია. შენ რომ ჩემთან ჭკუის საკითხავად მოსულიყავი, იქნებ ისეთი რამ მერჩია, ერთხელ და საბოლოოდ გაგტყებოდა გული ამ ჩვენს გზაზე და სხვა საჭიდაო-საასპარეზოს დადგომოდი. მიდით, სცადეთ თქვენც, იქნებ თქვენმა აჯობოს, იქნებ არც ისე ბნელადაა საქმე, როგორც მე მგონია ახლა, ამ წუთში, თქვენი მდგომარეობა ჩვენსაზე იოლია-მეთქი, რომ გითხრა, არ გენყინოს. ოთხმოცს გადაშორებულ კაცს რალაცეები დამეჯერება და თუ ცოტას მაინც მენდობი, მაღლობელი ვიქნები. ჩვენ ვინ გვეტყოდა, მთლად კარგად არ გვაქვს ჯერ გარკვეული, რა გვინდა ისტორიისგანო, მაგრამ ურმის და გზის არ იყოს, ახლა გამოჩნდა, რომ არც თავიდანვე აგვიღია მთლად სწორი გეზი. ჩვენ, უბრალო ხალხს გვეუბნებოდნენ: რავარც იქნა, მივაგენით ჭკუის მადანს, ეშველება ანა მუშას, ახალ ქვეყანას ვაშენებთ და მოგვყევითო. არ მიყვები ამნაირ ჭკვიანურ დაძახილს? ხელი დავიკაპინეთ და მიყვევით. მე მუშაკაცი ვარ, ბაბა. კი, ობჩის ოთხწლედ დავამთავრე და ორწლიან გადასამზადებელზეც ვიმეცადინე, მარა მინის საქმე ვარჩიე ყველაფერს ჩემი დღე და მოსწრება. თოხს მინას ვერ ააცილებ და ე მყნობანიდვა და მარგვლა-მოროდი ჩვენ, ქართველებს, ათა-ბაბადან დაგყვავა. დიდი სკოლა-ფილოსოფია ამ საქმეს არ ჭირდება. ჩემ დღეზე გიყვები,

სხვის ცხოვრებასთან რა ხელი მაქვს. სხვაი, ალბათ, სხვანაირად ცხოვრობდა. ახლა თქვენი ძალა იმაშია, რომ შეგიძლიათ გადახედოთ ჩვენს გზას და დედალ-მამალი ცალკე დაალაგოთ; რაში ვიყავით მართალი და რაში არა – გაზომ-ანონოთ და კაი გაიჭკუისოთ, ცუდი გადაყაროთ. ჩვენ ვისთვის შეგვეხედა, ჩვენს წინ ვინ იარა? როგორც გაზეთებში სწერია, ისტორიის ახალ ფურცელს ვწერდით. „კი, რა-საკვირველია, ყველაფერი ანონ-დანონილი გვაქვს, არ შეგეშინდეთ, მისხალში არ შევცდებითო“ გვეუბნებოდნენ ჩვენი ბელადები, მარა შეუმცდარი არი ვინმე?

ახლა ამას რატომ გელაპარაკები, თუ იცი, პატიება უნდა გთხოვო, ბაბაია, ამ დღეში რომ ჩაგაგდე და ისიც უნდა შეგეხვეწო, რომ საფლავიდან ნუ ამომიღებ. არ ვარ ამის ღირსი მე. ჩემ რწმენას ვემსახურებოდი ისე, როგორც ახლა შენ შენს რწმენას ემსახურები. რა ვიცოდი, რა ბაბილონის ციხეს ვაშენებდი.

ისე რომ არ გამოვიდა, როგორც ჩაფიქრებული გვექონდა, ამას ახლა ქვეყანა ხედავს. რომ ვიძახოთ, ავშენდითო, თავის მოტყუება იქნება. კაი ხანს გარეთ მტერს ვუფესებდით თვალს და შიგნით მოყვარეს. ახლა ტყუილები აღარ გადის, ხელისგულივით ჩანს მთელი მსოფლიო ტელევიზორში.

დამიგდე ყური კარგად. რევოლუციის ბიჭების სახელით გელაპარაკები. შენზე ნაკლები არც მტკაველი გვექონდა და კაი მთქმელის კაი გამგონებებიც ვიყავით. თხუთმეტი შემისრულდა და ნიკოიაც დავამხვეთ. ჩვენს სოფელში რომ ხმა ამოვიდა, ხელმწიფე ჩამოგდესო, ბევრმა არ დაიჯერა. მეფის ჩამოგდება თუ ხალხს შეეძლო, უბრალო კაცის ტვინი ვერ წვდებოდა, ხელმწიფე ღმერთის დანიშნული და ღმერთივით შეუხებელი გვეგონა. გუშინდელივით მახსოვს, მაცხოვრის ეკლესიის ეზოში შეგვყარა რევკომის წევრმა მორგოშიამ. ზარი დარეკეს, თორემ ისე ვინ გავიდოდა, დაღლილი იყო ხალხი რევოლუციებით. ასრულდა ჩვენი ოცნებაო, მორგოშიამ, გამომგზავნეს, რომ გაუწყოთ, საქართველო დღეიდან თავისუფალიაო. რავარც მოგეხასიათოთ, ისე იცხოვრეთ, ანი რაც გინდათ, ფქვით და რაც გინდათ, აცხვეთო. მას მერე კაი დრო გავიდა და რომ არ მოგატყუო, ისე გაბადრულ-გახარებული მეზობლები მერე აღარ მინახავს. ყველას რალაცა ჩინ-ტიტული ჩამოურიგა მაშინ მორგოშიამ. მე, ვითომ, თავისუფალი ახალგაზრდობის კავშირის სოფლის რაზმის კომისრად ამირჩია. წავიდა მორგოშია და ჩვენ ისევ ჩვენს ეზო-ბარდს მივუბრუნდით. კომისრობა, რევკომობა და აგიტატორობა საგარეო ხალათს მივაკიდეთ და მინას დავუწყეთ ჩხუტური. ქვეყანა რომ ძველებურად არ იყო, იმაზე ვატყობდით, რომ ბეგარაზე არავინ გვეძახდა და გადასახა-

დის დაგვიანებაზე სახლში არავინ გვივარდებოდა. ათასში ერთხელ გაბონებული ფულის ტკაცუნით ტომარაგადაკიდებული რწმუნებული ჩამოივლიდა და მორცხვად ჩამოგვძახებდა: საქართველოს მთავრობას ჭადი შემოაკლდა და სიმინდს ხომ არ შეეღვევით გასაყიდადო. გარდა ამისა, სოფლის ცენტრში ხანდახან გამოჩნდებოდნენ მოკლემარვლიანი და, ახლა მეხანძრეებს რომ ახურავთ, იმნაირქუდეებიანი ინგლისელები. ჯერ ჩანთიდან შავყვითელ კენჭებს დააძრობდნენ და ცხვირთან მოგვიტანდნენ: ამნაირი ქვები ხომ არსად გინახავთ ამ შემოგარენშიო. მერე აუყვებოდნენ ტყეში აღმართს და კვირაობით იკარგებოდნენ. ცხოვრება თითქოს ჩანყნარდა და ჩვენს ჭირნახულსაც ფასი დაედო, მაგრამ ვგრძნობდით, რომ ასე არ გაგრძელდებოდა. მთავრობას რომ საზღვრის გამაგრება დაავინყდებოდა, გაალებს ჭიშკრებს და განუკითხავად შემოუშვებს მტერ-მოყვარეს. ზურგზე ტომარას რომ გადაიკიდებს და სოფელ-სოფელ ივლის, მშია, შემენითო, არაა მისი საქმე კარგად.

სამ-ოთხ წელიწადში აგვიხდა გლახა წინათგრძნობა. – საქართველოს მთავრობა გეიქცა, ბოლშევიკები შემოვიდნენო. სანამ თვითონ ბოლშევიკები მოაღწევდნენ ჩვენს სოფლამდე, ხმა უფრო ადრე დაგვეცა. მოვიდნენ და პირველ დღესვე ცხრაამეტი კაცი დაგვიჭირეს. თქვენაო, მენშევიკების დამქაშები ხართო, ყორდანიას სამსახურში იყავით და დროებით მთავრობას უჭერდით მხარსო. ხატზე დავიფიცავ, ჩვენ არც დროებით მთავრობას ვეფიცებოდით ერთგულებას და არც მუდმივს ჩავდგომივართ კრიჭაში. გლებები ვიყავით და გითხარი, მისი არ იყოს, მიწას ვუღაყუნებდით თოხს. იყავი ხალგაზრდების კომისარიო, მორგოშიამ და რატომ ვეტყოდი უარს. ღვთის წინაშე, ცოდოს ვერ დავიდე, რა უნდა მეკეთებინა მე, როგორც კომისარს, არ მიკითხავს და არც თვითონ მორგოშიას უთქვამს. ადვილი შესაძლებელია, თვითონაც არ სცოდნოდა.

გამომიშვეს ორ წელიწადში და ის იყო, პატარა ფეხი წამოვიდგი, ცოლის შერთვას ვაპირებდი, ისევ შემაბრუნეს ციხეში და კინალამ ჩამომახრჩვეს – ქაქუცასთან გქონდა კავშირიო, თერთმეტი კაცი გააქვრეს მაშინ ჩვენი პატარა სოფლიდან. რავარც მე არ მენახა ქაქუცა, ისე არ იცოდნენ საწყლებმა მისი ასავალ-დასავალი. შევეცოდე, ალბათ, ვილაცას, და ორ კვირაში გამომიშვეს. რანაირად გადავრჩი, ახლაც მიკვირს. არაა მთლად კაი საქმე მაგ დროს გადავრჩენა. სანამ არ გამაბატრაკეს და ხელახლა არ დამიჭირეს, კაი შვიდი წელი სოფელი აღმაცერად მიყურებდა.

ეს ის დროა, კოლექტივი რომ შემოვიღეთ და სიმღერ-სიმღერით რომ გადი-გამოდიოდნენ ბრიგადები სოფლის ერთი ბოლოდან მეორეში. ახლა რა არი, შემართული და დარაზმული ხალხი მაშინ უნდა

გენახა. ნუნუნს ვერ გაბედავდი, ნელის ტკივილს ვერ დაიჩვილებდი, კოლექტივიზაციის მტრად და მეჩრდილიად გამოგაცხადებდნენ მაშინათვე. ვპრომოპო ჩემთვის, ოფლს ვინურავ, ვირის აბანოში ვარ და მაინცდამაინც საერთო ბრუნვა-ტრიალში არ ვმონაწილეობ, თურმე არაა გაჩუმების და შენთვის ყოფნის დრო. უნდა იხარხალო სხვასავით და იხმაურო შენც. რომ არ ვქენი ასე, იმიტომ იყო, ერთ მშვენიერ დღეს შავსიელად რომ გამომაცხადეს. ცოლ-შვილი ერთი თხის და სამზადი სახლის ამარა რომ დამიტოვეს, კულაკად რომ მომნათლეს და სამაზრო ციხეში მიკრეს თავი. მესამე დაჭერაზე შვიდ თვეზე მეტი არ გაუჭირებიათ; კულაკობა და ჯიუტობა არ გაბედო, თვარა ციმბირი აქეთ დაგრჩებო. არც კულაკობა ვიცოდი რა იყო და ჩემი ჯიუტობა, ამ ხნის მოვიყარე, კაცს არ გაუგონია. ურჩობა კი არა, – მთავრობას უნდა, ცეცხლში გადავარდითო, რომ დაეძახნათ, პირველი გავეპანდებოდი. დრო იყო იმნაირი, ჩემო ბაბა. ეკლესიები რომ დავანგრეით და საღვთო წიგნები დავწვით, ჭკუათმყოფელი იზამდა? ახლაც გაიგონებ მაშინდელ ხუმრობას: თემსაბჭოს თავმჯდომარე სოფლის თვალწინ ხატს პუგაჩს რომ ესროდა. მიქნას, აბა, თქვენმა ღმერთმა რამე, თუ არსებობს ნამდვილად. მეტი რა გიქნას, ბაბაია, გოდოლუყვანიხარ ჭკუიდანო, მნათემ დაუძახა თურმე. მართლაც და, უარესს რას დაგმართებს ღმერთი კაცს. რანაირად უნდა დაგესხას თავრეტი, ხატს თოფი რომ ესროლო.

ამ გრიალ-ჟრიაშულში, ნგრევა-შენებაში და „აბა ჰეს“ ძახილში ოცდაჩვიდმეტიც მოვიდა. ისედაც ჭანჭიკად მიაჩნდათ ადამიანი და იმ წლებში მთლად გაუფასურდა. შიშის ზაფრა იცი შენ რა არის? მტრისას და ავისას, აფთარი რომ შეგეჩეხოს ტყეში, შეშინებით როგორ არ შეგეშინდება, მაგრამ ის შიში ერთნუთსაა, მეტს ხომ არა. ან შენ გაიქცევი, ან აფთარი, თუ თოფი გაქვს, ან შენ ესვრი, ან ის შეგჭამს, ხომ? ახლა წარმოიდგინე, უსაშველოდ გაგრძელდეს ის ერთი წუთი, აფთარი კარებზე გედგას, ვერც კარს უკეტავდე და ვერც გარეთ გამოდიოდე. ამნაირ შიშის ზაფრაში ჩავარდა ხალხი. ჯერ ჩვენი სოფელი რაა, რალაცა სამოცი კინკილა მოსახლე ვართ და აქ რა იყო, სხვაგან რა იქნებოდა. ადგებოდი დილით, მეზობლის გადაძახების გეშინოდა. უნდა ვთქვა, ქალები ჩვენზე ყოჩაღად იყვნენ. ჩემი ცოლი, სანყალი, ძროხებს რომ მოწველიდა და გადენიდა, აივანზე ველოდებოდი, არ იქნებოდა, ახალი ამბავი არ ეთქვა. ქალები, ხომ იცი, უფრო ახერხებენ გადაძ-გადმოდახებას. „წუხელის გაბუნია წოყუვანიათ“, „სიხარულიძესთან ყოფილან, გამთენიისას, გაუჩხრეკიათ“ და ამნაირი სხვაც, ეს იყო ახალი ამბავი. დაღამების გვეშინოდა: დღე თითქოს არავინ განუხებდა, ღამე გვაკითხავდნენ „ხალხის მტრებს“. შუალამისას მეზობელს რომ დაეკაკუნებინა,

შენ შენი დაგემართებოდა. მიეცა მაზანდა დასამენას და ცილისწამებას. ავსიტყვებს და გულბოლმიანებს ამინდი დაუდგათ. მე ოცდაჩვიდმეტის ოქტომბერში დამაპატიმრეს. რასაკვირველია, ველოდი დაჭერას. ჩემს „აყვანაში“ ხელი განაფული ჰქონდათ. სოფელში ყოველთვისაა თითო-ოროლა „დასაჭერ-დასასაჯელი“. საქმეს რომ დაჭირდება, რომ მოკიდებ ყურში ხელს და ისიც ცხვარივით რომ მოგყვება. იცის, მაინც არაფერი გაუვა. გასაბჭოების დროს დამიჭირეს, ქაქუცას ამბავზე დამიჭირეს, განკულაკების დროსაც ჩამსვეს და ახლა რა ხათრ-სიყვარულით ამივლიდნენ გვერდს. გითხრა სიმართლე, დროზე მინდოდა გავეთოკეთ, შიმის ზაფრა საზიზღარი რამეა. როცა ზიხარ, ყურად ხარ კაცი. როცა არც იქით ხარ და არც აქეთ, მაშინ უფრო წვალდები. მომაკითხეს შუალამეზე და დიდხანს არ დამიყოვნებია ჩემი მზრუნველები, ბარგი ჩანყობილი მქონდა. მე, რასაკვირველია, მიყვევი; ოჩანი ხარივით განევა არ დამინყია, მაგრამ როგორც მერე გავიგე, ჩემს ცოლს აუტეხია ერთი ამბავი. „ვინაა ტროცკისტი, თქვე უნამუსოებოვო, აღარ მოგწყინდათ მართალი კაცის დევნაო? რა პასუხს გვაძლევთ ჩვენ, ვინ ურჩენს ოთხ შვილსო“. პასუხი ის მიუციათ, რომ ჩემი დაპატიმრების ორი კვირის თავზე აუყვანიათ ჩემი ცოლიც და მე, ჩემდა იღბლად, დავბრუნდი, მაგრამ ჩემი შუშანიკის ასავალ-დასავალი ველარ გავიგეთ. ახლა მისი ძვლებიც არ იქნება მიწაში. რეაბილიტაციები რომ ჩამოგვირიგეს, იმ უბედურდღეზეგაჩენილის საბუთებსაც ვერსად მიაკვლიეს. კოლმეურნეობის კანტორაში ერთი პატარა, გაყვითლებული ქალაღიდა ვიპოვეთ. 1937 წლის დეკემბერში ჩატარებული კოლმეურნეობის კრების ოქმის ამონაწერი. „გაირიცხოს კოლნეგრობიდან ხალხის მტრის, იმპერიალიზმის მოსყიდული აგენტის გრიგოლ ბაქრაძის ცოლი შუშანა სხვიტარიძე, რომელიც დანაშაულებრივ კავშირში აღმოჩნდა თავის მეუღლესთანო“. კოლექტივიდან რომ გარიცხეს, მაშინ ვინ იცის, ჩემი თანამეცხედრე ცოცხალიც აღარ იყო, ბავშვები, როგორც მაშინ მიღებული იყო, ნათესავებმა დაირიგეს, შვილი კაი ხანს მამას არც კი მეძახდა, გადაჩვეული იყო, ვერც გაამტყუნებ. ორმოცდაორში ციმბირიდან პირდაპირ ფრონტზე წამიყვანეს. მე, „ხალხის მტერს“ თოფი მომცეს ხელში და ხალხის და ქვეყნის დაცვა მანდეს, არ გაგიკვირდება?

გადავრჩი ტყვიის წვიმას. დავბრუნდი ორმოცდახუთში. მოვიძიე ჩემი შვილები. ცოლი, ქე იცი, აღარ შემირთავს. შემოვლოზე გაპარტახებული ეზო, გავმართე ოდა და ორმოცდაცხრაში ისევ დამიჭირეს. ეს ბოლო დაჭერა მაინც რაღა იყო. ჰიტლერი დამარცხებულია, მსოფლიოში პირველი სახელმწიფო ხარ, გამარჯვებული და გამართული, რაღა დროს ტყვილად დაჭერები და რეპრე-

სიებია. ხომ გითხარი, სიაში ვიყავი სადღაც და, როცა „ნესრიგის დამყარების“, ან წმენდის კომპანია ჩამოივლიდა, ჩემს ჭიშკარს არ აცდებოდნენ. მეხუთე დაპატიმრებიდან რომ დავბრუნდი, ჯანმრთელობა გატეხილი მქონდა, ორმოცდათხუთმეტი წელი იყო. სტალინი აღარ იყო ცოცხალი.

მერე დავიბენით, თუ დავიბენით. ამხელა სახელმწიფოს გაძლოდა, როცა არც ჭკუა გიჭრის მაინცდამაინც და ვერც ქვეყნის საქმეებში ერკვევი, ნამეტანი ძნელი გამოდგა. ბარე ორმა ნაიტება კისერი. ერთმა მძიმე წონის უფროსმა თავი იმით დაგვამახსოვრა, რომ ეს მუშტივით შეკრული ჩვენი ბანაკი კინალამ დაშლა-დახურდავებამდე მიიყვანა. პურით გავავსეთ ბელლებიო, რომ ყვიროდა, სწორედ იმ წელიწადს ჩაგვაცენა შავი პურის რიგში. ტყუილებით ქვეყნის რჩენა შეიძლება, ბაბა? მაგის ჭკუით ახლა კომუნიზმში უნდა ვყოფილიყავით და კომუნიზმი კი არა, მგონია, სოციალიზმმაც ჩაგვიარა გვერდზე. მსოფლიოს სასაცილოდ კინალამ გავიხადეთ საქმე. რამხელა ტყვილს უნდა ლაპარაკობდე, ფეხსაცმლის ნაძრობით და მაგიდაზე რტყმევით დაგჭირდეს ხალხის დანყნარება.

როგორც იქნა, დევებოვით იმ ბაქია ხელმძღვანელს და, რავარც ვიცით ჩვენ, ახალმა სულ თვითნება და თავგასული უძახა ძველს. მგლისგან დამფრთხალი, გადარჩენილი თხები რომ შეაჩერდებიან ახალ ფარებს, ისე შევაჩერდით რადიოს. სიტყვები, იცოცხლე, კაი ისმოდა, მარა რაი მერე? ვერა და ვერ გავიმართეთ წელში. უკან დაგორებული ურემივით მივექანებოდით, – მოდი ახლა ასე ვცადოთ, ეგება ასე აჯობოსო, შეიძლება მეფე ასე წალმა-უკუღმა ბრუნავდეს? ვერ გაიგებდი, ვის ვეხმარებოდით და რატომ. ჩვენ თვითონ გალლეტილები ჩვენზე გალლეტილებს ვიძვრენდით უბემი. მკვდარი მკვდარს აეკიდაო, გაგიგონია შენ? დილას ამერიკას და იქეთა გერმანიას ვეხვეწებოდით, პურის ფქვილი და გაყინული ქათამი მოგყიდე, ეს ოხერი, უამინდობამ შეგვიშალა ხელიო. ორმოცი წელი უამინდობა. შეიძლება, კაცო? სახელმწიფოს თავმა შუბლის ძარღვი, რავა უნდა გაიწყვიტო, სირცხვილ-ნამუსი არ უნდა იცოდე?

სტალინი არ გვინდაო, იძახოდა და იმის კვალში იდგა. იმის გზასვე განაგრძობდა, ოღონდ უგერგილოდ. მეორე ნომერი მანდატი თვითონ გამოინერა და კინალამ ომის მოგებაც დაიბრალა, მანამ არ უტია სხვას, სანამ ზეზეურად არ გახმა. თქვენმა თაობამ სტალინი აღარ იცის. მის წიგნებს თქვენ არ კითხულობთ და საკლასო ისტორიის წიგნში მგონი ორჯერაა სადღაც ჩამოთვლაში ნახსენები. სტალინი ჩვენთვის მთელი ცხოვრება იყო, ბაბა, და ამიტომაა, რომ წამოვწითლდებით ხოლმე სახეზე, როცა გლახად ახსენებენ. მე რაც გამიკეთა, ხომ ხედავ, თუ ყურადღებით მისმენდი,

ჩემზე დიდი მაგინებელი არ უნდა ყავდეს. მთელი ცხოვრება შიშში გამატარებია და უდანაშაულო კაცი ხუთჯერ ჩამსვა ციხეში. მაგრამ მაინც ვერ ვიმეტებ. რა ვიცი, რა მემართება, სტალინი ჩემი სისუსტეა მაინც. იქნებ იმის გამოა, რომ მე, ყოველთვის ასე სანყალი და უჩინო, მისი მსოფლიო ღონის მოწინებამი ვარ, იქნება თავისი დიდი ჭკუით და მოჩვენებით თუ ნამდვილი უბრალოებით მომწუსხა. იქნება უბრალოდ შესახედავად მომწონს, ულვაშიანი, ლამაზი კაცი იყო, თავისივე გამოგონილი ორდენ-მედლებით და ზიზილ-პიპილოებით მეკრდი რომ არასოდეს აუჭრელებია. რა ვიცი, ძალიან მინდა სწორად ვაფასებდე და მესმოდეს მისი გამკრიტიკებლების, მაგრამ მაინც ვერ მივიტანე გულთან მისი აუგად ხსენება. შეიძლება სტალინის სწორად შეფასება ჩვენმა თაობამ ვერც მოახერხოს. ერთში მაინც უნდა შეგეკამათო. კი, ბატონო, სტალინს ბევრი შეცდომა და ნაკლი ჰქონდა, გეთანხმებით, მაგრამ რალა მარტო სტალინის მიმართ ვართ ასე ობიექტურები. მეც მომხრე ვარ, კაცი ყველანაირად შევაფასოთ, მაგრამ მარტო სტალინზე გავავრცელოთ ეს წესი?

მოგაბეზრე თავი. ვიცი, ახლა სტალინზე ლაპარაკის დრო არ არის, ასე ფიქრობ შენ დღევანდელ საქმეს უნდა მივხედოთ. კი, ბატონო, მაგრამ შენ ჭკვიანი ბიჭი ხარ და თუ უკან არ მოიხედე, წინა კაცის ნავალი არ გაითვალისწინე, წინ წასვლა გაგიჭირდება.

კაი ფიქრებით მოხვედით, მე და ჩემმა ღმერთმა. გიყურებთ და მიხარია. გული იმაზე მწყდება, რომ მხოლოდ გიყურებთ და მეტი არაფერი მე ახლა, მარტო სიტყვა-რჩევით თუ შეგენევით, თორემ ჩემი მარჯვენა რალაში გამოგადგებათ.

არ დაილალოთ და არ მოგწყინდეთ, ამ ერთს გთხოვთ მხოლოდ. სიმართლის გასაღები მარტო ჩვენ გვაქვს ჯიბეშიო, ამასაც ნურასოდეს იფიქრებთ. კაცს ფიქრის გაცხადების რომ შეეშინდება, ის კაცი თქვენი ერთგული ვერ იქნება, ბაბა. ამიტომ კაი ბიჭები მაშინ იქნებით, თუ სხვანაირი ფიქრისთვის ადამიანისშვილს არ შეიძლება. მოუსმინეთ იმასაც. გარკვეით, იქნებ, სიმართლეს ამბობს, რალაცა მიზეზმა ხომ გაუჩინა ის სხვანაირი ფიქრი თავში.

გაღმერთება და გაბელადება, ვისიც არ უნდა იყოს, ამ თქვენს დროში მაინც სასაცილოა და თუ შეგაფერხებთ, თორემ კარგს არაფერს დაგმართებთ. ადამიანი ისედაც ორი დღითაა მოსული ამ ნუთისოფელში და ნუ გაამწარებთ. მიხარია, აბა არ გამეხარედება, შიში რომ გაიპარა ჩვენი ოდის ჭუჭრუტანებიდან?

ჯერ სადა ხართ. ვეშაპის სისხლზე ამოსულ დევებთან შერკინება ანი გინევთ. ჯერ კაცთა უჭკუობით გამრუდებული გზა უნდა გავასწოროთ ახლებურ ლარ-თარგზე. სხვის ჯიბეში ხელის ჩაყოფას უნდა გადავეჩვიოთ. არ გამოდგა საერთო გობში ხელის ფა-



თურის წესი. იმიტომ, რომ ზოგს დიდი პეშვი აღმოაჩნდა და ზოგს პატარა. ჩემსას და შენსას ნუ აურევ ერთმანეთში ჩემს მოსატყუებლად, და ყველაფერი კარგად იქნება. ნუ წამართმევ ჩემს ჭადს და ნუ გამიხბდი მერე სახვეწრად; ცოტა მომიტეხე-თქვა.

იცოდე, შეცდომაზე დიდი ცოდო, იმ შეცდომის მონად დარჩენაა.

\* \* \*

ჩემო გელა, ყურმოკრული როგორ არ გექნება, ქვეყანამ იცის, ხუთი წელი სულ ტყუილად, უდანაშაულოდ რომ გვახეხიეს ციხე, მაგრამ დაწვრილებით მინდა მოგიყვე და თუ კაცი ხარ მოსმენა არ დამამადლო.

გლახა წელი დადგა, ნამეტანი გლახა წელი. ხანძრები და აფეთქებები გახშირდა ჩვენს ქალაქში. სხვაგანაც იყო, მაგრამ ასე ხშირად არა. ხალხიც დამფრთხალი და მოწყენილი დააბიჯებდა, შიშის მიზეზი მეტი რა გინდა; დადიოდა ქალაქში ვიღაცა ღვთისპირიდან გადავარდნილი. რა უნდოდა, ვისი ინტერესი ჰქონდა, ვერ მიხვდებოდი. ხან გაზეთის კიოსკში შეჩურთავდა ამონაღს, ხან პარკში რომელიმე სტენდს ააფეთქებდა, ერთხელ ავტობუსის გაჩერების თავშესაფარი წაურთავდა ავარდა ჰაერში. ხალხს მაინცდამაინც არ ერჩოდა. იმ დროს ფეთქებოდა, ბიბლიოთეკა იყო თუ მუყავე წყლის ჯიხური, როცა ახლომახლო კაციშვილი არ ჭაჭანებდა. აფეთქებები რომ მოწყინდებოდა, ხანძრების სერიას იწყებდა. სამ თვეში, მარტ-აპრილ-მაისში უპა-უპაში რვაჯერ გაჩნდა ხანძარი. ვერავითარ აზრს და ლოგიკას ამ ხანძრებიდან ვერ გამოიტანდი. ხან ნოტარიუსის კანტორა იწვოდა და ხან საჭადრაკო კლუბი. აშკარა იყო, დამნაშავეთა ბანდას იმდენად ქალაქისათვის მატერიალური ზარალის მიყენება არ სურდა, რამდენადაც ვიღაცის სიძულვილით, თუ დაშინების სურვილით ხდებოდა ყოველივე. კაცმა არ იცის, აშინებდნენ თუ არა იმ ვიღაცას, მაგრამ, ეს ფაქტია, რომ ჩვენ, უბრალო მოქალაქეები ძალიან შევჩქვიფდ-შეფვიქრიანდით. ომის დროს არ ვყოფილვართ ამნაირ ფსიქოზში. როგორი საქმეა, ყოველ ღამე ხანძრის მოლოდინში ხარ. სახანძროს ზარების რეკვა და მილიციის მანქანის სირენის კივილი არ გაძინებს ისედაც ძილგამტყდარს. უმწეო ხარ. შენ შეუიარაღებელი და უდანაშაულო, ელოდები, როდის აგიფეთქებენ ცხვირიწინ თვითნაკეთ ბომბს, ან გამოგწვავენ ბელელში თავგვივით. ბოლოს, ის იყო, კულტურის სასახლე დაინვა და ამით დამთავრდა ჩემთვის ის უბედური წელი გამთენიისას რომ დამირეკეს, კულტურის სასახლე იწვისო, ჯერ გული შემეკუმშა და სული ვეღარ მოვიტყვი, მერე ერთბაშად მომეშვა, პლამშიხელგაყ-

რით გავრბოდი ხანძრისკენ და იცი რაზე ვფიქრობდი? აღსრულდა, რისიცი ყველაზე მეტად მეშინოდა, ანი ბომბის და ხანძრის გაგონება წარბსაც ვერ შემინხრის-მეთქი. რას ერჩოდა კულტურის სასახლეს, ჩვენი ქალაქის სიამაყეს, ახალთახალ, ულამაზეს შენობას, ან ჩვენ რას გვემართლებოდა ის ოჯახამოსანყვეტი, აგერ, ა. ოცდაცხრა წელი გავიდა ამ ამბის შემდეგ და დღემდე ვერ გამირკვევია.

თერთმეტ ივნისს დაინვა კულტურის სასახლე და თექვსმეტ ივნისს დაგვიჭირეს ჩვენ, მე – დირექტორი პაპუნა კიპაროიძე, ღამის დარაჯი ბაგრატი კუკულავა და მნე – დურმიშხან ყიფიანი. მე გამთენიისას წამიყვანეს, იმათი დაჭერის ამბავი მესამე დღეს გავიგე.

ხუთ-ხუთი წელი მოვათიეთ ციხეში და კაი ხანია სამივე გარეთ ვართ. ღვთის წყალობით ასაკის შესაფერისად ჯანი გვივარგა და ვმუშაობთ სხვადასხვა ადგილზე. მე დრამწერებს ვხელმძღვანელობ სკოლებში და გამაქვს თავი რავარცხაა. ბედს არ ვემდური. მაშინაც მთელმა ქალაქმა იცოდა, კულტურის სასახლე ჩვენ რომ არ დაგვიწვავს და ახლა ხომ იცის და იცის. ვხვდებით ხანდახან ერთმანეთს და სიცილით ვიგუდებით. ახლა, აქედან მართლა სასაცილო ჩანს ეს ყველაფერი. მეტი სასაცილო რა გინდა, ვიდექით ეს სამი სერიოზული, ცოლშვილიანი კაცი სასამართლოზე და ვყვებოდით, როგორ დაწვით კულტურის სასახლე. როგორ გადაწვეციტეთ სამივემ ეს საქმე, როგორ ვატარებდით საიდუმლო თათბირებს, როგორც დავთქვით დაწვის დღედ თერთმეტი ივნისი, როგორ შემოვაპარეთ ბიდონებით კულტურის სასახლის სახანძრო კარიდან ნავთი და შუალამეგადასულზე, როცა სასახლეში წრეობრივი მუშაობა და რეპეტიციები დამთავრებული იყო, როგორ „აღვასრულეთ“ ჩვენი ბნელი საქმე. მახსოვს ჩემს ადვოკატს, რომელმაც აშკარად დაამტკიცა; ამათ, ამ საწყლებს, არავითარი კავშირი არა აქვთ სასახლის დაწვასთანო, რა რისხვით შევუტიეთ სამივემ. სულ პრავაკატორი და უნიჭო ვუძახეთ.

როგორ დაგვიყოლია გამომძიებელმა გიგი მარშანიამ, ჩვენს თავზე აგველო დანაშაული, მახსოვს და წვრილად გიამბობთ, ჩვენს ამბავში მე რა მინტერესებს, იცი? ადამიანი თურმე სრულყოფილი არსება ჯერ კიდევ არ არის. სხვა სისუსტებს შორის ერთი სისუსტეც აქვს თავში და იმ სისუსტეს ნებისყოფის სისუსტე ჰქვია. ახლა ხომ ამ ხნის კაცი ვარ და ამდენი მაჯანჯლარა ცხოვრებამ. ამ გამოცდილების დროსაც ვერ დავდებ თავს, რომ ამა და ამ სიტუაციაში მინცდამინც ასე და ასე მოვიქცევი-მეთქი. ალბათ, ათასში ერთ კაცს შეუძლია დაჩემებული ბოლომდე გაიტანოს. ჩვენ ძმაო, უბრალო ხალხს, ამდენი ძალა არ გაგვაჩნია. ადრე რომ მეტყოდნენ, ამა და ამ კაცმა ესა და ეს დაიბრალო, ვერ გაუძლო დანოლას და

თავისი ხელით დაწერა, თითქოს საიდუმლო ბანდის წევრი იყო და ციდან მზის ჩამოგდებას აპირებდაო, ალვშფოთლებოდი ხოლმე. როგორ, ცოცხალმა კაცმა ასეთ სულელურ „აღიარებაზე“ ხელმოწერა როგორ დაუტოვა შთამომავლობას-მეთქი. ახლა სხვაგვარად ვუცქერი ამ ამბავს. სანამ არ გადახტება, „ჰოპს“ წურავის დაიძახებს.

პირველ სამ დღეს, რასაკვირველია, ჩემს სიმართლეზე ვიდექი, სასაცილოდ არ მყოფნიდა გიგი მარშანიას დაჟინება და გამოტყვის მისეული მეთოდები. რა არ მკითხა, საიდან არ მომიარა, მაგრამ რაც ფიქრადაც არ მომსვლია, როგორ უნდა „მელიარებიანა“. სამი დღის მერე სხვანაირად დაგვიწყო ჭიკჭიკი. შუალამისას ამიყვანეს ზევით. მაგიდას გამომძიებელთან ერთად ბაგრატ კუკულავა და დურმიშხან ყიფიანი უსხდნენ.

გიგი წამოდგა, ოთახში გაიარ-გამოიარა და მოგვიბრუნდა.

– გულახდილად გითხრათ ყველაფერი? არც ისე უბრალოდაა საქმე, თქვენ რომ გგონიათ. მე მშვენივრად ვიცი, რომ კულტურის სასახლე თქვენ არ დაგინვათ, თქვენ გგონიათ, არ ვიცი? მაშინაც ვიცოდი, თქვენი დაპატიმრების ორდერი რომ მომიტანეს.

– თუ ასეა, რატომ ვართ ჩვენ აქ?! – თავი ვერ შევიკავე, ცოტა არ იყოს, ხმამაღლა წამომცდა.

– თუ მომისმენთ, გეტყვით ყველაფერს. თუ გამგები ხალხი ხართ, უნდა გაიგოთ. ჩვენ ახლა ორივე მხარეს ერთმანეთის დახმარება გვჭირდება, ჩვენ-თქვენი და თქვენ-ჩვენი. უნდა მოვილაპარაკოთ. მეტი გზა არ არის. აგერ ვართ ოთხივე. ეს საუბარი ჩვენს შორის უნდა მოკვედეს.

– ბატონი ბრძანდები, – ყურს ხელი მიახმარა კუკულავამ. ბაგრატს ყურს მაშინაც აკლდა.

– ჯერ ჩვენს გასაჭირს გეტყვით. წარმოიდგინეთ ჩვენი მდგომარეობა. ქალაქში რა ამბებიც ხდება, მოგეხსენებათ. აფეთქებებზე და ხანძრებზე ვამბობ.

– მერე ჩვენ რა შუაში ვართ? – აღშფოთდა ყიფიანი.

– თქვენ კი არ ხართ, ჩვენ ვართ შუაში. ისე ვართ შუაში მომწყვდეული, როგორც ლობეში გაჩხერილი გოჭი. ვერც იქით მივდივართ, ვერც აქით. დაიბარა ინასარიძემ ჩვენი უფროსი კულტურის სასახლის დაწვის დღეს და უთხრა: – თუ ერთ კვირაში არ აღმოგიჩენიათ ბანდა, ყველას გაგყროთ სამსახურიდანო. არ ვქნათ, მითხარით, ხალხი არა ხართ?

– მოძებნეთ, რა ქნათ და, – ურჩია კუკულავამ.

– შენ გგონია, არ ვეძებთ? ტყლიპი ჩაგვექცა მუცელში. სიქა გაძვრათ ბიჭებს, რომ შეხედო, ადამიანს აღარ ჰგავს არცერთი. ამნაირი არაფერი გვინახავს. ვინაა, რა ხალხია, მკითხავთან ხომ

არ გავიქცევით? ქურდებთან საქმე არა აქვთ. რამდენიმე კაცი რომ მოქმედებს, აშკარაა. ერთი ვერ შეძლებდა. ყველას შიშის ზაფრა გვკლავს. მე შენ გეტყვი, დაიქადნებს და არ შეასრულებს ინასარიძე. ისედაც ალმაცერად გვიყურებდა. ჩვენი თავი ჯანდაბას; ბავშვები დაგვეხოცება მიმშლილი. ჩვენზე უფრო საცოდავი ახლა კაცი არაა მთელ დუნიაზე. ეს ფორმა რომ გვაცვია და რევოლვერი გვკიდია, ამაზე სვარაა საქმე.

ვეცადე, წარმომედგინა ურევოლვერო და უფორმო მარშანია. მართალია, გამიჭირდა, მაგრამ მაინც წარმოვიდგინე. მერე ვეცადე, შემცოდებოდა უსამსახუროდ და უსახსროდ დარჩენილი, მაგრამ მომკალით და ვერ შევიცოდე.

– ეს ყველაფერი კარგი, მაგრამ ჩვენ რაში დაგეხმაროთ, – რაც შემეძლო, მშვიდად ვკითხე.

– თუ მაცლით, აგისხნით ბოლომდე ყველაფერს, თუ არა და ვიქნები ჩემთვის, – თავი შეგვაცოდა უფროსმა გამომძიებელმა, – ავდექით და, როგორც ხედავთ, აგიყვანეთ სამივე პატიმრობაში.

– რა უფლების ძალით აგვიყვანეთ? – კუკუღავა „უფლებას“ ხშირად ახსენებდა. ახლაც მალიზიანებს ხოლმე „უფლებას“ რომ იტყვის და „ლ“-ს რბილად წარმოთქვამს. ხუთ სიტყვას არმიაყოლებს ერთმანეთს, „უფლება“ რომ არ ჩაურთოს.

– ახლა, ჩვენს შორის დარჩეს და, მთლად ტყვილად არც თქვენ ხართ დაჭერილი. მართალია, სასახლე თქვენ არ დაგინვაავთ, მაგრამ ბავშვები არ ხართ არცერთი და მშვენივრად იცით, რომ მატერი-ალური პასუხისმგებლობა შენობაზე დირექტორს, მნეს და ლამის დარაჯს ეკისრება. პასუხგებაში თქვენი მიცემის გამართლება ყოველთვის შეიძლება. დაუსჯელად ვინ დაგტოვებდათ. ჩასაფრებული გამომძიებელი თითოს სამ-სამ მუხლს აგვიდებდათ. პატარა ჯიხური კი არ დამწვარა. ამხელა სასახლე დაინვა.

– მერე ჩვენ დავწვით?! – ტირილი გაერია ხმაში ყიფიანს.

– თქვენ არ დაგინვაავთ, ქრისტიანულად გეუბნებით და მეტი რა გითხრათ, მაგრამ დამნაშავეები თქვენცა ხართ, სამივე. სამ წელიწადს მოგცემენ თუ ხუთს, ამას დიდი მნიშვნელობა არა აქვს. ჩვენთან უნდა იყოთ კარგად და ხომ იცით, ორგანოს თანამშრომლები სიტყვის ხალხი ვართ და პატივისცემას არ ვივინყებთ. მერეც ჩვენს ხელში უნდა იყოთ თქვენც და ყველა, საერთოდ. ახლა გლახა დღე გვადგას, თორემ ხვენა და მუდარა არ ვიცით ჩვენ, მოგესხენებათ.

– რა პატივი გცეთ, მაგალითად? – სულმა წასძლია კუკუღავას. თორემ სამივენი მშვენივრად ვხვდებოდით, საითაც გვიკაკუნებდა მარშანია.

– უნდა იდოთ თავზე ხანძარი.

– რას ჰქვია ვიღოთ? – ყიფიანი სკამზე შემოტრიალდა.

– უნდა დაიბრალოთ. სხვა გამოსავალი არც თქვენ გაქვთ და არც ჩვენ, გპირდებით, მოსამართლესთან ჩვენი უფროსი მოილ-აპარატებს და კაცურ სიტყვას გაძლევთ, იმაზე მეტად არ დაგ-სჯიან, რაც ისედაც გეკუთვნოდათ, როგორც სასახლის ოფი-ციალურ, ადმინისტრაციულ პირებს. შეგნებულები ხალხი ხართ და მიხვდებით, მგონია, რამდენ კარგ საქმეს გააკეთებთ. თუ ჩემს თხოვნაზე დათანხმდებით. ჯერ ერთი, ჩვენ გადაგვარჩინოთ ინსა-რიდის რისხვისაგან, მეორეც, მილიციის პრესტიჟს მაღლა ასწევთ. არ ვართ ჩვენ გლახა ხალხი, დამიჯერეთ, და საჭიროც ძალიან ვართ საზოგადოებისთვის. ის კუსტარამფეთქებლები რატომ პარ-პაშობენ, იცით? არ ეშინიათ. აბა, ერთი დარწმუნებული იყვენ, რომ მილიციას არაფერი გამოეპარება. თქვენი საქმის გახსნით ჩვენი ავტორიტეტი აინევა.

– თქვენი ავტორიტეტის აწევისთვის ციხეში ვიჯდეთ, ჩვენ, უდანაშაულო ადამიანები? – ყიფიანმა გამშრალი ყელიდან ძლივს ამოღერდა.

– მარტო ჩვენთვის კი არა, ქალაქისთვის, თქვენი მომავლისთვის უნდა ჩაჯდეთ. ჯერ ერთი, გითხარით მისი არ იყოს, თქვენ უკვე ჩამჯდარი ხართ, – მარშანიამ მაგიდაზე თითები აათამაშა, – ამ ჩემი ულტიმატუმის გარეშეც პასუხს აგებდით. თქვენ რომ ახლა სასახლის დანვას დაიბრალებთ, ამას რა მოყვება იცი? აფეთქე-ბები და ხანძრები შეწყდება, არ გინდათ, თქვე კაი ხალხო, თქვენმა ცოლ-შვილმა მშვიდად დაიძინოს?

– რა გარანტია გაქვთ, რომ შეწყდება? – ვკითხე.

– ვიცი მე დამნაშავეების ფსიქოლოგია. ჯერ ერთი, ხალხი ირწ-მუნებს, რომ მილიცია ფხიზლადაა და დამნაშავეს სამაგიერო მიეზ-ღვება. ცოტათი მაინც დაუნყნარდება ნერვები ქალაქს. რაც შეეხება უშუალო დამნაშავეებს, იფიქრებენ. ჩვენი გულისთვის უდანაშაულო ხალხი დაისაჯაო და გაეცლებიან ამ ადგილს. თქვენი ჯინი არავის სჭირდა, ხომ მართალია. ჩვენ ვიცით, ვისი და რის წინააღმდეგაა მიმართული ეს ხანძრები და აფეთქებები. ხომ გამიგეთ?

– ვერა, – თქვა კუკულავამ.

– კი, გამიგეთ, მაგრამ არ მენდობით. არ გჯერათ ჩემი. წინას-წარი პატიმრობის სამი დღე გათავდა, ხომ ხედავთ. თქვენი გაშვება რომ შეიძლებოდეს, ამ დილით გაგიშვებდით, არა გვაქვს სხვა გზა, გაგვიგეთ ადამიანურად და დაგვეხმარეთ.

– კი, მაგრამ რაღა ჩვენ დაგეხმაროთ, სხვა დაიხმარეთ. ათასი ოხერი დადის ქუჩაში, დაიჭირეთ და დააბრალოთ, – გამოსავალი იპოვა ყიფიანმა.

– რამდენჯერ გითხრათ, თქვენ ისედაც დაგიჭერდით. თქვენ აგებთ პასუხს შენობაზე. ახლა, სამი დღე რო გავიდა, ნუთუ ვერ ხვდებით, რომ ჩვენ იძულებული ვართ, გავამართლოთ თქვენი დაჭერა. არ გვინდა თქვენთვის ცუდი, თორემ არცერთი არ ხართ აქ მამა აბრამის ბატკანი, თუ ამოვნიეთ თქვენი საქმეები, ხომ იცით, სახვეწარი აქეთ გექნებათ, მაგრამ ჩვენ არ გვინდა შორს წავიდეთ.

– რა საქმეები, მაგალითად? – გულუბრყვილოდ იკითხა კუკულაგამი.

– ჩემზე უკეთესად იცით, რა საქმეებზეცაა ლაპარაკი, ბაგრატ ბატონო. ნეტავი ვინმეს თუ ჰგონია, დანაშაულს რომ ჩაიდენს და არ დავიჭერთ, ვერ გამიგეს, შემრჩაო. არ დაიჯეროთ ეგ ამბავი. ჩვენ ყველაფერი ვიცით. ჩვენი თვალი უფრო მეტს ხედავს, ვიდრე გგონიათ. თქვენი ძმა რომ თამბაქოს ქარხნიდან პაპიროსის გილზეებს იპარავდა, სახლში რომ ტენიდით და ჰყიდდით მეორე დღეს, როგორ ფიქრობთ, ამისთვის არ გეკუთვნოდათ ყურზე ხელის მოკიდება? იყო ასე? ხომ იყო? მთელი სამი წელი, – გიგამ უბის წიგნაკი ამოიღო და ჩაიხედა, – ათას ცხრაას ორმოცდათერთმეტ-ორმოცდათორმეტ წლებში მისდევდით ამ საქმეს; ხომ იყო ეს დანაშაული? ეს ერთი, ჩემო ბატონო, კიდევ გაინტერესებთ? – უბის წიგნაკში ისევ ჩაიხედა, – გავაგრძელო, რა ჩაგდენიათ თუნდაც მარტო ამ ბოლო შვიდ წელიწადში, ახალგაზრდობის წლებს რომ თავი გავანებოთ?

– არ გინდათ, ნულარ გააგრძელებთ, – ლოყებზე მუშტები მიიღო ყიფიანმა და მაგიდას დააჩერდა.

– მერე თითო კი არა, ოთხ-ხუთ ისეთ საქმეში გაიჭედებით სამივე, მტკიცებაც რომ არ უნდა.

– აქამდე რატომ არ მოგვკიდეთ ხელი? – ხმადბლა ჰკითხა ბაგრატმა.

– არ ვართ ჩვენ ცუდი ხალხი და იმიტომ, ჩვენი საქმე მარტო დაჭერა კი არაა სხვა საქმითაც ვართ დაკავებული. რატომ აქამდე არ მოგკიდეთ ხელი? ვინ იცის, იქნებ ამ დღეს ველოდებოდით. ახლა ცოტა ჩვენც გვიჭირს და არც თქვენ ხართ დალხინებული. თუ კაცები ვართ, უნდა გავუგოთ ერთმანეთს.

– მაინც არ დაიჯერებს ქალაქი, რომ ჩვენ დავწვით სასახლე, – ვთქვი მე.

– შენ მაგის ჯავრი ნუ გაქვს. თუ არ დაიჯერებს, ნუ დაიჯერებს. მთავარია ინასარიძე დააჯეროს ჩვენმა უფროსმა, რომ კულტურის სასახლის დანვის საქმე გახსნილია. მეტი ჩვენ არაფერი გვინდა. მერე ჩვენ ვიცოდეთ და ჩვენმა კაცობამ:

– ვთქვათ, დავთამხნდი, მაგალითად, და მოგეცით ჩვენება, მე დავწვი-მეთქი, რატომ უნდა დამეწვა, როგორ ფიქრობ? – შე-

ვატყვე ჩემს თავს, რომ უკან გადავდგი პირველი, გაუბედავი ნაბიჯი.

– მაგაზე მოვილაპარაკებთ. რაც შეეხება ქალაქს, ქალაქის ხასიათი ასეთია: თქვენ რომ გაგიშვათ დღესვე, გამოვაცხადოთ; ბრალდება არ დაუმტკიცდათ, უდანაშაულონი აღმოჩნდნენო, უმრავლესობას გული დაწყდება. ქალაქს არ უნდა, – რომ თქვენ არ დაგენვათ კულტურის სასახლე, გასაგებია? მერე თქვენი გაშვება, რაც პრაქტიკულად თითქმის შეუძლებელია, ჩვენ საბოლოოდ ჩაგვცემს ლახვარს. დააყარეს ფული და ჩაფარცხეს საქმეო. საბოლოოდ გავპუსტიკალებით ინასარიძის თვალში. ვიზამთ ჩვენ ამას? არ ვიზამთ.

– თუ უარი ვთქვით სამივემ? არ დავიბრალებთ ეს ამხელა ცოდვა, რა იქნება? – ყიფიანის ხმაა.

– რა იქნება, ვერ მიხვდით? ნუთუ ასე გაუგებრად ვლაპარაკობ? ჩვენ ჩვენი მოგვივა. ქვეყანა არ დაიქცევა ამ ერთი საქმის გაუხსნელობით. შეიძლება ჩვენს უფროსს და მე საყვედურები ჩამოგვირიგონ. კიდევ, რომ გაგვიშვან ორგანოდან, თქვენთვის რა შეღავათი. იმას მაინც მოვასწრებთ, რომ თქვენი გამოძიება დავამთავროთ, თითოს ცხრანლიანი მუხლები მაინც აგკიდოთ და გაგიშვათ სასამართლოზე. სხვათაშორის, თქვენი აღიარება საზოგადოებრივი აზრისთვის გვინდა, თორემ თქვენთვის სასახლის დაწვის დაბრალება უკვე დამთავრებულია. ისე გავამაგრებთ, ისეთ ფაქტებს შევთხზავთ, თვითონვე ეჭვი შეგეპარებათ, მართლა ჩვენ ხომ არ დაგვინვაფსო. მაგდენი ფანტაზიის უნარი გვაქვს, ნუ გემინიათ. ასე რომ, ვისაც ასამართლებენ, ყველა კი არ აღიარებს დანაშაულს, აღიარება, იცოდეთ საერთოდ, სასჯელის შემამსუბუქებელი გარემოებაა.

– მაინც რა ვთქვა მე სასამართლოზე, რატომ დავწვი-მეთქი, დირექტორმა კაცმა, ჩემი დაწესებულება, რომელსაც რვა წელი ვაშენებდით და სულმოუთქმელად ველოდით, როდის დამთავრდებოდა? რომ გავგიჟებულიყავი და ხელოვნების სიყვარული საერთოდ ამომეღო გულიდან, იმდენად სულელი როგორ ვიქნებოდი, არ მცოდნოდა, რომ სასახლის დაწვასთან ერთად ჩემი დირექტორული სკამიც დაინგებოდა და ხელოვნებაში ჩემს მომავალსაც ცეცხლი უყოფდა პირს, – თითების მტვრევით, ხმის კანკალით, ვეკითხებოდი მარშანიას.

– საფუძვლიანია თქვენი ეჭვი. მაგრამ მაგასაც ეშველება. ხომ არის შემთხვევა, დირექტორები რომ წვავენ თავიანთ დაწესებულებებს? ვთქვათ, გაფლანგვა-დანაკლისი გქონდათ. ყველაფერს რომ თავი გავანებოთ, გაბრაზებული იყავით, რაღაც წოდების მონიჭებაზე უარი გითხრეს, ამაგი არ დაგიფასეს. აიღეთ და გაგულისებულმა კულტურის სასახლე დაწვით.

– მე, მე რატომ გავერეოდი ამ საქმეში, სასახლის მნე? – ლამის ტირილით თქვა ყიფიანმა.

– შენ შენი ინტერესი გქონდა. რალაცით შენც მოითბე ხელი ამ ხანძარზე.

– რით, მაგალითად?

– ჯერ მთავარზე მოვილაპარაკოთ და გეტყვიტ მერე, ამაზე, კონკრეტულად. სულაც ხომ შეიძლება, თქვენ სამივე, ვილაც მეოთხე კაცის ბრმა იარაღები ყოფილიყავით. დაგაინტერესათ იმ მეოთხემ, მოგისყიდათ, ან ფულით, ან რალაცით და დაგავალათ სასახლის დანვა.

– რალა ჩვენ მოგვისყიდიდა, სწორედ იმათ, ვისაც სასახლის მოვლა გექონდა დავალებული. უფრო იაფი არ დაუჯდებოდა სხვისი მოსყიდა? – ვთქვი მე.

– იქნებ სხვები ვერ მოახერხებდნენ უთქვენოდ ამ საქმეს.

– მერე, რალა სამივეს მოგვისყიდიდა. სამი კაცისთვის შეიძლება ასეთი საქმის განდობა? ერთი ჩვენთაგანი მოესყიდა. რალა, ერთი ვერ შეიძლება სასახლის დანვას? – კაცმა რომ თქვას, კუკულავას ეს შეკითხვაც სამართლიანი იყო.

– მაგამი მართალი ხართ. – შევატყვე, პირდაპირ პასუხის გაცემა გაუჭირდა მარშანიას, – ეგ მეც ვუთხარი თავის დროზე უფროსს, მაგრამ ახლა ეგ ლაპარაკი დაგვიანებულია. ახლა რომელიმე თქვენთაგანი რომ გაგიშვათ, თქვენთვისვე იქნება ცუდი. იმ წუთში გამცემის სახელს მოგაკერებენ.

– ვთქვათ, ჩვენ დავიბრალეთ ეს დანაშაული, გავგასამართლეთ და მოგვისაჯეთ რაც გვერგება. ვთქვათ და როგორც თქვენ ამბობთ, ამის შემდეგ მართლა შეწყდა ხანძრები და აფეთქებები. მოგვიტრიალდებით მერე და იმ წინა ხანძრებს და აფეთქებებსაც ჩვენ დავვაბრალებთ?

– როგორ გეკადრებათ, კაცურ სიტყვას გაძლევთ, ჩემი და ჩემი ცოლშვილის თავებით ვაგებ პასუხს ამ პირობაზე, არა თუ სხვა საქმეს არ აგკიდებთ, ამაშიც მინიმუმს მოვაცემინებთ მოსამართლეს.

– რა ვქნათ? – მცირე პაუზის შემდეგ მივმართე ყიფიანს და კუკულავას.

„დამნაშავენი“ სდუმდნენ.

სიჩუმე ისევ გიგიმ დაარღვია.

– დღეს ამით დავამთავროთ, ნაბრძანდით ახლა და მოიფიქრეთ. მოსაფიქრებელი, მე რომ მკითხოთ, არაფერია. სხვა გამოსავალი არ არის. უკან დასახვევი არა გვაქვს, არც თქვენ და არც ჩვენ. ხვალ გავაგრძელოთ საუბარი.



დილით სამივენი ერთ კამერაში მოგვათავსეს, რომ განსჯის და მოთათბირების საშუალება გვქონოდა. საერთოდ, ერთ საქმეზე დაკავებულნი ერთად არასოდეს სხედან, მაგრამ მარშანიამ იცოდა, რასაც აკეთებდა.

ვიდავეთ, ვიკამათეთ, საიდან არ შემოვუარეთ, რა თვალით არ შევხედეთ ჩვენს მდგომარეობას, გავითვალისწინეთ ყველაფერი, კიდეც და კიდეც არაერთგზის დავაზუსტეთ მარშანიასთან რალაც-რალაცები და ორი კვირის შემდეგ „ვალიარეთ დანაშაული“.

კულტურის სასახლის დანვა დავიბრალებთ, მაგრამ ჩვენი და მარშანიას წვალება მერე დაინყო.

ოთხივენი (და ჩვენს გარდა, როგორც გაირკვა, სხვებიც) დიდ შემოქმედებით მუშაობაში ჩავებით. ხუმრობა ხომ არ იყო, უნდა შეგვექმნა დამაჯერებელი იურიდიული დოკუმენტი, რათა სასამართლოს და დამსწრე საზოგადოებას ეჭვი არ შეეტანა ჩვენს დანაშაულში. პირველი ჩვენებები ცალ-ცალკე რომ დავწერეთ, სასაცილომდე გულუბრყვილო იყო, ერთმანეთს არ ემთხვეოდა. იოლად ნურავის შეხედავს ამ საკითხს. განსაკუთრებით ჭირდა იმის დამტკიცება, რისიც თავიდანვე მეშინოდა; რატომ გადავწყვიტეთ სწორედ ჩვენ სასახლის დანვა, სასახლის შენახვაზე პასუხისმგებელმა პირებმა? მეორე სიძნელე ის იყო, როგორ მოვილაპარაკეთ სამმა სხვადასხვა ხასიათის, თანამდებობის, შეხედულებების ადამიანმა სასახლის დანვა. რა ინტერესმა გაგვაერთიანა სამივენი ამ დანაშაულისათვის? გამოსავალი, ერთი პირობა, ის ვიპოვეთ. რომ მე, ღირექტორს უნდა ჩამეთრია ჩემი ხელქვეითი „დანაშაულებრივ ქმედებაში“. ამაზე მე არ დავთანხმდი და არც სხვებმა დამამალეს. ორგანიზატორობის და მოთავეობის შემთხვევაში ჩემი დანაშაული მძიმდებოდა, ხოლო მე არავითარი სურვილი არ მქონდა თუნდაც ერთი კვირით კუკულავაზე და ყიფიანზე მეტხანს დამეყო ციხეში. ბოლოს, დანაშაულის ფსიქოლოგიური მხარის მოტივირება ძალიან რომ გაგვიჭირდა, „მეოთხე კაცზე“ გავედით. მოვქმენეთ, ჩვენთვის ცოტა არ იყოს დამამცირებელი, მაგრამ შედარებით ცოტათი მაინც დამაჯერებელი გადანყვეტა. თითქოსდა მოდიოდა ჩვენს საიდუმლო სერობებზე ვილაც შავმანტიანი, სათვალისანი ბოროტი კაცი, შავი „დიპლომატი“ მოჭქონდა ფული და დაჟინებით მოითხოვდა ფრიად სოლუდირი გასამრჯელოს ფასად დაგვენვა კულტურის სასახლე. ჩვენ, გამდიდრების სურვილით დაბრმავებულნი, დიდი ჭოჭმანის შემდეგ ვთანხმდებოდით ამ დანაშაულზე. ფული რაღა იქნაო, რომ იკითხავდა გამოძიება? პასუხი ამაზეც გავამზადეთ; გასამრჯელო ჩვენი შრომისთვის უნდა მიგველო სასახლის დანვის მესამე დღეს, მაგრამ რატომღაც შავსათვალისანმა ძიამ „დიპლომა-

ტის“ მოტანა დაავიანა. გვარიანი დეტექტივი შევთხზეთ, მაგრამ ორ საკითხს მაინც ვერ გავეცით პასუხი. ჯერ ერთი, ვინ იყო ის შავმანტიიანი კაცი, რომელსაც ასე ბრმად ვენდეთ, იყო თუ არა ცნობილი მისი ვინაობა და საცხოვრებელი ადგილი დამნაშავეთა ბანდის სხვა წევრებისათვის და მეორე – ნუთუ ერთხელ მაინც არ ვკითხეთ იმ შავსათვალთან ბოროტმოქმედს – თუ ძმა ხარ, ამდენ ფულს რომ ყრი, რა ინტერესი გამოძრავებს, რა ხელს გაძლევს ამ უწყინარი კულტურის სასახლის დანვაო? ბევრი ვინვალეთ, მაგრამ ეს ორი პრობლემა ვერა და ვერ გადავწყვიტეთ. მარშანია, იურიდიული თვალსაზრისით საკმაოდ პრიმიტიული სვლა შემოგვთავაზა: არ ვიცნობდით შავმანტიიან კაცს, აქამდე არასოდეს გვენახა და რომ შეგვხვდეს, ვერც ახლა ვიცნობთ, რადგანაც შავი სათვალე ეკეთა და, ვინ იცის, იქნებ პარიკსაც ატარებდა. არც ის გვიკითხავს, რატომ ჰქონდა ამოჩემებული მაინცდამაინც კულტურის სასახლის და არა სხვა რომელიმე, არანაკლებ ავტორიტეტული დანესებულების დანვა. გამოძიება ამ პასუხებით დაკმაყოფილდა, მეოთხე კაცის ხაზით ძიება არ გაგრძელებულა და არც მოსამართლეს (აშენდა მისი ოჯახი) უკითხავს ჩვენთვის რაიმე შავმანტიიანი და შავსათვალისანი პიროვნების შესახებ.

გასამართლებამდე და იმის შემდეგაც ჩვენს ოჯახებთან წერილობითი კავშირი, რასაკვირველია, გვექონდა. როგორ და რა გზით, ეს ციხის საიდუმლო გახლავთ და თუნდაც იმიტომ არ გაგომხელთ, რომ ამ საქველმოქმედო საქმით დაკავებულ დარბაისელ ადამიანებს ჩემმა გულახდილობამ რაიმე არ ავნოს.

უფროსი გამომძიებელი მართალი აღმოჩნდა; ჩვენი დაპატიმრების შემდეგ ქალაქში ხანძრები და აფეთქებები შეწყდა.

გუმინდელივით მახსოვს, სასამართლოს წინა დღით საკანში, ჩვენს ნარებზე რომ ვიჯექით და ფრიადოსანი მონაფის გულმოდგინებით ვსწავლობდით ჩვენი საბოლოო ჩვენებების ათასჯერ გადაღეჭილ ტექსტს. მარშანია მოსალოდნელ შეკითხვებზე პასუხის გაცემაში გვავარჯიშებდა.

ვერ დავუკარგავ, გიგი მარშანია სიტყვის კაცი აღმოჩნდა; ხუთ-ხუთი წელი მოგვისაჯეს ჩვეულებრივი რეჟიმის კოლონიაში მოხდით.

კოლონიაში მშვენიერი პირობებია-მეთქი რომ გითხრათ, ტყუილი იქნება, მაგრამ დამერწმუნეთ, გაძლება იქაც შეიძლება.

\* \* \*

ემშაკს არ ძინავს, ბატონო. მართალია, ყველაფერს ვერ განჭვრეტ კაცი და წინასწარ ვერ გაპლანავ, მაგრამ, რაც შეგიძლია, უნდა იფრთხილო. ნუთისოფლის აღმა-დაღმა ბრუნვას ისე უნდა

ააყოლო ტანი, რომ ზვირთს ქვეშ არ მოექცე. შენი ცდაქიჩმაჩი არ უნდა დააკლო შენს წილ ცხოვრებას, მერე, ჩემი ხნის რომ მოიყრები, სანანებლად რომ არ დაგრჩეს: ნეტავ, ასე მექნა და ამ გზით ნავსულიყავიო. კი, მაშინ სხვა დრო იყო და ახლა სხვა დროა, მაშინ უფრო ადვილი იყო კაცის გაფუჭება, ავ სიტყვას და ენატანობას მაშინ მეტი გასავალი ჰქონდა, მაგრამ არც ახლა უნდა დარჩე შენს დღეებს ბრმად მინდობილი. შენი ორთაყვირი შენ უნდა გეჭიროს და შენი ცხოვრების ტივს შენ უნდა უმარჯვო. ასეა ეს. ჭკუა უნდა დააყოლო კაცმა შენს ნამოქმედარს, თუმცა ხიფათს იქნებ მაინც გადაეყარო, როგორც მე დამემართა. ერთი წელი ვხეხე. ათას ცხრაას ორმოცდახუთი წლის იანვარში დამიჭირეს და ორმოცდაექვსის თებერვალში გამომიშვეს. ახლავე მოგიყვები, რაც მოხდა ჩემს თავს. ამას რატომ გეუბნები, თუ იცი; არაფერი არ უნდა გაგვიკვირდეს. უცებ შეიძლება შავი ღრუბლები დაგროვდეს შენს თავზე, ისე, რომ ბაიბურშიც არ იყო. შენი გულუბრყვილობით, შენი სიბეცით რომ გაებმები კაცი მახეში, უფრო მწარეა. თვითგვემას იწყებ და საკუთარი თავის რწმენას კარგავ. თუ სინდისი სუფთა გაქვს და უბრალო ხარ, როგორც მე ვიყავი მაშინ, იმედს არ იწურავ, იცი, რომ ადრე თუ გვიან მიხვდებიან შენს სიმართლეს. იმედი დიდი რამეა. იმედი აძლებინებს კაცს გასაჭირში. იმედადკარგულ, სასონარკვეთილ კაცზე უფრო საცოდავი არავინაა ამ ქვეყანაზე.

მწვანეყვავილაზე მაქვს მე ბავშვობა გატარებული. მამაჩემი ასტრონომიის მასწავლებელი იყო და რაკი ხელფასი არ გვეყოფნიდა (ოთხი შვილი ვყავდით), მეორე ადგილზეც მუშაობდა. ასოების გამოყვანა ეხერხებოდა და აღმასკომის მხატვრად იყო გაფორმებული. ლოზუნგებს წერდა. ჩვენი ეზოს კოინდარზე, შუშაბანდში, კიბეზე გადაფენილი დიდი წითელი ჩითის ნაჭრები და იმ ნაჭრებზე ფუნჯით ხელში დახრილი მამაჩემი ახლაც თვალწინ მიდგას. მეცხრე კლასში ვიყავი, ჩვენს მეზობლად გერმანელი რომ ჩამოსახლდა. რა ვიცი, საიდან გაჩნდა ქუთაისში გერმანელი, ამბობდნენ, პირველი მსოფლიო ომიდან დარჩენილაო. თურქმენი ცოლი და ერთი გოგო ჰყავდა – კლარა ერქვა იმ გოგოს, რა დამავინყებს. სვანიძეების სახლი იყიდეს თუ დაიგირავეს. ჩვენგან მეოთხე მოსახლე იყო სვანიძე. ტიფმა ამოწყვიტა მთელი ოჯახი და იმ სახლში დიდხანს არავინ ცხოვრობდა. ბიძაშვილი აკითხავდა ხანდახან გოდოგინდან. დიდი ბოქლომი ედო ქიმკარს. ამომწყდარი ოჯახი რომ იყო, ალბათ იმიტომ, ბავშვები შიშით და რიდით ჩავივლიდით. ხილის მოსაპარავადაც არავინ ჩადიოდა ეზოში. ეკალ-ბარდს მიქონდა მთელი ეზო. ის ბიძაშვილი, წულამესტებიანი კოჭლი კაცი, ჩამოვიდოდა წელიწადში ერთხელ, გააღებდა კარს, გამოიტანდა აივანზე სკამს, იჯდა,

იჯდა და სალამოს გაუყვებოდა თავის გზას. წკირი რაა, წკირს არ გადაადგილებდა ეზოში. თოხს არ აილებდა და ხეებს სარეველას არ შემოაცლიდა. რაში იყო საქმე, ვერ გეტყვი.

ჩამოსახლდა გერმანელი და დაემგვანა სახლი – სახლს, ეზო – ეზოს, დაანკრიალეს ყველაფერი. სახლი სამფერად შეღებეს, შენ ხარ ჩემი ბატონი, ცინკით გადახურეს. ხეებს შემოუბარეს, კირით შეათეთრეს, გასხვლა და გადაბეღვა, მყნობა და გადანინდვა არ დაუკლიათ, ააყვავეს და გაალამაზეს იქაურობა. მე რომ არ გითხრა, გერმანელის მუყაითობის ამბავი, შენ არ გეცოდინება? ცოტა ხანში არაფერი სჯობდა სვანიძეების ეზოში გადახედვას. მერე რავარი სამეზობლო და ტკბილი ხალხი, ქართულს, მგონია, ჩემზე უკეთ ლაპარაკობდნენ კლარა, რასაკვირველია, სკოლაში მიაბარეს, ჩემზე ერთი კლასით უკან იყო. მე მეცხრეში ვიყავი, კლარა მერვეში. ათას ცხრაას ოცდაცხრა წელი გახლდათ. მაინც რა მოკლეა კაცის ცხოვრება, გუშინდელი დღესავით მახსოვს და რამდენი წელია გასული, დამანებე ერთი, თუ კაცი ხარ თავი, არაფერი არა ვართ, არაფერი.

კაი თვალთ შემხედეს, გითხრა სიმართლე, გერმანელებმა. რა ვიცი, რატომ წყნარი ბავში ვიყავი, უფროსის დამჯერე, მყავდა, როგორ არ მყავდა თავში ახალგაზრდობის ოფოფები, მაგრამ ქვას არ ვისროდი და აცვენილი არ ვიყავი ზოგიერთივით. უფროსს თვალეში შევყურებდი. ჭკვიანური რა გამეგონა და რა საქციელი გამამელო, იმაზე ვიყავი გამეცადინებული. კლარას ნამეტანი მკაცრად ზრდიდნენ. ნაბიჯს და წუთს უზომავდნენ, მაგრამ მე ისე მენდობოდნენ, რომ მეთქვა, შუალამისას გამოუშვით ჩემთან ერთად ლურღუთ ტყეში-მეთქი, გამოუშვებდნენ. მოხდენილი გოგო იყო, ცოდვას ვერ ვიტყვი. კვიპაროსივით სწორი ტანი, ქერა, სწორი თმა და შავი თვალები ჰქონდა. ერთად დავდიოდით სკოლაში. გაკვეთილი რომ გაუცდებოდა, სიკვდილს იღირებდა და სხვას არ დაემგზავრებოდა, იჯდა ცაცხვის ძირში და მიცდიდა. რა დაგიმალო და თავიდან, ცოტა არ იყოს, მესამუშებოდა ეს ამბავი. მაშინ ქუთაისში ჩვენხელა ბიჭების გოგოს გვერდით ქუჩაში გავლა ქალაჩუნობად ითვლებოდა. მერე და მერე შევეჩვიე კლარასთან სიარულს და, თუ ჩემს გვერდით არ იყო, წონასწორობას ვკარგავდი. ასე მეგონა, მთელი ცხოვრება მე უნდა ვუპატრონო და ავი თვალისგან დავიცვა-მეთქი. ლამაზი გოგო იყო და, რასაკვირველია, იყო უფროსკლასელ ბიჭებში კლარას გულისთვის დიდი მოძრაობა გამართული. კლარა რომ სალაპარაკოდ არავის უჩერდებოდა, მე მჩრიდნენ ხელში წერილებს და მე მბარებდნენ სიყვარულის გამოცხადების რთულ წინადადებებს. მერე და მერე, ხე ხომ არ

ვიყავი და, როგორც იმ ასაკში მოსალოდნელია, მე თვითონ შემიყვარდა კლარა. ვერც თვითონ ვატყობდი ამ მხრივ გულგრილობას ჩემს მიმართ და ერთ დღეს, სკოლიდან ნამოსვლისას, არც ვაცხე, არც ვაცხელე, გავუტყდი: მიყვარხარ-მეთქი. სიტყვა არ უთქვამს. ელოდა, არ ელოდა, გოგოს შენ გაუგებ? გულზე ორივე ხელებით მიიხუტა ჩანთა, თავი დახარა და ნაბიჯს მოუჩქარა. მეც დამუნჯებული მივყვებოდი გვერდით. „ეს რა სისულელე ვქენი-მეთქი“, ჩემს თავს ვტუქსავდი, „ვაითუ ხვალიდან ხმა აღარ გამცეს, ვაითუ სამუდამოდ დავაფეთე ეს შეჩვეული გოგო-მეთქი. მეთერთმეტეში ვიყავი მე მაშინ და კლარა მეთათეში იყო. ოცდაცხრა ოქტომბერს მოხდა ეს ამბავი. სამშაბათი დღე იყო. მთელი ღამე ძილი არ მომკარებია. ვერ წარმომედგინა, კლარას სახლთან ჩამველო და ჭიშკართან არ დამხვედროდა, თავისი ორსაკეტიანი, ყვითელი ჩანთით ხელში. იდგა, მელოდა. ჩემზე ბედნიერი კაცი არ იყო იმ დილით. ისევ ისე, როგორც გუშინ გამშორდა, გულზე – ჩანთაახუტებული და თავჩაქინდრული რომ მომიახლოვდა, თავისი უძირო შავი თვალები რომ მომანათა და „დილა მშვიდობისაო“, მითხრა. ამით ყველაფერი იყო ნათქვამი. სხვა პასუხი მე რად მინდოდა. რა ძვირფასი იყო კლარა ჩემთვის იმ საათიდან, ამის თქმა შეიძლება? რა ასაკია მაინც დალოცვილი თხუთმეტ-ჩვიდმეტი წელი. უეცრად დავდინჯდით ორივენი თითქოს. კლარაც უფრო ფიქრიანი და წყნარი გახდა. მე რაინდად ვიგრძენი თავი. აბა, ვინმეს უბატონოდ სიტყვა გაეხდა გერმანელი გოგოსთვის?! მშობლებს არ გაუგიათ ჩვენი ამბავი. რა ვიცი, იქნებ, ხვდებოდნენ, მაგრამ არაფერს გვეუბნებოდნენ. გავაგრძელო ახლა პირველი სიყვარულის ეს ღამაში ამბავი? ახალი რა უნდა გითხრა, თქვენც გამოცდილი გექნებათ. ერთმანეთის ნახვას არაფერი გვერჩივნა, მომავლის გეგმებს ვანყობდით, თუ სადმე მოფარებულში მოვიხელთებდი, გულზე მივიხუტებდი და ვკოცნიდი. ნეტაი იმ დროს, ამ კოცნის გემო, ხომ არავითარ სიტყვაში არ ეტევა. კი, ნამდვილად, უძღურია სიტყვა ყველანაირი გრძნობის გამოხატვაში.

სკოლა რომ დავამთავრე, ჯარში გამიწვიეს. მასხოვს, იმ საღამოს მეზობლები და ახლობლები რომ მაცილებდნენ, კლარამ რომ მამამისის პორტსიგარი მომიტანა საჩუქრად და გერმანულად ჩემსახელამოქარგული ცხვირსახოცი. რომ ვეღარ მოვითმინე, ყველას თვალწინ გულში რომ ჩავიხუტე და ორივეს ღვარღვალით ჩამოგვდიოდა ცრემლი, დამალვას აზრი აღარ ჰქონდა და ჩემს მშობლებს განვუცხადე – „ეს გოგო მიყვარს და რომ მოვბრუნდები, უნდა შევირთო-მეთქი“. „კაი, შვილო, როგორც შენ გაგეხარდება, კაი გოგოა, ჩვენც ნამეტანი მოგვწონსო“ მამაჩემმა. დედაჩემმა, ცხ-

ონებულმა, არაფერი მითხრა, გულზე მიიკრა ატირებული გოგო და თვითონაც ცრემლი მოერია. ასე დარჩა ჩემს მახსოვრობაში ბოლოს კლარა დედაჩემთან ჩახუტებული.

როსტოვთან იდგა ჩვენი ნაწილი. პირველ სამ თვეს ყველაფერი კარგად მიდიოდა. ერთ წერილს რომ შინ ვაგზავნიდი, ორს კლარასთან, თვითონაც დაუყოვნებლივ მპასუხობდა. რა სიამოვნებით გადავხედავდი ახლა იმ წერილებს, მაგრამ სადაა. რომ დამიჭირეს, ჩემებს სასწრაფოდ დაუნვაავთ.

გამიგრძელდა სიტყვა, ხომ? მოგანყინე ალბათ თავი, ჩემო გელა, ახლავე დავამთავრებ. ჯარში ჩემი ყოფნის მეოთხე თვეს კლარას წერილი მომივიდა. „გერმანიაში ვბრუნდებით საცხოვრებლადო. ყველაფერი ვცადე, რაც შემეძლო, მაგრამ არ გამივიდაო. დანვრილებით დედამენი მოგწერსო. შენი ნახვის იმედით ვიცოცხლებო. ფეხზე უფრო მყარად რომ დავდგები, ჩამოვალ და სიკვდილამდე შენი ერთგული ცოლი ვიქნებიო!“ თავზარი დამეცა, მაგრამ რას ვიზამდი. მერე დედაჩემის წერილი მივიღე. თავს იკლავდა თურმე წასვლის წინ კლარა, ეხვეწებოდა და ეღმერთებოდა მამამისს: „ნუ წამიყვანთ, დამტოვებთ“. წასვლის წინა საღამოს ჩემს სახლში მოსულა. ჩემი ოთახი დაულაგებია, ჩემს ძველ წიგნებს, ჩანთას ყველაფერს გულში იკრავდა თურმე. დავინვით მისი საცოდავობით, დედაჩემი მწერდა. ერთი პირობა შეეყოყმანებულა მამამისი, დავტოვებო, უთქვამს, ჩემი მშობლებიც, რა თქმა უნდა, დათანხმებულან, მეორე დილითვე გავარდნილან სადაც საჭირო იყო, მაგრამ ვინ დატოვებდა კლარას. ჯვარდანწერილი რომ იყოს, შეიძლებოდა, ახლა კი ამაზე ლაპარაკიც ზედმეტიაო.

წავიდა და წავიდა, დაიკარგა და დაიკარგა ჩემთვის კლარა. არც ამბავი და არც ხაბარი. ვინ იცის. იქნებ მომწერა კიდეც. მაგრამ იმ წლებში საზღვარგარეთული ფოსტა, ყოველ შემთხვევაში, ჩვენწაირი უბრალო ხალხისთვის, არ მუშაობდა. ჯარიდან რომ დავბრუნდი, უნივერსიტეტის ფილოლოგიის ფაკულტეტი დავამთავრე, კვახჭირში გამამწესეს სკოლის დირექტორად, ორიოდე წელიც ველოდე კლარას ჩემი ჭკუით, და ბოლოს, ზედ ომის დაწყების წინ, ცოლი შევირთე.

ომში არ წამიყვანეს. სკოლის დირექტორებს, მოგესხენება, ჯავშანი გვექონდა. ზურგში ვმუშაობდი, რაც შემეძლო დღე-ღამეს ვასწორებდი. სკოლის გარდა, რაიკომშიც ვმორიგეობდი, გამწვევი პუნქტის ორგანიზატორიც ვიყავი, ომში დაღუპულთა ოჯახების მიმხედავი კომისიის თავმჯდომარეც, დამზადების აგენტებსაც დავყვებოდი, ფრონტზე გასაგზავნი სურსათ-ნივთების შემგროვებლად. ერთი სიტყვით, როგორც ყველა შინდარჩენილი, ჩართული ვიყავი საქმეში.

ორმოცდახუთი წლის იანვარში დამაპატიმრეს-მეთქი, უკვე გითხარი თავიდანვე, შეიძლება კაცი არაფერში არ იყო დამნაშავე და ვინც დაგაპატიმრა, ისინიც მართლები იყვნენ? ასე იყო ჩემი ამბავი. თავს ვიმართლებდი, რაც შემეძლო, მაგრამ რომ გამა-სამართლეს, იოტის ოდენადაც გული არ დამწყვეტია იმათზე, ვინც ციხე მომისაჯა. დაპატიმრების მეორე დღესვე გამოძიებელმა ჯერ ჰიტლერის გერბიანი ქალაღი დამიდო წინ. იმ ქალაღზე საქართველოს მომავალი საბურგომისტრო ახალი მთავრობა იყო ჩამონერილი. გერმანული იმდენი კი ვიცოდი, იმ ქალაღის შინაარსში ჩემით გავრკვეულიყავი. ფაშისტებს საქართველო, თავიანთ ჭკუაში, უკვე აულიათ, გერმანიის იმპერიის ერთ პატარა გუბერნიად გამოუცხადებიათ და იმპერიის განსაკუთრებით ერთგულ პირთაგან მთავრობის კაბინეტიც შეექმნათ. იმ სიაში დასავლეთ საქართველოს სამამასახლისოს ერთერთ უფროსად ჩემი გვარიც ეწერა. მაშინ მე, რასაკვირველია, ჰიტლერის მწვანე საქალაღზე არაფერი ვიცოდი. სინამდვილეში ახლა ხომ საყოველთაოდ ცნობილია, რომ საქართველოს საბურგომისტროს ფაშიზმი დროებით ქმნიდა, საბოლოო მიზანი საქართველოს განხალხება და ქვეყნის დასასვენებელ პუნქტად ქცევა იყო. ჭკუიდან შემლას ცოტა დამაკლდა, საიდან? როგორ? რა მინდოდა ფაშისტების ერთგულ კაცთა სიაში? ან რა შემატყვევს ერთგული ბურგომისტრის იმ ძალღაპირებმა. რასაკვირველია, აღშფოთებით განვუცხადე გამოძიებელს. „ეს დოკუმენტი გერმანელთა მორიგი პროვოკაციაა, რომ ერთგულ კომუნისტებთან თქვენვე ანგარიში გაგასწორებინონ-მეთქი“. „არაო, ეს დოკუმენტი ვლადიკავკაზიიდან გარეკილი გერმანელების შტაბში აღმოჩნდაო“. „ეს ვითარებას არ ცვლის-მეთქი“, დავიჟინე. მაშინ გამოძიებელმა იმავე შტაბში ნაპოვნი მეორე ქალაღი დამიდო წინ. ეს გახლდათ კლარას მიერ ჩემთვის ქართულად მონერილი ბარათი. „ჩემი ცხოვრება ისე წარიმართა, რომ ამჟამად ჰიტლერის გენერლის მეუღლე ვარო“, კლარა მწერდა, „არ გეგონოს, ერთი წუთით დამავინწყდით შენ და ქუთაისიო. რომ იცოდე, როგორ მინდა, თუნდაც ერთხელ თვალი შეგავლოო. არ ვიცი, მიიღებ თუ არა ამ ბარათს, გჯეროდეს, მე შენთვის ვლოცულობო. პოლიტიკის გარეშე მდგარ ქალს აქედან რა შემიძლია გაგიკეთო, მაგრამ ჩემს ქმარს ვთხოვე და ყოველივე შემწეობას აღმოგიჩინეო. ძალიან გთხოვ, არ გაუძალიანდე შენებურად და შემოთავაზებულ სკამზე უარი არ თქვაო. იცოდე, არ არსებობს ახლა დედამიწაზე გერმანიის მომრევი ძალა და წინააღმდეგობას ნუ შეეცდებიო. შენ რომ ამ ომში დაიღუპო, ჩემზე უბედური ქალი ამქვეყნად არ იქნებაო. იმედი მაქვს, შევხვდებით ერთმანეთსო“.

ამას რომ ვკითხულობდი, გერმანელები უკვე განდევნილი იყვნენ ჩვენი ქვეყნიდან და კანიბალთა დარჩენილ ურდოებს ჩვენი ჯარები საკუთარ ბუნაგში მოსაშობად მიერეკებოდნენ.

...სასაჯელი რომ მოვიხადე, მადლობა ღმერთს, საშუალება მომცეს, ჩემი გარჯით დამემტკიცებინა, რა სულის კაცი ვიყავი და რა თვალებით ვუცქერდი ამ ქვეყანას.

ახლა, ალბათ, ფრაუ კლარას და მისი გერმანელი ქმრის (უფრო ქმრის) ძვლები იქნება მიწაში, მაგრამ, რომ გავიხსენებ, შიში გამკრავს გულში, მართლა რომ გამწყრალიყო ღმერთი, უკულმა დატრიალებულიყო დედამინა და კლარას მფარველობით ბურგომისტრობა შემოეთავაზებინათ, ხომ უნდა მომეკლა თავი?

ალაც მახსოვს, რატომ მოგიყევი ეს ამბავი. ჰო, ალბათ იმის სათქმელად, რომ კაცმა არ იცის, სად ჩაგისაფრდება ხიფათი და რანაირად შეგიტრიალებს შენგან დამოუკიდებელი მიზეზი ცხოვრებას.

ერთი გენიალური ანდაზაც გვაქვს ქართველებს: „კაცი ბჭობდა და ღმერთი იცინოდაო“.

\* \* \*

სარედაქციო ფოსტაში ერთ მოთხრობას ნავანყედი. რაკი უცნობი ავტორისა იყო, ჯერ გულგრილად დავინყე კითხვა. მერე ისე შემეძლია, თვალი ვერ მოვწყვიტე. „გიგილო“ ერქვა.

„ეს ამბავი ოცდაათი წლის წინათ მოხდა; ათას ცხრაას ორმოცდაჩვიდმეტი წლის ცხრამეტ იანვარს. არ დავმალავ, ჩვენ, მწერლები, ხანდახან, ათასი მიზეზის გამო, მოქმედების ადგილსა და თარიღს გადავწვან-გადმოვწვენ ხოლმე, ისე როგორც საქმეს მოუხდება. ეს ამბავი კი ზუსტად ოცდაათი წლის წინათ მოხდა – ათასცხრაას ორმოცდაჩვიდმეტი წლის ცხრამეტ იანვარს. ზუსტად-მეთქი უფრო იმიტომ მოგახსენებთ, რომ ახლა ათას ცხრაას ოთხმოცდაშვიდი წლის ცხრამეტი იანვარია.“

ქალაქ მუჟუჟიას აღმასკომის თავმჯდომარის მისაღებში ოცდაათიოდე წლის, თეთრმოსასხამიანი, ელამი ახალგაზრდა გიგილო ცხადაძე შევიდა და მდივანს ჩუმად, შინაურით. ჰკითხა.

- ბევრი ჰყავს ხალხი?
- არავინ არ ჰყავს, მარტოა.

გიგილოს მდივანი გოგონას პასუხი გაუკვირდა და არც მოეწონა. ურჩევნოდა, ეთქვათ, „დაკავებულია“, „ბევრი მთხოვნელი ჰყავს“, „დღეს ვერ მივიღებთ, სხვა დროს მობრძანდითო“. ჯერ ერთი იმიტომ, რომ მისაღებებში ამგვარი პასუხები უფრო ბუნებრივად ჟღერს. მეორეც, გიგილო მიჩვეული იყო გაბრძოლებების შემდეგ



შესვლას დიდ კაცთა კაბინეტებში. ჯიუტად მოიცდიდა, წყენას ხმა-  
მალლა გამოთქვამდა, ამასობაში სათქმელსაც უკეთ მოიფიქრებდა  
და შესვლისას პირველი სიტყვაც მზად ექნებოდა: „ძლივს შემო-  
მიშვეს, ბატონო, თქვენთანო“. ახლა კი, რალაც, ისე გამოდის, „რო-  
გორც ჩანს, თავმჯდომარე არავის ლებულობს“, გაიფიქრა.

გიგილო ფანჯარასთან მივიდა. აღმასკომის დარაჯი, ყოფილი  
ლოთი ბოკერია ხეებიდან თოვლს ბერტყავდა. ტოტს რომ დაი-  
ქნევდა, განზე გახტომას ლამობდა, მაგრამ ვერ ასწრებდა და მზე-  
დაღვრილი თოვლი თავზე ბრწყინვა-ბრკიალით ეფრქვეოდა.

– შეხვალ? – ჰკითხა მდივანმა გოგონამ.

– შევალ, თუ შემიშვებ. მოახსენე, ცხადაძეა, პირად საქმეზე-  
თქვა.

– არ უნდა „მოხსენება“, შედი და შენ თვითონ უთხარი.

გოგონამ რუხ საქალაღდეს პირი მოუკრა, კარადაში შეჩურთა,  
წამოდგა, ჩამოჩაჩული ქვედაკაბა გაისწორა და კარი გაუღო.

აღმასკომის თავმჯდომარედ იმხნად პიმენ როხვა მუშაობდა.  
პიმენი ათას ცხრაას სამოცდაერთ წელს, ყველასაგან მოულოდნე-  
ლად, მაკულატურის შემგროვებელი კანტორის უფროსად გადაი-  
ყვანეს. ექვსი თვის შემდეგ დაიჭირეს და მხოლოდ წელიწადნახევა-  
რი იჯდა. განთავისუფლების შემდეგ არქივს განაგებდა და ახლაც  
იქ იქნებოდა, შარშან, ზამთარში თივით დატვირთული მანქანა რომ  
არ დაჯახებოდა და არ გარდაცვლილიყო.

არსებობს ეგრეთწოდებული თავმჯდომარული ალლო, რომლის  
მეშვეობითაც თავმჯდომარეები ხშირად ხვდებიან მთხოვნელის შე-  
მოსვლის მიზანს, ერთს ახედავენ და, თითქოსდა, სტუმარს შუბლზე  
ენეროს, რა საკითხზეა მოსული, თავმჯდომარეები ამოიხსნებენ  
და გუნებაში უარიც მზადა აქვთ. მერე რაც ხდება, თვითდინებით  
მიმდინარეობს, თითქოსდა გრძნეულმა რეჟისორმა სამუდამოდ  
დააკანონა უმკაცრესი სცენა: შენ ცდილობ, რაც შეიძლება გუ-  
ლისამაჩუყებლად სთხოვო; ის ცდილობს რაც შეიძლება უსაფუძ-  
ვლოდ მოგაჩვენოს შენივე სათხოვარი და ბოლოს თუ „უარი არ  
გეყო“, ყალბი დაპირებით გამოგისტუმროს. მთხოვნელებს ამ  
ბოლო დროს სწორი დასკვნები გამოაქვთ ამგვარი შეხვედრებიდან  
და კაბინეტის მესვეურის რამდენიმე საეჭვო ფრაზას: „ვეცდებ-  
ით, გამოიარეთ, დავსვამ საკითხს, მოვეთათბირები ამხანაგებს.  
მე პირადად ხელს არ შეგიშლით, პირიქით, რაც შეიძლება, ხელს  
შეგიწყობთ“... გამოსვლისას ერთბაშად, ერთი სიტყვით აფასებენ:  
„უარი მითხრა“.

ეს ყოველივე სიტყვას მოყვა. მკითხველს კი ვთხოვ, მხედველო-  
ბაში იქონიოს, რომ ეს ამბავი ოცდაათი წლის წინათ მოხდა და

გიგილო ცხადაძეც არ გახლავთ მთლად ჩვეულებრივი მთხოვნელი. ასე რომ იყოს, რასაკვირველია, ეს ნოველა არ დაინერებოდა.

პიმენ როხვამ იცნო სტუმარი, მაგრამ მეტს ვერაფერს მიხვდა. წამოუდგომლად გაუნოდა მარჯვენა, მარცხენათი სკამზე მიუთითა და სანამ გიგილო დაჯდებოდა, დროის მოგების მიზნით ჰკითხა:

– თქვენ ხომ იყავით ჩემთან?

– კი, ბატონო, – დაეთანხმა გიგილო.

– მერე? კიდევ არ გაკეთდა ის საქმე? რა საქმე იყო? გამახსენე, თუ კაცი ხარ, გადამვარდა გულიდან.

ცხადაძემ თვალი შეავლო თავმჯდომარის დაღლილ სახეს, შეტრუსულივით მოკლე და გახუნებულ წარბებს ზემოთ, შუბლზე აწეულ სათვალეს, ყბასმიჭირებულ, ბალანმორეულ ხელისზურგს და მუჭში ჩაახველა.

– თქვენ თვითონ დამიბარეთ, ბატონო პიმენ, ნაახალწლევს, თუ გახსოვთ.

– ეგ როგორ არ მახსოვს, რაზე იყო მაგი?

– რაი?

– თვითონ საქმე გამახსენე.

– მამაჩემის საქმე იყო, – თითქოს და განგებ ძუნწისტიყვაობდა სტუმარი.

– ჰო, რა მამაშენის?

– რეაბილიტაციის საქმე.

– გვარი მითხარი, – თავმჯდომარემ უჯრა გამოსწია. გრძელი, რუხი ბლოკნოტი ამოიღო და წინ დაიდო.

– ცხადაძე შერმადინი, – შეაშველა მოსულმა.

– მოიცა, ცხადაძე, ცხადაძე შერმადინი. აგერაა, განათლების განყოფილებაში მუშაობდა, გოდოგან-კვახჭირ-საყულის ზონა ებარა, პროფესიით ისტორიკოსი, ხომ მართალია?

– კი, ბატონო, ეგ არის.

– მერე? – თავმჯდომარემ ბლოკნოტი დაკეცა და უჯრაში ჩააბრუნა.

– ვიყავი იქნა, მაღალმა, ბობრმა კაცმა მიმიღო, ცალი ხელი პროტეზის ჰქონდა. გვარი არ უთქვამს. ამოატანია საბუთები. დიდხანს აქნია თავი და მერე მე მომიბრუნდა: ოცდაერთში გამოიარე, მანამდის კომისია განიხილავს და მოგვცემს თავის დასკვნასო. დღეს რა რიცხვია? ცხრამეტი ხომ? ზეგ უნდა მივიდე.

– გაკეთებულა საქმე, – პიმენი წამოდგა და წელანდელზე უფრო ღონივრად, საზეიმო იერით ჩამოართვა ხელი. გიგილომ ხელი გაინთავისუფლა და კვლავ სკამზე დაეშვა.

– სათხოვარი მაქვს, პიმენ ბატონო, თქვენთან.

– ჰო, გისმენ, – თავმჯდომარემ მუშტები ერთმანეთს დააწყობა და ზედ ნიკაპი ჩამოადო.

– არ შეიძლება ეს საქმე გავაჩეროთ?

– რა საქმე?

– მამაჩემის რეაბილიტაციის საქმე. მაქვს მე უფლება, უარი ვთქვა მამაჩემის რეაბილიტაციაზე? თუ მაქვს?

პიმენი გველცემულივით გაქვავდა. კარგა ხანს მონუსხულივით უყურა ცხადაძეს, მერე სათვალე ჩამოიწია და მოსულს უფრო ყურადღებით დააკვირდა.

– ხვარ გადაირიე, ბიჭო, შენ?

– არა, ბატონო, სრულ ჭკუაზე ვარ. თუ შეიძლება თქვა. რომ მოვდიოდი, ქე ვიცოდი, დაახლოვებით, რა პასუხს მეტყოდით. შენთვის არც დასჯა უკითხავთ, ჩემო ბიძია, და არც რეაბილიტაციას გკითხავენო, მარა მამაჩემის შვილი ხომ ვარ მე?

– კი, – თავმჯდომარეს თითქოს წამოცდაო.

– ჰოდა, ხომ შეიძლება შვილს თავისი აზრი ჰქონდეს მამის რეაბილიტაციაზე?

– აჰა, აჰა, – კვერი დაუკრა თავმჯდომარემ, წამოდგა და შავი ჩექმების ჭრაჭუნით კაბინეტში გაიარ-გამოიარა.

– თუ შეიძლება, დაბრძანდით აგერ და მომისმინეთ პატარა ხანს. თავგახურებული მთხოვნელი რომ არ ვარ, თქვენც ქე ხედავთ, – გიგილო ცდილობდა, მშვიდად ელაპარაკნა, მაგრამ ფერდაკარგული ტუჩები ამულავნებდნენ მის შინაგან მღელვარებას, – ლამეები არ მძინავს იმაზე ფიქრით, რაც ახლა უნდა გითხრათ. მომისმინეთ, ბატონო, და, თუ სისულელეს ვიტყვი, მითხარით, სხვასთან არ გაიმეორო-თქვა. მე არც კი ვიცი, მაქვს თუ არა ამნაირი ლაპარაკის უფლება. ერთიერთზე გელაპარაკებით ამიტომ და სხვა დანარჩენი თქვენს სინდისზე იყოს.

პიმენ როხვა სკამზე გვერდულად ჩამოჯდა. გამოღებული უჯრები შესწია. მაგიდაზე გაშლილ ქალაღებებს მაჯა მოუსვა და გვერდზე მიაჩოჩა, სათვალე დაკეცა და ჭაობისფერი კიტელის გულისჯიბეში ჩაიდო. ამას რომ აკეთებდა, გიგილოს თვალს არ ამორებდა, რა ჯურის მთხოვნელი არ ახსოვს თავმჯდომარეს, მაგრამ ასეთ საქმეზე მასთან არავინ შემოსულა.

– ა, ბატონო, დავჯექი და გისმენ.

– მამაჩემი რომ წაიყვანეს, ცხრა წლის გახლდით მე, – გიგილო ცხადაძე რკინისბადიან ფანჯარას თვალს არ აცილებდა, ოდნავ მოგუდული, გაბზარული ხმით ლაპარაკობდა, – მეორე კლასის მოწაფე ვიყავი. ამ ხნის ბავშვს, რაც შეიძლება დაამახსოვრდეს, ყველაფერი მახსოვს. იმ უბედურ ღამეს რამ გამომალვიდა, ვერ გეტყვით. მამა-

ჩემი იცვამდა და ხანდახან შუა კარებში თვალგაშტერებით მდგარ დედაჩემს რალაცას ჩაულაპარაკებდა. მაგიდასთან ორი უცნობი კაცი იჯდა. ისინი ჯერ ერთმანეთს შეხედავდნენ და მერე შეთანხმებულ-ბივით ჭერს ააჩერდებოდნენ. ნიფხვისამარა რომ ნარვუდექი ამ კამპანიას, მამაჩემმა თავზე ხელი გადამისვა და დედაჩემს წყრომით ჩაულაპარაკა: – ხომ გითხარი, ნუ გააღვიძებ ბავშვს-მეთქი. ხვალის გაკვეთილები ნასწავლი გაქვს, ბაბაია? – ახლა მე მომიბრუნდა. – კიე, – ვუპასუხე, დედაჩემთან მივედი და იდაყვზე ლოყით მივეყრდენი. არ მომეწონა მისი ღუმელი. მკლავჩახვეული იდგა და ბუხრისთავზე შემოდებულ ლამპას შესცქეროდა. „კი მარა, ამ შუალამისას რაზე ვეძახითო, არ გითხრეს? ერთი საათის მოსული ვარ გოდოგნიდან. დანყებით სკოლას ლარდაყინები გამოფუცვალეთ. თავზე თუ არ დაადექი, ვინ გიმუშავებს ამ ყინვაში, არა და ჩამომპალი იყო მთლად, შეიძლება ბავშვებს ჭერი თავზე ჩამოქცეოდათ“. – მაგიდასთან მიმჯდარ სტუმრებს ელაპარაკებოდა მამაჩემი და სერთუკის ლილებს იკრავდა. „ჩვენთვის არ უთქვიათ არაფერი. რაცხა ორ სიტყვას ვკითხავთო და ქე გოვუმობთ სახლშიო“, – დედაჩემს შეხედა დიდთავა სტუმარმა. – „წავედით, მანქანით ხართ“? – მხნედ იკითხა, მამაჩემმა. „არა“, – უპასუხეს სტუმრებმა და ზღაზღინით წამოდგნენ. „დაიძინეთ ახლა თქვენ. კარს ურდულზე ნუ ჩაკეტავ, ისე მიუგდე. მოვბრუნდები საათნახევარში და გამოვიძინებ, თვარა აღარ ვივარგებ ხვალ. შენ ბავშვის ოთახში დანექი. არ შეეშინდეს მაგას“. – შუაში არ ჩაუყენებიათ, ისინი წინ წავიდნენ, მამა მიჰყვათ. „შიგნით თბილი ჩეიცვი?!“ – მიაძახა დედაჩემმა; ეს იყო დამშვიდობებაც და ყველაფერი. „კი, თბილად ვარ!“ – ჭიშკრიდან უპასუხა მამაჩემმა და სიბნელიდან, იქნებ, ხელიც კი დაგვიქნია, მაგრამ ჩვენ არ დაგვინახავს. აივანზე მდგარ არეული ნაბიჯების ხმა გვესმოდა მხოლოდ და როცა ის ხმაც მიწყდა, დედაჩემი მომიბრუნდა: „უი, ჩემი სიკვდილი, ასე ტრუსისამარა გამიგონია, დედა, გარეთ გამოსვლა? შენ ახლა დიდი ბიჭი ხარ, სად გსდით კუდში, წამოი, წამოი, დეიძინე. ბაბაია მალე მოვა“.

იმ ღამეს დედაჩემი ფლანელისხალათისამარა დილამდე იჯდა ჩემს საწოლთან, ცალ ხელს კეფაზე მისვამდა, მეორე კბილ-ნიკაბზე ჩამოედო და, კედელსმიყრდნობილი, ფანჯარას მიმტერებოდა. დილისკენ ცოტა წამთვლიმა და რომ გამომეღვიძა, დედა ისევ ისე იჯდა.

აღარ მინდა ახლა იმის მოყოლა, რაც მერე დატრიალდა ჩვენს თავზე. ჯერ ერთი, ახალი არაფერი იქნება თქვენთვის, ბევრჯერ გექნებათ მოსმენილი. თან არც მე მინდა გავიხსენო. რა გასახსენებელია. რაც მეტი დროის მტვერი დაეყრება ამ ამბავს, უკეთესია ჩემთვისაც და თქვენთვისაც.

ოცდაათის ვხდები ახლა აგერ, თოთხმეტ თებერვალს. უმცროს ამფეთქებლად ვმუშაობ გზა-ხიდ-გვირაბის ტრესტში. ახლა ზევით-კენ ვართ. ქე გეცოდინებათ, ხვამლის გზას ვანგრევთ და ვაფართოვებთ. გავიდა დრო, თითზეკბენები და დაჩემება რომ დაეფუნყო ახლა მე ვილაცას სისულელეა, პიმენ ბატონო. ვინ იყო დამნაშავე, მამაჩემი რომ იმ ღამეს ნაიყვანეს და გააქრეს? ერთი კვირის თავზე რომ ბინიდან გამოგვასახლეს და ბიძაჩემმა შეგვიკედლა (იქ ვიყავით შარშანდღამდე, შარშან ერთოთახიანი მომცა საგზაომ და ჯერჯერობით, ცოლ-შვილი არ მყავს, მე და დედაჩემი ქე ვეტყვით, მერე, ალბათ, კიდევ იქნება რალაც)? ვისი ბრალია, დედაჩემი რომ დანყებითი სკოლის მასწავლებლობიდან გაანთავისუფლეს მაშინ და სანამ დაინვალიდებოდა (ოცდათვრამეტი წლის ქალს პარალიჩმა დაარტყა), სამკერვალო ფაბრიკაში უთოზე მუშაობდა? ვისი ბრალია, მე რომ კომკავშირში არ მიღებდნენ (ცხრამეტის შევედი) და შიშით გული მისკდებოდა, ჩვენს შესახვევში უცნობ, პლაშიან კაცს რომ დავინახავდი? ვის დავაბრალო? შენ? იმ ორ შტერ კაცს, მამაჩემი რომ ნაიყვანეს იმ ღამეს?

თქვენ გგონიათ, არ ვიცი, რომ სხვაგან და სხვა დროს უარესებიც მომხდარა?! ისტორიის დიდ მოსახვევებზე რამდენი პატარა კაცი, ან თუ გნებავთ, რამდენი პატარა ქვეყანაა გაჭყლეტილა. სახელმწიფოები ქრება, ერები ქრება, მსოფლიოს რუკები იცვლება, ჩემო ბატონო, თვალის დახამხამებაში, მაშინ, როცა ისტორია მოიქნევს თავის ღონიერ ხელს და ჩვენ ვინ ვიყავით? განათლების განყოფილების საწყალი ინსპექტორი შერმადინ ცხადაძე კი არა, რამხელა თავები შეენიწინენ ეპოქის უშველებელი საცრის ჯანჯლარს – მაშინაც და მერეც. მეტი კი არაფერი წერია ისტორიის ნიგნებში. მაკედონელის დრო ნახე? ნაპოლეონის დრო ნახე? რომის იმპერიას ჩახედე? ასე რომ, გაკვირვებით მე არაფერი მიკვირს. ის, ვინც ისტორიის საჭესთან დგება, რათ უნდა ლაპარაკი, თავის არსებობას დაიცავს და არც ბოდის მოიხდის ისტორიის წინაშე, თუ ყოველთვის თეთრი ხელთათმანებით და დიპლომატის თავდაჭერილობით არ იცავდა თავის სიმართლეს. მერე, რასაკვირველია, დრო რომ გავა, ისტორია თავისას იტყვის, გაარკვევს, ვინ იჩქარა და ვინ არა. გაარკვევს, იყო თუ არა მართალი ის, რასაც ძალა ჰქონდა და რა მოუტანა იმ მუშტის ქნევამ ქვეყნას, მაგრამ პირუთვნელ ისტორიკოსს, ხომ ვიცით მე და შენ, პიმენ ბატონო, რომ ხშირად აგვიანდება იგი უმეტესწილად მაშინ მოდის, როცა ვნებები დამცხრალია და ისტორიის ნანგრევებზე მწვანე ბალახი ამოდის.

დედაჩემს ხომ ასე მოექცნენ, მეც დიდხანს მიყურებდნენ ალმაცერად. არავინ ავალებდა ჩვენი სკოლის სამხედროს მასწავლებ-

ელს, მარა ცოტას რომ წავეიშმაკებდი, მაშინვე წამომძახებდა: „ვისი შვილი ხარ, კაცი რომ გამოხვიდო“. მე რაც გამოვედი, ესა ვარ და თვითონ, მასწავლებელი კაცი, ქათმის ქურდობაზე დაიჭირეს შარშანწინ. მეზობელს ქათამი მოპარა და გოჭოურაზე რესტორნის მზარეულს მიყიდა. პატარა რომ ვიყავი, გითხრათ სიმართლე, გულში ვსაყვედურობდი ხშირად მამაჩემს, რომ მისმა საქციელმა ასე გაგვამწარა მთელი ოჯახი: ხმამალა რომ დავიჩვილებდი: „მე რომ კაი მამა მყოლოდა, სხვანაირად წავიდოდა ჩემი საქმე-მეთქი“, დედაჩემი ყურში წამავლებდა ხელს და ცრემლმორეული მეტყოდა: „გაჩუმიდი, ბიჭო, არ იცი არაფერი შენ, ნუ პრუტუნებ სისულელეს. არ გყოლია ცუდი მამა შენო“.

რომ წამოვიზარდე, სხვანაირად ვუყურებდი ამ საქმეს. მამაჩემის გადარჩენილ სურათებს ხშირად ვათვალიერებდი. სარკესთან დავდგებოდი, სურათს გვერდზე დავიჭერდი და მამაჩემთან ჩემს მსგავსებას ვეძებდი. თმასაც ისე ვივარცხნიდი, როგორც შერმადინს ჰქონდა. ოცდარვა წლის ყოფილა მაშინ, მე ახლა უფროსი ვარ მამაჩემზე, რა დიდი მეგონა. ოცდარვა წლის ბიჭი ყოფილა, მეტი არაფერი. რამდენი მაღლიერი კაცი ჰყოლია. რამდენმა გადამისვა თავზე ხელი და გულზე მიმიხუტა, როცა უთხრეს, შერმადინის ბიჭიაო.

მოგეხსენებათ, ქვეყანა დიდია და არც ჩვენ დავკარგულვართ. ჩვენც რალაცას ვენიეთ ამ ქვეყანაზე. მე და დედაჩემს სირცხვილი არ გვიჭამია და თავი არვის წინაშე არ დავვიმცირებია. მუხლზე არ დავცემულვართ და პატიება არ გვითხოვია. მამაჩემის მერე არც პატარა უბედურებანი გაგვკვირვებია და არც კაცთა სიგლახე შეგვიცხადებია.

ჩემს გულში, პიმენ ბატონო, მამაჩემი, რომ დოვუკვირდი მის ხატებას და ამ ჭრელ ქვეყანას, ასეთ კაცად ჩამოყალიბდა: ოცდარვა წლის ბიჭმა, ქე უნდა იცოდეს, რა უნდა, ამ ცხოვრებასთან თავისი დამოკიდებულება გარკვეული უნდა ჰქონდეს. მამაჩემიც, ეტყობა, ყურბარტყუნა კაცი არ იყო. რალაც რალაცებზე თავისი აზრი ჰქონდა. მთლად ბოტი თუ არ იყო, არც ფარას ბრმად მიმყოლი ცხვარი გახლდათ. სურვილი ჰქონდა კაცს და მოთხოვნილება, ამბებზე და მოვლენებზე თავისი აზრი გამოეთქვა. ვილაცა ჰყვარებოდა და ვილაცა არ ჰყვარებოდა. მაშინ, როგორც ჩანს, თავისი აზრის ქონების დრო არ იყო. პატარა ფეხის არევას მწყობრში ზოგ-ზოგები დანაშაულად გითვლიდნენ და მამაჩემიც შეენირა თავის აზრს, თავის შეხედულებას. მე არც კი ვიცი, მისცეს თუ არა მას საშუალება სიტყვით და საქმით დაემტკიცებინა, რომ არაფერი საშიში მისი გონებიდან არ წარმოდგებოდა, ქვეყნის გადატრიალების განზრახვა არ ჰქონია, უბრალოდ, ფიქრიანი კაცი იყო და

ავ-კარგის გარჩევას ხანდახან ხმამალალი ფიქრით ცდილობდა. ეს კი არ აპატიეს.

ასეთ კაცად მყავს მე მამაჩემი ჩემს ჭკუაში დახატული და რომ გითხრათ, არ ვამაყობ შერმადინ ცხადაძით-მეთქი, არც უნდა დამიჯეროთ და ტყულიც იქნება. ოცდარვა წლის კაცმა, განათლების ახალგაზრდა მუშაკმა, შეძლო საკუთარი რწმენისთვის სიკვდილი. ეს ცოტას არ ნიშნავს, ბატონო პიმენ, და ცოდვა გამხელილი სჯობს, ამ საკითხში მე მამაჩემზე ბევრად სუსტი კაცი გახლავართ. ის რაც შერმადინმა შეძლო, მე არ შემიძლია. მე სხვანაირად გამზარდეთ და სხვა კაცი ვარ. საკმარისია, პატარა თითი დამიქნიონ, რომ ყველაფერზე უარს ვამბობ. დაჯინებით არაფერს ვიყინებ, კამათებში არ ვერევი, ყველაფერზე მოგყვებით და ყველაფერში გეთანხმებით.

მისმენთ, ბატონო პიმენ? მაინც არ მინდა მამაჩემის სახე გამიუფერულონ, „გამიპუსტიაკონ“ და ჩემზე უფრო სანყლად მომარჩენონ. იცით, იცით? ეს ჩემთვის ძალიან ცუდი იქნება. კიდევ უფრო დავბეჩავდები და ბეჩავი ვის უნდა? არ სჯობია, მიმარჩნდეს მე, მამაჩემი, თავისი, თუნდაც მცდარი ფიქრებისთვის დასჯილ კაცად, ვიდრე მივიდე ოცდაერთში და მითხრან: თურმე არაფერშუაში არ ყოფილა შერმადინ ცხადაძე იმ საქმესთან, მთლად უბრალო და საცოდავი ყოფილა. რომ იტყვიან, ტყემალზე მჯდარა. მთლად შეცდომით, ბრმად, არაფრის გულისთვის გაუფუჭებიათო?

გამიგეთ, რისი თქმა მინდა? მამაჩემი მტყუანი იყო თუ მართალი, ამას არავინ მეტყვის და არც მინდა, მაგრამ მინდა კი, რომ რალაცას წარმოადგენდეს. იყოს, ბატონო, შემცდარი, მაგრამ სულ არაფერი იყოს? უბრალო, გაუგებარი, უცოდინარი, კრავივით უცოდველი, ცხვარივით მიმყოლი, ყველაფერზე ტაშის დამკრელი კაცის გულისთვის ვენამეთ მე და დედაჩემი კაი ხანს?

არა, ჩემო ბატონო, იყოს! შერმადინი, როგორც იყო აქამდე. რეაბილიტაცია ანი ველარაფერს უშველის. მე ნუ მიქცევთ ოცდარვა წლის მამაჩემს ჩვრად და ტუტად. იქნება მართლაც არაფერს წარმოადგენდა, მაგრამ მე არ ვლებულობ ასეთ უსახურ და უფერულ მამას. ძლივს დავხატე, ძლივს შევაკონინე, ძლივს მივედი შერმადინ ცხადაძესთან და შევინახო იგი, შვილმა ისეთად, როგორიც წარმოვიდგინე. თქვენ ეს არაფერში ხელს არ შეგიშლით. პირიქით, უკეთესია. მე გულის სიღრმეში ვიფიქრებ, რომ მამაჩემი შეცდა, შეცდომისთვის დასასჯელი იყო და იქნება ზომამზე მკაცრად, მაგრამ მაინც დაისაჯა.

ა, ეს არის ჩემი სათხოვარი. მაპატიეთ, არეულად ვლაპარაკობდი. ყველაფრის თქმა მინდოდა მომესწრო. იქნებ დაურეკოთ და

უთხრათ: შვილი უარს ამბობს მამის რეაბილიტაციაზე-თქვა. ვიცი, ეს ცოტა უცნაურად მოეჩვენებათ, მარა თქვენი იმედი მაქვს და თქვენ იცით, თუ არ გამანბილებთ.

გიგილო რომ გაჩერდა, ოთახში სიჩუმე ჩამოწვა. პიმენმა ყველაფერი კარგად მოისმინა, მაგრამ არ იცოდა, რა გზას დადგომოდა. თავმჯდომარული „ვიმსჯელებთ, ვითათბირებთ“ და უყალბესი – „ვეცდებით, დაგეხმარებით“ – აქ აღარ გამოდგებოდა.

– ჯერ დაუუცადოთ. იქნება ისეც არაა საქმე, ჩვენ რომ გვგონია. რა იცი, რა პასუხს გვაძლევენ, მოფიქრება უნდა ამ საქმეს.

– პასუხს რომ მოგვცემენ, გვიან იქნება, პიმენ ბატონო. არ მინდა, აღარ მინდა, გითხრათ სიმართლე, არც ისეთნაირი პასუხი მინდა და არც ასეთნაირი. მე რას გთხოვთ, იცით, გამიგეთ?

– კი.

– ჰოდა, ნუ მატკენთ გულს ერთხელ კიდევ. მამაჩემი საფლავში წევს და არ მინდა ვილაცების გასაშავებლად მაგალითად ატრი-ალონ წაღმა-უკუღმა. მამაჩემის ყველაზე კაი რეაბილიტაცია ის იქნება, უდანაშაულო კაცს თუ აღარ გამოეკიდებით ანი მაინც და მართლის მთქმელს ლაგამს არ ამოსდებთ.

– რავა?

– არაფერი... ისე ვთქვი...

გარეთ გამოსვლისას კიბესთან ადგილობრივი გიჟი კუჭუხიძე შეეფეთა. კუჭუხიძეს კონსერვის ქილებზე მისაკრავი ქალაღდებისაგან გამოჭრილ სამხრეები ჰქონდა დაგლეჯილ პიჯაკზე დაკრული და მკერდზე, ორივე მხარეს, უამრავი, წახალისების ნიშანი უბრწყინავდა. რას არ ნახავდით აქ: მეფისნაცვლის ტემლაკებს, ნიკოლოზ მეორისგამოსახულებიან სამხედრო ჯვრებს, კავკასიის დამცველის მესამე ხარისხის მედალს, ალპინისტის, მონყალების დამკვრელი მეხანძრისა და ვოროშილოვის მსროლელის ნიშნებს. კუჭუხიძე ყოველდღე მოდიოდა აღმასკომში, „მორიგე ვარო“, ამტკიცებდა. ზემოთ, რომ თანამშრომლებს გულს გაუნყალებდა, სთხოვდნენ, ახლა ქვევით, კიბესთან იმორიგევეო, ჩამოდიოდა და საღამომდე კიბესთან „მორიგეობდა“.

...ეს ამბავი ოცდაცხრა წლის წინად მოხდა; ათას ცხრაას ორმოცდაჩვიდმეტი წლის ცხრამეტ იანვარს. არ დავმაღავ, ჩვენ, მწერლები, ხანდახან ათასი მიზეზის გამო მოქმედების ადგილსა და თარიღს გადავწვან-გადმოვწვეთ ხოლმე, ისე, როგორც საქმეს მოუხდება. ეს ამბავი კი ზუსტად ოცდაცხრა წლის წინათ მოხდა – ათას ცხრაას ორმოცდაჩვიდმეტი წლის ცხრამეტ იანვარს. ზუსტად-მეთქი, უფრო იმიტომ მოგახსენებთ, რომ ახლა ათას ცხრაას ოთხმოცდაშვიდი წლის ცხრამეტი იანვარია.



ჩანს, შეეშინდა ავტორს თავისი სახელისა და გვარის მოწერა და ფსევდონიმი „ძელქვიანელი“ მოეწერა. თავფურცელს მაშინვე წავანერე „ნომერში“.

\* \* \*

– ბატონო გელა, მე ყოფილი ჩეკისტი ვარ. ყოფილი ჩეკისტი და თანაც ნითელი ხელისუფლების დრო გამოვლილი, ვიცი ეს გარემოება უნდობლად განგანწყობს ჩემს მიმართ, მაგრამ ამ ამბავს იმიტომ გიყვები, რომ ყველა ერთი არშინით არ უნდა გაგვზომოთ.

...სამნი მივდეგვით.

მართალია, ოცდაორი წლის ბიჭი იყო და მუხლი ჩვენზე მეტად უჭრიდა, მაგრამ ამდენს თუ შეძლებდა წელიწადნახევარს ნაჯდომი კაცი, არ გვეგონა.

ჯერ ღელე-ღელე იარა, კვალში რომ არ ჩავდგომოდით. მერე წისქვილთან რომ ვუყეღეთ, ლერწმოვანში შევარდა და ორი საათი ჭყანტობი გვატოპინა. როცა დაგვლანდა, გზისკენ შეტრიალდა და ტრიფოლიატის ღობეს რომ გადაევიღო, ლეიტენანტმა სორდიამ ესროლა.

დაიჭრა.

ფეხს მიითრევედა და მაინც გარბოდა.

ჭალისკენ დაეშვა და კვადაცის ბუჩქებში დურთა თავი.

ჯერ კვადაცის კუნძულს შემოვუარეთ. მარჯვნივ ტეხური ჩაუდიოდა, უკან პიტალო კლდე იყო. მხოლოდდამხოლოდ ჩრდილოდასავლეთისკენ შეეძლო გაძვრომა, მაგრამ ტყემდე მინდორი უნდა გაერბინა და ვერ წაგვივიდოდა.

ერთი სიტყვით, ხაფანგში გვყავდა.

ნარბენ-გასავათებულებმა სული რომ მოვითქვით, სორდიამ მიბრძანა:

– შედი, გამოათრიე!

სამთაგან ყველაზე უმცროსი გახლდით. ჩეკაში სულ ოთხიოდე თვის მისული. კომკავშირიდან გამიწვიეს. ასე რომ პირველი შესვლა მე მეკუთვნოდა.

ვიცოდით, იარაღი არ ჰქონდა, თორემ აქამდე გვესროდა; მაგრამ მაინც სიფრთხილეს თავი არა სტკივა მეთქი, ნაგანი ფეხზე შევაყენე და ხოხვით წავედი.

ბარდებში საკმაოდ ღრმად შემძვრალიყო და კურკანტელას ბუჩქს მოფარებოდა. პოვნა არ გამჭირვებია, სისხლის წინწკლებს მივყვებოდი.

ჩვენი თვალები ერთმანეთს შეხვდნენ.

მუხლსზემით პერანგის ნახევი შემოეხვია. მარცხენა ფეხი შეეკეცა, მარჯვენა – დაჭრილი მოლზე გაემართა, სისხლიანი სახვევისთვის ორივე ხელი შემოეჭდო.

ჩემი კბილა ბიჭი იყო. შეშინებული, ფართო ცისფერი თვალებით შემომყურებდა.

– არ გამცე, თუ ძმა ხარ... დამხვრეტენ... მე არაფერი დამიშავებია... ვინტოვკას დავხარბდი.

– რას ჰქვია, დახარბდი.

– თერთმეტი ვინტოვკა გამათანეს ტყეში ქაქუცასთან. ათი მიეცი და ერთი შენ დაიტოვეო.

– სად აგიყვანეს?

– მარტილთან, ტყეში. ერთი ტყვიაც არ გამისვრია.

– ძვალში გაქვს? – ფეხზე მივუთითე.

– რბილში. მგონი გადავრჩი... არ გამცე თუ ძმა ხარ...

– ვეცდები... ხომ იცი, მარტო არა ვარ.

– კაცი ყოფილხარ...

ჩვენს შორის მეტი არაფერი თქმულა.

გადაწყვეტილება პირველადვე, თვალებში რომ ჩავხედე, მიღებული მქონდა.

კვადაცის ბურჩებიდან გამოვხობდი და სორდიას ვაუნყე:

– არ ჩანს. შეიძლება ნელან გარს რომ ვუვლიდით წყალში გადახტა.

სორდიამ გამჭოლი მზერა მესროლა. წკირს თავი ნაატება და გადააგდო.

– გამორიცხულია. აქედან დაჭრილიც რომ არ იყოს, ვერ გადახტებოდა.

– რა ვიცი... ყველგან დავძებნე.

– კარგად ვერ დაგიძებნია. არსაც არ გასულა, მანდ ეგდება ეგ მამაძალღი. არ უნდა ლაპარაკი – ნამოდგა, გაიარ-გამოიარა და ჯირკსმიყრდნობილს თავზე ნამადგა – თავი არ დაილუპო შენ, ჯანაშია, ახალი კაცი ხარ ჯერ ჩვენთან და მითქვამს მე შენთვის...

განზე გავიხედე ცოტა არ იყოს შეშინებულმა.

– რა ვიცი... მე ვერ ვიპოვე და...

– ვერ იპოვე ხომ? შენს თავს დააბრალებ, ბიძია, აწი ყველაფერი – გვიმრის თავი გაღეჭა და გადააფურთხა – გაგუა შედი, გამოათორიე ე ნავარი და ოხერი.

გაგუა ორმეტრიანი ახმახი სალხინოდან. სულ ორი კვირაა, რაც გავიცანი. თავი შავი ყაბალახით ჰქონდა ნაკრული მოკლე შარვალი წვივებამდე წვდებოდა, შარვალს ქვემოთ ნიფხვის თასმები უჩანდა. თავისი სარგო ჩექმები ვერ ეშოვა და უშნოდ გაფლაშული წულები ეცვა.

ერთი შემომხედა და ნადირის სუნდაკრული მეძებარივით შევარდა ბუჩქებში.

ოციოდე წუთი საუკუნესავით გაინელა.

რას იზამს გაგუა.

გაგუამ ახლა მარტო გაქცეული პატიმარი კი არა, მეც უნდა შემეცოდოს.

ჩემი ბედიც ბენეზე ჰკიდია.

ჩუ... მარტო მოდის... შენ გენაცვალე ბიჭო.

– არ არის არსად.

– რა? – სორდია წამოჯდა.

– გაპარულა.

– სად გაპარულა, გაგუა. რას ჩმახავ შენ, რომ აყუდებულხარ ყანჩასავით!

– ვეძებ რაც შემეძლო და...

– ვერ ყოფილხარ, კარგი მძებნელი, გაგუა, შენ.

გაგუამ არ უპასუხა.

– მე გამოვათრევე, მე თვითონ, რახან ასეა... მაგ ძალთაპირს და ხალხის მტერს მე მოგიძებნით ახლავე და თქვენ მოგივლით მაშინ როგორც საჭიროა!

ნაგანი შემართა კვადაცს წიხლი ჩააზილა და შევარდა.

გულს ბაგა-ბუგი გააქვს.

ნერვიულობისაგან პირი მიშრება.

ყურში რალაც მიწუის.

ჯერ იმ საცოდავ ბიჭს დახვრეტს, მერე ცხელ გულზე, რა ვიცი, რას მოიმოქმედებს, შეიძლება ჩვენც მოგვიღოს ბოლო.

უკეთეს შემთხვევაში ციხე არ აგვცდება.

განგაშის ზარი საფეთქელთან რეკავს.

გაგუას გავხედე.

მშვიდად ზის.

– იპოვის? – ვეკითხები.

– რა პოვნა უნდა – სხვისი ხმით, ყრუდ მპასუხობს.

აი, ახლა გავიგონებთ სროლის ხმას... აი, ახლა... აი ახლა გამოვა სორდია, აბოლებულ ნაგანს სულს შეუბერავს, კოპებშეკვრით შემოგვხედავს და გვეტყვის.

– გაპარულა ხომ? აბა ადექით ორივე და დადექით თხმელასთან! რევოლუციის სახელით ორივე უნდა დაგხვრიტოთ!

– ხომ არ გავიქცეთ? – გაგუას ვეუბნები.

– სად წახვალ.

სორდია გამოსვლას აგვიანებს.

ღმერთო, შენ გვიშველე.

როდის როდის გამოვიდა. ნაგანი ხელში არ უჭირავს, წინ ქამართან გაურჭვია.

არაფერს ამბობს.

ფეხზე წამოვიჭერით და სმენაზე გავეჭიმეთ.

– ნავედით.

მე და გაგუამ ერთმანეთს გადავხედეთ.

სორდია წინ მიდის, ჩვენ უკან მივყვებით.

მარსელის მინდორი გადავჭერით, თამაკონთან ბონდის ხიდზე გავედით.

სორდია ხმას არ იღებს.

მზე კისერში გვაჭერს.

საყელო გავიხსენი.

ახლა ვიგრძენი რომ ოფლისაგან მაზარა ტყვიასავით დამძიმებულია.

„ხომ არ მიასიკვდილა ის საცოდავი ბიჭი?“

„გამორიცხულია“.

„სროლის ხმას გავიგონებდით“.

მიკოტახილის ვინროები რომ გავიარეთ, შეგვაჩერა:

– თქვენი საქმე თქვენ იცით, ბიჭებო, და მე ხვალღან აღარ ვიქნები ამ სამსახურში... ჩეკაში ჩემი გულის კაცი არ უნდა მუშაობდეს, დღეს დავრწმუნდი ამაში მე... ჩვენს შორის დარჩეს ეს ყველაფერი... კუჭი მანუხებს მგონია. კარგად იყავით.

კბოდეს ჩაუყვა, ციხე-გოჯთან ხიდზე გავიდა და გაღმა თეთრკვამლიანი სახლებისკენ წავიდა.

ამის მერე, ერთი თვეც არ იყო გასული, მე და გაგუაც წამოვედით ჩეკადან.

\* \* \*

– რამ შეგანუხათ ქალბატონო?

– იყალთოდან გახლავართ. დავინწყო?

– გისმენთ ყურადღებით.

– ინგრეთი ხიფათიანი ვარ, ინგრეთი უცნაური ყისმათი დამყვა, ხანდახან ონკან რომ მოვუშვებ და წყალი წამოვა, ისიც მიკვირს, ქა. წყალია მეთქი, ბავშვივით გავიხარებ. მა რა დოზანა უნდა წამოვიდეს ონკანიდანა, მაგრამ, ხომ გითხარი, უცნაური ბედისა ვარ. ეგრე მგონია დაბადებიდან ვილაც დამდევეს და წალმა ნარჩევს უკუღმა მიბრუნებს. თითქოს მათამაშებს, ქა, თავის ჭკუაზედა. მათამაშებს მეთქი, მითვინ ვამბობ რო, ხიფათს შემამთხვევეს, გასაკვირს დამმართებს, მაგრამ ბოლოში განირვით არ გამწირავს,

ბოლოს მაინც დამინდობს ხოლმე, ი დალოცვილი. ამიტომაც ცოტა არ იყოს არხეინადა ვარ. ვიცი რაც უნდა ჩაიხლართ-ჩაიბურდოს ნუთისოფელი, ბოლოში გასწორდება, ბოლო კეთილი აქვს. ეტყობა ერთი ხუმარა ანგელოზი მაზის ბეჭზედა, ზოგჯერ გასართობ რასმე გამამიგონებს, გადამრევს, გამაოგნებს და მერე თვითვე გადამარჩენს ხოლმე, ვენაცვალე იმის სახელსა.

შვიდი დედმამიშვილიდან მეშვიდე გახლავართ, ნაბოლარაო რომ იტყვიან. სამწლინახევრისა ვყოფილვარ, სოკოზე წაუყვანივართ სამ დასა – უფროსებს, რასაკვირველია, მაგრამ არც ისე უფროსები იყვნენ, რო დიდი ჭკუა მაჰკითხოდათ. ნადიკვარი გაღმა, ტყეში წაუყვანივართ სოკოზედა. ბაღლობაში ერთი ცეტი და მოუსვენარი ვყოფილვარ. ვერცხლისწყალივით ვხტოდი თურმე, ქა, აქეთ იქითა. ჩემებიც მე მგვანან, თუმცა, არც მამა ჰყავთ ძალიან დანყობილი. ისიც კარგი ცეტი-უქიქინე ვინმეა.

ჰოდე, იმაი ვამბობდი, სოკოი ძებნაში, ინგრე მოხდა თვალი წამით მომაცილეს ჩემმა პატიოსანმა დებმა; მეც დრო ვიხელთე. გაძვერ-გამოვხობდი უპატრონო ვარიასავით ბუჩქებში და შორ ვერ წავიდოდი მაგრამა, იმდენი კი ვქენ, ამათ ველარ მიპოვეს. მე ეგ ამბავი ბუნდოვნად მახსოვს, მონაყოლით ვიცი და ვერც მოგატყუებთ; ჩემი დები რო მეძახდნენ, მესმოდა და ხმაი არა ვცემდი, თუ ტყეში შეშინებულ-გაბუსუნებულს აღარაფერი მიეყურებოდა, ან იქნებ ხმის ამოღების თავიც აღარა მქონდა.

მობრუნებულან აჩხავლ-აზლუქუნებული ჩემი დები შინა. ენგრე და ენგრეო, ჭუტაი (ბავშვობაში ჭუტას მეძახდნენ) დაგვეკარგაო. ძებნით სუ წვივები გადავიტყავეთ, მაგრამ ვერ ვიპოვეთო. გამგელებია სახე მამაჩემსა, დედაჩემმა თურმე ინგრეთი კვილი მორთო, მთელი სოფელი ფეხზე დააყენა ჯეელ-ხეიბრიანა. გამამდგომიან ქუდზე კაცი. მთელი ღამე ამაოდ მეძებდა სოფელი ტყეში მაშხალა-ჟინჟღლებითა, მაგრამ ცამ ჩაყლაპა თუ მიწამ, ჩემს კვალ ვერ მიაგნეს. მეორე დღეს ალაზანზე ჩასულან იქ რომ სამხედრო ნაწილი დგას, იმათვინ მიუტირ-მიუბლავლიათ – ტყეში მეორე დღეა ბალლი გაგვებნა, იქნებ თქვენ გვიშველოთო.

რალა ბევრი გავაგრძელო, მეოთხე დღეს დილით ალიონზე სალდათი ძაღლმა მიპოვა, მისავათებულ-მიმკვდარი ქა, სამი დღის უჭმელი; წყაროი-პირას ბუჩქებში მისვენებული. გრძნობაზე, თურმე, არცა ვყოფილვარ. მეორე დღეს საავადმყოფოში დამბრუნებია აზრი (რა აზრიც შეიძლება სამნახევარი წლისას ჰქონდეს). ან აფთარმა როგორ არ დამგლიჯა, ან ტურა-მგელი როგორ არ გადამეყარა. სანამ ძალა მქონდა, ხომ ვიტირებდი და ვიჩხავლებდი, ან ღამით სად მეძინა ინგრეთ ადგილას, ქვენარმავალმაც ახლოი

რომ არ გამიარა, ან როგორ არ გავცივდი. ხომ გეუბნებიყე, მე თითქმის არაფერი მახსოვს.

სულ ინგრე, ბედის ოინბაზობაში, უცნაური შემთხვევების სალტოტრიალში მიდის ჩემი ცხოვრება. ახლა ჩემი გათხოვების ამბავ არ იკითხამთ? ეგეც ერთი დასაწერი რამეა.

ოცდარვა ენკენისთვე იყო, რა დამავინყებს. ისის იყო ცხრა-მეტისა შავსრულდი. ოცდახუთ ენკენისთვეს ვარ დაბადებული. გამოვენყე, რაც მქონდა გამოსაწყობი და ჩემ თავ იმით მაინც დავ-ასაჩუქრებ – თელავში გავივლი მეთქი. ენგრე მარტოკას მიყვარდა ხოლმე გავლა ქალაქში. ჩვენი სოფელი – იყალთო თელავიდან ხელის განვდენაზეა. ხუთი კილომეტრიც არ იქნება. ნიაღვრიქუჩის დასაწყისში ფოტოგრაფ შაქროს დუქანთან ვილაც ახმახი ხევსური დათვის ბელს ათამამებდა. მეც დავდექ და ვუცქერი სხვებთან ერთად. გავერთე ქა, ახლაც მახსოვს; ძალიან საყვარელი, ფუმფულა დათვის ბელი იყო.

ერთიც ვნახოთ, ვილაცა მომეპარა და თვალ-საფეთქელზე ხელები ამაფარა. ვინ უნდა იყოს, ვინ მიცნობს ამ შუაქალაქში? ჩემი კლასელი, ჩემი სოფლელი ბიჭი სანდო-სანდალაი, ჯარიდან დაბრუნებულა. პედაგოგიურ ინსტიტუტში საბუთები შაუტანია და შინისკენ მიბრუნებულს, ჩემთვის მოუკრავს თვალი. ჯარში კიდეც უფრო გაშავებულიყო. გითხრა სიმართლე, სანდალა არასოდეს არ მომწონდა. ალბათ, მეც შავი რომ ვარ იმითვინა. სკოლაშივე ერთი ქერა, ცისფერთვალეა ბიჭი მიყვარდა და თვითონაც ჩემზე ამოსდიოდა მზე და მთვარე. თბილისში სწავლობდა და გახურებული წერილ-მოკითხვაობა გვექონდა. „შენთანაო საქმე მააქვსო“, სანდალამ.

„ვიცი რა საქმეც გექნება მეთქი. დაიგვიანე სანდალ „ძუძუი გოჭი“ გაგითხოვდა მეთქი. ჩემი მამიდაშვილის გოგო მოსწონდა. ჯარში წასვლამდე დღედაღამ შელოცვილივით დამდევდა; უნდა მიშველო, „ძუძუი გოჭთან“ საქმე მამიგვარეო, იმ გოგომ კიდე, ქეთი ერქვა, ქვა ააგდო და თავი შეუშვირა. „არ მამწონს, გულ არ ეკარებაო“. მანდ ჯარიდან რომ ჩამოვა, რამე არ მიხიდანოსო და სანამ სანდო დაბრუნდებოდა, გათხოვდა, რუისპირელ გაჰყვა. ჩამოყარა ყურები, ამ ჩემმა ჯგუფელმა, რა იმედი მქონდაო, როგორ ძალიან მიყვარდაო. შენი ბრალიც არი, ვერა ყოფილხარ კარგი შუამავალიო. მაჭანკლობა რომ შემეძლოს, ჩემ თავ ვუმანჭაკლებდი მეთქი. შენ რაო? რა და ის თბილისშია, მე კი აქა ლოდინით ვდნები მეთქი. ნულა მომაცოლებთ, ხომ ხვდებით, რაზეც ვისაუბრებდით. ცხრამეტი წლის ღლაპები მითხარით და იმათი ჭკუა.

ნაყინზე და ყავაზე დაგპატიყებო, სანდალამ. ძვირი ღირს-მეთქი, არ გინდა-მეთქი, სანდო შენ რომ თელავი გახსოვს, ის თელავი

აღარ არი-მეთქი. ყველაფერი გაძვირდა-მეთქი. „სანდალ შოტაევიჩ ატვეჩაიო“ ჯიბეზე დაირტყა ხელი სანდალამ.

ბინდდებოდა. იქვე ბერძუხის ჩასახვევთან კაფეში შევედით. ნატრიანთ მალვინას (გამგეც თვითონ იყო და მიმწონ მიმტანიცა) ორას-ორასი ნაყინი ავანონინეთ, ყავა არა ჰქონდა, თითო ჭიქა ასკილი წვენი ჩამოვასხმევინეთ. და კუთხეში მივჯექით. სანდალამ თადარიგი დაიჭირა და ყოველ შემთხვევითვინ ფული წინასწარ გადაიხადა. ახლა ვხვდები, თავი მამანონა; კაცი ვარ, გოგოს ნაყინზე ვპატიჟებო.

მივყევ-მოვყევით სოფლისა და ჯარის ამბები, გავიცინ-გამოვიცინეთ (სად გვეჩქარებოდა) და როცა კარს მივაშურეთ, ორივეს პირკატა გვეცა. კაფეს გარედან კომმისიმსხო ბოქლომი ედო. რა მკითხავ-ვარდუა უნდოდა; მალვინას დავვინწყნივართ, კუთხეში, ბოძთან მიმჯდარი კლიენტები, წასვლისას ვერ შეუმჩნევივართ, კარი დაუბოქლომ – დაუბლომბავს და წასულა. კაფე მაშინ ახალი გახსნილი იყო და არ ვიცი ამისა თუ სიძვირის მიზეზით, მუშტარი ცოტა ჰყავდა.

მივანყდით კარებს გალიაში დამწყვეული ჩიტებივით, მაგრამ შენც არ მამიკვდე. ჩვენდა იღბლად, ისე დაღამდა, არც არავინ ჩამაიარა. თუ ყოფილხართ მალვინას კაფეში, შენეულ ადგილას დგას და გამვლელის თვალს მოფარებუღია. „სახლში გამიგიჟდებიანმეთქი“ ვიტრინას ბრახუნი ავუტეხე. სანდალა კიდე იცინის, „კარგი ახლა ნუ დაანგრევ აქაურობას, განა მე არ მეღიან სახლში, ახლა რომ ხალხი შევყართ თავი უფრო მოგვეჭრება, განა უცხონი ვართ, როგორმე დიღამდე გავძლოთ და დილით გამოგვიშვენებ „გაუბახტიდანო“.

„შენ ხომ არ გაგიჟდი, შე ოხერტიალო, სწორედ მაგითვინ გამზარდა დედაჩემმა დიღამდე კაფეში შენთან ერთად ვეგდო-მეთქი. შენ აქა რუსეთი ხომ არა გგონია, ჯარში მიგაჩვევდნენ ეგეებს-მეთქი“. „კარგი ახლაო. ნუ ტლინკაობ ჩოჩორივით, ყველაფერი ამ ქვეყნად განგების ძალით ხდებაო, ალბათ, ღმერთს ეგრე სურდაო. განა მე კი ძალიან მინდოდა ამ კაფეში შენთან დარჩენაო. შენ ქალი ხარ, უფრო ფხიზლად უნდა ჰყოფილიყავ. რად ვერ შენიშნე მალვინაი წასვლა. მე მაგაი ვუჩვენებ ხვალ სეირს ამ ჯიხურში რომ დაგვამწყვდია მეველის დაჭერილი თხებივითაო.

იმდენი იქილიკ-ითითობაზა სანდალამ, გამაცინა კიდეც მონადირი შეშინებული შველივით გულათახთახებული გოგო. რაც ამ ღამეს ნაყინ-შოკოლადი ვჭამეთ და ასკილი წვენი ვსვით მე და სანდალამ. მერე ძილიც მოგვერია. გავხედე, რაღაც სხვანაირად მიყურებს. „შენ გულში ავი რამე არ გაივლო, თორო იქნება თავზე დაგათვალო ე ალუმინი ლამბაქები მეთქი“. „რას იკბინებო, განა შენზე ნაკლები

ბიჭი ვარო. მერე რა რო შავი ვარ, ი შენ რჩეულ თამაზასა თბილისში შენნაირი სხვაც ბევრი ეყოლებათ. განა მე შენზე ნაკლებ გამიტყდება სახელი. ხვალ დილით მთელი თელავის თვალწინ აქედან რომ უნდა გავიძურნო ფიცმილებული, ჯარმოვლილი კაციო“.

ყველაფერი ბედია. გავხედე კიდევ ერთხელ და უნდა ვთქვა, არც ისე შავი მომეჩვენა ჩემი სანდალა. იქნებ ბედი ეგ არი მეთქი, იქნებ ღმერთმა ეგ გამამიგზავნა და ახლა რომ ხელი ვკრა, რა ვიცი იქნებ მამაზეციერმა სულ ჩაიქნოს-მეთქი ხელი ჩემზე.

იატაკზე გავშალეთ ქა ოთხფა ბრეზენტი და თვალის მოსატყუებლად წამოვწიქით. ორივეს მაგრადა გვაქვს გადანყვეტილი, არაფერი გავბედოთ, მაგრამ ნავთი და ცეცხლი ერთად ვის შეუნახია. „რას შვრები მეთქი, სანდალ (საქმე საქმეზე რომ მიდგა) ჩემს ცოდვაში არ ჩადგე, იცოდე თავს მოვიკლავ მეთქი“, ვბუტბუტებდი პირმკერდზე აღმოებულები. „ნუ გეშინია ჩემო სიცოცხლე, კაცი ვარ, განა ნადირი ვარო. ჩემი ხარ, მორჩა და გათავდა, შენს მეტი სიკვდილამდე არავინ მინდაო“.

ეგრეც რომ არ ეთქო, აღარც მე მქონდა მეტის თავი და აღარც იმასა. მოსახდენი მაინც მოხდებოდა.

...პირველი ბავშვი მალვინას მოვანათლვინეთ.

\* \* \*

ჩემო გელა,

ამ თვეში მესამედ შემხვდი და ყოველ შეხვედრაზე ერთსა და იმავეს მეუბნები; ნუ ხარ ჩუმი, არ გშვენის ჩუმი ყოფნა, არ გეკადრება სიჩუმე შენო. მეც პირველ ცოდვაზე დაჭერილი ყმანვილივით მორცხვად გაგიღიმებ ხოლმე, „იქნება, იქნება! გამოვსწორდები მეთქი“, ხელებს ავწევ დაგემშვიდობები და მერე მთელი დღე ცუდ ხასიათზე ვარ.

ახლა დრო მაქვს და ორიოდ სიტყვა უნდა გითხრა. ჩვენი ურთიერთობა სიკვდილამდე გარკვეული მეგონა, ძმობა გვაქვს ნათქვამი ერთმანეთისათვის, მაგრამ ხანდახან თურმე საჭიროა, სარეკელა გამოუცვალო წისქვილის დოლაბს და ისე მიუგდო ყური. სადმე კაჟი ხომ არ უსტვენს და ქვას ზედმეტად ხომ არ ხეხავს. ასეა კი. დავიწყოთ იქედან, რომ შენ ორმოცდაათი წლისა ხარ და მე სამოცდაათის. არ იფიქრო, ამას იმიტომ გეუბნებოდე თითქოს „შენგან ჭკუის სწავლება არ მეკადრება“ გიარაკებდე. ვიცი, როგორ არ ვიცი, პატარა მელია დიდ მელიას ზოგჯერ არშიყსაც კი ასწავლის, ეს შენგან არაერთხელ მომისმენია და დამიჯერებია კიდეც შენთვის. დამიჯერებია და გვერდითაც ამოგდგომივარ, გაგყოლივარ და



შენს გვერდით ხმალი მიქნევია. ახლა რაღა დამემართა? რაღაც-ნაირად ისე აეწყო, რომ ფეხს ვერ გიბამ ამ ბოლოს დროს. ნურც შიშს მიაწერ ამ ამბავს და ნურც ჩემს სიბერეს. კარგად მიცნობ, კრიალოსნის ბერიკაცი ჩემგან არ გაკეთდება. მე ასე ჩაკირულ-ჩაძვალული, ფეხზე მოგკვდები, აღმა-დაღმა წაწნალში და ფათი-ფუთში.

შიშით მაშინ არ შემშინებია, ნითელი ურჩხული რომ გვწოვდა სისხლს და ენას გვგლეჯდა, იცი შენ. ახლა რა ჯანდაბის უნდა მეშინოდეს, ჩემი კალო გალენილია და იმ ქვეყნის მატარებლის მოლოდინში ჩემოდანზე ვზივარ.

ასე რომ ჩემს გაჩუმებას, იქნებ უფრო გულისგატეხვა, იმედის დაკარგვა ჰქვია და არა სხვა რამ. მკითხავ: მთელი ცხოვრება სხვებს რომ აფრთხილებდი და ჭირში გამაგრებას ასწავლიდი, მთელი ცხოვრება რომ შეურიგებლობის ფანდურს აჩხაკუნებდი, ახლა რა ღმერთი გაგინყრაო. გეტყვი, გეტყვი პატიოსნად და გულახდილად. მე ნატანჯი და ნაუბედურალი, ჩემი ჭკუით საქვეყნო ამბოხებაში წილდადებული, არ აღმოვჩნდი მზად იმ დღეებისათვის იმპერიის ვითომ დანგრევის პირველ წლებში რომ გადავიტანეთ. შენ ის კაცი არა ხარ, ჩემი ნათქვამი პატივმოყვარეობის ნერვის ტოკვად რომ მოგეჩვენოს. თორემ არ გეტყოდი. მეგონა, ჩემმა ქვეყანამ თავი დაიხსნა და ერთი კაცი მაინც აღმოჩნდება, რომელიც მეტყვის, მადლობელი ვართ, შენით, პოეტო, ცენზურის თავში ჩაჩქუნს რომ გაუძელი და თავისუფალი სიტყვა გადაარჩინე, მადლობელი ვართ, კრიჭაში რომ ედექი ბოლშევიკურ რეჟიმს, აღსრულდა შენი ოცნება და მოგვილოცავსო.

ამის მაგივრად, ქუჩაში პირაქაფებულები, ნახევრადშემლილი დედაკაცების ქირქილი მესმოდა და ჩემი მისამართით გულმგლეჯი სისინი – „რაო, ნითელო პოეტო, ვერა ხარ ხასიათზე?!“

მე თუ ვინმე ნითელ პოეტს დამიძახებდა, მთელი ცხოვრება ნითელი პოეტების წინააღმდეგ მებრძოლ კაცს, ამას ვიფიქრებდი?

ბრბო ყველგან ყოველთვის ბრბოა და ნაფუყრუე, მოვერიე ჩემს გულს, მაგრამ ისინიც რომ ამ ჭკუაზე იდგნენ, ვისაც სამთავრობო სკამები მიაართვა ახალმა ვითარებამ და, სამწუხაროდ, მათ შორის ზოგი ჩვენი კოლეგაც რომ ერია?

მოვდივარ ერთ დღეს რუსთაველზე, მიტინგია და ერთი თავზლარბა, უნიჭო ჩინოსანი, თავის თავს რომ ინტერვიუებში მწერალს ეძახდა, ბლავის: „დამთავრდა კორუმპირებული ინტელიგენციის დრო! ძირს ლაურეატები და ნიჭიერები. ახლა ჩვენი დროა. სად არიან ქართველი მწერლები? ჭეშმარიტი ქართველი მწერლები მთანმინდაზე წვანან!“

ხომ შეიძლება, ეს ერთი ნაძირალა ერიოს ახლა მთავრობაში, აბა, ახლა ნახე, რას გიზამენ მაგ ყრანტალისათვის-მეთქი და რალაც საშინელების მოლოდინში გავინაბე, მეგონა წვდებოდნენ ჩვენი გაზრდილი, ეროვნულად მომართული მკითხველები საყულოში იმ არაკაცს და კინნისკვრით გააგდებდნენ მიტიხნიდან. შენც არ მომიკვდე, „სწორია, სწორიაო“ ახარხარდა მიტიხნი და მასამ ტაში დასცხო. ე მანდ ვინმე არ მიცნოს და როგორც „კორუმპირებულ, წითელ პოეტს“ ზურგში ქვა არ მდრუზოს-მეთქი, ქუდი ჩამოვიფხატე და იქაურობას გავშორიდი.

მერე დიდხანს ვიჯექი გულჩამკვდარი შუშაბანდში და ხალხის უაზრო რიალ-ზრიალს ვუგდებდი ყურს. ველოდი დამიძახებდნენ, რალაცას მკითხავენ, ჩემს გამოცდილებას ისულგულებენ-მეთქი ვიფიქრე და გავერიდე საიმდროო ორომტრიალს. სროლა-ფეთქების ხმა რომ მომესმა, გამოვედი ჩემი მღვიმე შუშაბანდიდან. რუსთაველი ინვოდა, თბილისი ზანზარებდა. სკამისთვის ერთიმეორეს საშინელი კბილთა ღრჭიალით შებმოდნენ ქართველები. ინვოდა ბიბლიოთეკები, მუზეუმები, თეატრები, გალერეები, სასტუმროები... მივვარდი ოპერასთან შეჯგუფებულთ. რას უყურებთ, ხომ ხედავთ, ორივე მხარეს გონი დაუკარგავს. კაცებმაც, ქალებმაც ავაფრიალოთ თეთრი ალმები, წავიდეთ და ჩავდგეთ შუაში. ენით უთქმელი სამარცხვინო ამბავი გვჭირს მეთქი: ხმა არავინ გაიღო. არავინ გამომყვა. იდგნენ შეშინებული ძროხებივით და იცოხნებოდნენ. რუსთაველის თეატრს რომ გავცდი, ავტომატიანმა ყაჩაღებმა შემაჩერეს. რისი შერიგება, რა შერიგება, წადი, ბერიკაცო, შენს საქმეს მიხედო. რომ გავუძალიანდი, მკრეს პანღური და სულ კინნისკვრით გამომაგდეს. ერთმა ავტომატიც მომიშვირა:

გამოვბრუნდი და ოპერასთანმდგარ, სეირისმაცურებელ ლაშქარს მივმართე: რაც გვჭირს და ხვალ რაც დაგვემართება, ღირსი ვყოფილვართ-მეთქი.

ვის გამოვექომაგო, ვისთვის მოვიკლა თავი. იმათთვის ხომ არა სოხუმს მტერი რომ დაესხა და შვილები, არაფერი მოუვიდეთო, საზღვარგარეთ რომ გადაძალეს? ხოლო ვინც იბრძოდა, ნახევარი იმათგან ნარკოტიკების ნირვანით აქანავებული მოსახლეობას რომ ძარცვავდა?

იქნებ იმათთვის დავდო თავი, სოხუმიდან გამოქცეულ ქართველობას ბეჭედ-საყურისათვის ზურგში ტყვიას რომ ესროდა?

დამარცხებულ-შერცხვენილნი იმპერიაში რომ შეგვაბრუნეს, მეგონა, გაივსება საქართველო საპროტესტო დემონსტრაციებით, ერი დაჩოქება-დამონებას არ შეეგუება. ისევე აპეურს არ შეიბამს ყელზე-მეთქი. შენც არ მომიკვდე, კაციშვილს ხმა არ გაუღია. გახედნილი, ერთგული ცხენებივით შეუშვირეს ზურგი უნაგირს.

ვიცი, ძნელია ჩეჩნობა, შუაზე გაჩეხილი, განგებ დამშეულ-დაცვედ-ნებულები ხალხი ყველა სახლს ციხე-სიმაგრედ ვერ გადააქცევს, მაგრამ იმას მაინც რა უდგას წინ, სადმე, მოსახვევში კედელს მიანერო: „დამპყრობელო, ოცდაათათასი ბიჭი რომ მომიკალი, იკმარე ჩემი სისხლი და წაეთრე შინ, თორემ გეტირება ყოფაო“. ან უფრო რბილად: „წასვლადაგვიანებულო სტუმარო, როცა მიჭირდა, გვერდით რომ არ დამიდექი, უარესიც; მტრის ბანაკში რომ გადაბარგდი და თოფი დამიმიზნე, კეთილი ინებე და აიკარი გუდა-ნაბადი, მტერს ვერ მოვაშენებ ჩემს მიწაზეთქო“. ამასაც არ ვაკეთებთ. ჩვენს ბედოვლათობას ინტერნაციონალიზმის და ტოლერანტობის სახელით ვნათლავთ და დავით აღმაშენებლის დანატოვარ, წინაპართა სისხლით გაჯერებულ მინას ფიანდაზად ვუგებთ გადამთიელს. არა ძმაო, არა, მე ჩემი ლექსები ამ ყრუ, დაჭედილი, მორჩილი ნახირისთვის არ დამინერია. არც იმ ცრუქაქუნა, კარიერისტი ყმანვილებისთვის-ეროვნული ნერვი უდროოდ რომ გაუხმათ და დამონებული ქვეყნის გლოვის ნაცვლად საცეკვაო-საროსკიპოებში დილაძედ რომ ტლინკაობენ, ან, რაც უარესია, მარიონეტული რეჟიმის მაგიდებს რომ უსხედან ახალგაზრდა მეგობარ-ჩინოვანთა მედალიონებით მკერდდამშვენებულნი.

ჩემი ნაწერი და ჩემი სიტყვა იმ გაბედულ, დაუჩოქებელ საქართველოს ეკუთვნის, რომელიც ხვალ თუ ზეგ მოვა.

თავს ვერ მოვიტყუებ, მე იმ ხალხს ვერ დავუდგები ქომაგ-გუშაგად „სნიკერს-მალბოროზე“ რომ ნადირობს და წიგნის მალაზიაში ქუდი რომ შეუგდო, გამოსატანად არ შევა. კარგი, ვთქვათ, მე მოდიდან გასულ, გაბრაზებულ პოეტად ჩამთვალეს და ისტორიის სანახევზე მომისროლეს, შენ? შენ ხომ პირში მთქმელი, მარად მოფუსფუსე, მებრძოლი კაცი ხარ, არც შენი ნაწერების ძებნა-კითხვით იკლავენ თავს, ჩვენს შორის რომ დარჩეს.

ჩუმად ნუ ხარო, შენ მეუბნები. ჩუმად ყოფნაც ხომ საქმეა. ჩუმად ყოფნაც ხომ პოზიციაა. იმათ ხომ მაინც ვჯობივარ; იმას რომ მიირთმევენ და იფ. იფ რა გემრიელიაო, იძახიან. ამათ სამსახურში რომ არ შევედი, ამათ ამაღლაში რომ ვერ მხედავ, შენ გგონია, ეს შემთხვევით ხდება? მაცალე ჩემთვის ყოფნა, ფიქრი, შე კაცო. ხომ გაგანდე ჩემი გულისთქმა შენ, მხოლოდ შენ გითხარი, სხვას არ ვეტყოდი, რომ გამწყრალი ვარ დღევანდელ საქართველოზე და არ ვიცი, როდის მომიშუშდება გულის იარა.

\* \* \*

„ნეტავ, არ გაგენდო.

ნეტავ, საერთოდ არ შემხვედროდი დღეს და შენგან ეს აღსარება არ მომესმინა.

რას მიქვიან, თავის ხალხზე გამწყრალი მესიტყვე.  
დაგემშვიდობე და ჩქარი ნაბიჯით მივუყვები მამადავითის ბი-  
ლიკს.

წვიმა-თოვლი მილოკავს გალიგვებულ სახეს.

სხვამ თავისი საქმის იცის, მე ჩემი გზა მაქვს.

გადავძვრები ლობეზე, ავიპარები სამრეკლოზე და ბებერ,  
მიძინებულ ზარებს დავარისხებ: სანამ პირში ეს გაძალღებული  
სული მიდგას“.

\* \* \*

შემინებული, დაცვედნებული, ხელისუფლების დუდუკზე მრო-  
კავი ახალგაზრდობა მოვიდაო, ეროვნული იდეალები დაივინ-  
ყესო, ამათი რა იმედი უნდა მქონდეს, ნირვანაში მყოფნი უაზ-  
როდ აცეცებენ დაბინდულ თვალებს იქეთ-აქეთო, თქვენ წერთ,  
პატივცემულო, გელა.

ნაწილობრივ მართალი ბრძანდებით, მაგრამ, ძალიან გთხოვთ,  
მეც მომისმინოთ.

იქნებ, მთლად ჩვენი ბრალიც არ იყოს, რამაც თქვენი სამარ-  
თლიანი გულისწყრომა გამოიწვია.

იქნებ არც თუ მცირეოდენი წვლილი თქვენ – მამებსაც მიგიძ-  
ლოდეთ, ჩვენს, როგორც ამბობთ, გაგულგრილებაში.

შარშან ისტორიის ფაკულტეტიდან ომარ კალანდაძემ მომძებნა,  
კალანდაძე გეცოდინებათ, რასაკვირველია. პირდაპირ, მიკიბვ-  
მოკიბვის გარეშე მითხრა „საქართველოს თავისუფლების ლიგა“  
ჰქვია ჩვენს საზოგადოებას. ჯერჯერობით ოცდაშვიდი სტუდენტი  
და ორი ასპირანტი ვართ. თუ გინდათ, იყავი ჩვენთანო.

რა უნდა ვაკეთოთ-მეთქი. რასაც სხვა წესიერი პარტია თუ  
საზოგადოება აკეთებსო. მართალია, დამარიგა მამაჩემმა, იქ,  
თბილისში, ყველა ერთმანეთს ასმენს, არ გაერიო არავითარ ჯგუფ-  
ში, სწავლას გაუხდის მუყაითად, თორემ ხარჯი ხარჯად დაგვეკ-  
არგება და, შეიძლება, თავიც დაიღუპოო, მაგრამ წუთითაც არ  
მიყოყმანია, ჩავენერე.

მეორე შეხვედრაზე კალანდაძემ ხელმოსაწერი ქალაქლების  
მთელი დასტა მომიტანა. ასი ათასი ხელმოწერა მაინც უნდა დავა-  
გროვოთ, რომ პარლამენტმა რეფერენდუმი დანიშნოსო. „მოვ-  
ითხოვ, რუსეთის საოკუპაციო ჯარი გავიდეს საქართველოდან“ –  
ეს ერთადერთი წინადადება ეწერა თავფურცელზე. ხელმოსაწერი  
გრაფა სამ განყოფილებიანი იყო: I – ხელმოწერა, II – სახელი,  
გვარი და მამის სახელი (მკაფიოდ), III – მისამართი.

ასე რომ, ზოგმა რომ იცის, გაკვრით, გაურკვეველად ხელმონერა, მამაზეციერსაც რომ გაუჭირდება დაადგინოს, ვინ ანერს ხელს, ასეთი რამ არ გამოვიდოდა. ან უნდა მოგენერა სრულად ხელი-მისამართის ჩვენებით, ან – არა.

ეს ქალაღდები ჩვენი საზოგადოების ნევრებს ჩამოვურიგე. პარა-ლელიზმი რომ გამოირიცხოს, ყველას თავისი „ფენა“ მივუჩინე.

შენ უნივერსიტეტის პროფესორ-მასწავლებლებთან უნდა იმუშაო. ხვეუნა არავის დაუნყო. ვისაც უნდა ხელმონერა, მაშინვე მოანერს. ვისაც არ უჯდება ჭკუაში, დილიდან საღამომდე რომ ეჩიჩინო, ვერ დაიყოლიებო, კალანდაძემ.

ჯერ ჩემს ფაკულტეტზე ჩემს ლექტორ-მასწავლებლებს შორის დავტრიადლი.

პროფესორ ეგვენი ხელაძეს, ზარი რომ დაირეკა, აუდიტორიის კარებთან დავხვდი. ფანჯარასთან მივდექით. რამდენჯერმე წაიკითხა. დიდხანს ატრიალა ხელში და როდის-როდის მკითხა:

სხვები რატომ არ ანერენ ხელსო.

დღეს მომიტანეს, თქვენგან დავინყე-მეთქი, პატივცემულო.

ვინ მოგიტანაო.

ჩვენ საზოგადოება გვაქვს, სტუდენტური, იქ გადავწყვიტეთ, ხომ ხართ მომხრე რუსის ჯარი გავიდეს საქართველოდან-მეთქი.

მთელი სიცოცხლე მაგაზე ვოცნებობ, ჩემო შანშე, ჩემს წიგნებში სხვას კი არაფერს ვწერო. ხელს მოვანერ, რასაკვირველია, მაგრამ მაინც მითხარი, რატომ დაინყე ჩემგანო.

პირველი თქვენი ხელმონერა რომ იქნება, მერე სხვები ადვილად მოანერენ, თქვენ ავტორიტეტი ბრძანდებით-მეთქი.

ეგ მართალია, მაგრამ, იცი რა, ჯერ სხვამ მოანეროს. ჩემი საქმე სხვანაირადაა, იცი შენ. ისედაც არ მოვუდივარ მთავრობას თვალში. ჩემს ხელმონერას პირველს რომ ნახავენ, რალაცას მიხიძანებენ. შარზე არიან. ჯერ სხვამ მოანეროს, თუ კაცი ხარ და მერე მოდი ჩემთან. ჩათვალე, რომ ჩემი ხელმონერა ჯიბეში გაქვსო.

ისეთი მუდართ მუუბნებოდა ამ სიტყვებს პროფესორი ხელაძე, რომ ბატონი ბრძანდებით-მეთქი და დერეფანს გავუყევი.

დეკანატიდან პროფესორი შეშელიძე გამოვიდა. გამახსენდა მისი ცეცხლოვანი ლექციები და ისიც, რა სინანულით ამბობდა ხშირად, სად ხუთი წლის წინანდელი სტუდენტები და სად ახლანდელი. ცა და მიწასავითაა განსხვავება. ისინი კი არ დადიოდნენ, ციცინათელასავით კვესავდნენ, ამათ ზეზეურად ეძინებათო.

თუ ვინმე მოანერს, ბატონი შეშელიძე მოანერს ხელს-მეთქი და წინ გადავუდექი.

გამარჯობა შანშე შენო, სალამი აქეთ დამასწრო. ცუდ საქმეზე არ გაირჯებოდი, ვიცი, შენო. რა ქალაღი გიჭირავს ხელში, მაჩვენე ერთიო.

ხელმოსანერია-მეთქი, გავუნოდე.

ნაიკითხა და მაშინვე მოანერა. აი, ყოჩაღ, ეგ უკვე საქმეა, ასე უნდა, აბა რა, უნდა ამოძრავდეთ ახალგაზრდებო.

დაეხედე „შ“-ს მსგავსი პირველი ასოა და მერე კლაკნილი ხაზი. დავენიე.

პატივცემულო, სახელი, გვარი და მამის სახელი სრულად გვჭირდება და მისამართი-მეთქი.

კი, ბატონოო. ყველაფერი სრულად მიკარნახა და ჩამანერინა.

ა, კაცი-მეთქი, გულში ვამბობ.

ოთხმოცდამეცამეტე აუდიტორიას არ იყო შეშედიძე გაცილებული, რომ შემობრუნდა, ქალაღი გამომართვა და სათვალე მოირგო.

ვინ გამოგატანა ჩემთან ხელმოსანერადო.

არავინ, მე თვითონ მოგართვით-მეთქი.

სხვამ ხომ არავინ იცის ჩემთან რომ უნდა მოგეტანაო.

არა, რატომ მეკითხებით-მეთქი.

არაფერი, ისეო.

შენ გგონია, ჩემი ხელმონერით გავა რუსის ჯარი საქართველოდანო?

მარტო თქვენ კი არა, მე მგონი, ამას, ორიოდ გამონაკლისის გარდა, მთელი საქართველო მოანერს ხელს-მეთქი.

არ დაიჯერო ეგ ამბავიო. ადამიანი ისეა გაორპირებული, ნახავ, ერთი პროცენტიც არ მოანერს ხელსო.

დამიბრუნა ქალაღი და წავიდა. საპროფესოროსთან კიდევ ერთხელ შემოტრიალდა. შემფოთებული სახე ჰქონდა. გამომართვა, მუხლზე დაიდო, გულდასმით წაშალა თავისი ხელმონერა. წაშალა ყველაფერი გასწვრივ – ტელეფონიც, მისამართიც, მამის სახელიც. დამიბრუნა ქალაღი და იდუმალი ჩურჩულით მაუწყა:

– ახლა არ მკითხო არაფერი. უნივერსიტეტს რომ დაამთავრებ, მერე მიხვდები, რატომ წავშალე ჩემი ხელმონერაო. საერთოდ, კარგი მინდა, იცოდე, შენთვისო, – ეს რებუსური პასუხი დამიგდო და, არ დამეწიოსო, კიბე სულ ასკინკილით ჩაირბინა.

უნივერსიტეტის ბაღში პეტრე მელიქიშვილის ძეგლის გვერდით ჩვენი ყოფილი დეკანი სევერიანე მეხუზლა იჯდა.

მისკენ გავემართე.

ხელმონერებს ვაგროვებთ პატივცემულო, ნახეთ, თუ წინააღმდეგი არ იქნებით, იქნებ დაგვდოთ პატივი და მოანეროთ-მეთქი.

გამომართვა, დახედა.

სათვალე შინ დამრჩა, რა წერია, მითხარი, რას მოითხოვთო.

რუსის საოკუპაციო ჯარის გასვლაზეა ლაპარაკი-მეთქი.

კეთილი და პატიოსანი, ვინ შემოგყავთ, სამაგიეროდო.

არავინ. საქართველო დეოკუპირებული, თავისუფალი სახელმ-  
ნიფო იქნება-მეთქი.

გველნაკბენივით წამოხტა.

– იყო ეს ყველაფერი შანშე. ახალი არაფერია მაგაში. იყო ეგ და  
რაც მივიღეთ, კარგად იცი შენო. კი ბატონო, ვინ გიშლით ხელ-  
მონერების შეგროვებას, მაგრამ ამის დრო გაქვს ახლა შენო? გა-  
მოცდები და ჩათვლები კარზეა მომდგარი. სად გცალია ამისთვის.  
თავისუფალი დრო რომ გექნება, მერე აგროვე ხელმონერები. კარ-  
გად იყავი ახლაო.

ჩემს პასუხს არ დაელოდა. წამოდგა. შარვალზე უკან ხელი  
გაისვ-გამოისვა და ტროლეიბუსის გაჩერებისკენ წავიდა.

პროფესორ თადუმაძეს სალამოხანს შინ მივაკითხე. ვიცოდი,  
ძველი სტუდენტალაქის წინ ცხოვრობდა.

ძლივს მივაგენი სადარბაზოს.

ვრეკე ზარი.

არავინ მიღებს.

მოპირდაპირე კარებზე დავაკაკუნე.

სათვალისანმა ქალმა გამიღო.

– ქალბატონო, ბატონი თადუმაძე ხომ არ დაგინახავთ დღეს-  
მეთქი. სტუდენტი ვარ, ხელმონერებს ვაგროვებ და ამ საქმეზე  
მინდოდა შემენუხებინა-მეთქი.

რა ხელმონერებსო.

საოკუპაციო ჯარის საქართველოდან გასვლის მოთხოვნაზე-  
მეთქი.

მეც უნივერსიტეტის თანამშრომელი ვარ, თუ შეიძლება, მეც  
მოვანერო ხელიო.

კარგი იქნება-მეთქი.

ავტოკალამი და ქალღი ერთად გავუნოდე.

თავფურცლისთვის არც დაუხედავს. ხელი სწრაფად მოანერა.  
დანარჩენი ორი გრაფაც პირნმინდად შეავსო.

მერე შემომხედა დაკვირვებით.

რა ვიცი, იყო წელან, გრიშა, შინ. შეიძლება პურზე გავიდაო.

კიდევ ერთხელ დავრეკე ზარი. ქალბატონს მაღლობა მოვასხენე  
და კიბეს ჩაუწყვი.

თადუმაძე სადარბაზოსთან შემხვდა. ილლიაში ფიცრის ნატეხე-  
ბი ამოეჩარა.

აქ რა გინდაო, მკითხა.

თქვენთან ვარ პატივცემულო-მეთქი.

ავიდეო, აბაო.

შეშა გამოვართვი.

ასე ვწვალობ. ეზოში, მიტოვებულ მშენებლობაზე ნაფოტებს ვაგროვებ, რა ვქნა აბა, სულ ლოგინში ხომ არ იკოტრიალებ კაციო. ავედით, ცეცხლის დანთებაშიც მივეხმარე.

ხელმონერებს ვაგროვებთ-მეთქი, მოკრძალებით შევაპარე ღუ-მელი რომ გახურდა და ცოტა ფერზე მოვიდა ჩემი მასპინძელი.

გამომართვა. ხმამაღლა წაიკითხა.

მე რა უნდა ვქნაო.

იქნებ, ხელი მოაწეროთ-მეთქი.

რასო?

ამ ქალაქს-მეთქი.

მე საერთოდ კოლექტიურ განცხადებებს ხელს არ ვაწერო. მე თვითონ ჩემი ანგარიში მაქვს ამ ხელისუფლებასთან. მე მარტოხელა მებრძოლი ვარ. სანამ ამათ არ დავამხობ, არ მოვისვენებ. რაც შეეხება კოლექტიურ ხელმონერას, ეგ ბავშვური თამაშია და მაგნიირ მასობრივ თავისმოტყუებაში ვერ გავერევიო.

კამათი არ დამიწყია. რა უნდა მეთქვა, კაცს საკუთარი აზრი ჰქონდა ხელმონერათა შეგროვებაზე.

თავი რომ აღარ მოგანყინოთ, ორი დღის წინდაუკან სირბილის შედეგად სამად სამი ხელმონერა შევაგროვე: ერთი – თადეუძის პირდაპირ მცხოვრებმა პარლამენტის ყოფილმა წევრმა ივანე ფაჩულიამ მომიწერა უყოყმანოდ ხელი და მესამე – მესამე კორპუსის დამლაგებელმა კვინტრიშაძემ – ცალთვალა ქალმა, რომელსაც ქმარი რუსეთ-საქართველოს 1992-1993 წლების სამამულო ომში დაელუპა.

ეს იყო და ეს.

სამი დღის შემდეგ დავუბრუნე კალანდაძეს ფურცელი და „საქართველოს თავისუფლების ლიგასაც“ მეტი აღარ გავკარებივარ.

გული გამიტყდა, პატივცემულო, გელა.

\* \* \*

ერთხელ უნივერსიტეტში მისაღებ გამოცდებზე დამიძახეს. რა მინდოდა მწერალ კაცს მისაღებ გამოცდებზე, მაგრამ რექტორს უარი ვერ ვუთხარი და თანაც ცნობისმოყვარეობამ მძლია.

გამოცდაზე ცალხელა ახალგაზრდა კაცი შემოვიდა. გადაბმულ წარბებს ქვემოთ, ფართო ქუთუთოებში ლამის მიკარგულ თვალებს განზე აპარებს. გამხდარია. მარცხენათი აიღო ბილეთი



და „მოსაფიქრებელ მერხზე“ დაჯდა. მარჯვენა ცარიელი სახელო ლურჯი ხალათის ჯიბეში აქვს ჩაკეცილი. „ავლანელები“ საერთოდ გამოცდაზე სამხედრო ფორმით შემოდიან, ეს უფორმოდაა, იქნებ, საერთოდ არ უმსახურია.

– გვარი? – ვკითხე, როცა ჩემს მაგიდაზე ცარიელ ფურცელს დაწვდა და წინ დაიდო

– გელაძე.

– დემობილიზებული?

– დიახ, ავლანეთიდან.

გული შემეკუმშა. ასეთ დროს ზედმეტად მიმაჩნია ვკითხო ყოფილ ჯარისკაცს მოქმედებითი გვარის ნიშნები და სულხან ორბელიანის ბერად შედგომის თარიღი.

– დაანებე მაგ ბილეთს თავი. გადმოჯექი აქეთ. ეს ხელი იქაური ამბავია?

– დიახ.

– დაბრძანდი. მომიყევი ერთი, თუ ძმა ხარ, რანაირად, რაზე, როგორ. როგორი საქმეა, მარჯვენა ხელი.

– ხელს ვჩივი? მუცელში სამ ადგილას ვარ გაფატრული და წინა, მარცხენა მხარში დღესაც მაქვს ყუმბარის ნამსხვრევები.

– მითხარი, მითხარი შვილო, რა ვითარებაში, სად? ეს ოხერი და მუდრეგი. ვერ გამოერიდე იმ დასანვავს? სად მიძვრებოდი. თავი გამოიჩინე, ალბათ, როგორც ვიცით ქართველებმა.

– არა ბატონო, რისი თავის გამოჩენა. ისეთნაირად შემემთხვა, სალაპარაკოდ რომ არ ღირს. ქაბულიდან სამოცდაათ კილომეტრში იდგა ჩვენი ნაწილი. სოფლის სახელის, არ გენყინოთ, დასახელების უფლება არ გვაქვს – სამხედრო საიდუმლოა. ჩვენ მალლობზე ვიყავით გამაგრებული. ქვევით პატარა დაბა იყო. გვებრძოდნენ ნამდვილად, ა, ნამდვილი ომი რომ გინახავთ.

– როგორ ნამდვილი ომი. ან შეიარაღება სად ჰქონდათ, ან გამოცდილება, რეგულარულ არმიას რომ გამკლავებოდნენ.

– ყველას ეგრე ჰგონია. შეიარაღება ჩვენზე ნაკლები როდი აქვთ და არც ომის საქმეში არიან ხამები. ერთი სიტყვით რომ იტყვიან, გააფთრებულ წინააღმდეგობას გვინევდნენ.

– რას ჰქვია წინააღმდეგობას?

– სოფელში შესვლა გვინდოდა და არ გვიშვებდნენ.

– თქვენ ალბათ ადგილობრივი ჯარის ნაწილებს ეხმარებოდით ხომ?

– ვერ გეტყვით, ბატონო. წელიწადნახევარი ვიომე ავლანეთში და ადგილობრივი ჯარისკაცი თვალით არ მინახავს. ავლანეთს ჯარი როგორ არა ჰყავს, მაგრამ ისინი, ალბათ, სხვა ადგილებში იბრძოდნენ.

– აბა თქვენ რატომ იღებდით სოფელს, რატომ უნდა შესულიყავით?

– ბრძანება გვექონდა. ზოგ დაბა-სოფელში რევოლუციის მტრები არიან გამაგრებული და მათგან სოფელი უნდა გაგვეწმინდა. ავლანელ ხალხს ვესმარებოდით კონტრრევოლუციასთან ბრძოლაში, ისინი დუშმანებს ეძახიან.

– მერე?

– დუშმანის და არადუშმანის გარჩევა, პატივცემულო, იქ ძალიან ჭირს. დიდი და პატარა ისვრის. ქალი, კაცი – არაა გარჩევა. ამნაირი ზიზლი, რასაც ისინი ჩვენს მიმართ ამჟღავნებდნენ, არც გამიგონია. წყლის დასალეევად წყაროსთან წახრილს თუ წაგასწრებდნენ, ქვას გდრუზავდნენ ზურგში. ღამე ეპარებოდნენ ჩვენს კარებს და ცეცხლს უკიდებდნენ.

– დუშმანები?

– ასე ვთქვათ. დუშმანები კი არა, მე მგონია, სხვებიც, მოსახლეობაც.

– კი, მაგრამ თქვენ ხომ დასახმარებლად იყავით ჩასული?

– ეს ჩვენ ვიცოდით ასე, მაგრამ იქ ყველამ კი არ იცოდა. ბნელი ხალხია. როგორც მტრებს და დამპყრობლებს, ისე გვიყურებდნენ.

– განაგრძე, განაგრძე ხელის ამბავი.

– ჩავინიეთ ცოტა სოფლისკენ, აგვისტოს ჩვიდმეტი იყო, რა დამავინეებს. თორმეტ საათზე ისინი ლოცულობდნენ. დრო შევურჩიეთ და გავუხსენით ცეცხლი. მიატოვეს ლოცვა და გვიპასუხეს. მაგრამ აშკარაა, არ არიან ბრძოლის ხასიათზე, კანტი-კუნტად, აქა-იქ ისვრიან. გული მოგვეცა და ერთი, დაახლოებით სამას მეტრზე ჩავინიეთ. თქვენ წარმოიდგინეთ, პატარა ხევიც კი გადავლახეთ. უფრო სწორად, მშრალ ხევში დავბანაკდით. სადილობას ბევრი აღარაფერი აკლდა, სოფლის მხრიდან ჩალმიანი, წვერცანცარა მოხუცი რომ გამოჩნდა. ორივე ხელში მალლა შემართული თეთრი ბაირალი უჭირავს და მოაფრიალებს. დურბინდში კარგად ვხედავთ მის დანაოჭებულ სახეს, შიშველ ფეხებს და მომღიმარ სახეს. არ ესროლოთო, ოცეულის მეთაურმა. რა ბრძანება გვინდოდა, ისედაც არ ვესროდით, ჩვენსკენ თეთრი ბაირალით მომავალ შეუიარაღებელ მოხუცს. მოახლოვდა – „რუს! რუს!“, იძახის და თეთრ ალამს მოცეკვავესავით ათამაშებს. მოვუშვით ახლოს. „კაპიტან! კაპიტან!“ – ყვირის. კაპიტანთან მიმიყვანეთო. ჩამოვუშვით ხევში. წყალი მოითხოვა. მათარა მივანოდეთ. წესია, უფროსთან მიყვანამდე მოენე უნდა გაიჩხრიკოს. ზემდეგი პანჩენკო გვყავდა, ცხონებული, ზურგზე ხელი შეახო თუ არა, საშინელმა აფეთქების ხმამ გააყრუა იქაურობა. რამდენიმე ხელყუმბარა ერთად ააფეთქა იმ ოჯახქორმა. თვითონაც ხომ ნაფ-

ლეთებად გაფრინდა ჰაერში და შვიდი ჩვენი ბიჭი იმსხვერპლა. მე ცოტა მოშორებით ვიდექი და ნამსხვრევები მომწვდა.

– კიდე კარგად გადარჩენილხარ.

– თუ ამას გადარჩენა ჰქვია. საოპერაციო ვარ ერთხელ კიდეც. მეოთხე ოპერაცია ვერ გაბედეს ჰოსპიტალში. სისხლი ბევრი დავკარგე და ძალიან ვიყავი დასუსტებული.

– როდის ჩამოხვედი?

– ახლა, აგერ, მაისში. საერთოდ ავლანეთიდან სექტემბრის ბოლოს. მარა მერე ჩვენს სამხედრო ჰოსპიტლებში ვინექი, ხან სად და ხან სად. ჯერ წინადადება გავარჩიო, პატივცემულო?

– არ გინდა არაფერი. მომეცი საგამოცდო. ა, ბატონო. მითხარი ორი სიტყვა კიდეც, თუ ძმა ხარ. როგორ უყურებ შენ ახლა ამ ამბავს, საერთოდ.

– რა მინდოდა ავლანეთში, ბატონო. ბრეჟნევის კისერზე იყოს ჩვენი ცოდვა. ჩვენ ვეძახდით ჩვენს თავს „ავლანეთის მთავრობის და ხალხის მიპატიჟებულებს, ინტერნაციონალური ვალის მოსახდელოდ ჩასულებს“, თორემ მთელი დანარჩენი მსოფლიო დამპყრობლებს გვეძახდა. მართალია, პოლიტიკაში დიდად ჩახედული არა ვარ, მაგრამ არც ისეთი უტუ ვარ, ამას ვერ ვხვდებოდე. არავინ არავის იწვევს, პატივცემულო, მოდი და დამიპყარი, თუ ღმერთის გნამსო. ასე მიგვიპატიჟა ვითომ ვიეტნამმაც, კამპუჩიამაც, ჩეხოსლოვაკიამაც, უნგრეთმაც და პოლონეთმაც. ახლა ჩვენ ინტერნაციონალისტებს გვეძახიან და შეხვედრებს გვინყობენ. ვიცი, გავა დრო და შემრცხვება ამ ჩემი დაკარგული მარჯვენის გამო. რა გვინდოდა ავლანეთში? ანდა რა მჭირდა საინვალიდო და საშეღავათო. მრცხვენია პირდაპირ, თქვენს დაწერილ ოთხიანს რომ ჩავყურებ ახლა. მე ვაჟკაცობაზე ვდებ თავს, პატივცემულო, სამონყალოდ ღმერთმა ნუ გამიხადოს საქმე. ცოტა რაღაც ვიცი, მე მგონია, მკითხეთ. ჯერ წინადადება გავარჩიო?

\* \* \*

ისევ „ნუგეშის“ სარედაქციო ფოსტიდან: ზუგდიდელმა მწერალმა კალე ქირიამ ახალი ნოველა გამოგვიგზავნა:

„სოფელ საქვაბიას საშუალო სკოლის ისტორიის მასწავლებელმა, სამოციოდე წლის, წარბეზიან-ჰალსტუხიანად გამოხუნებულმა, დიდთავა კაცმა, გაკვეთილებზე დაყენებული ყიყინა ხმით მითხრა:

– ყველაფერი მომწყინდა, ბატონო. არ დაიჯერებთ და სკოლაში შესვლაც აღარ მინდა. გემო დაკარგა ყველაფერმა. ისტორიას რომ ვუხსნი ბავშვებს, ისე ამაყად ველარ ვლაპარაკობ. რაღაცნაირი

დროა. მე თვითონ აღარ მჯერა ბევრი რამის. ასე მგონია. ვილაცა მოგვყვებოდა ოცდაათი საუკუნე და ძალით გვალამაზებდა. წიგნში სხვა სწერია, გამოხვალ გარეთ და ღალატით, ძმაზე წაწვეთ, შურით სავსე ცხოვრებას რომ შეეჯახები, გული გიტყდება. არა და, მე მგონია, ერს საბოლოოდ მაშინ ეღება ბოლო, საკუთარ ისტორიისადმი რწმენას რომ დაკარგავს და თავის გუშინდელ დღეს ეჭვით შეხედავს. თქვენ წარმოიდგინეთ, მონაფეებიც ის მონაფეები აღარ არიან, გაფართოებული თვალეებით რომ მისმენდნენ და ლამის ყლაპავდნენ ჩემს ყოველ სიტყვას. ისინიც, ჩემი არ იყოს, გადასხვაფერდნენ. აგერ გეტყვით ერთ მაგალითს: ამასწინათ კობცასთავის შეთქმულებაზე ვატარებდი გაკვეთილს. ვუამბე, რაც შემეძლო, რაც ვიცოდი ცოტნე დადიანის გმირობაზე. რას ეტყვი უკეთესს. ერთი ბუცხრიკიძე მყავს კლასში უბედურნახევარი: რა გმირობაა თაფლის წასმა და მზეზე დაჯდომა, პატივცემულოვო. არც იმ მონღოლს გაუწირავს მაინცდამაინც შეთქმულები, თვარა უარეს სასჯელს მოიგონებდაო. ესეც არ იყოს, ცოტნე დადიანს სხვა გზა არ ჰქონდაო. თაფლი რომ არ წაესვა და თანამოძმეთა ხვედრი რომ არ გაეზიარებინა, გამცემის სახელი არ აცდებოდაო.

ორმოცი წელია ისტორიას ვასწავლი და ჯერ ასეთი შემთხვევა არ მქონია. გავბრაზდი. რა თავს იგდებ, ბუცხრიკიძე, მე ვუთხარი, თქვენი იმედი უნდა გვექონდეს? თქვენ ხართ ცოტნეს გმირობის გამმეორებელი-მეთქი? ყველაფერზე შეიძლება მასხრობით ლაპარაკი-მეთქი? მე არ ვზუმრობ, პატივცემულოვო, არ შემეპუა ბუცხრიკიძე. შენ იცი და ქართველმა ხალხმა არ იცის რვაასი წელიწადია ცოტნეს გმირობას რომ დიდებით მოსავს-მეთქი? ცოტა მაღალფარდოვანი პასუხი გამომივიდა და ბუცხრიკიძემაც დაკარგა ჩემთან კამათის ხალისი, მაგრამ, თქვენ წარმოიდგინეთ, სამასწავლებლოში რომ შევბრუნდი, მე თვითონ გადამედო ბუცხრიკიძის ეჭვი და დღემდე იმ ეჭვისაგან თავი ვერ დამიღწევია.

ბუცხრიკიძისაგან არ მიკვირს, არცოდნით მოუვიდა, თქვენ კი ისტორიის მასწავლებელს არ გეპატიებათ-მეთქი. ჯერ ერთი, მონღოლი შეთქმულებს მხოლოდ თაფლის წასმით და მზეზე დაყრით კი არ სჯიდა, ამ მეთოდით მათს გამოტყუვას აპირებდა და აღიარების მერე არცერთ მათგანს სიკვდილი არ აცდებოდა-მეთქი. ასე, რომ თაფლის წასმით ცოტნე დადიანმა ჯალათის მახვილსაც შეუშვირა კისერი-მეთქი. რაც შეეხება თაფლის წასმას და მზეზე დაჯდომას, ეს უძველესი და უსასტიკესი აღმოსავლური სასჯელი გახლავთ, თაფლში ბუზები კვერცხებს დებენ, კვერცხებიდან მამინვე მატლები იჩეკებიან და ადამიანის ცოცხლად ჭამას იწყებენ-მეთქი.

მადლობელი ვარ, ბატონო, თქვენ ახლა, დაუფარავად უნდა გითხრათ, თვალი ამიხილეთო. სწავლა, მართლაც, რომ სიბერემდე ყოფილა. აგაშენათ ღმერთმა, ანი მე ვიციო.

ეს საუბარი ათი წლის წინათ შედგა.

გადავიკითხავდი ამ ჩანახატს და ისევ უფრაში ჩავაბრუნებდი. გამოქვეყნებას არ ვჩქარობდი. ვგრძნობდი, რალაც აკლდა. მე, ცოტა არ იყოს, პრეტენზიულად გამოვიყურებოდი, ხოლო მასწავლებელი გულუბრყვილოდ.

წლეულს, გაზაფხულზე, ისეთ სურათს წავანყდი, ამ ნოველის ფინალად უკეთესს რომ ვერ ვინატრებდი:

სამეგრელოს ერთ სკოლაში შეხვედრა მომიწყვეს.

კონცერტი სკოლის ეზოში გაიმართა, რაკილა კლუბი არ ჰქონდათ.

ერთ-ერთ ნომრად მოსწავლეებმა „ცოტნეს გმირობა“ წარმოადგინეს.

მათრახიან-ჩალმიანმა მონღოლებმა სუსტ ლორთქო ბალახზე ათიოდე შეთქმული გამოათრიეს, დააჩოქეს. წელზევით გააშიშვლეს, ალაგ-ალაგ თაფლი წაუსვეს, მინაზე დაყარეს და თვითონ ჯალათები ოთხკუთხივ ტაბურეტის სკამებზე ჩამოსხდნენ სეირის საყურებლად.

ზუსტად მახსოვს, თვრამეტი მარტი გახლდათ.

ცივი, ღრუბლიანი დღე იყო. ოდნავ ცრიდა კიდეც.

ცოტა ხანში ცოტნემ შემოირბინა. შუბლზე ხელი მიიღო, თავის მოძმეები ამ დღეში რომ ნახა, ვაჰმეო, ამოიგმინა. ფარჩა-ახალუხი მოისროლა, თაფლი წაისვა და დასჯილებს შორის ინახით ჩაჯდა.

იქეთ ნოინი და მისი ნაზირ-ვეზირები რალაცას ჩურჩულებდნენ, აქეთ კი თაფლსმულნი ეყარნენ.

დასჯის ეფექტი მაინც არ შედგა.

ბუზი ნამლად რომ გეძებნა, არსად იყო.

დრო გადიოდა. კიდეც უფრო აცივდა. დასჯილები ნელ-ნელა წამოჯდნენ ტანზე ხელის სმითა და კანკალით. ვილაცამ ცოტნეს როლის შემსრულებელს ლაბადა მოახურა. მაყურებლებში აქა-იქ ფხუკუნი გაისმა. მარტო ერთი ლურჯთვალეა თხუთმეტიოდე წლის ბიჭი ინვა გაუნძრევლად ცივ ბალახზე და ლამაზი, ცისფერი თვალეებით ღრუბლიან ცას აჰყურებდა.

ჩემს უკან, ჩინარების ბუნებრივი კულისებიდან მოხდენილი ქალი გამოვიდა ცალ ხელში მოსწავლის ჩანთა ეჭირა, მეორეზე ტანსაცმელი ჰქონდა გადაკიდებული.

– ძიკი! – დაუძახა მინაზე გაშხლართულ „შეთქმულს“.

ძიკიმ არ მოიხედა.

ქალმა სერთუკი ისროლა და ზედ გულზე დაუგდო.

– დაიფარე, დედა, ეს. გაცივდები!

ძიკიმ თავაუნეველად უკან გადაუგდო სურთუკი.

მაყურებელი ისევ შეჩოჩქოლდა.

– ქვეშ მაინც დაიფინე, ბიჭო, გეხვეწები!

წრიალებდა ძიკის დედა.

ძიკი არ განძრეულა.

– ძიკი! გაცვივდები, შე სასიკვდილე, წამოჯექი და ისე იყავი, დედა. არ გესმის ძიკი შენ?!

– ასეა როლში. დამანებე თავი – კბილებში გამოსცრა ძიკიმ.

– ჩაიცვა ყველამ, დედა, მარტო შენ გაქვს ასეთი როლი?! ძიკი! არ გესმის ხომ ჩემი, ნახე რას გიზამს ამ საღამოს მამაშენი, მოხვალ სახლში, ძიკი შენ!

ძიკი არ განძრეულა.

ამასობაში ლაბადამოსხმულ ცოტნე-მოსწავლეს ნიონთან უხმეს, მაგრამ მე მათი საუბარი არ მომისმენია, ჩემი არსება მთლიანად ძიკისკენ და გნოლივით აფრთქილებული, მისი გამწყრალ-გაბრაზებული დედისკენ იყო მიმართული.

მინაწერი: ეს იყო სულ, ძვირფასო მკითხველო. ეს გახლავთ ათი წლის წინათ შეწყვეტილი ფიქრის გაგრძელება და ჩემი აზრით პასუხიც ისტორიის მასწავლებლის კითხვაზე.

– შეძლებენ თუ არა თანამედროვე ქართველები ცოტნე დადიანის გამირობის გამეორებას.

\* \* \*

კითხვით ვკითხულობ, როგორ არ ვკითხულობ, ბატონო გელა, შენს ნაწერს, თუ სადმე წაგანყდი, რასაკვირველია, მაგრამ გითხრა სიმართლე, გულს არ ხვდება.

ასე მგონია, თქვენ, მწერლები ავი ფიქრებიდან ჩემს გამოყვანას, ჩემს გართობას ცდილობთ და მეტი არაფერი.

კარგია ხუმრობაც, ირონიაც, თავშესაქცევი ისტორიებიც, მაგრამ ახლა არაა ამის წერის და მით უმეტეს კითხვის დრო.

შენს ნოველებს სხვა მკითხველი სჭირდება: ნერვებდანყნარებული, გალაღებული... რა ვიცი, რანაირი.

გული დამწყდა, წელან რომ ბრძანე, სადღაა მკითხველიო, სულ ტყუილად ვჯახირობ და ვათენებ ლამეებს, აღარაფერს თქვენ აღარ კითხულობთო.

თუ გიფიქრია იმაზე, რომ იქნება მთლად ჩვენი ბრალიც არ იყოს ეგ ამბავი.

მე, დამარცხებული, გალახული, დაჩოქებული ხალხის შვილი, გადავშლი შენს წიგნს და იმის მაგივრად, რომ რალაც გულის მო-

საფხანი მითხრა, იმედისკენ შემაბრუნო, რას მელადავები, შე კაი კაცო.

შენს ხასიათზე ვარ თუ არა, არ უნდა მკითხო?

ვერ მოვიშორე, ბატონო, ვერა, დამარცხებულის სინდრომი.

ეს თორმეტი წელია წელში მტებს ჩვენი სამარცხვინო გამოქცევები აფხაზეთ-სამაჩაბლოდან და მიწაში მიმათრევს.

რანაირად-მეთქი, კაცო, ჩემს თავს ვეუბნები, ცხინვალში აგერ ა, გუშინწინ ჩვენი ორმოცდაათი პინგვინის დაჩოქების შემყურე. ხალხი, რომელსაც ცოტნე დადიანი, დიმიტრი თავდადებული, მღვდელი თევდორე, სამასი არაგველი და გია აბესაძე ჰყავს, ასე როგორ დადედლ-დაგლახავდებოდა-მეთქი. შენ რომ მწერალი ხარ, რალაცა იმნაირი მითხარი. შეუძახე შენს ერს, შეანდჯრიე, გამოალვიძე, შიში განდევნე მისი არსებიდან... ეგება მთლად განწირული არა ვარ, შენც იფიქრე და მეც მაფიქრებინე.

მე ისტორიკოსი გახლავარ, ორ ამბავს მოგიყვები ჩვენი ისტორიიდან.

ერთი შედარებით ახალია, მეორე – უფრო ძველი.

ნახე, დააკვირდი, იქნებ რამეში გამოგადგეს. ერთ-ორ მწერალს მოვუყევი, მაგრამ არაფერი დაწერეს.

ეტყობა, ვერ მოირგეს ენა-კალამზე.

მაშ, ასე:

ოსვენციმის საკონცენტრაციო ბანაკი გაგონილი გექნება. გერმანელთა ყველაზე მკაცრრეჟიმიანი, გამართული, სისასტიკით გამორჩეული ბანაკი იყო.

სიკვდილის ამ უზარმაზარ ქარხანაში, როგორც იუნყებიან, ოთხ მილიონნახევარმა ტყვემ გაიარა შრომა-გასწორების გოლგოთის გზა. მათგან ოთხმოცმა პროცენტმა იქვე დაასრულა სიცოცხლე. ვინც გადარჩა, სამუდამოდ დახეიბრებულ-ტრავმირებული დახანხალებდა ერთხანს.

ახლა, რასაკვირველია, არცერთი მათგანი აღარ იქნება ცოცხალი.

1943 წლის ივლისში ოსვენციმიდან თერთმეტმა ქართველმა სამხედრო ტყვემ მოახერხა გაქცევა.

ბანაკიდან გაიქცნენ, მაგრამ, რად გინდა, ზონიდან გასვლა ვერ შეძლეს.

ორ დღეს იმალებოდნენ ტყე-ჭაობში და ორი დღის მერე თერთმეტივე დაიჭირეს.

საგანგებოდ განვრთინლ გერმანულ ავიარკებს სად გაექცეოდი.

ცემა-ტყეპით მილალეს უკან, ბანაკში, იმ სალამოსვე „გაასამარ-თლეს“ და თერთმეტივეს დახვრეტა მიუსაჯეს.

ყველაფერი დამთავდა.

გადარჩენის იოტისოდენა შანსიც აღარ არსებობს.

თერთმეტივე ერთ საკანში შეყარეს ფაშისტებმა და, თქვენ როგორ ფიქრობთ, სხედან ქართველი ტყვეები და ზღუქუნებენ? არამც და არამც.

საკნიდან მხიარული ლაპარაკი, გადაძახ-გადმოძახება და, რამაც ფაშისტი გუშაგები სულ გააგიჟა, – უტკბილესი ქართული სიმღერა ისმის.

ისტერიულად, ტირილგარევიტ, მრისხანებით და ღრიალით კი არა, მშვიდად, ხმაშენწყობილად, ლამის აუღელვებლად მღერიან, ისინი, ვინც გამთენიისას, ასე 6-7 საათზე, უნდა მიაყენონ კედელთან და დახვრიტონ.

შუალამისას ბანაკის მთავარი ექიმი ოტო შვარცი პატრულის თანხლებით განწირულთა საკანს მიადგა და სიკვდილმისჯილი ლევან წერეთელი გამოიძახა.

შეიყვანა, შენ ხარ ჩემი ბატონი, იქვე, სამორიგეოში და რუსულად ეუბნება:

მეო, თბილისის უნივერსიტეტში ომამდე ლექციებს ვკითხულობდი და ბერიას მოედანზე ვცხოვრობდიო. მამაშენი კიმოთე-კიმა წერეთელი მაშინ ასისტენტად მუშაობდა და გერმანულს ვასწავლიდიო. ბევრი პატივისცემა მახსოვს მამაშენისგან. შენ არ გიცნობდი, მაგრამ საბუთები რომ გადავათვალიერე, მამის სახელიც რომ არ გამეგო, გაჭრილი ვაშლივით ჰგავხარ კიმასო. მოსვენება დავკარგე. რა პირით მოვანერო ხვალ შენი დახვრეტის ოქმს ხელიო. ბანაკის უფროსმა ვერ გადამინყვიტა შენი საკითხი და „ბრიგადენფიურერთან“ გავვარდი. როგორც იქნა, მივალნიე შენთვის დახვრეტის მუხლის მოხსნის და მაიდანეკში გადაყვანის ბრძანებასო.

ამას ყველაფერს თავჩაქინდრული ისმენს ლევან წერეთელი.

სიხარულის ნიშანწყალი არ ეტყობა.

დიდი მადლობა, მონყალეო ხელმწიფევე, მაგრამ ვერ ვიჩუქებ სიცოცხლეს თქვენგან, ჩემი გადარჩენა უსინდისობა იქნება იმ ათი ჩემი თანამოძმის წინაშე, ხვალ რომ დასახვრეტად წარსდგებიანო.

გაგიჟდა, თურმე, გერმანელი: რა დროს სინდის-რევერანსებია, ნუთუ თავი არ გეცოდებო.

დიდი ხვეწნის შედეგად, ერთ რამეზე დაითანხმა: შებრუნდი კამერაში და აუხსენი ყოველივე, დარწმუნებული ვარ, ისინი შენს გადარჩენაზე უარს არ იტყვიანო.

როცა დაბრუნდა და უამბო ბიჭებს, რაც მის თავს ხდებოდა, კამერაში დიდი ბჭობა არ გამართულა.

ყველა ქართველი ერთხმად ურჩევდა გასვლას.

ჩვენ მაინც აღარაფერი გვიშველის და, შენ თუ საქართველოში ჩასვლა მოგინია, ჩვენს ამბავს მაინც ჩაიტანო.



უსმენს ღიმილით ლევანი თანამებრძოლებს.

არ ველოდი ამას თქვენგანო.

ასე თუ გამწირავდით, ვერ ვიფიქრებდიო.

ნუთუ ნამით მაინც დაიჯერებთ თქვენ, რომ მიგატოვებთ და დარჩენილ, გაძალღებულ ნუთისოფელს ისე გავივლი, რომ ჩემი ცოცხლად დარჩენის ეჭვს თავსატეხად დავუტოვებ ქვეყანასო.

ღამის ოთხ საათზე გამოუძახა თურმე ოტო შვარცს. დიდი მადლობა მოახსენა გარჯისთვის და უარი უთხრა.

დილით თერთმეტივე დახვრიტეს.

ეს ამბავი ოტო შვარცის დაკითხვის ოქმში სწერია. ყურნალმა „ცაიტუნგმა“ გამოაქვეყნა 1962 წლის ნოემბრის ნომერში.

მეორე ამბავი ასეთია:

მარტვილის ახლოს, სოფელ თამაკონში, ტეხურგალმა, ფალავების მშვენიერი სასახლე იდგა.

ფალავები, მოგეხსენებათ, ბრწყინვალე თავადები იყვნენ და ლეიქაძემედან სალხინომდე მათი საგვარეულო მამული იყო გადაჭიმული.

სამასი წლის ამბავია.

თავადმა მელიტონ ფალავამ გვიან შეირთო ცოლი და კარგა ხანს შვილი არ ეძლეოდა.

იმედი რომ თითქმის გადაეწურათ, სწორედ მაშინ, მელიტონისა და შორენას ქორწინების მეცხრე წელს ფალავების ოჯახში ბიჭი დაიბადა.

გადარჩა ფალავების სათავადო დინასტია. მემკვიდრე მოუვლინა განგებამ ამ ძირძველ, სახელოვან საგვარეულოს.

ბიჭს ზურაბი დაარქვეს.

ორი წლისა, ჩვეულების თანახმად, გასაზრდელად იქვე, თამაკონში, ღარიბ გლესს – კინი გაბუნიას მიაბარეს.

კინის ორი შვილი ჰყავდა: ხუთი წლის გახუ და ზურაბისკბილა – ბოჩო.

მეჩვიდმეტე საუკუნის დასასრულის სამეგრელო მოგეხსენება.

გაჭირვებამ ავაზაკები მოამრავლა. საქართველოში მანამდე გაუგონარი – ტყვეთა ყიდვა-გაყიდვა გაჩაღდა.

თურქეთიდან შემოპარული თულები იტაცებდნენ, ვისაც მოიხელთებდნენ (უფრო ქალებსა და ბავშვებს) და სტამბულის ბაზარზე ჰყიდდნენ.

ტყვეთა სყიდვაში ქართველებმაც დაიდეს წილი და, რომ არა სოლომონ მეფის მრისხანე ბრძანება ადამიანებით მოვაჭრეთა კოცონზე დაწვის შესახებ, ვინ იცის, კიდევ რამდენხანს შეგვარცხვენდა ეს კანიბალური საქციელი.

კინი გაბუნიას მეუღლე – ღალღა შვილებს საერთოდ მტრედის მზრუნველობით ზრდიდა, მაგრამ, ღმერთო, შეგცოდე, მომეტი-

ბულ ყურადღებას ზურაბისადმი იჩენდა, რადგანაც შავთვალემა ზურაბი ფალავების საგვარეულოს იმედი გახლდათ.

ერთ უბედურ დღეს ხუთმა თურქმა ავაზაკმა ღამით ტეხური გამოტოპა და კინი გაბუნიას სახლს გარშემოეწყო.

ოჯახის უფროსი შინ არ იყო.

ლებარდემი ყავრის საჭრელად იყო წასული.

აბრაგებმა ღალღა ლოგინიდან წამოაგდეს.

ქალს ყელზე ხანჯალი დააბჯინეს და ყურში ჩაუსისინეს;

ნმა არ გაიღო, შენს შვილებს არას ვერჩით, ფალავას ვაჟის გასატაცებლად ვართ მოსული. მოგვეცი სწრაფად და ჩვენს გზას ვენევიტ, თორემ შენ ყელს გამოგჭრით და სამივე ბავშვს თურქეთისკენ წავასხამთო.

შეიძლება არ დაიჯერო, რასაც ახლა, გეტყვი.

ღალღას ბევრი არ უფიქრია; თავისი ბორო ზურაბის ატლასის ახალუხსა და ჩოხა-მესტებში გამოაწყო, მხრებზე პატარა თეთრი ნაბადი მოახვია, ძილბურანში მყოფი ბიჭი გულში ჩაიკრა, ცრემლის ღვრით ჩაკოცნა და თურქებს გაატანა.

ასე გადაარჩინა გლეხის ქალმა ფალავების საგვარეულო უმემკვიდროდ გადაგებას.

ეს ამბავი ალე ხარგელიასგან ჩავინერე თამაკონში 1965 წელს.

ა, ესაა სულ, ბატონო გელა, რაც უნდა მეთქვა.

იქნებ ასეთი ამბების გახსენება უფრო გამოადგეს ჩვენს დაბეჩავებულ თანამედროვეს, იქნებ ამ ისტორიებში უფრო ჩანს ჩვენი ერის სული.

თუ ჭკუაში დაგიჯდეს, უამბე მკითხველს.

მოყოლა და გალამაზება შენი ხელობაა.

\* \* \*

ბატონო გელა,

მე, გითხრა სიმართლე, ახალი ვარ ამ საქმეში.

თბილისში ჭიჭია კვარაკვახიძემ ჩამომიყვანა.

თბილისში ნამყოფი რავა არ ვიყავი, მარა ამ საქმეზე – არა.

ჭიჭიას, რომ იტყვიან, ჭიპი აქვს მოჭრილი პრეზიდენტების გადმოგდებაში.

ორი პრეზიდენტი ნაღდათ ჰყავს დამხობილი და ახლა მესამეზე მუშაობს.

ამ მესამეზე, ქე იცით, ცოტა არ იყოს, ხელი მოგვეცარა.

უფრო მაგარი კაკალი აღმოჩნდა, ვიდრე ჩანდაო, – ამბობს ჭიჭია, მარა იმედს არ კარგავს.

მოკლედ რო გითხრა, ოცდასამ აპრილს, ხუთშაბათს ჩამევედით და პირდაპირ რუსთაველზე, შტაბში გამოვცხადდით.

ცხრას აღარაფერი აკლდა. ღრუბლიან-სუსხიანი დღე იყო, რავ-არც თბილისმა იცის.

ამ დროს ჩვენთან ტყემლის ყვავილობა გათავებულია.

თბილისში კი, ეს რა ვნახე, გაზაფხული თურმე მაისის ბოლოს იწყება.

სამ მებანძრისკურტიკიან ბიჭს მაგიდაზე ფეხშენყობილებს ეძინა. თავები უკან გადაეგდოთ და ერთმანეთში თითებშეყოფილი ხელები მუცლებზე ედოთ.

ქუთაისიდან გახლავართო, სამი გამღვიძებელი დახველების მერე აუნყა მასპინძლებს ჭიჭიამ.

გისმენთო, ერთმა.

თავები, რომ არ მოგატყუო, არ აუნწევიათ.

ჩანდა, დაღლილები იყვნენ.

ჩვენ თვითონ გისმენთო, ჭიჭიამ.

ამ საქმეზე ვართ ჩამოსული და რა გავაკეთოთ, რავა იქნება ჩვენი საქმე, საით ვქნათ პირი, რას დაგვავალებთო.

გამომდგარი რო იქნება კაცი. მაინც რას ნიშნავს გამოცდილება. მარტო რო ვყოფილიყავი, ჯერ ერთი, ვერ გავზედავდი ამგენის გაღვიძებას და მეორეც... დევიწყებდი ლულულს და მიდებ-მოღებ-ბას, რავაც ვიცი საერთოდ.

მე, ჭიჭია ვარ კვარაკვახიძეო, მეტი დამაჯერებლობისთვის დასძინა ჭიჭიამ.

სამეულმა ერთმანეთს შეხედა. ცნობით, რასაკვირველია, ვერ იცვნეს (რევოლუციის საქმეში ან ეგენი იყვნენ ძალიან ახლები, ან ჭიჭია იყო ძალიან ძველი), მაგრამ სამივემ მოიბოდიშა, გვაპატიეთ, გამოცვლილხართ და ვერ გიცანითო.

ეს კაცი იუზა სანდუხაძეა, ჩემი მეზობელი, ჩვენნაირათ მომართული კაციო, გააცნო ჩემი თავი ჭიჭიამ მთავარბანაკის მორიგეებს, რომლებიც, როგორც შევატყვე, არც ჭიჭიას იცნობდნენ და მე – მით უმეტეს.

„მომართულს“ ფიქრით გავეკიდე. რა ჩემი საქმე იყო ჯანყობა და მიტინგობა. როის იყო პრეზიდენტებს ჭიჭიასავით ქვით რო დასვსდევდი, მარა გაცხარებული ცხვარივით მომივიდა.

მეტის მოთმენა ველარ შევძელი.

საპნის ფაბრიკაში ვმუშაობდი, მაქანა, გოჭოურაზე. ორ საპონს და ას ლარს მაძლევდნენ თვეში.

ერთ უბედურ დღეს გამოგვიცხადეს: დეიხურა ფაბრიკა, წაით სახლებშიო.

ვინ დახურა, ასე რანაირათ, სა წევიდეთ, რა ვაჭამო სამ ბალანას-მეთქი?

შენ ჭურში ხვარ გძინავსო, მიპასუხეს, საპნის ფაბრიკა კი არა, ავტოზავოდი, აბრეშუმკომბინატი და სტეკლოტარა დახურეს ამგენმაო.

კი მარა, ე სამი ბოვში რო შიმშილით მომიკვდეს, ვის მოვთხოვო პასუხი-მეთქი.

აი ეს იყო სულ ჩემი გადარევის მიზეზი.

ნელინადი ვითმინე, მივდექ-მოვდექი, მარა რამდენი ჩემნაირი დაბორიანობს და დეისანყლება ქუთაისში.

სადაა საქმე, სადაა სამუშაო... ამევიდა ყელში ამდენი ტყუილი, პარლამენტში ტყუილი, საკრებულოში ტყუილი, მერიაში ტყუილი...

ველარ გოვუძელი და გამოვყევი ჭიჭიას პრეზიდენტის გადმო-საგდებად.

რუსთაველზე ცელოფანშემოკრული, ახალთახალი მშენიერი საკანი დაგვიდგეს მე და ჭიჭიას.

ორფა ლეიბები ზედ ასფალტზე დაგვინყვეს და კარავს „დომს-ვიაზის“ მხარეს დიდი, წითელი ასოებით დაანერეს „19“.

მთელი ღამის ნამგზავრები მივეყარეთ და ქე მიგვძინებოდა.

შუადღისას დინამიკების ღრიალმა წამოგვყარა. ზედ ჩვენი კარვის გვერდზე დაელო პირი „გამაძლიერებელს“ და რუსთაველს აყრუებდა.

ჭიჭია რადიო-მანქანასთან მივიდა.

რადიოს თხანვერა ბიჭმა ყური პირთან მიუტანა.

– დოუნე ცოტა, – სთხოვა ჭიჭიამ.

– ვერ გავიგე? – ყურის მიკროფონი მოიხსნა თხანვერამ.

– დოუნე ცოტა, ღმერთი არ გნამს? – შეევედრა ჭიჭია.

– ბატონო, თქვენ ხომ თქვენს საქმეს აკეთებთ, ასე ვაკეთებ მე ჩემ საქმეს, – აუხსნა დინამიკების „სპეციალისტმა“.

– ცოტა რო დოუნო, რა იქნება, ხალხი ვართ აქანა, დაგვისკდა ყურები, – შერბილებული კატეგორიულობით უთხრა ჭიჭიამ.

თხანვერამ თავი დაუქნია და ზურგი შეაქცია.

დინამიკებს კი ხმა თუ მოუმატა, თორემ მოკლებით ნამდვილად არ მოუკლია.

ყოველდღე ორიდან გვიან სალამომდე გრიალებდა მიტინგი.

ზღვა ხალხი იდგა რუსთაველზე.

ჩვენი მომარაგების საქმე ასეთი იყო: თავიდან დღეში ორჯერ მოქონდათ „სუხიო პაიოკი“ (პური, იაფიანი ძეხვი, მოხარშული კვერცხი, სამი ვაშლი...) და ათი ლარი ფულათ ფული თითო კაცზე. მერე და მერე დღეში ერთხელ დეინყეს „სუხიო პაიოკის“ მოტანა და ბოლოს მთლად შეგვინყვიტეს. ათ ლარს გვირიგებდნენ და უნდა გვყოფნოდა.

გაგვქონდა თავი, რავარცხა იყო.

ჯერ ერთი, საკნებში ხალხი რო შეთხელდა (ჩვენს გასწვრივ ექვსი საკანი ცარიელი იყო), ფულის დამრიგებლებს არ ვუმხედლით: „ახლა აქ იყო, ალბათ პერერივზე გვიდა, დაგვიტოვებ და ჩვენ გადავცემთ“, – ვეუბნებოდით ფულის დამრიგებლებს. ტყუვდებოდნენ თუ თავს იტყუებდნენ, ქე გვიტოვებდნენ ხანდახან სამი-ოთხი საკნის ფულს და მეტი არც გვინდოდა. საჭმელი თავს არ გადაგვდიოდა, მარა არც საუნუნოდ გვქონდა საქმე.

ო, რა ცეცხლს ანთებდნენ ჩვენი „ლიდერები“.

ტყუილია, ჩვენ რომ მიტინგის საქმე ვიცით, ვერავინ დედამინაზე ვერ შეგვედრება.

ისე ომახიანად, ჟრუანტილისმომგვრელად ლაპარაკობდა ყოველი მოქადაგე, რომ მიხდოდა მივსულიყავი და მეთქვა: ცოდოა სააკაშვილი, ცოტა შეიბრაღე. ამ შენი გამოსვლის მერე გადადგომით ხომ უეჭველად გადადგება, მეშინია, თავი არ მოიკლას-მეთქი.

რვაზე მიტინგი რო შეწყდებოდა და ყურები დაისვენებდა, სულს მოვითქვამდით.

მიტინგის მერე იწყებოდა დიდი სახალხო სეირნობა:

„გამარჯვებული ხალხი“ სეირნობდა რუსთაველზე.

იყო ერთი სემიჩკ-ნაყინობია და ჩურჩხელა-კამფეტობია.

ვინ იცის, რა ხნის უნახავები ხვდებოდნენ ერთმანეთს.

ყოველ ფეხის ნაბიჯზე გაიგონებდი: „ეს ერთი კაი მაინც გაათავა გადარეულმა სააკაშვილმა, შენს თავს შემახვედრაო“.

მისაღმება-მოკითხვის მერე ჩასაკნებულებს ჩამოგვივლიდნენ.

ისე გვათვალეერებდნენ, როგორც გალიის ლომებს; შიშით და აღტაცებით.

ხალხის თვალში ქეშმარიტ გმირებად ვჩანდით.

გვამხნეებდნენ, გვეფერებოდნენ, მარა ჩვენ გვერდით ცარიელ საკნებში ღამის გათევაზე თავს იკავებდნენ.

„ცნობადი სახეები“ (ეს ტერმინი აქანა ვისწავლე) გამოჩნდებოდნენ ხანდახან. უკან ტელეგოგუები და აპარატიანი ბიჭები მოჰყვებოდნენ. ჩვენ ბოდიშის მოხდით საკნიდან გამოგვიყვანდნენ. თვითონ შევიდოდნენ, სააკაშვილის მიმართ გუშინ ნათქვამ წყევლა-კრულვას ერთ-ორ წყევლა-კრულვას მიუმატებდნენ და წავიდოდნენ.

ერთი თვის მერე მიტინგები შეთხელდა, მარა შეთხელებული ადგილები საკნებით შეავსეს.

თბილისის ცენტრი საკნებით გეივსო.

ან საკანს სად ამზადებდნენ ასე თათარიახნად, ამ ამდენ ცელოფანს სად შოულობდნენ.

ლამის თორმეტი საათის მერე საკნების ახლომახლო ლოთები და ბოზები დაჩნდებოდნენ. დაბარებულებივით მიადგებოდნენ იმ საკნებს, ვისაც სად ელოდებოდნენ.

მე და ჭიჭია თავს მევიძინარებდით და პირველ ხანებში ვიგერივდით „დოუბატიყებელ სტუმრებს“, მარა მერე და მერე კაცები ვართ და ქე გევიარეთ ლამის გოგუებში (რომელი ცარიელი საკნები არ იყო ირგვლივ, ან ხელს შეგიძლიდა ვინმე). ერთი მაინც იმნაირი ლამაზი იყო და ისე საყვარლად სუნთქავდა (რავარც ახალნამშობიარევი უშობელი), რო მევიძვრე ი დასანვაჟი რეზინა და მევისროლე – რად მინდა, გოგო, შენთან პრეზერვატივი, ლორის გრიპიც რო დემემართოს შენგან, არ ვინაღვლებ, იმნაირი კაი ხარ-მეთქი. მე შენი მეშინია, თვარა ჩემი იმედი გქონდესო, ერთი თვე არ იქნება, რაც ეს საქმე დევიწყეო... რა მოსაყოლი ეს იყო, მარა კაცები ვართ და ყველაფერი ხდება-თქვა, ზეით გითხარი. მართლაც, აშენდა მისი ოჯახი, სუფთა გოგო აღმოჩნდა.

ორი თვე რო გევიდა, ცოტა არ იყოს, შევფიქრიანდით მეც და ჭიჭიაც.

„რაცხა არ გამოდის ისეთი, რავარც გვექონდა ჩაფიქრებულიო, – ამოიხვნეშებდა ხანდახან, – ბოლო პრეზიდენტის ჩამოგდებაზე სად იყო კარვობია და საკნობია, ორ დღეში გათავდა ყველაფერიო“.

„კი მარა, ჩვენ აქანა საკნებში გვიძინავს და ის რაფერ გადადგება იქანა-მეთქი“, – ჩავილაპარაკებდი ჩემთვის.

„გადადგება, გადადგება, შენ ასწავლი ხაინდრავას? მეტი კი არაფერი უკეთებია. ჩვენდენი ცოდნა ერთ ნეკა თითში აქვსო“. – მეტყოდა ჭიჭია და „დამამშვიდებდა“, თუმცა ბოლო დღეებში თვითონაც არ სჯეროდა, რომ ხაინდრავას (ან სხვა, ნებისმიერ ლიდერს) ჩვენზე მეტი ჭკუა ცალ ნეკა თითში ეტეოდა.

ჭიჭიას მობილური ჰქონდა და ათ დღეში ერთხელ მარეკიებდა ცოლთან.

ჩამოვწერე ნათესავ-ნაცნობების სახელები და ვაგზავნიდი ფულის სასესხებლად. რამეფრად გეიტანეთ თავი ნასესხები ფულით, ბევრი აღარ დარჩა, მალე გავათავებთ ამ საქმეს და ჩამოვალ გამარჯვებული-მეთქი, ვაიმედებდი თანამეცხედრეს.

ბოლო დარეკვები სასონარკვეთილებაში მაგდებდა.

ყურმილში გააფთრებული ცოლის ღრიალი კი არა, ხრიალი მესმოდა: „არ ჩამოგიყვანა გამჩენმა მაქიდან! შე უსაქმურო, შე სალახანა! ეს ბოვშეები ჩემია მარტო?! პოლიციაში უნდა მივიდე ხვალ და პატრულს უნდა ჩამოვათრევიო შენი თავი! გაკოჭვის ღირსი ხართ ორივე, შენ და მაგ ლოთი ჭიჭიაც!“

„ქალო, მე საქმე მაქ აქანა, კი არ ვგლახაობ, მიხარია ორი თვე საკანში ჯდომა?!“ – ვიყვირებდი ჩემდათავად, მაგრამ ცოლი ყურმილს გაცილებით უფრო ადრე დაახეთქებდა და ჩემი საბუთიანი მიზეზი, როგორც ჩანს, არ ესმოდა.

ჩემი გამოზრდილი თანამებრძოლი – ჭიჭიაც ნელ-ნელა მეცლებოდა ხელიდან.

რაც ოპოზიციის ბელადებზე გული გაუტყდა, ჭიჭია გულჩათხრობილი გახდა და, ვილას დავუშვალო, სმას მიეძალა.

წავიდოდა, მოიტანდა ერთ ბოთლ არაყს, რაკი მე „საბუტილკნიკად“ ვერ გამოვადგებოდი (არაყს არ ვსვამ), ამოიღლია-ვებდა და სხვა საკანს მიადგებოდა.

ნაშუალამევს ბრუნდებოდა მთვრალი. მიეგდებოდა და დილამდე თავდაღმა ეძინა.

ლოთები საერთოდ დილით ადრე დგებიან და სერიოზული სახეებით გარბიან თავიანთ ლოთურ საქმეებზე.

18 ივლისს რყევამ „გამომალვიდა“. წამოვხტი. ჭიჭია წასულია „პახმელიაზე“ გამოსასვლელად.

გამოვვარდი გარეთ.

ჩვენს საკანს ოთხი გადაუცემელი პატრული დატაკებია და ეჯავჯგურება.

გულმა რეჩხი მიყო.

აქამდე სულ გადაცემული პატრული ჩანდა ჩვენს სიახლოვეს და ახლა რაკი ასე ღიად მოგვვარდნენ, რალაცაშია საქმე-მეთქი.

ამასობაში ამოაძვრეს ასფალტზე პოლის ლურსმნებით ჩამაგრებული ჩემი საკანი და პირველი გიმნაზიის ჩასახვევისკენ მიახრიგინებენ.

მივიხედ-მოვიხედე ასეთ დღეშია სხვა საკნებიც.

რა წყალს ვეცე.

ჭიჭია მაინც ეგდოს აქანა. მე მევერევი პატრულს?

რას შობით! სა მიგაქვთ ე საკანი! ვინ მოგცათ ნება! ჩვენ მშვიდობიანი მესაკნეები ვართ-მეთქი, ვიყვირე მეც, რავარც სხვები ყვიროდენ.

უნდა გადავნიოთო, მიპასუხეს.

რატო უნდა გადანიოთ, გლახათ იდგა აქანა-მეთქი?

სტუმარი ჩამოდის და თვალში მოხვდებაო.

მეიცათ, მეიცათ! ეს საკანი ჩემი კარაა, რა პასუხი გავცე, ვინც ჩაგვაბარა, ვინც დაგვიდგა-მეთქი.

ჩვენთან გამოუშვიო.

კი მარა ასე გესმით, ბიჭო, თქვენ დემოკრატია? არ გრცხვე-ნიათ-მეთქი? ვეცადე ნამუსში ჩამეგდო პატრული.

ჩვენ ასე გვიბრძანეს, თვარა კი არ გვეხალისება ამ სიცხეში თქვენი ჭუჭყიანი ლეიბების თრევად.

რო ნავა სტუმარი, ისევ დაგვიდგამთ ამ კარვებს თავის ადგილზე-მეთქი? წყალნაღებულებით ხავსს ჩავებლაუჭე.

ნადი, ნადი, ბიძია, საქმე ნახეო.

რას ჰქვია საქმე ვნახო, აპა, რას ვაკეთებ აქანა სამი თვეა-მეთქი, ვითომ თავი მევისანყლე.

შენ ლოთიანად, კრუხის თავი ხომ არ გიჭამია. ჩაგვამ ახლა მანქანაში და განრუნუნებ თავივით განყოფილებაში. ერთ-ორ გემოინ ჟაჟს გამოგინერ და გახეხიებ 30 დღეს პარამკასო, – დემემუქრა მხარბეჭიანი პატრული და თვალეში ეტყობოდა, რაც თქვა, იმის გამკეთებელი იყო.

მოვშორდი.

რა მექნა?

თავს ზეით ძალა არ იყო.

...იმ სალამოსვე მე და ჭიჭია ქუთაისში დავბრუნდით.

ჰო, დამავინყდა; წამოსვლის დროს შტაბში შევიარეთ, იღბლად იმ სამიდან ერთი, ბობრი მორიგე დაგვხვდა.

ახლა ასეა საჭიროვო, ასეთი ტაქტიკა და ტრატეგია შევიმუშავეთო. სექტემბერში ისევ დაგიძახებთო.

ჭიჭიას არ ვიცი და მე, ბატონო გელა ჩემდათავად, აქეთ ამ საქმეზე პირს აღარ ვიზამ.

ისე, ჩვენს შორის დარჩეს და არც ეგენი არიან დამძახებლები, ისე შევატყვე ლაპარაკში.



## მეხუთე თავი იყვანიტ სრულ...

უკუეთუ მიუტევენთ თქუნ კაცთა შეცოდებანი მათნი, მოგიტევენს თქუნცა მამამან თქუნმან ზეცათამან.

მათეს სახარება, VI.

შიმშილი, მიუსაფრობა, უილაჯობა, უიმედობა, უსამართლობა, ღალატი, პირთმოთნეობა...

ტყუილი ყოველ ნაბიჯზე უტიფარი ტყუილი...

მონყენილობა, სულისნამღები, გულისგამგლეჯი მონყენილობა.

თითქოს ქვეყანას ჯადოსნური კვერთხი დაჰკრესო, ხალხი ერთბაშად შეიცვალა. დაცვედნებულნი, დამლიერებულნი, შეშინებულნი, რწმენადაკარგულნი, სასომიხდილნი, დინებასმიყოლილნი, ლერწამივით მი და მო მრწენნი, დარეტიანებულნი დააბიჯებენ ირგვლივ.

დღეს რალაციტ თავი რომ არ გავირთო, შევიშლები.

გაუქმებულ საბოილეროსთან მუყაოს ნაჭერი ვიპოვე და დიდი ასოებით წავანერე: „ნაპოვნია ასი ლარი. დამკარგავი მობრძანდეს, X სართ. ბინა 87, ან დარეკოს 23-26-83, კირთაძე“. განცხადება სადარბაზოს შესასვლელთან, გამოსაჩენ ადგილზე, ახალნაყიდი პურის გულით (ცომი აღმოჩნდა) მივამაგრე და კიბე სტვენის გარშემო ავიარე.

ვზივარ და ველოდები.

ნახევარ საათს არ გაუვლია და დაიწყო.

პირველი, მეშვიდე სადარბაზოში მცხოვრები, ნარკომანი ნაურაძე ამოვიდა. ასეც ვიცოდი. სულ ქვევით დგას და მეზობლებს სისხლი გვაქვს გამშრალი მისი გაუთავებელი „სიგარეტის ფული გექნებათ“. ამ შემთხვევას ხელიდან როგორ გაუშვებდა.

– მობრძანდი, დაბრძანდი.

– როგორ გიკითხო, გელა ბიძია. სულ მინდა ამოსვლა, გელა ბიძია. თქვენ სხვანაირად არ მიიღოთ, გელა ბიძია. მე ვთქვი – როგორ არის მეთქი... ის ასი ლარი მამიდამ მაჩუქა, გელა ბიძია. ყველის საყიდლად მივდიოდი. კავსადის ბიჭმა ასანთი მთხოვა. ალბათ, მაშინ ამომვარდა, გელა ბიძია, კიდე კარგი, გელა ბიძია, თქვენ რო გიპოვიათ, აქ ისეთი ხალხი ცხოვრობს, ზოგი არც გამოაჩენდა. ნავიკითხე, გამეხარდა! ასი ლარი, როგორი საქმეა, ცოტა ხომ არ არი. მე აღარ ვიკეთებ, გელა ბიძია. ვსვამ, ხანდახან

და ეგ არის! სმა და წამალი ერთად არ შეიძლება. ღვიძლს შლის, გელა ბიძია.

– შენ თორნიკე გქვია ხომ?

– კი, გელა ბიძია, ისე ლოპეს მეძახიან. მთელი ვაკე ლოპეთი მიცნობს.

– შენგან არ მიკვირს, ლოპე? მე ასლარიანის პოვნის ყისმათი ვინ მომცა. კიდევ რომ მეპოვა, განცხადების გამკვერელი ვიყავი?

– მა, ეს როგორ, გელა ბიძია?

– ვხუმრობ, ვერთობი. წადი, არავის უთხრა.

ჯერ კოპები შეჰკრა, მერე პირი მოერღვა, კბილები ყვითლად გააელვა და ახარხარდა:

– მეც არა ვთქვი... მეც არ დავიჯერე? მე ვთქვი... კაცნი ვართ... ჯიგარი ხარ, გელა ბიძია, მაშ იშაყირე? კარგი რა, ხალხს თავისი ჰყოფნის... ვის არ უნდა ამ ქესატობის დროს ასი ლარი. მე სამარე ვარ. შენ ნახე რა ხალხი მოგაკითხამს... მეც არა ვთქვი! მეც არა ვთქვი...

ბოლო „მეც არა ვთქვი“ ლოპემ რომ ამომძახა, მეშვიდე სართულს ჩაცილებული იყო.

ზარი. ვინ იქნება მეორე? გაუჭვრეტავად გავაღე. პენსიონერი ბონდო მუშლაძე. ძლივს სუნთქავს. რამ ამოიყვანა მეთაე სართულზე. სკამი გავუწოდე, დაჯდა და შუბლი სალათისფერი, შავხაზებიანი ცხვირსახოცით შეინმინდა.

– რამ შეგანუხათ, ბატონო ბონდო?

– დავებრდი ეს ოხერი და თავს აღარ ვუტყდები. მეთაე სართული რა იყო, ფუნიკულორს ავირბენდი გაუჩერებლად. ორჯერ დავისვენე. გავიბერე კაცი. კიბეებზეცაა დამოკიდებული, რომ იცოდე. ამ ჩვენს სახლს რალაცნაირი, მძიმე კიბეები აქვს. თან, მე ვთქვი, ალალი კაცია კირთაძე, არ ავიდეს ვინმე აფერისტი და არ უთხრას; მე დავკარგე და მომეციო. რას ეტყოდი, უნდა მიგეცა. კაცმა თვითონ არ უნდა იკადროს, ხომ მართალი ვარ?

ბონდო მუშლაძე, შეიძლება გახსოვთ, კომუნისტების დროს ტელევიზიით ორჯერ გამოაცხადეს რუბრიკით „არ ენდოთ“, როგორც აფერისტი და გამომძალველი. მისაღები გამოცდების დროს აბიტურიენტების ცხვარ-მშობლებს ატყუებდა. მერე თბილისში სტუმრად ჩამოსულ უზბეკს სასტუმრო „საქართველოს“ კიბეებზე დაფენილი ხალიჩა მიჰყიდა და სამი წელი მისცეს. რომ გამოვიდა, მაკლერობა დაიწყო. ჩვენს სახლში სამჯერ გამოიცვალა ბინა. ჯერ სამოთახიანი გაყიდა და ოროთახნახევრიანში გადავიდა. მერე ოროთახნახევრიანი ისევ სამოთახიანზე (ულოჯო) გადაცვალა და ახლა ოთახნახევრიანში ცხოვრობს მეხუთე სადარბაზოში. სართული არ ვიცი, ვერ მოგატყუებთ.

– მაშ, თქვენ დაკარგეთ ეს ასი ლარი, ბატონო ბონდო?  
– ნამდვილად. ფიცი რა შუაშია თქვენისთანა ადამიანთან, თორემ თუ გნებავთ, ხატზე დავიფიცებ. ტყუილს ვიკადრებ მე? პენსია ავიღე გუშინნინ. ვერც გეტყვი, სად ამომვარდა.

პენსია? სხვა რამ ეთქვა ამ დალოცვილს. თითქოს არ ვიცოდე, რომ პენსია, ვისაც მაღალი აქვს, იმისიც არ შორდება ოცდათორმეტ ლარს და ბონდოს დიდი-დიდი ოც ლარზე მეტი არ ექნება.

– რამდენიანი იყო, თუ გახსოვთ?

– როგორ რამდენიანი?

– ასლარიანი იყო, თუ კუპიურები სხვადასხვა?

– ასლარიანი.

– ასლარიანი, შოთა რუსთაველი რომ ახატია?

გამჭოლი მზერა მესროლა, კომუნისტების დროის ნააფერისტაღმა პროფესიული ალლოთი ამოიკითხა ჩემს სახეზე, რომ ასლარიანი არ მიპოვნია.

– არა, დახურდავებული იყო.

– მაინც? არ გენწყინოთ, რომ გეკითხებით, ამას მნიშვნელობა აქვს, ბატონო ბონდო.

– ორმოცდაათლარიანი იყო ერთი, მეორე ოცლარიანი და ათლარიანები, მე მგონი, ხუთლარიანებიც ერია.

პაუზა.

– ვწუხვარ, ბატონო ბონდო, მაგრამ, ჩანს, ძეხვის გაგრძელება მოგიწევთ. ალბათ სხვაგან დაკარგეთ სადმე, ჩემი ნაპოვნი ორლარიანების დასტაა. არცერთი სხვა კუპიური არ ურევია.

ნამოდგა. გამშრალი, განზილებული. სწრაფად მოეგო გონს და კულტურის სახლის დრამწრის არტისტის ყალბი ინტონაციით მითხრა:

– ოო, მაშინ, ნამდვილად სხვისი ყოფილა. მე ორლარიანები არ მქონია, ტყუილს ვერ ვიტყვი, სხვისი ღმერთმა მაშოროს. მე მგონია, უფრო ვაკის პარკში დავკარგე. გუშინ საღამოს, ძალით გამიყვანა ბაბუნაშვილმა. როდის იყო სასეირნოდ დავდიოდი. იქ დამრჩა სკამეიკაზე. ხელში მეჭირა, ჯიბიდან არ ამომვარდეს მეთქი. ვინ გამოგიჩინეს ას ლარს. ხალხი გამწარებულია... კარგად ბრძანდებოდეთ.

– კარგად, ბატონო ბონდო. ფრთხილად ჩადით.

– არამიშავს, ჩავალ, როგორც იქნება. ამოსვლა მიჭირს, თორემ ჩასვლით ჩავდივარ, კარგად.

– ბოდიში, ბატონო ბონდო.

ჩემს „ბოდიშს“ არ გამოპასუხებია. ნელა, ჯოხის კაკუნით დიდხანს ჩადიოდა კიბეზე. ღია კარებში ვიდექი და ინდურ თეთრ სპილოზე ვფიქრობდი რატომღაც.

ნასადილევს (ამ სიტყვამ მატერიალური შინაარსი დაკარგა და მხოლოდ დროს გამოხატავს) ჩემს სადარბაზოში მცხოვრები გეოგრაფიის მასწავლებელი აგრაფინა ვანაძე მესტუმრა.

სველ ტილოზე საეჭვოდ დიდ ხანს უსვამდა ფეხსაცმელებს. იქნებ მე მომეჩვენა. ყველაფერს ეჭვის თვალთ ვუყურებ, ცოტა დამორცხვებული თუ შეცბუნებულიც იყო.

აგრაფინა მარტოხელა ქალია. სულ სამიოდე თვე ჰყოლია ქმარი მეშვიდე ხუთწლედის ბოლოს. სამი თვის შემდეგ გაქცევია, მისთვისაც დღემდე გაურკვეველი მიზეზის გამო. მშვიდი, პატიოსანი ქალია. სადარბაზოს კრებაზე ყოველთვის ჩუმიდაა. ლიფტის გადასახადს არ იხდის. მეო, ლიფტით არ ვსარგებლობო.

თქვენ? თქვენც ქალბატონო აგრაფინა?

– შემობრძანდით, არა უშავს... ნუ წუხდებით... არ გაიძროთ ფეხზე ქალბატონო აგრაფინა... როგორ გეკადრებათ, მაინც დასვრილი მაქვს იატაკი.

ფეხზე გახდა, როგორც იქნა, გადავაფიქრებინე.

დაჯდა თუ არა ცალსპირალდამწვარ ელექტროლუმელს მიაჩერდა.

– ვარგა ეს, ათბობს?

– ამ ოთახს ჰყოფნის გაჭირვებით. სხვას არ დავეძებ.

– მაინც არ გათავდა ეს ზამთარი.

– წინ ნასესხებია და სუბსარქის რომ ეძახიან სომხები.

ამკარაა ჩემი ლუმელის ძალის გასაგებად არაა მოსული.

– დაბნეული ვარ, რაღაც, ამ ბოლო დროს. შეიძლება სიცივის ბრალიცაა. უწინ ისე მობილიზებული ვიყავით რას დავკარგავდი, სხვას ვაფრთხილებდი პირიქით. გადასახურდავებლად მიმქონდა. ჩემი ფული ყოფილიყო. რაცხა ჭირად, ლატარიის თამაში წამოვიწყეთ სკოლაში. მეგონა, ტროლეიბუსში ამომაცალესმეთქი. რომ წავიკითხე, სიხარულით ცას ვენიე. ასი ლარისთვის, კაცმა რომ თქვას, კი არ ჩამომახრჩობდნენ, მაგრამ მაინც როგორი საქმეა სხვისი ფული, უწინ, ასეთი შემთხვევის დროს, შეგიგროვებდნენ, ახლა ვინ შეგიგროვებს, ყველას თავისი თავი უჭირს დღეს...

რა ვქნა ახლა, როგორ ავარიდო ქალბატონ აგრაფინას უხერხული სიტუაცია.

– ოღონდაც... ოღონდაც... ეს დაბნევა და არეულობა დრომ მოიტანა... ეკონომიურმა სიდუხჭირემ (ვფილოსოფოსობ), ხელისუფლების ბრალიცაა. თქვენ მარტო როდი ხართ ასე. საერთოდ დაბნეული ვართ ყველა. ამ დილით ბონდო მუმლაძეს ასი ლარი დაუკარგავს. ხომ იცნობთ ბონდოს, მეხუთე სადარბაზოში ცხოვრობს.

– გამიგია კი, – განზე გაიხედა. ღანვები შეუთეთრდა.

– ახლა იყო. ათი წუთია წავიდა. პურზე გავედი და კიდეც კარგი მე ვიპოვე. მაშინვე განცხადება გავაკარი. რაც მე ბონდომ მლოცა, ფული რომ დავუბრუნე. ასი ლარი ცოტა ხომ არ არის.

აგრაფინა წამოდგა. თავშალი მკლავებში ჩაიხვია.

– სიფრთხილეს თავი არა სტკივამეთქი და წვრილად გამოვკითხე: რამდენიანი კუპიურები იყო მეთქი. ზუსტად რომ არ ეთქვა, არ მივცემდი. ეს ეჭვიც და უნდობლობაც დრომ მოიტანა, ხომ მართალია, ქალბატონო აგრაფინა?

– სწორია... წავედი... კარგად ბრძანდებოდეთ, – გამშრალი ხმით მითხრა და კარებისკენ გააბიჯა.

– გნებავთ რამე, ქალბატონო აგრაფინა?

– არაფერი... ისე შემოვედი... სინათლისას რას ამბობენ, ხომ არ გაგიგიათ?

– ტრანსფორმატორიაო გადამწვარი. დარბის გლურჯიძე, გამოცვლიან ამ დღეებში.

ქალბატონი აგრაფინა თვალს რომ მიეფარა, შემრცხვა ჩემი სულელური ხუმრობის. შენს წრეგადასულ გასართობექსპერიმენტზე ხალხს კბილებიდან სიმწრის ოფლი სდის. ახია რომ აგახიოს ამისათვის ვინმემ ყური მეთქი, ვტუქსავდი ჩემს თავს. მერე პალტო მოვიხურე, კიბე ჩავირბინე, ლიფტის კარებზე წარწერა ჩამოვხსენი და მოვისროლე.

მესამე დღეს კომერციული ინსტიტუტის დაუსწრებელი სწავლების (კომერციული მითხარი და მისი დაუსწრებელი) სტუდენტი ჯგუშია ამოვიდა. ორბელიანებთან ცხოვრობს მეორე სართულზე, ნაქირავებში.

– როგორაა საქმე, ბატონო გელა, გამოუჩნდა პატრონი იმ ას ლარს?

– არა, შენ წარმოიდგინე...

– მე გეტყვი ერთს, ბატონო გელა, მაგას აწი პატრონი აღარ გამოუჩნდება და აღარ ღირს ლოდინი, თქვენთვის გამოუგზავნია მაგი ღმერთს და მოიხმარეთ, როგორც გაგეხარდებათ. ისე... რა შუაში ვარ, მარა თუ მომცემ ოც ლარს მადლობელი ვიქნები ძალიან...

გამეცინა, მინდოდა მეთქვა, ჩემო ჯგუშია, უბრალოდ ვიხუმრე, კაპიკი არ მიპოვნია მეთქი, მაგრამ ისე ალაღად, ისეთი ნდობით და იმედით შემომცქეროდა ჯგუშია, რომ ვიგრძენი, სიმართლის თქმას აზრი აღარ ჰქონდა. სულერთია ჯგუშია აღარ დამიჯერებდა.

– შენ აგაშენა ღმერთმა. მეც ეგრე ვფიქრობდი, მაგრამ ვერ გადაამწყვდიტა...

ამ სიტყვებთან ერთად ოთახში შევბრუნდი. უჯრაში სამად სამი ათლარიანი მედო. ოცი ლარი ამოვიღე და ჯგუშიას გავუწოდე.

\* \* \*

სირბილი, ღობეზე გადახტომა, ხეზე ასვლა და ცურვა რავა არ ვიცოდი, ბატონო გელა ვიცოდი და სოფელში ორი ბიჭი ვერ მჯობნიდა ცხენის ჭენებაშიც, მარა ომი მაინც სხვაია, თურმე.

ჩვენი ზემდეგი-ტიბაანელი ჩაჩხუნაშვილი, ცოდვას ვერ დევიდებ, ერთგულად გვწვრთნიდა. აკოპის თხრა, მინისძვრის დროს კარლია სარდაფში (კარი რო არ ჩეგეკეტოს) რკინა-ბეტონის სარტყელის ქვეშ დადგომა და ხანძრის შემთხვევაში მესამე სართულიდან თოკით ჩამოხოხება, მაგან გვასწავლა, მარა ეს ყველაფერი, თურმე, ომის დროს საბავშვო ბაღში რო პირველად სამი თითით, ჩანგლის სწორედ დაჭერაში გავარჯიშებენ, ისაა, მეტი არაფერი.

ჩამევიდნენ, რავარც იქნა, ამერიკელი ინსტრუქტორები და ყველაფერი თავდაყირა დადგა.

ჩაჩხუნაშვილს კი არა, ჩვენთან პოლკოვნიკს არ დეესიზმრებოდა, ისეთი ყოფილა ნამდვილი სამხედრო მომზადება.

ჯერ იყო და ფორმა დაგვირიგეს იმნაირი, ღამე რომ ვიხდიდი, ახლოს, სკამზე მენყო და ხვანჯარი ხელზე მქონდა დახვეული, არ დევილუპო, არ მომპარონ-თქვა.

რაცხა აბრეშუმნარევი კაპროლაქტამისგან იყო შეკერილი. ლურსმანს რო წამოდებოდი, არ იხეოდა და რაც მთავარია, მთელი კომბინეზონი ნიფხავ-პერანგიანად ნახევარ კილოს არ იწონიდა.

ახლა ბატინკებს არ იკითხავ? ბატინკები დაგვირიგეს, სამი ნომრით მეტი რო შეგხვედროდა, თვითონ ჯდებოდა ფეხზე. ძირი ჰქონდა სასწაული: სიპ ყინულზე მეიკიდებდი ფეხს. მე მგონია, წებოვანი კაუჩუკისგან იყო დამზადებული.

რაც მთავარია, პარტიანკების დახვევა აღარ გვჭირდებოდა. შიშველ ფეხზე უნდა ჩაგეცვა. თვითონ ჰქონდა ღრუბლის წინდები შიგნით ბატინკებს. სუნი? ახლა ფეხზე სუნი თუ გაქვს საერთოდ, ამერიკული ბატინკები ვერ გაგიქრობდა, რასაკვირველია. ღამით აივანზე გაიტანეთ, ან ხეზე ჩამოკიდეთო, გვაფრთხილებდნენ, მარა ვინ იყო ამერიკული ბატინკების გარეთ გამტანი გასანიავებლად.

კარგად რო გამოგვანყვეს, ათ-ათად დაყვეს ჩვენი ბატალიონი. მე მეორე ჯგუფში მოვხვდი. ინსტრუქტორად ორმეტრიანი ამერიკელი კიმ სერფოლდი დაგვინიშნეს.

ჩვენ ინგლისური არ გვესმოდა და იმას – ქართული, მარა სამხედრო წვრთნას არაფერი ენის ცოდნა არ ნაჭირვება.

დილიდან საღამომდე ჩვენთან იყო კიძია. ნაბიჯზე არ გვმორდებოდა. არც თარჯიმანი გვყავდა და არც გრამატიკის მასწავლებელი, მარა მშვენივრად ვაგებინებდით ერთმანეთს.

ვერ თვითონ გვაჩვენებდა, რა უნდა გვეკეთებინა, მერე სამამდე დათვლიდა: „ვან, ტუ, სრიი!“ დაიძახებდა და დავიძროდით ადგილიდან. „სტოპზე“ უნდა გავჩერებულიყავით. თუ მთლად ვირი არ იყავი, „სტოპ“ უნდა გცოდნოდა. ბოლოს „ოკეის“ დასძინდა და ეს იყო სულ. „ოკეი“ ამერიკულად რავარც შევატყვე, ყველაფერს ნიშნავს. მაგალითად, „კარგია“, „დავისვენოთ“, „მოვრჩეთ“, „შევთანხმდით“, „ვისადილოთ“, „მომენონა“, „ძილი ნებისა“, „ხვალამდე“ და ასე შემდეგ.

„ოკეისთანა“ მუშა სიტყვა რომ მოგვცა ქართველებს, აღარ დაგვჭირდებოდა ამდენი „იმე“?, „შენ ხარ ჩემი ბატონი“, „რავა გეკადრება“, „გაამოთ“, „ღმერთმა ფრჩხილი ნუ წამოგატკიოთ“, „ერთობ სასიამოვნოდ გამოიყურებით“, „ნამეტანი გვალვები დეიჭირა წლეულს“ და სხვა ზედმეტი სიტყვები. ისე, ზრდილობის გულისა, წამდაუნუმ რომ ვუცვლით ხოლმე ერთიმეორეს.

რა ყოფილა ამერიკული სამხედრო მომზადება, სიტყვით ვერ აღვნიშნავ. ბოევითების კინო ხომ გინახავს, ისაა პირდაპირ. არაფერსაც არ აჭარბებენ სტალონე და შვარცნეგერი. ჯარისკაცსო, კიმიცა გვეუბნებოდა, ყველაფერი უნდა შეეძლოსო. საცხა ტანკი ვერ გავა, იქ ჯარისკაცი უნდა გევიდესო. თვითონ რობოტივითაა, დაღლა არ იცის. ჩვენ რო მივსავათებოდით, მერე ორას მკლავზიდს აკეთებდა ბალახზე. დღეს ვერ დავტვირთე ორგანიზმი, ვარჯიში მაკლიაო, რისი დაღევა, რისი მონევა.

ჩაჩხუნაშვილს რუსული ჯარიდან „ატბოი“ და „პერეკური“ რო ჰქონდა გადმოღებული და ორ საათში ერთხელ რო „პერეკურს“ გვაკეთებინებდა, გაგიგონია? ვერაფრით რო ვერ გავაგებოე კიმიას, რას ნიშნავდა „პერეკური“, ტურთან ორი თითი მივიტანე, ლოყები დავბერე და ჰაერი ამოვუშვი, კაცი დასაბმელი გახდა. სტეჩკინისნაირი შავი პისტოლეტი დააძრო ბუდიდან და დაგვემუქრა: მე მგონია, ნარკომანები ვეგონეთ, თვარა სიგარეტზე ასე რავა გაგიჟდებოდა.

რალა დაგიმალო, ჩვენ რაც ვიცოდით, არაფერი არ გამოგვადგა ამერიკელებთან. თურმე ჩვენ ბუდიონის დონეზე დავრჩენილვართ წვრთანში. ქეც იმიტოა, თეთრი ხელთათმანებით რო ომობენ ამერიკელები და მაგენის მომრევი არავინაა დუნიაზე.

მონინაალმდეგის ათასი ჯარისკაცი რო წეიცვლება, ამერიკელი ერთი კვდება და ისიც შემთხვევით – ან მზის დარტყმას ღებულლობს, ან თავისით ჩამოვარდნილი ქოქოსის პალმის ნაყოფი (სირაქლემას კვერცხზე დიდი და უფრო მაგარია) ხვდება თავში.

ა, გეტყვი, აგერ, თუ გაინტერესებს, რა ვიცოდით ჩვენ და რა გვასწავლა ამერიკელმა ინსტრუქტორმა: ბაგირზე ცოცვის დროს ხელისგულზე თურმე არავითარ შემთხვევაში არ უნდა

დეიფურთხო, სრიალებს ხელი. პირიქით, სველი თუ გაქვს, სა-  
გულდაგულოდ უნდა გეიმშრალო და თუ გაქვს ჯიბეში ცარცის  
ნაჭერი, უნდა წეისვა. მესამე (ან თუ გინდა, მეოთხე) სართულიდან  
ჩამოხობების დროს ნეილონის თოკი მარცხენა ბარძაყზე კი არა,  
მარჯვენაზე უნდა დეიხვიო და არავითარ შემთხვევაში მხარზე არ  
უნდა გადაიკიდო, შეიძლება სიჩქარეში კისერზე ვერ გადავიგდო  
და მარყუჟში გაყო თავი. შეტევის დროს ტანკს გვერდზე კი არ  
უნდა მიყვე, რავარც მახარაშვილი მიყვება „ჯარისკაცის მამაში“,  
უკან უნდა დოუდგე, თანაც ოცდახუთ მეტრზე ახლოს არავითარ  
შემთხვევაში. ხომ შეიძლება, ტანკი მინაზე აფეთქდეს. ხუთი ომი  
ჩაატარა საბჭოთა კავშირმა და ეს ვერ გეიანგარიშეს რუსის გენ-  
ერლებმა? იცოდნენ, რასაკვირველია, მარა ჯარისკაცი ფეხებზე  
ეკიდათ. კვდებოდნენ, ალბათ. სიცილით ამერიკელები ერთ კინოში  
კაპიტანმა „სვიაზის“ აღსადგენად ხუთი ანგელოზივით ბიჭის სი-  
ცოცხლე რო შეაგდო სასწოროზე. რასი „სვიაზი“, რას მიქვია „სვი-  
აზი“, რავა შეიძლება, შნურით ხელში ცეცხლის ხაზზე არბენიო ჯა-  
რისკაცი. კაცია, თხა ხომ არ არის. თვარ დოურეკავს ლეიტენანტი  
პოლკოვნიკს მოსრია პატრონიო, იტყოდა ამერიკელი ჯარისკაცი,  
თვითონ ლეიტენანტიც არ მიცემდა ამნაირ სულელურ დავალებ-  
ბას. როცა ხელყუმბარა უნდა შეაგდო სადმე, ჩვენ ასე გვასწავ-  
ლიდა ჩაჩხუნაშვილი, ჯერ შეიხედე ოთახში, მერე მარცხენა ხელით  
შეაგდე ხელყუმბარა და შენ იქვე, მარჯვნივ, კედელს ამოეფარეო.  
რამდენი მოკვდებოდა რო იცოდე ამნაირი მოქმედებით. რავა, რო  
შეიხედავ, მოწინააღმდეგეს ყვერებზე კი არა აქვს ხელები დანყო-  
ბილი. გრეკავს შუბლში და უყარე კაკალი. პარამუტიტ გადმოხტო-  
მის დროს ხელფეხგაშლილი ფრენა თურმე არავითარ შემთხვევაში  
არ შეიძლება, სამიზნე ხარ მტრისთვის. თანაც, რაც შეიძლება, ახ-  
ლოს უნდა გაშალო დასაფრენ ნერტილთან პარამუტიტი, თვარა ქარი  
ნაგილებს და ვინ იცის, სად ამოგაყოფიებს თავს. ხომ უბრალო ამ-  
ბავია, მარა „კოკა-კოლა“ არავითარ შემთხვევაში კბილით არ უნდა  
გახსნა, ბარე ორ მაგარკბილიანს შერჩა კბილი ზედ.

ერთი სიტყვით, იმ ორ თვეში, მართალია, მაგრად გაგვნურა  
კიმ სერფილდმა, მარა ჩვენგან ნამდვილი ბოევიკები დააყენა. რაც  
გითხარი, იმის გარდა, ხელჩართული ჩხუბის ისეთი ილეთები გვას-  
წავლა, თითო ჯარისკაცი ხუთ ნაკლებადნავარჯიშებ თავდამსხ-  
მელს ორ წუთში ყურებს დავახვეთ, განვიაარალებთ და ზურგსუკან  
ხელშეკრულებს ვანვენთ მიწაზე (თუ ნამეტანი წინააღმდეგობა არ  
გაგვიწიეს, რასაკვირველია).

განსაკუთრებული ენერგია და დრო კიმიამ მთიანი რელიეფის  
საოპერაციო წვრთნას მოანდომა. სამმაგ ხტომაში ისე დავვოსტატ-  
დი, ხუთმეტრიან თხრილს ვეველებოდი თავზე. თხრილზე გადახტო-



მის დროს ერთი რამ უნდა იცოდეს: მაღალი ნაპირიდან დაბალზე უნდა გადახტეს. დაბალიდან – მაღალზე ჭირს ძალიან. რატო, იცი? შეიძლება, კედელს შეახტეს, თავი ვერ შეიმაგრო და დურთო თავი ძირს. ნყალში კიდო არა უშავს, მარა სიპ კლდეზე ხარ ცოცხად.

ყველაფერი დავძლიეთ. ცოტა პარაშუტიდან ხტომა გაგვიჭირდა, მარა მაინც დავეუფლეთ. თუ შეინდომებს ადამიანიშვილი, თურმე ყველაფერს შენაძლება.

ასე, ამნაირად, განვრთნილ-ნავარჯიშები ჩვენი ბატალიონი 2002 წლის 7 აპრილს ჩაგვაფრინეს თელავში სალამოს ცხრა საათზე. დაგვირიგეს სამ-სამი ხელყუმბარა, თითო აკეესის მოკლე ავტომატი, ამერიკული „ოხუესის“ ბარაბნიანი პისტოლეტი (შვიდტყვიანი) და კნოპკიანი იაპონური დანები. ზურგჩანთა გაგვივსეს სამი დღის პაიოკით (მშრალი ძეხვი, პაშტეტი, თეთრი და შავი პური, ნითელი ხიზილალა (მგონი, ხელოვნური უნდა ყოფილიყო), თორმეტ-თორმეტი ბანანი, თხლად დაჭრილი შოტლანდიური ყველი და კიდო იყო რაცხა-რაცხა, არ მახსოვს).

ამაღამ ადრე უნდა დავიძინოთ და ხვალ დილის ოთხ საათზე პანკისში წმენდის ოპერაციაზე უნდა გაფრინდეთო, კიმიამ. ოპერაციის სახელიც გვითხრა: „აულის ელდა“, თუ რაღაცა ამნაირი.

მშვიდად მეძინა-მეთქი, ვერ გეტყვი, მარა შიში არ გამივლია გულში. რა მაქვს საშიში. ყველაფერი გვასწავლეს ამერიკელებმა, რაც თვითონ იცოდნენ. ახლა ცოტა შენც უნდა იმარჯვო. ისე, კიმია რომ თვითონ მოგვყვებოდეს, რა თქმა უნდა, უკეთესია, მარა დანოლის დროს გამოგვიცხადა: ჩემი წამოსვლა არ შეიძლებაო. პანკისის განწმენდა ტერორისტებისგან და მაფიური კლანებისგან თქვენი შინაური საქმეა, ჩვენ, ამერიკელები, ვერ ჩავერევითო.

ოთხის ნახევარზე აფრინდა ჩვენი ვერტმფრენი. ათივენი გვერდიგვერდ ვზივართ. ნამეტანი ძიგძიგებს მანქანა. ქარია, როგორც ჩანს, ზევით. თელავში იმდენად არ იგრძნობოდა. მთვარით განათებულ პანკისის ხეობას ჩავყურებთ მდუმარედ. დავალება ხუთი თითივით ვიცით. სიგნალს რომ მოგვცემენ ათამდე სწრაფად დათვლის შუალედით, მიყოლებით უნდა გადავხტეთ, პარაშუტი იქვე, ბურქებში, საგულდაგულოდ მივმალეთ და გათენებას დაველოდოთ. გათენებულზე საცხოვრებელი პუნქტის „ნ“ ობიექტზე (მერიდიანი 3, აზიმუტი 14) უნდა მოვიყაროთ თავი. დანარჩენი, რაც უნდა გავაკეთოთ, სამხედრო საიდუმლოებაა და ვერ გავამხელ.

გადავინერე პირჯვარი და ჩავხტი. ყველაფერი ვიცი. განვრთნილი ვარ ისე (თანაც მთიანი რელიეფისთვის შესაფერისად), რომ გაგეხარდება. ნეტავი, შემნიშნავდეს ვინმე ჩახტომის დროს და

თავს დამესხმოდეს. კაი ჩიტს დაიჭერს. ისეთი იღეთები მასწავლა კიმიამ, ხუთ კაცს ცხვირით მიწას ვახვნივინებ (თუ ჩემზე უფრო ნავარჯიშები თვითონ არ აღმოჩნდნენ, რასაკვირველია).

სიბნელეში მთლად ზუსტად ვერ მოვზომე და, მგონი, მეათედი წამით ადრე გავხსენი პარაშუტი. თანაც, ჩემდა იბლბად, ქარი უბერავდა, ეს უპატრონო. მიწას რომ დოვუახლოვდი, ბევრი ვქაჩე მარცხნივ პარაშუტი, ჰაერში სამი-ოთხი სალტომორტალე გავაკეთე (რავარც გვასწავლა კიმიამ), მარა ხეებს ვერ ავამორე პარაშუტი.

ორ უზარმაზარ ნიფელზე ვკიდივარ. პარაშუტი ისე საიმედოდაა გაჩხერლი, რო ვერაფრით ჩამოვხსენი. გადავჭრიდი თოკებს და ჩავხტებოდი, მარა ოციოდე მეტრის სიმაღლეზე ხავსიანი ლოდის თავზე ვკიდივარ. რომ გადავხტე, უეჭველად დავიმტვრევი. ნერვიულობისგან ცივი ოფლი მასხამს. ყველაფერი გვასწავლა იმ ოჯახაშენებულმა ამერიკელმა, მარა ხეს რო პარაშუტი გამედედა, მაშინ როგორ უნდა მოიქცე, არ უსწავლებია. არა და თენდება. შვიდის ნახევარზე შეკრების ადგილას „ნ“ ობიექტზე (მერიდიანი 3, აზიმუტი 14) უნდა ვიყო.

ავტებო ყვირილი, მიშველეთ-თქვა, უფლება არა მაქვს, კიდეც რომ მქონდეს, საშიშია. ვინაა ამ უღრან ტყეში შენი პატრონ-მოყვარული. ათასი თული დადის პანკისის ტყეებში. არა, არა, ასე რომ ჩამოვხმე თოკზე ტარანივით, საშველად არავის ვუხმობ, თავი მომეჭრება. ქე დამავინყდა. მობილურები ბანაკში დავგატოვებინეს, რა ქვია იმას, კონსპირაციის მიზნითო.

ამ ფიქრებში ვარ, რომ ქვევით ლაპარაკი მესმის. ვინ იქნება ამ დილაუთენია. იქნებ მე მეძებენ. ალბათ, შეშფოთდნენ, ობიექტზე (მერიდიანი-3, აზიმუტი-14) რომ არ გამოვცხადდი და მზვერავები აფრინეს.

სინათლის წრეში ჩემგან მარცხნივ ორი ჩექმიან-ფაფახიანი კაცი გამოჩნდა. ერთს – შავწვეროსანს, მხარზე ძველთაძველი შაშხანა ჰკიდა. მეორე, შედარებით ახალგაზრდა, უთოფოდა.

რასაკვირველია, შემნიშნეს. ხმა არ ამომიღია, მაგრამ წელან აზლუდი ჩამივარდა. შავწვეროსანმა თვალი ჰკიდა, აილო, ამოიხედა, მაგრამ თითქოს მელოდაო, ხეებს შერჩენილ პარაშუტზე დაკიდებული კაცის ნახვა არ გაკვირვებია.

ნინ მიმავალ ჭაბუკს ქისტურად რალაც დაუძახა.

მერე შუბლზე ხელი მიიჩრდილა, თოფი კომბალივით დაიბიჯვა და ქართულად მკითხა:

- შენ მანდ რა გინდოდა?!
- ქართველები ხართ?
- ქისტები.

- ვვარჯიშობდი და პარაშუტი ხეს გამოედო.
- ისევ გადაულაპარალა თანამგზავრს ქისტურად.
- რატომ აქეთ, სხვაგან არ ვარჯიშობთ, აქ ვარჯიში ხომ ხედავ, საშიშია!
- მე ჩემი მჭირს და ესენი დგანან და იცინიან.
- ჩამომხსენით როგორმე და მერე ვილაპარაკოთ.
- ისევ გადაულაპარაკა თანამეინახეს. იმანაც ღიმილი მოისხიპა და პასუხი ქისტურადვე დაუბრუნა:
- ჯერ ეგ ავტომატ გადმოაგდე!
- გადავაგდე ავტომატი.
- ახლა პისტოლეტ გადმოაგდე!
- გადავაგდე პისტოლეტი.
- გრანატები იქეთ ბალახისყე გადმოყარ!
- საშიში არ არის?
- კრუჩოკი თუ არ მოხსნი, ა?
- არა.
- აბა გადმოყარე, ნუ გეშინია!
- გადავყარე ხელყუმბარები.

\* \* \*

ერთი კვირა ვყავდით ორმოში, მეტი არა. ყველაფერი ტყუილია, რაც ჭორად გავრცელდა, ბატონო გელა. ცოდვას ვერ დავიდებ, გლახათ არ მეპყრობოდნენ. მე ქისტური არ მესმოდა, მარა მინურში ვინც შამევიდოდა და ჩემს თავგადასავალს შეიტყობდა, კვდებოდა სიცილით. ერთი კვირის თავზე თვითონ გამათავისუფლეს. საგულშაგოსთან ნახევარ კილომეტრში თვალახვეული მომიყვანეს და გამომიშვეს. გამოსასყიდზე ლაპარაკი არ ყოფილა. ვინ იყო ჩემი გამომსყიდველი. კაცური სიტყვა ჩამომართვეს, ჩემი მასპინძლების ამოცნობად ასმენა არ დამენყო. ახლა, რაც შეეხება ჩემს ბრალდებებს, არ დეიჯერო, ბატონო გელა! ყველაფერი ჟურნალისტების და სამხედრო პროკურატურის მოჭორილია. ფრიადოსანმა კურსანტმა, ამერიკელი ინსტრუქტორების მიერ საგულდაგულოდ განვრთნილმა, შალიკონა ვაჩიბერიძემ, ავტომატი, პისტოლეტი, სამი ხელყუმბარა და პარაშუტი ნაღდ ანგარიშზე ქისტებს მიყიდაო, ოუჭრელებიათ გაზეთები.

ისე ოუშენდათ პატრონი მაგენს, ეგ მართალი იყოს.  
იქნება აგერ სასამართლო ცხრამეტში და გაირკვევა ყველაფერი.

\* \* \*

მოგონება პირველი:

გელა კირთაძე „სასწრაფო დახმარების“ ჭიმკარს რომ გაცდა, ერთბაშად შიშმაც შეიპყრო. „აქ ხალხი საქმეზე მიდი-მოდის, რანაირად გავაგებინო ამ პატიოსან ჯამათს, რომ მეც სერიოზულ საქმეზე ვარ. რა ჯანდაბაში ჩავდგი ფეხი, რა კინო ამიტყდაო“, – გაიფიქრა და დომინოს მოტკაცუნე პირველივე ჯგუფისკენ ათრეული ნაბიჯით გაემართა.

მიამიტ მკითხველს ორიოდ ფრაზით ვაუწყებ საქმის ვითარებას: დამწყებმა პროზაიკოსმა გელა კირთაძემ კინოსცენარი დაწერა. ეს გახლდათ კინოკომედია სასწრაფო დახმარების ერთ მხიარულ ეკიპაჟზე. გელას ხელშეკრულება გაუფორმეს და სთხოვეს, თუ არ შენუხდებოდა, ორშაბათს სასცენარო კოლეგიის სხდომაზე მოსულიყო. დამდგმელ რეჟისორს, კინოსტუდიის დირექტორს და სასცენარო კოლეგიის თავმჯდომარეს სცენარი ძალიან მოეწონათ და გელა ორშაბათს კოლეგიის სხდომაზე რომ არ გამოცხადებულიყო, ყველაფერი მშვიდობიანად დამთავრდებოდა, სცენარი ახლა უკვე წარმოებაში იქნებოდა, მაგრამ გელა კოლეგიის სხდომაზე დროზე გამოცხადდა. რაკი სცენარისტი თავისი ფეხით მოვიდა, კოლეგიის წევრებმა საჭიროდ ჩათვალეს არა მარტო შენიშვნები გამოეთქვათ, დაესაბუთებინათ კიდევ და კატეგორიულად მოეთხოვათ თავიანთი შენიშვნების მიხედვით სცენარის საფუძვლიანად გადაკეთება. გელამ მეორე შეცდომა დაუშვა, მას შეეძლო სცენარი წამოეღო, ერთი თვის შემდეგ უცვლელად მიეტანა და ეთქვა – თქვენი შენიშვნების მიხედვით გადავამუშავეო, მაგრამ ვინაიდან წესიერი ყმანვილი გახლდათ – ყველა შენიშვნა (საქმიანიც და უსაქმოც) გულმოდგინედ ჩაინიშნა უბის ნიგნაკში და სხდომა რომ დამთავრდა, სასონარკვეთილის სახე მიიღო. ამჯერადაც სასცენო კოლეგიის თავმჯდომარეს შეეცოდა: – „წადით სასწრაფო დახმარების საავადმყოფოში, გაიარ-გამოიარეთ. იქ განსაკუთრებით გულისხმიერი ექიმები მუშაობენ, სთხოვეთ რაიმე კურიოზი გიამბონ თავიანთი პრაქტიკიდან. რაც მოგეწონებათ, დაიმახსოვრეთ და ასე, ცხოვრებისეული ეპიზოდებით გაამდიდრეთ თქვენი სცენარიო“. გელას ეს რჩევაც ჭკუაში დაუჯდა და აი, მას ახლა თავისი თეთრი ჯინსით, მოკლესახელოებიანი შავი (თეთრდილება) კვართით და განუყრელი სათვალით სასწრაფო დახმარების ეზოში ვხე-

დავთ, დომინოს თამაშით გართულ თეთრხალათიანთა ჯგუფისკენ მიმავალს.

დინოზავრი რომ წამოადგეთ დომინოს მოთამაშეებს თავზე, გამოცდილია, რომ არც მაშინ შეწყვეტენ თამაშს და გელა კირთაძეს ვინ შეამჩნევდა. ერთხანს იდგა და უცქეროდა, მერე ჩახველებით ამცნო მედომინე პერსონალს თავისი მოსვლა. არც იმ ღონისძიებაში გაჭრა. ბოლოს გელამ ადგილზე ხტომა და ხელების ტყაპუნნი დაიწყო, მაგრამ მით უფრო შეუმჩნეველი დარჩა. ამ სტრიქონების ავტორის ვარაუდით, გელას მხოლოდ იმ შემთხვევაში მოაქცევდნენ ყურადღებას, თუ ჯიქურ მივიდოდა და სერიოზული სახით დომინოს მოთამაშეთა თვლას დაიწყებდა.

შორიახლო სასწრაფო დახმარების მანქანა რომ გაჩერდა, გელა მაშინვე იქეთ გაეშურა. გზამივე გადაწყვიტა, რომ მისთვის საინტერესო ამბების მოყოლა ტექნიკურ პერსონალზე უკეთ ექიმს შეეძლო, ამიტომაც მანქანიდან გამოსულთ მეყვსეულად შეაგება.

– თქვენს შორის ექიმი რომელია?

– სოკრატ ხურცილავა გისმენთ, – მოწყენით უპასუხა საშუალოზე მაღალი ტანის, სიმპათიურმა მამაკაცმა, რომელსაც მკვეთრად გამოხატული კახური აქცენტი რომ არ ჰქონოდა, გელა უსათუოდ მიამსგავსებდა პრეზიდენტ ჯონ კენედის მრავალრიცხოვანი ძმებიდან ერთ-ერთს – რომელიმეს.

გელა თითებს იმტვრევდა, არ იცოდა როგორ დაეწყო.

– ბატონო სოკრატ, მე კინოსტუდიიდან გახლავართ, ფილმს ვიღებთ თქვენს მუშაობაზე.

ექიმს სახე გაებადრა, ხალათის ღილებს მიწვდა, წელში გაიმართა და კინოს კაცს ხელკავი გამოსდო.

– დიდი მადლობა... მე... იმისი არ იყოს, რა გამიკეთებია... მოულოდნელია ჩემთვის ასეთი პატივი.

– ვერ ვთქვი სწორად, – სათვალე გაიმშრალა გელამ, – თქვენზე კი არა პირადად, სასწრაფო დახმარების მუშაობაზე საერთოდ.

– ეგ სხვა საკითხია, – ცოტა არ იყოს წყენა შეერია ხმაში სოკრატს, – მე, რით შემიძლია დაგეხმაროთ?

– იქნებ მოიგონოთ რაიმე სასაცილო შემთხვევა თქვენი პრაქტიკიდან?

– როგორი?

– სასაცილო რაიმე, კურიოზული.

– რატომ მაინცდამაინც სასაცილო? – ექიმს ქვედა ტუჩი აუკანკალდა და ცხვირის ნესტოები დაეცვარა.

– იცით რა, პატივცემულო სოკრატ. ჩვენ კინოკომედიას ვიღებთ, სასაცილო სიუჟეტები გვჭირდება.

სოკრათი შეჩერდა. თავიდან ფეხებამდე აათვალიერა ახალგაზრდა სცენარისტი და საკმაოდ მკაცრად ჰკითხა:

– ჩემთან ვინ გამოგგზავნათ?

– არავინ, მე თვითონ.

– ბოდიშს ვიხდი, მაგრამ მე ვერაფერში გამოგადგებით. ორმოცი წელია ამ სასწრაფოში ვმუშაობ და ისეთი, თქვენ რომ გდომებიათ, არაფერი შემინიშნავს. ჩვენ გვირეკავენ, გავრბივართ, ხანდახან მეათე სართულზე ულიფტოდ გვინევს ასვლა. შევდივართ გულგაგლეჯილები ავადმყოფთან და, თუ მთლად განწირული არა ჰყავს გამჩენს, სიცოცხლეს ვუბრუნებთ. ამ საქმეში მე სასაცილოს ვერაფერს ვხედავ.

სოკრათი უცერემონიოდ შეტრიალდა და სასწრაფო დახმარების მანქანისკენ წავიდა.

გელა სახტად დარჩა. დამწყებმა სცენარისტმა ვერ გაიგო, რა აწყენინა სიმპათიურ ექიმს – სოკრატ ხურცილავას. ყოველ შემთხვევაში, ტაქტიკას გამოვცვლი, ჯიქურ არ მივადგები და კინოსტუდიას არ ვუხსენებ პირველადო. ჯერ ჩვეულებრივად გამოველაპარაკები და მერე მოვაცოლებ ჩემი მოსვლის მიზანსო. ასეც მოიქცა. ტროტუარს დაადგა და სასწრაფო დახმარების კაბინეტების ღია ფანჯრებში ჭვრეტა დაიწყო. სხვის ფანჯარაში ცქერა დიდად საძრახის საქმედ არ მოჩვენებია, რადგანაც მაგიდაზე დახრილი და თავიანთ ფიქრებში ღრმად ჩაძირული ექიმები ახალგაზრდა სცენარისტს ვერ ამჩნევდნენ და თუ დაკვირვების ობიექტი გელას ორ დახველებზეც არ ასწევდა თავს, სტუმარი რწმუნდებოდა, რომ მას ღრმად ეძინა და ფანჯარას შორდებოდა. როგორც იქნა, იპოვა, ვისაც ეძებდა; ერთ ფანჯარაში ფხიზელი ექიმი დალანდა. უფრო მეტიც, ხელში სატკაცუნო ეჭირა და ბუზებს სიცოცხლეს უმწარებდა. ექიმი მელოტი გახლდათ, უსათვალო, არწივისცხვირა. ნაოჭებზე ეტყობოდა, რომ იმ ასაკისა გახლდათ, როცა მამაკაცები კანონიერ ცოლს სტოვებენ და საყვარლებს მიჰყვებიან გაქცეული სიყმაწვილის დროებით დასაბრუნებლად.

ექიმმა გელას შემოსვლა მაშინვე შენიშნა, მაგრამ ბუზებზე ნადირობის აზარტულ საქმეს ვერ შეეღია.

– გისმენთ, – მოუხედავად ესროლა შემოსულს და ნათურისკენ გაფრენილ, დღეს თუ ხვალ სატკაცუნოს ფარქვეშ სამარცხვინო სიკვდილისთვის განწირულ ბუზს თვალი გააყოლა.

– გამარჯობათ, – გელა კარში იდგა.

– გაგიმარჯოთ, გისმენთ.

– მორიგე ბრძანდებით? – რალაც ხომ უნდა ეკითხა.

– ღიახ, გისმენთ.

თავგადაპარსულ ექიმს ხრინნიანი, დაწყვეტილი ხმა ჰქონდა.

გელას შეკითხვა ერთბაშად შემოეღია. ამინდზე რომ ჩამოვუგდო ლაპარაკი, ვაითუ სალახანად მიმიჩნიოს და კარისკენ მიმითითოსო, ამიტომაც პირდაპირ საქმეზე გადავიდა.

– თქვენს ყოველდღიურ მუშაობაში სასაცილო თუ არის რაიმე... ვთქვათ... გასახსენებელი... სხვას რომ უამბობ და კარგ ხასიათზე დააყენებს.

ექიმმა სატკაცუნო დადო და შემოსულს მიაშტერდა. იმ ორმოციათას შვიდას ოცდახუთი შეკითხვიდან, რაც მისთვის ცხოვრებაში დაუსვამთ საერთოდ, მსგავსი არ ყოფილა.

– სასაცილოს მეტი რა არის, დაბრძანდით, – საქმიანად თქვა მასპინძელმა.

გელამ შვებით ამოისუნთქა და დაჯდა.

– თქვენ საიდან ბრძანდებით? – გელას ცუდად ენიშნა ექიმის გადასვლა შეკითხვებზე.

– კინოსტუდიიდან ვარ. თქვენს პრაქტიკაში რაიმე კურიოზული შემთხვევა თუ შეგხვედრიათ, – სცენარისტმა უბის წიგნაკი ამოიღო და სმენად იქცა.

ექიმი წამოხტა, კარს ეცა და შიგნიდან გადაკეტა. ფანჯარა მიხურა, ფარდა გაასწორა, იდუმალი სახით დაუბრუნდა მაგიდას და სტუმარს თითქმის ჩურჩულით აუწყა:

– სასაცილო და კურიოზულის მეტი რა შემხვედრია. აქ ყოველ ფეხის ნაბიჯზე ნაანწყებები კაცი, თქვენ რომ ეძებთ, ისეთ ფაქტს.

– რაიმე სასაცილო, არაჩვეულებრივი, არალოგიკური.

– მესმის, მესმის, მივხვდი. სწორედ რომ სასაცილო და არაჩვეულებრივი ყელამდეა ჩვენთან. დღეში საშუალოდ ოცდაექვსი-ოცდაშვიდი შემთხვევა მაინც არის.

გელას სახე გაეზადრა და სანერკალამი ამოიღო.

– თუ შეიძლება მიამბეთ რომელიმე.

ექიმმა ფანჯრისკენ გაიხედა, მერე ჭერს ააცივდა, დაახლოებით ასამდე დათვლის დროში ჩამოსწია თავი და დამწყებ სცენარისტს უაზრო თვალელები მიაპყრო.

– შენ გგონია მასხოვს?

გელამ ამ პასუხით საინტერესო მოგონებების საღამო დამთავრებულად ჩათვალა, უბის წიგნაკი ჯინსის ჯიბეში ჩაიღო და გულისხმიერ მასპინძელს არც კი გამომშვიდობებია, ისე გამოიხურა მისი კაბინეტის კარი.

დაახლოებით ასე, ცხრა წუთის შემდეგ, იგი მანქანიდან ქაქანიტად გამომხტარ კოჭლ ექიმს ფეხდაფეხ მოსდევდა. მერაბს უკვირდა, არც კოჭლობა და არც სიბერე ამ კაცს ხელს ოდნავადაც არ უშლ-

იდა, რომ მანძილი სასწრაფო მანქანიდან თავის სამორიგეო კაბინეტამდე სარეკორდო დროში დაეფარა. სცენარისტმა გზა თვალთ გაზომა, ექიმი კარამდე თუ მიასწრებდა, ვინ იცის, საით გაუჩინარდებოდა, ამიტომაც, რაც შეეძლო, გაუსწორდა და ქამანდივით სტყორცნა პირველივე შეკითხვა.

– მომიყევით რამე.

ექიმმა წამით მოიხედა და ისევ გაიქცა.

– ამბავი! – ხმას მოუმატა გელამ. მანძილი კარამდე სახიფათოდ მცირდებოდა.

– რა ამბავი? – ექიმს ნაბიჯი არ შეუნელებია.

– სასაცილო.

– რომელზე? – ექიმი უღვთოდ გარბოდა.

– თქვენზე.

– რისთვის გინდა? – კარი სულ ახლოს ჩანდა.

– კინოსთვის! – ლამის იყვირა მერაბმა.

და სასწაული მოხდა, ექიმი შეჩერდა, დონიანი გაიკეთა, დამწყები სცენარისტი თავიდან ფეხებამდე აათვალიერ-ჩაათვალიერა და ყრუ ხმით ჰკითხა:

– რამდენი წლის ხართ?

– ოცდახუთის, – დაბეჯითებით უპასუხა გელამ.

– რამდენით ვიქნები შენზე უფროსი? – ექიმმა ჩაჩი მოიხადა.

იგი გაცილებით უფრო ბებერი გახლდათ, ვიდრე სირბილის დროს ჩანდა. ნაყვავილარი სახე, აქა-იქ ამოსული თეთრი წვერი, თამბაქოსგან შეყვითლებული თხელი, ოდესღაც ქერა უღვაშები, დაღლილი, უპეებში ღრმად მიმჯდარი მუქლურჯი თვალები.

– ვერ გეტყვით. – გულწრფელი იყო გელა.

– ჩემო ბიძია. რად გინდა ეგ ამბავი. შენ აქ ახალი ხარ, გეტყობა. იმათ ყვები, იმ უსაქმურებს? – ექიმმა დომინოს მოთამაშეებისკენ ხელი გაიშვირა.

– არა ბატონო, მე კინოსტუდიიდან ვარ, – ცრემლი გაერია ხმაში გელას.

– მაინც შენსას ამბობ? არ გირჩევ, ჩემო ბიძია, მასეთ ლაპარაკს. არ ვარგა. ოჯახში მოხუცებული არავინ გყავთ? ორი კვირა დამრჩა და გავალ პენსიაზე. მე არავის ვუშლი ხელს. ვარ ჩემთვის. რა შენი ტოლი ვარ, ჩემო ბიძია, მე. წადი, შენი კბილა მოძებნე და იმას ელადავე.

მოხუცმა მშვიდად, ხვნეშით კიდევ რალაც უთხრა გელას და გატრიალდა. სცენარისტს მისი ბოლო სიტყვები არ გაუგონია, ცრემლები ახრჩობდა. რა მოხდა, რა დააშავა, რატომ ვერ გაუგეს?

ჭიშკრისკენ მიმავალს ვილაც წამოენია და ბოდისის მოუხდელად განუცხადა, – მთავარი ექიმი გთხოვსო.



– სადაა? – სასწრაფო დახმარების ეზოს თვალი მოავლო სცენარისტმა.

– მეორე სართული, მესამე ოთახი, კიბიდან მარჯვნივ, აწერია. – სხაპასხუპით მიაყარა უცნობმა და ზურგი უჩვენა.

მთავარი ექიმი, ბალზაკის ასაკს გადაცილებული, მაგრამ კარგად შენახული, წარმოსადეგი ქალი გახლდათ. ფრესკულ სახეზე მონყენილობისა და სიმკაცრის ნილაბი ძალიან უხდებოდა. მან შემოსულს სავარძელზე მიუთითა და აზერბაიჯანული კონდიციონერის ღილაკს ალუბლისფერმანიკურიანი თითით შეეხო.

– აი, რა ჩემო კარგო, – მთავარ ექიმს თანამდებობისგან გათამამებული ქალის დაყენებული ხმა ჰქონდა, – ჯერ ერთი, წესია დაწესებულებაში შემოსულმა სტუმარმა პირველად უფროსთან უნდა შემოიხედოს. ამისთვის გვაძლევს ჩვენ სახელმწიფო ხელფასს. არ უნდა იყოს, ჩემი აზრით, მაინცდამაინც საკადრისი ცალკეული ექიმების დევნა ეზოში და გამოკითხვა. მე შიშით არაფრის არ მეშინია. რომ იცოდეთ, ძალით მომახვიეს ეს მთავარი ექიმობა თავზე. ხვალვე დანიშნონ, ვინც უნდათ, ქე მაინც დრო მეტი მექნება და ჩემს ოჯახს მივხედავ. კი, მართალია, ნაკლი გვაქვს, ვის აღარა აქვს მუშაობაში ნაკლი დღეს. მითხარით ერთი, თქვენ უნაკლოდ მუშაობთ? სწორი ბრძანდებით, აქ თვალთმაქცი და გაიძვერა ც ბევრია, მაგრამ საკომედიო ჩვენ არაფერი დაგვიშავებია. მე დაველაპარაკები კინოსტუდიის დირექტორს (ტელეფონს შეხედა), ვურეკავდი ახლა და არ არის კაბინეტში. არა მგონია, ანგარიში არ გაგვინიოს. ღმერთო კი მომკალი, კომედია და შარჟი უნდა კიდევ ისედაც სახელგატეხილ სასწრაფოს? საერთოდ ასე ხართ თქვენ – კარგისთვის მადლობას არავინ გვეტყვის, პატარა რალაც შეგვემლება და ტყავს გვაძრობთ. არ ვარგა ასე. არ არის სწორი. თუ ჩემი ადგილი ვინმეს უნდა, კი ბატონო. რა შუაშია კომედია და რა დააშავა საერთოდ სასწრაფო დახმარებამ? მე, სხვათაშორის, ამ საკითხს კონფერენციაზე დავსვამ. მეტი დაბალი ლობე ვერავინ ნახეს? შეიხედეთ სხვაგან, საკომედიოს და საგლახაოს იქ ნახავთ, თუ ნახავთ, მაგრამ სხვის წყენინებას ისევ ჩვენი წყენინება გირჩევნიათ, ვიცი მე, ჩვენ პატრონი არა გყავს და იმიტომ.

უფროსი ექიმი ნერვებს იოკებდა, მაგრამ ხმის კანკალზე ეტყობოდა, ძალიან ღელავდა.

...მიაბიჯებდა შინისკენ ახალგაზრდა მწერალი გელა კირთაძე და სახე ჩამოსტიროდა. უკვე მიმხვდარი გახლდათ, რომ მის სცენარს კინემატოგრაფიული სიცოცხლე არ ეწერა.

\* \* \*

ადამიანებს რომ დასიზმრებიათ საერთოდ, იმასთან შედარებით გელა კირთაძის სიზმარი ჩვეულებრივზე ჩვეულებრივი გახლდათ, მაგრამ, რომ გაეღვიძა, მაინც დიდხანს შესცქეროდა ჰეგელის სურათს ნახევრად გამოლენჩებული თვალებით. სიზმრის მეტი რა უნახავს, ილო ბიბიჩაძე კი არასოდეს გამოცხადებია ძილში. მართალია, ილო კარის მეზობელი იყო, მაგრამ არც ისე ახლობელი გახლდათ, ძილში რომ ჩაჰყოლოდა. ამ თვრამეტი წლის განმავლობაში ორ-სამჯერ თუ შეუღლიათ მეზობლებს ერთმანეთის ბინის კარი. ვერ აენყო ის ხალასი ურთიერთობა, მუგუზლის მეზობლობას რომ ეძახიან იმერეთში. გელა თავისთვის ჯახირობდა მოულოდნელობებით სავსე თავის წუთისოფელში, ილოც თავისთვის ჩირთიფირთობდა. განსხვავება მათ შორის ის იყო, რომ რამდენადაც გულგახსნილი იყო გელა (სამსახურიდან შინ მობრუნებული საათობით დააბიჯებდა ეზოში და მოსაუბრეს ეძებდა დღიურ შთაბეჭდილებათა გასაზიარებლად), იმდენად გულჩახვეული და ჩუმი კაცი იყო ილო ბიბიჩაძე. სალაპარაკოდ არ გაგიჩერდებოდა, ნიადაგ საქმიანი იერით გარბი-გამორბოდა. დღემდე ვერ გაიგო გელამ, სად მუშაობდა მისი მეზობელი. რა მოხელე იყო, რამდენჯერაც ჩამოუგდო სიტყვა, ბიბიჩაძემ ან ნაუყრუა, ან საუბარი სხვა საგანზე გადაიტანა და გელა საბოლოოდ დარწმუნდა, რომ ამ კაცს თავის პროფესიაზე ლაპარაკი არ სიამოვნებდა. შინაც ბევრჯერ შემოიპატიჟა, მაგრამ პასუხად ან ზრდილობიანი უარი მიიღო (ღვიძლის შეტევის მომიზეზებით), ან მეორე დღეს მოუხდა თავის გამართლების ფრიად საეჭვო მიზეზების მოსმენა: ლექციაზე დაგვტოვეს და ვერაფრით თავი ვერ გამოვიშვიო.

დილით, როცა შემოდგომის ფერმკრთალი მზე. მტვრიან ნისლში გამოტარებული სხივებით ძლივს მისწვდა ფანჯრებს, გელამ ხალათი მოიხურა და ახალი გაზეთები არ მომპარონო, კიბეს დაუყვა. კარის მეზობელი კიბეზევე რომ არ შემოფეთებოდა, სიზმარი აღარც კი გაახსენდებოდა. სალამზე რომ უპასუხა და რამდენიმე საფეხურით დაშორდნენ ერთმანეთს, გადაწყვიტა ეამბნა სიზმარი. იფიქრა, ცოტას გავამხიარულებო.

– ილო, ბატონო!

– ა, ჰა? – ილო შეჩერდა, ღრმად ჩაისუნთქა, მუხლზე გაზეთე-ბიანი ხელი ჩამოიდო და ჩამოიხარა.

– წუხელის მესიზმრე, ხომ იცი შენ?

ბიბიჩაძე დაიბნა, ჯერ გაცეცხამ გაურბინა უპეებმიმჭვნარ ქროლა თვალებში, მერე ღიმილმა გაუნათა ლოყებდაბერილი, მარიონეტთა თეატრის თოჯინასავით ნახევრადმეტყველი სახე.

– სათქმელად არც კი ღირს, მაგრამ რაკი შემხვედი აგერ, იცოდე მაინც. ისეთი კი არაფერი, უბრალოდ სიზმარი იყო, გაინტერესებს?  
– აპა, აპა? – თვალეები დანკურა ილომ და მუხლზე ხელი შემოინაცვლა.

– ხომ გითხარი, ისეთი კი არაფერია-თქვა. მესიზმრა, ვითომ სტადიონზე წავედი ფეხბურთის საყურებლად. დაიწყო თამაში, ჩემო ბატონო, და, რას ვხედავ – ილო ბიბიჩაძე არ თამაშობს ფეხბურთს? ჯერ ეჭვი შემეპარა, დაგაკვირდი, რაც შემეძლო. კი, შენ იყავი ნამდვილად. მიდღემჩი არ უთქვამს, ფეხბურთელი ვარო, ან მე თვითონ როგორ ვერ მივხვდი, რა მეზობელი მყოლია-მეთქი, ეს იყო სულ. გიყურებდი და მიხაროდა, მეტი არაფერი. სიზმრის ამბავი არ იცი?

რაც უფრო ალალი ღიმილით ყვებოდა გელა, სიზმრის ადრესატი უფრო იღუშებოდა, ბოლოს ღრმად ამოიოხრა და იღუმალი მზერა მიაპყრო მეზობელს.

– რას ნიშნავს ვითომ ეგ?

– რაი?

– ბურთის თამაში სიზმარში.

– არაფერს, შე კაცო. სიზმრის გჯერა? ფეხბურთზე ფიქრი ჩამყვა, ალბათ, ძილში. იცის ასე.

– გმადლობთ, გმადლობთ, – ნერვიულად თქვა ილომ. სწრაფად შეტრიალდა და კიბეს აუყვა.

დამავინწყდა მეთქვა, რომ იმ დღეს შაბათი იყო.

გაზეთებში, რატომღაც, დიდად საინტერესო და მისაჭიჭინებელი არაფერი ეწერა. გაზეთების კითხვას რომ მორჩა, „დროშის“ ბოლო ფურცელზე გამოქვეყნებულ „თავსამტკრევს“ ჩაულრმავდა. ქართველი კომპოზიტორის შვიდბგერიანი გვარი ვერ მოიგონა და თავის თავზე განყრა – კროსვორდისთვის მცალია ახლა მეო? ჟურნალი ორშაბათს უნდა ჩაებარებინა. მაგრამ საქმეს გული ვერ დაუდო. „ილუზიონამდე“ მთელი ხუთი საათი იყო დარჩენილი. არ იცოდა, რა ეკეთებინა.

გელა კირთაძეს შაბათი არ უყვარდა.

ზარის ხმამ გაახარა, ვინც უნდა იყოს, ცოტას მაინც გავერთობიო. ჭურჭრუტანაში არც კი გაუხედავს, მეყსეულად გაალო კარი. პარმალზე ხალათმოხურული ილო იდგა.

– მობრძანდი, ილო ბატონო.

– გმადლობთ, აგერ ვიქნები, პატარა შეკითხვა მქონდა, – ილო აღელვებული ჩანდა.

– ასე კარში ხომ არ გაეჩერდებით, შე კაცო, – კიდევ ერთხელ შემოიპატიჟა, მაგრამ სტუმარი კარის ზღურბლს ვერა და ვერ გადმოაშორა.

– ისა... ესე იგი ფეხბურთს ვთამაშობდი? – ბიბიჩაძემ ხმას დაუნია, მიიხედ-მოიხედა და თითქოს დიდ საიდუმლოებას ანდობსო, ჰკითხა:

– რა ნომერს ვთამაშობდი, თუ გახსოვს?

– ა, კი არ დავკვირვებივარ, ეს ოხერი, – გელას გაუკვირდა შეკითხვა, მაგრამ უფრო თავის მახსოვრობას გაუნყრა, ნომერი მაინც როგორ არ გამომყვაო.

– სად მხედავდი უფრო ხშირად, მოედნის ცენტრში თუ ფრთაზე?

რა მნიშვნელობა ჰქონდა ახლა ამას, კაცმა რომ თქვას, მაგრამ ადამიანთა უცნაურობას ხომ საზღვარი არა აქვს, ჩემო მკითხველო.

– ხან ისე და ხან ასე. წინაც იყავი და ხანდახან დაცვასაც წაეხმარებოდი, – გელამ აშკარად იცრუა.

– ჩვენს გუნდში ვთამაშობდი, თუ იმგენის?

გელას არც ის ახსოვდა, ვინ და ვინ ხვდებოდა წუხელ სიზმარში მწვანე მინდორზე, მაგრამ დაუფიქრებლად უპასუხა:

– ჩვენსაში, რა თქმა უნდა.

– ხალხი ბევრი იყო?

– კი. ბილეთი ძლივს ვიშოვე. ტრიბუნებზე ტყვა არ იყო.

ილო ცოტათი დამშვიდდა, გაბრუნებაც კი დააპირა, მაგრამ გადაიფიქრა.

– ვის ვეთამაშებოდი?

– კი ვერ გავარკვიე, დასწყევლოს ღმერთმა, – გელას შუბლზე ოფლმა დაასხა. – რალაცა უბედური გუნდი იყო. თავისი სახე არც კი ჰქონდა.

– უხეშობდნენ? – მრავალმნიშვნელოვნად იკითხა სტუმარმა.

– კი. გარდა ამისა, მსაჯიც იმათ უდგებოდა.

– შენ ეს მითხარი, რა ფერის მაისური მეცვა?

– მგონი ყვითელი.

– ყვითელი? – ილომ კეფა მოიფხანა.

– ჰო, მოყვითალო უნდა ყოფილიყო, თუ არ ვცდები. შემოდი სახლში, შე კაცო, გავიყინე.

– გმადლობთ, გმადლობთ, – აშკარად ჩანდა, ილო სიზმრის მნახველის პასუხებით უკმაყოფილო იყო. გატრიალდა და ფოსტლების ფულატუნით თავისი კარისკენ წავიდა.

გელა საქმეს დაუბრუნდა, მაგრამ ასოები სადღაც გაურბოდნენ. წამდაუნუმ ეშლებოდა და თავიდან ინწყებდა. ილოზე ფიქრი არ ასვენებდა. გუნება მოვუშხამე ამ დილით კაცს. ან რა ჯანდაბამ დამასიზმრა ეს უცნაური სიზმარი, ან რა ჯარხანამ მაამბობინა, ვყოფილიყავი ჩემთვისო.

არ გაუვლია ორ საათს, ილომ რომ ისევ მოაკითხა. გელამ კარი გააღო და მოსულს დამნაშავესავით მიაჩერდა.

ილოს ტუჩები უთრთოდა, ხელებს თავს ვერ უყრიდა, ხმის ამოდებას ვერ ახერხებდა.

– გისმენ, ილო ბატონო, – გაამხნევა მასპინძელმა.

– მე ისაა... ისეთი არაფერი. მინდოდა ზოგი რამ დამეზუსტებინა, რასაკვირველია... ამინდი როგორი იყო?

– ნვიმდა – უღმერთოდ იცრუა გელამ და მტკიცედ გადაწყვიტა; რა ზერელე მოსიზმარე ვყოფილვარ, აწი მაინც კარგად დავაკვირდები ჩემს სიზმრებსო.

– ნვიმდა? – სხვისი ხმით ჰკითხა ილომ.

– კი, ნამდვილად.

– შენ ეს მითხარი, ახალ სტადიონზე იყო თამაში თუ ძველზე?

– ახალზე. ძველზე ხომ ნვიმის დროს მოედანზე წყლის გუბები დგება.

– რა დგება?

– იტბორება ძველი სტადიონი, შემობრძანდით, გთხოვთ უმორჩილესად, რა ვქნა მეტი, აბა, – უკან დაიხია გელამ.

– არა მიშავს, სხვა დროს, – ილომ მალლა აიხედა და ამოიხვენემა. – თუ გახსოვს, რასაკვირველია, უხეშობდნენ?

– ვინ? ჩვენ თუ ისინი?

– საერთოდ.

– არ იყო მაინცდამაინც „გრუბი“ თამაში. პრესინგს კი მიმართავდნენ.

– რას მიმართავდნენ?

– პრესინგს.

– მთელ მოედანზე?

გელამ ყელში სიმშრალე იგრძნო და ნერწყვი გადაყლაპა.

– არა. მარტო საჯარიმოზე.

– გმადლობთ, გმადლობთ, – ილო სწრაფად შებრუნდა, გაქვავდა, ისევ შემობრუნდა, თითქოს რაღაც უნდა თქვასო, მაგრამ გადაიფიქრა, ხელი ჩაიქნია და თავისი კარისკენ წალასლასდა.

„რა ბზიკმა უკბინა, რამ გადარია. პატარა სიზმარი ვუამბე, მეტი ხომ არაფერი. ამ ხნის კაცი სიზმარმა (და ისიც სხვისმა სიზმარმა) უნდა გააგიჟოს? ფეხბურთელადაც რომ ყოფილიყო დაბადებული, თავის დროზე უნდა ეთამაშა, თორემ ახლა ფეხბურთიც ჩავლილია მაგისტვის და ფრენბურთიც. რანაირადაა წამონითლებული სახეზე. ჩემი მიზეზით არაფერი მოუვიდეს, ამას ვწუხვარ, მეტს არაფერს. რამ დამასიზმრა, უბედური ვყავარ გამჩენს. ფეხბურთელად კი არა მაყურებლადაც არასოდეს მინახავს სტადიონზე. სიზმარი ცოტა

მართალს არ უნდა ჰგავდეს? მაინც, რამ აუშლვრია გუნება ამ სერიოზულ კაცს. სიზმარი კი არა, კაი ნამამლი კვერცხი არ ამართლებს დღეს თბილ საბუდარში. რამდენჯერაც მე სიზმარში ცხელ კუპრში ჩამაყოფინეს თავი, იმდენი გახარება ჩემს ნაგრამს. მაგრამ ქე ვარ აგერ“.

ხან იმას მოედო, ხან ამას, ბოლოს ვერაფერ საქმეს რომ ვერ დაუდო გული, ტაბურეტი გაიტანა აივანზე და ფეხები ერთ ციდაზე წაახერხა. ვერ ვჯდები წესიერად ზედო. ხერხვა რომ დაამთავრა, მერე დარწმუნდა, რომ ამაოდ გაისარჯა, მშვენიერი სიგრიდის ფეხები ჰქონდა სკამს.

როგორც იქნა, გაათრია დრო სადილობამდე. ოთხს აღარაფერი უკლდა, ტელევიზორს რომ წამოუნვა. დარეკეს. იცოდა, რომ ილო იქნებოდა. კაცმა რომ თქვას, აქამდეც ელოდა მეზობლის გამოჩენას.

ილო საგარეოდ იყო გამონყობილი. შავი პრიალა კოსტიუმი ეცვა, თავზე ძველებური დაბალცილინდრიანი შლაპა ეხურა (თეთრი ბანტით განყობილი), ხელთ ლომისთავიანი ტროსტი ეჭირა და მარცხენა თვალს ავზნიანივით ახამხამებდა.

– მივდივარ ახლა მე, – მცირე პაუზის შემდეგ გაანდო სტუმარმა, თითქოსდა თუ ვინმეს უნდა სცოდნოდა მისი წასვლის ამბავი, პირველ რიგში – გელას.

– საით? – ზრდილობის გულისთვის იკითხა მასპინძელმა. – შორს?

– აგერ ჩემს ქვისლთან მივდივარ, საქმე მაქვს პატარა. ისეთი არაფერი. ისაა. ერთი ეს მითხარი, ვთამაშობდი ქე მაინც რამეს?

– არ თამაშობდი, მე მგონია, ურიგოდ... როგორ გითხრა ერთიორჯერ გარღვევაზეც გახვედი. აღარც კი მახსოვს... საერთოდ, რას გადამეკიდე, შე კაი კაცო. ბოლომდე კი არ მიყურებია. სიზმრის ამბავი არ იცი? ერთ წუთში მთავრდება. შენ გგონია, მთელ ორ ტაიმს გაყურებინებს გამჩენი?! – ბრაზი დაეცყო ხმაში გელა კირთაძეს.

– რამე საგოლე მომენტი თუ შევქმენი, ეს მაინტერესებდა, მეტი არაფერი. თუ ჩავანოდე ხეირიანად?

– არ ჩავგინოდებია. ბურთი წინ გაიგდე და ველარ დაენიე. ეს იყო, რაც მე ვნახე და, საერთოდ... რა ვიცი. აღარ მაინტერესებს სიზმრები! შენ საქმე არაფერი გაქვს? – კარი მთლად არ მიუხურავს, მაგრამ მეზობელს აშკარად ანიშნა, რომ მისმა უაზრო ვიზიტებმა გული გაუნყალა.

– გმადლობთ, გმადლობთ, – მისი ასაკის კაცისთვის კოხტად შეტრიალდა ილო, ქუსლი ქუსლს ჰკრა, ლიფტის ლილაკს თითი დააჭირა, მაგრამ კაბინას არ დაელოდა, მასპინძელს შლაპა მოუხადა და კიბეზე ჩაბაკუნდა.

ქვისლთან მიიჩქაროდა ვითომ ნამდვილად?

\* \* \*

– დილა მშვიდობისა, სტუმარო!

გიორგი ნიკლაურს კარვის კალთა კისერზე გადაუფენია, ჩა-  
ცუცქულა და მანჯღრევს.

ნაბადი მოვისროლე, ნამოვჯექ და თვალები მოვიფშვნიტე.

– გათენდა?

– არც ბევრი დააკლდების, ექვსი საათია. ხომ კარგად გეძინა?

– მეფურად, შენა?

– სამ ბაღს ნუ მომიკვდების, თვალი არ მომიხუჭავს.

– რად დაისაჯე თავი?

– სტუმრებს ხომ არ შეგასწრებდით კარავჩი. ჩემ დასანოლ  
ალარ დარჩა.

– სხვისმა მაზიარებელმაო... თურმანაული?

– ისიც ჩემს დღეში ჩავარდა. მაგრამ არაფერ წაგვიგია, შატი-  
ლის მადლმა. სამნი ვიყავით ცეცხლთან ჩახუტებულნი.

– მესამე?

– ჩვენი ალალი ძმა – ყიპიტაური. აბა, უიმისოდ რას გავძლებ-  
დით. არ შეგცივდა?

– ხომ ხედავ, ჩექმებიც არ გამიხდია?

კარვიდან გამოვძვერი. ჯერ ისევ ბნელა. ვარსკვლავები თავთა-  
ვიანთ ბუდეებში მიყუყულან. ცა მარტოა. მთის წვერებზე ბაცი  
თოვლი ილანდება. კარვებს შორის აქა-იქ ჯერ კიდევ ბჟუტავს ცე-  
ცხლი. ვილაცა მანქანის სტარტერს გამეტებით აჩხაკუნებს. წამით  
რომ სიჩუმე ჩამოვარდება, ქვემოდან, შატილის კოშკებიდან ფან-  
დურის სუსტი ხმა მოაქვს ნიავს. უკანა ფარებანთებულ „ვილისთან“  
თურმანაული ირწევა. წეროსავით მაღალ ფეხებზე დგას მაღაროს-  
კარის „ხევისებრი“ და განუყრელი ნაზდის ქუდიდან მისი ჭაღარა  
ახლა შავხუჭუჭად მოჩანს.

– ხომ გითხარ, ჩვენი კაცია, გამაიგყვება-მეთქი. ანდე თუ სწორი  
არ მითქვამს, – თურმანაული ბეჭებზე მისვამს ხელს და ნიკლაურს  
ნიშნისმოგებით ემასლაათება – არაო, სტუმარს ნუ შევანუხებთო.  
აგეთი სტუმარი სწორედ ძილით შასნუხდების. ხომ მართალ ვარ?  
– მიმონმებს, – ახლა მუცოს დავეცეთ. მზეს მუცოს კოშკებიდან  
მივესალმობთ და თითო არაყი დავჰკრათ, როგორია?

– ვინ იცის, რა სიზმრებს აგაგლიჯეთ, – გიორგი იცინის. – ეგ  
კი მართალია. დილისკენ ტკბილ სიზმრებს ჩამაივლიან, – კვერს  
უკრავს თურმანაული.

– ეჰ, კარგა ხანია, ჩემო გიორგებო, ჩემს სასთუმალთან ტკბილ სიზმრებს აღარ უთოვია.

დავიძარით.

ანატორის აკლდამებს გავუარეთ და მუცოს ხეობაში შევედით. მთავარი გზიდან, ხელმარჯვნივ ქვებნათოვ ქალაში კარგა ხანს გვაჯანჯლარა „ვილისმა“. ბოლოს არაგვის (ხევსურები დიდსა თუ პატარა მდინარეს ყველას „არაგვად“ უხმობენ) ნაპირას შეჩერდა, მძლოლი გადავიდა, ერთი-ორჯერ ქვა მოისროლა ნყალში და მანქანაში შემობრუნდა.

– ვერ გავალთ.

– რაიდ ვერ გავალთ? – გაჭირვეულდა თურმანაული.

– მოტორს ჩაგვიქრობს, მკერდამდე მოჩქეფს, ჩავრჩებით, – მძლოლმა გიორგის შეხედა.

– რა გაენყობა. ნყალთან ყინჩობა არ ეგების. დაატრიალე, მურყვანებში ჩამოვხედეთ.

...ბრტყელ ხავსიან ლოდზე ჟიპიტაურით სავსე ხელადა გვიდგას. გალიგვებულები, მოხარშული ხორცი, მჟავე ხაჭო, გუშინდელი ხინკალი, დედას პურები, სულ ეს არის ჩვენი ავლადიდება. თხის ყანნი ხელიდან ხელში გადადის. არაყმა სული გაგვითბო.

ვდგავართ ოთხივენი. თურმანაულმაღა ჩაიმუხლა სიპ ქვაზე ერთადერთხელ, მაგრამ სწრაფადვე წამოხტდა. ცივიაო, ტიალი. რაც უფრო ნათდება, უფრო ცივა და გაღმა-გამოღმა კლდეები თითქოს-და განზე იწევენ. ხეებს ყვითელი ფერი უბრუნდება და კენწეროებს მოდებულები თრთვილი ვერცხლივით ბრწყინავს. ცა ნელ-ნელა ნათდება, მაგრამ მზე ჯერ კიდევ შორს არის. სანამ პირველი სხივი ამ მთებში ჩამოაღწევდეს, ყინვა ძვლებში გაგვივლის.

დავლიეთ ანატორის სიკვდილის სადგურში ცოცხლად დამარხულთა შესანდობარი, მამა-პაპათა სალოცავის სადღეგრძელო, მწყემსთა და მონადირეთა მფარველი ღვთაების სადღეგრძელო, ამ ხეობაში ჩამობრუნებული მთიელის სადღეგრძელო, კელაპტრებივით ყვითლად დანთებული ხეების სადღეგრძელო, საქართველოს არგათავების სადღეგრძელო... ბოლოს იქამდეც კი მივედით, რომ მკვდრის გულს დანვეთებული ალალი ცრემლის სადღეგრძელო დავლიეთ.

– გინდათ ცრემლზე ლექსი, – თურმანაულმა ოქროთი შეღებულ მთის წვერს ახედა:

დავბერდი, ცრემლიც დამიბერდა,  
დავბერდი, სიტყვაც დამიბერდა,  
ვარ ორის ჯოხით მოარული...  
აბა, გაიხედნეთ ჩემ ნავალსა,



ცრემლით არიან დასეტყვილნი.  
აბა, დაჰკვლიეთ გზა-გზის პირთა, –  
ცრემლით არიან დარეცხილნი!  
ცეცხლი მაქვს გულზე მოდებული,  
ტუსის სული ასდის ჩემს ცრემლსაცა,  
დავდივარ დამწვარ-დადაგული.  
ღმერთმა დასწყოს ცრემლი ჩემი,  
ღორღივით არი, ხალხო, მძიმე!  
მე თავადა ვარ სატირალი,  
მე თავადა ვარ დაღონება,  
ხმელეთზე ფეხით მოარული.

– რა დიდებულია, – ვთქვი მე, მაგრამ მაშინვე ვიგრძენი, რომ ლექსის ჩემეული შეფასება ყალბად ჟღერდა. თუ შეგიმჩნევიათ, ფშავ-ხევსურნი ლექსის ავ-კარგზე თითქმის არ ლაპარაკობენ. ისინი ლექსებს უბრალოდ ამბობენ, ლექსით ცხოვრობენ და იშვიათზე იშვიათია განზე გადგნენ და დაფიქრდნენ იმაზე, თუ რა სადა და თანაც გენიალური ფრაზაა „დავბერდი, ცრემლიც დამიბერდა“, ან „მე თავადა ვარ დაღონება, ხმელეთზე ფეხით მოარული“.

სევდიანმა ლექსმა ცოტა ხანს თავი ჩამაქინდვრინა, ჩემს თავთან, ჩემს ფიქრებთან ჩამაბრუნა და ვინ იცის, რამდენხანს შევრჩებოდი სევდას, მაღლა, ბილიკზე ჩქამს რომ არ გამოვერკვიე.

– ეჰაი, ხევსურო, ჩამაუხვიე! – გიორგიმ ხელი დაუქნია ბილიკზე აღმა მიმავალს. მგზავრი შეჩერდა, ფინალი ბეჭიდან გადმოიღო და ზედ დაეყრდნო.

– გაგიმარჯვდასთ.

– ჩამაიბარდი, ერთი დაგვილიე.

– აგეშენასთ, გმადლობთ, მთას მივდივარ, დალევა არ ეგების, – ფინალი კვლავ მხარზე შეიდო და შეტრიალდა.

– არ გამაგივა ეგ საქმე, ლაშარის მადლმა, მიადგი ფეხი, ხევსურო, შენ გეუბნებიან! – დასწყვილა თურმანაულმა.

მგზავრი კიდევ ერთხელ შედგა და მოიხედა.

– სულ ერთია, მაინც არ გაგიშვებენ. მანდ, ზემოთ ხალხი გყავ ჩათოფებული. შენის ნებით ჩამაჰხვედ, აგრე სჯობიან, – გიორგი სიცილს ძლივს იკავებს.

ძალად სტუმარი ბილიკს ჩამოჰყვა, აბგა მოიხსნა, ფინალი ქვას მიაყუდა, მშვიდობის დილა გვისურვა და შორიანლო გაჩერდა.

მოსხლეტილ ზვავს ჰგავსო, ვერა და ვერ იტყვი; დაბალი, ჩია ტანის კაცია, ლამისფერი ქურთუკი და რეზინის ჩექმები აცვია.

წვრილი კისერი აქვს და თითქმის უნამნამო, კურდღლის თვალები. წელან ისე მჩატედ გადმოხტა ქვიდან, რომ უფრო ახალგაზრდა მეგონა. ახლა მის დანაოჭებულ ყელღანვს რომ ვაკვირდები, თუ მეტისა არა ორმოცდაათს მიტანებული მაინც უნდა იყოს. კეფაზე – გაფსკვნილი, ფერგადასული, დაბამბული ქუდი ახურავს. სრულიად უმიზეზოდ ქუდს წამდაუნუმ ამოძრავებს. ხელით ხან წინ გადასწევს და მეჩხერ წარბებზე ჩამოიფხატავს, ხან უკან გადაქაჩავს და განლელულ კეხიან ცხვირს ზემოთ, თეთრყირმიზა შუბლს სანახავგეროდ გამოაჩენს.

– ხევსურს რომ ეძახი, იქნება ქისტია, – სტუმრის გასაგონად უთხრა თურმანაულმა გიორგი ნიკლაურს.

– აქამდე ხევსურ ვიყავ, – წარბი შეჰყარა სტუმარმა.

– რა გვარის ხარ? ახლოს მაინი, – გიორგიმ ყანწი გაუვსო და მიანოდა.

– ღვთისო ზვიადური მქვიან. გაგიმარჯვდასთ. დილის მადლი შეგეწიოსთ. თუ არ გენყინებისთ, ვერ დავლევ. შორი გზაი მიძევს. სხვა დროისთ იყვოს, – მოიბოდიშა ღვთისომ, ყანწი ტუჩთან მიიდო და თურმანაულს გადაანოდა, მაგრამ „ხვეისბერმა“ ხელები გაასავსავა.

– აი, ეს კაცი მწერალია, გელა კირთაძე, თბილისდან. ეწყინების, უნდა დაჰლიო.

ზვიადურმა შემომხედა, მაგრამ აშკარად შეეცყო, რომ ჩემი მწერლობა მაინცდამაინც ვერ დაიჯერა და კიდევ გაიბრძოლა.

– ღმერთმა ყველას ხელ მოუმართას. ჩემს საქმეს დალევა არ ეწყობის. შორი გზაი მელის.

– დალიე, ნუ ინაზები პატარძალივითა, დედას ჟიპიტაურია, არ განყენს, – ლამის უბრძანა ნიკლაურმა.

ხევსურმა სამივეს ცალ-ცალკე მოგვაპყრო მუდარით სავსე თვალები, მაგრამ ჩვენის მხრივ ვერავითარი თანაგრძნობა რომ ვერ ჰპოვა, ხელი ჩაიქნია და თხის ყანწი სულმოუთქმელად გადაჰკრა.

გიორგის გაეცინა.

– რაირა გეცინების? – მიუბრუნდა ზვიადური.

– გემრიელად კი გადაჰკარ, არაყთან ხამად არ იქნები.

– საქმეწი არ გამოდგების. ლალატი იცის, თორემ სხვაფრივ კაი არს. დარდის მტერია.

– სად მიჰმგელამდი ასე ჩქარჩქარა? – თურმანაულმა ჰკითხა.

ღვთისომ შუბლზე ხელი მიიჩრდილა და მალლა აიხედა.

– გაჰხედე, დათვიჯვარს შავი ღრუბელი ადგას, სანვიმრად ეღირების.

– მერე ინვიმოს, შენ რაი განუხებს.

– ახალგათიბულს თუ დაანვიმა, ჩაახურებს და ჩაალპობს, გასაშლელად ვეშურები.

– სად გიძევთ ნათიბი? – ჩავერიე.

დასავლეთით, შატილსნამოყუდებული თოვლიანი მთისკენ მიმითითა.

– ა ემ მთის ძირშია. შორ ნუ გეგონებავ. ოთხი საათის გზა არც კი არი.

– აგაშენა ღმერთმა.

– ახლა ყველაფერსა ვჰკვირობთ. აი, მაშინ გენახათ, იმ ჭიუხებს ზემოთ, იალაღებს რომ ხნავდნენ ხევსურნი.

– სადა კაცო? – ფერდობს დაბლა ვათვალიერებ.

– მაღლა-მაღლა, თოვლის ზოლთან, დღესაც ეტყობის ნაპოხი.

– იქ ან ხარები როგორ აჰყავდათ, ან რასა თესდნენ, რა მოდიოდა?

– ქერი.

დავლიეთ იმ ხევსურის სადღეგრძელო, ამ ფრიალო კლდეს რომ ჩაჰბლაუჭებოდა ათასი წელი და ბოლოს „შეტყუვლით ჩამააბარეს“, მერე დავლიეთ ჩვენი სატკივარის მორჩენის სადღეგრძელო...

მზემ რომ ნათელი დაგვაფინა მხრებზე, აღარც კი გვიგრძენია. რომ იტყვიან, კარგა ლაზათიანად გამომტყვრალეები გახლდით.

ვმღერით, ვხარხარებთ ხან მიზეზით ხან უმიზეზოდ, ერთმანეთს ვებლოტილებით, ერთი-ორჯერ ნავუცეკვეთ კიდეც. ღვთისო ჩუმადაა. ფინალს დაყრდნობია და მინას ჩაჰყურებს, ცდილობს, სიმთვრალე არ შეიმჩნიოს.

– რამდენი შვილ გყავს, ზვიადაურო? – გიორგი ჩასძახის.

– ექვსი.

– ყოჩაღ, ხევსურო. ვაჟკაცი შენ ჰყოფილხარ. სად სახლობ?

– მუცოს პირდაპირ, ხევში.

– მარტო სახლობაა?

– მარტო.

– უმეზობლოდ, კაცო? – ვეკითხები.

– აქამდის უმეზობლოდ ვიყვნით. გაზაფხულს ერთი ოჯახი აპირობს დაბრუნებას.

– საიდან?

– მანდეთ, თბილისთან ჩვენი სოფელია, გამარჯვებაი ჰქვიან, ხევსურნი სცხოვრობენ.

– ღვთისო! – თურმანაულმა ჭინჭრაქა ხევსურს ხელი ჩამოადო მხრებზე, – რა ჰქვიათ ბაღლებს?

– რაიდა რა ჰქვია – ბაღლები.

– სახელებს გეკითხები, ჩამათვალე.

ღვთისომ ფინალს ხელი შეუნაცვლა, თვალეებში შემომხედა და დაინყო.

– თამარაი, დავითაი, ჯაბაი, ეთერაი, საბაი... საბაი... ეთერაი, ჯაბაი ვთქვი, დათვია... თამარაი, ჯაბაი, საბაი ვთქვი... – თვალთ მომარიდა და თავიდან დაინყო – თამარაი, დათვია, ეთერაი, ჯაბაი... თურმანაული და ნიკლაური სიცილით იფხრინებთან.

– ბაღლების სახელ აღარ გახსოვს!

– ქალაღღზე ჩამასწერე და გულზე დაიკიდე!

– დილაობას გადასთვლიდღ, არ დაგავინყდების!

– ძაფი შეიბი რაღაცაზე!

– ცოღს ჰკითხღ, არ დაგიმალავს!

რაც უფრო დაღაღობენ თავზე მთვრალღბი, მით უფრო იბნევა ღვთისო.

– რაირა გაცინებთ? ყვეღაფერაიც კარგად მახსოვს. განა მაცლით ჩამოთვღასა.

– არა უშავს, ხდღბა, – დავამშვიდღ.

– უარესიმც ხდღბის, – ღვთისოს გული მიეცა და გამხიარულღა, – რაკიღღა ეშმაკურ გუნღბაზე ჰხაროთ, ერთ სათრევეღღა ამბოვსა მეც მაგიყვებოთ. პაპაჩემ უთურგაი ერქვა, ღღბაის კარში სახღობღღა. კაი ყმის სახელი ჰქონღღა დავარღღნიღღი. ახღაც მხვდღღბიან პაპის მცნობნი. ახღაიც თითო ჭიქა არავს მამანვღღიან უთურგაის ანგარიშზეღღა.

– რატომ უთურგაის ანგარიშზეღღა? – თურმანაულს გიორგის მხარზე ხელი ჩამოუცურღღა და კინაღამ ცხვირი ჩამოჰკრა ბეჭზე.

– პაპაის სახელით, პაპაის მაღღლით მპატიყებენ. თორო მე ვის დავეკარგღ, ვის რაჩი ვარგვივარ. პაპისტოღღანი ცერად მიცქერენ, „გონჯ ღვთისოს“ მეტყვიან, ზოგჯერ, სიყვარულითა

– დიდი სიყვარულითა? – ნიკლაური იცინის.

– უთურგას ცხრა შვიღღი ჰყავღღის. ახღა არცერთ აღღრაა ცოცხალი. ყვეღანი იქათ, გაღმა სოფელჩი დაბინავღღან. ჰოღღა, იმას გეუბნებოსღღით, მამაჩემ – ნაბოღღარაი ერთი ნღღისა ჰყოღღიყო პაპასა, გაუნათღღავი. გაუნათღღავ ბაღღს ხევსურნი სახელს არას ეძახღღნენ.

– სწორიღა, უბრაღღოდ „ბატარად“ ან „ბაღღად“ უხმობენ. – თურმანაული ჩაერია.

– უთხარ, დამაცადოს, – გიორგის შეხეღღა ღვთისომ.

– დააცად, თორო დაავინყდების, – სიციღღისაგან ყბღბში თავგეღბი აუთამაშღღნენ ნიკლაურს.

– მამაჩემი ბატარა, სულ ერთი ნღღისაი, ცხენჯორზე შამაესვა უთურგასა და შატიღღს ჩამაეყვანა გასანათღღავაღღა. დეღღი ვერ თან გამაჰყოღღოღღა, აქ ბოღღში, ფეხმღღიმედ ჰყოფიღღიყო. ჩამაეყვანა შატიღღში, გაუნათღღავს მღღვდელსა, თავის დავთარშიც სახელი ჩაუნ-

ერავს, წმინდა ზეთი წაუსომს მამაჩემისთვის (ერთაის წლის ბალ-ლი) ცხვირზე და გამოუსტუმრებია ლეზაისკენ, აბა, უთურგას მასპინძელს რა დაუჭლებდა. ძმადნაფიცი თავის კომკთან დაჰლო-დებია. ჟიპიტაურის წვიმით თავიდან ფეხამდინ უსველებია. დილა-ბინდბუნდში მოსდგომია სახლსა პაპაი. გამაჰგებებია დიაცი – რა დაარქვაო ღვდელმა ბატარას? უთურგა არას ამბობს, მძიმედ დააბო-ტებს. ცხენს ლაგამ-უნაგირი აჰყარა, ტყაპუჭ-ქალამანი გაიხადა, კერას მიუჯდა, საგონებელჩია, ჰა, რა დაარქვითო ბაღლსა, ბეჩავო? არ ეშვება დიაცი. რა ჰქნას უთურგამ, ამ ლოთობა-კვარჟღალში თავისი ბაღლის სახელი დაჰვინყებია, რას ჩამაცივდი, დედაკაცო! – წამაუყვირნია, – რას დავარქმევდით, „ჯუღურაი“ უწოდა ღვდელმა ამ შენს ჭინჭრაქასაო. ეჭვს ვინ გაუბედავდის პაპასა, ან ღვდლის დავთარს ვინ ჩაჰხედავდის, დარჩა და დარჩა ჯუღურაი სახელად მამაჩემსა, დარჩა და ამ სახელითაც წავიდა სულეთშია.

ამას რომ ჰყვებოდა, ღვთისოს ხელებს ვაკვირდებოდი. გრძელ მკლავებს ისე შეთანხმებულად და ერთნაირად იქნევდა გეგონებო-დათ, თიბავსო. ისე ხმამაღლა ლაპარაკობდა, თითქოს წყალგაღ-მელთ უნდა გააგონოსო. გაუხეშებულ, ბელტითება, ძვლებლია ხელებს ფერდებზე წამდაუნუმ ისვამდა. სიცილი გვაცალა, მერე სწრაფად დასერიოზულდა, ყანნი გაავსო და მალლა ასნია.

– ერთ სადღეგრძელოს ვიტყვი, თუ ნებას დამრთავთ.

გავსწორდით ისე, როგორც ჩვენს დღეში მყოფთ შეეძლოთ გას-წორება და სმენად ვიქეცით...

– მოდით, დიაცის სადღეგრძელო იყოს. ბარელთ ნუ გენყინებისთ, დიაცის ფასი მთაჩი უკეთ იციან. არ დამცინოთ კია, ბარად შვიდი წელი მოვათიე. ბარისა ცოტა რამ გამეგება. იქნების, სისულელეს ვჩიოდე, სხვის ომში ბრძენობას ვიჩემებდე; მე რაც დამემართა, იმას ვამბობ. თხუთმეტი წლის წინათ ჩაგვლალეს ბარად. აუგს ვინ იტყ-ვის, ეგ არის დავისვენეთ-მეთქი, ამ კლდეებზე ბლოტიალს გადავურ-ჩით-მეთქი. შვილებს გაფიცებთ, არ დამცინათ. სამ წელიწად კარ-გად ვიყავით, მერმე უცნაურ დღეში ჩავვარდი – დიაცს გადავეჩვიე. ლამის თავი მავიკალ. არად მინდარის ჩემი ცოლი. რაი დამემართის, არც რაი ვიცი. ისეთი საქმეა, სხვასაც ვერას ჰკითხავ, დაგცინებენ. ჩავუკვირდი ჩემს ბეჩავობას. იქნების, სახად რამე შამეყარა. არც-რაი – კურატივით ჯამრთელ ვარ. აბა რა სიკვდილ დამემართების. საქმელ-სასმელ რიგიანი, სითბოლოგინი შვენიერი, ტელევიზორი და საქმე ცოტა. მეტი რაი უნდა კაცსა. არა და არ მიმდის გული, გადავეჩვიე დიაცსა. მაშინ ორი ბაღლი მჰყავდა, ახლა ექვსი მყავ. აქედამ ვუკვირდები, ჩემთვის რალაცეებ ახლა ამიხსნია, არ კი გამ-ცინოთ, ვაჟობას გაფიცებთ. თბილ სახლჩი ტელევიზორ ვუყურებ-

დით მე და ჩემი დიაცი. სითბო ვაჟკაცის მტერია. ძილი მერევა. ყასიდად მაინც ვეუბნებ ცოლსა, წამოდი-მეთქი, დიაცო, დავიძინოთ. ცოტაც დამაცადე, კინოს ვნახამო, მე აღარ მინდა კინოი, იმას უნდა. მთავრდება კინო, მე კარგა ხანია მძინავს. დიაცი თავის სანოლში ეხვევა. რა სიცივე შეიწუხებს. დილით თვალდაბერილნი ვიღვიძებთ ორივენი. ვარსკვლავსაც თავისი გზაი აქვს, ყველანი გავრბივართ ჩვენს მოგონილ საქმეებზე. სალამოს ისევ ტელევიზორთან ვიკრიბებით და ესეც შენი კვირა. დიაცს გადავეჩვიე. დიაცი მადლია. დიაცი ღვთის უკეთესი ფიქრია. დიაცი სიცოცხლეა. ამაველ მთაში, ნაბოლარა ბიჭი შარშან შემეძინა, გავცოცხლდი კაცი, იცით რა არი დიაცი? საქონელ რომ დააბინავენ, ცივ ღამეს რომ შაუდგები და ლოგინს გაგიტობს. გულს გაგიტობს. მერე თუ ნამეტან დაღლილ-დაკრეფილი არა ხარ, ცეცხლადაც შამოგენტება. დიაცი გულთან უნდა გყავდეს. სხვა ოთახს, ტელევიზორთან მჯდარი დიაცი ქრება, ნელდება, ცივდება. დიაცს გაუმარჯოს ჩვენს სულში, ჩვენი. ჩვენი ნეკნია, ჩვენი ნეკნია, ჩვენი გვერდია, ჩვენი არის. უჩვენოდ დიაცი არ დიაცობს, ტვირთს სახედარიც კარგად აიკიდებს. დიაცი სიყვარულია, სიყვარულს გაუმარჯოს!

ერთი დაკვრით ჩაიცალა ყანნი ხახაში და თურმანაულს გადაულოცა.

მერე ერთი დაბარბაცდა, მამერია ტიალი ყიპიტაურიო, თქვა, ხელანევით დაგვემშვიდობა, ფინალი და ზურგჩანთა ამოიილლიავა და წამოიყვირ-წამოისიმღერა:

ცოცხალთ რა გვიჭირს, მზესაა ვხედავთ.  
დალამდება და გათეენდება!  
ბრალიაააა, ვისაც დაუუულამდა,  
ვიიისთვისაც აღარ გათეენდება.

მთას ახედა, ათიოდე ნაბიჯზე აუყვა აღმართს, შედგა, ხელი ჩაიქნია, გამობრუნდა და შინისკენ მიმავალ ბილიკს დაადგა.

\* \* \*

საირმეში ვარ, ჩემი კენჭების გადამკიდე.

– ყველაფერი გავიგე ამ ქვეყანაზე, მაგრამ ზღვა რატომ არ იმატებს, ეს ამბავი მაინც გამოცანად დარჩა ჩემთვის.

– რომელი ზღვა?

– დავუშვათ კასპიის. მარტო ვოლგა და მტკვარი რამდენ ტონა წყალს ჩაიტანს ერთ საათში, სხვას დავანებოთ თავი. ერთ საათში,

ერთ დღეში, ერთ კვირაში, ერთ წელიწადში. რამდენი ასი წელიწადი იქნება, რაც ვოლგა კასპიის ზღვაში ჩაედინება? ერთ სანტიმეტრს რომ არ იმატებს, რანაირადაა ეს საქმე? ა, ნასწავლი კაცი ხარ, მწერალიაო შენზე თქვეს. ამიხსენი აბა.

– რაც ჩადის, ორთქლდება და წვიმად მოდის, – მოვიშველიე ოდესლაც სკოლაში გაგონილი.

პაჭულიას გაეცინა.

– ისე აშენდა, ვინც შენ მაგი გასწავლა. გუშინაც მასე მითხრა, წვერებიანი რომ დადის მესამე კორპუსიდან, პროფესორი ვარო, მაგრამ შევატრიალებინე ქუდი უკულმა. რა ორთქლდება, სადაა ამდენი ორთქლი? კარგი, ვთქვათ მზე რომ დააჭერს, მაშინ ორთქლდება ზაფხულში. ზამთარში? რვა გრადუსი ყინვა რომაა, მაშინაც ორთქლდება? წვიმები რომაა, რომ გადააბამს ხანდახან ერთთვის წვიმას, არ მითხრა, მაშინაც ორთქლდებაო. არ ჭამო ეგ ამბავი შენ. ჯერ წვიმა ხომ თავისთავად ჩადის და ემატება, ეს მდინარეები რომ მოდიდდება წვიმაში და ერთი ხუთად მოდის, ხომ ჩადის ზღვაში? სად გადის მერე ეს წყალი. სანტიმეტრი რაა, სანტიმეტრიც არ უნდა მოიმატოს კასპიის ზღვამ?

დაახლოებით ასეთ რთულ საკითხებზე გვექონდა კამათი, როცა ალაგეზე ძლივს გადმოხობხდა ასე ორმოციოდე წლის, უსაშველოდ გასუქებული, პიჟამოიანი კაცი და ხვნეშით დაგვადგა თავზე.

– ბოდიში, პაჭულია რომელია თქვენს შორის?

– მე ვარ, რა იყო? – მშვიდად უთხრა პაჭულიამ.

– მანქანებზე თქვენ ბრძანდებით ხომ აქანა?

– მე ვარ, რავა, რა იყო? – მუხლებზე დაიდო თავისი მოკლე თითები პაჭულიამ.

უცნობმა ჯიბეში ჩაიყო ხელი, ხუთმანეთიანი ამოიღო და გაუნოდა.

– იყოს, არ გინდა არაფერი, – დაიმორცხვა პაჭულიამ.

– როგორ გეკადრებათ, ინებეთ.

– იყოს, არ მაქვს მაინც მაგის ხურდა, მიდიხარ სუულ?

– არა. ცოლ-შვილს გავაკატავებ პატარას და სალამოს მოვბრუნდებით, – დაბეჯითებით თქვა მსუქანმა კაცმა.

– ჰოდა, მერე იყოს. რა გვეჩქარება. თუ არ იქნება და შენ კარგად იყავი. არც მაგაზე დავინყვეტო გულს, – განზე გაიხედა პაჭულიამ.

– შენთან იყოს მაშინ. ასე უფრო უპრიანი იქნება, – ამ სიტყვებთან ერთად უცნობმა კვართის ჯიბეში ჩაუკუჭა ფული პაჭულიას და სანამ მანქანასთან მივიდოდა, ერთხელაც მოუხედა, – ხუთი დღის მოცემული მექნება.

– შენ კარგად იყავი! – მიაძახა პაჭულიამ და სწრაფად გადმოირთო ჩვენთან, – იმას ვამბობდი, მეცნიერებაო, დაიჟინებს

ზოგიერთი. შენ გგონია ყველაფერი იცის მეცნიერებამ? იმისი არ იყოს, დედამინა რგვალიაო. რა არი, ბიჭო, რგვალი. რგვალი რო იყოს, ეს ოკეანეები არ დაგვესხმებოდა თავზე? მიზიდულობაა შიგნიდანო. რა მიზიდულობაა ამნაირი, ამხელა წყალს რომ აჩერებს თავდაღმა. გაგაგიჟებენ, მაგენს რომ დაუჯერო. დედამინა პატარა ბურთიაო. ამ სამყაროში. ტრიალებს, ფრიალებს ეს პატარა ბურთი. არც წყალი იღვრება ძირს და არაფერი. იფ, რა მშვენიერია! როდის იყო, ბურთზე წყალი ჩერდებოდა? რა გაციინებს? – მიუბრუნდა პაჭულია გვერდით მჯდომ ხელჯოხიან დამსვენებელს, რომელმაც გუშინ ფეხბურთის თამაშისას ქვას წამოჰკრა და ახლა „ადიდასზე“ ბინტით აქვს დაკრული მარჯვენა ფეხი.

– არა ვარ სწორი? – პაჭულიამ დოინჯი გაიკეთა.

– მაგაზე კი არ მეცინება. ფული რომ მოგცა იმ უბედურნახ-ევარმა და აქეთ რომ დაანყებინე ხვეწნა.

– არაა გლახა ბიჭი, – წყნარად თქვა პაჭულიამ და უცბად თვითონვე წასკდა სიცილი.

– სანამ გაგიგებდნენ, ხომ კარგი, მერე ხარ ცოდვა, – არ ეშვება თითნალრძობი.

– გაგებამდეა, ბიძია, ეს ქვეყანა, თქვენც ასე ბაირამობთ თქვენს საქმეში, სანამ გაგიგებდნენ. რომ გაგიგებენ, მერე მეყოლე კარგად, – ძალად დასერიოზულებული პაჭულია სიცილს ბანრით იჭერს, მაგრამ ველარაფერს აწყობს, მიუშვებს და წარბებიანად ძიგძიგებს.

– რა გაციინებთ? – მთვარიდან ჩამოსულავით ვკითხულობ მე.

– მე რა მაციინებს, ქე ვიცი, ბატონო, მარა ამას რა აცინებს ამ ფეხის პატრონს, ხომ ხედავთ, ბზიკის ნაკბენით აქვს დასივებული თითები. ჩამოვლენ და დამინყებენ აქანა, დიეტაო, ბანგლინტონიო, ამ ხნის კაცს რა ფეხბურთი აუტყდა. როცა დრო იყო, მაშინ ეთამაშა. არეულია ქვეყანა. სერიოზულ კაცს ვერ ნახავ ამხელა დაბაში. ვინც ავადმყოფია მართლა და ვისაც წამლად სჭირდება ეს წყალი, იმას ვინ აღირსებს საგზურს, ამნაირებითაა სავსე მთელი კურორტი. გეკითხები ახლა მე შენ, რაზე ჩამოდი აქანა? – მიუბრუნდა პაჭულია გვერდით მჯდომს.

– დაკლება მინდა, – ღიმილი შეაგება ფეხბურთის მოყვარულმა.

– მერე დასაკლებად, შე კაი კაცო, ამხელა გზაზე მორბიხარ? მოუკელი ცოტა ჭამას და გახდები. შენი ჯანმრთელობა უნდა მქონდეს მე და შენ ჩემი ჭკუა, მაგრამ სადა აქვს ღმერთს სამართალი. რალაც თუ არ დაგაკლო, რალაცაში თუ არ დაგჩაგრა, ისე გაგიშვებს? მაგლახავებენ ახლა ეგენი თავის ჭკუით, მეცინიან ვითომ, მაგრამ, ა, დახედე ფეხზე? ახლა მე შემხედე სახეზე და შეგნებული კაცი ხარ, შენ თვითონ მიხვდები, ვინაა ჩვენს შორის საგლახაო.



პაჭულია ორმოცდაათამდე არ იქნება და არც დიდი დრო უძევს. დაბალი კაცია, სქელკისერა. შეთხელებული თმა ისე გულმოდგინედ აქვს დავარცხნილი, რომ პარიკი გეგონებათ. დიდი პირი აქვს და მეჩხერი კბილები. მზედაკრულ სახეზე ფერიჭამელები დაჰყრია. ცალი თვალი ჩანთილებია და საუბრისას ცხვირსახოცით ცრემლს ინმენდს. გაბმულად, უპაუზოდ საუბრობს მოშლილი დინამიკის ხმით. იმერეთში ასეთ ლაპარაკს ჭიჭყინს ეძახიან.

– სანამ ეგენი გეტყოდნენ, ბატონო, მე მოგიყვები ჩემს ამბავს და მერე ამგენმა გააფორმონ, რავარც უნდათ. მაგის შნო ქე მიუცია გამჩენს, მეტი არაფერი შეუძლიათ თვარა. ავადმყოფი კაცი ვარ. მე კუჭის ნყლული მაქვს სამი წელიწადია. რავა არ გექნება კუჭის ნყლული, რაც მე ნერვიულობა მხვდება ყოველდღე – თუ შინ და თუ გარეთ. შინ, შენ ხარ ჩემი ბატონი, სამი ბავშვის პატრონი ვარ და წიგნი დასანახავად ეზარება სამივეს. მე მაბრალეებს ცოლი, შენი ტვინი გამოყვათო. შეიძლება ასეცაა, არ ვარ ნასწავლი, ბატონო, მეორე კლასიდან დამანებებია მამაჩემმა შკოლას თავი, მარა ყოველდღე ამის ძახილი ვარგა რამედ? გაიგეს ბავშვებმა, ბაბაიასავით უნიჭო გავჩნდით ჩვენცო და აიცრუეს გული წიგნზე. ვისი ბრალია ეს? არაა ჩემი უბედური ცოლის ბრალი? გარეთაა და ძაფსაღებში ვმუშაობ დაზგების შემკეთებელ-მეთვალყურედ, არ იცი ჩვენი ამბავი? ამხელა საამქროში მოიშლება რალაც, აბა რა იქნება, ძველდება რკინა, ბატონო. გაჩერდება მქსოველი და დაინყოფს უკან ხელებს. არიქა, პაჭულია! დამარბენინებენ წინ და უკან. გაცდება დაზგა და ჩემს მეტი არავინაა პასუხისმგებელი, მე მომკიდებენ ყურში ხელს. მე შენ გეტყვი, ყუთებით მიწყვია სათადარიგო ნაწილები. ჩემი ხელით ვჩარხავ და ვაკონინებ რალაცას.

რალა გავაგრძელო, ამ თვენახევრის წინ ჩავიდევი სიმწრით ნაგროვები ხუთასი მანეთი და ნამოვედი აქეთ. ნყლული მაქვს-მეთქი, მოგახსენეთ. ნყლული კი არა, კიბო რომ არ მჭირს, არ გიკვირს? ბევრი ვუცადე საგზურს, ბევრი ვუნრუნუნე ჩვენს ადგილკომს, მაგრამ ვინ გაღირსა. ვის დაეკარგე, შენს კუჭის ნყლულს ტირის ჩიჯავაძე. მეტი არა აქვს საქმე. ხო. ჩემო ბატონო, და ავტობუსში ქე ამაფცქვნა ვილაცა არდასაცალებელმა ჩემი დასვენების ფული. პიჯაკი მეკიდა საკიდზე. პიჯაკი ქე დაუტოვებია და ფული გაუყოლებია ხელს. რა ვიცი, ვინ წაიღო. რვა კაცი ამოვიდა და ჩავიდა. ხელებში ხომ არ მიაჩერდები, ვინ შემოდის და ვინ გადის. ასე რომ, სამი მანეთით ჩამოვედი საირმეში. აქანა სამი მანეთი კიი არა, ჩემი ხუთასი მანეთიც არაფერს მიზამდა, ისე იხარჯება ფული, ყველას ხელი აქვს გამონვდილი. ყველა შოვნაზეა გადასული. არა და უკან დაბრუნება, გითხრა სიმართლე, ქე შემრცხვა. დაბრუნდი

ახლა ქუთაისში ამხელა კაცი, მომპარეს ფული-თქვა, გამოაცხადე. ცოლმა რომ არაფერი გითხრას, მეზობლებში ხომ მოგეჭრა თავი. ჯერ მივიარ-მოვიარე, პატარა გევიკითხ-გამოვიკითხე, ნაცნობი არავინ შემხვდა და უცნობი ვინ გასესხებს ფულს, ვინ გენდობა. იქით მივდექი, აქეთ მოვდექი, გადავხედ-გადმოვხედე საქმეს და გავიწყვიტე შუბლზე ერთი ძარღვი. ის ძარღვია თურმე, რომ გაკავებს, მეტი არაფერი. რავარცხა იქნება, უნდა გავიტანო თავითქვა, ვუთხარი ჩემს თავს. ამ პანსიონატს დავადგი თვალი. შევედი და დირექტორს მივაჩეჩე ჩემი პასპორტი ხელში, ახალდანიშნულია, კაი ბიჭი, სხვათა შორის, აღმასკომიდან გადმოუყვანიათ, ნესიერი კაცია, ჯერ არა აქვს ნასწავლი სიგლახე. ქუთაისიდან გამომიშვეს, მე ვუთხარი, ქალაქკომმა იცის ეს ამბავი-თქვა, მანქანების სადგომი რომ არაა ამხელა კურორტზე, ჩივიან დამსვენებლები და ამაზე გამომიშვეს-მეთქი. გამომიყავი ახლავე ტერიტორია და სანამ ავტოსადგომს გააკეთებდნენ, დროებით იქ დავაყენოთ მანქანები-მეთქი. კი, მაგრამ შტატი რომ არ მაქვს მანქანების დარაჯისო? რამდენი ეღირება სადღელამისოდ რომ არ ვიცი არაფერიო? შენ მაგას ნუ დარდობ, მე ვუთხარი, გამომიძებნე პატარა ოთახი სადმე, მე ვუდარაჯებ მანქანებს უფასოდ-მეთქი. შენ აგაშენა ღმერთმაო, დამსვენებლების ჩიჩინს რომ გადავრჩები, მარტო ეს რად მიღირსო. ოთახი ვერ მოძებნა, მაგრამ უკან ფინურ ბინაში, მზარეულთან ერთად შემასახლა. დღე მაინც აგერ ერთად ვზივართ ყველანი და ღამე რად უნდა დარაჯი მანქანას. აქ ვინ ამოვა მოსაპარავად. ყოველ დილას სულ ცოტა ოცმანეთიანი ვარ, შაბათ-კვირას მეტია. მანეთს იძლევიან ღამეში. ისე უყარაულა შენმა დამანყევარმა, მე რომ მანქანებს ვყარაულობ, მაგრამ დამსვენებელს გული მაინც დამშვიდებული აქვს. პატარა ფული რომ მოვაქუჩე, საგზურის ფასი გადავუხადე პანსიონატს და ახლა ამ პირველ კორპუსში ვარ მესამე სართულზე, ნახევრადლოუსში გაჭიმული. ვუშავებ ვინმეს რამეს? ხომ საჭირო იყო ავტოსადგომი, ხომ უკეთესად გამოიყურება ჩემი აქ ჩამოსვლით კურორტის მომსახურება? აბა, რა გინდა მეტი. მე უფასოდ ვდარაჯობ, ასე მაქვს ნათქვამი ყველასთვის. სადღელამისო ავტოსადგომი უფასოდ ამის გარდა გინახავს სადმე? იქეთ არავის ვთხოვ ფულს, მაგრამ მაძლევს ის კაცი და არ გამოვართვა? ახლა მეორე ამბავი. ექსკურსიების ამბავი, როგორაცაა ჩვენთან საერთოდ, მოგეხსენებათ. არა და ყველას უნდა უღელტეხილის დათვალიერება. აქ ჩამოვიდა კაცი და რაღაც ოცდაექვს კილომეტრზე არ დაათვალიეროს უღელტეხილი? სანატორიუმ „ტრაპიზონის“ ავტობუსს პარასკევობით გამოსასვლელი დღე აქვს. მივედი შოფერთან: არავინ არ დაგაღრჩობს მაგისტვის შენ, მოგი-

გროვებ ხალხს და გაასეირნე პარასკევს უღელტეხილისკენ-მეთქი. დამთანხმდა კი არა, სიხარულისგან ტაშიც შემოჰკრა. ახლა, ყოველ პარასკევს მიჰყავს ექსკურსანტები. ვინ მიდის? არ მეხვეწებინან? სია არ მაქვს შედგენილი სამი კვირის წინასწარ? სამასამდე კაცი ხომ მაინც ისვენებს მთელ დაბაში. ყველას უნდა წასვლა. ხუთ მანეთად დიდები მიჰყავს, სამ მანეთად პატარები. ოცდაოთხკაციანი ავტობუსით მინიმუმ ას მანეთს იდებს ჯიბეში. თუმანს მე მაძლევს ხალხის შეგროვებისთვის, თუმნის ბენზინი ვთქვათ, თუმცა ბენზინი უფასო აქვთ მაგენს. რვა თუმანი ხომ რჩება ხელზე. პატარა საქმეა? კიდევ გეტყვი ერთს: სამი ებრაელი ფოტოგრაფია ამ დაბაში. ჩემზე ამოდით მზე და მთვარე. რატომ იცი? გავივლით თუ არა ასე ჯგუფად დამსვენებლები, ერთს ვიტყვი, გადავილოთ სურათი სამახსოვრო-მეთქი. ათიდან ერთი თუ იტყვის უარს. უღელტეხილზე წასვლის წინ ექსკურსანტებისთვის ავტობუსთან ერთ სურათს გადავალებინებ იოსკას ან გაბრიელს, ჩამოსვლისას მეორეს. არ იქნებინან ჩემი მაღლიერი? ჩემს სურათს ხომ უფასოდ მაძლევენ, ერთმა მათგანმა გუშინწინ საჩუქრად უნგრული პერანგი მომიტანა.

ასე ვცხოვრობ, ჩემო ბატონო, თვენახევარია აქ ვარ, კიდევ თხუთმეტ დღეს დავრჩები, თან ვმკურნალობ, თან თავსაც ვირთობ ცოტას, დრო რომ გავიდე. ვაშავებ რამეს, მითხარი შენ? შენ დაგიჯერებ. აქვს ახლა მილიციას ჩემთან საქმე? პირიქით, მთავრობამაც მაღლობა უნდა მითხრას და დამსვენებლებმაც, თურმე, თუ თავს გაანძრევ, მთლად გლახა თუ არა ხარ, ყველგან გაიტან თავს კაცი.

დამცინიან ახლა ამნაირები თავის ჭკუით. ქირქილებენ რალაცას. „პაჭულია ასთე და პაჭულია ისთეო“. ყველამ თავის ჩაშაგებულ საქმეს მიხედოს. პაჭულია არ დაიკარგება, იმნაირ ქალაქში და იმნაირ ხალხშია გაზრდილი.

განათლებული და შეგნებული კაცი ხარ, იმიტომ მიყვარს შენთან ლაპარაკი, თორემ რა ველაპარაკო ამგენს. რანაირად გაგამასხრონ და გაგაშაყირონ, იმაზე არიან გამეცადინებული დღედაღამ.

\* \* \*

მწერალთა კავშირში იაპონელი სტუმარი გვეწვია. შოთა ნიშნიანიძემ (მაშინ თავმჯდომარე იყო) მთხოვა, იქნებ გაუწიო გიდობა-მასპინძლობაო.

იაპონელის მეტი რა მინახავს, მაგრამ კომიამა უცნაური იაპონელი იყო. როგორც კი უთხრეს ჩემზე, – თქვენი გიდი იქნებაო, – მაჯაში მტაცა ხელი, თავის ნომერში ამარბენინა, ფაცხაფუცხით ამოყარა ჩემოდნიდან ყველაფერი. როგორც იქნა, ქალაქის პა-

ტარა ნაგლეჯი იპოვა და გამომიწოდა. „ოკრიბა“ ამოვიკითხე ინგლისურად. ქალაქში მეტი არაფერი ეწერა.

- კი, არის ასეთი სოფელი.
- ჰაი, - სიხარულით დამეთანხმა.
- იმერეთშია, იქეთ, - ფანჯრისკენ გავიშვირე ხელი.
- ჰაი, ჰაი, - იღიმება და თავს მიქნევს.

კომიამამ რუსული ძალიან ცუდად იცის.

ინგლისურზე ვცადე გადამერთო ჩვენი საუბარი, გაირკვა, რომ კომიამამ ინგლისური, რა უცნაურადაც უნდა მოგეჩვენოთ, რუსულზე უარესად იცის.

სხვა რა გზა გვქონდა, კვლავ რუსულს დავუბრუნდით:

- რა გაკავშირებთ ოკრიბასთან კომიამა-სან?
- ჰაი! - ღიმილით დამიქნია თავი სტუმარმა.
- თბილისიდან საკმაოდ შორს არის ოკრიბა.

- ჰაი, ჰაი, ოკრიბა! - ხელი ჩამომართვა კომიამამ, ალბათ, იმის ნიშნად; ყოჩაღ, რა კარგად გცდონია ყველაფერიო, მერე „ოკ-რიბა“ ისე ნაზად, სიყვარულით წარმოთქვა, რომ გული ამომიფდა.

დავბრუნდით მოსაცდელში და იაპონელი გიდი მოვძებნეთ. ჩემმა იაპონელმა კოლეგამ იაპონური ხომ იცოდა და იცოდა, ინგლისურსაც მშვენივრად ფლობდა და, რაც ჩემთვის ამჟამად უფრო მნიშვნელოვანი იყო, რუსულად თითქმის შეუცდომლად ლაპარაკობდა.

- ბატონმა კომიამამ ოკრიბა იკითხა, რაიმე პრობლემა ხომ არა აქვს ამ ტოპონიმთან დაკავშირებით? - ვკითხე, კომიამა ღიმილით პირში შემომყურებდა.

- დან ნან ყუა ჩუნალუ ოკ-რი-ბა მოსი ჯუნანუნჰაი დოვაზ-ელანუნა? - ჭიკჭიკჭიკჭიკით ჰკითხა გიდი.

- ჰაი, ჰაი, ჯენ ყვაი ჯგბრჰავა ტენ დან თუ კაიდოჩიჩიქრუმა - უპასუხა კომიამამ და მორცხვად დაამატა. - ჯანჩაკო ლუნა ჰიუ ლაკვაზენა?

- მოსი? - ეტყობა რაღაცის დასაზუსტებლად ჩაჰკითხა გიდი.

კომიამამ ჯერ ორივე ხელის თითები უჩვენა. მერე მარცხენა უკან წაიღო და მარჯვენა გაუშალა.

- ბატონი კომიამა ამბობს, რომ თხუთმეტი წლის წინათ იყო საქართველოში. სწორედ მაშინ სოფელი ოკრიბა მოუნახულებია. იქო, ერთმა გლეხმა თავის სახლში შეგვიპატიჟაო. ქვევრიდან ღვინო გვასვაო. თუ შესაძლებლობა არსებობსო, იქნებ ოკრიბაში ჩამიყვანოთო, თვალი მინდა შევავლო ჩემს მასპინძლებს. მაინტერესებს, როგორ არიანო, - განმიმარტა თუ არა გიდი, მაშინვე წარმოვიდგინე ჩვენი მმართველის მოჭყუნული სახე, არ უყვარს, როცა სტუმრები ცალკე მარშრუტს მოითხოვენ.

– გადაეცით ბატონ კომიამას, სიამოვნებით შეგისრულებდით სურვილს, მარტო ჩემზე რომ იყოს დამოკიდებული-თქო. დღესვე დავაყენებ ამ საკითხს და ხვალ სადილობისას პასუხს მოგახსენებთ-თქო.

კომიამამ, თითქოს მიხვდაო ჩემს ნათქვამს, ხელისგულების შეტყუებით მადლობა გადამიხადა, ხოლო როცა გიდმა უთარგმნა, კიდევ უფრო გახარებული, ოთხჯერ მოიკაკვა და, ენა ვერ აღწერს, რა აღტაცებით მომიიაპონურრევრანსა.

მესამე დღეს მე და კომიამა მწერალთა კავშირის დანჯღრეული მანქანით ოკრიბისკენ მივქროდით.

იაპონელმა სტუმარმა გზაში სამჯერ მაინც გამოიძინა, რაკილა ჩვენი ენაწყლიანი საუბრის პერსპექტივა ფრიად შეზღუდული იყო ენობრივი ბარიერით.

ენკენისთვე იწურებოდა.

ოქროსფერი, მწვანე და ნარინჯისფერი ისე ლამაზად არეულიყო ერთმანეთში, როგორც ეს მხოლოდ საქართველოში იცის.

მზე შუბისტარს მტკაველით იყო ჩაცლილებული, როცა ოკრიბაში ჩავედით.

– ოკრიბა! – მხარზე ფრთხილად შევეხე სტუმარს.

– ჰაი, ჰაი! – ღიმილით დამიქნია ჭაღარა თავი იაპონელმა. იგი ფანჯარას მიაჭიჭინდა და ყოველ ორლობესთან ბედნიერებით აღსავსე ბავშვივით ტიტინებდა მშობლიურ ენაზე. ღიმილით პირგახეული დროდადრო შემომხედავდა, სერიოზულად მეტყოდა, ოკრიბა! ოკრიბა! და გულიანად გადაიხარხარებდა.

კოლმეურნეობის თავმჯდომარე მოვძებნეთ. ახალგაზრდა ცისფერთვალება კაცმა როგორც კი მოახსენეს, სტუმრები მოვიდნენო, სახელდახელო თათბირი მეყვსეულად დაშალა და გამოგვეგება.

– ჭოლა ბატონო, ბურკაძე! – ჯერ სტუმარს გაუწოდა ხელი, მერე მე მომიბრუნდა და ძველი ნაცნობივით მომიკითხა.

– გზაში ხომ არ განვალდით, სტუმარი ჩვენს ოღრო-ჩოღროე-ბზე ხომ არ გაილახა?

მადლობა მოგახსენე და პირდაპირ საქმეზე გადავედი. ბატონი კომიამა იაპონელი გამომცემელია, მწერალთა კავშირის სტუმარი გახლავთ, ამ თხუთმეტი წლის წინ ყოფილა ოკრიბაში. რომელი-ღაცა აქაურის ოჯახში ჭურისთავზე ღვინო შეუსვამს. ახლა ჩამობრძანდა და გულმა პირველ რიგში აქეთ გამოუწია. ოკრიბაში უნდა ჩავიდე და ის გლახი უნდა ვინახულოო. მაინტერესებს, ხომ ჯანმრთელად გრძნობს თავსო.

– კეთილი და პატიოსანი, – სახე გაეზადრა ჭოლას – გადაეცი, ბატონო, დიდი მადლობა მოგვიხსენებია ოკრიბის გახსენებისთვის – თქვა.

– ჰი სეი: სენქ იუ ვერი მარ. – „ვუთარგმნე“ იაპონელს.

– არიგატო ვზაიმეშტა, – ხელისგულეებისშეტყუპებით წელში სამჯერ მოიკაკვა კომიამა.

– სხვათა შორის გვარი არ ახსოვს თავისი მასპინძლის. – ჩუმაღ, ისე რომ სტუმარს არ გაეგონა, გაგანდე ჭოლას. თუმცა ძალიან კარგადაც რომ გაეგონა, ვერას გაიგებდა, რადგანაც მომლიმარე სტუმარმა ქართულად მხოლოდ ერთი სიტყვა – „ოკრიბა“ იცოდა.

ჭოლამ კაბინეტში შეგვიპატიჟა.

ნიკაპი მუშტებს ჩამოადო და მოგვაჩერდა.

– დაახლოვებით მაინც არ ახსოვს სახლი?

– არ იუ ნიუ ვეარ ლივ იტ ჯენტლემენ?

მივუბრუნდი კომიამას.

კომიამამ მხარზე ჩამოკიდებული იაპონური ჩანთა იატაკზე დადო, აივანზე გაირბინა, სოფელს გახედ-გამოხედა და ღრმა დაფიქრების შემდეგ გამოგვიცხადა:

– ნოუ.

– არ ახსოვს, ეტყობა დაათრო მასპინძელმა. გავიაროთ სოფელში და იქნება გაახსენდეს. – ვთქვი მე.

კაბინეტში რომ შემოვბრუნდით, ჭოლამ ეზოში მოფუსფუსე იმერულქუდიან მოხუცს უხმო.

– ბიკენტი ბიძია, ამობრძანდი ერთ წამს, თუ არ შენუხდები.

ბიკენტიმ, წკნელი გადააგდო, ქუდი იშვლიპა, ჯერ უღვაშები იგრიხა კარგა ხანს და მერე ჭოლას კაბინეტში შემოსვლისას სველ ტილოს გულის განწყალებამდე უსვა ნულები. ისე თავანუული, ხელისგაქნევით ინმენდდა ფეხსაცმელებს, გეგონებოდათ ცეკვის ილეთს სწავლობსო.

– ბიკენტი ბატონო, გაიცანი, სტუმარია იაპონიიდან, – ძლივს მოასწრო სიტყვის დამთავრება ჭოლამ, რომ ბიკენტი რამდენიმე ნახტომით კომიამასთან გაჩნდა. ორივე ხელი შარვლის ჯიბეზე ღონივრად აისვ-ჩამოისვა და სტუმრის მარჯვენას დიდხანს სწონიდა რა პეშვით, თან განუზომელი მონინებით თვალებში შესცქეროდა:

– ხომ კარგად, ჩემო ბატონო, ხომ ჯამრთელად. რავა არი თქვენკენ საქმე?

– ჰაი, ჰაი, არიგატო. – თავს უქნევდა კომიამა.

– ბატონო ბიკენტი. თხუთმეტი წლის წინათ ყოფილა ეს პატიოსანი ადამიანი ჩვენთან. მაშინ მე – მომიბრუნდა. – ათი წლის ვიქნებოდი და ჩემს პეპლებს დავსდევდი, ვინ გამრევდა კაცებში, – ისევე ბიკენტის ესროლა მზერა – რომელიღაცამ უმასპინძლა ჩვენს სოფელში თურმე. ჭური მომიხადესო, ხომ არ გახსოვს ამნაირი შემთხვევა. ხომ არ შესწრებიხარ, ან ხომ არ უთქვამს ვინმეს.

– სადაური ვარო, ბატონო? – იმერული ქუდი მაგიდიდან აიღო, სამად გაკეცა და გულისჯიბეში ჩაიდო ბიკენტიმ.

– იაპონელი.

– იაპონელი... იაპონელი – ტუჩთან მოკაკვული საჩვენებელი თითი მიიდო მოხუცმა და ორჯერ ნელ-ნელა შემოტრიალდა.

– მაშინ თავმჯდომარე პიმენი იქნებოდა. ცოცხალი რომ იყოს, გვეტყოდა, რასაკვირველია, ცხონებული. საბჭო ვინ იყო მაშინ?

– ალბათ ანდრო ჯღამაძე. ბაბუცა შვიდი წელია, რაც საბჭოს თავმჯდომარეა.

– ბაბუცა ახალია. ბაბუცამ რა იცის. ანდროს ემახსოვრება, არ უნდა ლაპარაკი. რაღა ახლა დარჩა წასული თბილისში. იღბალი არ გინდა?

– როდის წავიდა?

– ორ კვირაზე მეტია. შვილიშვილმა მოილოგინა, ვახტანგის გოგომ და, ვერ იყო რაღაცა კარგად.

– ვახტანგის გოგო გათხოვდა, ამხელაა უკვე?

– ჰო, რაღაცა მაგის მსგავსი. მთლად გათხოვილი არაა ჯერ. სკოლიდან წაყოლია ვიღაცას. ბავშვის ამბავი ხომ იცი.

– რაღა ბავშვის, თუკი ბავშვი ეყოლა უკვე.

– ასეა, კი, წამდვილად. მეტი ვის ეცოდინება. ერთს ვიტყვი, მოდი, პორფილესას მიდით. პორფილეს არ აცდებოდა მაგი. ან პორფილესთან იქნება ნამყოფი, ან პორფილეს ეცოდინება, ვისი სტუმარი იყო.

თხუთმეტიოდე წუთის შემდეგ უზარმაზარი კაკლის ჩრდილში ჭიშკართან ვიდექით და ზორბა ტანის ჟღალთმანვერა, ჭარმაგ მამაკაცს, დევისხელება პორფილე ჯინჭარაძეს შევცქეროდით.

– ჩამობრძანდით, ბატონო – კალთებს გვახევედა მასპინძელი.

– ბატონო პორფილე, ეს იაპონელი კაცი თუ იყო შენთან ამ თხუთმეტი წლის წინათ? – სერიოზულად ჰკითხა ჭოლამ.

– ჩამობრძანდით ბატონო. იყო, აჰა არ იყო? ეს იყო სწორეთ. იაპონელია ხომ? ჩამობრძანდით ეზოში, რატომ მჭრით თავს სტუმართან, – მივიდა და კომიამას პატარა ხელი ღონივრად ჩაბლუჯა – გამარჯობა შენი, რავა ხარ, რავა ბრძანდები? დეინახეთ, რავა მიცნო მაშინვე? ჩემთან ნამყოფია, კი.

აივანზე აგვიძღვა და სამზადი სახლის წინ გამოფენილ ცნობის-მოყვარე ქალ-რძალს ხელი აუქნია.

– ჰე ჩქარა ახლა, მიხედეთ საქემს!

ოთახში შევარდა. ნარდი და სკამები გამოარბენინა, დაგვიდგა, არ მოინწყინოთ, ახლავე იქნება ყველაფერიო, და ქვევით, ბოსტნისკენ გაშლიგინდა.

კომიამა ინტერესით ადევნებდა თვალს ციბრუტივით დატრინალეზულ მასპინძელს. მერე ინგლისურად რალაცის ახსნა დამინყო, მაგრამ ვერ გამაგებინა. ჩანთა მხარზე გადაიკიდა და კიბე ჩაირბინა, ეზოში მიდგა-მოდგა, ისევ ამოირბინა აივანზე და რალაც მითხრა, თან სამზადი სახლისკენ იშვერდა ხელს.

– შეიძლება მარანს ეძებს. – თქვა ჭოლამ.

– ნამდვილად, – კვერი დავუკარი თავმჯდომარეს და პორფილეს გავძახე, – ბატონო პორფილე, სტუმარს მარნის ნახვა სურს, თუ შეიძლება.

– ახლავე, ბატონო, რას ჰქვია შეიძლება, ღმერთო კი მომკალი.

– პორფილემ ბოსტნიდან ამოირბინა, კალთაში ჩაგროვილი კიტრი და პამიდორი კალახჩახაში ჩაცალა, დოქს ხელი სტაცა და მარნისკენ გაგვიძღვა.

როცა კარი მოღიავდა და მარნიდან ღვინისუნარევემა სინესტი-სიგრილემ შემოგვასუნთქა, კომიამა გამოცოცხლდა, ჯერ „ჰაი-ჰაის“ ძახილით ჩამოუარა თავმოლესილ ქვევრებს, მერე გარეთ გამოვარდა, მარანს ორი წრე დაარტყა და, ცოტა არ იყოს, მონყენილი, შეცბუნებული შემობრუნდა.

– ნოუ. – მითხრა და საწყალი თვალებით შემომხედა.

– არაო, აქ არ ვყოფილვართო, ამბობს. – ვაცნობე ჩემსკენ მზერამოქვავეზულ მასპინძლებს.

– რა არაო, რას ჰქვია არაო. აქ იყო, აბა სად იყო. ველარ გეიხსენა ახლა უბრალოდ კაი ხანი გევიდა. მაგას კი არა, მეც აღარ მახსოვს, სად და სად ვყოფილვარ სტუმრად. მეიცადე პატარათქვა, ახლავე გაგახსენებ ყორიფელს-თქვა. – დაფაცურდა პორფილე, ორშიმოს ხელი ნამოავლო, ჭურისთავთან დადო. ხის ნიჩაბი მოიმარჯვა და ჩაიმუხლა, მაგრამ იაპონელმა ერთხელ კიდევ მწუხარედ ამოიხვნეშა:

– ნოუ.

– ნუ შეწუხდებით, ბატონო პორფილე. ახლა ასეა ჩვენი საქმე, რომ ის კაცი უნდა მოვაძებნინოთ. სხვა დროს გესტუმრებით. დიდი მადლობა ყველაფრისთვის. არაო, აქ არ ვყოფილვარო, სხვასთან ვიყავიო. არ მოხადოთ, ჭური, ძალიან გთხოვთ.

პორფილეს რა შეაჩერებდა, ჭური მაინც მოხადა. ხირკა ამოსწია, თიხის ჯამები ჩამოგვირიგა, გრილი, ზღაპრულსუნიანი, შხეფებმსროლი ღვინით აგვივსო და ისე შეხედა იაპონელს, როგორც განწირული უკანასკნელ იმედს შეაჩერდება.

კომიამამ ღვინო დალია, მასპინძელს მადლობა გადაუხადა, ჩანთა გადაიკიდა, ისევ ჩამოიხსნა. კისერზე ჩამოკიდებული ფოტოაპარატი მოიმარჯვა, ჭურისთავთან კველებზე დაგვსხა. ფოტოაპარატი ფან-



ჯრის რაფაზე შემოდო, გამოიქცა, ჩვენს შორის ჩაცუცქდა და როცა იაპონურმა, ჭკვიანმა ხელსაწყომ გაელვებ-გატკაპუნებით ჩაგვაფოტოუკვდავა, ჩანთა ისევ გადაიკიდა, მასპინძელს „არიგატო, სენქ იუთი“ დაემშვიდობა და კარისკენ გააბიჯა.

– აქ იყო, ბატონო. იაპონელის მეტი რა ყოფილა ჩემთან. მაგის გარდა სხვაც ბევრი იყო. დეიბნა ახლა უბრალოდ, მხარი მეექცა, ნუ ნახვალთ, გეიხსენებს ნელ-ნელა... – ამ სიტყვებით ჭიშკრამდე მოგვსდია პორფილემ და მანქანა რომ დაიძრა, მარჯვენით შუბლმორჩდილული, გულდაკოდილი კარგა ხანს გამოგვეყურებდა.

ისევ გავიარ-გამოვიარეთ მანქანით სოფლის ერთი ბოლოდან მეორეში. იქნებ იაპონელს, ან ჭიშკარი ეცნოს, ან ოდა. როგორ დაფუკარგავ, თვით კომიამაც გულით და სულით გვეხმარებოდა თავისი, თხუთმეტი წლის წინანდელი მასპინძლის აღმოჩენაში. მანქანის ფანჯარას იყო მიჭიჭინებული. რალაცას ბუტბუტებდა, ცდილობდა, გონებას დაბავდა. დროდადრო შენუხებული სახით შემოგვხედავდა, თითქოსდა გვეუბნებოდა: ბოდიშს გინდით, რომ შეგანუხეთ და ამ ცეცხლში ჩაგაგდეთო. ერთ ჭიშკართან კისერი ჟირაფივით რომ წაიგრძელა, ვიფიქრეთ, ავშენდით, მიაგნო მაპინძელს-თქო, და მანქანა გავაჩერეთ.

ძალლი ყეფით მოაწყდა ლობეს. თითქოს დადარაჯებული იყო-ვო, კვარაკუნჩხა ბალახზე ორმოცდაათიოდე წლის, თეთრპერანგა, გალიფეშარვლიანი კაცი გამორბოდა.

იაპონელი ჩვენზე ადრე მიაწყდა ჭიშკარს. ძალლსაც კი არ შეეპუა. შემოგებებულ მასპინძელს ხელი ჩამოართვა და, რაკი მასპინძელმა ხელი არ გაუშვა, კომიამამ იფიქრა, ალბათ გულში ჩახუტებას მთხოვსო, ჩანთა ბალახზე დააგდო, ორივე ხელი გამალა და გადაეხვია.

ჩვენ, მომყოლთ, ამ გულისამაჩუყებელი სურათის მნახველთ, ცოტა გვაკლდა, რომ თვალები ცრემლით აგვსებოდა.

შეხვედრის საზეიმო წამმა რომ გაიარა, სტუმარმა კვლავ ჩანთას სტაცა ხელი და მხარზე ჩამოიკიდა. მიმოიხედა და ცაცხვის გვერდით მდგარი, კრამიტიანი შენობისკენ გაიქცა. თუ დაკვირვებისართ, იაპონელებმა რალაც სხვანაირი, რწევა-ცუხცუხით სირბილი იციან. ახლა, ჩვეულებრივ იაპონურ სირბილს ისიც დაუმატეთ, რომ კომიამა მარჯვენა ხელით აქანავებულ ჩანთას თეძოსთან იმაგრებდა.

– მარანს ეძებს. – ჭოლამ მასპინძელს ხელი ჩამოართვა, ისე რომ კომიამასთვის მზერა არ მოუცილებია.

– მარანი ზევით გვაქვს, ვენახბოლოში. წეიყვანე, თომია, ჩვენც ახლავე მოვალთ! – დაანია მასპინძელმა სტუმრისკენ გაქცეულ თექვსმეტიოდე წლის ბიჭს, რომელსაც ამ სიცხეში, ალბათ, ურჩი

თმის დასაწვენად, კოზიროკმოჭრილი, მწვანე, ბუკლეს ქუდი ეხურა. ამასობაში კომიამა საკუჭნაო ჯიხურს მიდგომოდა (აშკარა იყო მარნად მიეჩნია), თვალბთან პატარა, ფუნჩულა ხელი მიეტანა და ფანჯრიდან იჭვრიტებოდა.

– იცანი, აპა, კიკია, შენი სტუმარი? – ჰკითხა ჭოლამ.

– რავა არ ვიცანი, ბატონო, – ბედნიერი ღიმილით, ჩქარი ნაბიჯით მოგვევებოდა კიკოლა.

– მაინც თვითონ მოგაგნო... რავარც შეხედა შენს ჭიშკარს, კინალამ მანქანიდან გადმოგვიხტა. როდის იყო, თუ გახსოვს, აპა, შენ, რამდენი წელიწადი იქნება?

– ზუსტად აღარ მახსოვს და, ამ ბოლოს, მე მგონია, სამი წლის წინ იყო მაგი ჩემთან.

– დავილუპეთ, – გადმომხედა ჭოლამ, – ეს იაპონელი კაცი ლაპარაკობს, თხუთმეტი წლის წინათ ვიყავიო, კიკიამ ჭური მომიხადაო.

– ჭური მოვუხადე, აპა რა ვქენი. მაგენი დიდი ყურადღებიანი ხალხია... ნამეტანი მევილხინეთ იმ ლამეს... ღვინო ახლა ნაკლები კი არ მაქვს... რომელიც თვითონ გაეხარდება, იმ ჭურს მოვუხედი, სვამს ძველებურად, ნეტავი? არის ჯამრთელად, რავარც იყო? – ცოტა არ იყოს დაბნეულად, ნაწყვეტ-ნაწყვეტად ლაპარაკობდა კიკოლა, თან ხელით ბილიკზე ჩამონეულ ატმის ტოტებს გვარიდებდა.

მარნის კართან წინ წასულები გველოდნენ. გუმანით მივხვდი, კომიამას მარნისთვის ორჯერ უკვე შემოეუბრინა და გარეთ, მარნის ფანჩატურში დადგმულ, უმველებელ სანნახელს ჩაჰყურებდა.

შევედით. კომიამამ ჯერ მარნის კედელზე გაფარჩხულ დათვის ტყავს გადაულო სურათი. მერე ჭურისთავთან დახრილ მასპინძელს ხირკე ხელიდან, ლამის ძალით, გამოგლიჯა და თავის ადგილზე დაჰკიდა. ჩანთას ხელი მოჰკიდა და წელანდელზე უფრო კატეგორიულად მითხრა:

– ნოუ, აი ვოზ ნოტ ჰია.

კიკოლამ შეატყო, რომ სტუმარი ჭირვეულობდა და ისე ამომხედა, რომ გული მომეწვა.

– რაიო, ბატონო?

– არ ვყოფილვარ აქაო.

– აპა სად ვიყავიო. ვერ მეიმხრო ახლა მაგან. მაშინ ეს დათვის ტყავი არ მეკიდა. ეს ახალშენიც არ მექონდა ჩაყრილი. მორიდებული კაცი ჩანს მაგი. არ შენუხდნენო, ასე ფიქრობს, ალბათ, თვარა მე მახსოვს აქ რომ იყო და მაგას არ ემახსოვრება? იაპონელ კაცს? ჯერ ეს დამილიე-თქვა, უთხარი. ოჯახში ხარ შემოსული-თქვა. არ გახსოვს აპა, იმ ცაცხვის ჩრდილში, ეგერ რომ ვიჯექით და სადღეგრძელოებს ვამბობდით-თქვა? სურათი მაშინაც ბევრი გადაგვიღო!

კიკოლამ ღელვა-ღელვით, ოროტოტოსავით მიაყარა სიტყვები ერთმანეთს. ჯერ ბლისტყავის ცხრა პირი საფენი ააცალა ქვევრს, მერე ხირკე ჩააბუყბუყა და სტუმარს გაუნოდა.

კომიამამ ბავშვივით ალაღად გაიცინა. ხირკე ძლივს დაიმაგრა ხელში. ანუელ ნიკაპქვეშ, ყელზე ადამის ვაშლის ასვლა – ჩამოსვლაზე შევატყვე, რომ ერთ საღვინე ჭიქაზე მეტი არ დაუღვინა. ხირკა მასპინძელს დაუბრუნა, „არიგატო ვზაიმეშტა!“ მოახსენა და უკანმოუხედავად, უნა-უნა გაიქცა მანქანისკენ.

– არ გენყინოს, ბატონო კიკოლა. – ვამშვიდებ სისხლგამმრალ მასპინძელს. – უცნაური იაპონელია. მაინცდამაინც იმ ჩემს მასპინძელთან მიმიყვანეთო. ვერ ვიპოვეთ ვერაფრით. სხვაგან არსად გაჩერდა. რამენაირად უნდა ვუსამველოთ და მოვუძებნოთ. რა პატივი სცა ამნაირი, იმ ოჯახაშენებულმა.

– რა ვქნა აბა, არ მობრუნდებით, არ გავტყებოთ თითო-ლუკმა? – ჭოლას შეხედა კიკოლამ.

– დღეს ვერ მოვახერხებთ, სხვა დროს, ჩემო კიკოლა. ისევ კაი დადგარა ახალი ვენახი. კარგად ასხია. – დაუყვავა ჭოლამ.

– ჯერ ოთხი წლისაა. ნიშანი შარშან მოგვცა. ეგება დაიყოლიოთ. ასე რავა იქნება. მემეჭრა თავი ამ უცხო კაცთან. – წუხდა კიკოლა, მაგრამ კომიამა ისე ღრმად და საიმედოდ მოკალათებულიყო უკანა სავარძელზე, რომ დასარჩენად დაყოლიებაზე ლაპარაკიც ზედმეტი ჩანდა.

სოფლის მოედანთან მარჯვნივ ჩავუხვიეთ და ორჯონიკიძის ყოფილი ძეგლის კვარცხლბეკი უკან დაგვრჩა. ბოგირზე მდგარი, ნაცრისფერ ბლუზა-შარვლიანი, ნვერგაუპარსავი მოხუცი შუაგზაზე მხნედ გამოვიდა და ისე, როგორც ეჭირა ხელჯოხი ნელზე შემოდებული, წინ გადაგვიდგა.

მძლოლმა დაამუხრუჭა.

მოხუცმა მკლავები გაითავისუფლა, ჯოხს დაებჯინა და მანქანაში თავი შემოჰყო.

– ჭოლა ხარ შენე? სტუმარი ჰყავსო. მითხრეს და გამევიქეცი ყანიდან. ჩემთან იყო მაგ იაპონელი. თხუთმეტი წელია მასუკან.

ჭოლა შეეყოყმანდა.

– არ გჯერავს ჭოლა, ბიძია? – მოხუცმა ქუდი იშვლიპა. – შემხედოს აბა თავზე სტუმარმა. მიცნობს მაშინათვე. ტყუილს ვიტყვი ახლა მეე?

მოხუცმა მზედაუკვრელი, შემელოტებული, თეთრი თავი მიახათა სტუმარს.

კომიამა ერთხანს ღმილჩამდგარი ცნობისმოყვარეობით შესცქეროდა უცნაური მოხუცის თავს, მერე ჩვენ შემოგვხედა. ჩანს ვერ

მიმხვდარიყო, რა უნდა მოემოქმედნა, რატომ სთავაზობდნენ ამ მოხუცის თავს.

– ჩამოვალთ აბა, გრიგოლ ბიძია. ეს კაცი თავის მასპინძელს ეძებს და უხერხულ მდგომარეობაში არ ჩაგვაგდო, თუ კაცი ხარ. – უთხრა ქოლამ და მანქანის კარი გამოაღო.

მოხუცი დინჯად ჩაგვიძლვა ეზოში. რიკულებიანი ოდის აივანზე სუფრა გაეშალათ. ბატონმა გრიგოლმა ყოველ შემთხვევისთვის ჭიმკარი ურდულით ჩაკეტა და კიბეებისკენ მიგვითითა.

კომიამა ფეხს ითრევდა და სამზადი სახლისკენ იმზირებოდა.

– მარანი საით გაქვთ, გრიგოლ ბიძია. სტუმარს მარნის დათვალიერება აინტერესებს. – შეაპარა ქოლამ.

– აგერ, ბატონო, აგერაა მარანიც, რავარც სტუმარს გაეხარდება, ისე მევიქცეთ. იცის მაგან მარნის გზა.

კორკიმელის ბებერი ხის გასწვრივ ახალნაყარი უნაბის ხეივანი მოჩანდა. ხეივნის ბოლოში, ძველი ქართული წესით, – კუთხეში გადაბმული ფიცრებით აგებული ძველთაძველი მარანი იდგა.

მკითხველს აღარ გადავლლი.

არც გრიგოლის მარანი აღმოჩნდა ის მარანი, სადაც ჩვენი ცოდვით სავსე იაპონელს თხუთმეტი წლის წინათ პურ-ღვინო მიეღო და ასე მკაცრად დამახსოვრებოდა.

გრიგოლის აივანზე, ფეხდგომელა თითო ჭიქა გადავკარით. რბილ ყველვერდატეულ ხაჭაპურს გემო გავუსინჯეთ, სურათი გადავიღეთ და მასპინძელს დავემშვიდობეთ.

ტყუილი რომ არ ვთქვა, იმ დღეს კიდევ ოთხი მარნის დათვალიერება მოვასწარი. არც ხარიტონ ჩხეიძე, არც კოსტა კვინინია, არც ლავრენტი მიროტაძე და, მითუმეტეს, არც კოჭლი მასწავლებელი ქიონია მსხალაძე, მიუხედავად მასპინძელთა ყელგანვდილი მტკიცებისა, კომიამა ჩემი სტუმარი იყო, ა, როგორც თქვენ გხედავთ, ახლა, თხუთმეტი წლის წინათ აქ იჯდა, ამ ადგილას, ტაბლასთან, ასე იცინოდა და ასე ხუმრობდაო, – იაპონელი სტუმრის თხუთმეტი წლის წინანდელი მასპინძლები არ აღმოჩნდნენ.

იმ ღამეს ქოლასთან მოვუღვინეთ. თუმცა ამდენ სუფრაგამოვლილებს და შექეიფდანაყრებულებს აღარც გვპიოდა და აღარც გვწყუროდა, მაგრამ ქართული სუფრის ლაზათმა თავისი გაიტანა და შუალამე კარგა ხნის გადაცილებული იყო, რომ დავიძინეთ.

კომიამამ დიდი ღიმილ-ფუსფუსით ჩვენ ხომ გადაგვიღო და გადაგვიღო, სუფრაზე ცალკეულ კერძს თითო გატკაცუნ-გაელვება მიუძღვნა თავისი მუჭისხელა აპარატით. ღამეში ეზო-ოდას და მგონი ვარსკვლავიან ქართულ ცასაც რამდენჯერმე გადაუღო სურათი.

მეორე დღეს, შუადღისას, თბილისის გზას დავადექით.

სტუმარი თვლემდა.

მეშინოდა, გზას არ დაესიცხა, ან კისერი უხერხულად არ სდებოდა, ამიტომ ჩემი ეშმაკობის მასშტაბებიდან თან ვალვიძებდი და თან ვეხუმრებოდი ამგვარი უბოროტო ხუმრობით: ძილი თავს რომ წაართმევდა, ცოტაზე უფრო ხმამაღლა ჩავძახებდი – ოკრიბა!

კომიამა თავს ასწევდა, ფანჯარაში გაიხედავდა, გულიანად გაიცინებდა და ისე ლამაზად, დამარცვლით იტყოდა „ოკ-რი-ბას“, როგორც საქართველოზე შეყვარებულ, მაგრამ ქართულში ენაგაუტეხავ იაპონელს შეუძლია თქვას ეს მშვენიერი სიტყვა.

\* \* \*

გაჭირდა ცხოვრებაო, აღარ ვიცი, რა ქვა გავტეხო, რა წყალს ვეცე, შიმშილი კართან ამტუზებია, ცოლ-შვილს მაინც არ მოვკიდებოდით. რა შეუბრალებელი და მკაცრი დრო მოდის, გავუტურამგელდით ერთმანეთს ადამიანები, ასე მგონია, ხიდისთავშიც რომ დავჯდე და ქუდი მოვიდვა გვერდზე, მონყალებასაც არავინ გაიმეტებსო, შენ მეუბნები.

არ გრცხვენია გელა? მე რომ მკითხო, გამდიდრება ახლა როა, ასე ადვილი არასოდეს ყოფილა, აგერ ჩამოგივლი ფულის შოვნის რამდენიმე უებარ საშუალებას და თვითონ მისვდები, რომ ცოტა ხელის განძრევას საჭირო და სხვა არაფერი. თავის განძრევას საჭირო არ არის. ყველაზე ადვილი გზებიდან დავინყებ და ზევითზევით შევყვები, შენ რომელიც მოგეწონება, ამოირჩიე და მიყევი საქმეს. რამდენი მოხვიდე და მლოცო ერთი თვის მერე. იმდენი გახარება ჩემს ნაგრამნაშიერს.

პირველი: ცარიელი ყუთის შოვნა არ გაგიჭირდება, ამოუჭედე თავი, ფულის ჩასაგდები ღრიჭო დაუტოვე, დაანერე დიდი ასობით „დაეხმარეთ ობოლ ბავშვებს“ და დადგი რომელიმე ხალხმრავალ ქუჩაზე. უკეთესია ტროლეიბუსის გაჩერებასთან, ან მეტროს ამოსასვლელთან. შენ ახლომახლო გაჩერდი. რატომაა, თუ იცი, საჭირო შორიახლო შენი გაჩერება? ჯერ ერთი, ობოლი ბავშვების რომელიმე გულშემატკივარს, შეიძლება, ფულის დახურდავება დასჭირდეს, მეორეც, იქნებ ისეთმა ხვადაგმაც გამოიაროს ობოლი ბავშვები ფეხებზე რომ ჰკიდია, მიიხედ-მოიხედოს და, თუ შენ – ობოლთა დამხმარე საზოგადოების წარმომადგენელი, ვერსად დაგლანდა, ამოიღლიავოს ყუთი თავის წარწერა-თანხიანად, წაიღოს, გაიტაცოს, რათა თავის წვრილმან, საზოგადოებისთვის სრულიად უსარგებლო, მოთხოვნილებათა დასაკმაყოფილებლად გამოიყენოს.

სალამოსხანს ნაილე ყუთი შინ, ობოლ ბავშვთა მოყვარულებს გულში მადლობა შესწირე და დილით ცარიელი დააბრუნე. უმჯობესია ყუთს ხშირად ადგილი შეუცვალო, ისე, ყოველშემთხვევისათვის.

მეორე: მოძებნე სადმე ქუჩის პირას ნახევრად მიტოვებული ან, უფრო უკეთესი, მთლადმიტოვებული სარდაფი. კარის თავზე (ცოტა მარჯვნივ), გააკარი მუყაოს ქალაღზე დიდი ასოებით დაგვირისტებული წარწერა: „გვარდიას სცივა, გვარდიას შია, შენ არ ეხმარები?!“ დაიდგი სარდაფის შუაგულში ერთი მაგიდა, გვერდით დამაჯერებლობისათვის კომპანიონი (ეს უკანასკნელი, უმჯობესია, მშვენიერთა სქესის წარმომადგენელი იყოს) მოისვი და შემონირულობათა დავთარში გატარება არ დაგავინყდეს. ორ დღეში ერთხელ სარდაფი უნდა დააცარიელო და შემონირულობანი შინ წაიღო. გვარდიაზე გული ნუ დაგწყდება, გვარდიას შენზე უკეთესი პატრონები ჰყავს.

მესამე: პირველ და მეორე გზას, შენც შეატყობდი, ცოტა უხერხულობები ახლავს, ჯერ ერთი, ობოლ ბავშვებს ზოგიერთები კუპონებითაც ეხმარებიან და, შენ წარმოიდგინე, ხუთკუპონიანს ან, რაც უფრო გულსახეთქია, ზოგჯერ ერთკუპონიანსაც აღმოაჩენ ყულბაში. წვრილი, თითქმის გამოუმდგარი ფულის სუროგატების თვლა, ჩემგან რა გესწავლება, მოსაწყენი საქმეა. ასევე შეცივებული გვარდიელების დასახმარებლად ზოგმა ახირებულმა შეიძლება გაცვეთილი, მისთვისაც კი სრულიად უვარგისი „ბატინკები“ შემოგთავაზოს, რაც არ მოგეწონება უკან ხომ ვერ გაატან – „გვარდიელები ამას არ მიიღებენო“, სხვა გზა არ არის, უნდა აიღო და ჟურნალშიც გაატარო. ასე რომ, გვარდიელებისათვის შემონირული კონსერვხმალ-ტალავარის ბაზარზე გასაღებაც არ არის იოლი საქმე, ამიტომ მესამე, უფრო სუფთა გზას შემოგთავაზებ: წელან რომ მუყაო გიხსენე, ის მუყაო გადმოაბრუნე და უფრო დიდი ასოებით დააწერე „ოქრო მხოლოდ სამშობლოს გასათავისუფლებლად“. შენ და შენმა კომპანიონმა (ამ შემთხვევაში არა მარტო „უმჯობესია“, არამედ აუცილებელია ქალი იყოს) ინათხოვრეთ აფთიაქის ან ოქრომჭედლის სასწორი, მოიდგით გვერდზე და დაელოდეთ საქორწინო ოქროს ბეჭდებს, ან ძვირფასი თვლებით მოოჭვილ სამაჯურებს, სამშობლოს გათავისუფლების საქმეს, არც თუ მცირეოდენი ყოყმანის გარეშე, რომ შესწირავენ ღარიბები და ნახევრადღარიბი ადამიანები. ოქრო აუცილებლად უნდა აიწონოს, ძვირფასი თვალის სახელწოდება ზუსტად ისე უნდა ჩაიწეროს, როგორც შემომწირავი ბრძანებს. გახსოვდეთ, შემომწირველს არ ეკამათებიან; ზოგმა, იქნებ, გამეტებული თვალი უფრო ძვირფასად მოგასაღათ, ვიდრე სინამდვილეშია. მერე რა, ბოლოსდაბოლოს ხომ არ ყიდულობთ, ხოლო სამშობლოს თა-

ვისუფლებსათვის ბრძოლაში დიდსა თუ მცირე განძეულს თავისი ადგილი აქვს. ეჭვი რომ გაიფანტოს, ხანშიშესულ შემომწირველს ერთსა და იმავე ჟურნალში ორ ადგილას მოანერინეთ ხელი და გასვლისას ეროვნული ხელისუფლების სახელით მადლობა გადაუხადეთ, თანაც აცნობეთ, რომ მის წვლილს თაობები არ დაივინებენ. ყოველ საღამოს შემომწირული ოქრო-ვერცხლი „აქ დატოვება სამიშისას“ მოტივით შინ წაიღე და ღმერთმა მშვიდობაში მოგახმაროს. ეროვნული მოძრაობა? შენ დარდი ნუ გაქვს, იგი საქართველოში უახლოეს ორას წელიწადს არ განახლდება.

მეოთხე: ბანკის შექმნაზე ადვილი ახლა არაფერია. შენც დააარსე ბანკი სახელწოდებით „მხოლოდ თქვენს მოსაგებად“. რეგისტრაციაში ნუ გაატარებ, აუცილებელი არ არის. ჯერ ერთი, გადასახადს შეგანერენ და მეორეც, შეიძლება, საქმე გაგიხლავთ. გაზეთებში განცხადებები გამოაქვეყნე (კარგი იქნება თუ ქუჩაში გააკრავ): ბანკი „მხოლოდ თქვენს მოსაგებად“ ერთადერთი ბანკია მსოფლიოში, რომელიც მხოლოდ მენაბრეთა მოგებისათვის ზრუნავს. თვით ბანკს თქვენი კაპიციც არ ჭირდება-თქო. შემოიტანეთ თანხა, რამდენიც მოგიხერხდებათ, ჯერ ერთი, საიმედოდ შეგენახებათ და რაც მთავარია, ორ წელიწადში გაოთხმაგებით (ინფლაციის გარეშე) დაგიბრუნდებათ-თქო. თვალე ფულები და აწყვე უჯრაში. მენაბრეს, თუ მაინცდამაინც, ქვითარი გამოუწერე. სხვა არაფერი, რადგან ქვითრები იაფია საკანცელარიო მალაზიებში. ქვითარი თვითმიზანი როდია, მაგრამ მაინც გამოუწერე და ხელი გაკვრით, გაურკვევლად მოაწერე. რა გენაღვლება, ადამიანებს ქალღმერთისა ჯერ კიდევ მტკიცედ სჯერათ. შემეცხვი, ანალოგიურ საქმეზე ამასწინთ ხომ ჩავარდნენ სხვებიო. გეთანხმები, მაგრამ იმ „ბანკირებმა“ სულსწრაფობა გამოიჩინეს; სამ თვეში გაგისამმაგდებათ ფულიო. სამი თვე ცოტა დროა, შენ ორ წელზე ნაკლები არ დაუთქვა გულუბრყვილო მომხმარებელს გაოთხმაგებული ფულის მისაღებად. ორ წელიწადში, იქნებ, ღმერთმა ნუ ქნას და არც ეს ხელისუფლება იქნეს და არც გამოძიებამ მოკიდოს ხელი სოკოებივით გამრავლებულ პინგვინ-მოტყუებულთა ასეთ საქმეებს.

მეხუთე: გატყობ, ჩემო გელა, რისკიანი კაცი არა ხარ, შიში გაილანდა შენს თვალეებში. მერე მე არაფერი მომივაო? დაგენერა მაგ საყვარელ სახეზე. ახლა, რაკი ასეა, მეხუთე და მეექვსე მთლად უხიფათო გზებს შემოგთავაზებ.

ახალგაზრდა ქვრივთა და გასათხოვარ მანდილოსანთა, ასევე დაჯერებულ, უიმედო უცოლო მამაკაცთა გასამხნეველად დააარსე კლუბი სახელწოდებით „მხოლოდ გაცნობა“. იცოდე, შინაბერებს ყველაფერზე მეტად ოჯახის შექმნისა ეშინიათ. ამიტომაც სარეკლამ-

მო ფურცლებში გასაგებად ჩანერე: ჩვენი კლუბი სხვა მსგავსი კლუბებისაგან განსხვავებით, მოპირდაპირე სქესის პიროვნებასთან გაცნობის დაგვირგვინებას ოჯახის შექმნით არც ერთ მხარეს არ ავალდებულებს-თქო. „მხოლოდ გაცნობის“ უამრავი მსურველი მოგანყდება. შენ, ღირექტორმა და შეთავსებით მთავარმა ადმინისტრატორმა, ფეხი ფეხზე გადაიდე, კლუბში შესასვლელი ბილეთი გამოცდილ გამცნობელთათვის თანდათანობით გააძვირე, და რჩევის სახით (ნუ შეგვრცხვება) შესთავაზე: მამრობითი სქესის მომხმარებელმა, სასურველია, გაცნობისათვის საჭირო ალკოჰოლიანი (გამონაკლის შემთხვევაში შეიძლება უალკოჰოლოც) სასმელი თან მოიტანოს-თქო. გაფრთხილებ, თექვსმეტ წლამდე მომხმარებელს კლუბში ნუ შეუშვებ. ზედა ასაკს ნუ განსაზღვრავ. ამის გარდა მხედრიონელთა და გვარდიელთათვის შესვლა უფასო იყოს, ქველმოქმედებაში ჩაგეთვლება. საერთოდ ფორმიან კაცს რომ დაინახავ, მონინებით ელაპარაკე, ხომ შეიძლება, მართლაც მხედრიონელი, ან გვარდიელი, ან უკიდურეს შემთხვევაში პოლიციელი აღმოჩნდეს. სამხედრო ფორმა ყაჩაღების გარდა, ზოგჯერ ზემოთხსენებული სამსახურების ჭეშმარიტ წარმომადგენლებსაც ხომ აცვიათ.

სხვა მხრივ საშიშროება. არაფერი გელის. ჰყიდე ბილეთები და ხარჯე კლუბის ჯანმრთელ სტუმართაგან შემოსული ალალი, დაუყვედრებელი ფული.

მეექვსე: გამდიდრების ამ გზებიდან მეექვსე ყველაზე უსაფრთხოა. ბიოველით მკურნალი გახდი. რომელიმე ნამდვილ ექიმს ჩამოათვლევინე ყველაზე გავრცელებული დაავადებანი, იმ დაავადებას შენი ინიციატივით დაუმატე კიბო და გამოაცხადე: შიდსის გარდა ყველა დაავადებას ვარჩენ-თქო. შიდსის მორჩენას ნუ დაიბრალებ. ამ ხაზით პაციენტი მაინც არ გეყოლება. შიდსით დაავადებულნი სამკურნალოდ არ დადიან. თუ ბევრი პაციენტი მოგანყდა, სეანსი ჯერ უკიდურესად შეამოკლე, მერე ფსიქოთერაპიაზე გადადი. დიდი დარბაზი დაიქირავე და დუმილით მკურნალობის სეანსები ჩაატარე. მდუმარე დარბაზში (მითუმეტეს როცა ცხელა) ნახევარზე მეტს, თვით შენი დახმარების გარეშეც ჩაეძინება, ახალ-გამოღვიძებული კი ცოტა ხანს მაინც მხნედ გრძობს თავს. ესეც შენი ფსიქოთერაპია. საერთოდ ექსტრასენსობაც შეითავსე. მკურნალობის ამ სამ (ბიოველი, ფსიქოთერაპია, ექსტრასენსი) სახეს შორის დიდი განსხვავება არ არის. თუ ავადმყოფებმა თავი მოგაბეზრონ, დისტანციურ მკურნალობაზე გადადი. სამწუხაროდ, ტელემკურნალობა და რადიომკურნალობა აიკრძალა, მაგრამ დარჩა, მანძილთმკურნალობის ორი ფორმა: წერილმკურნალობა და ფოტომკურნალობა. გამოაცხადე გაზეთში: წერილით მაუნყეთ



დაავადების შესახებ და ოჯახის იმ წევრთა სახელები გარკვევით ჩანერეთ, რომლებიც მკურნალობას საჭიროებენ-თქო, ჰონორარი განკურნების შემდეგ გამოაგზავნეთ, ოღონდ უმორჩილესად გთხოვთ, მკურნალობის გაადვილების მიზნით, თითო წერილში ხუთი პაციენტის სახელზე მეტი ნუ იქნება-თქო. ამას წერილმკურნალობა ჰქვია. ფოტომკურნალობა წერილმკურნალობის გაუმჯობესებული და უფრო გარანტირებული ფორმაა: კონვერტში პაციენტის სახელთან ერთად მისი ფოტოსურათიც უნდა იდოს. ფოტოსურათის ზომას მნიშვნელობა არა აქვს.

გამდიდრების ამ ფორმასაც ახლავს, ჩემო გელა, ერთი მცირე გაფრთხილება: მკითხავ-ვარდობა და გულთმისან-წინასწარმეტყველობა არ დაიწყო. არ გინდა სახელის განთქმის ამგვარი მისნობა-მიხვედრანი: „მავანსა და მავანს გუდაუთში კარგა ხანია ვერ ვხედავ, თვენახევრის გარდაცვლილია და მოსკოვის ერთ-ერთ მორგ-მაცივარში ინახავენ“... ხომ იცი, ტელევიზიას დიდი თვალები აქვს. გადაიღებენ ნალკოტშიმჯდომ, მხნედმოსაუბრე, მაცივრიდან გამოყვანილ შენს გმირს და შერცხვები. რატომ იტკივებ აუტკივარ თავს. ოქრო ხელობა გაქვს; ბოლოსდაბოლოს უნიკალური ფსიქოთერაპევტი, ბიოველიანი მკურნალი და სწორუპოვარი ექსტრასენსი ხარ.

თუ გამდიდრება-ლალი ცხოვრება მოგწყინდეს და როგორც ქართველთა უმეტესობას სჩვევია, მთავრობისაკენ გაგინიოს გულმა, ერთ საიდუმლოებასაც გაგიმხელ: ჩამონერე ათი-თორმეტი ნათესავ-ძმაკაცის გვარი. ახალი პარტია შეიქმნა-თქო, გაატარე რეგისტრაციაში. პირველი ხუთი გვარი (იმ თორმეტიდან) არჩევნებში დეპუტატობის კანდიდატად დაასახელე. შენ, რასაკვირველია, ნომერ პირველი იქნები. მართალია, დეპუტატობისათვის საკმარის ხმებს ვერ მოაგროვებ, მაგრამ კომპენსაციის მეთოდით (ახალ პარტიას გული არ დაწყვიტოთო, იტყვიან) შენ და შენი მომდევნო მეორე ნომერი უეჭველად გახვალთ დეპუტატებად.

მერე ქე მიხედე შენს თავს. ამ ბოლო გზას ჩემთვის ვიტოვებდი, მაგრამ ისე მონდომებით მისმენ, ვერ დავმალე და გაგიმხილე. ახლა, რაკი აქამდე მოგიყვანე და გაგადეპუტატე ერთ რჩევასაც მოგცემ, პარლამენტის სხდომებზე მაინცდამაინც ნუ იაქტიურებ.

რაც ნაკლებს ილაპარაკებ, ნაკლებ სისულელეს იტყვი.

\* \* \*

ცოლი უნივერსალში შევიდა. მე, რასაკვირველია, გარეთ დავრჩი. უნივერსალის ჩრდილი ტროტუარს ირიბად ჰკვეთს.

სწორედ იმ ჩრდილს შეფარებიან ჩემს ბედში მყოფი, მონყენილი კაცები, ვისაც უნივერსალის კიბეზე აღმა-დაღმა სირბილი უფრო უღრღნის ნერვებს, ვიდრე ამ ჩრდილში დგომა და მტანჯველი ლოდინი.

სამ მაღაზიას ავაცილე გზაში, ამ უნივერსალს ვერა.

კონკრეტულად შესაძენი არაფერი აქვს ჩემს თანამეცხედრეს, თორემ შედარებით ჩქარა მობრუნდებოდა. ახლა, სანამ ყველა სექციას არ ჩამოივლის, გარეთ გამომსვლელი არ არის. ბოლთის ცემა (ალავერდს მთარგმნელებთან გადავდივარ: ბიჭი ხარ და თარგმნე „ბოლთის ცემა“) რომ მომწყინდა, მარჯვენა-ტორჩამოტეხილ მარმარილოს ლომს ზურგით მივეყრდენი და ცას ავხედე.

მურმანისა არ იყოს, ცაზე „ჩიბუხში ჩასადები“ ღრუბელიც კი არ ჩანს, რომ მისი ცქერით მაინც გაერთო თავი.

ეს გაუთავებელი სიცხე, მტვრიანი ბული, უნივერსალის ხახაში დიდი იმედით შემბრენი, გაფაციცებული სახეები, და მეორე კარიდან ოფლის ნმენდით გამოცვენილი სახეჩამოღვენილი მომხმარებლები (ნეტავ ვინ და რატომ მოიგონა ეს უკანასკნელი სიტყვა), ჩრდილსმიყოლილი, ხელჩანთიანი, ავადმოუტბუტე ოჯახის კაცები, საწაღმართოს გაფიქრებინებს რამეს?

ჩემს უხეირო თავში ჩაკეტილ-ჩამრავლებულმა ეშმაკებმა მაინც თავისი გაიტანეს და გვერდით მდგომ, თეთრბერეტიან, ყელშეხვეულ კაცს სტვენა შევანყვეტინე:

– ჟირაფს ხომ არ იყიდით?

თითქოს ჩემგან ამ შეკითხვას ელოდაო, შემომხედა, მრავალმნიშვნელოვნად დამაკვირდა, ამოიოხრა და მტკიცე გადანყვეტილებით მიპასუხა:

– არა, გმადლობთ.

არ უნდა და არ უნდა. რაც არ უნდა, ღმერთმა ნუ მისცეს. ხომ არ დავაძალებ. ჯიბეში ხელები ჩავიწყე და აფიშასთან მდგარ ღილისთვალეზა, ღაბაზიან მამაკაცს აფუარ-ჩაფუარე. ყურადღება რომ არ მომაქცია, პროფილით დავუდექი და ვითომ აფიშას ვკითხულობდი, შეთქმულის ხმით ვაუწყე.

– საქმე მაქვს თქვენთან.

არც შემობრუნებულა. ჩანს, კონსპირაციული საუბრის ელემენტარულ ხერხებს მშვენივრად ფლობს. ჩემდა გასაოცრად გაზეით გაშალა, სახეზე აიფარა და მოჩვენებითი სიმშვიდით მომიგო:

– გისმენთ.

– ჟირაფს ვყიდი.

გაზეთმა ერთხელ კიდევ გაიშრიალა.

– როგორ ჟირაფს?

– კარგს, ცოცხალს. მე თვითონ ჩამოვიყვანე აფრიკიდან. შვილი-  
ვით გავზარდე. ფული დამჭირდა, თორემ არ შეველეოდი, – ტყვია-  
მფრქვევივით მივაყარე.

გაზეთი დაკეცა, უბეში ამოიჩარა, შემომხედა და პასუხგაუცემ-  
ლად გამშორდა. ჩქარი ნაბიჯით მიმავალმა ერთხელ კიდეც მოიხე-  
და და ქურა გადაჭრა.

ათასი კითხვის ნიშნით უციმციმებდა თვალები.

ჩემს პირდაპირ, დეკორაციულ ფარანთან, სახელოებაკეცილი, მოკლემარვლიანი, ნარბეზამდე ქერათმებჩამოვარცხნილი, ანონილი კაცი დგას. ხელში პამიდვრით სავსე ცელოფნის პარკი უჭირავს. ხანდახან პამიდვრს ამოიღებს, ცხვირსახოცით ფრთხილად გან-  
მენდს, შუაზე გახლეჩს, ნახევარს ერთ ლუკმაზე ჩაიდებს პირში და მეორე ნახევარს, სანამ შეჭამდეს, გულდასმით აკვირდება. გამოვ-  
იანგარიშე, ერთ პამიდვრს რომ მორჩება, უნივერმალის კარისკენ გაიხედავს და ვითომც აქ არაფერიო, მარჯვნივ ხუთიოდე ნაბიჯს გადადგამს. მერე ისევ ფარნის ბოძს უბრუნდება. თუ ასეთი ტემ-  
პით შეექცა პამიდვრს, ალბათ, მეუღლის დაბრუნებამდე ცარიელი პარკი შერჩება ხელთ.

რომ გამისწორდა, მივესალმე და სულისმოთქმა არ ვაცაღე.

– ჟირაფის შეძენას ხომ არ ისურვებდით?

როდი დაიბნა, გამიღიმა და ამხედ-დამხედა.

– ავსტრალიაში რომ ვცხოვრობდე და იშვიათი ცხოველების ანატომიის სპეციალისტი ვიყო, ჟირაფს კი არა, დინოზავრს ვი-  
ყიდდი.

– მე არ გეხუმრებით.

– მეც სერიოზულად მოგახსენებთ. ისეთ ვინრო ბინაში ვცხოვ-  
რობ, მეცხრე სართულზე, ჟირაფს კი არა, სიდედრს ძლივს ვინახ-  
ავთ.

– იქნებ თქვენს ნაცნობს სურს ვინმეს? – არ მოვეშვი.

– არა მგონია.

– კარგად ბრძანდებოდეთ.

თავი დამიქნია და ჟირაფზე უფრო ნაღდი საქმე, პამიდვრის  
ჭამა განაგრძო.

ტროლეიბუსის გაჩერებასთან, რკინის „სკამეიკაზე“ ჩათვ-  
ლემილ, ქილოფისქუდიან, ტყავისჩანთიან კაცთან მივედი, მხარზე  
ხელი დავადე, თვალი გავუსწორე და ჩავჩურჩულე:

– ჟირაფს ვყიდი.

პასუხს არ დაველოდე, ჩავიარე. ნამოხტა და უნივერმალის  
ჩრდილში შემომსდია:

– რა ხნის არის?

– სამის. არაა დიდი ხნის. ჟირაფები ოცდაშვიდ წელიწადს ცოცხლობენ.

– ვიცი, – ქუდი მოიხადა, კეფა მოიფხანა და ჩანთას ხელი შეუნაცვლა.

– რატომ შეელიე?

– ვალი მაქვს, – თავი შევაცოდე.

– რას აფასებ? – საქმეზე გადავიდა.

– როგორც სხვები ჰყიდიან, იმის ნახევარ ფასად მოგცემ.

შენუხდა; მივდივარ, უკან მომყვება.

– ალბათ, რამე ნაკლი აქვს.

– არავითარი. სუფთა სისხლის ჟირაფია. გინდა? ამდენი არ მცალაია.

– სად გეჩქარება?

– სხვა ქალაქში გადავდივარ და ნაყვანა არ შეიძლება, დღესვე უნდა დავიცალო ხელი.

– რატომ არ შეიძლება ნაყვანა?

– თვითმფრინავში არ ეტევა, მატარებლით ცხოველების გადაყვანის ნებას არ იძლევიან.

– ძალიან მაღალია? – ქუდი მოიხადა და ცხვირთან გაიქნია.

შემეცოდა, შევჩერდი. ამჟამად, ჩანს გარემოება არ უწყობს ხელს, თორემ ჟირაფი ძალიან უნდა.

– ჩვეულებრივ ჟირაფზე ოცი სანტიმეტრით დაბალია. შენ მყიდველს არ ჰგავხარ – უბოდიშოდ მივუგე.

თითქოს წყალი გადაესხაო, სწრაფად შებრუნდა და ბოდიშის მოხდით გამეცალა.

ნაყინის გამყიდველთან მივედი. ერთი „პლომბირი“ შევიძინე და ყოველშემთხვევისთვის ვკითხე:

– ჟირაფის მუშტარი ხომ არ გეგულება?

ჩოფურა, ჟღალთვალეებიანი, ნითური გამყიდველი კეთროვანივით შემომაჩერდა, მაგრამ სწრაფადვე მოეგო გონს:

– ახლა, ამ წუთში იკითხა ვილაცამ, ჟირაფს ხომ არავინ ჰყიდისო. მგონი სკვერისკენ გაიქცა. დაენიე, მორიდებით, უეჭველი, მყიდველია, – მადლობა მოვახსენე, სკვერისკენ, რასაკვირველია, არ გავქცეულვარ.

ჩემსკენ კალანჩხიანი, შავულვაშა, ორმოციოდე წლის სვირინგითმკლავდამშვენებული კაცი მოაბიჯებს. კალანჩხიდან ინდაურს ამოუყვია თავი და მშვიდად ათვალიერებს სიცხისგან შეჭმულ ქალაქს.

– ჟირაფს ხომ არ იყიდი? – ხელის განვდენაზე რომ მომიახლოვდა, ვკითხე.

შეჩერდა. კალანჩხა მკლავზე ჩამოიკიდა.

- ჟირაფს გააჩნია.
- კარგი რამეა, მოგეწონება, - ლამის მუდარით მივუგე.
- რას ჭამს? - მკითხა.

ცოტა არ იყოს, დავიბენი. დასწყევლოს ღმერთმა, მართლა და მართლა, რას მიირთმევს ჟირაფი?

- ყველაფერს. ვედროში უნდა დაუღობო და ყველაფერს ჭამს, - ამკარად შემატყო, რომ სიტყვებს ჰაერში ვიჭერდი.

- ყველაფერს რომ ჭამს, ისეთ ჟირაფს მე სახლში ვერ შევიყვან, - გადაწყვეტილად მითხრა და გზა განაგრძო.

გაზეთის ჯიხურს ჩამოყრდნობილი, მოტოციკლეტისკასკიანი, დაბალი კაცი ამოვიღე ნიშანში, მაგრამ იქამდე მისვლა არ დამცალდა. თითქოს მიწიდან ამოძვრაო, სატინისკიტელიანი თეთრი-ირმიზა ბიჭი დამიდგა წინ. საბუთი მიჩვენა, სერჟანტი გახლავართო, გამაცნო თავი და გაყოლა მიბრძანა.

მილიციის ოპერატიულ მანქანას რომ მივუახლოვდით, მოვიხედე და უნივერსალიდან გამოსული ცოლის გაცეცხულ თვალებს წავანყდი.

- ტაქსით წამოდი, - სერჟანტს, რომელიც ხელის შეშველებას აპირებდა, მივუბრუნდი, - საით მივდივართ?

- მეორეში, - უგემურად მიპასუხა.

- მეორეში! - გავძახე ცოლს, - ტაქსით მოდი. გაარკვევენ ახლავე ყველაფერს და გამომიშვებენ. მანდ, მანქანის დარაჯს უთხარი, ერთ საათში დაბრუნდება და არ განყენინებს-თქო. უკანა ფარები არავინ მოგვპაროს.

ცოლმა თავი დამიქნია და ჩქარი ნაბიჯით მოგვიახლოვდა, მაგრამ ამასობაში მსუბუქი მუჯღუგუნი ვიგრძენი და უფანჯრო კაბინაში ამოვყავი თავი.

ისე, ჩვენს შორის დარჩეს და, მართლაც რომ მყოლოდა ჟირაფი, რატომ არ უნდა შეიძლებოდა მისი გაყიდვა?

\* \* \*

გელა კირთაძე 1985 წელს მკითხველისთვის უკვე ცნობილმა გამომცემელმა კომიამამ საპასუხო ვიზიტით იაპონიაში მიიწვია.

დილიდანვე მარჯვენა თვალი უპარპალებდა.

თვალის პარპალმა გამთენიისას გამოაღვიდა. საათს შეხედა, შვიდიც არ იყო. საბანი თავზე წაიხურა და კედლისკენ გადაბრუნდა, იქნებ ჩამეძინოსო. ამაოდ.

რაც უფრო მონდომებით ცდილობდა დაძინებას, მით უფრო ფხიზლდებოდა. ძილის ბურუსიდან გონება გამალებით გადმოდიოდა

სიცხადეში, სადაც ერთმანეთში ირეოდნენ იაპონიის დედაქალაქის ბრჭყვიალა რეკლამები, ორსართულიანი ესტაკადები, აბრეშუმით ნაზი და უხმაურო მასპინძლები. ყოველ ფეხის ნაბიჯზე თავაზიანი „მოსი, მოსი“ და სამშობლოს მონატრება – ყველა გრძნობაზე უფრო ძლიერი.

მაინც არ მეძინება, ცოტას ნავივარჯიშებო. კიმაო სანოლზე მოისროლა, ტყავის ქოშებში ფეხი ნაპყო და აბაზანაში შეტყაპუნდა. სარკეს ენა გამოუყო და დიდხანს აკვირდებოდა. „ეხლა მაინც რა სიკვდილმა გამითეთრა ენა. გუშინ მაინც არ მიჭამია ლოკოკინას სალათა“.

ჭიქას სტერილიზების ქალღმერთი შემოახვია. ონკანს შეუშვირა და ქლორისგან აყროლებული წყალი პირში ჩაიგუბა. ყელში ააბუჭბუჭა და გადმოღვარა.

მერე ონკანს პეშვი შეუშვირა და მარჯვენა თვალი კარგახანს აპაჭუნა წყალში.

პარპალმა არა და არ გაუარა.

ტელეფონი ანკარუნდა.

– გისმენთ, ქალბატონო ელეონორა.

სხვა ვინ უნდა ყოფილიყო.

ერთგული მამალივით ელეონორა აღვიძებდა ყოველ დილით. ეს ქალი დელეგაციას ყვავეთიდან გამოაყოლეს, თქვენი თარჯიმანი იქნებო. ელეონორამ იაპონური, ალბათ, კარგად იცოდა და შესახედავადაც ურიგო დედაკაცი როდი იყო. მაგრამ გერასიმეს გულს ურევდა ამ ქალის ხაზგასმული ოფიციალურობა. აქაოდა, იაპონური ვიციო, თვითდაჯერებული ტონი და თავის თავზე, ზოგჯერ, ისეთი ფუნქციების აღება, რომელიც უწყინარი თარჯიმნის როლს შორს სცილდებოდა.

ოფიციალურ ქალღმერთებში ეწერა, რომ დელეგაციაში, რომელიც მწერალთა საერთაშორისო ასოციაციის იაპონიის განყოფილების მონვევით ამ ქვეყანაში ორი კვირით მიემგზავრებოდა, მხოლოდ ორი წევრი იყო – ვასილ ფლიევი და გელა კირთაძე. ელეონორა დელეგაციის წევრი არც კი გახლდათ და მისი მდგომარეობით, შეხვედრების დროს დაბალი რანგის ჩინოვნიკის სტატუსს უნდა დაჯერებოდა, მაგრამ, თქვენც არ მომიკვდეთ, ელეონორა ტოკიოში ჩასვლის პირველი საათებიდანვე ისე ეწერგულად მოქმედებდა, რომ ამკარად ცდილობდა, ეს ორი დამსახურებული ლიტერატორი თავის ჭკუაზე ეტარებინა და, თქვენ როგორ ფიქრობთ, მისი შენიღბული სითამამით და იდუმალი თვითდაჯერებით ახერხებდა კიდევ.

ვასილი პირველი დღიდანვე შეურიგდა ამ ამბავს, გელა კი ვერა და ვერა. ვასილს არა მარტო დამყოლი ხასიათი ჰქონდა, ეტყობა, თავმოყვარეობითაც ვერ დაიკვებნიდა.

– იცით რა, თქვენ რომ გუშინ ასაკუსას დათვალიერება გსურდათ, დამირეკეს, თხუთმეტი წუთში გოგონა მოვა და გაგყვებათ, ხომ არ გადაიფიქრეთ?

გუშინ შუადღისას ერთი ღონიერი მწერალთა გაერთიანების პრეზიდენტს შეხვდნენ. აუდიენცია რომ დამთავრდა, ქუჩაში გაიარეს. სადილამდე ნახევარი საათი რჩებოდა. გელამ ჩასახვევში, მარჯვნივ უზარმაზარ ტაძარს ჰკიდა თვალი და შეჩერდა. კირთაძეს სიძველენი აინტერესებდა და სანამ იკითხავდა, იაპონელებმა დაასწრეს: ეს ასაკუსააო, ბუდისტური ტაძარი მეთოთხმეტე საუკუნისა, ტოკიოში ოცამდე ასეთი ტაძარიაო.

თუ შეიძლება ახლოს მისვლაო, მოკრძალებით შეაჩერდა გელა მასპინძლებს, მაგრამ მაშინვე ინანა, ელეონორამ ყოველგვარი თათბირის გარეშე მოუჭრა: ახლა რესტორანში მივდივართ, ბატონო გელა, რა დროს ექსკურსიაა, და საერთოდ, გთხოვთაქვს ფუნქციებში წუ ჩაერევით, ხომ იცით, აქ ყოველი წუთი განსაზღვრულიაო.

ფირმის წარმომადგენელმა შეატყო, რომ დელეგაციის წევრსა და თარჯიმანს შორის უსიამოვნო საუბარი ასაკუსას გამო შედგა და ელეონორას მიმართა; თუ ბატონ მწერალს ტაძართან უფრო ახლოს მისვლა სურს, ადვილი საქმეაო. მაგრამ ელეონორა რისი ელეონორა იქნებოდა, უკან რომ დაეხია.

– თავისთავად გადაფიქრებული არ არის? ახლა რაღას მოვასწრებთ, ქალბატონო ელეონორა.

– უარს ვეტყოდი, რომ მცოდნოდა, – ჩაიკვნეს-ჩაისინანულა თარჯიმანმა.

– რომელზე უნდა გავიდეთ ჩვენ? – გელამ იცოდა, რომ სასტუმროდან პირველზე უნდა გასულიყვნენ, მაგრამ ისე, სიტყვის მასალად იკითხა.

– პირველზე, ორზე აეროპორტში უნდა ვიყოთ.

დელეგაციას ბარგი უკვე შეკრული ჰქონდა. სამ საათზე „ნარიტას“ საერთაშორისო აეროპორტიდან აფრინდებოდა თვითმფრინავი და კურსს სამშობლოსაკენ აიღებდა.

– უნდა გეთქვათ, გუშინ აინტერესებდა, დღეს აღარ აინტერესებს-თქო, ისედაც ამდენს ვაწუხებთ ამ ხალხს.

– რომ არ გაყვეთ, უარესად შეწუხდებიან. მეტროთი ნახვალთ და მოასწრებთ, უხერხულია. გასწიე-გამოსწიე ორი საათი გეყოფათ. ნახევარი საათის გზაა მეტროთი. პირველს რომ თხუთმეტი

დააკლდება, ფოიეში დაგელოდებით. მოემზადეთ, სადაცაა გამოჩნდება ის გოგო.

– რომელი გოგო? – გულუბრყვილოდ ჰკითხა გელამ. თითქოსდა მისთვის სულერთი არ იყო, რომელი გოგო მიაცილებდა ტოკიოს ბუდისტური ტაძრის – ასაკუსას სანახავად.

გაიპარსა, შხაპი გადაივლო, გამოეწყო და დერეფანში გამოვიდა.

„ალბათ ეს არის“, – გაიფიქრა გელამ, როცა გვერდით ტანმომცრო იაპონელმა გოგონამ ტკაპატკუპით ჩაუარა და ელეონორას ნომრის კარზე ფრთხილად დააკაკუნა.

რამდენიმე წუთში მწერალი და იაპონელი გიდი არც თუ მთლად ფეხანყობილად გარბოდნენ გინზაზე.

გელა დაღლილი მარათონელივით ქელავდა, მაჯაზე გამობმულ ხელჩანთას მიიქნევდა, მარჯვენათი ხალხს მიაჩნდებოდა და ცდილობდა, გოგონას არ ჩამორჩენოდა.

გოგონა კი პროპორციულად ტანმორჩილი გახლდათ და სიარულის დროს მუხლებს ერთმანეთს უხახუნებდა. ისე საყვარლად მიაბიჯებდა ტანის რხევით და პატარა ნაბიჯებით, როგორც მარტო მომხიბვლელ იაპონელ ქალებს ძალუძთ. საყველპურო რუსულს ახერხებდა და წელან მეტროს ესკალატორზე რომ იდგნენ, გელამ უკვე მოასწრო მის ლამაზ გამყოლზე ზოგი რამ გაეგო; გოგონას მიცუკი ერქვა. უნივერსიტეტის მესამე კურსის სტუდენტი იყო. მშობლები კიოტოში ცხოვრობდნენ, თვით კი რუსულ ენაში წასავარჯიშებლად და, რა დასამალია, ეკონომიური მოსაზრებითაც, თავს ნებას აძლევდა, გამოსაძახებელი თარჯიმნის სამსახური შეეთავაზებინა საბჭოთა კავშირთან საქმიან ურთიერთობაში ჩაბმული იაპონელი ფირმებისათვის. გელა შეკითხვაზე ჯერ გაიღიმებდა, მერე გულზე ახუტებული ჩანთიდან მინიატურულ ლექსიკონს დააძრობდა, სიტყვებს ერთხელ კიდევ დააზუსტებდა და პასუხს უსათუოდ მობოდიშებას მოაყოლებდა... გელა წამდაუნუმ ამხნევებდა; რა გაქვთ საბოდიშო, მშვენივრად ლაპარაკობთო, მაგრამ აშკარად ჩანდა, რომ მიცუკის თავაზიანი მწერლის ქათინაური არ სჯეროდა.

გინზას ბოლოში რომ გავიდნენ, მიცუკიმ ავტობუსების განრიგის მაჩვენებელ ელექტროტაბლოსთან მიიღობინა, კარგა ხანს ათამაშა თითები მწვანედ განათებულ ლილაკებზე, ეტყობოდა, ასაკუსას ახლომახლო გაჩერება ვერ აღმოაჩინა, მოწყენილი სახით გამობრუნდა, გელას სთხოვა, აქ დამიცადეთო, მოედნის შუაგულში მდგარ პოლიციელთან მიიღობინა. პოლიციელმა ერთი მოუხედა და ზურგი უჩვენა. მიცუკი ერთგულად უხსნიდა რალაცას, მაგრამ პოლიციელი მისკენ არ შემობრუნებულა. გოგონა თეძოების



ნაზი რხევით (თითქოს იაპონური მულტფილმების მზეთუნახავ თოჯინებს აჯავრებდა) ისევ მონარნარდა გელასთან, კიბეზე ჩაიმუხლა და ტოკიოს ქუჩების სქემა დააძრო, ორივენი გულდასმით დასცქეროდნენ სქემას.

– ჩვენ სად ვართ ახლა, მიცუკი? – ჰკითხა გელამ.

– აქ, – სქემას ფანქარი დაადო გოგონამ.

– შენ ხარ ჩემი ბატონი, ასაკუსა?

– აქ, – სქემის მეორე მხარეს, ქალაქის განაპირას, წრე შემოხაზა მიცუკიმ.

– შენ ეს მითხარი, რა ქუჩაზეა ასაკუსა?

– ტოკიოში ქუჩებს სახელი არა აქვთ, – მიცუკის დაღლილი ღიმილი ჰქონდა.

– აპა?

– აქ ქუჩები დანომრილია, მარტო გინზას ჰქვია, გინზა. მთავარი ქუჩაა და იმიტომ.

– სულერთი არაა, შე ქალო? რა ნომერ ქუჩაზე ვართ მისასვლელი?

– ორმოცდამეჩვიდმეტეზე.

– მერე? რა გვიშლის ხელს?

– არაფერი, პოლიციელს ვკითხე. რა ტრანსპორტით უფრო ჩქარა მივალთ-მეთქი და ხმა არ გამცა.

– რა მინდაო?

– ლაპარაკი არ შეუძლია, ნება არა აქვს. მოძრაობას არეგულირებს.

– მერე? ჩვენც ისეთი პოლიციელი მოვძებნოთ, ვისაც გზადაბნეული მოქალაქისთვის გზის ჩვენება ევალება.

თითქოს დიდ ჭეშმარიტებას ეზიარაო, მიცუკიმ მადლობის ნიშნად გაუღიმა, სქემა დაკეცა, ჩანთაში ჩაჩურთა და ტროტუარს აღმა აუყვა.

კარგა ხანს ეძებეს პოლიციელი, მაგრამ განსხვავებით სხვა კაპიტალისტური ქვეყნებისაგან (პოლიციელები ყოველ ფეხის ნაბიჯზე თვალში რომ გეჩხირებიან) ტოკიოში წესრიგის დამცველი იოლი საპოვნელი როდი აღმოჩნდა.

შადრევანთან მოიხელთეს შავქუდიანი მოხელე და ორივენი ჯიქურ მიადგნენ.

– ჰაი დოზო, – სული არ მოათქმევინა მიცუკიმ.

– ჰაი, ჰაი – ქუდთან ხელი მიიტანა; ახალგაზრდა, მეჩხერკბილება პოლიციელმა.

მიცუკი დიდხანს უხსნიდა თავის გასაჭირს, სქემაც დააძრო, ზედ დახატული ასაკუსაც უჩვენა, მაგრამ იაპონელი ქალწულის

ნადვლიან კილოზე ხვდებოდა გელა, რომ პოლიციელმა გიდს სა-  
ნუგეშო ვერა უთხრა რა.

ის იყო, მიცუკიმ გულიდან ამოსული არიგატო დაუტოვა სახელ-  
მწიფოს გუშაგს და ტანჯული სახით გამოტრიალდა, რომ პოლ-  
იციელი დაედევნა და აღტაცებული სახით რალაც ჩაუთაპონურა.

გახარებულმა მიცუკიმ კვლავ დააძრო სქემა და ისინი შადრევანის  
გასწვრივ, კედელთან, პრეზიდენტის სურათის ქვეშ ჩამოსხდნენ.

– ჰაი, ჰაი,.. ჰაი... ჰაი, ჰაი... – ნამდაუნუმ იმეორებდა გოგო-  
ნა და ბოლოს, როგორც იქნა, დააღწია თავი გულისხმიერ პოლი-  
ციელს. ქუჩა გადმოჭრეს და კიბეს ჩაუყვინენ თუ არა, პოლიციელი  
ისევ ნამოენიათ, ერთხელ კიდევ გააშლევინა მან მიცუკის სქემა  
და ერთხელ კიდევ სუფთა იაპონურით განუმარტა, როგორ უნდა  
მისულიყვნენ ასაკუსამდი.

ათიოდე წუთის შემდეგ ისინი მეტროს მატარებელში ისხდნენ.  
მიცუკი კვლავ მუხლებზე გაშლილ სქემას დაჩერებოდა, ფანჯარას  
მიჭიჭინებული გელა კი მეტროს ყოველ სადგურზე შემოგებებულ  
პლაკატს (პლაკატზე მატარებლის სავარძელში ღრმად ჩადინებული  
მაიმუნი ეხატა) შეავლებდა თვალს და მერე რეკლამების გასწვრივ  
მდუმარედ ჩამსკრივებულ იაპონელებს გახედავდა.

მწერალს, რა დაგიმალოთ და შურდა იმ კაფანდარა ათასებისა,  
მეტროს ესკალატორს აღმა-დაღმა რომ დაყვებოდნენ და მშვე-  
ნივრად იცოდნენ, საით მიდიოდნენ და რა საქმეზე.

საათზე დაიხედა. თერთმეტის ნახევარი იყო.

– ისე, ჩვენს შორის დარჩეს და თუ ასე შორს არის, აუცილე-  
ბელი კი არაა, კაცმა რომ თქვას, ასაკუსას ნახვა. იქნებ მეორედ  
ჩამოსვლისთვის გადაგვედო? – შეაპარა გიდს გელამ.

მიცუკიმ შეძრწუნებული სახით მოიხედა.

– არა, არა, გელა სან. შორს არ არის. ჩვენ უბრალოდ გზა  
დაგვებნა. სხვა სადგურით უნდა ნავსულიყავით. მე თვითონ იქ  
არასოდეს ვყოფილვარ, ხომ მაპატიებთ?

გელა ხელის ზურგზე მოეფერა ისედაც შენუხებულ გოგოს და  
რაც მოუხერხდა, ალერსიანად უთხრა.

– რა სათქმელია.

კიდევ ერთი „მიძინარე მაიმუნი“ გაიარეს და მატარებლიდან  
ჩამოვიდნენ.

გრძელი დერეფანი გაირბინეს და ბილეთების „სასხლავით“  
ხელში მდგარ მეტროს მორიგესთან მივიდნენ, გაირკვა, რომ ერთი  
სადგურით ადრე ჩამოსულან. ეს „ხურაის“ ძველი სადგურია, თქვენ  
კი ბილეთი ახალ „ხურაიმდე“ გაქვთო.

უკან გამოუყვინენ რეკლამებით აყვირებულ გრძელ დერეფანს.

როგორც იქნა, ამოაღწიეს მინის ზემოთ.

გზაჯვარედინთან მარჯვნივ აუხვიეს, სკვერი გადაჭრეს და ცირკის აფიშებთან პატარა მოედანს მიაღწენენ.

მიცუკიმ კვლავ მიიბრინა ელექტროტაბლოსთან. კვლავ ათამაშა თითები კლავიშებზე, მერე აცრემლეული სახით გვერდით მდგომ ქალს რაღაც ჰკითხა და ორი წუთის შემდეგ მიცუკის ირგვლივ გულჩვილი იაპონელების წრე რომ შეიკრა, გელას გულმა რეჩხი უყო. ჩანდა, მიცუკი კიდევ ერთხელ დაიბნა.

უყურა, უყურა გელამ და რაკი საბოლოოდ დარწმუნდა, რომ კოლექტიური გზის სწავლება კარგს არას უქადდა (მიცუკის ირგვლივ ცნობისმოყვარე მოქალაქეთა რიცხვი სწრაფად იზრდებოდა და შეიძლებოდა გულშემატკივართა თათბირი მიტინგში გადაზრდილიყო), გოგონას ხელი დაავლო და წრეს გამოარიდა.

მინისქვეშა გადასასვლელში რომ ჩადიოდნენ, გელამ მოიხედა, მოქალაქენი ისევ იქ იდგნენ და კამათობდნენ.

კიბესთან სული მოითქვეს. მიცუკიმ ისევ დააძრო სქემა, ავტომატურ ფეხსაცმელმწმენდს ჩამოაფარა, ორივე ხელი საფეთქელზე მიიღო და დააცქერდა.

– დანყნარდი მიცუკი, რა ვუყოთ, ხდება. ახლა თორმეტის ნახევარია. დრო ცოტა რჩება, გავბრუნდეთ, – დაიწყო გელამ.

– ასაკუსა? – გოგონას ირიბად გაჭრილ თვალებში სასონარკვეთა ჩადგომოდა.

– მე ვიტყვი, დავათვალთ იერეთ-მეთქი. ძალიან მომეწონა-მეთქი. დავანებოთ თავი ასაკუსას. ტაქსში ჩავჯდეთ და უკან გავბრუნდეთ. დამიჯერე. ასე აჯობებს საქმისთვის.

გოგონამ მთლად კარგად ვერ გაიგო, რას ნიშნავდა – „მე ვიტყვი, დავათვალთ იერეთ-მეთქი“, მაგრამ მეთათხედ დაიხედა საათზე, სქემა არც კი დაუკეცავს, გელას ხელი ჩაავლო და ყვითელთაღიან ქიშკარში შეარბენინა.

ჭიშკარი გაიარეს, ესკალატორით ქვედა ქუჩაზე ჩავიდნენ და ბამბუკის ჯიხურში ჭოტივით მობუზულ ქალს მიაღწენენ.

მიცუკი ნამდაუნუმ საათზე იხედებოდა და რაღაცას ევედრებოდა, ჭოტი-მორიგე კი მშვიდად პასუხობდა და წინ მდგარ მიკროფონს ნიადაგ ერთსა და იმავეს ჩასძახოდა.

მიცუკიმ გელას ხელი გამოსდო, მარცხნივ გაარბენინა და კვლავ ესკალატორზე შეაყენა.

– რა მინდაო? – ჰკითხა ფარმაცევტმა.

გოგონამ გამშრალი ტუჩები ააცმაცუნა:

– ტაქსით დაგაგვიანდებათო. ახლა პიკის საათი იწყება. კვლავ მეტროთი უნდა წავიდეთ.

– ნავიდეთ მერე, რა გვიშლის ხელს.  
– არაფერი. ახლავე მეტროს სადგურს ვიპოვი. თქვენ აქ მომიცადეთ...

მაგრამ გელას მოცდის თავი აღარ ჰქონდა. იგი ფეხდაფეხ კი არ მიჰყვებოდა, ზოგჯერ წინ უსწრებდა თავის გიდს. ერთი-ორჯერ ხელიც კი ჩაავლო და წითელ შუქზე გადაარბენინა. გიდი მთლად მოეშვა. იგი მორჩილად მიჰყვებოდა კირთაძეს და ტირილით ბოდიშს იხდიდა.

მესამეჯერ სხვადასხვა მხრიდან ერთსადიმავე, ჟან გაბენის ვეებერთელა სურათიან მოედანს რომ მიადგნენ, გელამაც დაკარგა გზაკვალი.

მიცუკი ტროტუარზე ჩამოჯდა. სქემა ამოიღო და ქვითინი აუტყდა.

პირველს ოცი წუთი აკლდა. დრო ელვისისწრაფით გარბოდა.

გიდი ტუჩებს და თითებს იკვნეტდა. სქემას აფრიალებდა და გამვლელებს ისეთი ხმით დასძახოდა, რომ მოქალაქენი ჩერდებოდნენ და სხვა რომ არაფერი შეეძლოთ, უსიტყვო თანაგრძნობას იქვე დგომით გამოხატავდნენ.

ვილაცამ ქალაღი ამოიღო და მოქალაქეთა ხელმოწერის შეგროვებას შეუდგა. გელა მიხვდა, გამვლელთა მოწმეობა მიცუკის გიდური რეპუტაციის გადასარჩენად იყო საჭირო.

გელამ მხნეობა მოიკრიბა და აკანკალებული სტუდენტი ლამის ძალით დასვა ტროტუარზე.

– დაჯექი აქ, მე შენ გელაპარაკები. რა მოხდა, შე ქალო, დაიქცა ქვეყანა? ადამიანის ფერი აღარ გადევს შენ თუ მოკვდი, რალად გინდა რამე. ასე გადარევა გამიგონია? ვის არ აქცევია მხარი. მოინმინდე ცრემლი და გამალე ეგ დასანვაგი სქემა. რა მოედანზე ვართ ჩვენ ახლა?

სქემის გაშლა აღარ დაჭირდათ. პოლიციელმა წრე გაარღვია, მიცუკის და გელას შუაში ჩადგა, ორთავეს ხელკავი გამოსდო და ყვითელი მანქანისკენ წაიყვანა.

რამდენიმე წუთის შემდეგ ჩვენი მგზავრები პოლიციის მანქანით მიქროდნენ ტოკიოს ქუჩებში. მძლოლი სირენას აყვირებდა, მაგრამ ქალაქის უსამველო პიკთან ვერას ხდებოდა. ყვითელი „ტოიოტა“ წამდაუნუმ ჩერდებოდა და ფანჯარაში თავგაყოფილ პოლიციელს ყვირილით უხდებოდა თავის კოლეგებთან ურთიერთობის გარკვევა.

მიცუკი სავარძელში მისვენებულიყო და დატუქსვის შემდეგ მოფერებული ბავშვივით სლუკუნებდა.

გელას გულმუცელი ენვოდა, მაგრამ გარეგნულად არაფერს იმჩნევდა. მანქანის ფანჯრიდან მოჩვენებითი გულგრილობით შეს-

ცქეროდა ხელჩანთიან კოპნია იაპონელებს, პირზე ღიმილითა და პაკიპუკით რომ მიიჩქაროდნენ თავიანთ იაპონურ საქმეებზე.

„ნარიტას“ აეროპორტში რომ მივიდნენ, „ილ-64“ – მარშრუტით ტოკიო-მოსკოვი თხუთმეტი წუთის გაფრენილი იყო.

გელა კირთაძემ აეროპორტის თანამშრომლებს და სხვა დაინტერესებულ პირთ განუცხადა, რომ დააგვიანდა ფრიად სერიოზული მიზეზის გამო, ასაკუსას დათვალეიერებისას გული ცუდად გაუხნდა და სიარული ვეღარ შეძლო.

წერილობით ჩვენებაში, რომელიც მწერალმა ოფიციალურ პირთა თანხმობით რუსულად დაწერა, იგი დაჟინებით ამტკიცებდა, რომ გულისხმიერ იაპონელ გოგონას – მიცუკის მის დაგვიანებაში ბრალი არ მიუძღოდა. გიდმა დროის ზუსტი გაანგარიშებით გააკეთა თავისი საქმე, მაგრამ მე გულმა მიმტყუნა და ყველაფერი ამ გაუთვალისწინებელი შემთხვევის გამო მოხდაო.

...თვითმფრინავმა სიმაღლე რომ აიღო, აპილპილებულ ელეონორას გვერდით სტიუარდესა ჩამოუვდა და ერთხელ კიდევ ჰკითხა დარჩენილი მგზავრის შესახებ.

– უცნაურად იქცეოდა, გულჩათხრობილიც იყო, მაგრამ სამშობლოს თუ გაყიდდა, ვერ წარმოვიდგენდიო – ხმამაღლა, სხვა მგზავრთა გასაგონადაც პასუხობდა თარჯიმანი.

სინამდვილეში იმ სტიუარდესას საქმე ძირითადად თვითმფრინავში მსხდომთა მომსახურება გახლდათ. დარჩენილებთან მას არა ესაქმებოდა რა. უბრალოდ ცნობისმოყვარე და ცოტა ენაჭარტალა გოგონა იყო.

ერთი კვირის შემდეგ დაბრუნდა გელა მოსკოვში.

როგორ დაბრუნდა და რა გადახდა, ცალკე, სალაპარაკოა.

\* \* \*

უდანაშაულოდ კაცის დასჯა როგორ არ გამიგონია, მაგრამ, რაც მე დამმართეს, ნამდვილად დასაწერი ამბავია, ბატონო გელა, და უნდა გაიმბო; თუმცა, იქნებ, დასაწერადაც არ გამოდგეს, მკითხველს დაუფერებლად მოეჩვენება. ორმოცდაორი წელი ისე მოვათიე ჭრა-კერვის კურსებზე ჭრის პედაგოგად, საყვედური რაა, ერთი საყვედურიც არ მიმიღია. სამმართველოში სიგელით დაჯილდოვებას და საპატიო გაცილებას მიპირებდნენ თურმე. ახლა ვილა დამაჯილდოვებს, თითით საჩნევებელი გავხდი მთელს ქალაქში. მე შენ გეტყვი, ჭორიკანა ხალხი აკლია ქარათელეთს. მაშინვე მეთქვა სიმართლე, იცოცხლე კარგი იყო, გადავრჩებოდი ამ დავიდარაბას, ახლა აღარ დამიჯერებენ და ვინ იცის, იქნებ არც მაშინ დაეჯერე-

ბინათ. არა მჭირდა ჭირიო, ძალად ვიკარ ჩხირიო, ისეა ჩემი საქმე. გავჩუმდი და იმ გაჩუმებამ ისეთი კეტი მკრა, წელში ველარასოდეს გავიმართები. გული მხოლოდ იმაზე მწყდება, უბრალო რომ ვარ. ცოტა, პანანკინტელა დანაშაული მაინც მიმიძლოდეს და არ ვჩივი არაფერს.

თუ არ გეჩქარება, თავიდან დავიწყებ და წვრილად გიამბობ, რაც გადამხდა.

ამ ორი თვის წინათ ჩემს ეზოში ვზივარ და ინდაურის ბუჩიტებს (ქართელეთის გარდა, სხვაგან, ყველგან ჭუკებს ეძახიან) ჯოხს ვუქმევ, ახლადამოყრილი კონინდარი რომ არ გადაჭამონ.

საშურა აბრამიდის ჭიშკართან ბიჭი დგას და კაი ხანია ამოდ უხმობს მასპინძელს. რომელი ხარ-მეთქი, გავეხმაურე წამოუდგომ-ლად. სტუმარი ახლა ჩემს ჭიშკარს მოადგა. – გამარჯობა ალექსი ბიძია, აბრამიდისანები არ არიან სახლში, თუ იციო?

ვიცანი ჩიჩი გვილავა. მელენტის უფროსი ვაჟი. ჩემგან მეხუთე მოსახლეა. წესიერი ბავშვი იყო, სხვათაშორის, და საქმეც კარგად წაიყვანა. შარშან იურიდიული დაამთავრა და ჩვენს ქალაქში გამო-ანაწილეს, არ ვიცი, რა თანამდებობაზე. – საშურა ახლა გავიდა, ამ წუთში და ვერ გეტყვი როდის მოვა-მეთქი. ბაბუცა ხომ მაიას ადგას თავზე თბილისში. ცოტა ხელი შეეშალა იმ გოგოს, გაიგებდი ალბათ-მეთქი. ასე რომ, სახლში მარტო საშურაა და საშურაც, ქე გითხარი, გავიდა, მაგი დღეს ფხიზელი აღარ მობრუნდება-მეთქი. თუ საჩქარო არაფერია, ხვალ დილით მობრძანდი, გვიანობამდე არ იღვიძებს-მეთქი.

– რაკი ასეა, თუ არ გეწყინება, შენ უნდა შეგანუხო და, თუ ჩემი ლექსო ბიძია ხარ, არ მითხრა უარიო, – დამეჯღანა ჩიჩი გვილავა. მაინცდამაინც კი არ მესიამოვნა, საშურას ალავერდი ასე უცებ რომ გადმომილოცა, მაგრამ რას ვიზამდი, ბუჩიტები დავამწყვდიე და გვილავა შემოვიპატიჟე. შინ შემოსასვლელად არ მცალიაო. მელენტის ძემ, მოგეხსენებათ, ალექსი ბატონო, მილიციაში ვმუშაობ მეო. ღამის მორიგე ინსპექტორი გახლავართ ჯერჯერობითო. დიპლომიანებს გამომძიებლობაზე ნაკლები არ ეკუთვნით, მაგრამ ადგილი არ იყო და, სანამ გამოჩნდებოდეს, დავთანხმდი ღამის ინსპექტორობაზეო. ჩვენი მუშაობის ხასიათი გეცოდინებათ, თუ არავინ დავსაჯეთ და თუ ვინმე არ დავტუქსეთ, აქეთ დაგვსჯიან და დავტუქსავენო. გამიჭირდა და უნდა დამეხმაროთო. საშურას-თან გამომიშვა მამაჩემმა (თქვენ ვერ გაგიბედეო), მაგრამ საშურა შინ არ არის და, რომც იყოს, ჩემი თავი არ ექნება ახლა იმასო. რა მოუვიდა მაიას? არაფერი არ გამიგიაო. – რა და არ თხოულობს ის ბიჭი-მეთქი, მოკლედ მოვჭერი: – კი, მაგრამ ხომ გათავდა ეგ

საქმე, ხომ წაიყვანა, ასე ვიცი მეო? – ხელს არ აწერს, ცალ-ცალკე არიან ისევ-მეთქი. ისე უგემურად ვუთხარი, ვაგრძნობინე, ამ თემაზე საუბარი რომ არ მსიამოვნებდა. – ჰოდა, შეგანუხეთ, ალექსი ბიძია, ასეთ უცნაურ საკითხზეო: ამ თვეში, ჩემი მორიგეობის დროს არაფერი ხელმოსაკიდი არ მომხდარა და სუფთა ყურნაღს რომ ნახავს უფროსი, შეიძლება დოცლაპიობისთვის საყვედურიც კი გამომიცხადოსო. შევადგენ პატარა აქტს, გავატარებ ყურნაღში – ვითომ შენ ღამის პირველ საათზე, ნულუკიდის სკვერში დებოშს ტეხდი და მილიციის მუშაკებმა მთვრალი სახლამდე მიგაცილესო. რას ვტყუავდი-მეთქი? ჩაფულრმავდი, – ჩხუბსო, – ამიხსნა, – ჩემი დათრობა და ჩემი ჩხუბი კაცს არ გაუგონია, თორმეტგოჯაზე წყლული რომ მაქვს, მთელმა ქალაქმა იცის, არ დაგიჯერებენ მაგ ამბავს, ისევ საშურას დაელოდე, საშურა გამოგადგება-მეთქი. რაკი ასეა, სხვა დანაშაული მოვიფიქროთ, შენუხდა ჩიჩი; ვითომ შარდს აქცევდი შუალამისას აკაკის ბაღში და მილიციელებმა წესრიგისაკენ მოგინოდესო. შარდზე, ცოტა არ იყოს რომ შეეცოყმანდი, დაუმატა: – ნუ გეშინია, ალექსი ბიძია, არც აქტს და არც ჩვენს დასკვნას, არავინ წაიკითხავს და ვერავინ გაიგებს. უბრალოდ ყურნაღში გავატარებთ, მუშაობაში ჩაგვეთვლებათო. იქნებ არც მოიკითხოს უფროსმა. ერთი წლის მერე ვწვავთ და ვანადგურებთ გატარების ყურნაღსო, აშკარად იცრუა.

გავბრიყვდი და შევჯექი ვირსაო, ხომ გაგიგონია. ავწონე-დავწონე და ჩიჩისადმი პატივისცემამ მძლია. რა მოხდა, ბოლოსდაბოლოს, ახალგაზრდა კაცს მხარში ხომ უნდა ამოვუდგე, მეტი რა ვართ ადამიანები ერთმანეთის. კაცის მოკვლაზე ხომ არ მიმონებებს. დავიბრალებ ერთადერთხელ ჩემს ცხოვრებაში უადგილო ადგილას შარდის დაქცევას. ჯერ ერთი, როგორც ჩიჩი ამბობს, ყურნაღს არავინ ჩახედავს, და რომც ჩახედონ, ამ საქმეს არავინ გამოეკიდება-მეთქი.

ასე და ამგვარად, დავთანმდი. აქტი იქვე, ჩემს ეზოში დაინერა. „დანაშაულის ჩადენის“ შემოთავაზებული ადგილი; ჩემი თხოვნით, ნულიკიდის სკვერით შევცვალეთ, რადგან აკაკის ბაღის ყველა კუნჭული მთელი ღამე განათებულია და საქმეს, რომელშიც ბრალი მედება, ვერ გავხედავდი. საათიც გადავნიეთ, ცოტა, რა მნიშვნელობა ჰქონდა, მაგრამ პირველი საათი, ორის ნახევრით შევაცვლევი. ჩიჩი ჩემს რედაქციულ შენიშვნებს სიტყვისშემოუბრუნებლად ითვალისწინებდა, რისთვისაც ახალგაზრდა იურისტის მადლობელი დავრჩი. მოვანერე აქტს ხელი და მე და ჩიჩი პირზე კოცნით დავშორიდთ ერთმანეთს. 1984 წლის თერთმეტი ივნისი იყო, რა დამავიწყებს.

არ გასულა ამ ამბის შემდეგ სამი კვირაც, რომ დირექტორი მი-  
ბარებს. მე და დირექტორი საბავშვო ბაღის ძმაკაცები ვართ. მოხ-  
არშულს მიცნობს. უდევს წინ რალაც ქალაქები და ხითხითებს. –  
როდის შემდეგ დაიწყე, ლექსო, ხულიგნობა შენო? – რავა, რა იყო-  
მეთქი, ელდა მეცა. – შეტყობინებაა მილიციიდან ზომების მის-  
აღებად, შუალამისას შარდის დასაქცევად ნულუკიძის ბაღში რამ  
ნაგიყვანა, შე კაცო, სხვაგან ვერ ნახე ადგილიო? ვფურცლავთ და  
ვათვალეირებთ მილიციიდან მოსულ შეტყობინებას. ჩემს ეზოში  
დანერილი აქტისთვის ერთი საბუთიც დაუმატებია ჩიჩის. ზემ-  
დეგი ყრუაშვილი (რომელიც არასოდეს მინახავს და იქნებ ვერც  
ვერასოდეს ვნახო) სწერს: „მიუხედავად ჩვენი სიტყვიერი გაფრთხ-  
ილებისა, მოქალაქე ჯიუტად განაგრძობდა დანყებულ დანაშაუ-  
ლებრივ ქმედებასო. საქმეს რომ მორჩა, წინააღმდეგობა არ გაუნ-  
ევია, დანაშაული ვერმომენის მოტივით ახსნაო. ასე რომ ჰაერში  
გამაფრთხილებელი გასროლა არ დაგვჭირვებია. მოქალაქე ალექსი  
დარაბაძე მკაცრად იქნა გაფრთხილებული და პირობა ჩამოერთვა,  
რომ მსგავს დანაშაულს აღარ გაიმეორებსო“.

დირექტორს მაინც რალაზე დავუმალავედი. ავდექი და ვუამბე: –  
ეს, ყველაფერი, სიცრუეა, მეზობლის ბიჭმა ჩიჩი გვილაგამ მთხოვა  
და ხათრი ვერ გავუტეხე. ალბათ შეტყობინება, მასთან შეუთანხმე-  
ბლად, მექანიკურად გადმოაგზავნეს-მეთქი. სიცილისაგან მოგვრი-  
ლი ცრემლები შეიმშრალა: – მე ვიცოდი, რომ შენ უადგილო ადგი-  
ლას არ მოფსამდი, ალექსიო, აგაშენა ღმერთმა ინსპექტორის მხ-  
არდაჭერისთვის, მაგრამ ჩვენ რა ვქნათ, რალაც რეაგირებას რომ  
გვთხოვს მილიციის განყოფილებაო. – რა და თქვენც მექანიკურად  
მისწერეთ: „ზომები მიღებულია, ალექსი დარაბაძე გაფრთხილებ-  
ულია-თქო“. ეს ქალაქი, თუ კაცი ხარ, არავის აჩვენო, თავი არ  
მომჭრა-მეთქი, შევადგინეთ იქვე რეაგირების ტექსტი; ვითომ მე  
ჭრა-კერვის კურსების პროფკავშირულ საერთო კრებაზე საჯაროდ  
გამკიცხეს და აღსაზრდელად ადგილკომის უჯრედს გადამცეს,  
გავგზავნეთ „რეაგირება“ მილიციაში და მეგონა ამით ყველაფერი  
დამთავრდა-მეთქი.

თურმე ჯერ სადა ხარ, კაცი ბჭობდა და ღმერთი იცინოდაო,  
ხომ გაგიგონია.

ოცდაცხრა სექტემბერია, ჭრა-კერვის მუშაკთა რაიონულ შეკრე-  
ბას ვესწრები. მომხსენებლად რაიონული გაერთიანების თავმჯდო-  
მარეა. მომხსენებელი ურიგო კაცი როდი გახლავთ, ახალგაზრდა,  
ენერგიული სპეციალისტია – გარაყანიძე. აგრონომიული აქვს დამ-  
თავრებული, ამბობენ, ხარისხზეც მუშაობსო. სადგურის მორიგის  
პოსტიდან ჩვენთან გადმოიყვანეს, ერთი წელი არაა ჯერ. მოხ-



სენების პირველ ნახევარს სხვა ვინ უსმენს. მე რომ მომესმინა. ჩამოაჭიკჭიკა წარმატებები და რეგლამენტით გათვალისწინებული სამი წუთი ნაკლოვანებებს დაუთმო. „სამწუხაროდ, – თქვა ჩვენს რიგებში ჯერ კიდევ მოიძებნებიან ადამიანები, შეგნებულად თუ შეუგნებლად ჩრდილს რომ აყენებენ, ამ არნახული აღმავლობის ვითარებაში, ჩვენს წარმატებებსო. ალექსი დარაბაძე გამოცდილი, ღვანლმოსილი მუშაკია და ვინ ელოდა, თუ ასე ამჩატდებოდაო. დარაბაძის უტაქტო მოქმედება ჩირქსა სცხებს ჩვენს ჯანსაღ კოლექტივსო. ეს ამბავი მწარე გაკვეთილად უნდა იქცეს არა მარტო თვით დარაბაძისთვის, ყველა ჩვენთაგანისთვის, საერთოდ“.

ერიკაა, ესეც შენი ხათრი-მათრი. ცივმა ოფლმა დამასხა. ვიფიქრე, გამოვალ კამათში და ვიტყვი სიმართლეს. ამ ხალხს, როგორც ჩანს, მართლა დამნაშავე ვგონივარ-მეთქი, მაგრამ შენ არ მომიკვდე, დღის წესრიგი ისედაც გადატვირთული იყო და მე კი არა, წინასწარმოზადებულ მოკამათეთაგან ნახევარს არ მისცეს სიტყვა. არც „განცხადებისთვის“ დარჩა ჩემთვის ადგილი.

შეკრება რომ დამთავრდა, კეთროვანივით მიყურებდნენ ჩემი კოლეგები. ბევრს ამკარად ვძულდი, როგორც კოლექტივის შემარცხვენელი, ზოგი მალულად, შორიდან მითანაგრძნობდა. ერთმა გაბედა და მკითხა: რა ქვა გატეხე ასეთი, გაგვაგებინე, თუ კაცი ხარო. რომ ავუხსენი, ეჭვით შემომხედა და სწრაფად გამეცალა. ეტყობოდა, ერჩია უფრო დიდ დამნაშავესთან ჰქონოდა საქმე, ვიდრე უადგილო ადგილას შარდის უპრეტენზიო დამღვრელთან.

არც კი გამიგია, როგორ გავიდა ოცი უგემური დღე რაიონული შეკრებიდან. ჩიჩი ორჯერ შემხვდა ქუჩაში, მაგრამ პირი ამაღრიდა, რცხვენია ალბათ, ყმანვილს, რომ უნებლიედ ამ ყოფაში ჩამაგდო. მეც არ შევხმობიანებივარ, ჩემს ჩაქანებულ საქმეს. ჩხუბი და აყალმაყალი ველარაფერს უშველის. არ მინდა დავაყვედრო, განა თვით სურდა მოშარდვის ხაზით ქალაქში განთქმულ კაცად ვექცოე.

მოგეხსენებათ, ჭრა-კერვის მუშაკთა რაიონულ შეკრებას ამავე გაერთიანების საქალაქო შეკრება მოჰყვება ხოლმე. მე საერთოდ საქალაქო შეკრებაზე არ მიხმობდნენ (სუბორდინაციულად არ მეკუთვნის), მაგრამ მოსაწვევი ბარათი რომ მივიღე, გულმა რეჩხი მიყო. – ალბათ, საქალაქო გაერთიანების გენერალურ დირექტორს მოხსენებისთვის ფაქტი დასჭირდა, ჩემთვის თავს ვინ გამოიღებდა, ადგნენ და ჩამაყუდეს დირექტორის მოხსენებაში-მეთქი.

ისე აგიხდეთ ყოველივე კარგი, როგორც მე ეს საშინელი წინათგრძნობა ამიხდა. გატრუნული ვუსმენ მოხსენებას, დანა რომ დამისვა, სისხლი არ გამომივა. რეიგანის ლანძღვა-გინებიდან

მომხსენებელი ჩემზე გადმოვიდა: „მაგრამ სავალალო ის არის, რომ ამ გამწვავებულ საერთაშორისო ვითარებაში, შინაც გვყვანან სახელის გამტყენი. ქალაქის მონინავე საზოგადოებამ აღმფოთე-ბით დაგმო ჭრა-კერვის კურსებზე მომხდარი ფაქტი. ალექსი და-რაბაძის დაუფიქრებელმა ნაბიჯმა ჩირქი მოსცხო ჩვენს სახელოვან უწყებას. რა გამოვიდა, ჭრის პედაგოგი დღისით თავის მოწაფეთა შორის სათნოებასა და წესრიგს ქადაგებს, ღამით კი, თურმე ნუ იტყვიო, ასეთ საძრახის საქციელს სჩადის. ამაზე ითქმის „სახით მღვდელი და საქმით მგელი“.

მომხსენებელმა ქვემოთ სხვებიც გააკრიტიკა, მაგრამ ვერ და-ვუკარგავ; ყველაზე შთამბეჭდავად და ხატოვნად ჩემზე შეჩერდა: მართალია, დარბაზიდან გამოსვლისას შეურაცხყოფელი შეძახ-ილები; („არც კი რცხვენია!“ „ესეც იტყვის, კაცი ვარ და ქუდი მხურავსო!...“) არავის დაცდენია, მაგრამ, ყრუანტიელი მივლიდა და ზურგი ისე მენვოდა, თითქოს მათრახით ნაცემი გახლდით.

ავტობუსის გაჩერებამდე აჩა-ბაჩად მივედი. კეფა მენვის, ეტყო-ბა წნევამ ამინია. ტროტუარზე მტრედები ფართხალებენ, ფრთებს ატკაცუნებენ და საკმარისია ერთმა მათგანმა გახურებულ ას-ფალტს ყასიდად ნისკარტი ჩაჰკრას, რომ ყველანი იქვე გაჩნდებიან და ისეთ კაკუნს ატეხავენ, გეგონება, ბანზე გაშლილ ქერს მიაგნე-სო. სადღაც ჩანთაში შავი პურის ნაჭერი მეგდო მტრედებისთვის, მაგრამ ახლა ამის თავი არა მაქვს.

ოთხმა ნომერმა საერთოდ არ გააჩერა, ეტყობოდა, გადატვირ-თული იყო. ზურგს უკან ორი მამაკაცი თითქოსდა განგებ, ჩემს გასაგონად იწყებს მასლაათს:

– ნახე დღევანდელი გაზეთი?

– კი.

– ნაიკითხე „ვინ გვარცხვენს?“

– კი, მაგრამ მაინც ვერ გავიგე, რა დანაშაულზეა ლაპარაკი. დანერე, შე კაი დედამამიშვილო, გასაგებად. სწერია, „ალექსი დარა-ბაძე ღამის ორ საათზე საზოგადოებრივი შეკრების ადგილას საძ-რახის საქციელს სჩადიოდაო“. რაზეა ლაპარაკი, რას აკეთებდაო, თუ ღმერთი გწამს?

– ამდენს ვერ უნდა მიხვდე? ქალზეა ლაპარაკი, ყველაფერს ხომ არ ჩაგიკაკლავენ დანვრილებით. გაზეთი იმისია, რომ რალაცას შენ თვითონ უნდა მიხვდე.

– ჭრა-კერვის კურსებზე ნამუშევარა, სამოცდაათს მიღწეული ყოფილა.

– ქალს მაინც არ შერცხვა იმ უპატრონოს? ისიც კაი უბედური ეყოლებოდა გამჩენს.

ერთი სული მქონდა, შემოვბრუნებულიყავ და მოსაუბრეთა სახეები დამენახა, მაგრამ შემეშინდა, არ მიცნონ-მეთქი.

წელმონწყვეტილივით ავედი რომელიღაც ავტობუსში და კუთხეში მივეგდე.

რას დავეძებ, საით წამიყვანს, ამ ადგილს ხომ გამაცილებს.

ისე, კაცმა რომ თქვას, არ სჯობია ჩიჩი გვილავას მიერ თავდაპირველად შემოთავაზებულ დანაშაულზე შევჩერებულიყავი? სიმთვრალის ნიადაგზე დებომის ატეხვის ცდა იმდენად თავისმომჭრელი არ გახლავთ, როგორც სრულიად ფხიზელი კაცისაგან შუა სკვერში შარდის დაღვრა. მითუმეტეს, როცა დანაშაულის პირდაპირ დასახელებას გაურბიან და ცნობისმოყვარე მსმენელებს ქორაობის ფართო ასპარეზს გადაუშლიან ხოლმე.

\* \* \*

იარალის დიდი ტრფიალი არასოდეს ვყოფილვარ, მაგრამ ჩემმა მეზობელმა, ნამილიციისუფროსალმა შოთა სანდუხაძემ, დაბადების დღეზე ძველთაძველი გერმანული პარაბელუმი რომ მაჩუქა, ვერ დაგიმაღავ, გამეხარდა.

იმ ღამეს, თითქოსდა, სხვანაირად, მშვიდად მეძინა.

მართალია, წარმოდგენა არა მაქვს, რამდენი ტყვია ჩადის, ან „აბოიმა“ როგორ იღება. „აბოიმა“ კი არა, ისიც არ ვიცი, ჩახმახზე როგორ უნდა შეაყენო, მაგრამ იარალიანი რომ ხარ, თურმე, იცვლები კაცი; თითქოსდა, მაინც დაცული ხარ ამ არეულ დროში, რაც უნდა იყოს.

სროლით თუ არ ესვრი, შეშინებით მაინც შეაშინებ მომხვდურს და მაზაკვალს.

შოთა ჩემი კარის მეზობელია. მეორე დღეს, ნაბახუსევზე ვკითხე: რანაირად, რა, როგორ მეთქი.

გაფორმებითო, მაგას არავინ გაგიფორმებსო, სანადირო იარაღად ეგ არ ითვლებათ, სამსახურებრივად, ჩემზე უკეთ მოგეხსენება, შენ არ გეკუთვნისო. ოცდაათი წლის წინათ წავართვი ერთ ქურდს, მერე შემრჩა და შემრჩაო. „აბოიმა“ ცარიელია. არ შეგეშინდეს, პირში ერთი ტყვია ჰქონდა და ცოფიან ძაღლს ვესროლე, მაგრამ ავაცილეო.

ეგ ჰიტლერისდროინდელი პარაბელუმია.

ახლა მაგის ტყვიები აღარ იშოვებაო.

თუ სადმე წავანყდი, მოგიტან, თუ არა და, გედოს შინ, მაინც იარალია, რაც უნდა იყოსო.

ჩავიდე სპორტულ ჩანთაში და ვდურთე ჩემი ძველი „ჟიგულის“ საბარგულში.

სპორტს კარგა ხანია თავი გავანებე და ჩემი პარაბელუმიც მხოლოდ მაშინ გამახსენებოდა, მანქანის საბარგულს რომ ამოვასუფთავებდი, რასაც, მოგეხსენება, ჩემისთანა უდროო და ზარმაცი კაცი წელიწადში ორჯერ თუ აკეთებს, მეტჯერ არა.

ჩინეთის დელეგაციაში რომ ჩამრთეს, სულ სამი დღე იყო წასვლამდე დარჩენილი.

ამ სამ დღეში უნდა მომესწრო პასპორტის აღება, მივლინების გაფორმება, სამივლინებო ფულის გამოწერა, მერე ბანკში გაქცევა და იმ ასიოდე დოლარის გამოტანა.

თან მარშრუტს უნდა გავცნობოდი.

თუ გამოსვლა არ მომიწევდა, შეკითხვები მაინც უნდა მომემზადებინა.

ვფურცლავდი ენციკლოპედიებს.

ჩინეთში მიდიხარ, ხუმრობა ხომ არ არი, ამხელა ქვეყნის სტუმარი ხარ, ჩინეთზე ცოტა რამ ხომ მაინც უნდა იცოდე.

ერთი სიტყვით, დიდ სამზადისში ვარ.

ამ ფაციფუცში ჩემოდანი ჩავალაგე. ქართული სუვენირები: თხის რქის ყანწები, ფიალები, დაზგური ჭედურობის პატარ-პატარა ნიმუშები მყინვარწვერის გამოსახულებით ბლომად მოვიმარაგე...

ბარგი ჩემოდანში რომ აღარ ჩამეტია, მანქანის საბარგულიდან სპორტული ჩანთა დავაძრე და ყოველდღესახმარი ნივთებით (შლოპანცები, უნგრული ბოტასები, შორტები, პიჟამო, ორი უხმარი მაიკა...) გავტენე.

თბილისში და სტამბოლში ვინ გაგვჩხრეკდა – დელეგაციის წევრები ვართ. ჩინეთის თვითმფრინავში ასვლის დროს ჩემი სპორტჩანთა ხელში მეჭირა, ზმეიკა სუსტი აქვს და ბაგაჟს არ ჩავაბარე.

ჩავფრინდით პეკინში.

რა დახვედრა, რა მოფერება, რა ჟურნალისტ-ინტერვიუობანა, მერე რა ვახშამი... ამაზე სიტყვას აღარ გავაგრძელებ.

ათი დღე უნდა ვიყოთ ჩინეთში.

ისეა პროგრამა დატვირთული, თავის მოსაფხანი დრო არ გვრჩება.

მთავარი, რისი გავებაც გვინდა, უჩემოდაც მიხვდები; რანაირად ახერხებს ჩინეთი მილიარდნახევარი კაცის გამოკვებას, როცა ჩვენ ოთხი მილიონისთვის ლუკმა ვერ გაგვიჩენია.

ერთი სიტყვით, საქმეში ვართ და ჩვენი ჩასვლიდან მესამე დღეს მოხდა ამერიკაში თერთმეტი სექტემბრის კატასტროფა.

შედრწუნებულა მსოფლიო.

ჩინეთი დილიდან საღამომდე უჩვენებს, როგორ ყველივით ქრის შუაზე მსოფლიოს სავაჭრო ცენტრის ასათსართულიან შენობებს

თვითმფრინავი და როგორ ჩამოიქცევა ეს ორი გიგანტი დღისით, მზისით, მთელი მსოფლიოს თვალწინ. რა უმწეოა ბოროტების წინაშე თვით ამერიკაც და შენ საქართველოს ამბავი გაქვს?!

დაგჩაგრონ, გაგთელონ, ტანკებით წაღმა-უკულმა რომ გადაგიარონ, შენთვის თავს არავინ გამოიდეებს და შენი მომხედავი არავინ არი.

გადი-გამოვდივართ, ვწუნუნ-ვოხრავთ ჩვენც, რასაკვირველია, მასპინძლებთან ერთად, მაგრამ მე, პირადად, ჩემი მჭირს.

თითქოსდა, განგება გადამიდგა; სასტუმროში ჩანთიდან სპორტულ პიჟამოს რომ ვიღებდი, უეცრად აღმოვაჩინე, რომ შოთა სანდუხაძის ნაჩუქარი პარაბელუმი თანა მაქვს.

ჩემდა ჭირად, ჩანთაში აქამდე არ ჩამიხედავს და არც მეზაყუებს მოუკლავთ თავი.

ვინ იფიქრებს, თუ მე, მწერალს, პროზაიკოსს ასეთი სერიოზული დელეგაციის წევრს, ჩანთაში ცხელი იარაღი და ისიც მრისხანე ბრაუნინგზე ორჯერ უფრო დიდი, ფაშისტური პარაბელუმი აღმომაჩნდება.

რა ეშველება ამ საქმეს?

დანა პირს არ მიხსნის.

განვაცხადო – ვაითუ უარესი აღმოჩნდეს.

შეიძლება, ჩვენი დელეგაციის პრესტიჟზე ამ ფაქტმა ცუდად იმოქმედოს. მოდი და უმტკიცე საიდუმლო სამსახურს, რომ შემთხვევით გამომყვა. ჯერ ერთი, იურიდიული სანქცია თუ არაფერი მოჰყვა ამ ამბავს, გახმაურებით ხომ მაინც გახმაურდება.

ენაჭარტალა ჟურნალისტები, ვინ იცის, რა კუდს გამოაბამენ.

ესეც არ იყოს, საბაჟოს რამდენიმე მოხელის ცოდვას ხომ მაინც დავიდებ.

იმ უდანაშაულო ხალხს ხომ აღარ გააკარებენ საბაჟოს.

მერე და რისთვის?

ჩემი უნებლიე შეცდომისათვის თუ დანაშაულებრივი დაუკვირვებლობის გამო (დოკლაპიობაც რომ წამომცდენოდა, ჩემს თავზე ახი არ იყო?).

და სწორედ ამ დროს დამოკლეს მახვილივით აღიმართა ჩემს თავზე თერთმეტი სექტემბერი.

ახლა სად მიდიხარ.

მთელი მსოფლიოს აეროპორტებში უმკაცრესად აკონტროლებენ, ალბათ, მგზავრებს. რენტგენ-ლაზერის აპარატებს აღარ ენდობიან, საფისტონე ჯიბეებიანად ჩხრეკენ დიდსა და პატარას.

ამ ვითარებაში ამ დასაწვავი პარაბელუმის უკან წაღებაზე ხომ ლაპარაკი ზედმეტია.

„დანვა“ არ ამცდება.

რალაც უნდა ვილონო.

ელვის სისწრაფით მუშაობს ჩემი გონება.

დელეგაციის ორიოდე წევრს გავენდე, მაგრამ ჭკვიანური მათაც ვერაფერი მიჩიქს.

ყველას თავისი თავი უჭირს.

სასტუმროში რომ დავტოვო, სკანდალია.

ნომრებს დამლაგებელ-შვეიცარის ფორმაში გამონყობილი საიდუმლო სამსახურის აგენტები მსოფლიოს ყველა სასტუმროში ჩხრეკენ და ჩინეთი რა გამონაკლისი იქნება.

თან დამაქვს მხარზე გადაკიდებული სპორტჩანთა და სპორტჩანთაში გაზეთ „ახალი თაობის“ ძველ ნომერში გახვეული პარაბელუმი, რატომღაც ყველას გრძელლინზიანი ფოტოაპარატი ჰგონია.

მივიქნევ სპორტჩანთას, ვითომ არხეინად.

პოლიციელს ან კარისკაცს რომ ჩავუვლი, მეტი დამაჯერებლობისათვის სტვენას ვინყებ.

თუ სადმე გვეტყვიან, „ნოუ კამერა!“ ესე იგი, გადალება არ შეიძლებაო, ბატონი ხარ მეთქი, ჩანთას ვიხსნი და იქვე, გასახდელში უნომროდ ვკიდებ.

დიდი იმედი მაქვს, რომ ვინმე მოიპარავს და მოვისვენებ, მაგრამ გაგიგონია?

ამხელა ქვეყანაში ჩემი სპორტჩანთის ქურდი განყდა მაინცღამაინც, თორემ, ისე, საერთოდ, ქურდი როგორ არ იქნება.

არადა, ჩინეთში ჩემი ყოფნის დღეები იწურება.

თუ ამ დასაწვავი პარაბელუმისაგან თავი არ გავინთავისუფლე, ვინ იცის, რა მელის.

გადავწყვიტე, რაკი აღარავინ მპარავს, მე თვითონ დავტოვო სადმე.

ეს, ჩემი ჭკუით, გენიალური გადაწყვეტილება რომ მივიღე, ხელსაყრელი მომენტი იმ დღესვე გამომიჩნდა.

ნასადილევს ჩინელ ოსტატთა საიუველირო ნაკეთობების გამოფენა-გაყიდვას გვასტუმრეს.

დავიფანტეთ უზარმაზარ პავილიონში.

ვაჭრობა, მოგეხსენებათ, ულტრანინდივიდუალური საქმეა და გემოვნებაზეცაა დამოკიდებული.

ჩვენი დელეგაციის წევრთაგან ზოგს ფაიფურის სერვიზები აინტერესებს, ზოგს ჩინური მინიატურული ჭიქა-სურები, ჩაის სასმელად რომ არის გათვალისწინებული და საღვინედაც რომ გამოდგება, მე არაფერი მინდა...

ას წელიწადს არ დავლევ ჩაის, ოღონდ ეს პარაბელუმი შემაჩურთია სადმე.

თუ მოინდომებ, რას არ ჩაიდენ თურმე.

ჩინური მინიატურული ლამბაქი ვიყიდე ლაო-ძცის გამოსახულე-ბით. გამოსახულებას იმ ნუთებში ჩემთვის გადამწყვეტი მნიშვნელობა არ ჰქონდა. მაო ძე დუნის გამოსახულებითაც რომ ყოფილიყო, მყიდველი ვიყავი. უბრალოდ, საქმიანი კაცის, ჭეშმარიტი მყიდველის იმიჯისათვის უნდა მიმეღწია გამყიდველთა თვალში.

ლამბაქი ჯიბეში ჩავიდე, დახლ-მოაჯირს გავეშორიდი, სპორტჩანთიდან პარაბელუმი ამოვიღე, ფანჯარასთან დავდე და ჩქარი ნაბიჯით, ლაპარაკ-ლაპარაკით მიმავალ დელეგაციის ორ უდარდელ ნევრს დავენიე.

კარგა ხანს ვიარე მათთან ერთად მხარშემსუბუქებულმა, კარგა ხანს ვტკბებოდი ჩინელ ოსტატთა განუმეორებელი ხელოვნებით და, როცა დანიშნულ დროს ავტობუსთან მოვგროვდით, შვებით ამოვისუნთქე.

„გამიმართლა!“

ის იყო ავტობუსი უნდა დაძრულიყო, ორი ბატისჭუკისფერ კი-მონოიანი ქალბატონი მოვარდა.

აღელვებულები ჩანდნენ.

ერთ მათგანს „ახალ თაობაში“ გახვეული ჩემი პარაბელუმი ეჭირა.

თვალთ დამიბნელდა, მაგრამ არაფერი შევიმჩინე.

– ჩან-ქუ-გვან-ნქო-ძინ-ბა-თჰრბაი?!-იკითხა ერთმა და პასუხს არ დაელოდა, გაღიმებულ – გახარებული ჩემსკენ წამოვიდა.

– თქვენ ხომ არაფერი დაგრჩათ მალაზიაში? – ქართულად მკითხა ჩინელმა გიდმა.

– კი დამრჩა, მაგრამ... რატომ შენუხდნენ... გადაეცით მადლობა, არ ღირდა შენუხებად.

გიდმა ჩემი ნათქვამი უთარგმნა თუ არა, ქალბატონებმა თვალების დაუხუჭავი ნაწილი ბოლომდე დახუჭეს და დიდი, ჯანმრთელი კბილებით ახარხარდნენ.

მე კი ჩემი „გულმავინყობით“ კინალამ დაკარგული პარაბელუმ-ფოტოკამერის დაბრუნებით „გაბედნიერებულმა“, სპორტჩანთა ფეხებთან მივიგდე და ჩინურ ქუჩას მივასარკმელი.

მეორე დღეს პეკინის ოპერის უძველეს თეატრში დაგვპატიყეს.

პეკინის ოპერა ათასი წლისაა.

მთელი ცხრაასი წლის მანძილზე ამ ოპერაში წარმოდგენებს უაკომპანიმენტოდ მღეროდნენ ჩინელი სცენის ოსტატები. ეს რაღაც თავისებური სინთეზი იყო; არც მთლად დრამატული თეატრი ეთქმოდა და არც ოპერა.

ჩინური ტრადიციის თანახმად, ქალების როლებსაც მამაკაცები ასრულებდნენ.

ახლა ოპერის თეატრი პეკინშიც ისეთივეა, როგორც მთელ მსოფლიოში, მაგრამ ჩვენთვის ძველი ხელოვნების გემო რომ ეგრძნობებინათ, თავაზიანმა მასპინძლებმა უძველეს სპექტაკლზე მიგვიპატიყეს.

სპექტაკლი – „სიყვარული ბრინჯის ყანაში“ მცირე (ორ-სამთვიანი) პაუზებით უკვე ექვსასი წელია იდგმება ამ თეატრში.

პირველი მოქმედება რომ დამთავრდა, ტუალეტში შევედი და მფსმელთა შორისი გამყოფი კედლის ცისფერკაფელიან თავზე შემოვდე „ახალ თაობაში“ გახვეული ჯართი-პარაბელუმი.

მეორე მოქმედების ბოლო სურათი დაიწყო თუ არა, ლამის ხოხვით მომიახლოვდა ხავერდის მოსასხამის ყელმკერდზე დაახლოებით ოთხ-მოცოქროსფერლილოსანი ჩინელი და კალთაში რალაც მძიმე ჩამიდო.

სიბნელეში ვერ გავარჩიე, რა მომართვა, მაგრამ მადლობა მაინც მოვახსენე.

რა ხელით სინჯვა უნდოდა, ყველაზე უყურადღებო მკითხველ-იც მიხვდებოდა, რომ ჩემი პარაბელუმი დამიბრუნეს.

თბილისში გამომგზავრების წინა დღეს მდინარე ხუან-ძიანის ახალი, შვიდკილომეტრიანი ხიდის დასათვალიერებლად წაგვიყვანეს.

ხიდი ბამბუკისა და რკინა-ბეტონისაგან არის გამართული, სიგრძით ორასი მეტრია და ხეობაში ჩინეთის დიდი კედლიდან სულ რალაც სამოციოდე კილომეტრიდან იწყება.

ხიდის სიმაღლე დიდი არ არის, მდინარის ზედაპირიდან ოთხასი-ხუთასი მეტრი ძლივს იქნება.

სურათის გადასაღებად ხიდის მოაჯირს უკანალებით რომ მივეკარით, სპორტჩანთა მხრიდან ჩამოვიცურე და „უნებლიედ“ ჩავუშვი.

როცა საიდუმლო სამსახურის ხუთიოდე ჩინელი აგენტი მოაჯირს მივარდა, მაშინლა მოვებრუნე თავი და ჩავიხედე.

ჩემი სპორტჩანთა (პარაბელუმიანად) თანაბარაჩქარებულად, მაგრამ ლამაზად მიფრინავდა.

ატყდა წრიალი და გაქცევ-გამოქცევა, მობილურ-რაციებში გამართული ჩინურით ჩაძახ-გადაძახება და სირენების კივილი.

პოლიციის ორი მანქანა სწრაფად მოსწყდა ადგილს და უკან გაბრუნდა. ექსკურსია არათუ არ შემწყდარა, არც შეფერხებულა.

სამახსოვრო საჩუქრებად ხიდის ღია ბარათები დაგვირიგეს და ხიდის ბოლოს, ხუან-ძიანის ნაპირას, რესტორან-მღვიმეში საფირმო კერძით – ლოკოკინ-ბაყაყების აჯაფსანდალითაც გაგვიმასპინძლდნენ.

ლამის თერთმეტ საათს (პეკინის დროით, ჩვენი დროით ამ დროს დღის თერთმეტი საათია) ბევრი აღარაფერი უკლდა, ჩემი ნომრის კარებზე რომ დააკაკუნეს.



არ გამკვირვებია.

ველოდი, რომ პარაბელუმიან ჩემს სპორტჩანთას იპოვიდნენ და მომართმევდნენ. ჩინელის პირობაზე ზორბა პოლიციელს და სამაშველო სამსახურის ქოსა უფროსს მადლობა მოვახსენე და თითოეულ მათგანს ექვს-ექვსი თხის ყანნი მივართვი.

მადლობისა და გამოთხოვების ნიშნად დაახლოებით ოცი წუთის განმავლობაში გულთან მიტყუპებული ხელისგულებით თაყვანს ვცემდით ერთმანეთს.

საათს დავხედე.

დრო ჩვეულებრივზე გაცილებით ჩქარა გადიოდა.

პარაბელუმი ნაწილ-ნაწილ უნდა დავშალო და დელეგაციის ნევრებს გაეფუნაწილო.

პატარა რკინის დეტალი შეიძლება რენტგენ-საბაჟოს საექვო საგნად არ მოეჩვენოს და, კიდევ რომ დააზარნკრილოს, ვინ მიხედება, რისი დეტალია.

ჩემი მოფიქრება-მიმხვედრიანობით მევე დავრჩი კმაყოფილი.

პარაბელუმის დაშლა, რომ მეგონა, იმაზე ძნელი აღმოჩნდა.

ჩინური მამლების მეექვსე გადამწყვეტ ყვილზე საქმეს მოვრჩი და პარაბელუმის დეტალები ჩვენი დელეგაციის თხუთმეტივე ნევრს ჩამოვფურიგე.

მშვიდობიანად ჩამოვფრინდით თბილისში.

ამოესკალატორდა თუ არა ჩვენი ჩემოდნები, დავინყე პარაბელუმის ნაწილების შეგროვება.

მეორე დღეს, მე რომ ვერაფერს გავხედი, სანდუხაძე ვიხმე, ეს ამბავი მოვუყევი და სიცილ-ხითხითს რომ მორჩა, ვთხოვე, პარაბელუმის ანყობაში მომშველებოდა.

ერთი მთავარი დეტალი (რომელი ნაწილი აქვს პარაბელუმს მეორეხარისხოვანი?), „აბოიმიდან“ ტყვიას „პირში“ რომ აწოდებს, ფოლადის ზამბარა დაგვაკლდა.

დასწყევლოს ეშმაკმა, თითქოსდა ყველას გამოვართვი, სად ჯანდაბაში გამებნა.

მთელი თბილისი მოვიარეთ, ვერა და ვერ ვიშოვეთ.

ხუთიოდე კაცს აღმოაჩნდა თბილისში ეს პარაბელუმი, მაგრამ სათადარიგო ფოლადის ზამბარა – არც ერთს.

ვერც ზეინკალმა გაგვიკეთა: ძველგერმანული ფოლადისაა, ახალი ფოლადის უსათუოდ გატყდებაო.

იმედი რომ გადამეწურა და ნერვებიც საკმაოდ მომეშალა, გავაჩერე ერთ დღეს ჩელუსკინელების ხიდზე მანქანა და გამვლელ-გამომვლელთა თვალწინ, დემონსტრაციულად მოვისროლე მტკვარში სანდუხაძის ნაჩუქარი დამბაჩა.

არც იმ საღამოს და არც მომდევნო დღეებში, როგორც მოველოდი, პარაბელუმი არავის მოურთმევია.

ამის შემდეგ თითქმის სამი თვე გავიდა.

ჩინეთიდან ამანათი მივიღე.

გავხსენი და სასტუმრო „პეკინის“ ადმინისტრაციის მოკითხვის ბარათის გარდა ამანათში პარაბელუმის ფოლადის ზამბარა იდო.

სხვებს რომ ნაწილები ჩამოუფრიგე, იმ სიჩქარე-ფაციფუცში მე თვითონ დამრჩენოდა ნომერში ჩემი „წილი“ ზამბარა.

\* \* \*

მოსკოვმა კოსმოსის დაპყრობა რომ დაიწყო და ერთმანეთს მიყვნი გაგარინ-ტერეშკოვები, ვიფიქრე; ნეტავ, ქართულ ეკიპაჟს თუ ეღირსება კოსმოსში გაფრენა მეთქი. მაშინ დავეწერე სახუმარო ნოველა „ქუთაისელები კოსმოსში“.

კოსმოდრომი.

ავტობუსიდან ორმა კოსმონავტმა ჩამოაბიჯა და ტაშის გრილში გაემართნენ ცისკენ აშვერილი, უზარმაზარი რაკეტისკენ. მიდიოდნენ მხარდამხარ. მოხდენილად-მეთქი, რომ გითხრათ, ტყუილი იქნება; ამის დიდი სურვილიც რომ ჰქონოდათ, სკაფანდრი საშუალებას არ მისცემდათ. ფეხებს განგან დგამდნენ. კიდეც კარგი, სასტარტო ადგილიდან ახლოს გაჩერდა ავტობუსი, თორემ შემართული ხელებით დიდხანს ვერ ივლიდნენ, ფოლადის მილებითა და ხელსაწყო-აპარატებით დაზუზლული სახელო ასანვეად მძიმე გახლავთ.

ცერემონიალი დამთავრდა. მინაზე დასარჩენებმა პატაკი ჩაიბარეს. ღონიერმა ასისტენტებმა სკაფანდრის თავსაბურავები უკანასკნელად, საიმედოდ დააღრჭიალეს და კოსმონავტები კიბეს აუყვნი.

კაბინაში გრილოდა, მაგრამ ორკესტრის საამო გრგვინვა-ქუხილი აქაც აღწევდა. წამით ყველაფერი მიწყნარდა და მიკროფონში მთავარი კონსტრუქტორის ნაცნობი ხმა გაისმა.

– ბუხუტი, ჩიტია, რავა არი საქმე?

– ნელთბილად! – ლამის ერთხმად წამოიძახეს კოსმონავტებმა.

– სკაფანდრი ხვარსად გიჭერთ?

– მორგებული გვაქ მარჯის ტყავით, – ბუხუტიმ ჩიტიას მაგ-ივრადაც უპასუხა.

– ხომ გახსოვსკენ ყველაფერი? არ მომჭრათ თავი.

– არ გინდა ლაპარაკი! – ჩიტიას ხმა იყო.

– ხვარ გეშინიათ?

– რაის გვეშინია, – ბუხუტიმ მარჯვენა სკაფანდრიანი ფეხი ფიზიოლოგიური საჭიროების თეთრ, ქათქათა დანადგარს გადაადლო და გაიზმორა.

– აბა, მეყოლეთ კარგად. ვაძლევ კამანდას.

– ნავედიიით!

გამაყრუებელი გრგვინვა-ქუხილი, ხომალდის ფანჯრებთან დატრიალებული თეთრი კვამლი, მეხთატეხის ბიძგი და რაკეტა შხუილით მიქროდა ლურჯ, უკიდევანო ცისთავანზე. მთავარი კონსტრუქტორი კი თავის კაბინეტში დაბრუნდა და ცენტრალური გაზეთის კორექსონდენტთან ერთად შეუდგა იმ საზეიმო ტექსტის შედგენას, რომლის წყალობითაც ზეგ გაზეთებს მოეფინებოდა ცნობა სტარტის წარმატებით დაგვირგვინებისა და კოსმოსის გმირების არაჩვეულებრივი სიმხნევე-სიხალისის შესახებ. ვის დავუმალო, ჟურნალისტს რომ კარნახობდა, მთავარი კონსტრუქტორი წინა გაფრენის ინფორმაციაში ჩაიხედავდა ხოლმე, ისე, ყოველიშემთხვევისათვის.

მატარებელი რაკეტა თანამგზავრს რომ მოშორდა, ხომალდი თითქოს შემსუბუქდაო, თვლემისმომგვრელი, აკვნური რწვეით მოძრაობდა. ბუხუტი წამოიწია, მკერდზე გადაგდებული ღვედსამაგრი მოიცილა და ილუმინატორში გაიხედა.

– აჯამეთში ვართ? – ჩიტია ინვა და ჭერს შესცქეროდა.

– რა შუაშია აჯამეთი.

– აბა, ისე გულდაგულ იჭვრიტები, ერთბაშად სადგური არ გეცნოს, გულაბმსხლიანი პატატვრანი დახლებით და კიბულას წყლით მოვაჭრე ბიჭებით.

– ნუ გლახაობ შენ და მაგ ღილაკს ჩამოკარი ხელი. მაგას არა, მარცხენა ყურთან რომ გაქვს.

– გამოვრთო გადამცემი?

– ხო, ცოტა ხნით გამორთე, მინაზე არ გაიგონონ შენი ბუყუტური.

ჩიტიამ ღილაკს გოგრისსიმსხო მუშტი ჩამოუსვა, სამართავი პულტის გვერდით მოციმციმე ეკრანი თითქოს რძით გაივსოო თეთრად ათიმთიმდა და ჩაქრა.

ბუხუტი პლასტმასის ჭიქას მიწვდა. ტაბურეტის სკამის მსგავს მაგიდაზე დადო, უკან გადაიხარა, ყუთიდან მომცრო ბოთლი ამოიღო ეტიკეტს დახედა და თქვა:

– კაი ვქენით, ეს „ლეზარდე“ რომ წამოვიღეთ, – მიიხედ-მოიხედა. – გასახსნელი არსად ჩანს მაქით?

ჩიტიამ უჯრა გამოსწია, კარგა ხანს ათვალაიერა და ყრუდ ამოილაპარაკა.

– აქ არ არის. სადმე იქნება, არ შეიძლება დავინყებოდეთ, მომეცი აქეთ.

ბოთლი გამოართვა, დაახლოვებით მუცლის ქვემოთ, სკაფანდრის ლილაკს ჩამოჰკრა და აბუჭბუჭებული „ლეზარდე“ ხომალდის მეთაურს დაუბრუნა.

ბუხუტიმ ჭერზე მონანავე ჭიქას შეავლო თვალი.

– სად გაფრენილა, ეს უპატრონო.

– რაი!

– ჭიქა.

– არ დამინყო ახლა ჭიქა და ფუჟერი აქანა. ბოთლით ვერ დალევ, თუ გნყურია?

– ნუ იცი უშნო ლაპარაკი. რატომ ვერ დავლევ, მარა წესი წესია.

გიგანტური ბუს თავისმსგავსი თავსაბურავები ორივემ გულდაგულ მოიხსნეს და უწონადობას რომ არ გაეცურებინა, სავარძელთან, გვერდით, ლოკატორის ღვედებთან დაიკიდეს.

– „თავი“ რაც უფრო ახლოს გაქვს, უკეთესიაო, – იხუმრა ჩიტამ.

ერთხანს ილუმინატორებს მიაჭიჭინდნენ, მაგრამ მალე მოსწყინდათ მუქლურჯი, უსასრულო, უსიცოცხლო სივრცის თვალიერება. ქვემოთ დედამინას იისფერი ბურუსი შემოხვეოდა. სახლები და, მითუმეტეს, შუშაბანდები ამ სიმაღლიდან არ ჩანდა.

– ავტობუსში რალაცას ყვებოდი კარგს. – თქვა ჩიტამ.

ბუხუტი შემობრუნდა, ყურის ბიბილო მოისრისა და მაღლა აიხედა:

– ჰო, ველარ დავამთავრე, სად გავჩერდი? დოუძახა თურმე თომიამ, ჩემმა დეიდაშვილმა, იმ გოგოს თავის კაბინეტში. შევიდა დირექტორთან, რასაკვირველია, ბიბლიოთეკარი. ბიბლიოთეკარად მუშაობა ნუნუს ექვსი თვის დაწყებული ქონდა. იქვე, გორისიდან გახლავს. ე, ჩემი დეიდაშვილი ქე გითხარი, გეოგრაფიული დაამთავრა ქუთაისში. დაწყებითი სკოლის დირექტორი იყო მაშინ, უცოლო რასაკვირველია. ახლა საშუალოდ გადააკეთეს ის სკოლა და ორივენი ისევ ისე მუშაობენ, ქმარი დირექტორია, ცოლი – ბიბლიოთეკარი. ჰოდა, რალა გავაგრძელო, მაშინდელ ამბავს ვყვები, მოსწონს დირექტორს ეს მარწყვივით გოგო – ბიბლიოთეკარი, მაგრამ არ გინდა თანამშრომელს უთხრა, ცოლად გამომყვივო? უარი რომ გითხრას? ხომ შერცხვი კაცი. ხომ დაკარგე ავტორიტეტი? არა და დროც არ ითმენს, სტაცებს ვილაცა ამ კაი გოგოს ხელს და ქე დაისვამს სახლში. მოკლეთ, ასეთი გამოსავალი იპოვა თომიამ, ჭკუა და მოხერხება ნახე ადამიანიშვილის: – დროა აწი, უნდა გაგათხოვოთ, ნუნუ, შენო, ეუბნება დირექტორი, – განითლდა ბიბლიოთეკარი, ჩალუნა თავი. თომიას დირექტორი ჰქვია, თორემ რვა წლითაა ნუნუზე უფროსი, მეტი კი არა, ოცდაათის თვით იყო

მაშინ და ოცდაორის ნუნუ. – საქმროც შერჩეული გვყავს უკვე, თუ შენი თანხმობაც იქნებაო, – მიაყოლა თომიამ. – რატომ ნუნუდები, პატივცემულო დირექტოროო, ქვეშიდან გამოხედა ლოყებატკე-ცილმა გოგომ.

– რა შენუხებაა, ეს ჩემი მოვალეობააო, – იღიმება დირექტორი, – ძალიან კაი ბიჭია, სერიოზული, წყნარი და, რაც მთავარია, უყვარხარ ძალიანო. – ვინაა მაინც, არ მეტყვეითო? – ინტერესით სულს ლევს ნუნუ. – ჯერ პირობა უნდა მომცე, რომ გაყვები და მერე გეტყვიო. – ასე უნახავად როგორ შეიძლება, წყალში თევზი ვინ დააფასაო, – არ დაიბნა თურმე გოგო. – ხომ იცი, დირექტორი ცუდ ვინმეს არ გირჩევს, – ამშვიდებს თომია. – ეგ ისეთი საქმეა, ბატონო, რომ ხათრით წაყოლა რავა იქნება, მეც ხომ უნდა მომეწონოსო, – ძნელი მოსათოკავია ნუნუ. – აბა, გეტყვი რანაირია და თუ დაგიჯდა ჭკუაში, მითხარი, თუ არა და აღარ შევანუნებ იმ კაცს, თავის გზას ეწევაო, – ეშმაკები უსხედან თვალებში დირექტორს. ნუნუ სმენად იქცა. – შინაარსში და კაცობაში ეჭვი არ შეგეპაროს, უნდა მენდო. ამ მხრივ მე ვარ პასუხისმგებელი, – დაიწყო თომიამ, ნუნუმ თავი დაუქნია, რა გაენყობაო. – ახლა გარეგნობა ვთქვათ, ასე ჩემი სიმაღლის რომ იყოს? – დირექტორი წამოდგა და გაიარ-გამოიარა. ამ ორმეტრიანმა, მთასავით კაცმა, ცოტა არ იყოს, დააფრთხო ნუნუ, მაგრამ გული გაიმამრა; – იყოს, რა უჭირსო. – ასე ჩემსავით მოუხეშავი რომ იყოს და ორმოცდაცხრა ნომერი ფეხი ჰქონდეს? – თქვენ მოუხეშავი როდის ხართ, პირიქით – თავი ჩაღუნა ბიბლიოთეკარმა. – შემხედე, ასე ჩემსავით შავი წარბები და ნაჯახივით ცხვირი რომ ჰქონდეს? – რა უჭირს, ცხვირის სიდიდით კაცი ვის დაუნუნია, – გათამამდა ნუნუ, – მთავარია, რა მოხელეა, რისი მაქნისიაო? – პედაგოგი რომ იყოს, განყობს? – დირექტორი ფანჯარას მიადგა. – რომელია თქვენს სიმაღლე უცოლო პედაგოგი ამ ახლომახლო სოფელში? – კითხვა შეუბრუნა ეშმაკმა გოგომ. – ჯერ მე ვიძლევი შეკითხვებს და მიპასუხე. მოკლედ, ძალიან მგავს ის კაცი მე, ყველაფრით, ისე მგავს, მეტი რომ არ შეიძლება. პირდაპირ მითხარი, ასე, ჩემნაირ კაცს, გაყვები ცოლად, რომ რამე იყოს? – ნუნუმ კარგა ხანს უყურა თურმე თავისი ფეხსაცმლის წვერებს, – რა გაქვს დასაწუნო, – მერე ერთბაშად მიახალა და გაიქცა. ცხოვრობენ ახლა მერჯევში ერთად და ტკბილად. სამი შვილი ჰყავთ. ისე ლამაზად ჰყვებიან ამ ამბავს სუფრაზე, გაგებარდება. ა, ხალხი!

დაიწყო თუ არა ბუხუტიმ ამ ამბის მოყოლა, ჩიტია მჯერ გულიანი ღიმილი ააყოლა, მერე შიგადაშიგ ჩაიხითხითებდა და ბოლოს ისე ახარხარდა, რომ სკაფანდრიდან კინალამ ამოხტა.

– არ ყოფილა კაცი? არ გინდა მოფიქრება? თუ უარს ეტყო-  
და გოგო, არ გავყვეები შენნაირსო, არ გაუმხელდა ბოლომდე  
სათქმელს და მისი თავმოყვარეობაც გადარჩენილი იყო და ავტო-  
რიტეტიც. უნდა მანახო, უნდა გამაცნო ეგ კაცი. რა ჰქვია?

– მაგაზე ადვილი რაა, თომია.

– რომელია შენთან?

– თორმეტი სრულდება.

– ე, ბიჭო არ გამოგვჩრჩეს, ჰონდურასის ეროვნული ფრონტის  
მებრძოლებს რომ უნდა მივსალმებოდით?

– შენ მაგას ნუ სწუხხარ, აპარატი დაპროგრამებულია, თვითონ  
გაგზავნის დეპეშას.

– არ შევრცხვეთ, თუ კაცი ხარ.

– ვისთან? – ბუხუტი ილიმება.

– ჰონდურასელებთან.

– რა მაგის პასუხია და კიკიას იცნობ, ბალახვანში, სალდაძეს?

– გამწვანებაში მუშაობს, იქვე, სალორიასთან. მალალ-მალალი,  
სუსტი ბიჭი.

– ჰო, სწორია, გცნობია. შანშე გიორგაძის გოგოს ქორწილში  
ვიყავით გუშინნინ ერთად და მაგან თავისი ცოლისშერთვის ამ-  
ბავი მოგვიყვა, მუცელი ხელით გვეჭირა. ძმაკაცი ყოლია, თურმე,  
ვინცხა უბედური, უსაშველო „ხალასტიაკები“ რომ არიან, ხომ  
იცი. არიქა, არ დამიბერდეს ძმაკაციო და დოუნყია ქალის ძებნა,  
კიკიას. ოურჩევია პატრიგეთელი გოგო, გვარი ქე დამავინყდა. ჯერ  
ძმაკაცისთვის უჩვენებია, ჩუმად. კაი, ვითხოვ, ჯანდაბა თქვენს  
თავსო, დათანხმებია უგემურად ეს უცოლო და უბედური. ახლა  
გოგოს დაბმა არ გინდა? ქვა ააგდო და თავი შეუმვირა თურმე,  
არ წავყობი მაგასო. შეუჩნდა კიკია. დადის ყოველ მეორე დღეს  
თურმე ოჯახში. არის ამ თავისი ძმაკაცის ქება-დიდებაში. ამნაირია  
– იმნაირიო და ბოლოს გატეხა, რავარც იქნა, იმ გოგოს (გვარი  
ქე დამავინყდა) ნებისყოფა. გახარებული მოვარდა ძმაკაცთან, აბა  
ხვალვე განცხადების შეტანა და ხელმოწერა, არ გადავაროს იმ  
ხალხმაო. გლახა რომ იქნება კაციშვილი. არ დაიხია უკან, თურმე,  
არ უყრის წყალში ამდენ წანწალს? არაო, არ ეკარება გულს და  
მომკალი, თუ გინდაო, არა ვარ მე მაგის მომყვანი, სხვა მოვძებ-  
ნოთ ვინმე, თუ ამხელა სიკეთე გინდა ჩემთვისო. მე ვიცი მაგნაირი  
გლახების ხასიათი. განვალეებენ, გარბენინებენ და ბოლო წუთში  
გეტყვიან უარს. არ არიან ცოლის შემრთველი, მორჩა და გათავდა.  
უნდა გაანებო და ნერვები არ იშალო. ახლა კიკიას მდგომარეო-  
ბა ნახე? ორცეცხლშუაა. ძლივს დაითანხმა გოგო, ჭირი მოჭამა  
ხვენით და ახლა უარის თქმა, რავარი საქმეა? ვიმტვრიე თავი,

მარა სხვა გამოსავალი ვერ ვნახეო, ყვებოდა. მივედი და ვუთხარი იმ გოგოს, არ მემეტები სხვისთვის და რა ვქნა, მთელი ქვეყანა რომც გადამეკიდოს, მე უნდა გავხდე შენი ქმარიო. არც გაკვირვებია, თურმე, გოგოს. ქე ჩოუვარდა თურმე გულში ეს ენერგიული მაშვალი. კაიო, უთქვამს, ვერ გიმხელდი, თორემ თავიდანვე მაგის ფიქრი მქონდა მეცო.

– მაგნაირი შემთხვევა მეც გამიგონია. მაგი ხშირად ხდება, – ბუხუტიმ „ლებარდე“ გამოცალა. ლუკი ოდნავ გახსნა და ქუთაისის შუშისტარის ფაბრიკაში დამზადებულ ბოთლს უკიდევანო კოსმოსში გადაუძახა, – მეტს გეტყვი; ფილიმონა ნემსაძე ცხოვრობდა, თურმე, მწვანეყვავილაში ომის დროს. ქეიფის მოყვარული იყო. კაი შესახედავი, კაი პურისმჭამელი. ჯარში არ გაინვიეს თურმე, რალაცა ნაკლის გამო. ცოლ-შვილი სიდედრთან გახიზნა თურმე ბერნოულაში, თვითონ მოძებნა ერთი-ორი ამფსონი და მიადგა ხონს, აბა, სასიძო კაცია ვითომ და ქალის გადასასინჯად დადის. ძმაკაცები წინასწარ ატყობინებენ გასათხოვარი გოგოს პატრონებს. იშლება სუფრა, კაი ქეიფი, კაი „ჩარირამა“, მერე ტაშიტუშით შორდებიან ეზოს. არ იბარებენ არაფერს. არ მეენონა ალბათ ჩვენი გოგოვო, ფიქრობს მასპინძელი. მაგრამ ერთგან უქნეს ხონური. რომ იქეიფეს ერთ ოჯახში და ასე აპირებენ ათესვას, წამოენია თურმე ჭიშკართან სასიამაო და მიაბჯინა ყამა ზურგზე, – გიცნობ, ბიძია, ფილიმონა ხარ ნემსაძე, მწვანეყვავილელი. ისეიც ვიცი, ცოლ-შვილიანი რომ ბრძანდები. შენი საგლახაო კბილები დიდი ხანია მევიცვალე. შენი გადასასინჯი და დასანუნებელი არაა, ხედავ, ჩემი გოგო. რავარც გინდა, ისე ითხოვე ახლავე ცოლად, თვარა დანერე ანდერძიო. რა მეტი გზა ჰქონდა. შეირთო. აპა!

– ვენაცვალე, კაცი ყოფილა.

– ვინ?

– სიამარი.

– არ უქნია სწორად? ასე არ ეკუთვნოდა? ყველაფერზე შეიძლება ლადავი, მარა ამ საქმეში თამაში გამიგია?

– ათასი ჭკუის კაცი დაბორიალობს დუნიახე.

– ნამდვილად.

ჩიტიამ ჭოგრიტით გულმოდგინედ დაათვალეერა მეორე მხრიდან განათებული მთვარე და ზედ დიდად საგულისხმო რომ ვერაფერი აღმოაჩინა, ჭოგრიტი კაბინაში აცურებულ ტყავის ხელთათმანებს გააყოლა და სავარძელზე თავგადადებულ მეთაურს მიუბრუნდა.

– ისე, სად ვართ, ბუხოია, რომ დაფიქრდე კაცი.

– აბა.

– მთვარეზე მაინტერესებს ფეხის დადგმა. რატომ არ ვჯდებით, თუ იცი, მთვარეზე?

– არაა, ალბათ, საჭირო და იმიტომ არ გვაჯენენ. რო საჭირო იყოს, დაგვაჯენდნენ.

– ისე, ჩვენში დარჩეს და ჩიტზე უფრო თავისუფალი ხარ ადამიანი კოსმოსში. ხომ შეგვიძლია ახლა, მოვატრიალოთ ეს მაშინა და სადაც გაგვეხარდება, იქ დავჯდეთ!

– რა გაგებით, ამბობ?

– ვთქვათ, რომ მოგვიაროს ხუმტურმა თავში და აღარ მინდა, ბატონო, შენთან ცხოვრება და დარჩენილი წლები ავსტრალიაში მინდა გავატაროო. რომ დავკრათ თავი და დავეშვათ ავსტრალიაზე. ეე, შეხედე, რავარია ავსტრალია?

ბუხუტიმ ავსტრალიას ჩახედა. კოსმოსიდან კონტინენტი, მართლაც, ძალიან ჰგავდა გლობუსზე დახატულ ავსტრალიას.

– ჩიტა, ნინოშვილის ქუჩაზე ბუჭყია ხონელიძე ცხოვრობდა. ლალაიას ვეძახდით ერთი გაუბედურებული უპატრონო ბიჭი იყო. დედა ავადმყოფი ჰყავდა. ქუჩა ინახავდა სამადლოდ ორივეს. პატარა ქოხში ცხოვრობდნენ. ისე გავიზარდე, პირდაბანილი ბუჭყია მე არ მინახავს. სულ ჩამოძონძილ-ჩამოკონკილი, კისერგამურული დადიოდა. ბოლოს მემტრედებო დაიწყო. მეექვსე კლასში ვიყავი, მახსოვს, ვიყიდე ფეხფაჩურა „სიზი“ ბუჭყუსგან. ორ კვირას მყავდა გალიაში. საკენკი თავის დროზე, წყალი, ჩემო ბატონო, სისუფთავე იდეალური, რავარც გავუღე კარი, არ დაფიქრებულა, სამ წუთში ლალაიას ჩანგრეულ სახურავზე იჯდა და იქექებოდა, წამოვიყვანე იმ სალამოსვე, დავაპტკვენი ფრთები. ორ თვეს იგვანგვალა ჩემს ეზოში, გასუქდა, შეპატივდა, გაუმაგრდა თუ არა ფრთები, რომ მგონია, მოჩვეული მყავს-მეთქი, აფრინდა და ისევ ბუჭყიას დაუბრუნდა. მოკლეთ სამჯერ მომყიდა ჩემი „სიზი“ ლალაიამ და სამივეჯერ უკან დაუბრუნდა. სულ მიკვირდა, ხელისგულზე მყავს ეს ბალანკურთხეული და მაინც ბუჭყუს ქოხი ურჩევნია-მეთქი. ხომ გესმის ახლა, რა ვთქვი მე?

– კიე, მეც რავა, სიტყვას მოყვა, თვარა ჩემს ბალახვანს და მწვანეყვავილას შემოევლოს, რაც ავსტრალიაა ქვეყანაზე თავის კენგურუებიანათ.

ბუხუტიმ სტერილიზებული ქალაღლით ხელები შეინმინდა და საათზე დაიხედა.

– აღარაა პატარა სადილის დრო?



– თორმეტს გადაშორდა. რატომ არ გვაძლევენ კამანდას? –  
ნამოჯდა ჩიტია.

– უი, კავშირის ჩართვა ქე დაგვიწყებია, შე მართლა ბაკისუ-  
მელო, შენ, აკარი ხელი იმ ლილაკს.

– შენ არ მითხარი, გამორთეო?

– ვიხუმრე, მაგის გამორთვა რავა შეიძლებოდა.

ჩართეს თუ არა გადამცემი, იმწამსვე გაისმა მთავარი კონ-  
სტრუქტორის შემფოთებული ხმა.

– ბუხუტი, ჩიტია, ბუხუტი, ჩიტია, ბუხუტი, ჩიტია!

– ბატონო! – ერთხმად უპასუხეს კოსმონავტებმა.

– ცოცხლები ხართ, ბიჭო! რატომ შეწყდა კავშირი?!

– რალაცას ჩვენთვის ვყვებოდით და გამოვრთეთ ერთნამას, რამ  
შეგაშინათ?

– ხალხი ხართ თქვენ ახლა? არ დაგვიხეთქეთ გულები? მე მეტს  
აღარ გამაცივებს ამ წელიწადს. მომისმინეთ ახლა ორივემ კარგად:  
იმ ლილაკს მეტი აღარ შეეხოთ. არ დავინახო გადამცემის გამ-  
ორთვა. ეს ერთი და მეორე; ქე დაანებეთ ამ ერთ კვირას კერძო  
ლაპარაკს თავი. რალაც სხვა ილაპარაკეთ, საქმიანი, ჭკვიანური,  
კოსმოსს რომ შეეხება, გესმით ჩემი?

– კი! – თავი დაუქნიეს მეგობრებმა, თუმცა ეს მეორე დავალება  
მთლად კარგად ვერ გაიგეს.

მესამე დღეს გაზეთებში ასეთი სასიხარულო ცნობა დაიბეჭდა:

„კოსმოსურ ხომალდ 2923-ის გმირული ეკიპაჟი დასახული  
პროგრამის მიხედვით განაგრძობს ფრენას. კოსმონავტებმა ხალი-  
სიანი სადილის შემდეგ დაისვენეს და უკვე შეუდგნენ მეორე დღის  
გეგმით გათვალისწინებული სამეცნიერო დავალების შესრულებას.  
აპარატურა ნორმალურად მუშაობს“.

გელა კირთაძე:

ეს ნოველა „ცისკარში“ მივიტანე რედაქტორს მოენონა, მაგრამ  
მთავლიტმა ნომრიდან ამოიღო. მთავლიტი რედაქციას (და მითუ-  
მეტეს ავტორს). ამოღების მიზეზს არ ეუბნებოდა.

## მწიგნობარი

მე დრო არ მქონდა დავფიქრებულიყავი იმაზე, რა იყო ჩემი მისია ამქვეყნად.

ჩემი არქარეული ამღვრეული დროის გადამკიდე, ვაკეთებდი იმას, რასაც აუცილებლად ვთვლიდი, ვწერდი იმას, რაც არ შემეძლო არ დამეწერა.

ჩემს თვალწინ იმსხვრეოდნენ კერპები და მწერლებისადმი საზოგადოების დამოკიდებულებაც ცვალებადობის მსახვრალ კანონს ემორჩილებოდა.

ჩემგან არ გაკეთდა კაბინეტში მჯდომი, თავჩაჩიანი მწერალი, ამ სიტყვის ტრადიციული გაგებით. ბუხარს მიფიცხებული თავისი დარბაზის სარკმლიდან რომ ათვალეერებს ცხოვრებას და წერს მშვიდად, აუჩქარებლად...

ჩემი და ჩემი ქვეყნის დაუდგრომელმა, ბობოქარმა, გნებავთ დრამატულმა მდინარებამ კისრის ძარღვების დაწყვეტამდე მაყვირა და მაჯანჯლარა.

მე ჩურჩულს გადაჩვეული კაცი ვარ.

... და მაინც ერთხელ იმაზეც კი დავფიქრდი, როგორ უყურებდნენ მწერალს ნაპოლეონ ბონაპარტეს ეპოქაში:

„მაღალ, ჩაჩუქურთმ-ჩახუჭუჭებულ კარებში მსახური რომ გამოჩნდა, მწერალმა შავლიემ პარიკი ყურებთან ჩამოიწია, ყელსახვევი გაისწორა, შალის თეთრი წინდები მუხლებსზემოთ ამოქაჩა და მისკენ გააბიჯა.

– მუსიე, დედოფალი გელოდებათ.

სულ რალაც შვიდიოდე კარის გავლის შემდეგ მწერალი დედოფალ ჟოზეფინას კაბინეტში აღმოჩნდა. ცისფერთვალეა ვნებიან-ნესტოებიან ქალს გვირგვინივით ედგა თავზე ფერფლისფერი კონოლი. ლომისთავებიან, შავ სანერ მაგიდასთან იჯდა, სტუმარს დაღლილი სახით გამოხედა და სკამზე მიუთითა.

მწერალმა ჯერ მწვანეხავერდგადაკრულ სავარძელს დახედა, მადლობა მოიხადა, დაჯდა და ფეხი-ფეხზე გადაიწყო, მაგრამ მაშინვე მიხვდა, რომ ნაპოლეონის თანამეცხედრესთან ზედმეტ სითამამეს იჩენდა. შეცდომის გამოსასწორებლად წამოდგა და უნდოდა ორიოდე სიტყვა ფეხზე დამდგარს ეთქვა, მაგრამ ქალბატონ ჟოზეფინას თეთრხელთათმინიანი ხელი მაჯაში ნაზად ამოძრავდა და შავლიე მორცხვად ჩამოჯდა სავარძლის კიდეზე.

– უღრმეს მადლობას მოგახსენებთ მიღებისათვის, დედოფალო. მე მწერალი შავლიე გახლავართ. მცირე ნოველებს და ვოდევილებს ვწერ პარიზის საგარეუბნო თეატრებისთვის. ჩემი გვარი, ალბათ, არაფერს გეუბნებათ.

– რატომ?

– ცნობილი მწერალი არ გახლავართ. ჩემთვის ვცოდვილობ. არ ვიცი, რა გამოვა.

– ზედმეტი თავმდაბლობა ირონიის ფორმა ხომ არ არის, მონყ-ალეო ხელმწიფე. საკმაოდ ცნობილი კაცი ხართ და ამასწინათ „მერკურე დე ფრანსეში“ დაბეჭდილი თქვენი თხზულებაც კარგად მახსოვს.

– გმადლობთ, დედოფალო.

– თუ არ ვცდები, იმპერატორსაც კარგად მოეხსენება თქვენი ნაწერების შესახებ.

– სწორედ მაგის გამო გეახელით. ამ ერთი კვირის წინათ ფუშეს აგენტი მისულა რედაქციაში და განუცხადებია: იმპერატორის ნებით შავლიეს სახელი აღარ გაჭაჭანდეს თქვენთან, თორემ ჟურნალს დავხურავთ და რედაქტორს სამართალში მივცემთო.

– რატომაო?

– მიზეზი საკმაოდ მარტივია. მუსიე ტალეირანმა დამასმინა შარშან, თითქოს მე ბურბონთა დამქაში ვიყო და ჩემს ნაწერებში ნაპოლეონის პოლიტიკას ცინიკურად ვიხსენიებდე.

– ხომ არ გეჩვენებათ, მუსიე, რომ თქვენს ამ ნათქვამში იმპერატორი არცთუ სახარბიელოდ გამოიყურება. ვეჭვობ ტალეირანის ჩაგონებითლა ირწმუნოს თქვენი ოპოზიციონერობა. მითუმეტეს, რომ ნაპოლეონს საკმაოზე უფრო მახვილი თვალი აქვს და „მერკურე დე ფრანსეც“, ღვთის ნყალობით, დიდი ტირაჟით გამოდის.

– მაპატიეთ კადნიერება, მაგრამ დიდკაცნი ქებას იოლად ივინყებენ, ხოლო ავი სიტყვა შვიდ წელიწადს ახსოვთ. საკმარისია ჩემს ნაწერებს ეჭვის თვალით შევხედო და მევე აღმოვაჩენ ჩემს თავში საფრანგეთის მტერს და ქრისტეს ფეხის მკვნეტელს.

– განა ლიტერატურა ასე მაცდუნებელია, მუსიე?

– ჩემთვის დიახაც არა, დედოფალო, მაგრამ დილეტანტები ხომ სხვის თვალში დირეს აღმოაჩენენ ხოლმე.

– მუსიე...

– მაპატიეთ, იქნებ თავიდანვე დამეზუსტებინა ჩემი ვიზიტის მიზეზი. თქვენ, ალბათ, მიჩვეული ხართ მთხოვნელთა მუდარით სავსე სახეებს და აკანკალეულ ყბებს. მე თქვენთან სათხოვარით არ მოვსულვარ.

- ?!

- სასაუბროდ მოვედი. მე მინდა იმპერატორის ღირსეულმა მეუღლემ იცოდეს ერთი უბრალო ფრანგი მწერლის აზრი ნაპოლეონზე.

- მოგისმენთ, მუსიე. მხოლოდ იმ შემთხვევაში, თუ თქვენი აზრი, თქვენსავე საზიანოდ, შეურაცხმყოფელი არ იქნება ბონაპარტესთვის.

- ღმერთმა დამიფაროს. მე მხოლოდ ჩემს მოკრძალებულ აზრს მოგახსენებთ. წელიწადია იმპერატორის ნებით და ფუშეს ხელდასხმით პარიზის ოფიციალურმა გაზეთებმა ჩემს ლანძღვა-გინებას მიჰყვეს ხელი. ამომიჩემეს და ყოველ ჩემს ნაწარმოებს ზოილის კრიტიკის ქარცეცხლში ატარებენ. „ნაპოლეონის ტრიუმფის ვერდამნახავი, განზე განმდგარი კაცი“, ასე მიწოდებენ მსუბუქხელიანი ჟურნალისტები. აღარც კი ვთვლი ახლა საჭიროდ, მოგახსენოთ, რომ მე პირველი მივესალმე ნაპოლეონის გაიმპერატორებასაც და დღესაც მის რაზმში მყოფად ვრაცხ თავს. თუმცა მე იმ მწერალთა რიცხვს როდი ვეკუთვნი, ნაპოლეონის ერთგულებაზე დღენიადაგ გულზე მჯილის ცემით რომ გაჰყვირიან.

- მხედველობაში ვინ გყავთ?

- თქვენ უკეთ მოგეხსენებათ. მე აქ გვარების დასასახელებლად არ მოვსულვარ.

- ნაპოლეონს მწერალთა შორის ჰყავს პირადი მეგობრები და ამას არც მაღავს.

- მაგრამ იმპერატორი არც ისე დიდი კაცია, სიყმანვილის შთაბეჭდილებებზე, პირად სიმპათიებზე მაღლა დადგეს და დაფნის გვირგვინთა განანილებაში შეუვალი ობიექტურობა დაიცვას.

- ისევ დაფნის გვირგვინები. თუ თქვენი სახით განაწყენებულნი დიდების მაძიებელი ლაპარაკობს, მოსაწყენი ხართ, მუსიე.

- გემუდარებით, ასე ნუ იფიქრებთ, დედოფალო. თუ რაიმე არ მინდა, ეს არის სწორედ ნაპოლეონის კარისკაცთა ბოძებული ჩინტემლაკები, მე ვემსახურები საფრანგეთს და ნაპოლეონს მხოლოდ იმდენად, რამდენადაც მას საფრანგეთისთვის ბედნიერების მოტანა ძალუძს. თუმც ამ ბოლო დროს ავი სიზმრები არ მასვენებენ.

- გულახდილად მითხარით. აი, თქვენ რომ ეხმეთ იმპერატორს და თქვენთან მეგობრობის სურვილი გამოეთქვა, უარს იტყოდით?

- მოგახსენეთ, რომ მე ვემსახურები საფრანგეთს და ამა ქვეყნის მეფეთა ნავში ჯდომა ჭეშმარიტი მწერლისთვის დამამცირებლად მიმაჩნია, რადგანაც ჯერ არ ყოფილა ხელმწიფე, თავისი ხალხისთვის მცირე ბედნიერებასთან ერთად დიდი უბედურებაც არ მოეტანოს.

– ნება მომეცით, თქვენს ნათქვამში ეჭვი შევიტანო, ნაპოლეონი, თქვენც კარგად ხედავთ, ჩვეულებრივი ხელმწიფე არ არის.

– რა თქმა უნდა. მან უკვე დაამტკიცა, რომ ისტორიის საჭესთან დგას. მაგრამ საქმე ის არის, საით ატრიალებს ამ საჭეს, წაღმა თუ უკუღმა.

– თქვენ როგორ ფიქრობთ?

– ჩემს წინათგრძნობას ახლა მნიშვნელობა არა აქვს. მას ისტორია გაასამართლებს და ის დრო არც ისე შორს არის.

– ხომ არ გეჩვენებათ, რომ მისგან უკვე დიდად არის დავალებული საფრანგეთი თუნდაც იმით, რომ ბურბონთა სულელური, ბებრული მართვისაგან გაანთავისუფლა.

– წინილებს შემოდგომაზე ითვლიან.

– ოლონდაც, მუსიე.

– ხოდა, იმას მოგახსენებდით, ნაპოლეონის გადაკრული სიტყვაც საკმარისი იყო, რათა ჩემი პოპულარობით ისედაც განაწყენებულ ჩინოვნიკებს ხელები გახსნოდათ ჩემს წინააღმდეგ. იმპერატორმა კი, არც მეტი, არც ნაკლები – ომი გამომიცხადა. მშიშარა კაცი არ გახლავართ, მაგრამ, ვაი თუ ეს ომი ბონაპარტეს საზიანოდვე დამთავრდეს.

– თქვენ რა, უფლებას არ აძლევთ იმპერატორს თავისი აზრი ჰქონდეს თქვენს ნაწერებზე?

– კი, მაგრამ ეს აზრი საქვეყნოდ არ უნდა განაცხადოს, მითუმეტეს, მაშინ, როცა სამეფო სკიპტრა უპყრია ხელთ. მიკერძოებაში ჩაეთვლება.

– ყველა ხელმწიფეს ჰყავდა მწერალთა შორის თავისი ფავორიტები და...

– ისინი, ვისაც სდევნიდა. უფრო ხშირად კი ასე ხდებოდა, ის ფავორიტები, უმეტესწილად, საშუალო ნიჭის მლიქვნელები იყვნენ, ხოლო დევნილნი...

– მაპატიეთ, რომ განყვეტინებთ. იქნებ ისტორიისთვის დევნილნი უფრო მომგებ პოზიციაში არიან? ზოგი მათგანი სწორედ იმით შევა ისტორიაში, რომ მას ნაპოლეონი სდევნიდა.

– ეგ ვერაფერი დიდი თამასუქია ისტორიაში შესასვლელად. რატომ არ ფიქრობთ, რომ, იქნებ, პირიქით მოხდეს? იქნებ სწორედ იმ მწერალმა დატოვოს ნაპოლეონი ისტორიაში?

– ამ შემთხვევაში მისამართი გეშლებათ. ნაპოლეონი საფრანგეთის დროშაა.

– მაგრამ სისხლისწინააღმდეგობის დროშა. მწერალს კი, თუ იგი ნამდვილი მწერალია, საზოგადო აზრი უპყრია ხელთ და ერის გულისთქმას გამოხატავს.

– რატომ აზვიადებთ მწერლის დანიშულებას? იქნებ მწერლის მისია სწორედ ის არის ახლა, რომ ნაპოლეონის ეპოქა დახატოს.

– მაგრამ მწერალს შეუძლია დახატოს იგი, როგორც არის და მაშინ ისტორიაში ნაპოლეონისგან ბევრი აღარაფერი დარჩება.

– ეგ თქვენი აზრია. სხვათაშორის, თავში აღნიშნეთ თქვენი კეთილგანწყობა ბონაპარტეს მიმართ.

– ამას ახლაც სიამოვნებით ვადასტურებ, მაგრამ მე მინდა, თქვენ, საფრანგეთის დედოფალმა, სიმართლე იცოდეთ. ნაპოლეონი ლიტერატურასა და ხელოვნებაში ბუნდოვნად ერკვევა. იმპერატორის კარის რამდენიმე ბეცი მოხელის გარდა ყველა აღშფოთებით შეხვდა ქალბატონ სტალის პარიზიდან გაძევებას ლიბერალური აზრებისათვის. ასევე უხეშად ჩაერია ამასწინათ იმპერატორი სამეფო თეატრის მსახიობ ქალთა ინტრიგებში.

– ამით რისი თქმა გნებავთ?

– იმისი, რომ ხელოვნება ადამიანთა საქმიანობის სხვა, ფაქიზი სფეროა და იგი „რკინის ხელს“, ადმინისტრირებას ვერ ჰგუობს.

– იქნებ, არც ის იყოს თვით ხელოვნებისთვის სასარგებლო, რომ მის ნებაზე მიუშვა და ყველას, ვისაც რა აზრი მოუვა თავში, უფლება მისცე საფრანგეთის სახელით ილაპარაკოს.

– მე ჭეშმარიტ ხელოვნებაზე, ნამდვილ მწერლებზე მოგახსენებთ.

– განა ნამდვილი მწერლები არ სცოდავდნენ?

– იმდენად არასოდეს, რომ საფრანგეთისთვის ზიანი მოეტანათ, მაგრამ ბევრი სკიპტროსანი გააშავა ისტორიამ მწერლის დევნისთვის. იმიტომ, რომ მწერალი ერის ღვთიური ფიქრია და ფიქრის ჩამოხრჩობა არ შეიძლება.

– რამდენადაც ვიცი, თვით იმპერატორს უკუღმართი აზრების ჯერ არავინ გაუგზავნია გილიოტინაზე.

– „უკუღმართ აზრებზე“ მსჯელობა ისევ ისტორიას დაუთმობთ. იქნებ რასაც მე და თქვენ შეცდომებს ვეძახით, ხვალ ეჭვმიუტანელ ჭეშმარიტებად იქნეს მიჩნეული. კვლავ მწერლის დევნის საკითხს დავუბრუნდეთ. აი, მე ნაპოლეონისგან შეთამამებული ჩემი პირადი მტრები ხვალ თუ ზეგ ნესს ამიგებენ. თქვენ როგორ გგონიათ, მომავალი ჩემი განადგურებისთვის მხოლოდდამხოლოდ ნაპოლეონს დასჯის, ნამდვილი მკვლევლები ჩრდილში დარჩებიან.

– იქნება, ასე არ გამოიდოს ისტორიამ თქვენთვის თავი? მაპატიეთ, თქვენ ნიჭიერი მწერალი ხართ, მაგრამ ცოტა მეტი წარმოდგენა ხომ არა გაქვთ თქვენს ძალებზე?

– ამ შემთხვევაში მე წარმოვადგენ არა მუსიე შავლიეს, არამედ მწერალს საერთოდ. და მე მგონი დამეთანხმებით; ჯერ არ დაბადებულა ჰომეროსზე უფრო დიდი იმპერატორი.

– ვერ გავიგე?

– ყოველი ჭეშმარიტი მწერალი თავისი ერისთვის გაცილებით უფრო დიდი კაცია, ვიდრე რომელიც გნებავთ მმართველი, დროის მიერ მაღალ სკამზე შესკუპებული. რადგანაც პირველი მისმა გონებამ ასწია მაღლა, მეორე კი სიტუაციამ, გარემოებამ ამოატივტივა.

– ნაპოლეონი სხვაა. ნაპოლეონი სიტუაციამ კი არ შექმნა, ნაპოლეონმა თვით შექმნა ისტორია.

– მაგ დასკვნასაც ისტორია შეამონმებს. ხოლო ის ფაქტი, რომ იმპერატორს ჩემი დასჯა და მოსპობა შეუძლია, სრულიადაც არ მეთყველებს იმაზე, რომ ბონაპარტე ჩემზე დიდი კაცია. მე შემძლია ჩემს მაგიდაზე ისეთი ხელნაწერი დავტოვო, ლაფში ამოვსვარო ნაპოლეონის მთელი ქიჩმაჩი ისტორიის კისერზე.

– და რომ ეს არ მოხდეს, რა უნდა მოიმოქმედოს იმპერატორმა?

– უფრო ზომიერი, ლმობიერი დამოკიდებულება დაამყაროს მწერლობასთან, იცოდეს კარგად, რომ მის აღმოსვლას ახლაც მწერლები ამკვიდრებენ ხალხში და მომავალში ისტორიის ფურცლებს ნაპოლეონის გვარის გასწვრივ ისევ ჩემი კოლეგები შეავსებენ. პოლიტიკა, რომელსაც მწერლები განუდგებიან, დასალუპავადაა განწირული.

– მაგრამ პოლიტიკის მიერ დაღუპული მწერლებიც გვახსოვს.

– სწორედ რომ ბურბონთა უგუნური პოლიტიკის მიერ და რა გამოვიდა აქედან? ამ ოცდაათი წლის წინათ აღზევების ზენიტში მყოფი ბურბონები საფრანგეთის რჩეულ ინტელიგენციას გაუსწორდნენ. მერე? აიძულა თუ არა ისტორიამ ისინი სინანულის თითზე კბენანი და გაუთავებელი რეაბილიტაციები დაეწყოთ? ხომ იმ მკვდრების სახელითვე დაისაჯნენ ბურბონები ისტორიის ძლიერი ხელის მიერ?

– და იმ ძლიერ ხელს ისტორიისას სხვა ვინმე კი არა, თვით ნაპოლეონ ბონაპარტე განასახიერებდა.

– გეთანხმებით, მაგრამ მე მაინც მინდა ჩააგონოთ აღზევებულ იმპერატორს; არ გაიმეოროს ისტორიის შეცდომები. მისი სიამპერატორო სავარძლიდან ახლა ყველანი პატარები ვჩანვართ და ადვილია ომების უებარმა მცოდნემ და გამარჯვებათა დაფდაფებით გაყრუებულმა იმპერატორმა ვერ მოზომოს და ნაბან წყალს ბავშვიც გადააყოლოს.

– მუსიე შავლიე, – ჟოზეფინამ მარაო მაგიდაზე დადო, თითები ერთმანეთში გაუყარა და ზედ თავისი ლამაზი ნიკაპი ჩამოადო.

– არ დაიზაროთ, გეთაყვა, და ერთხელ კიდევ განმიმარტეთ ჩემი მისია თქვენს ვიზიტთან დაკავშირებით.

– მაპატიეთ, რომ დაგლალეთ, დედოფალო. მე გთხოვთ, შეძლებისდაგვარად გადასცეთ იმპერატორს ჩვენი საუბრის შინაარსი. ეცადეთ თქვენი კომენტარები ნაკლებად დაურთოთ. თუ რაიმეს დაუმატებთ, მხოლოდ ის აცნობეთ ბონაპარტეს, რომ ყველა ყველა და ფრანგმა მწერლებმა კარგად იციან ნაპოლეონის ღირსებაცა და ნაკლიც, კარგად ბრძანდებოდეთ.

– ნახვამდის, მუსიე. დარწმუნებული ბრძანდებოდეთ თქვენს დავალებას შევასრულებ ისე, როგორც ფრანგ ქალს და ნაპოლეონის მეუღლეს მისი შესრულება შეუძლია. ნაპოლეონის მეუღლეობას მე ხაზს იმიტომ ვუსვამ, რომ ამით ისტორიის წინაშე ბონაპარტეს გვერდით ჩემს უმწეობას ვაღიარებ.

დედოფალმა კარებამდე გამოაცილა.

ზურგსუკან ვეება კარები რომ მიიხურა, შავლიემ ღრმად ამოისუნთქა, დაცვარულ შუბლზე აბრეშუმის ცხვირსახოცი მოისვა და მისკენ მომავალ ორმეტრიან კარისკაცს თვალი ჩაუკრა.

\* \* \*

ამ საუბრიდან ერთი კვირის შემდეგ, 1809 წლის 15 დეკემბერს პარიზის საიმპერატორო სასახლეში ნაპოლეონმა ხელი მოაწერა საფრანგეთის კანონიერ დედოფალთან, ქალბატონ ჟოზეფინასთან განქორწინების აქტს.

„პოლიტიკას გული არ გააჩნია, ჟოზეფინა, პოლიტიკა მხოლოდ თავით არსებობს“, ეს გახლდათ ნაპოლეონის უკანასკნელი სიტყვები თავისი, ან ყოფილი თანამეცხედრის მიმართ განქორწინების მძიმე წუთებში ნათქვამი.

მალე ნაპოლეონმა ავსტრიის იმპერატორ ფრანცის უმრწემესი ქალიშვილი მარია-ლუიზა შეირთო.

ამბობენ, ქორწინების შემდეგაც ხშირად აკითახავდაო მალმეზონის სასახლეში განმარტოვებულ ჟოზეფინას.

\* \* \*

რა არის თავგანწირვის ხარისხი. როცა სიტუაცია მსხვერპლს მოითხოვს, რამდენად აქვს უფლება კეისარს საკუთარი ტყავის გადარჩენაზე იფიქროს? ვაჟკაცობის საზომ-ბარომეტრი საუკუნეების განმავლობაში სხვადასხვაა თუ იგი მაღალი იდეებისადმი ერთგულების ერთხელაც და სამუდამოდ დადგენილ კანონს ემორჩილება?

აქვს თუ არა გმირობის გვერდით არსებობის უფლება სულის მღრღნელ, ეჭვის ბაცილით გამსჭვალულ კითხვას – „ღირს?“.



იქნებოდა თუ არა იულიუს კეისარი იულიუს კეისარი იმ საბედი-ნერო დღეს მსტოვრისთვის რომ დაეჯერებინა და შეთქმულებით დაყურსულ სენატში არ მისულიყო?

მე, XXI საუკუნის ქართველ მწერალს გელა კირთაძეს ეს კითხვაც დამისვამს ჩემი თავისთვის.

„სენატში დღეს მაინც ნუ მიხვალო, მსტოვარმა. სენატორები საეჭვოდ ფუსფუს-პუტუნებენო, გუმინ, შადრევანთან უკმაყოფილოდ ბუზღუნებდნენო ხალხის რჩეულნი. ამკარაა, შეთქმულებას აწყობენო თქვენს წინააღმდეგ. თავი აარიდეთ, დღეს ნუ წარუდგებითო სენატს.

მე ვიცნობ სენატს. იმპერიის მხურვალე თავნი, სათითაოდ პირველობის მანიით გულგასენილნი, ერთმანეთს მხოლოდ მაშინ გაენდობიან, როცა ისტორიის საათი რეკავს და ჩვეულებრივ დღეთა დასასრული მოდის. როცა მონისა და მონათმფლობელის ფიქრი მარჩბივთა მსგავსად ჰგვანან ურთიერთს. სხვა არა იყოს რა, ბრუტუსი ხომ იქ არის. ბრუტუსი მაშინვე დაჰყნოსავდა საეჭვო მიმოსვლას სენატორთა შორის. ხოლო თუ ბრუტუსმაც გამიმეტა, მიზეზთა გამო თუ ბრუტუსიც მათთანაა, მაშინ ღმერთების ნება უნდა ასრულდეს და უფლება არა მაქვს ქვეყნის ხმას ხელი შევუშალო. მოსახდენი უნდა მოხდეს. იქნებ სენატორთაგან სიკვდილი უფრო ლამაზ სიკვდილად მიითვალოს ისტორიამ, ვიდრე მიხრწნილი იულიუს კეისრის წინამდებარე ჯირკვლის გაძვალეებით გარდაცვალება ოცი წლის შემდეგ.

მაინც ვერავინ დამარწმუნებს იმაში, რომ რომის იმპერიის ბოლო წლებს ითვლის არსთა გამრიგე. ჯერ კიდევ მაგარია ლიბო, ასე ღონივრად რომ ჩაუკირავ-ჩაუგვირისტებიათ ჩემს წინაპარ კეისრებს. ჩემი სიკვდილი ცოტა ხნით მაინც შეაფერხებს დაშლისკენ პირშებრუნებულ იმპერიას. ხალხი ბრბოა, კიდევ ერთხელ შეჩერდება და შეაჩერდება ახალ წინამძღოლს, ვითარცა ცხენები მეჯინიბეს, რომელსაც წინგაშვერილ მარცხენაზე მარილი უყრია, ხოლო ზურგსუკან მარჯვენით ლაგამ-აბჟანდი ჩაუბლუჯავს. ბრძენთა გონება როდი უნდა იმის მიხვედრას, რომ სხვადასხვა ხალხთა მოტყუება-დაპყრობით შეკონინებული და შუბ-მათრახით შეკრული იმპერია ადრე თუ გვიან უნდა დაიშალოს, მაგრამ მე რომ არა ვარ უკანასკნელი კეისარი, გული მიგრძნობს. ჯერ კიდევ ბოლომდე არ მომწიფებულან შინაური და გარეშე ძალნი ტირანიიზმე გადამწყვეტი იერიშის მისატანად.

მიზეზთა შორის ერთნი კლეოპატრას ასხენებენო ჟამითჟამ, მსტოვარმა. კლეოპატრა რა შუაშია. იგი ქალია და სხვა ხელმწიფეთა მსგავსად, ვისთვისაც ძვირფასია თანამეცხედრე, გვერდით დავისვი,

რათა ქვეყანას დაენახა ქალის სიღიადე და ეგრძნო, რომ ჩვენ – პოლიტიკოსნი, ამავე დროს, ქმრები და მამებიც ვართ და იოლად არ გავწირავთ სხვათა ოჯახებსაც. თუ სამართალია, ქალის გამოჩენამ რალაც ციური შუქი უნდა მიჰმადლოს, უნდა გააკეთილმობილოს მამათა საკრებულო, მაგრამ ვაი, რომ ჩვენს დაღლილ იმპერიაში ყველაფერი უკულმა ესმით. იმთავითვე აქირქილდნენ და ასისინდნენ ავი ენები; რა კანდიერებაა დიაცის გვერდით ამოყენება, დარბაზობებზე მუდამ თანხლება, ხომ არ დადისო ქალის ჭკუით იმპერატორი, სანოლ ოთახში ხომ არ წყდებაო რთულნი საქმენი სახელმწიფოსი.

ყველამ კარგად იცის, რომ იულიუს კეისრისთვის ქალი მხოლოდ ქალია – არც მეტი, არც ნაკლები. ვიგრძენი რა ქალის ღირსებათა ცნობისა და თავყანისცემის გამო ჩემსკენ მოშვერილი მწყრალი მზერა, არათუ უკან დავიხიე, მავანთა გულსახეთქად უფრო გავახშირე თანამეცხედრესთან ერთად გამოჩენა მშვიდობიან გზებზე. მხოლოდ ლაშქრობისას არ ვიახლებდი თან კლეოპატრას. ბოლოს მაინც გავტეხე სკეპტიკოსთა სიჯიუტე, ვგონებ მივაჩვიე ყველანი, რომ მე ასე მსურს და ესე იგი ასე უნდა იყოს. წაჯექ-უკუჯექია მმართველები არ უყვართ რომაელებს. მტკიცე ნებაა რწმენის სანინდარი, მტკიცე ნება მაშინაც საჭიროა, როცა ცდები. ორჭოფნი და მხდალნი სძულს დემოსს. შეცდომითაც მტკიცედ და ჯიუტად უნდა შეცდე.

დიახ, ქალი როდია მიზეზი ქვეშევრდომთა გაორგულების. ეტყობა, რომს მოსწყინდა თავისი კეისარი. ვერ მივეც ხალხს რასაც დავპირდი. ცუდ დროს მომიწია ქვეყნის მართვამ. ჩემამდე დიდხანს ატყუეს მოქალაქენი, აღთქმულ ჰარმონიულ ქვეყნამდე მცდარი გზებით ატარეს და მე მაშინ დავიდგი გვირგვინი, როცა ხალხს ილაჯი განყვეტოდა და მოთმინების ფიალა პირთამდე აღვსებოდა. ძალიან ღრმად შეეტოპა იმპერიას ყალბი ილუზიებისა და განუკითხაობის ჭაობში. შავი ჭირივით მოსდებოდა ქვეყანას კორუპცია, სიზარმაცე, გარყვნილება და პიროვნულ უფლებათა ფეხქვეშ გათელვა. მე რომ განახლების ზარი შემოგვკარი, თავი აიღეს, ერთი მოყოლა მომყვნენ კიდეც, მაგრამ მალევე მოსწყინდათ და ისევ შეჩვეული ჭირი ამჯობინეს ქარში საეჭვო კვეთებას. დემოკრატიის მკვახე ნაყოფმა კბილი მოსჭრა მათ და ენერგიულად ცდილობდნენ მხოლოდლა ჩემთვის შეეტოვებინათ ხელში ჩემს მიერ მათთვის მოხარშული სიკეთის ფაფა. ერთმანეთს თვითვე აუკრძალეს თავისუფალი ფიქრი და თავისუფლად აზროვნება. არ იყვნენ პიროვნების ღირსების ცნობას მიჩვეულნი და იმიტომ.

არა არის რა იმაზე მწარე, როცა დემოსსმიახლებულს მისალმე-ბასაც არ გაცლიან და სეტყვასავით დაგაყრიან: სად არის, იმპერა-

ტორო, დაპირებული სამოთხე? შენც განზე ხომ არ გაგვახვევინე რაო, ვერც შენ შეაბრუნე ნაღმა ჩვენი ხომალდი? რისი იმედი გვქონდეს. განა რამდენი ხუთი წლისგან შედგება კაცის ცხოვრება, რომ სამოცდაათი წლის ასაკშიც იმედის თათი ვლოკოთ დათვივით? რა უნდა ვუთხრა, ძნელი ყოფილა, მართლაც რომ ძნელი, გამრუდებული გზის გასწორება. ერი სულგრძელია, მაგრამ მხოლოდ გარკვეულ ზღვარამდე შეგინდობს და გაპატიებს. მერე ერთბაშად შეგაქცევს ზურგს და ოქროს კვერცხიც რომ უგორო, ვერა და ვერ შემოიბრუნებ.

არ გამოდის არა, ახლა მეც ვხედავ, რომ ამაოდ მცდელთა კოპორტისკენ მივექანები. ზოგი რამ ჩემი გაუბედაობის ბრალია, ზოგიც თვით სისტემაში ჩაბურღულ ნასკვთა. ისტორიის მრუმე გზებზე უტყუარის ლამპრით სხვამ ვინ იარა, რომ ჩვენ გვევლო. შეცდომაც ღვთის ნებით არის, მაგრამ უფლება კი არამც და არამც არა გვექონდა თაობათა ბედი კამათლებივით გვემღერებინა და ქვემარტების პრეტენზიით თავი შეგვეებზრებინა ისედაც სვეგამწარებულ ხალხთათვის.

უფრო მაღლა და ღონივრად რომ ეფრიალა ჩემს ხელში განახლების დრომას, იქნებ კვალი დამეტყო ისტორიისთვის და ოცნებებს ჩემსას ჩემი ხალხის საკეთილდღეოდ ნაწილობრივ მანაც მივწვდომოდი.

იქნებ ყველაფერი გვიან არ არის. იქნებ როგორც წვიმს, ისე არა ჰქუხს, მსტოვარო.

მე წარვუდგები სენატს აი ასე უიარალოდ და თავშიშველი.

სხვა არა იყოს რა, ბრუტუსი ხომ იქ არის.

ბრუტუსი არ გამწირავს“.

\* \* \*

სტუდენტობის დროს ოპერის გვერდით, ლუნაჩარსკის ქუჩაზე დედაჩემის დეიდასთან ვიყავი შეკედლებული. თბილისური პატარა საკუთარი ეზო იყო სწორედ რომ საერთო სახლი-დარბაზი. თავისი მინური შუშაბანდის წინ ყველას თავისი კველა ედგა. ვინც სახლში იყო, სწორედ იმ კველაზე იჯდა და მარლადაშვებული სახლის კარი ღია ჰქონდა.

სამოცდაათს (რა ბევრი მეგონა მაშინ) მიღწეული ბატონი ეპიფანე ცხოვრობდა კიბის მარჯვნივ, ონკანის პირდაპირ. დილას რომ გამოიტანდა სკამს და დაჯდებოდა, საღამომდე თითქმის გაუნძრევლად იჯდა. თუ რამეს ჰკითხავდი, გიპასუხებდა, თუ არა და იყო თავისთვის.

რაკი გამომლაპარაკებელი მაინცდამაინც არ ანუხებდა, ერთ კვირა დღეს უცნაურმა ჟინმა შემიპყრო. ვკითხავ ამ დროულ კაცს; რა გზას ვენიო, იქნებ, რომ იტყვიან, ცხოვრების აზრს, ცხოვრების სიბრძნეს მაზიაროს მეთქი და მივუჯექი:

– რატომ ჩამეცინა, თუ მისხვდი? რატომ, ჩემო ბიძია, და, სიხარული ვერ დავმაღლე. ჩემმა ეშმაკმა გამაცინა. შენ რომ მოხვედი ახლა ჩემთან, შებრუნებულ ტაბურეტზე დაჯექი და ჯიუტად მომაჩერდი: – დავიბენი, ეპიფანე ბიძია და, თუ კაცი ხარ, მასწავლე, როგორ ვიცხოვროვო, სიმართლე გითხრა, სიამაყემ დამრია ხელი; ერთ კაცს მაინც დასჭირდა ამ ქვეყანაზე ჩემი გამოცდილება-მეთქი. რა დაგიმალო და, ამნაირი შეკითხვით ჩემთან ჯერ არავინ მოსულა. ადამიანები ისე გულდაგულ და თავდაჯერებით დაფუსფუსებენ თავიანთ საქმეებზე, გარედან შემხედვარეს ეგონება, ყველამ მშვენივრად იცის, რომელ მხარეს უნდა მიუდგეს ამ ცხოვრების გორგალსო.

სამოცდაათი ზაფხული მოვჭამე მე და, ახლა, ამ ჩემს დათვლილ საკრიალოსნო დღეებს, თვალისჩინივით უნდა გაუფრთხილდე. ჩემებურად ვიცხოვრე. ქვეყანა თუ არ ამიშენებია ჩემი ქიჩმაჩით, ვერც დაქცევას დამაბრალებს ვინმე. ცუდლუტი და არამგამა არ ვყოფილვარ და არც ახლა მინდა დიდკანში მყოფ აბრეშუმის ჭიასავით გაზიზინებული მნახოს ხალხმა. ჩემს ლუკმას ჯერ კიდევ ჩემი მარჯვენით ვშოულობ. ნუნუნა ბებრები მეზარება. მე ჩემი სიბერიით დავბერდი, ვის რატომ უნდა დავანვე კისერზე და ხანდაზმულობის მარაოს ქნევა ვავალდებულო? ნასვლითაც უხმაუროდ წავალ. ჯალაბი გაფრთხილებული მყავს; ტირილ-ფლუკუნი არ დამიწყობთ კუბოსთან, თორემ წამოვხტები და სათითაოდ ჯოხით აგინვავთ უკანალს-მეთქი. რა მოხდა, ყველა წამსვლელები ვართ, მე ჩემი კალო გავლენე. მინა ვიყავ და მინად ვიქცევი. ჩემს საფლავეზე ვარდს დარგავენ, თუ ოყრალუა ბალახი ამოვა არც ამით შეიბრუნებს მთვარე პირს, მე ჩემი ტორიკი და ჩემი ხეტიალი მოვათავე. ახლა სხვისი რიგია.

სასწაულია აბა რა არის, ათაბაბადან დღემდე რამდენი კაცი მდგარა ამ ცის ქვეშ და ორი კაცის ცხოვრება არ დამსგავსებია ერთმანეთს. ყველას თავისი ბილიკი მიუჩინა ბუნებამ. რა ფანტაზიამ მოიფიქრა მაინც მილიარდი კაცის ცხოვრების სხვადასხვა ვარიანტი. გიფიქრია ამაზე? როგორ ვიცხოვროვო, რომ მეკითხები, ყასიდად მეკითხები, ისე, გული რომ გამიკეთო და მაგრძნობინო: შენც საჭირო ხარ ამ ქვეყანაზეო, თორემ განა ჩემზე ნაკლებად იცი, რომ ჩემი ცხოვრების გაკვეთილები შენ არ წაგადგება, შენ სხვანაირ დროში, სხვა ხალხში, სხვა გზაზე გინევს სიარული? ასე რომ არ იყოს, ცხოვრება ინტერესს დაკარგავდა. პლანეტის უზარმაზარ

დაფაზე ჩვენ – ჭადრაკის ფიგურებს, ჩვენ-ჩვენი სვლა გვაქვს და ჩვენი ბედი გვითვალთვალვს.

შენ ღმერთმა ნუ გამოგაცდევინოს, რაც მე გლახა დღე ვნახე და თუ რამე კარგი დამადგა – უდაბნოს ქვიშასავით გიმრავლოს გამჩენმა. შენ სხვა დროში იცხოვრებ-მეთქი, გითხარი, მაგრამ არ იფიქრო, შენსობას ვარდის წვიმა წამოვიდეს და ბედის ჯარამ სულ წალმა იტრიალოს. ჯერ შორს ვართ, ძალიან შორს. ჯერჯერობით ადამიანებმა ვერ ისწავლეს, როგორ უნდა ცხოვრება. არც ადრე იცოდნენ და არც ახლა იციან. გაეცინება ოცდამეათე საუკუნის კაცს, ჩვენს ამბავ-წრიალს, ჩვენს წუხილს და სინარულს რომ ჩახედავს. რა სასწაული დრო იყო, იტყვის, რანაირად ჰქონდათ ნეტავი ტვინი მოწყობილი, იმ დალოცვილებს, ამას რომ სჩადიოდნენ და ამას რომ ამბობდნენო. ვერც იმაზე დავდებ თავს, მომავლის კაცი ჩვენზე დიდად ჭკვიანი იქნება-მეთქი, მაგრამ ადამიანებს ერთმანეთის გამწარების ამდენი მულამი რომ არ ეცოდინებათ, რაც ახლა ვიცით, ეს მინდა მჯეროდეს, კი, კი, უფრო ადვილად და მშვიდად ვიცხოვრებდით, შენ არ მომიკვდე, ჩვენ რომ არ დაგვებურდა და დაგვებნია ჩვენივე თავი და ერთმანეთი. სულ მეგონა, ეს ჩემი დროა ამნაირი უკალაპოტო, თორემ სხვა ეპოქაში ხალხმა მშვენივრად იცოდა, რისთვის განჩნდა და რა ეკეთებინა-მეთქი. არ ყოფილა ასე. არც არასოდეს სცოდნია და არც ახლა იცის. თუ ოდესმე იყო დაღაგებული ადამისშვილი, ახლა უნდა იყოს, მაგრამ ამ ჩემს გამოვლილ გზას რომ გავხედავ, რა მოჩანს, შენ შემოგველე, დაპირების და ცდის მეტი? სულ მეგონა, ხვალ უკეთესობა იქნება, ასე როგორ გაგრძელდება-მეთქი და ისე შემომეფცქენა წლები ხელში, იმას მაინც ვერ ვეღირსე, რასაც ველოდი. ახლა რომ ვაკვირდები, მგონია – ვერ გეტყვი, შეიძლება სიბერის ბრალიცაა და მეშლება – მგონია, უკან-უკან მიდიოდა საქმე-მეთქი. იქნება მე მოვითხოვდი უფრო მეტს, რისი მოცემაც ცხოვრებას არ შეეძლო. იქნება ასე ლოდინისთვის, წვალებისთვის და ცრუ ფაფხურისთვის არის კაცი გაჩენილი? არ ვიცი, ვერ გეტყვი. ღმერთმა ნუ გაფიქრებინოს, ჩემი ხნის რომ მოიყრები, მოტყუებული კაცი ვარ მეო. სულ სხვა გზით უნდა მევლო და სხვა გზით მატარეს ჩემს წუთისოფელშიო.

შენ ვერაფრით წარმოიდგენ, რომ დავინწყეთ, როგორ დავინწყეთ მე და ჩემმა ამხანაგებმა. ეჭვი რა იყო, ვინ იცოდა, რა საქმე უნდა ყოფილიყო ამ დუნიანზე, ჩვენ რომ არ გამოგვსვლოდა, – ასე ვფიქრობდით. იქნებ, საერთოდ ასეა, ყველა ახალგაზრდა და დამწყები ასე უნდა ფიქრობდეს, სხვანაირად ქალაქი არ აშენდება, ალბათ, მაგრამ თქვენ რომ გიყურებთ ახლა, თქვენ მაინც სხვა ხართ. უფრო წყნარი და უფრო ფიქრიანი. შეიძლება ასე სჯობდეს,

იქნებ არც ასეთი ქოჭმან-ჩუმალობა გამოდგეს დიდი საქმეების დასაწყებად. რა ვიცი, ხომ გითხარი, დამაბნია-მეთქი ცხოვრებამ. ბევრჯერ მივანყდით აქეთ-იქით. კაპიკიან საქმეს ხალხი მივალიეთ და მერე გაირკვა, რომ თურმე მთლად სწორედ არ ვირჯებოდით. ისტორიისთვის ეს ჩვენი ფაფხური ერთი სტრიქონია, მეტი კი არაფერი. ამ გზით მიდიოდნენ და კინალამ ხრამში გადაცვივდნენ, მერე შემოტრიალდნენ და სასწრაფოდ სწორ გზას დაადგნენო, იტყვის მისტორიე და იმ მსჯავრს გამოგვიტანს, ბრმა ქათამივით იქეთ-აქეთ მოფარფატე კაცს რომ გამოუტანს ხოლმე. მაგრამ მე ჩემი ცხოვრება რომ გაილია? მართალია, ისტორია მე არაფერ პასუხს არ მომცემს, მაგრამ ვინმეს ხომ უნდა ვკითხო სამარის პირას მისულმა: – რა დაგიშავე მე, ბავშვობიდანვე რომ ამომადგე კალაპოტიდან და ასე უმონყალოდ მართე ჩემი ცხოვრება, რანაირად ვზიდო დარჩენილ ორ კვირაში ფუყე დაპირებებით გაბერილი ეს გული-მეთქი? რა პასუხი უნდა მომცეს იმანაც. თვითონ კი იცოდა, შენ გგონია, ასე რომ იქნებოდა?

შეიძლება, მე გავჩნდი გლაზა და სხვებს ასე არ ემართებოდათ, არც კი დავლაპარაკებოვარ ამ საკითხზე სხვას, ვაითუ უადგილო ადგილას წამოცდეს-მეთქი, რაც კაცობაში შევდგი ფეხი, სულ ვილაცის მეშინოდა, სულ მეგონა, ვილაცა მითვალთვალეbs-მეთქი. ხანდახან ისე ამინვავდა ყურებს ზურგში დამიზნებული მზერა, რომ უცებ მოვიხედავდი, ეგება ჩემით დაინტერესებული, აბეზარი თანამგზავრის თვალეbs წავანყდე-მეთქი, შეიძლება უსაფუძვლო იყო ჩემი შიში, შეიძლება მეჩვენებოდეს, ხომ გაგიგონია, ფაფით შეშინებული დოს სულს უბერავდაო, მაგრამ ამ ჩემს მონეულ ასაკში მაინც მგონია, რომ გადავრჩი. რატომ მაქვს გადარჩენილის განცდა, ვერც ამას გეტყვი. რა მჭირდა გადასარჩენი, რისგან უნდა გადავრჩენილიყავ, კაცმა რომ თქვას? მაინც მადლობელი უნდა ვიყო ჩემი იღბლის. ერთ დროს ჩემნაირ უდანამაულოებს მოჰკიდეს ყურზე ხელი? ჩიტი ბდღვნად არ ღირდი, ალბათ, ან ნამეტანი პატარა ყურები მქონდა. შეიძლება ბყუტურად გეჩვენება ახლა ჩემი მუსაიფი, მაგრამ ზოგიერთის ბედს რომ გავიხსენებ, ცოტა არ იყოს, სიხარულიც კი გამკრავს გულში – ხომ მაინც დავუსხლტი ნემეზიდას ხელიდან-მეთქი.

ორი ჩემი ხნის მოგყაროს გამჩენმა, მაგრამ მაინც კაი გრძნობაა, სამოცდაათი გაზაფხულს უფათერაკოდ რომ შეხვდები. ახლა მე დიდი ფაციფუცი მოთავებული მაქვს. მთლად მაყურებელივით არ ვარ ამ ცხოვრებასთან, მარა არც შუაგულში ვტრიალებ. აწი ჩემი არც ადვილად აყოლიება შეიძლება და არც ლამაზი სიტყვით გაცუცურაკება. ნეტავი იმ დროს, როცა ყველაფერი მჯეროდა. შენ გგონია, ძალიან მიხარია, რალაც-რალაცეებს რომ ჩავხვდი და ბევ-

რნაირი მწარე თუ ტკბილი გამოცდილება ხუნდივით მადევს ფეხებზე? არაფერი არაა, ჩემო, სიბერის სიბრძნეს რომ ეძახიან, არ დაიჯერო ეგ ამბავი. ჯერ ერთი, ეტყობა გულდაგულ დაგვიძალა არსთაგამრიგემ სწორად ცხოვრების გასაღები და მთელი სიცოცხლის მანძილზე ამოდ ვეძებთ, მეორეც, ვინ გაარკვევს, ვისი სჯობია ამ ქვეყანაზე? ეგებ რაც მე ახლა ჭეშმარიტებად მეჩვენება, გითხარი, მისი არ იყოს, ოცდამეათე საუკუნის კაცისთვის სასაცილო აღმოჩნდეს. და ყველაფერს რომ თავი დავანებოთ, რად მიწა იმნაირი ჭკუა, ტოროლასავით ცაში ავარდნას რომ დამიშლის და მიწაზე ფორთხვას რომ მიჩიჩინებს.

ჩემი მაინც უნდა გითხრა. რაკი ჭკუის საკითხავად მოხვედი ჩემთან, ჩემებურად უნდა დაგარიგო. ყველაფერი ისე, როგორც ახლა გეტყვი, მე ვერ გავატარე, რასაკვირველია. ეს სიბრძნე, თუ შეიძლება ასე დავარქვა, ჩემს შეცდომებზე ნასწავლი სიბრძნეა. ცხვირში რომ მდრუზავდა ცხოვრება, მერე ვპოულობდი გზას გადაბრუნებული ურემივით, მაგრამ მერე გვიანდა იყო. ასე და ამნაირად, წინა კაცი თუ უკანას ხიდია, შენ მოგცემ რამდენიმე რჩევას, ჩემნაირი შეცდომები მაინც რომ არ დაუშვა. შენს საკუთარ შეცდომებსაც ბევრს დაუშვებ, ნუ გეშინია, რად გინდა, ეს ჩემი შეცდომებიც დაიმატო. აბა, ყური დამიგდე:

სამსახურში, ეცადე, ჩუმრი და გაუგებარი კაცის სახელი დაიგდო. საჯაროდ გამოსვლებს ერიდე. მეკრებიე და აქტიური ადამიანები სამსახურში არ უყვართ. ნამეტანიც რომ შეგანუხოს სათქმელმა, გულში ჩაიბრუნე, სხვებმა ილაპარაკონ, შენ იყურე. წინამასწარობა დამლუპველია. სხვებს დააცადე, ყველა რომ ხელს დაიკაპინებს, მერე შენც მიჰყევი.

კარგი მუშაკის სახელის გემინოდეს. საკმარისია, თავი გამოიჩინო, მეგობრებიც კი მტრად მოგეკიდებიან. სამსახურში რაც შეძლო, ფეხი აითრე. ნაუყრუე მონოდებებს და ლოზუნგებს. იცოდე, თუ მთელი ენერგიით იმუშავებ და ერთგულად მოეკიდები საქმეს, ჯერ ერთი, ბრბო კარიერისტად ჩავთვლის, ხოლო უფროსები ადგილზე გააყინავენ. შენს დანინაურებაზე არავინ იფიქრებს, რაკი კარგად მუშაობს, ძველ ადგილზე დავტოვოთო. თუ წინსვლა გინდა, ზერელედ იმუშავე, უფრო შეგამჩნევენ.

უფროსს ბრიყვად მოაჩვენე თავი. დარწმუნებული იყავი, მასზე ჭკვიანი კაცი არავის უყვარს. საერთოდ, თავის გამოჩენას მოერიდე. არ დაგავინყდეს, სადმე, შემთხვევით სუფრაზე ყველაზე ლამაზი სადღეგრძელო შენ თუ თქვი ან ყველაზე კარგად თუ იმდერე, ერთ-ორ მოფუქსავატო გოგოცუნას მოენონები, დანარჩენი ყველა კაცი დაკარგული გყავს. ძმაც რომ იყოს, ძმასაც არ უხარია, რომ აჯობებ.

ვინც უნდა გკითხოს, როგორა ხარო, არ უპასუხო „კარგადო“, რა კარგადაც არ უნდა იყო, უთხარი, ესა და ეს მანუხებს-თქო ან, უარეს შემთხვევაში, „არა მიშავს-თქო“, იცოდე, ვინც შენი ჯანმრთელობის ამბავს კითხულობს, მართლა შენი კარგად ყოფნა კი არ აინტერესებს, ისე ფასონად გეკითხება, „კარგად ვარო“, რომ მიახლო, ვერაფერი სანუგეშო ამბავია მისთვის. სულ რაღაცაზე გულნაკლული და მონუნუნე უფრო ახლობელი და საყვარელი ხდება ადამიანებისთვის, დამიჯერე. მაშინ სხვებს ემსგავსები და იმიტომ. არავინ არის დღეს დუნიაზე ისეთი, რამე რომ არ ანუხებდეს.

თუ რამეს სასიხარულოს ელი ან შეიტყობ, ნუ წავარდები და ნუ იჩქარებ, ვინმეს გააგებინო. ისიც კი, აღტაცების ტაშს რომ დასცხებს და მოსალოცად წაგეტანება, გულში ფიქრობს, უკეთესი იყო, ჩემს თავს ყოფილიყო ეს სიკეთეო. დაფიქრდი აბა, შენც ასე არა ხარ? ხოლო რაც შეეხება საიდუმლოს, ღმერთი არ გაგინყრეს და არავის გაანდო. საიდუმლოს რომ შეგინახავს, ასეთი კაცი დღეს იშვიათზე იშვიათია. ჩათვალე, რომ ყოველ შვიდ, თუნდაც ყველაზე ახლობელ ადამიანში, ერთ-ერთი შემტყობინებლის ფუნქციას ასრულებს.

არც მტრები გაიმრავლო და არც მეგობრები, მტრები ხომ შეგჭამენ და შეგჭამენ, ბევრი მეგობარიც არ ვარგა, ბევრი ყურადღება და ბევრი სიყვარულის გაცემა უნდა. მოსისხლე მტერსაც არ აგრძნობინო, რომ შენ იცი, რომ იგი მოსისხლე მტერია შენი, პირიქით, დაუყვავე, გაუცინე, ისეთი სახე მიიღე, ვითომ უკვე ყველაფერი დაივიწყე და აპატიე, ამ ბოლო დროს ძალიან შეგიყვარდა და პატივს სცემ. ამით მტერს სიფხიზლეს მოუდუნებ. ისე, საერთოდ. მტერს მტრულად უნდა მოექცე, ოღონდ მაშინ უნდა დაჰკრა, როცა დარწმუნებული იქნები, რომ გაანადგურებ. მტერი იმად არა ღირს, მთელი ცხოვრება ებრძოლო პატარ-პატარა პნკენა-წყენებით. ამით შენც გაიმწარებ სიცოცხლეს. ერთხელ უნდა დაჰკრა და გაათავო.

საიმედო საფარში მყოფად ან გაღმა გასულად არასოდეს ჩათვალო თავი. ქვეყანას გრძელი ხელები აქვს, ღრმა, სიბერეშიც მოგწვდება თუ მანამდე ვერ გიყელა, უმწეო რომ იქნები, მაშინ მოგწვდება და „ცოდვებს“ გაზღვევინებს, სიკვდილის შემდეგაც არ მოგასვენებს, საფლავიდანაც ბარე-ორი ამოუთხრიათ. ამიტომ, რამდენადაც შეძლებ, მთელი ცხოვრების მანძილზე ეცადე, კაცი არ გაამწარო, არ გადაიკიდო, არავინ იცის, რომელი უფრო საშიშია, დიდი მტერი თუ პატარა მტერი.

ხალხის თვალს ვერაფერს გამოაპარებ. უღრან ტყეში და უკუნეთ ღამეშიც იფიქრე, რომ მარტო არა ხარ. ამიტომ სიბნელეში ის-



ეთს ნურაფერს მოიმოქმედებ, სინათლეზე შეგრცხვეს. ქვეყნის ფხიზელ თვალზე ჩემს ბავშვობაში ერთი ანეკდოტი გამიგონია: მთის ნვერზე ორი ძმა თიბავდა, სტალინის დროს ხდება ეს ამბავი, ირგვლივ, ოც კილომეტრზე, კაციშვილი არ ჭაჭანებდა, ერთმა ძმამ, ეშმაკს არ სძინავსო, და ყურში უთხრა მეორეს: – „რას ამბობენ თუ იცი, როდის გვეშველება, როდის გარეკავენ ბოლშევიკებსო“, როგორ ფიქრობ, რა მოჰყვება ამას? მეორე დღეს მარტო ერთი კაცი თიბავდა. აბა, ასეა საქმე.

მეზობლებს თვალში ხშირად არ შეეჩხირო. ყველაზე კაი მეზობლობაც, ბოლოს, იცოდე, ჩხუბით და შუღლით მთავრდება. ამიტომ ნამეტანს ნუ გაშლი ხელს და მეზობელს გულში ნუ ჩაიხუტებ. შენს საიდუმლოებაში, შენი ოჯახის ავანჩავანში ნუ გარევე. მეტსაც გეტყვი, რამე ფასეულ ნივთს თუ შეიძენ, ეცადე, ღამით მოიტანო, ისე, რომ მეზობლებმა არ შეგამჩნიონ. ერთი მათგანი მაინც გაიფიქრებს, რა სახსარფარნასით იყიდა, ერთი გამაგებინაო, შეხარბებით კი, თუნდაც კეთილი შეხარბებით, – კეთილი სიხარბე თუ არსებობს საერთოდ – ყველას შეეხარბება, ეჭვი არ შეგეპაროს. არავინ არის დედამინაზე გულით დამფიქრებელი – „როგორ მიხარია, ასეთი მშვენიერი საგანი მე რომ არა მაქვს და ჩემს მეზობელს აქვსო“.

ლაპარაკში ყველას ისე მოაჩვენე თავი, თითქოს სწორედ მასთან ხარ ყველაზე გულახდილი და გულწრფელი. სინამდვილეში გულით არავის გაეხსნა. შენი უკანდასახევი ლაბირინთები ყოველთვის დაიტოვე. ნამეტანი გულახდილი კაცი დღეს სულელის თუ არა, გულუბრყვილოს შთაბეჭდილებას მაინც ტოვებს. სამსახურში უფროსთაგან ისე არავის დაუახლოვდე, „იმის კაცი“ გეძახონ. ჯერ ერთი, ამით სხვებს თავს შეაძულებ და ყველანაირად ეცდებიან, იმ უფროსთან შენი ურთიერთობა გააფუჭონ. რას არ დაგაბრალებენ, რომ იცოდე, ადამიანი მაინც ადამიანია და ბოლოს ის შენი მფარველიც გაგიორგულდება. ღამურას დღეში აღმოჩნდები: არც ზევით მიგიღებენ ჩიტად და ველარც ქვევით მობრუნდები – თავუნად. უფროსთან მეგობრობა იმითაცაა საშიში, რომ თუ ყველაფერი კარგად წარიმართა, ის მაინც არ აცდება, იმ უფროსს სკამს რომ გამოაცლიან, შენც უკან მიგაყოლონ. დამიჯერე, მარტოკაცის სახელს, შენთვის ჩუმად ყოფნას არაფერი სჯობია ამქვეყნად.

ცხოვრება ცხოვრებაა და რომელიღაც მოსახვევში ერთი-ორი ქალიც გეიჩითება შენს ბარობაზე. საყვარელ ქალს, რა ლამაზიც უნდა იყოს, სხვების შესახედავად თავზე ხელის გადასმას და ქუჩაში ჩამოტარებას ნუ მიაჩვევ. სუსტმა მამაკაცებმა იციან ქალით თავის მოწონება – აქაოდა, შემოგვხედეთ, რა გოგოს გული მოვიწადირეთო. გახმაურებული სიყვარული უმეტეს შემთხვევაში ცუ-

დად მთავრდება. შური დაგლუპავთ ორივეს. გამიგონე; არ უნდა ქვეყანას, არა, შენ რომ სიყვარულში გაღალღებული იყო. ასი თვალ-იდან მხოლოდ ოთხი თვალი თუ შეგხედავს, ასეთ შემთხვევაში, კეთილმოსურნის მზერით. ბაირალივით აფრიალებულ სიყვარულს ქალებიც შურით შეჰყურებენ და კაცებიც.

ავი თვალი, ავი თვალი გახსოვდეს ყოველ ნაბიჯზე!“

ოქტომბრის მშრალ-ცივი ქარი ბატონობდა ქალაქში.

საავადმყოფოს ჩასახვევით ძნელადის ქუჩაზე გამოვედი და გაჩერებას რომ გავუსწორდი, მარჯვნივ გავიხედე. ტროლეიბუსი თუ ახლოს ჩანს, დაუფცდი, თუ არადა ფეხით გავუყვებიმეთქი.

კიროვზე, ეს ორი კვირაა, ცალმხრივი მოძრაობის ნიშანი გაჰკიდეს. მანქანები მოედანთან ამუხრუჭებენ, მძღოლები ნიშანს ახედავენ, რალაცას უკმაყოფილოდ ნაიბუტბურტებენ და ქვევით, არხის ქუჩისკენ იზამენ პირს.

ეპიფანეს შეგონებებმა გუნება ამიმღვრია: „ნეტავი სულ არ მოვსულიყავ-მეთქი, – ვფიქრობდი, – რანაირადაა დაშინებულ-და-გლახავებული. მე კაცი მეგონა. ამნაირი იქნებოდა ჩემხანობასაც, თორემ ასე როგორ დააუთოვა ნუთისოფელმა. რა სამსალა ასვა ასეთი, მიწაზე ხოხიალს რომ მასწავლის და სხვა ვერაფერს-მეთქი“.

ახლა რომ გადავხედე იმდროინდელ ჩანანერს, ეპიფანეს დარიგებებს ისე არ გავუღიზიანებვიარ; უფრო შემწყნარებლურად შევხედე საკუთარი სამარის პირას ჩამომჯდარი კაცის შეგონებებს, მაგრამ მაინც მომეჩვენა, რომ ეპიფანეს პირით ცხოვრებისგან ნაჯანლარევი, მართლაც რომ დამფრთხალ-დაცვედნებული კაცი მელაპარაკებოდა.

\* \* \*

რაც უფრო ვუახლოვდები ეპიფანეს ასაკს, მით უფრო მანუხებს მტანჯველი ფიქრი: მთელი ცხოვრება ძირგახვრეტილი ვარცლით ხომ არ ვეზიდებოდი ნყალს და, ვინ იცის, იქნებ სხვებს კი არა საკუთარ თავსაც ვერ მოვუკალი ნყურვილი.

ფილოსოფოსობა იქეთ იყოს და ჩემი ასე თუ ისე მშვიდი დღეებიდან, რაც დრო გადის, უფროდაუფრო ხშირად უნივერსიტეტის ბალი და შოთა ჩანტლაძე მახსენდება:

დილის ცხრა საათზე უნივერსიტეტის ბაღს, მელიქიშვილის ქუჩის მხრიდან, საშუალო ტანის, ჭალარათმიანი და შავთვალეზა, ლურჯი დრაფის გაცვეთილპალტოიანი, გამხდარი კაცი მოადგა. ერთხანს მონუხსულივით შესცქეროდა ჭადრების ქვეშ აფიჭვივებულ ბელურებს თავიანთ ურთულეს ფიქრებში გართულ მოქალაქეებს ფეხებში რომ უძვრებოდნენ, მერე კრაველის ნაცრისფერი საყელოდან

მტვერი ნკიპურტით გაიფერთხა, პირთან მუშტის მიდებით ხრინ-ნინანად ჩაახველა, ბაღში შევიდა, მელიქიშვილის ძეგლის გვერდით ლურჯ ხის სავარძელს ხელი დაუსვა (ახალი შეღებილი ხომ არ არის, ან ნამი ხომ არ ადევსო), შემოტრიალდა, პალტოს კალთები აინია და დაჯდა.

თუ რაიმე ჰქონდა მიმინოსებური – მხოლოდდამხოლოდ თვალები. იცქირებოდა შორს და ჯიუტად. ხანდახან უცნაურად ჩაიციინ-ჩაიხრინნ-ჩაიხითხითებდა, გვერდზე ჩავლილ ნახევრადნაცნობ სტუდენტს თავს დაუქნევდა და მერე ისევ მონუსხულივით, კისერანუელი და თვალგაქცეული, გაუნძრევლად იჯდა.

დაახლოებით ასე, თორმეტ საათზე, სტუდენტალაქის მხრიდან უნივერსიტეტის ბაღს მაღალი, თმაგაჩეჩილი ბობრი პირისახის, აგურისფერულვაშა, მსუქანი კაცი მოადგა. ბობრსახიანს მაკინტოშის გრძელი, დაახლოებით, სამი-სამნახევარი ზომით მის სარგოზე დიდი მოსასხამი ეცვა. ხელები ჯიბეში არ ეწყო, ზურგზე ჰქონდა შემოსალტული, კოჭლი როდი გახლდათ, მაგრამ ისე აჩაბაჩად დადიოდა, დაინტერესებულ კაცს რომ გაეზომა განიგან მისი ტანის რხევის ამპლიტუდა, ასე სამოცი-სამოცდახუთი სანტიმეტრი მაინც იქნებოდა. თავზე წაადგა კარაკულის საყელოიან, გამხდარ კაცს და როცა ამ უკანასკნელმა აბეზარი ფიქრისგან წუთით მოიცალა და თვალი შეავლო, მიესალმა. კაცმა-მიმინომ კითხვაგარეული ღიმილით დაუქნია თავი.

– უკაცრავად, თქვენ შოთა არა ხართ ჩანტლაძე? – ჰკითხა.

– „დიახ გახლავარ, რა გნებავს შენა,“ – მსახიობის თეატრალური დახვეწილობით მიუგო დამხვდურმა.

– აქ რას აკეთებთ?

– ხომ ხედავთ, ვთვლემ.

– თუ შეიძლება, დავჯდები თქვენს გვერდით.

– ვთვლემ-მეთქი, მგონი გასაგებად გითხარით, გნებავდათ რამე?

– ერთად ვითვლიმოთ, – უცნობი არც ისე მორცხვი ჩანდა, როგორც შოთას ერთი შეხედვით მოეჩვენა, მაკინტოშის ლაბადა არ აუკეცავს, სავარძელს სული შეუბერა, ჭადრაკულად მოქარგული ცხვირსახოცი ამოიღო, გაიფინა და დაჯდა.

მზე რომ ჭადრებს დასავლეთის მხრიდან მოექცა და გუმბათის ჩრდილი ვერის გზატკეცილს დაეხატა, მაკინტოშინამა მოსასხამის კალთები მუხლებზე, აინია და შოთას მიუბრუნდა:

– ვარლამი მქვია მე.

შოთამ კარგა ხანს უყურა, მერე გაუღიმა და მარჯვენა ხელით მხარზე რბილად შეეხო.

– შევმცდარვარ. ჩემი შეტყობით, ჯურღაი უნდა გრქმეოდათ.

- რატომ ჯურღაი?
  - იცით, ადამიანები ძალიან ხშირად ჰგვანან სახელებს ან მერე ემგვანებიან. აი, ეგერ რომ ბიჭი გარბის, სვიტრიანი, არც მეტი, არც ნაკლები – კოკა ერქმევა. თუ გნებავთ, დაენიეთ და ჰკითხეთ.
  - თქვენ იცნობთ, ალბათ. – დაეჭვდა ვარლამი.
  - ჩემს სიცოცხლეში არ მინახავს.
  - შოთა, თქვენ?
  - რა მე?
  - თქვენ ჰგავხართ თქვენს სახელს?
- შოთამ თვალეები ეშმაკურად მონკურა და თითქოს საიდუმლოს ანდობსო, განუცხადა:
- მე გენიოსი ვარ. გენიოსისთვის ყველა სახელი პატარაა. უკეთეს შემთხვევაში, გენიოსი სახელს იმგვანებს, თვითონ არ ემგვანება. ისე ჩვენს შორის დარჩეს და იმ ერთადერთი შოთას მერე მე მრცხვენია რომ შოთა მქვია.
  - ააა, ჰოოო, – ვარლამმა კეფა მოიფხანა, მიხვედრით კი, რასაკვირველია, ვერ მიხვდა ნათქვამს და, კაცმა რომ თქვას, იქ მისახვედრიც არა იყო რა.
  - მითხარი, მითხარი, მკითხე. მერე, რა ვუყოთ, რაღაც-რაღაცებს მეც ვერ ვხვდები ხოლმე ზოგჯერ. გენიოსს სახელი არ სჭირდება-მეთქი, ეს მინდოდა მეთქვა. უბრალოდ და მარტივად თუ გინდა, ეს არის.
- ვარლამს მოეჩვენა, რომ ამ „უბრალოდ და მარტივად“ ნათქვამზე უფრო გასაგები მისთვის, წელანდელი რთულადნათქვამი იყო, მაგრამ ამის შესახებ არაფერი უთქვამს.
- მართალი ყოფილა. – თქვა სტუმარმა და განზე გაიხედა.
  - რა ყოფილა მართალი? – შოთა რეზინისმილიან მეეზოვეს შესცქეროდა.
  - თქვენზე რომ ამბობენ, ერთი შეხედვით, დამთხვეული გეგონებათო.
  - მეორე შეხედვითო? ეგ მეორე უფრო საინტერესო უნდა იყოს.
  - რომ იცოდეთ, ბატონო შოთა, სამასი კილომეტრიდან თქვენს გასაცნობად ჩამოვედი.
  - შენ გგონია გამიკვირდება, ეგ რომ მართალი იყოს? დროც კია, დაიწყოს ყოველი მხრიდან ხალხმა დენა ბრძენთაბრძენის ბაგეთაგან ცხოვრების აზრის მოსასმენად.
  - თქვენ ხუმრობთ და ეს ნამდვილად ასეა.
  - არა, მართლა.
  - ჩემმა ძმისშვილმა, სამტრედიელი გახლავართ მე, გოჩაჯიხაიში, თუ გაგიგონიათ. დიდი არაფერი, ბჟოლის დამყნობა

ვიცი კარგად. ჩემმა ძმიშვილმა-მეთქი, შარშან დაამთავრა. ჩამოვიდა. ხომ იცი, ნასწავლი კაცი. მიხაროდა გვერდით მისი ამოყენება. აბა, რავა არი საქმე, რა გასწავლეს-მეთქი. მთლად ასე არ უთქვამს, მაგრამ ლაპარაკში შევატყვე; ყველაზე მეტად ამ ხუთ წელიწადში თავი შოთა ჩანტლაძემ დამამახსოვრაო. რა მოხელე-ჩიქვანია-მეთქი, ვკითხე. დიდი არაფერი, უნივერსიტეტის ბაღში ზის დილიდან საღამომდე. თუ იქით არ გამოელაპარაკე, აქეთ ხმას არ გაგცემს. პირველად უცნაური გეგონება, მერე და მერე ისე გაგიტაცებს, ვერ მოშორდებიო. იმდენი რამ მიაბო თქვენზე, სიმართლე გითხრათ, სიზმარშიც მყავხართ ერთი სამჯერ ნანახი. სად მეცალა სათბილისოდ, მაგრამ ვერ გავძელი და წამოვედი. დაიჯერებთ ამ ამბავს? თქვენს გასაცნობად, თქვენთან სალაპარაკოდ ჩამოვედი.

ნახევარი საათის შემდეგ ისინი ზოოპარკთან, სალობიეში ისხდნენ. არსად არ ეჩქარებოდათ. იცი, მკითხველო, რა დიდებული რამ არის, როცა სალობიეში ზიხარ და არსად არ გეჩქარება?

– ბავშვობა თუ მოგნატრებია, – სხვათაშორის ეკითხებოდა ვარლამი.

– მომნატრებია, მაგრამ ახლა რომ ბავშვად გადავიქცე, არ მინდა რატომ თუ იცი?

– ?

– რა სანატრელია თავიდან, ახლა, ქუთურუშას თუ ნითელა ბატონების გადატანა. ყურებზე ხელის აფარება სკოლის დირექტორის დანახვისას. ლურჯი ტრუსიკით და ნითელი მაისურით ქუჩაში გასვლა. სიგარეტის თავიდან მიჩვევა და არყის სმის დაწყება. იცი, რა ძნელი იყო? დამანებე თავი, თუ კაცი ხარ, ძლივს მივეჩვიე, ძლივს ჩამოვყალიბდი.

– ძმაკაცები თუ გყავთ?

– როგორ არა. ერთი სამი გენიოსი ძმაკაცი მყავს, – ისევ გაიცინა და ეშმაკი ჩაუსახლდა თვალებში, – ხომ იცი, გენიოსს გენიოსი ნაკლებად უძმაკაცდება. გენიოსს უფრო სულელისკენ მიუწევს გული. ამიტომ კანში ვძვრებოდი, თავს უბრალო მოკვდავად ვაჩვენებდი, რომ, როგორმე, მათი ნდობა მომეპოვებინა. ამ ბოლო დროს, მგონი, შემატყვეს, რომ თავს ვისულელელებდი, გურულები ამას თავის გააბდლებას ეძახიან, შემატყვეს, რომ მეც გენიოსი ვარ და ჩამომშორდნენ.

უცებ მოიწყინა და დაამატა:

– ხუმრობა იქეთ იყოს. ღმერთმა კარგად მიმყოფოს ჩემი მეგობრები, მაგრამ ყველას ურჩევნია რომ მკვდარი ვიყო.

– რას ლაპარაკობ?

– ცუდი რამ არ იფიქრო, ვარლამ. ესეც ზედმეტი სიყვარულით მოსდით. ჩვენ ხომ ერთმანეთი მკვდარი უფრო გვიყვარს, ბალდახინზე გაჭიმული. გალაკტიონი გახსოვს? „მიცვალებული სახელოვანი წევს ბალდახინზე გამონყობილი“, თუმცა გენიოსი ვარ, მაგრამ რაც ამ ნუთში გითხარი, არ ჩაინერო, სისულელეა, წუნუნია. მეგობრები-საგან იმაზე მეტი არ უნდა მოითხოვო, რაც გეკუთვნის. მე, ალბათ, მეტი არ მერგება, და საერთოდ, შენს მაგივრად ვერავინ იცხოვრებს. ეს მართლაც კარგად ვთქვი, შეგიძლია ჩაინერო.

– ჩემმა ძმისშვილმა მითხრა. ლექსებს წერსო.

შოთამ გაიცინა, მუშტი მიიღო ტუჩებთან და ჩაახველა.

– ტყუილი უთქვამს. ლექსი იმდენად სერიოზული რამეა, რომ, თუ დანერ, აი როგორ მდგომარეობაში უნდა დანერო: დიდხანს გხეხეს შიმუნვარებმა, თუ რა ჰქვიათ? – პირისფარეშებმა, ბოლოს ვარდის წყალი გადაგავლეს ტანზე. შემოგიყვანეს მაღალჭერიან დარბაზში, ჯიბა-ატლასით შეგმოსეს, ხელთ ოქროს კალამი მოგანოდეს და თვითონ უკანსვლით გაუჩინარდნენ. დამავიწყდა, შანდალზე ინდური ბალახი იწვის, ჰამო სურნელს რომ გამოსცემს. აბა, მე რა ლექსი უნდა დავწერო სახლმმართველი რომ თავში მიჩაჩქუნებს, კომუნალური გადასახადი არ შეგიტანიაო. შუა ოთახში ნავთქურა რომ ხრჩოლავს და შავად თოვს, ყველაფერ ამას ის სიკეთეც დაუმატე, შენ რომ არ ჩამოსულიყავი დღეს, საიდან ხარ?

– გოჩა-ჯიხაიშიდან.

– შენ რომ არ ჩამოსულიყავი დღეს, ჩემო ვარლამ, გოჩაჯიხაიშიდან, ლობიოს და არყის ფული ათასი დამამცირებელი საშუალებით უნდა მეშოვნა. ასე რომ, ტყუილი უთქვამს იმ შენს ძმისშვილს, ლექსებს წერსო. რა ერქვა, არ იტყვი ბოლოს და ბოლოს?

– ბეჟანი სხირტლავა.

– უი, ბეჟანი, ბეჟანი! ჩემი ძმა. ჭამა ძველებურად უყვარს? ძილი? ძილის გიჟია. უნდა იამაყოს თქვენმა გვარმა. ეგ ისეთი კარგი ჩამოსხმაა, შორს წავა. ნახავთ მალე. ხუთი წელი ვწვრთნიდი, ვერაფერ სიგლახეს ვერ მივაჩვიე. მერე ჩავიქნიე ხელი. რომ დამინახავდა, სულ მშიერი ვეგონე, სამ მანეთს ამოიღებდა და ჯიბეში ჩამიკუჭავდა. თან ხელს ხელზე მომიჭერდა და თვალს ჩამიკრავდა. ერთხელ რალაცაზე შემეკამათა, ვუთხარი: „ნუ მანერვიულებ, თორემ გავბრაზდები შენზე და სამ მანეთს აღარ გამოგართმევ-მეთქი“. მაშინვე გაჩუმდა. ასეთი ბიჭია, ხალასი, სუფთა. მოენყო სამსახურში?

– არა ჯერ.

– ცოლი არ შეურთავს?

– არა.

– რა ეჩქარება? ეგ ისეთი ბიჭია, ყველაფერს მოასწრებს. მე ყველაფერი დამიგვიანდა, კაცო, ამ ქვეყანაზე ვერ გეტყვი, რისი ბრალია. ახალი რალაცის დანყება ბავშვობიდანვე მიჭირდა. სიახლის მეშინია. რა მინდა ამ ბაღში ამ ხნის კაცს, შენ გგონია, მე არ ვფიქრობ ამაზე? ვფიქრობ, მაგრამ თავი ვერ დამიღწევია.

ჯიბებში ხელი ჩაიყო. „პრიმას“ თავი მოუსრისა და ასანთს გაჰკრა. ვარლამი შესცქეროდა რიდით და სიყვარულით. „რაც უფრო თვრება, უფრო უბრალო და გულწრფელი ჩანს. საოცარია, უცნაურობა, თითქოსდა, ნილაბივით აუფარებია კაცს ეგონება მართლა რალაცას მალავსო“.

– შენ მითხარი, – შოთა განაგრძობდა, – რომ არ დაგხვედროდი დღეს ჩემს ადგილას, ბაღში, სად უნდა გექებნე? ესე იგი, ხომ ჭირდება ვილაცას ჩემი აქ ყოფნა? გითხრა სიმართლე, ერთი პირობა ნავედი აქედან და მუშაობა დავინყე. ხეირიან სამსახურს ვინ მომაშავებდა. პატარა ჩინოვნიკის ადგილი მომცეს. შემოვივლიდი ყოველ საღამოს ბაღში და, გაგიკვირდება, თითქოსდა ჩემს თავს დავეძებდი. კაცს ვეძებდი, რომელიც აქ უნდა მჯდარიყო. არავინ არ იკისრა, ძმაო, ეს როლი. ისევ მე დავანებე სამსახურს თავი და დავბრუნდი. ჩვენ ჩვენი ადგილი უნდა შევავსოთ. ყველას რომ იმაზე მეტი გვინდა, რაც ბუნებამ გვარგუნა – ესაა ჩვენი უბედურების თავი და თავი. როგორც ჩანს, ჩემი საქმე ეგ არის, ისე როგორც რობერტ მელქაძის საქმეა კაცის გალახვა რინგზე.

სვამდნენ პლასტმასის თეთრი ჭიქებით, არაყზე ლუდს აყოლებდნენ. დეკემბრის სუსხიანი საღამო იყო. მარჯვენა მხრიდან მანქანების ღრიალი ისმოდა, ზოოპარკში ცივი ხმით ჰკიოდნენ მნახველთაგან თავგაბებრებული მაიმუნები.

კარგად შეზარხოშებულები დაბრუნდნენ უნივერსიტეტის ბაღში. სიმთვრალე მხოლოდ იმაზე ეტყობოდათ, რომ ჩვეულებრივზე ცოტა ხმამაღლა და დიდი პაუზებით ლაპარაკობდნენ.

– ა, ბედნიერი ხალხი, – შოთამ უნივერსიტეტის ბაღში გამწკრივებულ ძეგლებს გახედა. – ანგარიში გასწორებული აქვთ ამ ქვეყანასთან. ო, რომ იცოდე, ვარლამ, რა ძნელია სხეულის ტარება. რაც მალე იქცევი ქვად, მით უკეთესია.

– საქმე უნდა გააკეთო. ქვად ყველა ვერ იქცევა.

– ბალახად ხომ უეჭველად გინევს გადაქცევა. ესეც საქმეა. შენ იკითხე, თორემ მე რა, მე უკვე მონყენაც მომენყინა. ესე იგი ძალიან ახლოს ვარ ბალახად ქცევასთან. მარტო ერთ რამეზე მწყდება გული.

– რაზე?

– რას იტყვიან, ნეტა, ჩემი გარდაცვალებიდან ათი წლის შემდეგ

მოგონებათა საღამოს რომ გამართავენ. ვინ რას მოიგონებს, რას დამაბრალებენ. მიცნობდა ვინმე? დაინტერესდა ვინმე ჩემით?

– შენ არ მოკვდე, თორემ მაგ მხრივ ყველაფერი კარგად იქნება. სიტყვებს ისეთს იტყვიან, შენვე აგატირებენ, ცოცხალი რომ იყო.

– მაგის იმედიც აღარა მაქვს .

– რატომ დავინწყეთ ეს ცუდი ლაპარაკი.

– გავჩუმდები, ბატონო, რაკი არ მოგნონს, გავჩუმდები.

შუალამისას დასცილდნენ ერთმანეთს.

შოთამ შესთავაზა; აქვე ვცხოვრობ, ჩემს ჭერქვეშ გაათიე ღამეო, მაგრამ სტუმარმა იუარა, ფალიაშვილის ქუჩაზე ნათესავი მყავს, მიუსვლელობა არ იქნებაო.

მიდიოდა ვარლამი სახლისკენ და ფიქრობდა:

– „სხვა კაცია, რად უნდა ამას ლაპარაკი. სხვა თიხისგან ყავს გამჩენს შექმნილი, ხანდახან ავი მუსაიფი გაერევა სიტყვაში. რალაც დიდი ნაღველი აქვს. ღმერთო, შენ მოუმართე ხელი“.

...არასამედიცინო ტერმინი რომ ვიხმაროთ; ბრმა ნანლაგის გასკდომა იშვიათი შემთხვევაა. და ამ „იშვიათ შემთხვევაშიც“ კი ადამიანები იშვიათად კვდებიან.

\* \* \*

ჩემთვის საკუთარი წიგნის კორექტურის კითხვაზე უფრო დიდი სასჯელი არ არსებობს.

მანამ ვითრიე ფეხი, სანამ გამომცემლობიდან არ დამირეკეს, ხვალ თუ არ მოიტან, კვარტლის გეგმიდან ამოვარდებიო.

სხვა გზა არ მქონდა, მივყევი სხვადასხვა დროს წვითა და დაგვით გამოტანჯულ ჩემს სტრიქონებს.

...არავინ იცის, ძილი როდის და როგორ მოგეპარება. ამ აბურდულ ფიქრებში გართულს კორექტურით ხელში მიმძინებოდა.

დილით ყურისწამლებმა რახრახ-ღრჭიალმა გამომადვიდა.

ქუჩის პირას, მეორე სართულზე, ვცხოვრობ და მანქანების ხმაური ჩემთვის უცხო როდია, მაგრამ ეს არ იყო ჩვეულებრივი სატრანსპორტო გუგუნი.

ზედ საფეთქელთან მიბრაგუნებდა კომპრესორის გრიალი, უროს ცემა და დაგადუგი.

ფანჯარას მივვარდი.

ასფალტს თხრიან.

საგულდაგულოდ ჩაკვეტე ყველაფერი, დავგმანე პატარა საჰაერო სარკმელიც, მაგრამ ხმაურს ვერაფერს ვუხერხებ.

ლამის ტირილამდე მივიდე.

ნერვებს მიხერხავს ეს საშინელი ხმაური.



ჩემი აივნის მოაჯირზე ჩიტი – დაფრინდა. პანანკინტელა, ნიავი-  
ვით მსუბუქი, ჭრელგულა, ღაბუა ჩიტი, ბელურაზე უფრო პატარა.

ერთი ჩახედა ქუნას. ყური ჰკიდა ჩაქუჩის ბაგუნს, აქ ჩემი ად-  
გილი არ არისო, ჩანს, ეს გაიფიქრა და როგორც მოფრინდა, ისე უხ-  
მაუროდ, რბილად, თითქოს ბაბუანვერას უღვაშიაო, ჰაერს შეერია.

აფრინდა. ამას აფრენაც არ ერქვა. ასფალტის ცხელ სუნთქვას  
და ყოვლისნამლეკ ხმაურს აჰყვა მალლა.

არა, მე კორექტურით ხელში ვერ მოვკვდები!

ხვალვე უნდა წავიდე ზუგდიდში და მირიან გერსამია ვნახო.

უნივერსიტეტში ერთად ვსწავლობდით.

ჩემზე ერთი კურსით წინ იყო. ისტორიული დაამთავრა. ზვიადის  
თანამებრძოლობისთვის დააპატიმრეს და ცხრა წელი იჯდა. შარშან  
შემხვდა თბილისში. მისამართი ჩამანერინა. მოვძებნი მისამართს  
და ხვალვე წავალ ზუგდიდში.

\* \* \*

მატარებელი ზუგდიდის ვაგზალში საღამოს ექვს საათზე შე-  
ვიდა.

ვაგზლის წინ, ასფალტზე, მტრედები ირეოდნენ.

ფეხით მოსიარულე რომ ჩაივლიდა, მტრედები წამოტკაცუნ-  
წამოფრთხილდებოდნენ, იქვე, მოაჯირზე გამწკრივდებოდნენ და  
წამის შემდეგ ისევ დაემკვებოდნენ ტროტუარზე.

თავის ფიქრებში გართულ მგზავრს, რომელიც მტრედებს, იქნებ  
ვერც კი ამჩნევდა, შეაკრთობდა ფრინველთა ფრთების ტკაცანი,  
მოიხედავდა და, სხვას თუ ვერაფერს იზამდა, ჯიბიდან ხელებს  
ამოიღებდა.

გელამ ნაბიჯი შეანელა, მარჯვნივ გაიწია, ტროტუარის კიდეს  
ფრთხილად აუყვა. არ უნდოდა, დაეფრთხო ასფალტზე მოფუს-  
ფუსე მტრედები.

სამიოდე ნაბიჯზე რომ მიუხალოვდა, მტრედები მაინც აფრინდ-  
ნენ. მხოლოდ ერთი მტრედი დარჩა ადგილზე. ღამაზი თავის შე-  
ტრიალებით ახედა მიმავალს და თავის საქმეს დაუბრუნდა.

კაცმა არ იცის, ყველაზე ჭკვიან მტრედად მიიჩნია თუ არა  
გელამ ის ერთადერთი მტრედი. ეგ იყო, სითბო ჩაღვარა სულში,  
რატომო, რომ გეკითხათ, იმ წუთში, ალბათ, ვერ გიპასუხებდათ.

მისამართის ჯიბიდან ამოღება არც დაჭირვებია.

მირიან გერსამიას მისამართი ვინ არ იცისო ზუგდიდში, ტაქსისტმა.

თქვენი სახე მეცნობა, თქვენ მწერალი კირთაძე ხომ არ ბრ-  
ძანდებითო და რაკილა გელამ დაუდასტურა, ფული არასგზით არ  
გამოართვა.

\* \* \*

მირიანი ნესტისგან სვეტებშემწვანებული ოდის აივანზე იჯდა და ზაფრანისფერ ხურმას საჩირედ თლიდა.

გიორგობისთვის სიგრილეს ჩხოუშიდან მონაბერი, ცვალებადი მიმართულების, მანანწალა ნიაფი სიცივისკენ ეძალებოდა.

სალამოც ისე უგემურად მოიზღაზნებოდა, როგორც გრძელი, უსიცოცხლო დღე გაილია.

ჭიშკართან ნაბაზრალი ლტოლვილები თუ ჩაივლიდნენ და წარბებზე ქუდჩამოფხატული ქურდბაცაცები. ეს უკანასკნელნი ძირითადად ავტობუსების მგზავრთა ცარიელ ჯიბეებშილა დაძვრებოდნენ და ამასაც ისე, ჩვეულების ხათრით აკეთებდნენ, ფორმა რომ არ დაეკარგათ, თორემ ვის რა ჰქონდა მოსაპარი და დასაკარგი.

– მირიან!

– რომელი ხარ?! – ბინდბუნდში ვერ გაარჩია და ვერც ხმაზე იცნო სტუმარი.

კიბეზე ჩამოირბინა და ჭიშკრისკენ გამოაბიჯა.

საშუალო სიმაღლემდე ცოტა აკლდა. გამხდარი იყო. ცალი ხელი შუბლთან მიეტანა და ფეხშეთრევით, მაგრამ მსუბუქად უახლოვდებოდა ლობეს. სქლად ნაქსოვ ჯემპრზე თავისფერი ქურთუკი ეცვა. ფეხზე – რეზინის ჩექმები.

– გელა ხარ?! გენაცვალოს ჩემი თავი! რა გამახარებდა დღეს უფრო მეტად!

– როდიდანაა, ყამით რომ ხვდები სტუმარს? – გელა იცინოდა. ერთმანეთს გადაეხვივნენ.

– ხურმას ვთლიდი და შემრჩა ეს ნავარი ხელში.

– რა დროს ხურმაა, იქცევა, მირიან, ქვეყანა.

მირიანმა ბუხარში ცეცხლი შეანთო.

ცოლს უხმო; გელა კირთაძეზე დიდი სტუმარი ვინ მოგვივიდოდაო.

ცოლი სამზადისკენ წაფსლატუნდა.

– რა ჭირს ხალხს, სისხლი გამიშრა ძარღვებში, იმათ საცოდაობას რომ ვუყურე. სკოლიდან გამოასახლეს და გომურებში არიან შეფარებული. ამ ზამთარში ყველა ამონყდება.

– რომ იძახიან იქნება შესვლაო? – გელას ხმა გაეზარა. „შევალთო“ უნდა ეთქვა, მაგრამ რატომღაც „იქნება შესვლა“ ამჯობინა.

– გჯერა მაგი შენ? როცა გამოყარეს, იმ კვირაშივე უნდა შეგვებრუნებია ეს ხალხი. ან ძალით, ან ნებით. მიხედავდა კაცი თავის დამწვარ სახლს. მის ფუძეზე მაინც იქნებოდა. ანი მოგჭამა ჭირი

იქ შესვლამ. ხომ ხედავ, აფხაზეთი და სამაჩაბლო დამოუკიდებელ სახელმწიფოდ გამოგიცხადა რუსმა.

– მე მაინც არ მესმის, მირიან, რა გვჭირს. ნუთუ ვერაფერს გავხდებოდით?

– ჯარი უკან გააბრუნეს და ჩვენ რას გავხდებოდით რუსეთთან. ერთი დანჯღრეული „ბეტიერი“ გვყავდა ზუგდიდში. 10 აგვისტოს დავქოქეთ მე და ჯოტო ჯიქიამ, დავსვით ზედ ჩვენი უბნის შვიდი ბიჭი. ავტომატები ვისაც გვექონდა, საბარგულს ამოვაკარით ქვემოდან, ვისაც – არა, ქე იჯდა გულხელდაკრეფილი პანაშვიდზე მიმავალივით. მივადექით ენგურის ხიდს. რა ვეხვეწეთ, რა ფული ვაძლიეთ რუსებს, მარა ვინ გაგიშვა.

– იქიდან ხომ კარგად უშვებენ აფსუებს, ამ საცოდავი ხალხის სახლების გადასანვაგად.

– იქიდან იცოცხლეთქვა, უშვებენ. ჩვენაა, რომ გვიკრავენ ხელებს. შენ მინაში რაა ის იცი გელა და ამას ვერ მიხვდებოდი, რა თამაში მიდის?

– მე მარტო მაგას კი არა, სხვასაც ბევრ რამეს ვარ მიმხვდარი, მაგრამ თავს ზემოთ ძალა არაა. ყოველ შემთხვევაში მაგის გარჩევის დროც დაუდგება ქვეყანას. შენ ეს მითხარი, რა ვქნათ, ვიყოთ ასე?

– რამე გაქვს მოფიქრებული სანმოხონო? – ჰკითხა მირიანმა.

– მოფიქრებული რა. მოვილაპარაკოთ-მეთქი, ჩემი ჭკუით, რა გზას დავადგეთ.

– რას გააკეთებინებ, თუ ძმა ხარ, ამ შეშინებულ ფარას.

– მთლად ასეა ვითომ საქმე?

– მე გეტყვი, საქმე როგორცაა. ჭაჭიას ბიჭი მოკლეს გალში რვა სექტემბერს. შემოგვითვალეს იქიდან, ათასი დოლარი მოიტანეთ და გაგატანთ მკვდარსო. მომადგა ჯანკა ჭაჭია – მოკლულის ბიძა. შენ უნდა დაადგა თავი მაგ საქმესო. კი, ბატონო, მე ვუთხარი. გამოყავით სანათესაოდან ორი კაცი და გამომყვეს, დღესვე წავალთ, მე ვუთხარი. როგორ ფიქრობ, რა მოხდა? იმხელა სანათესაოდან ორი კაციც ვერ მოძებნეს. დავგხოცავენო, შეეშინდა ყველას და ყველა იქ შეიძრა, შენ რომ იცი. მარტო ხომ არ წავალ მკვდრის ჩამოსასვენებლად? ხელში ხომ არ ავიყვან იმ უბედურს, მე ვუთხარი. ბოლოს მარტო მომიწია წასვლამ. გაუკვირდათ აფხაზებს. თვითონ შემიკრეს საკაცე და თვითონ გადმომიყვანეს ენგურზე. იმათ არ შეშინებიათ, ჩვენებს შეეშინდათ, კაცო. ჭირისუფალს შეეშინდა. შვილი ჰყავს მკვდარი. მეტს რას დაკარგავს. ა, ასეთი ქვეყანა გვაქვს, ასეთი ხალხი გყავს შენ.

– რა ვიცი. მე მაინც არ მგონია მთლად მასე დაკარგული იყოს ყველაფერი. შენ ისტორიკოსი კაცი ხარ აბა, ტყუილია ვითომ ის ცოტნე დადიანი და გიორგი სააკაძე, ის სამასი არაგველი და ცხრა ძმა ხერხეულიძე?

– ვერ გეტყვი. ერთ დროს, ალბათ, იყვნენ, კი. ერთ დროს ალბათ, ვიყავით რალაცა, მაგრამ ახლა რასაც ხედავ, ესაა.

– რუსია, რუსი ჩვენი უბედურების თავი და თავი. რუსისაა, რომ ეშინიათ, თორემ აფსუა და ოსი რას გვიზამდა ჩვენ.

– კი მარა, ამ რუსის ჩეჩენს რომ არ ეშინია? ინგუშს რომ არ ეშინია? ჩერქებს რომ არ ეშინია?!

– ეტყობა, კიდევ გვაკლია რალაც თავზე ხელის აღებამდე. ჩანს, ჯერ კიდევ არ ვართ ისე გამწარებული, როგორც უნდა.

– მეტი გამწარება რალა გინდა გელა, თვალნინ ცოლს უბახებენ კაცს და იმის მაგივრად, რომ კბილებით ყელი გადაუღრღნას გადამთიელს, თბილისში ჩადის და თავის გაუპატიურებულ ცოლთან ერთად „პალმოლივ საპონს“ და „სნიკერსს“ ჰყიდის.

– რა ჰქნას აბა?

– ყველა ამას ვკითხულობთ, გელა, რა ჰქნას, რა ჰქნასო. აღარ მჯერა უკვე, ერთად, შეთანხმებულად თუ რამეს შევძლებთ. დავკარგე იმედი და მომკალი, თუ გინდა. რამდენიც დავთქვით რამე ხუთმა კაცმა, შპიონობით და გაცემით დამთავრდა ყველაფერი. ქვეყანა შენ შემოგყურებს; სანამ ვიყოთ ასე, არ მოვილაპარაკოთ, არ დავადგეთ რამე გზას?

– მე ბჭობა-თათბირი დამთავრებული მაქვს, ჩემო მირიან, ნყლის ნაყვია ეგ ყველაფერი. გითხრა სიმართლე, ჩემი საქნარიც მოფიქრებული მაქვს.

სტუმარმა ცოტა ხანს იყუჩა, ყელთან შეკავებული დუმილით.

– მირიან, სამურზაყანოში მინდა ხვალ გადავიდე. დავხედავ, ერთი, იქაურობას. თუ კაცი ხარ, ძველი ტანსაცმელი, ჩექმები და ზურგჩანთა გამომზადე... არ შეგეშინდეს, სისულელეს არაფერს ჩავიდენ. ჩემი თვალთ მინდა ვნახო, რა გვჭირს.

– მარტო ხომ არ გაგიშვებ, გამოგყვები – მასპინძელს ცუდად ენიშნა „სისულელეს არაფერს ჩავიდენ“.

– სწორედ მარტო მინდა გადასვლა. შენ არ გაგიყოლებ. შენ გიცნობენ. გადავალ, ცოტას მივივლ-მოვივლი და დავბრუნდები ორ დღეში. შენ სანდო კაცი მიმასწავლე, ლამე რომ გამათევინოს.

– მაშინ ვინმეს გაგაყოლებ, ხამად ხარ აქეთ, გზები არ იცი.

– არა, არა, შენს თავს ვფიცავარ, მარტო უნდა წავიდე. ასეა ჩემი საქმე...

განთიადამდე ენთო იმ ღამეს მირიან გერსამიას ბუხარში ცეცხლი. ტაბლას ორნი უსხდნენ.

„არა, არა, ასე გაგრძელება არ ეგების. ეს ძილი ერის სიცოცხლის დასასრულს ნიშნავს. რაც ჩემი ცხოვრებით ვერ შევძელი, ჩემი სიკვდილით უნდა შევძლო“.

დილით ბონდის ხიდზე რომ მიიღწეოდა, ეს ხმა ზარივით რეკავდა გელა კირთაძის ყურებში.

\* \* \*

ჯავშნოსან მანქანაზე ათიოდე ჯარისკაცი იჯდა. ავტომატჩაბლუჯულები, მზისგან გარუჯულნი... დაღლილი სახეები ჰქონდათ. მორიგი ოპერაციიდან ბრუნდებოდნენ.

ოტობაიას ჩამოსახვევთან მანქანას შარვალაკაპინებულმა, მიმინოსთვალემა, ზურგჩანთიანმა მოხუცმა ხელი აუწია.

ჯავშნოსანი გაჩერდა.

– ჩავო ტებე?! – ჰკითხა კაბინიდან თავგამოყოფილმა ზემდეგმა. თუ შეიძლება, ტრასამდე ჩამიყვანეთო.

– ტი კტო, აბხაზეც, ილი გრუზინ?! – ბღვერით მოუნაცვლა კითხვა გვერდით მჯდომმა.

– კანეჩნო, აბხაზეც. გრუზინ ზდეს ნეტ ი ნე ბუდეტ! – ცრემლიდან ძალად გაიღიმა მგზავრმა.

– დაი ბოგ, დაი ბოგ, სადის ატეც. ეი, ვი ტამ, ზასრანცი! პრიმიტე აბხაზცა! – ასძახა საბარგულში ჩამწკრივებულ ჯარისკაცებს ათმეთაურმა.

როგორც შეძლო, მსუბუქად შეხტა საბარგულზე და შუაში მოკლათდა.

ორასიოდე მეტრი რომ გაიარეს, ერთმა ჯარისკაცმა მოხუცის ხელში ხელყუმბარა შენიშნა.

– ტი ჩტო! – შიშით იყვირა მან და განწირულივით დაიღრიალა:

– რებიატა!

მაგრამ უკვე გვიან იყო.

2010  
თბილისი

# ასარჩევნი

	თავი პირველი	
აპრილი.....		5
	თავი მეორე	
ომი.....		56
	თავი მესამე	
მეტეორი .....		101
	თავი მეოთხე	
„ნუგეშის“ რედაქტორის მისაღები.....		234
	თავი მეხუთე	
იყვენით სრულ... ..		386
	თავი მეექვსე	
მწუხრი .....		467

**РЕВАЗ МИШВЕЛАДЗЕ**  
**ИЗБРАННЫЕ ПРОИЗВЕДЕНИЯ**  
в 25 томах  
ТОМ XIV

Издательство „Сакартвелос Мацне“  
Тбилиси 2013